




UNIVERSITY OF TORONTO




3 1761 01482047 6


UNIV. OF
TORONTO
LIBRARY






Digitized by the Internet Archive
in 2010 with funding from
University of Toronto









7
—

PUBLICATIONS OF THE
PRINCETON EXPEDITION TO ABYSSINIA





AnF
L7814 pu

111

PUBLICATIONS OF THE
PRINCETON EXPEDITION TO ABYSSINIA

BY

ENNO LITTMANN

VOLUME III

LIEDER DER TIGRĒ-STÄMME:

TIGRĒ TEXT.


537345
31.3.52

LATE E. J. BRILL LTD.
PUBLISHERS AND PRINTERS
LEYDEN — 1913.

ሕና፡ ሕላይ፡ ቱ፡ መልሀይና፤ ለሕና፡ ወሀቱ፡ ንትጋሜ ።
ሕዳግ፡ እልና፡ ቱ፡ ደብ፡ ዐይና፤ መልሀይ፡ ለእቡ፡ ንትፋኔ ።
ምን፡ ግይዐት፡ ተሌና፤ ወእት፡ አስማጥና፡ እንካሬ ።

GEORG JACOB

DEM LEHRER UND FREUNDE.



EINLEITUNG.

Da Band IV der *Publications of the Princeton Expedition to Abyssinia* mit freundlicher Zustimmung meines Freundes ROBERT GARRETT in deutscher Sprache erscheint, so sind auch Einleitung und Noten zu Band III in derselben Sprache abgefasst.

Die Sammlung, Vorbereitung, Übersetzung, Commentierung der Tigrē-Lieder, die hier veröffentlicht sind, hat viel Zeit und viel Mühe gekostet. Bereits im Jahre 1901 sandte mir R. SUNDSTRÖM, der um die Erforschung Nordabessiniens so hochverdiente Missionar, eine Sammlung von über 200 Liedern nach Princeton, N. J., wo ich mich alsbald bemühte in das Verständnis dieser wichtigen Literatur einzudringen. Auf dem Orientalistenkongresse in Hamburg konnte ich einiges Wenige über sie mitteilen, wie aus den *Verhandlungen des XIII. Internationalen Orientalisten-Kongresses*, S. 273, zu ersehen ist. Eine wirkliche Erforschung war jedoch ohne Hülfe eingeborener Erklärer unmöglich. Ich wartete daher, bis sich mir hierzu Gelegenheit bot.

Inzwischen sammelte Herr SUNDSTRÖM weiter. War die erste Sammlung von den Mitgliedern der schwedischen Mission, u. a. auch von Herrn G. RODÉN, gemacht, so begann jetzt Herr SUNDSTRÖM auch selbständig aufzuzeichnen und aufzeichnen zu lassen. Ich schickte ihm eine von mir hergestellte

Abschrift der ersten Sammlung zu, die er dann an vielen Punkten ergänzte und verbesserte.

Als ich mich im Jahre 1905 auf der Reise nach Abessinien in Rom befand, hatte Herr CONTI ROSSINI, dem die Wissenschaft schon so viele hervorragende Beiträge zur Kenntnis Abessiniens verdankt, die grosse Güte mir die von ihm gesammelten Tigrē-Lieder zur Veröffentlichung zu überlassen. Ich nahm sie nach Abessinien mit, konnte aber erst später nach meiner Rückkehr zur Bearbeitung kommen.

Endlich beteiligte sich auch der unvergessliche Naffa^c wad ʿEtmān, dem ich in Vol. I dieser *Publications*, S. XII f. Blätter der Erinnerung gewidmet habe, an der Sammlung. Sodann nahm ich auch noch in Cairo von einem Mänsa^c-Jüngling, den ich zufällig dort traf, zwei Lieder auf.

Die ganze Sammlung von 717 Liedern, die hiermit der Öffentlichkeit übergeben wird, setzt sich also folgendermaassen zusammen. Alte Sammlung, von den Mitgliedern der schwedischen Mission vor 1901 gesammelt: 195 Lieder; neue Sammlung, von Herrn SUNDSTRÖM neu aufgezeichnet oder von ihm verbesserte Stücke der alten Sammlung: 360 Lieder; Sammlung CONTI ROSSINI und NAFFA^c: 160 Lieder; dazu zwei Lieder, in Cairo aufgezeichnet (Nr. 716 und 717).

Einige Bemerkungen zur Orthographie und Interpunktion der Tigrē-Texte mögen hier ihre Stelle finden. Im allgemeinen habe ich natürlich dieselben Regeln befolgt wie in Vol. I; dort sind sie auf S. XIV f. näher beschrieben. In der Orthographie habe ich nur eine einzige Änderung eingeführt: ich habe das *a*, das im Silbenauslaut vor einer vokallosen Laryngalis immer kurz gesprochen wird, nun auch wirklich mit kurzem Vokal geschrieben, also **Ḍḡḳḳ**, **ḳḡḳḳ** u. s. w. Es sei noch ausdrücklich darauf hingewiesen, dass beim Sprechen manche Abweichungen, namentlich satzpho-

netischer Art, von dem geschriebenen Wort vorkommen. So wird manches *t* vor stimmhaften Konsonanten wie *d* gesprochen. Am Anfange eines Wortes wird es oft einem folgenden Konsonanten assimiliert, so dass man z. B. **†ḏḏḏḏ** *ddāmmala* ausspricht. Oder die Mundartikulation des *t* fällt weg, und es bleibt nur der nachfolgende leise Hauch, so dass man **†ḏḏ** wie *ḥwāddē* spricht. Ausführlicheres darüber wird in der Grammatik gegeben werden. — Bei der Interpunktion habe ich mich wieder auf die drei Zeichen **‡**, **‡** und **‡** beschränkt, doch so dass **‡** nur als Zeichen der Cäsur verwendet wird, also am Ende von Halbversen und Drittelversen steht, während **‡** in der Regel am Ende der Verse steht, mit Ausnahme der Fälle, in denen der Sinn sich über mehrere Verse erstreckt. Das Zeichen **‡** steht am Ende von Fragen. Der Gebrauch von Bindestrichen zwischen zwei Worten und die Schreibung von enklitischen Worten sind leider etwas inkonsequent. Ich bin da im allgemeinen dem mir vorliegenden Manuskript gefolgt und habe die nicht von Herrn SUNDSTRÖM aufgezeichneten Texte danach normiert. So sind z. B. die Wörtchen **ḏḏ** »auch«, **ḏḏ** »also, doch« immer mit dem vorhergehenden Worte zusammengeschrieben, während **†**, **ḏ** u. s. w. für sich stehen, trotzdem sie dynamisch ähnlich zu beurteilen sind wie **ḏḏ** und **ḏḏ**. Aber bei einer Schriftsprache muss eben normiert werden, müssen Kompromisse geschlossen werden. — Darauf dass **ḏ** »o« oft zu **ḏ** verkürzt und dann mit dem folgenden Worte zusammengeschrieben wird, sei besonders aufmerksam gemacht; da kann es leicht mit **ḏ** »und« verwechselt werden.

Einige beobachtete Druckfehler von Vol. III werden am Ende von Vol. IV, B zusammengestellt werden.

Eine von NAFFA^c auf meine Bitte und nach meiner Anweisung verfasste Einleitung zu der Tigrē-Poesie sowie prinzi-

pielle Erörterungen über die Stämme, den Fürsprech, die Ausstossung und die Sklaverei folgen diesen einleitenden Worten.

NAFFA's, meines treuen Helfers, sei auch hier gedacht. Mein herzlicher Dank sei den Herren R. SUNDSTRÖM, C. CONTI ROSSINI und R. GARRETT ausgesprochen.

Strassburg, Oktober 1913.

ENNO LITTMANN.

መአተዩ ።

ናይ ፡ አምር ፡ ሕላይ ፡ እት ፡ ምድር ፡ ትግሬ ።

እሊ ፡ አምር ፡ ሕላይ ፡ ምን ፡ ዘበን ፡ በዲር ፡ ክም ፡ ቱ ፡ ልብሎ ።
 ወለዘይድማ ፡ እብ ፡ ዘበን ፡ በዲር ፡ ብዙሕ ፡ ሐለው ፤ አዜማ ፡ ገሌዲ ፡
 ሐሉ ፡ ደአም ፡ ሐድ ፡ ቱ ። ከለሐይለት ፡ ለናይ ፡ ዘበን ፡ በዲር ፡ ምን ፡
 ለሀይ ፡ ለሀይ ፡ እት ፡ ልጸብሎ ፡ አስክ ፡ እላ ፡ ምን ፡ ሐሳብ ፡ ብዝሓም ፡
 ልትሐሌ ፡ ሀላ ። ከሓይለት ፡ እሙራም ፡ ሐዳም ፡ ቶም ፤ ደአም ፡
 ብዙሕ ፡ ክም ፡ አፍገረው ፡ ልትበሀል ። ሀቶም ፡ ኖሶም ፡ እት ፡ ለ
 ሐሉ ፡ ክእኛ ፡ ወዳ ፡ ዐለው ፡ ልብሎ ፤ እብ ፡ አጫብዎም ፡ እዘኖም ፡
 እንዶ ፡ ለጸሞ ፡ እብ ፡ ውቐል ፡ ክርን ፡ ሐሉ ፡ ዐለው ። ለእሱ ፡ ሐሉ ፡
 ምስምሳ ፡ ምን ፡ ብዙሕ ፡ ሞላድ ፡ ቱ ፤ ክእኛ ፡ ለመሸል ፤ እብ ፡ ለዘ
 በን ፡ ወእብ ፡ ለምድር ፡ ወእብ ፡ ገደባታት ፡ ወደመምል ፡ ወእግል ፡
 ሐመዶት ፡ ለሓጥራም ፡ ወፈዳይብ ፡ ቱ ። ወምን ፡ ክል ፡ እናስ ፡ ለእ
 ግሉ ፡ ሐሉ ፡ ገሌ ፡ ሀያብማ ፡ ረክቦ ፤ ከገሌሀምዲ ፡ እብ ፡ ለሕላዮም ፡
 እግል ፡ መምበርሀም ፡ ለለአኸል ፡ ረክቦ ። ለሕላዮም ፡ እት ፡ ሰልፍ ፡
 እብ ፡ በይኖም ፡ ለሐሱቦ ፡ ወሐር ፡ ላታ ፡ እት ፡ ገጽ ፡ ከሉ ፡ ሐልዎ ።
 ወሐትሐቲ ፡ እዋን ፡ እብ ፡ ሀምገም ፡ አጊድ ፡ ሐሉ ። እብ ፡ ለሐይለ
 ቶም ፡ እት ፡ ቅብላት ፡ ናይ ፡ ሕድ ፡ በልሶ ፡ ምንማ ፡ ሱብ ፡ በናቢን ፡
 ገባይል ፡ ገሱእ ። ወሀዬ ፡ ናይ ፡ ሕድ ፡ እግል ፡ ልጸብሎ ፡ ፈቱ ፡ ከጸ
 ብሎማ ። — ብዕዳም ፡ ሓይለትማ ፡ ሀላው ፤ ሀቶምዲ ፡ እግል ፡ ማል ፡

ልርከቦ : ኢሐሎ : ምንግ : ለምስምሳ : ለእሹ : ሐሎ : ክም : ለናይ :
 ለእሙራም : ቱ :: ገድም : እብ : ለሕላዮም : ማል : ኢነሹእ : ወኢ
 ሐዙማ ፤ ደአም : ሐሎ :: ወሀቶምማ : እብ : ለሕላዮም : እት : ገጽ :
 ሕድ : በልሶ :: ከገሌ : ምኖምዲ : ብዙሕማ : ሐለው : አክል : ለናይ :
 ለእሙራም : ሓይለት :: ወለብዕዳም : ላታ : ሐድ : ሴጣ : ሐለው ::
 ለሓይለት : ክሎም : እብ : ጅምላ : እት : ለሐይለቶም : ጦጣ : ዎሮት :
 ብዙሕ : ረዩም : ወካልእ : ሀዩ : ብዙሕ : ሐጨር : ልትረከቦ ፤ ወእ
 ሎም : ሕድት : እዋን : ጸኑሕ :: ከእት : ልትሐለው : ለረዩም : ጦጣ :
 ክምሰል : ሂጋ : ልቡሎ : ወእግል : ለሐጨር : ጦጣ : ላታ : እብ :
 ገበይ : ቃና : ልስሐብ : አክል : ለረዩም : እግል : ልግበእ :: —
 ምን : ለሓይለት : ክሎም : እንዶ : ሰምዐው : እግል : ለሕላይ : ለጸ
 ብጦ : ሀለው :: ለሕላይ : እግል : ልጽበጥ : ለሐዛ : እት : ለሓይላይ :
 ገይስ : ከልብሎ ፤ “ እላ : ለትመሽል : ሕላየት : እግልዬ : አጽብጠኔ :: ”
 ወሀቱ : ሐድ : ሰለስ : ማ : አርበዕ : ዶል : እብ : ምሀለቱ : ሐልያ :
 እሎ :: ሐር : ለጸብጣይ : እሻ : እሻ : እት : ቀደም : ለመጽብጣዩ :
 ሐልያ :: ወሰኒ : አመረያ : ምን : ገብእ : ለሓይላይ : “ ገድም : ጸበጥ
 ክሃ : ” ልብሎ :: ወክእኛ : እብ : ለትመሽል : ገበይ : ምን : ሓይላይ :
 ማ : ምን : ጸብጣይ : እግል : ለሐይለት : ልትመሀሮ :: ወሐትሐቲ፣ :
 እዋንማ : ለሓይለት : ኖሶም : እግል : ለሕላዮም : እግል : በትጽብጦ :
 ሐዙ : ከእግል : ለላሻም : እንዶ : አምሀረው : ለትውሩሶ :: ሐር :
 ምን : ለሰብ : ለሐይለት : ለወርሰው : ብዕዳም : ሀዩ : ጸሰጦ :: ወእ
 ብ : ክእኛ : ለሀይ : እግል : ለሀይ : እት : ለወርሶ : ለሐይለት : ልት
 አከብ : ወእት : ክል : አካን : እሙር : ገብእ :: ወሀዩ : ገነድብ : ሐ
 ያለትማ : እሹላ : ገበይ : ቱ : ለአስክ : አዜ : ለሀላ :: ምን : ለዋርሰት :
 ሕላይ : ብዙሕ : ለጸብጠው : ልትረከብ : በሀለት : ምን : ሕበርበሮ :
 ሐይለት : ሐድ : ምእት : ማ : ክልኦት : ምእት :: ደአም : ገሌ : ምን :

ለዋርሰት : ለሕላይ : ልትጊገው ፤ ወህቶም : ምን : ክል : ክታር : ም
 ሮት : ቃል : ለበዱ : ማ : ሀዬ : አካናት : ለአጥዋግ : ባድሎ : ምክ :
 ምን : ክል : ሕላየት : ገሌ : ደንግቦ : ማ : እት : እዛም : ለቃል : ኖሱ :
 ብዕድ : እብ : ፈረንጎት : ለመሸሎ : ወዱ ። ምን : ለሐይለት : ኖሶም :
 ማ : ምን : ለዋርሰቶም : ክል : ሕላየት : መን : ክም : ቤላ : ወሀዬ :
 እሸዬ : ዘበን : ወእግል : መን : ክም : ትበሀለት : ወናይ : አዬ : ም
 ድር : ክም : ታ : እምርት : ታ ። ለእግሎም : ሐሎ : ለሰብ : ሐጥራም :
 ወፈዳይብ : ለገአው : ብዙሕ : ዶል : ክም : ለሐይለት : ለልቡሎም :
 ቱ : በሀለት : እብ : ለሕላይ ፤ ክምሰልሁ : ወዱ : ወልትአዘዘ : ነብረ
 ው ። ለሐይለት : እብ : ክእና : ለመሸል : አውካድ : ሐልዎ ። ለሰብ :
 ገበይ : ጋይሳም : እት : እንቶም : ላሊ : እት : ከደን : ምን : ልትመ
 የው ፤ መገዲት : ወዱ : ወእት : ስምጡ : ልትጋሰው ፤ ወለእዋን :
 ለሕላይ : ለለአምር : እንዶ : ረምቀዎ : ማ : እብ : ኖሱ : ሐሌ : እ
 ሎም : ወለብዕዳም : ለትንስዎ ። ወክምሰልሁማ : ላሊ : እት : ክዋና :
 አሐሆም : እት : ለዐቅቦ : ማ : እት : ክዋና : ግርሆም : ወሀዬ : ላሊ :
 ግናዘት : እት : ለዐቅቦ : ወእብ : ላሊ : ንጃፍ : ክምሰልሁ : ሐሎ : ል
 ትመየው ። ወገሌሆምዲ : ምን : ለሕላይ : ለለአምሮ : ላሊ : ክላ :
 አስክ : ምድር : ጸብሕ : ለሐሎ : ልትረከቦ ። ወእምበል : እሊ : እብ :
 ብዕድ : አውካድማ : ሐሎ ። ለሐይለት : እብ : ለሕላየም : እኸይ :
 ማ : ሰኒ : ምን : ልብሎ ፤ ለቀትሎምዲ : አለቡ : እምበል : ገሌ : አ
 ትፈራረህ ። እሊ : አምር : ሕላይ : አዜዲ : ክም : ዘበን : በዲር : ብ
 ዙሕ : ኢኮን ፤ እት : ልውሕድ : ገይስ : ሀላ ። ወእብ : ዘበን : አዜዲ :
 ምንማ : ሐሎ ፤ ጋሩ : ኢወዱ : ወእመር : ኢኮን ። ደአም : ለገንድብ :
 ሐይለት : አስክ : እላ : ብዙሕ : ሀላ ።

ገሌ : ተውሳክ ።

ፋረጎት : ለሐይለት : ብዙሕ : መአተዩ : እግል : ልግበእ : እሉ : ምን : አትሐዛ : አዜማ : እሊ : ትወሰክ ። መአምረት : ሕላይ : እብ : ዘበን : በዲር : ለዐለው : ገሌሆም : ሕላዮም : ሰኚ : እሙር : ውበ ዙሕ : ቱ : ምንማ : ሐድ : ሌጣ : ትከትባ : ምኑ ። ከሉብዕዳምማ : መአምረት : ሕላይ : ብዙሕ : ሐለው ፤ ደአም : ምን : ለአክትበት : ድግም : አፍ ። ለዘይድ : ለሰምዐክ : ቦም : እሎም : ቶም ፤ በሀለት : ለሕላዮም : እሙር ።

ምን : ቤት-አብርሃ ። 1) አውዐላ : ወድ : መሐሙድ ። 2) ዕም ራን : ወድ : ከረም-በዝሕ ። 3) ቅጡም : ወድ : ሐማድ ። 4) መሐ ሙድ : ወድ : ዐምዴስ ። 5) እያይ : ወድ : አግዳባይ ። 6) ሕሙድ : ወድ : መሐሙድ ። 7) ገርማርያም : ወድ : ገብራይ ።

ምን : ቤት-ሸሐቀን ። 1) ገላይድስ : ወድ : ቴድሮስ ። 2) መሐ ሙድ : ወድ : እዛዝ ። 3) ፍቅሪት : ወድ : ሰሮም ። 4) አንጠጣ : ወድ : ትጃር ። 5) ወድ : ገደም ።

ምን : ክልኤ : ማርያ ። 1) ነጫቢ : ወድ : አርበድ ። 2) ሐሙድ- ሉል : ወድ : ዕጂል ። 3) ሓምድ : ወድ : ሸንገብ ።

ምን : ዐድ-ትማርያም ። 1) ዐሊ : ወድ : ፋይድ ። 2) ዕመር : ጥዑም ። 3) ኖር : ወድ : ገሙሕ ። 4) ዕመራይ ። 5) ዕትማን : ወድ : ሕሙድ-ስዒድ ።

ምን : ሐባብ ። 1) አሚር : ወድ : ገሰህ ። 2) ዐሊ-ጃንጌ : ወድ : ሕሙድ-ድራር ።

ምን : ዐድ-ተክሌስ ። 1) መሐሙድ : ወድ : ግርማት ። 2) ሓ ምድ : ዐማር ። 3) ሰዓ : ወድ : ድራር ።

ምን : ቤት-መዐላ : ወቤት-በዐሾ :: 1) ሕመድ : ግሩብ :: 2) ተኩሽ : ወድ : መሳ ::

ምን : ጅመዳን :: ናገት : ወድ : አክቲ ::

ምን : በናቢን : ዐጅታት :: 1) ሕመድ-ኖር : ወድ : ሺተል-በተሩ :: 2) ወድ : ሰሊመቶ :: 3) መሐመድ : ወድ : ሼካይት ::

ገድም : እምበል : እሎምማ : ትኩቸበው : ብዕዳምማ : ሐይለቶም : እመር : ብዝሐም : ልትረከቦ :: ወለበዝሕ : ምን : ለሐይለት : እት : ኩሉ : ምድር : ትግሬ : እመር : ቱ ::

ሀዬ : ገሌ : መቅልጣ : እግል : ለሰላሞታት : ዲብ : አንስ :

እት : ለሐይለት : ለልትረከብ ::

እት : ለበዝሕ : ምን : ለሐይለት : ለሰላሞት : እት : እሴት : ልትረከብ :: ወእሊ : ክም : ስርዐት : ሕላይ : ትለመዳ : ምን : በዲር : ከሰላሞት : እት : ለእሴት : ክም : ትበጽሕ : ማ : ምን : ኢትበጽሕ : ሴማ : ጋር : ኢወዳ :: ወለመሰልማይማ : ስምጥ : ለሐይላይ : ምን : ሀሌ : ወምን : ኢሀሌ : ወሐርማ : ምን : ለበጽሕ : እግል : ለሰላሞት : ማ : ምን : ኢለበጽሕ : ጋር : አለቡ :: ከእሊ : ክም : ስርዐት : ሴማ : ክም : ወሰከዎ : እመር : ቱ :: ወሀዬ : ለመሰልማይ : ሕላይ : ምን : ጸብጥ : ማ : ምን : ኢጸብጥ : ወግርዝ : ምን : ገብእ : ማ : ዐቢ : ክም : ስርዐት : ሴማ : ምን : ገአ : ኢሐስቦ : ቡ :: ደአም : ለመሰልማይ : እናስ : ምን : ገብእ : መስኒ : ማ : ስነት : ምክ : መሃጅክ : ማ : ወድ : ዐድ : እግል : ልግበእ : ለትሐዜ : በሀለት : “ ሰልም : ” ክም : ቤለዎ : ለኢልትቀጽብ :: ወእግል : ለክእኛ : ለኢገአ : “ ሰልም : ” ምን : ልቡሎ : ሰኒ : ኢልትዐሉብ : ልትበአሶ : ቡ :: ደአም : እግል : ለመሰልማይ : “ እግል : ምድ : እናስ : ሰልም : እልና ” : ምን : ልቡሎ : እኩይ : ኢኮን : ሰኒ : ቱ ::

ሰበት : ለገባይል : እት : አምዳር : ትግሬ : ለሀላ ።

መአተዩ ።

እብ : ገባይል : እት : አምዳር : ትግሬ : ለሀላ ፤ ቀደም : እላማ :
 ለትከተባ : ወአክላ ። ደአም : እቡ : ሰኒ : እግል : ለለተፋሽር : እግ
 ል : ልትቀለዕ ፤ ለአዜ : ለተሌ : ልትወሸክ : ሀላ ። መወልድ : ለገባ
 ይልዲ : ምን : ለሐይለት : ማ : አድጋማት : ሰኒ : ኢልትፈጠን ።
 ለሐይለት : እብ : ለገባይል : እት : ልትሃገው : ለበጥር : ሂጋ : ኢወ
 ዱ : ሐቴ : ዶል : ክእኖ : ልብሎ : ወብዕደት : እዋንማ : ብዕድ ። ሰ
 በት : እሊማ : ለሰብ : ዐድ : ኖሶም : እግል : ለሂጋ : ሐይለት : ክም :
 ውሐዝ : ናይ : ማይ : ጸዐዳ : ዐሉብ ፤ ለሐልፍ : ቱ ። ወእሊ : እሙር :
 ቱ ፤ ለሐይለት : እግል : አትጋራም : ወወዐዝ : ብዙሕ : ክርዳድ :
 ክም : ወስኮ ። ገድም : እሊ : አምዳር : ትግሬ : ለናይ : ቅብለት :
 ምድር : ሐቡሽ : ቱ : በሀለት : ምን : ሐማሴን : ገጹ : እት : ምውዳ
 ቅ : ጸሐይ : እግል : ለለትቅብል : እብ : እንክር : ድማኑ : ቱ ። ወእ
 ስሌማይ : እት : ምግብ : ሐማሴን : ምን : ነብር : ቅብለቱ : ቱ ። እ
 ትሊ : አምዳር : ገዝእ : ለዐላ : ሐጸይ : ከበሳ : ቱ ። ሐር : ላታ : ም
 ስርያማ : ገዝአቶ ። ወአዜ : ላታ : ሐንቴ : መንገስ : ጠላን : ቱ ።

ፍንታዮት : ፍንጌ : ሽማገሌ : ወትግሬ ።

እት : ለትወዐዛ : አምዳር : ሽማገሌ : ወትግሬ : ነብሮ ። ሄ : ሽማ
 ገሌ : ለቃል : ምን : ሂጋ : አምሐራ : ትነሸአ : እብ : አምሐራ : “ ሽ
 ማግሌ ። ” በሀለት : አቤር : ማ : ግንዳብ : ቱ : እት : ለምድር : ለገን
 ደባ ። እሊ : እግል : Nobile መሸል ። ጆ : ትግሬ : በሀለት : ሰብ :
 ምን : ምድር : ብዕድ : እብ : ዐለዮ : ለመጽአው : ደአም : ሐር : ሰብ :
 ምድር : ትግሬ : ለገአው : ማ : ምስሎም : ለልትዐለቦ : ቶም ። ገድ

ም : በዲር : ምን : ክፊል : ምድር : ትግሬ : ኢዐለው ፤ ለበዙሕ : ም
 ኖምዲ : ምን : ሐማሴን : ትከረው : ወገሌ : ምን : ምድር : ዐረብ :
 መጽአው ፤ ከለስሞም : ምን : ለሂጋ : ትግሬ : ፈግረት : እሎም ፤
 በሀለት : ምስል : ሰብ : ምድር : ትግሬ : ምን : ተሐበረው ። መሰል ፤
 እብ : ሂጋ : አምሐራ : “የትግሬ : ሰው” : በሀለት : እናስ : ምድር :
 ትግሬይ : ቱ ። ክምሰልሁ : እብ : ትግረንያ : “ትግሬዋይ” : ምክ :
 “ትግሬውታይ” : በሀለት : እናስ : ምድር : ትግሬይ : ቱ ። ለትግሬ :
 ገድም : Civile ቱ ።

ለሸማገሌ : ለልትበሀሎ ፤ አስማዮም : ወለምኙ : መጽአው : ክእ
 ኖ : ቱ ። 1) ዐድ : ናይብ ፤ ሞላዶም : በለው : ቱ ። በለው : ወከለው :
 ሐቆ : ሶባ : ወኖባ : ቃንጻት : ዐለያ : መናግስ : እት : እንተን ። ወሐ
 ር : ክልኢተን : በደያ ። ወትረኛ : በለው : ለእመር : ዐድ : ናይብ :
 ቱ ። ህቶም : ሰብ : ባጽዕ : ቶም : ወእብ : ዘበን : በዲር : ምን : ትርክ :
 ወምን : ምስርያ : ሒለት : ራክባም : ዐለው ። ከለብዕዳም : ሰብ :
 ምድር : ትግሬ : ማል : እንዶ : ሀይቦ ፤ ምኖም : ሐትሐቴ : እዋን :
 ለክንትብነት : ረክቦ : ዐለው ። — 2) መንሰዕ : ቤት : አብርሄ ፤ አብዕባ :
 ምን : ምድር : ዐረብ : ማጽእ : ቱ : ልትበሀል ። ወሐር : እትሊ : ም
 ድር : ክም : ሐድረት ፤ ምኖ : ለልጅቆባ : ገቢለት : ዜን : ወገቢለት :
 ቤት : ዓርባይ : ዐለያ ። ከቤት : አብርሄ : እግል : ቤት : ዓርባይ : ክ
 ትልት : ዐለት ። ወሐር : ላታ : እግል : ቤት : ዓርባይ : ወእግል : ዜ
 ንማ : ከይነት : እንዶ : ወዴት : እብ : ሸፍ : አብዴትን : ወምድረን :
 ወርሰት ። ወምን : ቤት : ዓርባይ : ወዜን : ለተርፋ : ትግሬ : ገአ :
 ወእግላ : ትከተላ ። ክትል ፤ እሊ : ቃል : እሊማ : ምን : ሂጋ : አም
 ሐራ : ፈግራ ፤ “ተከተለ” : በሀለት : መሊህዩ : ገአ : ተለዩ : ማ : ጸር :
 ገአው : ማ : ምስል : ተሐበረው : ቱ ። — 3) ቤት : ሸሐቀን : [እሸሐቅ] :
 አብዕባ : ሐ : አብርሄ : ቱ : ምን : ሐድ : ትፈንተው : ከክልኤ :

ገቢለት : ገአው :: ሸሐቀን : እት : ለምድር : እንደይ : ሐድር ፤ ቀደ
 ሙ : እት : ለምድር : ገቢለት : ዛውል : ወጠቀር : ሓድረት : ዐለያ ::
 ከዛውል : ክላ ፤ እንደ : ገሜት : “ክል : ዎሮት : አድጉ : እብ : ለመ
 ርሐዩ : ታ : ልግዐዝ” : ትቤ : ከትፈንጠረት : ወበደጎት :: ወሐር :
 ሸሐቀን : ጠቀር : እግል : ልትከተል : ክም : መጽኢ ፤ እብ : ጎማት :
 ቅዌት : ለጠቀር : እግል : ለጋሻይ : በሀለት : እግል : ሸሐቀን : ትከ
 ተለት :: ከቤት : ሸሐቀን : ለምድር : ምን : ዛውል : ወምን : ጠቀር :
 ወርሰቶ :: ወዛውል : ወጠቀር : ትግሬ : ገአው : ወቤት : ሸሐቀን :
 ሸማገሌ ፤ ከለምድርዲ : ገሌሁ : ናይ : ጠቀር : ቱ : አዜማ :: — 4) ክ
 ልኤ : ማርያ ፤ አብዕባን : ማይሩ : ሐ : መንስዔይ : ቱ :: ለምድር : ማ
 ርያ : በዲር : ቤት : ዘርኡ : ሓድረት : እቱ : ዐለት :: ወሐር : በዐል :
 ገጽ : ቤት : ዘርኡ : እት : አብሁ : ትደመላ ፤ ከሐቴ : ምዕል : እት :
 ስተይ : ዐጀመያ : ወእት : ንሕስ : ዐቢ : አተያ : ከሰኒ : ደብአ : እታ ::
 ወእግል : ለንሕስ : ዓነዱ : እንደ : ናቀላ : አውደቀዩ ፤ ለንሕስ : እት :
 ልወድቅ : ክእና ፤ ቤላ ፤ “ነፍሲ : ጥፍኢ : ምስ : አልፎ” :: ወምን :
 ቤት : ዘርኡ : እብ : ሓይል : ማይል : ለደሐና : ወሀዬ : ከደን : ለጸ
 ንሓ : ሐር : እግል : ማርያ : ትከተላ : ወገሌሁ : ትፈንጠራ : ወትግ
 ሬ : ገአ :: ወማርያ : ለምድር : ወርሰት : ወሸማገሌ : ገአት :: —
 5) ቤት : አስገዴ : [ውላድ : አስገዴ :] ማ : ሰለስ : መፍለስ ፤ አብዕባ :
 አስገዴ : ምን : ከበሳ : ትከሯ :: ወእት : ለምድር : ለሐባብ : ሓድር :
 እቱ : ለሀላ ፤ በዲር : ቤት : በሐይላይ : ለትትበሀል : ገቢለት : ሓድ
 ረት : ዐለት :: ወሐር : ቤት : በሐይላይ : ናዳ : ወዴት : እግል : ትት
 ፈንጠር : ወሕያይታ : ለዔረት : እት : ሸፍር : ታተለታ : ወፍርት :
 እት : ከደን : ሐድገታ : ከትፈንጠረት : ወበደጎት :: ወሐባብ : ለም
 ድር : ወርሳ : ወሸማገሌ : ገአ :: ወለምን : ቤት : በሐይላይ : ለተርፋ :
 ትግሬ : ገአ :: ወክምሰልሁ : ዐድ : ተክሌስ : ወዐድ : ትማርያምማ :

ምን : ብዕድ : ክም : ወርሰዎ : አመሽል : በሀለት : ለምድሮም :: ወ
ክምሰልሀ-ማ : ቤት : ጀራብሩክ : [ቤት : ዘርእ : ብሩክ] :: እሎም :
ክሎም : ለትሳመው ፤ ሐር : ብዕድ : ገባይል : እንደ : ተግላ : ለመ
ጽኢ : ተሓበራ : ምስሎም : ወክል : ምኞም : ለእት : ለክፈሎ : ለሐ
ድራ : ምስሎ : ልትዐላብ : ደአም : እብ : ስም : ሸማገሌ : ወትግሬ :
ልትበሀሎ :: ለትግሬ : ምን : ለብዕድ : አምዳራት : ክም : መጽአው :
እግል : ለሸማገሌ : ልትከተሎ : ዐለው : ልብሎ :: ሐርዲ : ሰብ : ለ
ምድር : እግል : ለጋሻ : ኢልትገዋንዎም : አግዳ : ክም : ሐው : ገ
ሱእ :: ሰሸት : መትሃዳይ : ለበዙሕ : ምኞም : መወልድ : ገአው ::
እብ : መትሃዳይ : ምን : በዲር : ሐብራም : ቶም ፤ ደአም : ለማል :
ስመይ : ናይ : ለአዋልድ : ለሸማገሌ : በዝሕ ፤ እሊ : እት : ለስርዐት : ሀ
ዳይ : ልትርኤ :: ፋርዳይ : ለገብእ ፤ ከንቴባይ : ማ : ሸዩም : ለልትበ
ሀል : ቱ : እሊ : ምን : ንጉስ : ልሸዩም : ማ : ምን : ማሪ ፤ ወእቺ :
ልሻበከ : ወእሹ : ለኢአቀንዳ : እንደ : ሰርፋ : ገይስ :: ለሰበካ : “ጸጋ :
ከንቴባይ” : ልብሎ : እታ ፤ ዲቡ : እግል : ልትጋዩሶ : ክም : ሐዘው ::
እት : በጽዕ : ላታ : “ ቅሳመት : ናይብ ” : ልብሎ :: ወክል : ዎሮት :
እብ : ጋር : ኖሱ : ምስል : ዋንሁ : ልጃገግ : እት : ልትባጠሮ :: ለት
ጃገግ : እሲት : ገአት : ምን : ገብእ : ላታ : ገጃ : እንደ : ገልበበት :
ስምጥ : ለመሐበር : ከፍ : እንደ : ትቤ : ትትሃጌ :: ለፋርዳይ : እግል :
ጋሻይ : ወበዐል : ዐድ : ወእግል : ዐቢ : ወንኡሽ : ወእግል : እሲት :
ወእናስ : ሐቴ : ቱ ፤ ሰሸት : እሊ : ልብሎ ፤ “ ሐቅ : ሐቅ : ረሺ : ቱ ” :
ወክእኖማ : ምን : ኢገብእ : ክል : ዶል : ለእቺ : ሰርፎ : ሀላ :: —
እት : መንሰዕዲ : ልብሎ ፤ ቀደም : ሰማን : ማ : ስዕ : ትውልድ :
ዎሮት : ፋርዳይ : መሓሪ : ወድ : ሐወጮ : ለልትበሀል : ክም : ዐላ ፤
ወእሊ : በዐል : ሐራም : ወጸውያይ : ክምሰልሀ : አስክ : እላ : ኢቀ
ንጸ :: ከመሓሪ : እግል : ለሰብ : ዐድ : ገዜ : ወእግል : ለጋሻ : ጸዌ : ዐላ ::

ሰሰት ፡ እሊማ ፡ አጊድ ፡ በዳ ፡ ወአካን ፡ ቀብሩማ ፡ ኢተአመረት ።
 ገድም ፡ ለምድር ፡ በሀለት ፡ ለቀሪም ፡ ናይ ፡ ገሌ ፡ ምን ፡ ለሸማገሌ ፡
 ቱ ። ገሌሁ ፡ ምን ፡ በዲር ፡ እብ ፡ ውርስ ፡ ለነስአዎ ፡ ማ ፡ ሐር ፡ እብ ፡
 ዝቤ ፡ ለረክበዎ ። ወገሌሁ ፡ ናይ ፡ ገሌ ፡ ምን ፡ ለትግሬ ፡ ቱ ፤ እብ ፡
 ማሎም ፡ ምን ፡ ለሰብ ፡ ለምድር ፡ ለትዛበዎ ። እት ፡ ቤት ፡ አብርሃዲ ፡
 ለምድር ፡ ምብዝሐ ፡ ናይ ፡ ቤት ፡ አሸዛ ፡ ቱ ፤ ሐር ፡ ለብዕዳም ፡ ም
 ኖም ፡ ትዛበው ፡ ወገሌ ፡ እብ ፡ ህያብ ፡ ወርሰዎ ። ከገሌ ፡ ምን ፡ ለሸ
 ማገሌ ፡ ወገሌ ፡ ምን ፡ ለትግሬ ፡ ቀሪም ፡ አለቦምማ ፡ ሀላው ። ገድም ፡
 እንዶ ፡ ዐለው ፡ እት ፡ ለአምዳር ፡ ትግሬ ፡ ለሐድረው ፡ ገባይል ፡ ወ
 አዛን ፡ ወአፍሪዕት ፡ አስማዮም ፡ ወነሰቦም ፡ አዜ ፡ ተሌ ። ደአም ፡
 አዜ ፡ እት ፡ ለአምዳር ፡ ትግሬ ፡ ገሌሆም ፡ ብዝሐም ፡ እት ፡ እንቶም ፡
 ሀላው ፤ ወገሌሆም ፡ ሐዳም ። ወክል ፡ ምኖም ፡ ቤት ፡ አብሁ ፡ አ
 ምር ፡ ወምስላ ፡ ጠርቕ ።

1) ሕዳረብ ፤ አብዕቦም ፡ ምን ፡ በርካ ፡ መጽአ ፤ ምን ፡ ሚን-ዓምር ፡
 ቱ ። ወሚን-ዓምር ፡ ምን ፡ ምድር ፡ ዐረብ ፡ ማጽአት ፡ ታ ፡ ወአስክ ፡
 እላ ፡ እት ፡ በርካ ፡ ሀሌት ። — 2) ለኝ ፤ አብዕባ ፡ ምን ፡ ሐማሴን ፡
 ትከራ ፤ ወለአብዕቦም ፡ ለመጽአ ፡ ምኖ ፡ ገቢለት ፡ አስክ ፡ እላ ፡ እት ፡
 ሐማሴን ፡ ሀሌት ። ከእሎም ፡ ምን ፡ ሐማሴን ፡ ለትከረው ፡ ለኝ ፡ ወ
 ራት ፡ ውጥነት ፡ ጸብጠው ። — 3) ቤት ፡ ዘርኡ ፡ አብዕባ ፡ ምን ፡
 ከበሳ ፡ ትከራ ፤ ወለምኖ ፡ ትከራ ፡ ገቢለት ፡ አስክ ፡ እላ ፡ እት ፡ ሐማ
 ሴን ፡ ሀሌት ፡ ደቂ ፡ ዘርኡ ፡ ትትበሀል ። — 4) ዛግር ፡ አብዕባ ፡
 ምን ፡ ከበሳ ፡ ትከራ ፤ ወለአብዕቦም ፡ ለመጽአ ፡ ምኖ ፡ ገቢለት ፡ አ
 ስክ ፡ አዜ ፡ እት ፡ ሐማሴን ፡ ሀሌት ፡ ወዛግር ፡ ትትበሀል ። — 5) ጉ
 ሪታት ፡ አብዕባ ፡ ምን ፡ ከበሳ ፡ ትከራ ፤ ወለአብዕባ ፡ ለመጽአ ፡ ምኖ ፡
 ገቢለት ፡ አስክ ፡ እላ ፡ እት ፡ ሐማሴን ፡ ሀሌት ፡ ወጉሪታት ፡ ትትበ
 ሀል ። — 6) ዜን ፤ አብዕባ ፡ ምን ፡ ከበሳ ፡ ትከራ ፤ ወለአብዕባ ፡

ምን : ምድር : ዐረብ : መጽሐፍ ፤ ጅንሳ : መሻይክ : ቱ ። — 38) ዐድ : ቀደዴ ።

ገድም : እምበል : እሊ : ትሳማማ : ብዕዳም : ገባይል : ወአንፋር : ልትረከብ ፤ እብላ : እዋን : አስማዩ : ለተሐብዳ : ምንዬ ፤ ወክል : ምሮት : እብ : ገባዩ : ጸኑዕ : ወክቡር : ቱ ። ከኩሉ : ለእት : አምዳር : ትግሬ : ለሀላ : ገባይል : ሰብ : ለምድር : ወገባይል : ለጋሻ : አክል : ሕድ : ገብእ : ያ : ለጋሻ : በዝሕ ። ለክንትብነት : ወጭቆነት : እት : ምሮ : ምሮት : ፈረዕ : ናይ : ለሽማገሌ : ተን ። ለብዕደት : ሰብ : ምድር : ወኩሉ : ለጋሻማ ፤ እግል : መንገስ : ጠልብ : ወመምበሮሁ : እብ : ሐርስ : ታ ። እብ : ዘበን : በዲር : ለክንቲባይ : ለገብእ : ወሀዬ : ሞጣይ : ወቀሽ : ኢጠልቦ ፤ አዜ : ላታ : ህቶምማ : ጠልቦ ።

በዐል : ንሻል ።

ክል : እናስ : በዐል : ንሻል : ቡ ፤ እግል : ሽማገላይ : ሽማገላይ : ሀላ : ወእግል : ትግራይ : ትግራይ : ሀላ ። ገድም : ክል : እናስ : ወአት : ማ : ብዕራይ : አክል : ለሐርዳ : ለንሻል : ወመንካ : እግል : በዐል : ንሻሉ : ሀደሾ : ወ “ በዐል : ንሻልዬ : እገሌ : ቱ ” : ልብል ። ሀዩብ : ለንሻል : ክል : ምሮት : እግል : ለእሉ : ሐራ : ቱ ፤ ወምስል : በዐል : ንሻሉ : ለተሐማ : ሀዩብ : ለንሻል : እት : ምሮት : ብዕድ : በደሎ ። ከአስክ : ከንቲባይማ : ምን : ገብእ : ንሻሉ : እግል : ብዕድ : ሀደሾ ። ሐር : ለንሻል : ለሀዩብ : እት : ሂጋ : መጸጋማ : ሰዳዮት : ምን : ሐዜ : ልብል : “ በዐል : ንሻልዬ : እገሌ : ቱ : ጸገቼ : እግሉ : ሀብክዋ ” : በሀለት : “ እት : እሃምዬ : ልትሃጌ ” ። ወ ለንሻል : ወመንካ : ለልትሀዩብ : ደቆባ : ምን : ገብእ : ልጃገግ : እሉ ። ደአም : ሀዩብ : ለንሻል : ወለመንካ : ለበዝሕ : አውካድዲ : ክም :

ስርዐት ፡ ሌጣ ፡ ቱ ፡ ምንማ ፡ ለሃይባይ ፡ ሰዳዩት ፡ ለኢተትሐዝዮ ፡ ገ
ብእ ። ወእሊማ ፡ ውዳይ ፡ እሊ ፡ ክም ፡ ክትል ፡ ማ ፡ መትካታል ፡ ቱ ፡
ለልትዐሊብ ።

ስቆ ።

እብ ፡ ናይ ፡ ስቆ ፡ ኩሉ ፡ ለእሉ ፡ ወዳ ፡ ሰኚ ፡ ኢክመርዴኮ ፤ ደ
አም ፡ ክእኛ ፡ አመስል ። ክል ፡ እዝን ፡ ምስል ፡ ጠርቅ ፡ ተሀይብ ፡ ወ
ሰብት ፡ ሕድ ፡ ትትገደብ ። ደአም ፡ ምን ፡ ለቤት ፡ አብ ፡ ዎሮት ፡ ክል ፡
ዶል ፡ ስሕት ፡ ምን ፡ ገብእ ፡ ወሰብቱ ፡ ብዙሕ ፡ ዶል ፡ ምን ፡ ልትገ
ደቦ ፤ እግል ፡ ልትከረፅ ፡ ገምዎ ፡ ወምን ፡ ኢስምዖም ፡ እንዶ ፡ ገመ
ው ፡ ሰቆቆ ፡ በሀለት ፡ እት ፡ ቀደም ፡ ኩሉ ፤ “ሑና ፡ ኢኮን” ፡ ልብሎ ፡
ወጭሬመት ፡ ማ ፡ ቀጥፈት ፡ እት ፡ ዕጫይ ፡ ሰቆ ፡ ወክእኛ ፡ “ሰቆቅናሀ” ፡
ማ ፡ “ምንእና ፡ ፈንቴንሀ” ፡ ልብሎ ። ወሐር ፡ ለትሰቆቃ ፡ ውዳዩ ፡ ምን ፡
ሰኚ ፡ እብ ፡ ደግማንማ ፡ እት ፡ ቀደም ፡ ኩሉ ፡ “ሑና ፡ ቱ” ፡ እግል ፡
ሊብሎ ፡ ገብእ ።

ገብር ፡ ወዳዳ ።

ገብር ፡ ወዳዳ ፡ ሐኔ ፡ ቶም ፤ ደአም ፡ ምን ፡ ለገብር ፡ ገሌ ፡ ዳዳ ፡ አኸ ፤
በሀለት ፡ ለገብር ፡ ሐራ ፡ ፈግር ፡ ወለዳዳ ፡ ሐራ ፡ ኢፈግር ። — እብ ፡
ዘበን ፡ በዲር ፡ ለሰብ ፡ ሐብሽ ፡ ክም ፡ ለኢለትካርም ፡ ቀውዕ ፡ እግል ፡ ባ
ይራ ፡ ወኸንቅላ ፡ ዘምቶ ፡ ዐላው ። ወለእሉ ፡ ገሮ ፡ ወዴወ ፡ አዳም ፡
ሐር ፡ ልዘቤ ፡ ዐላ ፤ ወጸኃብ ፡ ለገአው ፡ ምን ፡ እሊ ፡ አረይ ፡ እሊ ፡
ልዘበው ፡ ዐለው ። ከእሊ ፡ ክብት ፡ እሊ ፤ ገሌ ፡ እት ፡ ለጸገሙ ፡ ምን ፡
ትደምዐው ፡ ወገሌ ፡ እብ ፡ ማሎም ፡ ምን ፡ ትዘበዎ ፡ ወገሌ ፡ እብ ፡
ህያብ ፡ ረክበዎ ። ከእሊ ፡ ክብት ፡ እሊ ፡ እት ፡ አምዳር ፡ ትግሬማ ፡

ደኛ ። ከእብ ፡ ዘበን ፡ በዲር ፡ ለአግብር ፡ ወለአማት ፡ ናይ ፡ ገልገሌ ፡
 ምን ፡ ለሸማገሌ ፡ ወናይ ፡ ገልገሌ ፡ ምን ፡ ለትግሬ ፡ ዐለው ፡ ልብሎ ።
 ሐር ፡ ላታ ፤ ምን ፡ ዘበን ፡ ምስትንጅር ፡ ባሻ ፡ እንደ ፡ አንበታ ፡ ወአ
 ግዳ ፡ እብ ፡ ዘበን ፡ መንገስ ፡ ጠላን ፤ እሊ ፡ ወራት ፡ እሊ ፡ ክም ፡ ለ
 ዝላም ፡ ለመጽሐፍ ፡ ዐዳጋ ፡ አጊድ ፡ ትረኛዓ ፡ ወከሉ ፡ ረአሱ ፡ በዳ ።

ሐይለት ፡ መንሰዕ ፡ ቤት-አብርሃ ።

1

አውዐላ : ወድ : መሐመድ ::

እግል : ጀግድ : ወድ : ዐገባ : ለቤሻ ::

1 ወድ : ዐገባ : ወድ : ጀግን ፤ እሊ : ጋድም : ለሕጻኑ ::

መርከብ : ምስግሪ : ቱ ፤ ዋትድ : እንቱ : ስካኑ ::

ደሰእ : ገደቦ : ቱ ፤ ካሞ : ዲቡ : ወካሩ ::

ሀይብ : ዲባ : ምን : ቤቱ ፤ ወዘብጥ : ዲባ : ምን : ማሉ ::

5 “ክሉእ : ወስከው” ፤ ፋግረት : ኢኮን : ምን : ቃሉ ::

ሐዋን : ላቱ : ናይቶ ፤ ሓበኖቱ : ወአክባሩ ::

ወድ : ክስቴናይ : ወጽኑዕ : ቱ ፤ በዲርማ : ጋንን : ታ : ስቃሩ ::

በዲር : ታ : ጥልት : ለሐረቱ ፤ ወበዲር : ብዙሕ : ቱ : ለኣካሉ ::

በዲር : ሰኒ : ቱ : ፍራዱ ፤ እት : ለዐዱ : ግዳሩ ::

10 አመስለማ : አብ-በፍታ ፤ ልስኔ : ዲብና : ለዘባኑ ::

በዲርማ : ዋልእ : ቱ : ወናጊ ፤ ሼክ : መሐመድ : ለሕዋሩ ::

ወስር : ረክብ : ወክትፈት ፤ እሊ : ዳውራይ : ለፊታ : እሉ ::

እብ : ብሶቱ : አምሴና ፤ ወእብ : ለበኪት : አስራሩ ::

እብ : እዳን : ለምስግዱ ፤ ወእብ : ለጎር : ለድማኑ ::

2

እግል : ሀይገት : ለቤሻ ::

1 ዎ : ጸርና : ሀይገት : ኢትስአው ፤ ክል : መስከባ : ትሰከና ::

ዐድ : ትማርያም : እት : ከሬር ፤ ወእት : ለሮራ : አምሐራ ::

ትፋና : ባ : ወድ : ጸብር ፤ ቤለው : ምንዲ : ሐወና ::

አለቡ : ሐድጋ ፤ እላ : እንደይ : ተሐለላ ::

5 ለሰብ : ሰኒ : ነብራ ፤ ከኢለቀርብ : ጀፈራ ::

እላ : ቅርብ : ምግግዛ ፤ መአዜ : ሸልሐ : ትዘርዘራ ::

ወእላ : ቅሩብ : አርዛቃ ፤ ማያ : ቅሩብ : ወሰዐራ ::

እላ : ብዙሕ : ንዋያ : ታ ፤ እብ : ክል : ቃረት : ተሃረራ ::

ወእላ : ብዙሕ : ሔሳሳ : ታ ፤ መድሀንታ : ክምሰል : ትካዩላ ::

10 ወእላ : ብዙሕ : አዳማ : ታ ፤ መከሊታ : ሸንገላ ::

እት : አውል : ወእት : ከረም ፤ አክል : ለፍጉር : ተዐለላ ::

ሕምሳ : ወለት : ተትሀዴ ፤ ወሕምሳ : ሕጸን : ሸንገላ ::

ቀይም : ፍግረት : አግዐሮ ፤ ዐዳጋሃ : ወዕለላ ::

ርብዐት : ርብዐት : ሐረስቶት ፤ ሰብ : መሳራት : ሐጸራ ::

15 ደነሻል : ለእርግሄ ፤ እብ : ለጎይላ : ዋቀላ ::

እላ : ታ : ግርዐት : ተንቡካት ፤ እብ : ሸዒራ : ወሰዐራ ::

እላ : ታ : ምንሕት : ደባይር ፤ ለባይት : ምኖ : ትደረራ ::

ገሌ : ለክዕን : ቀዋቅል ፤ ሕንቁቅ : ዲቡ : ናወላ ::

ወገሌ : ለሞግያ : ጠፋጥፍ ፤ ወገሌ : አይረት : ደጎላ ::

20 እላ : ታ : ለጸላም : ትነብራ ፤ እብ : ድዋር : ለመክለላ ::

መሸይበት : ወዳውረት ፤ እት : መናግእ : ያበራ ::

ድዋር : ለፈያቴብ ፤ እት : ለሸታ : ተሐደራ ::

ድዋር : ለተገሪት ፤ ገለጸቱ : ትካዩላ ::

ወእላ : ታ : ግሰት : አፍ-ሐራን : በዲር : ሐልፈት : ታ : ለመሰላ :

25 እብ : ሐንጻጸ : ወእብ : ካሳት : ለአምያሳቶም : ሐንዘራ ::

ለተገሪት : ራትያታት : እት : ሕድ : ሐቆ : ጋዘላ ::

አለቡ : ሰሜኸ : ደንጎባኸ : ቱ : አውዐላ ::

አቡካ፡ ከርከፍ፡ እት፡ ልብል ፤ እሊ፡ ቱ፡ ገድም፡ አበራ። ።
ወአቡካ፡ ላሊ፡ ኢሰክብ ፤ ቀመት፡ ሰአና፡ ምንግ፡ አክረራ። ።

3

እግል፡ ከንቴባይ፡ ቴድሮስ፡ ወከንቴባይ፡ ብእምነት፡ ለጌላ። ።

I ለዝዕዬ፡ ግሩም፡ ዲብ፡ እንቱ፡ ቱ፤ አዜ፡ ዳምር፡ ወሐለዩ። ።
አና፡ ምንግ፡ እብሎ ፤ እበን፡ ወዕጨይ፡ ኩብደዩ። ።
ረአሹ፡ ምንዲ፡ ትነትሐ፡ ቱ፤ ለአጽፋር፡ እበን፡ ጋድአዩ። ።
አዜ፡ እግል፡ ለዓዱሎ፡ ቱ፤ ኩሩብ፡ ሐጨር፡ እደዩ። ።

5 ኢከልእ፡ ወድ፡ እድሪስ ፤ ማጤ፡ እግል፡ ለሐዘዩ። ።
ኢሰከ፡ ወድ፡ እድሪስ ፤ ታይብ፡ ቱ፡ እግል፡ ለትበአሰዩ። ።
አይባት፡ አክባት፡ ብዲቡ ፤ ለጋድም፡ ንዋይ፡ መልአዩ። ።
ሐለጎታት፡ ለድዋሩ ፤ አሽሐት፡ ግልጻ፡ መጽአዩ። ።
ኢሀላ፡ ደኢኮኔ ፤ ከአፎ፡ በርድ፡ ለሐደዩ፡ ።

10 ቀሪም፡ ትግሬ፡ ተሐርሾ ፤ ክል፡ ቤት፡ ክምሰል፡ ትሸንሀዩ። ።
ጸጋይ፡ ለፈኸ፡ ኢለሐዜ ፤ ክል፡ ገባይል፡ ወዐዘዩ። ።
ፈዳብ፡ ለዐገብ፡ ኢልክህል ፤ ገብር፡ እግል፡ ለገብረዩ። ።
ሰለስ፡ ዙቨ ፤ እግል፡ ለሐቴ፡ ዋረዩ። ።
ለብዕራይ፡ ሐርስ፡ ክስቴናይ ፤ አክል፡ እሊ፡ መን፡ ረአዩ፡ ።

15 ለክስታን፡ ንዋይ፡ ማጥያ ፤ ለእስላም፡ አግማል፡ ጸዕነዩ። ።
በዲር፡ ህቱ፡ ትወላዳ ፤ ወተርፍ፡ አዜ፡ ሐድገዩ። ።
ህቱ፡ ሐምስ፡ አስልሐ ፤ ረቢ፡ ምንዲ፡ ሀበዩ። ።
ገሀተልዲ፡ በኑ፡ ልጃገም ፤ እሊ፡ መንግ፡ ወሀድገዩ። ።
ለእባ፡ እት፡ ሰብ፡ ዐዱሎ ፤ ኩሉ፡ ምንዲ፡ አበዩ። ።

20 መዐታር፡ ምንዲ፡ ሰአና፡ እሎም ፤ ለሸልሐ፡ እንዶ፡ ከልአዩ። ።
ግንሐት፡ ስሉሲ፡ ቱ፤ ረቂቅ፡ መአዜ፡ ጸንሐዩ፡ ።

- “ገድዐንሁ” : እት : ልብሎ : ቱ ፤ ጸበጥንሁ : ለእደዩ ።
- “ሐጥዐንሁ” : እት : ልብሎ : ቱ ፤ ገድም : ማላት : ሐግለዮ ።
- “ጋምሐንሁ” : እት : ልብሎ : ቱ ፤ ሸንቅር : እንዶ : ሰጥረዩ ።
- 25 “ሰወርንሁ” : እት : ልብሎ : ቱ ፤ ሐንዴ፡ እንዶ : ገልዐዩ ።
 አሰኛይ : ዐላ : ምን : ምክሔ ፤ ኩሉ : ሐቆ : ሰምዐዩ ።
 እት : ልብሎ ፤ “አግሐጻ” ፤ እበን : ጸሊም : ሰአነዩ ።
 ንወር : መምበር-ሀረድብ ፤ እት : ቤት : ማርያም : ሰርሐዩ ።
 ፈዳብ : እሙ : ቲለዶ ፤ ለእሳ : ሸሻ : ታ : ገበዩ ።
- 30 እሊ : መንማ : ወዐራ : ቡ ፤ ተልሃ : ቡ : ከኖሱ : አብደዩ ።
 ለበስዋት : ጥሉል : ዓሙዳ ፤ እት : ክል : መክሩህ : ደክዩ ።
 ሐጻ : እግል : ለብልዐኛ ፤ ለነገስ : ሸፍር : ሀበዩ ።
 ቀንጽ : ለእሉ : ተናክፍ ፤ ወመይት : ለህቱ : ረግመዩ ።
 ለእሉ : ልትዐድዐድ ፤ ኩሉ : ረአሱ : መን : ረአዩ ።
- 35 ሸማገላይ : ወትግራይ ፤ መን : ቱ : “ልእቱ” : ቤለዩ ።
 እሊዳ : ኖሱ : ቱ : ዕዳሉ ፤ ወእሊዳ : ረሺ : ቱ : መሊህዩ ።

4

ዳምር : ወድ : ግብግን : እግል : ከንቴባይ : ብእምነት : እት : ቅብላታ : ለቤሻ ።

- I ገሀተል : በኑ : ልጃገም ። አማኑ : ቱ : አውዐላ ።
 ገሀተል : ከናተን : ቱ ፤ ዕልብ : ሚ : ቡ : ለዐሸራ ።
 ገሀተል : ሐረምዝ : ቱ ፤ ፎቲብ : ለክርብ : መንጠላ ።
 ገሀተል : ህያበን : ቱ : ጀቅፎ : ምኑ : ክም : ዘራ ።
- 5 ገቢለት : ልጃገም ፤ ንዋያ : ቱ : እሊ : ትገንፈላ ።
 ሰብ : ዐዲ : ልጃገም ፤ ኢትስምዕም : እብ : በራ ።
 ክልኦት : ስልጣን : ልጃገም ፤ ክደመት : በጥር : እት : ነሐራ ።
 ሐቆ : “ሕሮዶ” : ሱተሉ : ቱ : እሊ : ትሰሐላ ።

ወሐቆ፡ “ኸኖቆ” ፤ ሐብሉ፡ ቱ፡ እሊ፡ ትሰቅላ ።
 10 ወሐቆ፡ “እሶሮ” ፤ ኸቤን፡ መምባ፡ መቅደላ ።
 ኸመት፡ ነስእ፡ ወጋሚ፡ ጀግ፡ ለሀሸ፡ ወዐመላ ።
 ምን፡ ተሐት፡ ምን፡ ለሰለቅን፡ ወምን፡ ለዐል፡ ምን፡ ለአምሐራ ።
 ወድ፡ ሐጸነት፡ መወላድ፡ ቱ፡ መብረዳ፡ ፋግር፡ ወዘሐላ ።
 ክምሰል፡ ከራ፡ ግልባቦ ፤ ወእድሀ፡ ክምሰል፡ አፍገራ ።
 15 ድሩይ፡ ገይዳት፡ ገላግል ፤ ኸልሐ፡ አድማይ፡ ዛረራ ።
 ተርፋ፡ ምኑ፡ እብ፡ ብጣር ፤ ላማ፡ እሉ፡ ጋደላ ።
 ዎ፡ መሊሀይ፡ ከብድ፡ መምባካ ፤ ሕፋን፡ ሀላ፡ ስረራ ።
 ለውዕለኛ፡ ምን፡ ገባ ፤ ወምን፡ ንጠር፡ ለዐስተራ ።
 እሸ፡ ቤታ፡ ለቤታ ፤ እሸ፡ ላማ፡ ደረራ ።

5

እግል፡ ከንቴባይ፡ ብእምነት፡ ለቤላ ።

1 ናይር፡ ዲብ፡ አቡካ ፤ አዜ፡ መን፡ ቱ፡ ተዐድል ።
 ወለወድ፡ እም፡ ረክብ፡ ቱ፡ ወለውላድ፡ ከቸር ።
 እንዶ፡ ነዛነዙ ፤ እት፡ ለነሐሮም፡ በጥር ።
 እምበል፡ ቀሸብ፡ ሐዬ ፤ ወእምበል፡ ተካብ፡ በጥር ።
 5 እሊ፡ አብደልፍኣ ፤ አስማ፡ ወአገድር ።
 እሊ፡ ሰማይ፡ ልሹ ፤ ለእላ፡ ቤላ፡ ገብር ።
 ደብር፡ ለየታይሞታት ፤ ክል፡ ቤት፡ ዳራ፡ ትወጭል ።
 አና፡ እግል፡ ዙፅ፡ ትግሬ ፤ ምን፡ ፈቂዱ፡ ሚ፡ እውዕል ።
 ላሊ፡ ጎማም፡ ብዬ ፤ ለቀባታቹ፡ ዐሸር ።
 10 ላሊ፡ ሀጅክ፡ ብዬ ፤ መሐበር፡ ምንዲ፡ ዐግል ።
 ወግደእ፡ ጽፍር፡ ብዬ ፤ እዬ፡ ሚ፡ አለነብር ።

እግል : ከንቴባይ : ቱድሮስ : እት : ለሐምጆ : ለቤሻ : ሕላየት ::

I ባይራይ : ቢሻ : ቱ : ወድ : ዕሉም ፤ ኢፒቦሎ : ተአሰራ ::
በየእ : እት : አልጉግ ፤ ግርግራ : ወወሐላ ::

ፈጋር : ምን : አብሐር ፤ ወምን : ለፀል : ምን : ለአምሐራ ::
ሸሊ-ሚሊ : ቱ : ከንቴባይ ፤ መአዜ : አዝወዓት : ዋቀላ :

5 ሀተል-መተል : ቱ : ከንቴባይ ፤ ክም : ኢወጄ : ተሐሸራ ::
ወኢሐሸ : ከንቴባይ ፤ ከብዱ : አክል : ከንፈራ ::

ኢልትዐንደቅ : ከንቴባይ ፤ እብ : ዘነንብ : ደላላ ::
መምባ : ወለት : እም-ደርዓይ ፤ ወለሕታ : ክምሰልሃ ::

መምባ : ቀይሕ : ወጸሊም ፤ ለፈርፈር : መአዜ : ትገጃላ :

10 ዲብ : እንዳ : ለወግሬተት ፤ ዎሮ : በኑ : አብሸላ ::

ሀዳይ : ከንቴባይ ፤ ዕልቡ : መአዜ : ተአመራ :
ዕወር : ወሐንኪሽ ፤ ምን : መርገም : ትደረራ ::

ዋቅየት : ግድረት : እዴሃ ፤ ወዕጅም : ትነብር : እብ : ነሐራ ::
ኢብርድ : ተገሪት ፤ ምንግ : ጅቅፍ : ምን : ዘራ ::

15 “ምን : ሚ : ሐረስ” : ኢልብል ፤ ክል : ቤት : ለእላ : ጅረራ ::
መትብእሳዩ : ቀብሾ ፤ “ሐጭራ” : ልብል : “ወጀሀራ” ::

ሐር : ሀቱ : ልትዐወት ፤ ከናፍር : ክምሰል : ተሓጨራ ::
ጸባብ : ዛምት : ቱ : ከንቴባይ : ወተንፈቅ : ዛምት : ምን : ለፀላ ::

ዘማት : አይባባ ፤ ማሞታቱ : ጸገራ ::

20 ውላድ : ለመንገአት : ከስታ : ለሞዳይ : ክምሰል : ሰጠራ ::

አለብኩም : ጥራይት : ክል : ቤት : ሐረት : ታ : እብ : በፀላ ::
“እበልዕ” : ወኢቤላ : ብእምነትግ : ለእላ : አፍገራ ::

ኩሉ : ሀይብ : ከንቴባይ : እምበሌዬ : አውፀላ ::
እብ : ውሕርና : ኢኮኔ : ኖሼ : አከይ : ዐመላ ::

7

እግል፡ ተስፋምኬል፡ ወድ፡ አፍታይ፡ እት፡ ለሐምጆ፡ ለቤሻ፡ ሕላየት።

- I ምን፡ ሀሌ፡ ተስፋ-ምኬል ፤ ለአድሀይ፡ ክእኛ፡ ወኢጃአካ።
 መርእ፡ ቡ፡ ዲብ፡ ለንሻሉ፡ ምን፡ ሀይብ፡ ማሉ፡ ወአፍለታ።
 ትርክ፡ ጸላም፡ ልትጋመር፡ ወምን፡ ለዐል፡ ንጉስ፡ ከበሳ።
 እግል፡ ቀሪመት፡ ወገማ፡ ክል፡ ቤት፡ ትሕረስ፡ ገርሀታ።
- 5 እግል፡ ትግራይ፡ ወገማ፡ ሕጉዝ፡ ቱ፡ ዴዋን፡ ለሰታ።
 እሊ፡ ጋድም፡ ለእናሱ፡ ወእላ፡ ሸመት፡ በዐል፡ ረአሳ።
 ሀጅክ፡ ምስል፡ አብ-ስተል፡ ታ፡ ወገበይ፡ ምስል፡ ናከሻ።
 ለሀዳይ፡ አብ-ስተል፡ ምስል፡ በልዓ፡ ወሰታ።

8

እግል፡ ክንቴባይ፡ ነጋሲ፡ ለቤሻ።

- I ምን፡ ዐድ-ተክላይ፡ ሀረሳ፡ ከጎና፡ ገአት፡ ምዕዳሩ።
 ላሊ፡ ክላ፡ ረመያ፡ አራብ፡ ለቡቱክ፡ አስራሩ።
 እት፡ አንፉ፡ ወደይ፡ እድሪስ፡ ነፍሱ፡ ወማሉ።
 ኬማ፡ አቡኪ፡ ምክር፡ ሰምዕ፡ ማ፡ ኢሩሉ፡
- 5 “እላ፡ ቤላ”፡ ልቡሎ፡ ጅመል፡ ኢኮን፡ ንሻሉ።
 “እላ፡ ወዳ”፡ ልቡሎ፡ እግል፡ ልቅቶሎ፡ እት፡ በገሉ።
 እብ፡ ሐክሉ፡ በትከዎ፡ እንዶ፡ አብቅዐው፡ ለመሳሩ።
 እብ፡ ውላዱ፡ ቀትለዎ፡ ለውሀር፡ ምን፡ ለኢጋሉ።

9

እግል፡ ሀይገት፡ በሀለት፡ ጋድም፡ ገሱብ፡ ለቤሻ።

- I ሀይገት፡ በዲር፡ ርኤና፡ ጸሓያ፡ ወዝላማ።
 እንዶ፡ ተስተናትን፡ ደብና፡ ለመሐላባ።

ቀይም : ለሮራ : ትፈግር ፤ ከትደኝን : እብ : ዕያባ ::
ኩሉ : ሕበር : አቴ ፤ እክላ : ወቅራባ ::

5 እብ : ለአዛን : በደዕት ፤ ነግሮ : እብ : ለሃባ ::
እብ : ዐድ-እድሪስ : በደዕት ፤ ፈቱ : መክካባ ::
እብ : ወድ : ገብሬስ : በደዕት ፤ ጸብር : በዐል : ላባ ::

“ ገላቡባ ” : ቤላ ፤ ሐርማ : ሚ : ኢትፋና : ባ :
ብእምነት : ቱ : በዐል : ለቀጸራ ፤ ወውላድ : አስቀራ : ባ ::

10 አሚር : ወነጋሲ ፤ አተው : እብ : ስላባ ::
ኖሼ : ዲብ : ዙዕ : ትግሬ ፤ ዲብ : ሚ : ቱ : ለመዐጃባ ::

1 ምኒት : ሚ : ቡ : ክምሰልሃ : በደዕት : ወሰብኢ : ትልሃ : ባ ::
ዓሊ : ላቱ : ተትከትል ፤ ሐጽር : ዲብ : ለረዐዳባ ::
ገሌ : እብ : ለግርጋሬ ፤ ወገሌ : እብ : ለአትራባ ::
ርብዐት : ርብዐት : ልትከረዕ ፤ አብኩር : ዕማጽ : ለሓላባ ::

5 ሰብ : ዕጨያ : ወማያ ፤ ኩሉ : ሕበር : ጎላ : ባ ::
ወለት : ሐጸይ : ምን : ለዐል ፤ መጽዕኖታት : ደኛ : ባ ::
ቀይም : ፍግረት : አግዐሮ ፤ ተትለውቀኝ : በኛ : ባ ::
አደገላ : ወሞግያ ፤ ምኑ : ትማልእ : ለግራባ ::

ክዕን : ተአራ : እት : ለውቀት ፤ ከትማድድ : ዲብ : ለረዐዳባ ::

10 ወቀይም : ትሰብክ : ቀላቅል ፤ ዐድ : ሕድ : ገኝሕ : ለጥናባ ::
ምዳን : ደኝን : ለዕከካ : ወገሉብ : ሳግም : ለቅራባ ::
ድቦት : ድቦት : ቀዋጊ : እት : ክል : ከሌብ : አካባ ::
ረሶብ : ረሶብ : መጽዕና : ረአስ : ሕድ : ኩፋይ : ቱ : ለዕያባ ::
ግብለት : ሰልም : መይብቶት : ግርሳ : ለባርህ : አንጃባ ::

15 “ሀይበኝ” ፡ ኢትብል ፤ ከኢደላድል ፡ ግራባ ።
 “ሸሸኝ” ፡ ኢትብል ፤ ከኢተኖኬ ፡ ሀታማ ።
 ሸሸቼ ፡ ሐቴ ፡ ምዕላይት ፡ ታ ፤ ወሲተት ፡ ዎሮ ፡ ቁላባ ።
 አቡካ ፡ ሊሊት ፡ ኢሰክባ ፤ ምን ፡ ጽባብሕ ፡ ሀላ ፡ ባ ።
 ላሊ ፡ ከአሮ ፡ ሰክባ ፤ እዋን ፡ ሰኝት ፡ ለዐራ ፡ ባ ።

11

ምድር ፡ መንሰዕ ፡ ወለሰብኡ ፡ እት ፡ ልበኸ ፡ ለበሻ ፡ ሕላዩት ።

1 ክል ፡ ፈጅር ፡ ፈጠረት ፤ እሊ ፡ መስኩብ ፡ ኢናዩ ።
 ምስል ፡ በልዕ ፡ ወሰቴ ፤ ጽንዑ ፡ ወለትግራዩ ።
 ወድ ፡ ተክሌስ ፡ በረብር ፤ ከላምቶ ፡ ዋጣዩ ።
 ምን ፡ ለሰለጅብ ፤ እግል ፡ ለክብዶ ፡ ለኣዳዩ ።
 5 መንሱር ፡ ዘማት ፡ ወድ ፡ ዕሉም ፤ ከሬር ፡ ቤተት ፡ ከራዩ ።
 አስክ ፡ ተሐልፍ ፡ ፍርሃቱ ፤ ዋጅቅ ፡ አስክ ፡ መዐዳዩ ።
 ክም ፡ ሐልፈቶ ፡ ፍርሃቱ ፤ ቃርድ ፡ ማሲ ፡ ቱ ፡ እንዳዩ ።
 አብ-ልገት ፡ ዕርጋሊ ፤ ላብብ ፡ ለውላድ ፡ ማክራዩ ።
 ወድ ፡ አፍታይ ፡ መርጊና ፤ ናዩ ፡ ሆቦ ፡ ወኢናዩ ።
 10 ወድ ፡ ወርዕሰብ ፡ መዐብላ ፤ ፍካክ ፡ ከብድ ፡ ንዋዩ ።
 ወድ ፡ ጀጎድ ፡ አፍ-ጠረፍ ፤ በኣ ፡ ዲብ ፡ ለጅሕላዩ ።
 ወድ ፡ ለዋይ ፡ ሐሊቦ ፤ እብድ ፡ ለጸርጽር ፡ ሆባዩ ።
 ለጸሩ ፡ ክምሰል ፡ ሰሸራ ፤ ገኣ ፡ እብ ፡ ለግሳዩ ።

12

እግል ፡ ሰመራ ፡ ወድ ፡ ተስፋምኬል ፤ ክም ፡ ሞታ ፡ እት ፡ ልበኸዮ ፤
 ለበሻ ፡ ሕላዩት ።

1 አዜማ ፡ እግል ፡ ሚ ፡ ትቀሸ ፡ እሉ ፡ ከሬር ፡ በዐሉ ፡ መጽአዩ ።
 እብ ፡ “መን ፡ ባይት” ፡ ለናዴ ፤ ወእብ ፡ “መን ፡ እትር” ፡ ጸዕነዩ ።

- ገደቦ : ወሸራ ፤ ለአምዕል : ኢኮን : ሐድገዩ ፤
- እብ : ቀብሩ : ታሌኩም ፤ ለጆሩ : እንዶ : ከረዩ ።
- 5 ተርፍ : ሳልሕ : ኢረክባ ፤ ወሰኛይ : ዘበን : ከልአዩ ።
- ምን : ተሃጋ : ምብላስ : ኢረክባ ፤ ምን : እንሱስ : ማሉ : ሰአነዩ ።
- እብ : አፍሁ : ገላግዕ ፤ ላከሮት : ለእደዩ ።
- ለሸንኬ : ምኑ : ደረቡ : ቱ ፤ ለእብ : ለቀብሩ : ለክፊዩ ።
- አብ-ጅምዕ : ገሉብ : ወአስተሀላ ፤ እት : ድኜ : ለሐደዩ ።
- 10 ወሮራ : ቀይም : ወአስተሀላ ፤ ለዕለል : ክምሰል : ፈግረዩ ።

እት : ሐልሐል : ዓሊ : እት : እንቱ ፤ እት : ረክስ : ክሬር : በርቅ : ተልወሐ : እት :
 ልብል : ምን : ረኣ ፤ ሰሐሲዩ : ሕላዩት ።

- I ምን : ረክስ : ክሬር : ቱ : እግል : ትህደድ ፤ ሎሃ : ደብና : ምን : ነበራይ ።
- ምን : ጋዱዴ : ወገዱድ ፤ ምን : ጅንግላይ : ወነላይ ።
- ምን : መፋለቅ : ወሸግሊ ፤ ወምን : ሸማሸግ : ለዕንክላይ ።
- መቀር : ቱ : ለሐባጥ : መርጊና ፤ ላውሆ : ኢኮን : ወቀጥፋይ ።
- 5 ወድ : ሐፈሮም : ነብሮ ፤ ቀብሁ : አምር : ወስራይ ።
- ወድ : ክንሪሪ : ነብሮ ፤ ሐሁ : ፈጭል : እግል : እንዳይ ።
- ወድ : ማርያይ : ነብሮ ፤ ለሀይማ : ግሁፍ : ቱ : ወርዕያይ ።
- ወድ : ሕምሩጋ : ነብሮ ፤ ወደቅ : ዲቡ : ክም : ግንዳይ ።
- ወድ : ቤት-ዓርባይ : ነብሮ ፤ ፍጡር : ቱ : ምስል : እበን : ወዕጫይ ።
- 10 ክሬር : ሐቆ : ተስፋጮን ፤ በደሐት : ትንቁ : ወከራይ ።
- ነብሮ ፤ ለፈረዕ : ዐድ-ጅጊን ፤ ወነብሮ ፤ ጥሸመር : ወድ : አፍታይ ።
- ነብሮ ፤ ውላድ : ተስፋ-ምኬል ፤ ናፍጎ : ምኑ : እብ : ግሻይ ።
- ሐርቾይ : ወጅጊን : ወክምል : በዐል : ሐንበላይ ።
- ልሔታ : ለአውለት : ተቀሎሌ : እት : ሐወርም : ወእት : ምንባይ ።

- 15 አውል፡ ለስሕል፡ ሰብኮ፡ ባ ፤ አፍ-ልጋሙ፡ ለአንገሀታይ።
 ወለት፡ ወድ፡ ክፍሎይ፡ በላ፡ ታ ፤ ዎ፡ ቅጡም፡ ወድ፡ ዘርአይ።
 አደግ፡ ሓባል፡ ዔደረት ፤ ማሸል፡ ጋብእ፡ ሀንዘራይ።
 ስጋዳ፡ ክም፡ ለእት፡ ቡሪ ፤ ዕሬምሬ፡ ቱ፡ ወተካይ።
 ከቦሃ፡ ክም፡ ሾከን ፤ ጸሎሃ፡ ክምሰል፡ ጅንግላይ።
- 20 ተትነብል፡ አለቡ ፤ “ክፉእ፡ ቱ”፡ በላ፡ “ወጨብላይ”።
 “ረአሳ፡ ጸዐዳ፡ ኢከንክን ፤ ወኢልቴሌ፡ እብ፡ ብላይ”።
 ለሞታ፡ ረግዝ፡ ኢአና ፤ ወእግል፡ ለሀላ፡ መምብራይ።
 ቀርብት፡ ጸውር፡ ኢአና ፤ ወልሰናተእ፡ እግል፡ ወዳይ።
 ኅማምማ፡ ዋቂ፡ ሐሌ፡ ቡ ፤ ወሔሳ፡ ዲብዬ፡ መምዐራይ።

14

እግል፡ ዐድ-እድሪስ፡ ለጬላ።

- 1 ተርአሰዎ፡ ዐድ-እድሪስ ፤ ሀይገት፡ በደት፡ ዎ፡ ሐሻካ።
 እት፡ ለገምገም፡ ተአከበት ፤ ሸንከት፡ በርካ፡ ለምቅናጸ።
 ብእምነት፡ በዐል፡ ለቀጸራ ፤ ወእብ፡ ነጋሲ፡ ለምትራፋ።
 እት፡ [ለሰብ] ለ“ስዶዳ” ፤ ኡብ-እያሱ፡ ቱ፡ ቅብላታ።
- 5 እት፡ ለሰብ፡ ለ“ኡብድዋ” ፤ ኡብ-በዩድ፡ በዐል፡ ለኅማታ።
 አዜማ፡ ቀቹሎ፡ ቱ ፤ ዙዕ፡ ለአማን፡ ለተሃጋ።

15

ይበቲት፡ ወድ፡ ተክሌስ።

ቅብላት፡ አውፀላ፡ ለጬላ።

- 1 እሰኸሻ፡ ሚ፡ ሀሌኮ ፤ ለላሊ፡ አስክ፡ ጽብሐታ፡
 ልጅርሻ፡ እት፡ ኖሱ ፤ እላ፡ ናዬ፡ ለሐመዳ።

- አፎ : አውዐላ ፤ እብላ ፤ እልዩ : አክበዳ ፤
 ወድ : ካፈላ : ወድ : ዕጉብ ፤ መን : ቀትሎ ፤ እብ : ሰሐታ ፤
 5 እት : ለሰብ : ለ“አብድዋ” ፤ አሌቶ : እልዩ : ወኢወዳ ።
 ሐቆ : ሕመድ : ወኡብ-ረድኢ ፤ ወሐቆ : ደሻስ : ናከሻ ።
 ሐቆ : ኖር : ወኡብ-ሐምድ ፤ ወሐቆ : ሕኒት : አብ-ብፍታ ።
 ሐቆ : እሎም : አቡካ ፤ እት : ገደቦ : ኢወዐዛ ።
 ለአቅሩሽ : ቃብል : ኢርኤካ ፤ ለደነግቡ : ትጋረፋ ።
 10 ከንፈር : ጥልምት : ኢርኤካ ፤ ሐቆ : ለዝሆ : አጽብጣ ፤
 አዜ : ሀይገት : ተኖኬ ፤ ከተአኬ : ገብእ : ንየታ ።
 ሰብአ : እሊ : ኢኮኔ ፤ ለአዜ : ገዐዛ : ወበዳ ።
 ሰብአ : ለጎሃ : ሀላ : ቱ ፤ ለቁቡር : እት : ለቀበታ ።
 አለቡ : ሰብክ : ቡ ፤ አንገፋቅማ : አግሐዳ ።
 15 እት-ሕመረት : ወሽልዖ ፤ ወለመሐደር : ተሰሳ ።
 አለቡ : ደውር : ባ ፤ ለስለል : ሐቲ-መንገአታ ።
 ገበይ : አጋር : ወመጽሐ : ከፊርማ : ተርፋ : ጎር : ለብካ ።
 ፋጥና : ደነት : ዋዝንተት ፤ ወግሳስ : ሐምሕም : ሳምየት : ታ ።
 አዜ : በርድ : ገሮባ ፤ ወልሐታ : ትደንን : አልገዐታ ።
 20 ወገድም : ረቢሁ : አምሮ ፤ መስከብ : ዳረት : ወዐዳ ።

- 1 እግል : ሀይገት : ውላድ : ትማሰሎ : እላ ።
 እንቱም : ምን : ተሐዳጋ : ብዕዳም : ኢልሐድራ ።
 ከሉ : ልትምነያ ፤ አስክ : እላ : ጎራ ።
 ቅሻ : ኢአቤና ፤ ወለ“ሐቅሁ : ቦላ” ።
 5 ትሰምዐት : ኢአቤና : ንጫ : ወሀርመት : ሞራ ።

17

ሐዉ፡ እድሪስ፡ ወህብቲስ፡ ክም፡ ሞተው፤ ለቤላ።

1 አብ፡ ነጋሲ፡ ወአብ፡ ዳልካ፤ እሽዎም፡ ለሐውዬ፡ ሀመንርብ፡
ለምዕል፡ ለእላ፡ ትፈንቲና፤ አረርብ፡ ታ፡ ዐረግብ።
ወአፎ፡ ህቱ፡ ደይ፡ ገይስ፤ ድመል፡ ቤት፡ አብ፡ ደይ፡ ዐልብ፡
ወአፎ፡ አና፡ ደይ፡ እጸንሕ፤ ሐዋንማ፡ መስከብ፡ ሚ፡ ኢረኸብ፡
5 ሚ፡ ቅን፡ ታ፡ ለሻቢት፡ ኢትጸንሕ፤ ክእና፡ ትከይን፡ ወትከሽብ፡
ወዲብ፡ ሚ፡ ጠልመት፡ ለሻቢት፤ ሓዝያያ፡ እግል፡ ተዐድብ፡
ፍዴል፡ ሰልም፡ በኪታ፤ ሐምሕም፡ ምንዲ፡ ተተኸብ።
“ግቡእ፡ ቱ”፡ በላ፡ “ወሐዘንታይ”፤ ቅሕብዬማ፡ ኢትረቆብ።
ወምንዲ፡ ትገንሐኒ፡ እብ፡ ዕንታ፤ ኖሹ፡ ሚ፡ ባ፡ ተጀብ፡
10 ግቡእ፡ መትፈንክ፡ ቱ፤ እት፡ ሚ፡ ክል፡ ዶል፡ መትቀጽብ።
ወሐዋን፡ መትምኒ፡ ቱ፤ ሐኬ፡ ለእላ፡ ኢረኸብ።

18

ወይ፡ ሐሁ፡ እት፡ ገደቦ፡ ሞታ። ክለመርባቱ፡ ምን፡ ኢአቅሰና፤ ነፍሱ፡
እት፡ ለሐሜ፡ እላ፡ ሐላ።

1 አፎ፡ ስካብ፡ በደና፤ አና፡ ወእንቲ፡ ዎ፡ ፈልፈሎት፡
ህታ፡ መጸት፡ ገሮባ፡ ታ፤ ለንክስ፡ እላ፡ እት፡ ጸሮት።
ወአና፡ አበር፡ ከብጄ፡ ቱ፤ ለነቅዓ፡ ዲብዬ፡ ክም፡ ሐሮት።
መርሐባ፡ ወመርኬ፡ ወድ፡ ዕሹር፤ እመን፡ እሱር፡ እት፡ ዕቆት።
5 አትመመያ፡ ቱ፡ ለሓጅቱ፤ ተርቅ፡ ዐላ፡ ክም፡ ዕጎት።
ለርጋዝ፡ ሐቆ፡ ትሰረቃ፤ መአዜ፡ ሳትት፡ ቱ፡ ጠለቆት፡
ተክባ፡ እቆም፡ እብ፡ ተሓተት፤ ምን፡ ለዐል፡ እንቆም፡ ዲብ፡ ዕርዶት።
እብ፡ ሸክንሃ፡ ጸብጠያ፤ እት፡ ለንጠጥሎ፡ ክም፡ ንጎት።
ልቡ፡ ለሰይፍ፡ ኢአባ፤ አምሰለዩ፡ ክም፡ ርኮት።

- 10 ወልሹ : ኮናት : ኢአባ ፤ እብ : ለዘገር : ላከሮት ::
 ወልሹ : እበን : ኢአባ ፤ ጀብሀት : ዛብጥ : ውበሶት ::
 እንታ : ምትካ : እብ : ዴና ፤ ወሕና : በደን : ወፍሖት ::
 ዲማ : ኑብር : አለቡ ፤ ኩሉማ : ለሀላ : እግል : ሞት ::
 እብ : “ ቅርሽ : አሰልፋኔ ” ፤ ዲብ : ክል : ዶሳ : ገደገዶት ::
- 15 ወበይት : እሉ : ለኢረክባ ፤ ክርፍ : ታ : ቅብላት : ወድ : ሐኝት ::

ዐዳብ : ወድ : ሹማ ::

እግል : እድሪስ : ወድ : ተክሌስ : ክም : ሞታ : ለበኪደ ::

- 1 እምሓኖ : እድሪስ : ወድ : ተክሌስ ፤ ዐምሳት : ጌሳ : ኢወልዳ ::
 እድሪስ : መርገም : መራግም ፤ ምን : ሳገማ : ኢሰብካ ::
 ጸኑዕ : ስጋዱ ፤ መደክላይካ : ወኝኸ ::
 ወጸኑዕ : ሞላዱ ፤ አስክ : አቤ : ሀምጆኸ ::
- 5 ብሕት : አና : ኢኮኔ ፤ ኩሉ : ለገቢል : ኢሰክባ ::
 አና : ዲብ : ለመምባዬ ፤ ወወለት : ዳይር : ዲብ : ወልዳ ::
 ገርሀት : ሀይብ : መምባዬ ፤ ሽፍር : ከረም : ዲብ : እንታ ::
 ወግርጃ : ሀይብ : መምባዬ ፤ ዲብ : ልትቃጠር : ደም : ሕርሳ ::
 እግል : ሕድ : ካይረት : ታ ፤ ዐድ : ሐረውያ : ወዐድ : ገብሻ ::
- 10 ወድ : ሐረውያ : ዕዳዩ : ኢትፋደዩ : ወኢትገሻ ::
 ቀባ : ጸሌም : ቱ : አስፈዳይ : እብ : አትራያም : ነስአኸ ::
 ዕንክለት : እንድርታይ : ሐንኪል : እት : ረአሳ : ተዐኝታ ::
 እሊ : ቱ : መስከብ : ዐድ : ዓይላይ : ጸብር : ጸሌም : ወጸዐዳ ::
 ግሜ : እልካ : ከንቲባይ : ዐድካ : ብለስ : ምን : በዳ ::
- 15 ሐርማዝ : ሞድቅ : ቱ : ከንቲባይ : እት : ልጋሩብ : ወትገዳ ::
 ወግንዳይ : ሞድቅ : ቱ : ከንቲባይ : ማልእ : ክልኤ : ለእልከታ ::

እላ፡ ሕላየት፡ ክም፡ ሰምዓ፡ አስፈዳይ፡ ወድ፡ አቢብ፡ እግል፡
ዐዳብ፤ “ጎዬ፡ ተሐየብ”፡ ቤሎ። ደአም፡ ሀቱ፤ “አና፡ እብ፡ ናዬ፡
እነብር፡ ለእላ፡ ርኤኮ፡ እቤ”፡ እንዶ፡ ቤሎ፡ አባ፡ እሉ።

20

የሐንስ፡ ወድ፡ ጀጊን።

እግል፡ ጀግድ፡ ወድ፡ ዐገባ፡ ለበከደ።

- I ዐቤ፡ እግል፡ መምባካ፤ ሕና፡ ዲቡ፡ ኢነዳድል።
ሐጥጥ፡ ገደቦ፡ ቱ፤ ኢለትሐድስ፡ ወኢባድል።
ሀቱ፡ ዐላ፡ ገለቡ፤ እሊ፡ አዳም፡ ለላሳቅር።
ለቃትል፡ እብ፡ ደሙ፡ ሐቅፈዶ፤ ሰኚ፡ ሐጥጥ፡ ቱ፡ ወዛግን።
- 5 እርደት፡ ጋልዕ፡ ቱ፡ አብ-በፍታ፤ ዊሻ፡ ለረአሳ፡ መን፡ ፋግር፡
ግሳስ፡ ዐድ፡ ከሬር፡ በላ፤ ዎ፡ ዐማር፡ ወድ፡ ናስር።
ብይአት፡ እማታ፡ ታ፤ አስሮ፡ ዲባ፡ መጻምር።
ወለት፡ ዝላም፡ ታ፡ እት፡ ሺካ፤ ወቅንጤጠፈት፡ መዋቅል።
ቀየሕ፡ ታ፡ ገለብ፡ ዐገባ፤ ለእላ፡ ካውሎ፡ ምን፡ መሐክር።
- 10 ቀየሕ፡ ታ፡ ግምቦ፡ ማሺላ፤ ሐረስታያ፡ ከላክል።
አቡካ፡ ሐቆ፡ ፍንቲታ፤ ድኹል፡ ኢኮን፡ ከቃብል።

21

እግል፡ ጀግድ፡ ሀዩ፡ ክም፡ ሞታ፡ ለቤላ።

- I እግል፡ ብድሆተት፡ በላ፤ ዎ፡ ዝማም፡ ወድ፡ ዕንክር።
ትሌጊብና፡ ወገአካ፤ ዜዳን፡ ለቄላብ፡ ምን፡ ትቀፍር።
መሊሀይና፡ ሰኚ፡ ትፈንቴና፤ ለከለእ፡ ገርዛ፡ ወዕድል።
መሊሀይና፡ ለማይት፡ ኢተሌ፤ ዲብ፡ ለረአሱ፡ ለሰቅር።

5 መሊህይና : ለዝምትት : ኢተሌ ፤ ዓቡድ : ጋብእ : ገነፍል ።
 እብ : ዕና : እንርእዮ ፤ አዜ : ሐቅሁ : ለሸንግል ።
 እብ : ክቦተት : ለክፈኸ ፤ ወድ : አብ : እግል : ልወጥን ።
 ትቦአስክሁ : ምን : ገብእ ፤ ዲብ : አካኑ : ለቀብል ።
 ወአምሸሸክሁ : ምን : ገብእ ፤ “ሞታ” : ልብል : ወጸብር ።

22

የሐኝስ : ወድ : ጀጊን : ሀዩ : ለቤሻ ።

I ወለት : ለአድሁይካ ፤ ግሳስ ፤ ሰልም : ዎ : ፋዘጋ ።
 አቡካ : ሐቆ : ፍንቲታ ፤ ቃብል : ኢኮን : እብ : ፈታ ።
 ሊሊት : ስካብ : በደኔ ፤ እሊ : ጋድም : ምን : በዳ ።
 ቃትላይ : መንደር : ቱ : ታሌኮ ፤ እንሹና : እንዶ : መረጋ ።

23

የሐኝስ : ወድ : ጀጊን : ሀዩ : ለቤሻ ።

I ወለት : አክል : ታንታርዋ ፤ ገብሻ : ለዙዕና : በላ : ቱ ።
 አበራ : አቡካ ፤ እላ : ደነት : ታ : ለዔጸቱ ።
 እት : ኖስካ : ሕዘያ ፤ በኪት : ሰልሕ : ውላዱ ።
 ወአዜማ : ሰዴ : ቱ : ሀላ ፤ እሊ : ቱ : ወቀይ : ረብዓቱ ።
 5 ሐምቅ : ምን : ለሐምቆ ፤ በዲርማ : ለጌሳ : ኢመሐዙ ።

24

ክንቲባይ : ብእምነት : ክም : ትሰዕራ : ለቤሻ ።

I ድራር : ወድ : ቱድሮስ : ቱ ፤ ለዲቡ : ወደው : ድንግሐ ።
 እሊ : ወበዐሉ : ሰትዮ ፤ ወክእና : ከደን : ልትክዔ ።
 ቀብጸዮና : ኢኮኔ ፤ እንዶ : ዐልና : ንስኤ ።
 ምንማ : ማረክና : አማር : ሰአነው : ውጽዔ ።

5 እላ ፡ ትኪት ፡ ታ ፡ ዕጎትና ፤ ትፈልሕ ፡ እግል ፡ ትትክዔ ።
 ዎ ፡ ቴድሮስ ፡ ከብድ ፡ አቡካ ፤ ትነድድ ፡ ቤተት ፡ ወትልዔ ።
 ተሸልሐኒ ፡ መራነት ፤ ዕጾ ፡ ነብራ ፡ ሚ ፡ ብዬ ፡
 ወለት ፡ ባይራይት ፤ አምና ፤ ሰልም ፡ ዎ ፡ ተኸኤ ።

ትጃር : ወድ : ገርጊስ ።

እግል : ዐድ-ዓይላይ : ክም : በደው : ለቤላ ።

1 እላ ፡ አያ ፡ ሐረት ፡ ታ ፤ እምበል ፡ ዕሉግ ፡ ገያሲት ፡
 ልርእዎ ፡ ኢገአው ፤ ነፍሶም ፡ በዲር ፡ መያቲት ።
 ወደርብዎ ፡ ኢገአው ፤ እዴ ፡ ሚ ፡ ቦም ፡ ሰሐቲት ፡
 እላ ፡ አያ ፡ ሐረት ፡ ታ ፡ ሐረት ፡ ሕኒት ፡ አብ-በፍታ ።
 5 ገናይዝ ፡ ትትዓዴ ፤ ምን ፡ ዛምተታ ፡ ወዐዳ ።
 እላ ፡ አያ ፡ ሐረት ፡ ታ ፡ ሐረት ፡ ሸኸን ፡ ወድ ፡ ሕኒት ።
 ምን ፡ ዘመታ ፡ አግዐር ፤ በዲርማ ፡ ሓድግ ፡ ቱ ፡ መድገሚት ።
 እላ ፡ አያ ፡ ሐረት ፡ ታ ፡ ሐረት ፡ ሸላብ ፡ አብ-ናውድ ።
 እብ ፡ ትግልዕ ፡ ታ ፡ ሞቶምማ ፤ ኢደላድል ፡ ወኢካብብ ።
 10 እላ ፡ አያ ፡ ሐረት ፡ ታ ፡ ሐረት ፡ ዕሉም ፡ አብ-እዙዝ ።
 ልሰም ፡ ለርሻሽ ፡ ኢአሌ ፤ ፈረስ ፡ ልግበእ ፡ ወመንዱቅ ።
 እላ ፡ አያ ፡ ሐረት ፡ ታ ፡ ሐረት ፡ በዐል ፡ አፍ-ጠረፍ ።
 ለዛምተት ፡ ገሜት ፡ እግል ፡ ኖሳ ፤ ሐቆ ፡ ሰለስ ፡ ወፈረስ ።
 እላ ፡ አያ ፡ ሐረት ፡ ታ ፡ ሐረት ፡ መርዕድ ፡ ዕርጋሊ ።
 15 እት ፡ ረድኢት ፡ ትነሽአም ፤ ወእት ፡ ድዋር ፡ ለቀዓሪ ።
 እላ ፡ አያ ፡ ሐረት ፡ ታ ፡ ሐረት ፡ ክልኦት ፡ ሸነግብ ።
 ምን ፡ ተሐት ፡ ገበይ ፡ ክልአዋ ፤ ክም ፡ ማይ ፡ መሐዝ ፡ እት ፡ ለዐቕብ ።

እላ : አያ : ሐረት : ታ : ሐረት : ካቦይ : ኢዶሉ ::
 ለሕጻን : ዲብ : ለስኛቱ ፤ መን : ቱ : ገብእ : መጠሩ :
 20 እላ : አያ : ሐረት : ታ : ሐረት : ግርጉር : ወድ : ሐይሌስ ::
 “ለዐምሳት” : ቤላ : “አውሉዳ” ፤ ከብዱ : እግሩ : ኢተሌት ::
 እላ : አያ : ሐረት : ታ : ሐረት : ክላ : ቤት : መሐሸል ::
 ኢጠሉቃ : ወኢጠልቅ ፤ በጽሕ : ልግበእ : ወዳፍር ::
 እላ : አያ : ሐረት : ታ : ሐረት : ለትግሬ : በኪተት ::
 25 ጋሻያ : ተደርር ፤ ወሰብአ : ሰኑ : እብ : ሲደት ::
 እላ : አያ : ሐረት : ታ : ሐረት : ጭሩም : ወድ : ደሪር ::
 ሐልብ : ምኛ : ወሐርድ ፤ ክቡድ : ልግበእ : ወቀሊል ::

26

እግል : ግሳስ : ለቤላ ::

I እሴት : ዐድ-ናላይ ፤ ዎ : ሼካይ ፤ ግሳስ : በላ : ታ ::
 እሊ : ቱ : መስከብ : አበይታ ፤ ወእሊ : ቱ : መስከብ : እማታ ::
 እሊ : ቱ : መስከብ : ዓሙላ ፤ ወእሊ : ቱ : መስከብ : አውጅሃታ ::
 ምን : ተሐገዘት : ኬደቶ ፤ ሐደት : ዲባ : ለክራሳ ::
 5 ወክራዬ : ከልአታ : ቱ ፤ ሸፍታ : ምስል : እሳታ ::
 ሂቦ : ተርፈት : ሐቆኪ ፤ ነፍስ : ለጋይሰት : ትንፋሳ ::
 ዕንድር : ተርፋ : ሐቆኪ ፤ መን : ዙብሎ : እብ : ባዛ ::
 ህጅክ : ተርፈት : ሐቆኪ ፤ ደጋደጎት : አፍያታ ::

27

መስመር : ወድ : አዳላ ::

ሰላት : ግሱ : ለቤላ ::

I አፎ : ተአዝም : ሀሌካ : አትሃጌኛ : ዎ : ትጃር ::

አቡካ : ሊሊት : ኢሰክባ : ቱ ፤ እምበል : ጎማም : ወአትሐሳር ።
አቡካ : ሚ : ቡ : ተሰክብ : በኑ : ተርፋ : ምን : አግዋር ።
ለሮራ : ካካይ : ከልአዩ ፤ ካካይ : አፍሩስ : ቱ : ወአጋር ።
5 እት : ሐረታ : በልሰያ ፤ ከቤረቅ : ወትዳ : ወድኸን ።
አዜማ : ነሐርስ : ሀሌና ፤ እብ : እርባና : ወእብ : ድርካን ።
ከብድ : ነብራ : ኢተአቤ ፤ ወፈዳብ : ማይታ : ወቅታል ።
መሐመድ : እሊ : ጎይላካ ፤ ለውቀት : ቱ : ኒበል : ማ : አትሐሳር :
ኖስና : ኒዴ : ዲብ : ብዕኸረት ፤ ማ : ማልና : ነሀብ : እግል : ስልጣን :
10 መሳከንካ : ደኢኮኔ ፤ እልካ : ሐዜ : እት : ክል : ጋር ።

ሰሸት : ኖሱ : ሀዩ : ለቤሻ ::

1 ዎ : ትጃር : በርዐድ : ቱ : ብዕራይና ፤ እሉ : ክሰእ : እት : መሃቢት ።
በርዐድ : ላቱ : ብዕራዩ ፤ መአዜ : ገይስ : እት : መሃጊት ።
ለጸርና : ዕጋል : አለቦም ፤ እምበል : ለኮናት : ረጋዚት ።
ለእላ : ረደው : ረዴና ፤ ትምኔት : ሚ : ቡ : መዋቂት ።
5 ገደቦ : እት : ሓጥር : ታ ፤ ለሻፍጋ ፤ እት : መአከት ።
ገደቦ : እት : ጸጋይ : ታ ፤ ለማላት : ሀይብ : ወመዓዲት ።

መስመር : ወድ : አዳላ : ሀዩ : ለቤሻ ::

1 አቡካ : ገለብ : ኢከይድ : ቱ ፤ ቀብሩ : ሓብዕ : ቱ : ኢፋሉ ።
ሐቆ : አብ-ግሳስ ፤ ናፍር : ሀላ : ቅሳኑ ።
ወሸላብ : እት : ድጊ ፤ መን : ረአዩ : ለድራሩ ።
ለዳሌ : አብ-ናውድ ፤ እት : መንፈሱ : ወእት : ማሉ ።
5 ጀዐል : ቱ : ወልዩ : ሐሸላ ፤ ብጋይ : ቱ : ቀበት : አጋሩ ።

በየእ : እት : ደጌ : ቱ ፤ ምድር : እንደይ : ጸብሐ : እሉ ::
 አፎ : ወድ : ፈርዑን ፤ ዐረዴዬ : ታ : ለምሕዳሩ ::
 ለሞዳይ : እንዶ : ትበለሳ ፤ ተርፋ : ኢኮን : ለአግዋሩ ::

30

መስመር : ወድ : አዳላ : ሀዩ : ለጬሻ ::

I አፎ : ተአዝሚ : ሀሌኪ : አትሃጊና : ዎ : ግብለት ።
 አቡኪ : ስካብ : በደዩ ፤ ምን : ለትቃምት : ክል : ኢነት ።
 ለሞታ : ርጋዝ : ኢረክባ ፤ ወላማ : ሀላ : ነቢረት ።

31

ደርመስ : ወድ : ትንስኤው ::

አምና : (አቡና) የሐንስ : እግል : ደርመስ ፤ “ትሌኒ” : ጬሎ :
 “አስክ : ዐንሰባ” ። ወሐር : ዐንሰባ : ትዘመታ : ከጸንሐዮም ፤ ከእ
 ግል : አምና : (አቡና) የሐንስ ፤ “ርደእ : እልና” : ጬለዎ ። ወእግል :
 ደርመስ ፤ “ትሌኒ : አዜማ” : ጬሎ ። ወምስሉ : ጌሳ : ወክም : አቅ
 በላ : እት : ዐዱ : እላ : ሐላ ።

I አባይና : ሳዎ : ልካይድ ፤ ሴማ : እንደይ : ተሐገዛ ።
 ሳዎ : ጸ.ወይ : ካይዳ ፤ አግቡይ : ረዩም : ሸተታ ።
 ሳዎ : በዐላ : ካይዳ ፤ ለውሉድ : ምን : ለቀበታ ።
 ሳዎ : ሀርማይ : ካይዳ ፤ ዳብእ : ላቱ : መንገአታ ።
 5 ሳዎ : ዜምታይ : ካይዳ ፤ ለገባይሎታት : ሻለታ ።
 ቀብር : ዕጅል : ለሼከት ፤ ለንወር : ዲቡ : ትዋተዳ ።
 በላ : ዓሻ : ሚን-ዐምር ፤ ጃዌ : ካለት : ታ : ለሐረታ ።

ምን ፡ ተወኛ ፡ ተሐጸብና ፤ ሜላ ፡ ቡ ፡ ዲብ ፡ ለቀበታ ።

ደርስ ፡ ዲባ ፡ ብጋይት ፤ ጣላ ፡ ጸዐዳ ፡ ለሰታ ።

10 መን ፡ ቱ ፡ ክምሰል ፡ ብጋይት ፤ ንዋይማ ፡ እንዶ ፡ ተኣንሰሳ ፡

አንኮ ፡ ሰለስ ፡ ጠለቃ ፤ ለልሱ ፡ እንዶ ፡ ቀመኛ ።

እብ ፡ ዕኛ ፡ ገንሐና ፤ ነዳብ ፡ ጸላም ፡ ወጸዐዳ ።

ብላዲንጊ ፡ ወድንጋት ፤ ሀወሻይት ፡ ምን ፡ ተሐታ ።

በየድ ፡ ርኤና ፡ ወድ ፡ እክድ ፤ እብ ፡ አፍርንጂ ፡ ናቀሻ ።

15 ለመሐበር ፡ አብ-ፋጥና ፤ ለሻሙ ፡ መኣዜ ፡ ትከለሳ ፡

ሰለስ ፡ ለመካን ፡ ጨምረየን ፤ ሕመድ-ኖርማ ፡ ኢኣካ ።

ሜስ ፡ ሀባ ፡ ምን ፡ ጽምእ ፤ ወስጋ ፡ በልዓ ፡ ለሐዛ ።

ዐድ-ሼክ ፡ ሓምድ ፡ ሰብኸ ፤ ለሬክባይ ፡ ክምሰል ፡ መሰካ ።

ወጃውጅ ፡ ርኤና ፡ ወድ ፡ ፍካክ ፤ ውላድ ፡ ለሐልቱ ፡ ሓረዳ ።

20 ወናይብ ፡ ርኤና ፡ ወድ ፡ ሕያ ፤ እት ፡ እስጣንቡል ፡ ሸትታ ።

ወድ ፡ ዐገባ ፡ ወድ ፡ ጀጊን ፤ ሀይገት ፡ ሞታ ፡ ፈረሳ ።

እት ፡ ጎማት ፡ ሐዝዎ ፤ ለዕንድር ፡ ክምሰል ፡ ትዘሰጣ ።

ወእት ፡ መቅሰኖ ፡ ሐዝዎ ፤ ዓሉጅ ፡ ብዙሕ ፡ ደርገጋ ።

ተስፋ-ምኬል ፡ ሞታ ፡ እት ፡ ቅለው ፤ እት ፡ መርጊና ፡ ለረኣሳ ።

25 ቤላ ፤ “ ሞላድ ፡ ዐድ ፡ አቦት ” ፤ ህታ ፡ ታ ፡ ለእባ ፡ ትሰመዳ ።

እግል ፡ ሐምስ ፡ ኢኮኔ ፤ እግል ፡ ምክንማ ፡ ወኢትረዳ ።

ወሐቆ ፡ ኩሩብ ፡ ወድ ፡ ሕኒት ፤ ሞላድ ፡ ተርፋ ፡ ወበዳ ።

እንዶ ፡ ቤላ ፤ “ ሐመቼ ” ፤ ዘኸር ፡ ዐላ ፡ ክም ፡ ፈታ ።

ዐልብ ፡ ዐላ ፡ ፍጉሩ ፤ ከእት ፡ ህዳዩ ፡ በገሳ ።

30 አባይና ፡ ሳዋ ፡ ልካይድ ፤ ሴማ ፡ እንደይ ፡ ሰደዳ ።

አዜ ፡ ዐድና ፡ አቴና ፤ እብ ፡ ፋል ፡ ሰኒ ፡ ምን ፡ በዳ ።

ወዐዲ ፡ ለኣታ ፡ ቱ ፤ ለእሉ ፡ ልብሎ ፤ “ ደሐን ፡ መጽኣ ” ።

32

ሰሸት : ድመል : ለቤላ ::

- I ድመልዬ : ኢኮኔ ፤ ድመል : ጨሸዕ : ወድ : ሐምዴ ::
- እት : እደይ : ወደዩ ፤ እግል : ሰቡዕ : ለጠርቄ ::
- ድመል : እት : አብ-ጭሩም : ታ ፤ እግል : ማዳ : ረጅ ::
- ድመል : እት : ወድ : ገብራት : ታ ፤ ደሲት : ሰብብ : ሐዜ ::
- 5 ድመል : እት : ወድ : ፍካክ : ታ ፤ በዴ : ወለበዴ ::
- ውላድ : ሐልቱ : ሐርድ ፤ ሞላድ : እንደይ : ፈንቴ ::
- አናዲ : ድመልዬ ፤ ትስኩብ : ወትትገሴ ::
- ግምሽ : ሚ : ሀርሻ ፤ ሴማ : ደይ : እወዴ :

33

ሰሸት : ድመል : ሀዩ : ለቤላ ::

- I ድመል : እት : ወድ : ገብራት ፤ ዲብ : ሚ : ትቀሳቁሳ :
- ኩሉ : ቤላ : “ ድመል ” ፤ ዎ : ደሲት : መምባ : ሐካ ::
- መሳር : አዳለላ ፤ እግል : ለትቃሙታ ::
- ወምን : ተዓደገዎ ፤ በልሳ : አትከቡታ ::
- 5 “ ገመል : ረበዕ ” : ቤላ ፤ “ ወነአት : እብ : መፍሩዳ ” ::

34

ሰሸት : ድመል : ሀዩ : ለቤላ ::

- I ጸዱቅ : ወበዐል : አሚን ፤ እምበል : ወጁብ : ሚ : ቱ :
- ጸዱቅ : ግልብ : ጽንዕት : ቱ ፤ ከሩ : እት : ወሪዱ ::
- ማሉ : ሀዩብ : ዲብካ : ዳሩ : እግል : ሸሊቱ ::
- ቅልጭም : ሀዩብ : ዲብካ ፤ ሞቅሕ : እግል : ፈኪኩ ::
- 5 ወካይን : ኖሱ : ፈግር : ምን : በዐል : መጣዊቱ ::

ወፈዳብ፡ መስለት፡ ጉብር፤ እግል፡ ለመታሊቱ።
 “እዘም፡ ምኑ”፡ ልብሎ፤ ከገመ፡ ምን፡ ሓሪቱ።
 ሐምቅ፡ ሞላድ፡ ዐልብ፤ ከሰክብ፡ እት፡ ትክባቱ።
 አድግ፡ ዝቢት፡ ሰልም፤ ለድጌ፡ እት፡ ክሊቱ።
 10 ስጋድ፡ ዐርኮከባይ፤ ዐካት፡ ቡ፡ እት፡ ረአሲቱ።
 ስጋድ፡ ለመርከብ፡ ኅባይ፤ ካሩ፡ ምን፡ ከሺቱ።
 ውላድ፡ ቲውቲው፡ መስል፤ ዓሳር፡ ለመማኒቱ።

ሕመድ፡ ወድ፡ ደርመስ።

እገል፡ ሕመድ፡ ወድ፡ ሰም፡ ክም፡ ሞታ፡ ለሌላ።

1 እንሻላ፡ ላባ፡ ኢትዝለም፤ መዐት፡ ዲባ፡ ትትክዔ።
 ግድእት፡ ትግበእ፡ ኢትባይን፤ ወስድት፡ ትግበእ፡ ኢትርሄ።
 ሳለቦቶ፡ ኢኮኔ፤ እምበል፡ በአስ፡ ወዐውቱ።
 ኢትበርድ፡ እሺቱ፤ ምንማ፡ ትበልዕ፡ ወትሰኹ።
 5 እንዶ፡ ትረስዐቶ፤ ኢትትቀዴ፡ ወኢትገፌ።
 “ክም፡ አመቱ”፡ ኢትብል፡ ቱ፤ “እዲናማ፡ ምን፡ ትበዴ”።
 ወድ፡ አብ፡ ቱ፡ ወበዐል፡ ሕጋታት፤ ኅግረት፡ ፋግረት፡ ኢፈቴ።
 ሐዝዮ፡ ትግራዩ፤ ኢልትዐመጽ፡ ወኢዐሌ።
 ሐዝዮ፡ በዐል፡ ለንሳሉ፤ ፍትሐ፡ ምንዲ፡ ልጃዌ።
 10 ሐዝዮ፡ በዐል፡ ለጠዋሁ፤ ሕረጹ፡ ዲማ፡ ኢትበዴ።
 ሐዝዮ፡ ሰብ፡ ለመሐበሩ፤ ዝክሩ፡ ምድር፡ ለመሴ።
 ምን፡ መጽእ፡ ሰብ፡ ለሰበካ፤ ጽገግ፡ ረትዕ፡ ወመሬ።
 ወድ፡ ሐላል፡ እዲና፤ ወድ፡ መርዕድ፡ እሺት፡ ኢፈቴ።
 ጉብሻ፡ ሐዜ፡ ትደገም፤ “ቀዳሚት”፡ ልብል፡ “ሚ፡ ትወዴ”።

- 15 አምዕል : ምቹንፋስ ፤ ሐረት : ቃብለት : ታ : ምን : ድኜ ።
 ሐጽር : ገአ : ከሌባ ፤ ለዛምተት : እግል : ኢትብዴ ።
 በአ : ምስል : ወድ : ብክሩ ፤ ቁሙጭ : እንቱ : ደይ : ልርኤ ።
 ኢተሰልብ : ተዐንደቃ ፤ እት : ልሻክክ : ወእት : ለሐንዴ ።
 ምድር : ሰአና : አኪሉ ፤ እት : ለቀብል : ረአሱ : እንዜ ።
- 20 ክል : ቤት : ጸረት : ሸባራ ፤ መለዲት : አምሳ : ልትዐዴ ።
 ዋጣይ : አምዕል : ገጽ-ገምሮት ፤ ሐምድ : ዐላ : ወዐፌ ።
 እት : ለገርሀቱ : ዐሻ ፤ ትፈሬ : ወትፈንቴ ።
 ዐድ-ተክሌስ : አሙሮ ፤ ወእት : በላይን : ቤት : ዐውቄ ።
 ዐድ-ሀብቴስ : አሙሮ ፤ ወዐድ-ትማርያም : ሰብ : ስሐ ።
- 25 አምዕል : ዐድ-ገድሎም ፤ ድርቡይ : ምን : ለሀይ : ሚ : ተቆ ፤

እግል : ሕመድ : ወድ : ሰምራ : ሀዩ : ለቤሳ ።

- 1 ሐቆ : ትበገሳ : ለዐቅበላ ፤ ከአፎ : ትብልሃ :
 ወሞታ : ኢኮኔ ፤ ወተዐወታ : ትሰምዓ ።
 ሐቲ : ሞትካ : እት : ረድኢት : ታ ፤ ሰልፋ : ትበልስ : ግርሃ ።
 ሕንጹጽ : ክዋላ ፤ ወዐርዚን : ጸሊም : መርሐ ።
- 5 ሐቲ : ሞትካ : እት : ድኜ : ታ ፤ አንስ : ወውላድ : ገንሐ ።
 ወሐቲ : ሞትካ : እት : ቀዓሪ : ታ ፤ እት : መናግእ : ትሳጥሐ ።
 ግሩም : ሸኪካ ፤ ዓይረት : ዲብ : ለአፍትሃ ።
 ምን : ለተገራት ፤ ዴዋና : ክምሰል : ትረፍዓ ።
 ወሐቲ : ሞትካ : እት : መዓጥን : ታ ፤ እት : ወራር : ለዐድሐ ።
- 10 ጃቅፈት : ዔላሃ ፤ እት : ሰማይት : ትጋንሐ ።
 ተደውር : ሕድገታ ፤ ለገንገታ : ከርዓ ።
 መግዝቱ : አክቦ : እሉ ፤ ዐዲማ : እንደይ : ትፈግዓ ።

- የ-ም ፡ ምዕቅር ፡ ቅዱት ፡ ቱ ፤ ለምን ፡ ዝናበት ፡ ትፈችሐ ።
- ዐራዶ ፡ ቀትለት ፡ በዐል ፡ ገጃ ፤ ኖሳ ፡ እግል ፡ ትብጽሐ ።
- 15 እት ፡ ሸልሐብ ፡ ትገሻ ፡ እሉ ፤ ለደናን ፡ እግል ፡ ልክልክ ።
- ኢጠልቆ ፡ እጋላ ፤ ወኢለአምሮ ፡ መቅርሐ ።
- እሸዎ ፡ ለላሊ ፡ ለዐቕሻ ፤ ወእሸዎ ፡ ለዜምታይ ፡ ከልክ ።
- እሸዎ ፡ ለቀንጽ ፡ አሰራ ፤ ወእሸዎ ፡ ለእት ፡ መሐሰስ ፡ ጸንሐ ።
- ኖሳ ፡ ተአምር ፡ ቀለንጃ ፤ ዔረት ፡ ዲብ ፡ ለአፍትሃ ።
- 20 አምዕል ፡ ዐድ-ገድሎም ፤ እንደይ ፡ ሰሐታ ፡ አድምዓ ።
- ዋጣይ ፡ አምዕል ፡ ገጽ-ገምሮት ፤ ምን ፡ ሰለልብ ፡ ትመልክ ።

37

እብ ፡ ምግግዝ ፡ ምስርደ ፡ ለቤሻ ።

- 1 ትርክማ ፡ እብ ፡ ለነሲብና ፤ ምትድ ፡ ነቅለት ፡ ክም ፡ እጋል ።
- ላሊ ፡ ከአሮ ፡ ሰክሻ ፤ ለሐድግ ፡ ገለብ ፡ ሐመልማል ፡
- ድብራ ፡ ክም ፡ ራትዕ ፡ ቱ ፤ ወራትዓማ ፡ መደብራር ።
- ቅዱይ ፡ ቱ ፡ ጼናሃ ፤ በዐላ ፡ ነብር ፡ እብ ፡ ዕጣን ።
- 5 ወአዜ ፡ ሐዲር ፡ ሰለባ ፤ እት ፡ ስብሳባ ፡ እግል ፡ ክስታን ።

38

ሕመድ፡ ወድ፡ ሰምራ።

ከንቴባይ ፡ ብእምነት ፡ ወሕመድ፡ ወድ፡ ሰምራ ፡ ጉዳባም ፡ ዐ
 ለው ። ወእብ ፡ ለዶል ፡ ጀሃድ ፡ ወሕመድ፡ ወድ፡ ሰምራ ፡ ጸር ፡ ዐ
 ለው ። ሐር ፡ ሕመድ፡ ወድ፡ ሰምራ ፡ አቡሁ ፡ ወሐሁ ፡ ሞተው ።
 ከንቴባይ ፡ ብእምነት ፡ እብ ፡ ወአት ፡ ርጋዝ ፡ መጽአዩ ፤ ደአም ፡
 እብ ፡ ተሐቲት ፡ ከራዩ ፡ የመማ ፡ እቶም ፡ ወእዝመተዮም ። ንዋዮም ፡

እት : ታብልንጂ : እት : መዓል : እት : እንቱ : አዝመተዩ ፤ ሐር :
 ሕመድ : ወድ : ሰምራ : እት : ምትንፋስ : ምድር : ዐድ-ተክሌስ :
 ዐራ : ቡ : ወአተክረዩ ። ለዶል : ዳር-ሰልሕ : ወድ : ድራር : እግል :
 ሕመድ : ወድ : ሰምራ : እብ : ሰይፍ : ሐከረዮ ። ሕመድ : ወድ : ሰ
 ምራ : እንዶ : ረድአ : ክም : አቅበላ ፤ እላ : ሕላየት : ሐላ ።

- I ሕመድ : ወድ : ደርመስ ፤ እላ : ዘዐቼ : ጽበጣ ።
 ህኩይ : ኢኮን : አቡካ ፤ ምስል : ለትገሻ : ወኢትገሻ ።
 ኢለቀብል : አቡካ ፤ በዲር : ሐቆ : ትበገሳ ።
 ዛምተት : ዘምት : አቡካ ፤ እት : አረያ : ወእት : ነፍሳ ።
- 5 ምን : አፍያተን : በለስንሃ ፤ ለሕርም : ሐቆ : ሸሸታ ።
 ሕርም : ምትንፋስ ፤ ዐጆም : ቀርብ : ምን : ዐዳ ።
 እት : ሐረታ : አቅበለት ፤ ኖሳ : ተአምር : ቀለንጃ ።
 ክል : ሰኔታ : ምን : ነዐልብ ፤ ወኢዐጄና : እብ : ፈኻ ።
 ፈክ : ለሐሊባ ፤ ሰቴ : ምና : ለትገሻ ።
- 10 ፈክ : ለመዩብቶት ፤ በርዕድ : ዲብ : መን : ካስአት : ታ :
 ወፈክ : ለዕዳያ ፤ ሀይገት : እባ : ፋግረት : ታ ።
 ወፈክ : ለአቅሩሻ ፤ ሐረት : እባ : ታብለት : ታ ።
 ሕናዲ : ፈክና : ፈዴና ፤ ሰኔት : ሰኔት : ዋስከት : ታ ።

ካፈሊት : ወድ : ደርመስ ።

መንሰዕ : ገደቦ : ዋይደት : እት : እንታ : በርካ : ምን : ደኛ : ምስል :
 ጸኛ : በቤላ : ሕላየት ።

- I እሊ : እቱ : ሀሌና : ቱ : እማትና : ለእሱ : ረግማና ።

ኢጸገብና፡ ምን፡ ገብኝ፤ “በርካ፡ ብጹሕ”፡ ልብላና።

እሊ፡ ቱ፡ ለምድር፡ አብ-ራዮት፤ ሹሩብ፡ ወመጭለል፡ ወፋና።

አኬ፡ ክእኛ፡ ቅሩብ፡ ቱ፤ ላማ፡ ደብር፡ ወደ-ሳላ።

5 ወኩሉ፡ ገለብ፡ ተሐይሶ፤ ዑሩይ፡ እንቱ፡ ለአዳማ።

ድቦት፡ ድቦት፡ መሐበራ፤ እት፡ ክደራ፡ ወዕዛላ።

ወራዚታ፡ ልጅለል፤ ዲብ፡ ሸኪክ፡ ለድዋራ።

ወግሬተት፡ ገጽ፡ ለምሴሃ፤ ወቀብር፡ ካምል፡ ለምፍጋራ።

ደዐርተት፡ ወጭዔተት፤ ስክበት፡ ለእንቅዕራራ።

10 ገለብ፡ ብዙሕ፡ አካላ፡ ታ፤ ስብካ፡ ወለሳጋማ።

ብዙሕ፡ ሐሊባ፡ ታ፤ እት፡ አውላ፡ ወለምክራማ።

እት፡ ክል፡ ወርሕ፡ ለአግማማ፤ ስብካ፡ ወለሳጋማ።

ዲብ፡ መልሐተይ፡ ትሸቆድ፤ ዲብ፡ ለአውለት፡ ዝላላ።

ዲብ፡ መቀየም፡ ትሸቆድ፤ ወምንዲ፡ ሰብክ፡ ዲብ፡ ቃማ።

15 አይበድ፡ ሳብር፡ እብ፡ መሃሲት፤ እራይ፡ ኢኮን፡ ለዕላማ።

ሕጽሕጸ፡ ወመቀር፡ ቱ፤ ምን፡ ተትራይም፡ ዲብ፡ መዓላ።

ሀይገት፡ ዲብ፡ ለቀዳሚት፤ ብካያ፡ በዝሐ፡ ዲብ፡ ጋና።

ዕንብው፡ ከለሳ፤ ዲባ፡ ኢኮን፡ ለአግዋራ፡

ለሰብአ፡ ኢረአዎ፤ አዛማር፡ ለስቃራ።

20 ንኡሻ፡ ወዐቢሃ፤ አገናታት፡ ዘብጣ፡ እላ።

አኬት፡ እግልኩም፤ እንቱም፡ ሰብ፡ ለአማና።

እንቱም፡ ለአፍሩስ፡ ትጸዐኖ፤ ወሜስ፡ ሐን፡ ለክራራ።

ወእንቱም፡ ለዐባይ፡ ትትሐዘው፤ እት፡ ስሜታ፡ ወፋላ።

ሕናዲ፡ ሚ፡ ጋርና፡ ገአና፡ ሰብ፡ ለፍናና።

25 በገስና፡ ምኛ፡ ቱ፤ ተክሉብ፡ ሚ፡ ቡ፡ ግራና፡

ክልአቶ፡ ኢኮኔ፤ ለመለዋላይ፡ መታና፡

መዐጸድ፡ ወመሳር፤ ወሐፊር፡ እብ፡ ለእርባና።

አዜማ : እብ : ለሐዘሆም ፤ ግስና : እልና : በርካና ።

ወክም : ለጠልቅ : ገአና ፤ ክም : ርኤና : ለዝላማ ።

30 “ቤልታ : በቅለት” : ቤሉና ፤ ከሳብት : ካርም : ቱ : ለኤማኛ ።

ለጋይስ : እግል : ለቅብል ፤ አትንካይ : ለሰኣላ ።

ለግሱይ : እግል : ልጥፈሕ ፤ እት : ምትክል : ለአካና ።

“ወአዜ : በዴት” : ቤሉና ፤ እላ : ታ : ለትበትክ : ሀርባና ።

ገድም : ሚ : ባ : ተከለብ : ክል : ቤት : ትጽበጥ : ለአካና ።

35 ም : ሐምድ : ተትሐሴኛ ፤ እሊ : ቱ : ተምሳላማ ።

አቡካ : ገብሬስ : ሰአል ፤ በዲር : ለአምራማ ።

ወለት : ደአመን : ሰልም ፤ ም : ሐምዴ : ወድ : ሐሳማ ።

ምንማ : በርካ : ግስና ፤ ተሪፍ : ሰአና : ሻማ ።

ዐድ : ሕድ : ልትመሳኤ ፤ ምስል : ለትማያማ ።

40 ወረያም : እግል : አተምስል ፤ ግውሐ : ታ : አይባባማ ።

እንታ : ቱ : ለመስኒና ፤ ወእንታ : ተአክለኛማ ።

ከይነት : ተታርፎ ፤ ብዙሕ : ለትመሳናማ ።

40

ቀሽ : ወድ : ብዳ : ልብል : ዐላ ፤ “ፍጡር : ኩሉ : በዴ ። ከምን : ክል : ሞላድ : ክልአት : ወክልአት : ተርፍ” ። ሐቲ : ዶል : ክም ሰል : ሸረክ : ለመስል : ወልወል : እንዶ : መጽአ ፤ ገሌ : አዳም : ምን : ሞታ : ካፈሊት : ክም : ለበሀል : ወድ : ብዳ : እግል : ልግበእ : ቱ : እንዶ : ቤላ ፤ እላ : ሐላ ።

1 ረአስና : ነስአካ ፤ ም : ሸግራይ : ተሀመት : አለብካ ።

ምንዲ : ትገብእ : በዐል : ተሀመት : “ረሺ” : ኒበል : “ሐሰብካ” ።

ለትመጽአ : ሚ : ተአምር : ሀቡብ : እልከ : ሚ : ጋርካ ።

እሊ፡ ፈጅጅንዲ፡ ሙሳባሩ፡ ክፍእት፡ ታ።

5 ሕጸት፡ ወሓጸ፡ ፀድ፡ ሕድ፡ ልብጸሕ፡ አንሕርታ።

አፎ፡ ሰአና፡ ሞት፡ ተራ፡ ሞላይ፡ እሊ፡ ተብዕንካ።

ዐድ፡ ሕድ፡ ትቀብር፡ እዲና፡ ውሩብ፡ ወማሰ፡ እት፡ እንታ።

ማ፡ ጽላል፡ ዕጨት፡ ገብእ፡ ታ፡ ለእላ፡ ቤላ፡ ወድ፡ ብዳ።

“ክልኤ”፡ ቤላ፡ “ምን፡ ዐጣል፡ ወክልኤ”፡ ቤላ፡ “ምን፡ እንሳ”።

10 “ክልኤ”፡ ቤላ፡ “ምን፡ አሓ፡ ወእሲት፡ ትተርፍ፡ እብ፡ ብእሳ”።

በዲር፡ ለዐለት፡ ትደገም፡ ሙጽአት፡ ወርኤታ፡ እብ፡ ዕንታ።

41

ዐድ፡ ምን፡ ሰብካ፡ ምኔ፡ ለቤላ።

1 አያ፡ ሀለው፡ ዳርኩና፡ ከራ፡ ሸግራይ፡ ወሕቱ፡

ጀመሎ፡ ሾ፡ በሎ፡ ዛምታይና፡ አቲ፡ ቱ፡ እብ፡ ርዝቁ።

እምበል፡ ለግንሐት፡ እም-ጀሚል፡ ሰመዕ፡ ሚ፡ ቡ፡ ምን፡ ዐዲ፡

ዐድ፡ ሕድ፡ ኢንጥለም፡ አና፡ ወእንቲ፡ ም፡ አርዐዱ።

5 አቡዬ፡ አና፡ ቱ፡ ተባቡ፡ አስሬኒ፡ ቱ፡ ዲብ፡ ጽምዱ።

ኢሰብክ፡ ወኢሳግም፡ ጽምድ፡ ሸሩብ፡ ቱ፡ ዲብ፡ አርዱ።

42

መሐረሱ፡ አንበጣ፡ ምን፡ በልዐዩ፡ እላ፡ ሐላ።

1 ተላይ፡ ቱ፡ ዕጹም፡ እዲና፡ ከይድ፡ ምክያድ፡ ፈላይት።

ዲብ፡ ዝላማ፡ ልትባቁ፡ ምንዲ፡ ትበጄ፡ ለዓርባይት።

ዲብ፡ ጸሓያ፡ ልትባቁ፡ ፋግረት፡ ምን፡ ለነዳይት።

ዲብ፡ ሕልቤሃ፡ ልትባቁ፡ አሓ፡ ለኩሉ፡ ፋጭላይት።

5 ወሰብ፡ ዐድ፡ ወጋሻ፡ ተደርፎ፡ ክል፡ ባይት።

ወዲብ፡ ጽልመታ፡ ልትባቁ፡ ምንዲ፡ ትበጄ፡ ዓርባይት። 1)

1) Der Vers ist ungenau überliefert.

ተላይ : ሚ : ቡ : ብርድዮት ፤ ማ : ምን : ሰነትና : ሐሻይት ፤
 ለረቢ : ሰድዮ : ቱ ፤ ለዕሉብ : ዲብ : ለበካይት ።
 ለእታ : ወዳ : ወደ : እሉ ፤ ከጅግሉብ : ገብእ : ወዛይድ ።

10 ሐ-ካማ : እምበል : ሐበሮት ፤ ወኢአመራ : ፍንታዮት ።
 እሊን : ናዬ : ገብእ : ተን ፤ ማ : አገራም : ለሐላዮት ፤
 ሐ-ካማ : ግሁፍ : ሐርስ : ቱ ፤ አና : ረቢ : ሚ : እገብእ ፤ 1)
 “ግሳስ : ሰልም” : ወእንቤሎ ፤ ገብር-ረቢ : ወድ : ፋይድ ።
 ምን : ትብለካ ፤ “መርሐባ” ፤ እት : አካና : ጸንሐይት ።

15 ርዝቅ : እት : ረቢ : ቱ ፤ ለእሊት : እላ : ብህላይት ።
 ወ“ኢኮን” : ምንዲ : ትብለካ ፤ ትዘበሐ : ሰነት : ታ : ፋግዳይት ።
 እሊ : እንዶ : እንፈርህ : ቱ ፤ ኢነሾፍግ : መካይድ ።

43

ሰሰብ : እግል : ካፈሊት : ትሰክለዎ ፤ “እምበጣ : ማይ : ሰቴ : ማ : ኢፋሉ” ፤
 ወህቱ : እሻ : ሐላ ።

1 ምን : ረቢ : ለትመጽእ ፤ ዎ : ካምል ፤ ከእኛ : ስሬ : ታ ።
 ሐጫር : እዝኑ : ልዘበሐ ፤ እሊ : ተምና : ሚ : ርኤካ ፤
 ዴርሆማ : ዕምራ : ቆቀለት ፤ ዓርገት : እንታ : ረአስ : ቤታ ።
 ፋጣይ : ከራብ : እዲና : ቱ ፤ ሻለቴና : ከጌሳ ።

5 ለምድር : እግል : ኢልብዴ ፤ አሰኛይ : ለማይ : ከልኤካ ።
 እምካ : ኢአጥቤተካ ፤ ወአቡካ : ኢላጼካ ።
 መርገም : ኢትፈርሃ ፤ ላማ : አተድዔካ ።
 መቅጠንካ : ሐጼን : ኢፈርህ : እብ : ኮናት : እንዶ : ደርቤካ ።

1) Der Vers ist ungenau überliefert.

44

ካፈሊት፡ ሀዩ፡ ለሐሰደ።

- I አቡዬ፡ ረቢ፡ እግል፡ ሀይገት፤ እት፡ ፈትያ፡ መነያ።
- ምን፡ ረቢሃ፡ ኢአኬት፤ ወምን፡ ነገስ፡ ለከበሳ።
- ምን፡ ናይብ፡ ኢአኬት፤ ለዳንክዮታት፡ ማለክ።
- ምን፡ ድግለል፡ ኢአኬት፤ ማልክ፡ ወሐልቅ፡ ቱ፡ እት፡ ዘጋ።¹⁾
- 5 ድራራማ፡ ትረግሞ፡ ቱ፤ ከእንጌርሃ፡ ጋድአት፡ ታ።
- ምን፡ ትድሕር፡ ተደብር፤ እግል፡ በዐል፡ ሻማ፡ ወቀርዳ።
- ወምን፡ ትረግም፡ ተበጽሕ። አባያ፡ መአዜ፡ ሃርሰት፡ ታ።
- “ምን፡ ጠለት፡ ቲበስ”፡ ሚ፡ ኢቴላ፤ እግል፡ ተትአምን፡ በከታ።

45

ምን፡ ለማይታም፡ ብዙሕ፡ ፈትዮም፡ ለዐላ፡ ስኘቱ፡ ላሊ፡ እብ፡
 ሕልም፡ ምስሉ፡ እንዶ፡ ትመዩው፤ ክም፡ ጸብሐ፡ ምን፡ ኢረከበ
 ዮም፤ ለቤላ፡ ሕላዮት።

- I ሰሞእ፡ ኢልትገዩስ። እላ፡ ከአሮ፡ ተዳግም።
- ሰብ፡ ለጸንሐ፡ ምስልዬ፤ አያ፡ ጌሳ፡ ም፡ ሐሻኸም።
- ለእዴ፡ አብ-ኬማ፤ ትሻክክ፡ ጸንሐት፡ ወትጃድም።
- ለአፍ፡ አብ-አርዋ፤ ሐሌ፡ ጸንሐ፡ ወዳግም።
- 5 ዕቴልዲ፡ ክልኤ፡ ምልትሐ፤ እንዶ፡ ጸብጣ፡ ከአዝም።
- እንቱም፡ ሰኒ፡ ሀሌኸም፤ ወእኸይ፡ ሀላ፡ ለግራኸም።
- ምስል፡ ለአበቸኸም፤ ጥዕም፡ ሀሌት፡ ነብራኸም።
- ገአኸም፡ ውላድ፡ መካዝን፤ እብ፡ ረቢ፡ ወእብ፡ ለጎማትኸም።
- ወዲብ፡ ለክዋና፤ ተላይ፡ ሐልብ፡ ምን፡ አሐኸም።

* * *

1) Im. Original: ሰርካ. Die Emendation Hጋ stammt von Naffa.
 Princeton University Expedition to Abyssinia, Vol. III.

10 ሰሞኑ : ኢልትገደስ :: እላ : ከአፎ : ዳጉማ :
 ሰብ : ለጸንሐ : ምስልዬ ፤ ፍንጌ : ገለብ : ወጉባ ::
 ምን : አረዋይ : ወተሐት ፤ አካን : ለአሻይ : ልቡላ ::

እት : በዳ : ሰብ : ገጽ-ገምሮት : ለቤሻ ::

1 አና : እብ : ግሳዬ ፤ ወጸርዬ : በኑ : ቦፋ ::
 ጅምዕ : ወህያቡ ፤ ሰኚ : ሀሌት : ኖሳ ::
 ሪምኪ : አካ : ዲብና ፤ ዎ : ገለብ : ምን : ለሞታ ::
 ምን : ለርሻሽ : ቃምዱ ፤ ወክቡድ : እበን : ወሐጸ ::

* * *

5 እሸ : ሰብኮ : ሚ : ቡ ፤ ቀይም : ቀላቅሎታት :
 ወእሸ : ሳግሞ : ሚ : ቡ ፤ ልሔታ : ምን : ዳሮታት :
 ወምስሉ : ገሙ : ሚ : ቡ ፤ ሰኖ : ለአብዕሮታት :
 ወገለድ : ከሬ : ሚ : ቡ ፤ ዲብ : ለገባይሎታት :
 ወእሸ : ዘምቶ : ሚ : ቡ ፤ ከገይስ : ዲብ : ሐሮታት :
 10 ተማም : ለክፎ : ዲቦም ፤ አካባ : ወአግዕሮታት ::
 እብ : ቀጠፍ : ጌልል ፤ ከከኖል : እብ : ማሞታት ::
 መርባት : ሰሜ : ሚ : ቡ ፤ ልስከብ : ሰብ : ካኮታት ::
 ወገድም : ተክሉብ : ሚ : ቡ ፤ ከሬት : ጽሻቦታት ::
 ካልእ : ላሊ : ድገም ፤ ዎ : ካቦይ : ሸበርቆታት ::
 15 ጭገር : አስሮ : ምኛ : ታ ፤ ሕማጥ : ለከላውዮታት ::

ዐድ-ዓይላይ : ወዐድ-ገብሬስ : ብኡሳም : ዐለው :: ዐድ-ዓይላ
 ይ : እግል : ዎሮ : እናስ : ወድ : መሐንርጥ : “እግል : ዐድ-ገብ

ሬስ ፡ ዝመት ፡ እልና” ፡ ልቡሎ ፡ ዐለው ። ከጅርበት ፡ አርአዮም ፡
እግል ፡ ዐድ-ገብሬስ ፤ ወሐር ፡ ምን ፡ ተግረው ፡ እላ ፡ ሐላ ።

I “ከተግሬት” ፡ ቤለው ፡ “ገደቦ” ። አፍ ፡ ሕድ ፡ ጸኔት ፡ ቤት ፡ ስራይ ።
ትባትኸ ፡ ለሐባል ፤ ወድ ፡ ለጸራድ ፡ ለወዳይ ።

ሹም ፡ እግል ፡ ዐዳ ፤ አድግ ፡ ልግበእ ፡ ወብዕራይ ።

ሹም ፡ እግል ፡ ዐዳ ፤ ብላፅ ፡ ልግበእ ፡ ወስታይ ።

5 ሹም ፡ እግል ፡ ዐዳ ፤ ከረም ፡ ልግበእ ፡ ወሐጋይ ።

ሹም ፡ እግል ፡ ዐዳ ፤ ወርሕ ፡ ልግበእ ፡ ወጸሓይ ።

ሹም ፡ ሊጊስ ፡ ገቢላት ፤ ከለትካትሞ ፡ ዐድ ፡ አባይ ።

ወደሐን ፡ ወጄ ፡ እሉ ፤ ወገለድ ፡ ከሬ ፡ እግል ፡ ወዳይ ።

እግል ፡ ረድኢቴ ፡ በላ ፤ ዎ ፡ ነደል ፡ ወድ ፡ መንታይ ።¹⁾

IO ፋይተት ፡ እግል ፡ ወሬዛ ፤ ኢጣዮሁ ፡ ታ ፡ ወህዳይ ።

ወድ ፡ አቡካ ፡ ቱ ፡ ከልኤኒ ፤ ለዲብ ፡ ለጎካ ፡ መዐዳይ ።

ሐምጆ ፡ ወድ ፡ አበከር ።

እግል ፡ አሓሁ ፡ ለቤላ ።

I አባረረት ፡ ዐራይ ፤ ሮራ ፡ ዲብ ፡ ለረገበቱ ።

ግራ ፡ ሊሊት ፡ ኢስክባ ፤ ምን ፡ ትመልአት ፡ ለከርሸቱ ።

ቡሩካሙ ፡ ሀሌና ፤ እት ፡ ዐመሉ ፡ ወእት ፡ ነፍሱ ።

አባረረት ፡ ዐራይ ፤ ሮራ ፡ ዲብ ፡ ለክደሩ ።

5 እሊ ፡ አዋልድ ፡ መሻርሕ ፤ ኢተሐበካ ፡ ለዐምበሩ ።

አቡኩም ፡ እምበል ፡ ዮም ፡ ዓመት ፤ ሐልፈት ፡ ኢኮን ፡ ከንፈሩ ።

1) እናስ ፡ ዐድ-ሀባይ ።

- ምስል : የሐንስ : ወድ : ጀጊን ፤ ድቦት : ትብቅር : እት : ነሐሩ ::
- ምን : ዘምታ : አቲ : ባ ፤ ራዛ : ገይስ : አሰሩ ::
- ምስል : ሸላብ : ወድ : ሕኒት ፤ ዓያ : ለግራ : ደምበሩ ::
- 10 ምስል : አብ-መልካ ፤ ጃንዶር : ለጸብጣይ : አለቡ ::
- ምስል : ወድ : መርኬ ፤ ጌሳ : ዲብ : ለአሰሉ ::
- ምስል : ጭሩም : ወድ : መንደር ፤ ደንጎባ : ለክርክሩ ::
- ምስል : ገምያ : ወድ : ሐርሺት ፤ አክብ : ሀላ : ድመሉ ::
- ምስል : ተክልጮን : ወድ : ፍካክ ፤ ሀላ : እብ : ለነአሩ ::
- 15 አብ-አማይር : ወአብ-ሀጅዋ ፤ ሰብእና : ለጨጃር : ነሐሩ ::
- ምስል : ጭሩም : ወድ : ደሪር ፤ ጨላሞ : ለመሐበሩ ::
- እግል : አምና : ቦላ : ታ ፤ እግል : ወድ : ከልብ : ለአመቱ ::

49

እግል : አላሁ : ሀዩ : ለቤላ ::

- 1 አዜ : ትጠልሚ : ቱ : ዎ : ስብር : ናይ : ትሌጊብ : በኛ : ታ ::
- ንቅዕ : ወዴት : ለእዴዬ ፤ እብ : መታን : ለጭንግዓታ ::
- ስብር : ሰኔት : ከወኒ : ታ ፤ ግርቢት : እብ : ለዕራታ ::
- ስብር : ሰኔት : አሰይፍ : ታ ፤ ሸክና : ከሬ : እብ : ረሐታ ::
- 5 ስብር : ሰኔት : ሸክክን : ታ ፤ እንዶ : ጠብሐ : ከላጸ ::
- ሰኔት : ሸብንርብ : ታ ፤ ዓግር : ለግራ : በላታ ::
- ወለት : ገለብ : ኢኮኔ ፤ ለሐቲ : አካን : ብራታ ::
- እብ : ሸርዕ : እት : ትራግር ፤ ትርኤ : ምጥራታ ::

50

ሰመራ : ወድ : ሐላ ::

እብ : ድመሉ : ለቤላ ::

- 1 ሚ : እንዶ : ረክበት : ቱ : ከዮምዲ : ከብዳ : ቱ : ለቅሳና :

- እንደ ፡ ሜዘነት ፤ ቀብራ ፡ ሐድገት ፡ ወአካና ።
- ልሱቅ ፡ እንቱ ፡ ለሸዓይር ፤ ወዲብ ፡ ማሼላ ፡ እራራ ።
- ድጌሃ ፡ ትፋገረት ፤ ሐድገት ፡ ሀይገት ፡ ዝላላ ።
- 5 ፍርሀ ፡ እቼ ፡ ገብእ ፡ ቱ ፤ ማ ፡ እንደ ፡ ሐዜት ፡ ድራራ ፡
- እት ፡ ለገርሀቼ ፡ ቱ ፤ ቤት ፡ ኡብ ፡ እሊ ፡ መሐውራራ ።
- ገርሀቼ ፡ በኛ ፡ ኢትባድም ፡ ቱ ፤ እት ፡ ልትሐረስ ፡ ለአግዋራ ።
- ሀቱማ ፡ በኑ ፡ ኢታልም ፡ ቱ ፤ ከኢልብል ፤ “ሆን ፡ ባራ” ።
- እብ ፡ ክትል ፡ እነግፍ ፤ ምን ፡ ለዐል ፡ ደጋሽ ፡ ቱ ፡ ሐዳራ ።
- 10 እብ ፡ ገዐዛ ፡ እቀስን ፤ መሐዛት ፡ ረይም ፡ ለዋላ ።
- እት ፡ ሕድ ፡ ትንሰሕ ፡ ገደቦ ፤ ምስል ፡ ቱ ፡ ርዝቃ ፡ ወዓማራ ።
- “ኢሸክናዬ” ፡ ኢትብል ፤ ምን ፡ አፍያታ ፡ ለትዋላ ።
- ደምሳስ ፡ አክያር ፡ ሰልማ ፤ እንታ ፡ ትከይድ ፡ ግዳራ ።
- ሐካ ፡ እላ ፡ መትሃጅክ ፤ ግርሳ ፡ ሐን ፡ ለክራራ ።
- 15 ምን ፡ ትትቀሐሽ ፡ ብሩያ ፤ እኪት ፡ ታ ፡ ሾከት ፡ ለታላ ።

51

ሰመራ፡ ወድ፡ ሔላ፡ ሀዩ፡ ለቤሻ።

- 1 ክፍሊት ፡ ግብለት ፡ ሰልማ ፤ ለዘዐት ፡ ተአምር ፡ ምድዋራ ።
- ሀታዲ ፤ “ነዓ ፡ ቡ ፡” ትብለኸ ፤ ለወለት ፡ እብ ፡ ለዕጋላ ።
- እንታ ፡ ክት ፡ እግላ ፡ ኢትፍረሕ ። “ሕጉዝ ፡ ቱ” ፡ በላ ፡ “ወኢዳላ” ።
- መአቲትና ፡ እብ ፡ ዶሉ ፡ ቱ ፤ እንደይ ፡ ትከሬት ፡ ለእርባና ።

52

ሰመራ፡ ወድ፡ ሔላ፡ ሀዩ፡ ለቤሻ።

- 1 ስርሐ ፡ ግርም ፡ ልሳርሕ ፤ መምባ ፡ ዛይድ ፡ ወድ ፡ ዐማር ።
- አና ፡ እላ ፡ ገርሀቼ ፤ ተሐዜት ፡ ዲብዬ ፡ እት ፡ ቅጳር ።

“ዐይብካ” : ለቤላ ፤ ተርፍ : ማ : ሚ : እብ : ሕሳን :

“ዐይድብ : ሰልም” : ወእምቤሎ ፤ እግል : ዐብደል-ሼክ : ወድ : ስልጣን ::

5 ለግሰት : ስነት : ነጹጋ : ታ ፤ ወትንክሊታ : መገዳል ::

“ኢስኔቹ” : ምን : ትብል ፤ ስነትካ : ታ : ዎ : እንታ : ሕጻን ::

53

ሰመራ : ወድ : ሔላ : ሀዩ : ለቤሻ ::

I እግል : ግብለት : ሰልሞ ፤ እግል : ለካልእት : ሐሸላ ::

ለአክዑብ : ደረሽብ ፤ ብላይ : ላክፍ : ለነሐራ ::

ለግሰት : ቅሺት : ታ : እብ : ቅዱት ፤ ኢኮን : ግድሎ : አምሐራ ::

ለድሉክ : እንዶ : ዛብጦ : እላ ፤ ዲቡ : ትሳብር : ለእገራ ::

5 ምን : ንጫ : እቀሌ ፤ እላ ፤ ቤላ : ወትበሀላ ::

አዳም : መስንሁ : ትሰአሎ : ቡ ፤ “ከአፎ : ቱ” : ቦሎ : “ሰመራ” :

በዲር : ዓምር : ፈቱኒ :: መአዜ : ዲብዬ : ሐበራ :

እፈትዮ : አናማ :: ለሀሌት : ዲብዬ : ወአመራ ::

54

ሰመራ : ወድ : ሔላ : ሀዩ : ዓሊ : ዲብ : እንቹ : ለቤሻ ::

I ሀይገት : ተመት : ለእዋና : እላ : ታ : ውቀት : ስብከታ ::

ለአካላ : እት : ነአምር : ቱ : ረዶብ : ረዶብ : ቱ : ለጽዕነታ ::

ለሐሊባ : እት : ነአምር : ቱ ፤ አውል : ወአውለት : መንገሳ ::

ለተገሪታ : እት : ነአምር : ቱ : ገለጹት : ለፋዘጋ ::

5 ለመተሊታ : እት : ነአምር : ቱ : ሰለስ : ሕምሳ : ቱ : ለጨሐራታ ::

ሐረት : ለጽንቡል : ኢተአምር : ምዱን : ደነት : ለማመታ ::

ዲብ : ለሞታ : ታቱላ : ወዝመት : ልስኤ : ለክፍለታ ::

ቤት-አሸዛ : ለሕርባባ : ቱ ፤ ወወድ-ዐንደሎይ : ለግሰሳ ።
 ዐድ-ሐፈሮም : ለእናሱ ፤ ቀበት : ለዐሸት : አሸተታ ።
 10 ክልኤ : ዘዐት : ኢተሃጋ ፤ ወክልኤ : ዋንጫ : ኢሰታ ።
 ሐቆ : አሸዛ ፤ ትደአላ : ሚ : ቡ : ወሸሐቃ ።
 በኛ : ታ : ለጥርቀት : አሸዛ ፤ ተለል : ቤላ : እብ : ረዳ ።
 ሀቱዲ : ለሰበር : ኬደያ ፤ ወጸሮታቱ : ትሻነካ ።
 እብ : ዕሉጉ : ለሞታ ፤ አምዕል : ባርሀት : ታ : ወጸዐዳ ።
 15 እሰክሻ ፤ ሚ : ሀሌኮ ፤ ለላሊ : አስክ : ናኸታ ።
 ላሊ : ከአፎ : ሰክሻ ፤ ዕዱር : ለነፍሱ : ኢበሐታ ።
 አና : ትንባክ : እፈቴ ፤ እብ : መስተያ : ወሐገታ ።
 ሰልሞ : አመት : ወድ : አፍታይ ፤ ዎ : ጸርና : ከራ : ወሸካ ።

55

እግል : አሸዛ : ለቤሻ ።

1 በዲርማ : መርኬ : ኢሐውን ፤ ሀይገት : ዲብ : ለምርሒታ ።
 ወዲብ : ሐረታ : ትስእዮ ፤ ወክእኛ : ዲብ : ለረድኢታ ።
 ኢዳፈና : ለአሰራ ፤ እግል : ኢለኦኬ : ለሳልፊታ ።
 ጎማት : ኢኮን : ወአርደዶት ፤ ከብዱ : ጸመት : ታ : ለአምዲታ ።
 5 ለዛምተት : ነስኦ : ለሕሩያ ፤ ለክረፅ : ፈግራ : ለዕጺታ ።
 እሰክሻ ፤ ሚ : ሀሌኮ ፤ ለላሊ : አስክ : ፈኪካ ።
 ከብድ : ነብራ : ኢተአሌ ፤ ወአፍ : ሰሓቅ : ወሂጋ ።
 ገጩ : ነመኸ ፤ ሀይገት : በዝሐት : ለእኸታ ።
 ሰልሞ : አመት : ወድ : አፍታይ ፤ ወኢሐምጾ : ወድ : ዲሳ ።
 10 በዐል : ለቀሻ : ድሸከት ፤ ትነሳንሻ : ቅዲታ ።
 በዐል : ለማንጅብ : ፍኑቁሕ ፤ ዓሳር : ጸሊም : ቱ : ለክሊታ ።
 በዐል : ለፅንታት : ተባራት ፤ ሻከት : ክም : ለጽሪታ ።

በዐል : ለአክቦ-ብ : ደረሽብ ፤ አሻ : ጋብአት : ለነሐሪታ ::
 አና : ክእኛ : እብላ ፤ ወሀታ : እግል : በዐል : መስኢታ ::
 15 አናዲ : ትንባክ : እፈቼ ፤ እብ : ሐገታ : ወእብ : ፊፋ ::

56

ሰመራ : ወድ : ሔላ : ሀዩ : ለቤሻ ::

I ግሳስ : ሰልም : ዎ : ሀንገላ ፤ እግል : ለካልእት : ክልንክል ::
 ጼናታታ : ነድሬኛ ፤ ምን : ዕሉሊት : ወአሸመኸር ::
 ሀታ : ጎዬ : ኢትመጽእ ፤ እንዶ : ወዴት : ደነብር ::
 ወአና : ጎሃ : ኢእገይስ ፤ ወዐስ : ወሕርም : ሰረሸር ::
 5 ግሩብ : ሐድጋ : ገርሀቱ ፤ ምግብ : እንታ : ወሸፍር ::
 ረበል : እንዶ : ትጽብሐ : እላ ፤ እሉ : ሐርሳ : እብ : ክትል ::
 “ረበል : ጫርሞ” : ቤሉና ፤ አና : ወዩባት : ወድ : ደብር ::

57

ሰመራ : ወድ : ሔላ : ሀዩ : ለቤሻ ::

I እግል : ጀውሀረት : ሰልሞ ፤ ዲብ : ለናይ : ለበዲራ ::
 ግርም : እንታ : ሐደግንሃ ፤ እብ : ቀለማ : ወእብ : ሊላ ::
 ዕሸር : እንታ : ሐደግንሃ ፤ ካብር : ቱ : በዐል : ለደጌራ ::
 ጽንዕት : እንታ : ሐደግንሃ ፤ ደይ : ፈግሯ : ለምስጢራ ::
 5 ሐጽፍ : ዲባ : ራዛታት ፤ ከሆባይ : ተሐኪ : ቀቲላ ::
 እግል : ጀውሀረት : ሰልሞ ፤ ወእሊ : ገዕና : ሐኩ : እላ ::

58

እግል : ግሳስ : ሀዩ : ለቤሻ ::

I “ግሳስ : ሰልም” : ወእምቤሎ : እግል : እድሪስ : ወድ : ገብሻ ::
 መናበታ : ቤት : ማንጊት : ቶም : ተወክ : ሚ : ቡ : ሰብ : ዐዳ ::

ቀትል : ሚ : ቡ : እግል : ጋባት ፤ ላማ : ትወሐራ : ወትጺጋ ፤
 ሕመድ : ጋሻ : እት : ከሬር ፤ ዕደቹ : ወኢተሀኸ ።
 5 ግሳስ : ዋከት : ሸኬራ : ታ ፤ ሰርግ : ምኛ : ለኢነከሻ ።

59

ሕመድ : ወድ : ደርመስ : እት : ቅብላታ : ለቤሻ ።

I ትገለላ : ወድ : ሔላ ፤ አሌቶ : እላ ፤ ወኢቤላ ።
 ክምሰል : ሀርማይ : በዐል : ሕደት ፤ ሚ : ታ : ዋከት : ሸኬራ ፤
 ጎና : ሀሌት : ለምሀረት ፤ “እጸዐኛ” : ለቤላ ።
 እላ : ታ : ለሚስ : ጌግሮ : እላ ፤ ወሸከር : ክምሰል : እንጌራ ።
 5 ሕናዲ : ጀዌት : ታ : መስከብና ፤ ወምን : እንሳግም : ዕሌላ ።
 ገለብ : ተሐይስ : ምን : ከላ ፤ “እረክሻ” : ለቤላ ።
 ቀይም : አቴ : ለሕምሩጋ ፤ ሸዒራ : ወለማሼላ ።

60

ሰመራ : ወድ : ሔላ : ሀዩ : ለቤሻ ።

I መንሰር : እንዶ : ወጽዐዎ : ቱ ፤ ጌሳ : ምን : ረአስ : ሀዩማ ።
 አክል : እሎም : ተትሃጅክ ፤ ወአክል : እሎም : ልትቅሐባ ።
 እግል : ቲዱር : ኢትራግር ፤ ክል : ደል : ክሩይ : ቱ : ለተርቆባ ።
 ኢትደምለኻ : እብ : አፍሃ ፤ ወኢትሻኸኻ : ሰአሎ : ባ ።

61

ሰመራ : ወድ : ሔላ : ሀዩ : ለቤሻ ።

I ግብለት : ዐንቀር : አጀርቡብ ፤ በላ ፤ ም : ዛይድ : ወድ : ገብሻ ።
 ሐመልማል : አጃዊ : ታ ፤ ሸርሔ : ወዐምበር : ማልአት : ታ ።
 ሃይባያ : ልቶሬ ፤ ወናስኢያ : ወኢቀሻ ።
 አና : ዐጅ : ቀላቅል : ቱ ፤ ወሀታ : አውለት : ራይደት : ታ ።
 5 ከሩይ : ቱ : ዲብ : ለመካትፍ ፤ ሻልከታት : ለሀርደሻ ።

ሰመራ : ወድ : ሔላ : እብ : ሕማም : እግል : ሰጥተው : ለበክያ ።

I ትወልህ : ቤተት : እም : ጃውጅ ፤ ለጣራት : ምንዲ : ትሄረራ ።
ከሌብ : ለእሸ : ልጅሐሮ ፤ የመቴኔ : ትቀየራ ።

በኪት : ወምንጉስ : ዔረያ ፤ ከጀቅፈው : ምን : ለጀፈራ ።
ሒለታማ : አለቡ ፤ ፍርድ : ወሀግያ : ደፈራ ።

5 ነግፍ : ምኛ : ብላዩ ፤ ከቀንጽ : ምን : ለመሐበራ ።
ወበለክ : በለክ : ቱ : አብ : ጃውጅ ፤ መትሀራሃር : ኢሰዐና ።
ቡላማ : ለገጹ : አሬማ ፤ ገጽ : አበይቱ : ምን : ገንሐ ።
ዲብ : ጋዙሌ : ለጌሳ ፤ እላ : ልርኩብ : ኢሰዐና ።
አፎ : አብ : ኬማ ፤ ወድ : አምበራ : ሰመራ ።

10 መኼልዕ : ብጣሩ ፤ ለመሓብር : ክምሰል : ተዓገላ ።
ጽንዕ : ለውዕል : ምን : ጉሸእ ፤ ወኼሌ : እልካ : ወአውዐላ ።
ወድ : ተስፋምኬል : ወድ : ገብሬስ ፤ ወድ : ከንታይ : ለአምሐራ ።
ወድ : ጸጋይ : አማናት ፤ ገበይ : ዐሻይ : ሐጸራ ።
ገሌ : እግል : ሐሊባ ፤ ወገሌ : ስጋ : ዘርዘራ ።

15 እም : እቅባሐንስ : ስምሐኖ ፤ ቤታ : ሐፍረት : ጀፈራ ።
ወዲብ : ሚ : ምኞም : ልትከረም ፤ ሐርቦይ : መምባ : ከሰላ ።
አና : እላ : ገርሀኛ ፤ ረድኢታ : አፎ : ደንገራ ።
ለሀላ : እግላ : ኢወጀ : ለሞታ : በዲር : ቀጅማ ።
እምበል : ገርሀት : ቀላቲ : ገርሀት : ቡማ : ኢሰዐና ።

20 እግል : አክያር : ቦላ : ታ : ወጸርና : ከራ : ዳክላ ።
ዛይሮታት : ለአስዑዳ : ክልኦት : ክዕባ : ወነሐራ ።
መናዝፍ : ለግሬና : ወየዐቆቢታት : ለእዘና ።
ሕናዲ : አመት : ወድ : አፍታይ : ወኢዳገምና : ከለላ ።

ለሀላ ፡ ልብል ፤ “ሀሌኮ” ፤ ምን ፡ ሕድ ፡ ንኢሽ ፡ ለሀነና ።
 25 አዳም ፡ ትመጽኦ ፡ ኢለአምር ፤ ወንሳል ፡ ሚ ፡ ቡ ፡ ከነና ።

63

ሀወሳባይ : ወድ : ዳፍላ ::

ወድ ፡ ሕቺ ፡ ምስሉ ፡ ዐሴ ፡ እንዶ ፡ ዐላ ፡ ሐር ፡ አቡሁ ፡ ምን ፡
 ነስአዩ ፡ ምኑ ፡ ወምን ፡ ሞታ ፤ ከእት ፡ ስምጡ ፡ ምን ፡ ኢሞታ ፤
 እብሊ ፡ እንዶ ፡ ገሃ ፡ እላ ፡ ቤላ ።

I ምን ፡ ለእማቱ ፤ ለበኸ ፡ ሀላ ፡ ወልወዔ ።
 ወምን ፡ ለአቦቱ ፤ ለተዐሴ ፡ ዐለት ፡ ወትግሄ ።
 ወምን ፡ ለሐሎታቱ ፤ ዐሻይ ፡ ላታ ፡ እት ፡ ልስኤ ።
 ወድ ፡ ክላ ፡ ለሀይገት ፡ ቱ ፤ ዐሚካሌ ፡ ቱ ፡ ልትበኸ ።
 5 ምን ፡ ሐንቴና ፡ ነዝዐዩ ፤ እላ ፡ ታ ፡ ለእላ ፡ ኢእንስኤ ።
 ወድ ፡ ሚንአድም ፡ ስምሐኖ ፤ ለትመጽኦ ፡ ኢልርኤ ።
 እምበል ፡ ለነዑብዮ ፤ ከንሀዴ ፡ እሉ ፡ ወንሕጼ ።
 እንታ ፡ ቱ ፡ ለሕይይ ፡ ተመይት ፤ ወእንታ ፡ ቱ ፡ ለማይት ፡ ተሐዩ ።
 እንታ ፡ ቱ ፡ ለባይት ፡ ተደርር ፤ ወእንታ ፡ ቱ ፡ ድሩር ፡ ለትመዩ ።
 IO ኢተኖኤ ፡ ዎ ፡ መላሀይ ፤ ቅበጽ ፡ እልካ ፡ ወትገሴ ።
 ገበይ ፡ ከሉ ፡ ከይዳ ፡ ታ ፤ ወሕናማ ፡ ዲባ ፡ ነአቴ ።
 ውዳይ ፡ ረሴ ፡ ክእኖ ፡ ቱ ። ሐመድካካ ፡ ወበዐልዩ ።

64

እግል : ወድ : ሕቺ : ሀዩ : ለበካይ ::

I ወድ ፡ ትማርያም ፡ ወድ ፡ አቢብ ፤ መሐዝ ፡ ለብካ ፡ ናይካ ፡ ቱ ።
 ወድ ፡ እሽሐቅ ፡ ወድ ፡ ገብሬስ ፡ ቱ ፤ ኢተአመረት ፡ ለምጅራጡ ።

ወደ : ሐመድ : ወደ : ገብሬስ : ቱ ፤ ለትትበኸማ : እንታ : ቱ ።
 ደርብካ : አንስ : ኢፊግራ ፤ ለነጭጭ : ምን : ክል : አስማጡ ።
 5 ስምሐኖ : እሊ : እማትካ ፤ ለበኸ : እት : ክል : ሳሳቱ ።
 ወምንማ : ሐዛ : ኢረክባ : ቱ ፤ ምን : ደኛ : እብ : ለቃራቱ ።
 ሐመድካ : ም : በዐልዬ ፤ ውጃይ : ረቢ : ክእኛ : ቱ ።
 ወደ : ክላ : ለሀይገት : ቱ ፤ ዐሜካሌ : ስምካ : ቱ ።
 ሕና : ደሀብና : ቀበርና ፤ ወመሐመድ : ምራ : ለዕንታቱ ።
 10 ለናይ : አብዕቡዲ : ደቦ : ታ ፤ ትወረሳ : ኢኮን : ዳራቱ ።
 ወደ : መስመር : ወደ : እድሪስ : ቱ ፤ መጋርሕ : ዐላ : ታክያቱ ።
 ወደ : ፍዴል : ወደ : ብእምነት : ቱ ፤ ጸንዕ : እግል : መን : ወዳ : ቱ ።
 ወደ : ዐል-በኪት : ወደ : ሰምራ : ቱ ፤ ዐድ-ኡብርሄ : ለዕንታቱ ።
 ዐድካ : ሐቆካ ፤ ኢርኤንሁ : ለአውጅጎቱ ።
 15 እሸም : ሰብ : ለዐመሉ ፤ ወእሸም : ሰብ : ለልባሱ ።
 አጃም : ሐለት : ወኢረክባ ፤ ረቢ : ቱ : ለእልካ : ነስካ : ቱ ።

እግል : ወደ : ሕቸ : ሀዩ : ለበኪዩ ።

1 ሕና : ሐቅና : ቱ : ም : መላሀይ : ላሊ : ምንማ : ንታኤ ።
 ምንማ : አክረርና : ሰአኛ : ኢኮን : ለሀርጋቱ ።
 ሐቆ : ትሸንኤት : ለጎማቱ : ክእኛ : በንበን : ልትጋሴ ።
 መስኒና : ጠልሜኛ : ለምስሉ : ፍጃን : ንሳቱ ።
 5 እት : ክል : ጋሪትና : እግሉ : ኢኮን : ንትላኤ ።
 ደማን : ወደገለብ : እት : አስማጥና : ልትጋሴ ።
 ጥዕም : እምብል : ወመራር : ምስሉ : ዐልና : ንትገሌ ።
 እሊ : ቱ : ሐክም : ረቢና : እንደይ : ተርፍ : ወኢጋሌ ።
 አብማ : ወወልዳ : ክእኛ : ቱ : በንበን : ትትጋሴ ።

66

ምስል : ምር : ቀሽ : ኩናማ : ገሳ :: ክእብ : ሪም : ለገበይ : ወምድር : ሐዲስ :
እብ : ገቢለቱ : ምን : ረኔ : እሻ : ቤላ ::

I ትዘሽሕ : እግር : ገያሲት :: ምድር : ባዜን : ርኤና ::
ግርመት : አንስ : አለቡ :: ወግንሐት : ቀዶት¹⁾ : ወዴና ::
መረብማ : ወረድንሀ :: ወምን : ኬነማ : ተዐጂና ::
እት : ወድንሆም : መጽአንሆም :: ወምን : ለሚሶም : ሰቴና ::

5 ሕና : ወውላድ : ኤሮጳ :: ምስሎም : ኢኮን : ትገሴና :
ምስል : ኢኮን : በልዐና :: ወምስል : ኢኮን : ሰቴና :
አውጋና : ገንሐና :: ወባዜን : ረአሳ : ትከሬና ::
ሕና : ወእንታ : ም : መላህይ :: እብ : በይና : ቆሼና ::
እት : ፍትሕ : ምስንዮት :: ሕና : ክእና : ወዴና ::

10 በዲር : ዐለው : ለሰንያም :: ለሐምዴ : ሐዘት : ወዜና ::
ኢረቀብና : ለማሉ :: ቀርሽ : እንዶ : ሐዜና ::
ወኢረቀብና : ለምድሩ :: ገበይ : ረያም : ዋሌና ::
ክላን : እላን : ክድንሀን :: ከእብ : ደሐና : አቴና ::
ሐመድካካ : ም : በዐልዬ :: ሐምዴ : ፈቴ : ወዜና ::

67

ጥልባት : መሓርስ : ምን : አክባደው : ለቤሻ ::

I አቡካ : ሊሊት : ኢሰክባ :: በር : ወበሐር : እት : ለአግን ::
አርድ : ጠላን : ከልአቶ :: ወካሬት : እቱ : መጋዝም ::
ምን : አብዕብና : ጸንሔና :: እሊ : ገቢል : ለሓድር ::
ገቢለት : ትሰሜና :: እብ : እዴና : ነትሓድር ::

1) Vielleicht in ሰኔት zu verbessern; ቀዶት scheint durch das folgende Wort ወዴና veranlasst zu sein.

- 5 ሀታ : ታ : ለምኛ : እንለብስ ፤ ወሀታ : ታ : ለእሻ : ነትካትል ::
 ምዕጥና : ነሐብሮም ፤ እንዳርግ : ወእንካፍል ::
 ምን : ሐርስ : እንቦጅል ፤ ትገሴና : ምን : ለቀላቅል ::
 እት : ኪስ : ዐስር : ፈረንከት ፤ እሻ : ድቦ : ታ : ወባጥር ::
 ሐቆ : ነድአዉካ ፤ አፎ : ሰኒ : ኢትናዝር :
- 10 ዐድካ : ደሐን : እግል : ትእቴ ፤ ወማልካ : እግል : ትካፍል ::
 ለቀይሕዲ : እሻ : ወኢወዳ ፤ እብ : ግንሐቱ : ቱ : ወእብ : ናዝር ::
 አዜማ : እሉ : እንስኤ ፤ ረቢ : ቱ : ሰኔት : ለዋክል ::
 ሐቆ : ሀቱ : ፈቴኛ ፤ ለማ : ሸዩም : ለትቃብል ::
 ሰኔት : ላታ : ገሚኛ ፤ እልና : እግል : ለትባቅል ::
- 15 ለሀበኛ : በርከቱ ፤ ለሹም : ከረን : ለሐድር ::
 ብአስና : ለዓርዮ ፤ ዐድና : እግል : ለሻቅር ::
 ምስል : እግል : ለዓርዮ ፤ ወእብ : ደሐን : እግል : ለትናብር ::

68

ምን : ገሰብ : ሐባብ : ወሀገር : ናግራም : ምን : ገሳ ፤ ክም : አቅባላ :
 እሻ : ሕላዩት : ቤላ ::

- 1 ምን : ነቅፋ : ቀነጽና ፤ ወእግረዕ : ቱ : ለእሉ : ትከራና ::
 ምስል : አብ-ኤሪ ፤ ጎማት : ሐጫር : ገሚና ::
 እት : ፍትሕ : ምስንዮት ፤ ሕና : ክእኛ : ወዴና ::
 እብ : ክል : እንክር : ረኛዐኛ ፤ እብ : ለእላ : ወዴና ::
- 5 ሐሽክብ : ካዩድና ፤ ወአዶብሐ : ትከራና ::
 ሀገር : ፈገርና ፤ ወእት : ለረአሱ : ትገሴና ::
 ለምስግድ : ነቢ : ዒሳ : ቱ : እሊ : ዲቡ : ሀሌና ::
 ፈርድና : ነስአና : ወአልዒሻና : ሰሌና ::
 ለዲቡ : አጽብሐና : ወለዲቡ : አምሴና ::
- 10 ለዲቡ : ተሃጅክና : መሐበር : እንዶ : ወዴና ::

ምኑ፡ እንደ፡ ቀነጽና ፤ ረክስና፡ እት፡ ስሕል፡ ትክራርና ።
 ገለብ፡ ሰግላ፡ ወግራት ፤ ወድ-ጋን፡ ክድና፡ ወዐጃና ።
 ዝቤድማ፡ ርኤንሃ፡ ቱ ፤ ወሐሊባ፡ ቱ፡ ሰቴና ።
 ሕም፡ ቱ፡ ወረድና ፤ ወማዩ፡ መሪር፡ ሰቴና ።
 15 እት፡ ጸውራ፡ መጽሐፍ ፤ ምሴት፡ ለእላ፡ በዴና ።
 ሞተው፡ እልና፡ እብ፡ ፈርሐት ፤ ፈታይ፡ ክም፡ ለሀይ፡ ኢርኤና ።
 ዐድ-ትማርያም፡ ወድ፡ አቢብ ፤ ሐምዴ፡ ሚ፡ ቡ፡ ወዜና ።
 ለሸማገሌ፡ ኢጸንሐት ፤ ወለሹሞም፡ ሰኒ፡ ሐሜና ።
 ሕፋድ፡ ሰኒ፡ ቱ፡ እት፡ ሓይስ ፤ ሐምዴ፡ ሀይብ፡ ወዜና ።
 20 እሊዲ፡ ኢኮን፡ ቅባና ፤ ሕናማ፡ ወእንታ፡ ወትርኤና ።
 ዳይና፡ ጽፋይ፡ ዐላ፡ እልና ፤ ለሀግያማ፡ ብእቱ፡ ምን፡ ኬና ።

69

እግል፡ ጅንኛር፡ እብ፡ ለምጽአቱ፡ እት፡ ገለብ፡ ምን፡ ፈርሓ፡ ለሐሊዩ ።
 I ሰላም፡ እግል፡ ኒበሎ፡ ቱ ፤ እግል፡ ነሐምጆ፡ ቱ፡ መምባና ።
 ምስል፡ ኢኮን፡ አብልዐዩ ፤ አባይማ፡ ላቱ፡ ወጋና ።
 እላ፡ ዱለት፡ አጣልያ ፤ ትሕጠጥ፡ ዲብ፡ ለአካና ።
 ረቢ፡ ዲባ፡ ልጽበሻ ፤ ልዝበጥ፡ ዲባ፡ ምስማራ ።
 5 ዘማቴ፡ አለብና ፤ ፈጅር፡ ፈጅር፡ ለወራራ ።
 ወስርቅ፡ አለብና ፤ መውዲሃ፡ ወለጽራራ ።
 እንሰክብ፡ ንትመዬ ፤ ላሊ፡ አስክ፡ ምክፋላ ።
 እብ፡ ኖስና፡ እንቀንጽ ፤ ኖስና፡ እት፡ ክል፡ ምሕሳራ ።
 እላ፡ እዲና ፤ በዝሓ፡ ዲብና፡ ለበሃላ ።
 IO ለትሸይም፡ እንታ፡ ቱ ፤ ጋሜ፡ ተአምር፡ ለአሳራ ።
 ወለተሀይብማ፡ እንታ፡ ቱ ፤ ተበዝሐ፡ ለማላ ።
 ትዘበሐ፡ ነብራ፡ እዲና ፤ ድግማ፡ ተርፍ፡ ወፋላ ።

እላ : ዱለት : አጣልያ ፤ ትርኤ : እሊ : ሻካራ ::
 ክእኚ : በዝሕ : ለዐቅላ ፤ ወክእኚ : በዝሕ : ለማላ ::
 15 ምን : ሸርቅ : እት : በርቅ ፤ ኩሉ : ሕበር : ገዝኣ : እላ ::
 መንዱቅ : ገብእ : ሀይበኛ ፤ መስኬቶ : ለክልኤ : ምእሳራ ::
 ማ : ነጻ : ገብእ : ልብለኛ ፤ ለሃማ : ምኑ : ቱ : ለምንቃላ ::
 ወቀርበዩ : አለቡ : ቱ ፤ እት : ለጎካ : ለሐድራ : እላ ::
 ምኛማ : አካን : ተዐቅበኛ : ቱ ፤ እግል : ድግማ : ልስኔ : ወፋላ ::
 20 ሐመድኮካ : ለሞላዬ ፤ ምንካ : ቱ : ሰኔት : ለሐባራ ::
 ወትርኤና : ምስልካ ፤ ወረትዓ : ገብእ : ለንሳላ ::
 እላ : ዐቅል : እት : ብና : ቱ ፤ ፈሀመት : ብዝሕት : ለአሸኣላ ::

1 አቡካቶ : ዲብ : ከረን ፤ እግል : ባሺ : ምን : እምብል ::
 ሀቱ : ቱ : ለአሸር : ወፈትሕ ፤ ወሀቱ : ቱ : ለሸይም : ወልስዕር ::
 ሀቱ : ቱ : ለአሴ : ወፈቱ ፤ ወሀቱ : ቱ : ለወቅል : ወልድሀር ::
 ረሺዲ : ነዘር : ለርእዮ ፤ እግልና : ምጅልስ : እግል : ለፍግር ::
 5 እሎምማ : ሐይሶ : ምን : ደዓም ፤ ለአዜ : ከረው : እት : ምድር ::
 ወእት : ኪስ : ክልኤ : ፈረንከት ፤ ሀተን : ተን : ለእለን : እንከፍል ::
 ክእኚ : ወአምሰልና ፤ ምን : ሐርስ : እግል : ማ : እንበጥል ፤
 ኪስ : ፈረንከት : ወገኣዲ ፤ እላ : ታ : ለዐረብ : ተበቅል ::
 ወሰልጣን : ዐረብ : ሹቅና ፤ እግል : ልብለዕ : እብ : ተስተሀል ::
 10 ሐመድኮካ : በዐልዬ : ሐምዴ : ትፈቱ : ክል : ፈጅር ::
 አምዕል : ለ“ አና : ቱ ” : መን : ቱ : ለገብእ : ዲብ : ቀብል ፤
 ለሹክ : ኢገብእ : ለመውሉድ : በልዕ : ወቀርእ ::
 ለሹም : ኢገብእ ፤ ለማልክ : ዐላ : ዐሸኸር ::

ለቀሽማ : ኢገብእ ፤ ለግሱይ : እግል : ለተሰክር ።
 15 መንዳቅ : ምንዲ : ሀይበኛ ፤ ሕናማ : እግል : ሚ : እንከጅል :
 ምን : ሓይስ : ለትመጽእ ፤ ሀታ : ታ : ለዐረብ : ተገንድል ።
 ሀቱ : ምንዲ : ፈቱኛ ፤ እት : ልርኡና : እንመጭር ።
 ወምን : ትትፈረግ : ለስምና ፤ ወቕላ : ገብእ : ለምድር ።

71

እግል : ግብጣን : ፍዮካርዲ : እት : ልሳለም : ለቤላ ።

1 እግል : ግብጣን : ሰሎሞ ፤ ለሹም : ሓድር : እት : ከረን ።
 እላ : ጥልያን : ዎ : ጸርና ፤ ሰኒ : ቱ : ተአምር : እብ : ነዘር ።
 ሹምማ : ላቱ : ተሐርዮ : ቱ ፤ ለምጅልስ : ከሬ : ወመምበር ።
 ሐቆ : ሐክመዩ ፤ ለፍርዱ : መአዜ : ልትበጀል ።
 5 ምክኤል : ኢርኤካ ፤ ለፈጅር : ዐላ : ልትመክር ።
 ወዳ : ዲቡ : ሰላሳ ፤ እግል : ልልቡብ : ወልክጀል ።
 ሐርማ : ነጸ : ሚ : ኢቤሎ ፤ ክም : ልሱ : በርዳ : እብ : መሰል ።
 ሺመቱ : ትዳብር ፤ ወመምበሩ : ሰኒ : ልትወቅል ።
 ኒጊስ : ገብእ : አጣልያ ፤ ለሀይማ : ሞዳይ : ቱ : ልትነሸር ።
 10 ማ : ከረን : ገብእ : ንሳግም ፤ እት : ሐንቴሁ : እግል : ንምበር ።
 በዲር : ዘበን : አበቶና ፤ ዐድ : ሕድ : ዐልና : ንትሀርሀር ።
 እንታ : እንደይ : ትሰአልከኛ ፤ ለምስጢርና : መአዜ : እግል :
 ልፍገር ።

መንዳቅ : ገብእ : ሀይበኛ ፤ መስኬቶ : ለክልኤ : መአሰር ።
 አቡካ : ሊሊት : ኢሰክባ ፤ ለላሊ : አሰክ : ትትከሬል ።

72

እብ : ዘበን : ረክስ : አሉላ : ከንቴባይ : ነጋሲ : ሹም : እት : እንቱ ፤ እግል : ወሬዛ ።
 ዐድ : ሰምሬ : እትአሰረዮ ። ወሐር : ሀወሳባይ : እላ : ሐላ ።

1 መሐመድ : ወድ : ዳይን ፤ ጎና : መጽአ : እት : ልውጫ ።

- ሕጻን : ሰምራ : ወድ : ሕመድ ፤ በኪት : ለመክርሀት : ኢፈቲ ::
- ሕጻን : ሕመድ : ወድ : ሰምራ ፤ ለለሐናክሽ : እት : ድኔ ::
- ጸብሐት : ላታ : ዘምት ፤ ወዝምትት : ላታ : ለተክሬ ::
- 5 ሕጻን : ፍዴል : ወድ : ሕመድ ፤ ዕሉም : ተአምር : ምን : ወደ ::
- ኢተአመራ : ለምዕል : ሐሊቦ ፤ ምን : ስቡራም : ልትገሴ ::
- “ትፍገር” : ቤላ : “ንግስቲ” ፤ ዐዲ : እግል : ልእቲ ::
- ሐሰቼ : ኢኮን ፤ ኩሉ : ዐላ : ለተንሴ ::
- ሕጻን : ዳፍላ : ወድ : ሕመድ ፤ ለጸገት : እግሉ : ትትመጢ ::
- 10 እንደይ : ወቕል : ልትገቢ ፤ ዕመጽ : እግል : ለተክሬ ::
- ሀቶም : እሊ : ቱ : ጸገሞም ፤ ወአዜማ : ሕና : ንሰኤ ::
- እብ : አፍ : ረቢ : እምቤላ ፤ ሀቱ : ቱ : ለዐባይ : ለትገቢ ::

ወድ : ወለቲ ::

እግል : ሰብ : ግድሬ : ለቤላ ::

- 1 ለግድሬ : ግድሬ : ኢትግበእ ፤ ግድሬማ : እላ : ሚ : ትመስል ፤
- ትክሬት : ዲቦም : ምን : ዐስተር ፤ ወፈልሐት : ዲቦም : ምን : ምድር ፤
- ኢትምጸእ : ወኢትዕደ ፤ ለመሐዝ : ጋብእ : ጠቀሌል ::
- መርሚ : ምን : ለዐረቄት ፤ ለአግሩዝ : መስል : ገረጅን ::
- 5 ሰዐጅይ : ሞታ : ወድ : ገምያ ፤ ወድ : ቅድምና : ቱ : ወብክር ::
- እት : ቤት : ማርያም : ቀብረም ፤ እንደይ : ትገብእ : ተስትህል ::
- ክም : ሂቦ : አለቡ : ዘረፍ : ወደ : ደነግል ::
- ክም : ርጋዝ : አለቡ : በርዕድ : ወጣላ : ክል : ሕጥር ::
- ሕመድ-ኖር : ወድ : እድሪስ ፤ ግላጸ : ለሸነግል ::
- 10 ወድ : ገላይዶስ : ዐብደላ ፤ ወድ : ገብሻ : ግልብ : ኢብደል ::

አምሐራይ፡ ወደ፡ ሸክር፤ እሙ፡ ከሩብ፡ እት፡ ትብል።
 ዐል-በኪት፡ ወለጃጅ፤ በንበን፡ ቶም፡ ገብእ፡ ማ፡ ምስል።
 እሊ፡ ውላድ፡ ለእማቱ፤ ክል፡ ቤት፡ ወልዳ፡ ተሸንግል።
 ሐቆ፡ ፈግራ፡ ለጥላሎም፤ ሚ፡ ዓመት፡ ታ፡ እላ፡ ኢትከጅል።
 15 ወደ፡ አምበራ፡ ወደ፡ ጸብር፤ እብ፡ “መን፡ በይት”፡ እግል፡ ለድርር።
 ምን፡ ለዐል፡ ዕጩት፡ ቅዬናይ፤ ገበይ፡ ላታ፡ እግል፡ ለሐጽር።
 ዕምራን፡ ወደ፡ ቲድሮስ፤ ክልኦት፡ ሐድጋ፡ ደገልል።
 አብ፡ ወርሳ፡ ውላዳ፤ መስእላማ፡ ኢነአምር።
 ውላድ፡ ዲብ፡ ሚ፡ ሐዝዎ፤ ምን፡ ዒድ፡ ሰለስ፡ 1) ለኢወጃር።
 20 እት፡ ተንጎጌ፡ ሐድገያ፤ እት፡ ትትቃሴ፡ እት፡ ሸፍር።
 ሐዋን፡ ላቱ፡ ትገላብብ፤ ተትሃጌ፡ እንደይ፡ ተከጅል።
 እምበል፡ ልባስ፡ ተገፌ፤ ወእምበል፡ ጽዋር፡ ተገንድል።
 አፎ፡ ሸላብ፡ ወደ፡ ሰንሒት፤ በዐል፡ ግልብ፡ ወምእክር።
 ለትሃጅኸ፡ ስኛቱ፤ ደግም፡ እሎ፡ ወዘክር።
 25 ሸላብ፡ ሞራ፡ አውሔተት፡ ቱ፤ እት፡ ክል፡ ስምጡ፡ ለቀብል።
 ጭሩም፡ ወደ፡ መንደር፤ “በዐል፡ ጆረን”፡ እት፡ ልብል።
 ሰለስ፡ ዐድ፡ ዕሪት፤ እርደት፡ ጋልዕ፡ ቶም፡ ሸለሽል።
 እብ፡ ለጅሉድ፡ አሰይፎም፤ ዐገባታት፡ መነትል።
 እሲት፡ ከአፎ፡ ትወልጃ፤ 2) በዲርማ፡ ለሆም፡ ለመስል።
 30 አባ፡ ወልዳይ፡ ምን፡ ቀደም፤ ዕሉም፡ በዐል፡ አገድር።
 ታቂ፡ ቀጸሩ፤ መእዜ፡ ሳኪ፡ ለፈግር።
 ጣላ፡ ተአቲ፡ ግሸቱ፤ አድማይ፡ ትገብእ፡ ሐነግር።
 ወደ፡ አዳላ፡ ሰመራ፤ በዐል፡ ግልብ፡ ቱ፡ ወምእክር።
 ክልብ፡ ወደ፡ ደሪር፤ በዱ፡ ሐርስ፡ ወሸፍር።

1) Original ክልኤ፣, von Naffa^c verbessert.
 2) Im Originale ወልደትም, von Naffa^c in ትወልዶ verbessert.

35 ኢለበኸ : ውላዳ ፤ ቤቱ : ምልእት : ታ : ምን : እክል ።
 አቡካ : ለግድዐት : ረክበቶ ፤ እብ : ሆን : ብዕራይ : ደይ : በጥር ።
 ቃብብ : ኢኮን : አቡካ ፤ ወዲላ : ቁጫብ : ኢለሐኛር ።
 ከብድ : ነብራ : ኢተአቤ : ቱ ፤ አስክ : ሀሌት : ኢትፈንፍን ።
 መን : አምነኛ : ዎ : እንታ : ሕጻን ፤ “እላ : በላ” : ምን : እምብል :
 40 ኢተኖኬ : ስጋዳ ፤ ውብላይ : ዐቢ : ኢተልትል ። 1)

I ሐቆ : ሸላብ : ሸመሊት ፤ መን : ቤላ : ታ : ለ “አግዑዛ” ።
 ሰታይ : አድማይ : ጠወሸ ፤ ጭርቅ : ዐምዲት : ስርዑ : ታ ።
 ወገይዳት : በልዕ : እብ : ጥራይ ፤ ኢለበኸል : አቡካ ።
 በዩእ : እት : ተጀን : ቱ ፤ “ለዐምሳት” : ቤላ : “አውሉዳ” ።
 5 አመት : መምባካ ፤ ዳረት ፤ ሰልም : ዎ : ሙሳ ።
 ዕንታት : ሻካት : ዳመራብ ፤ ዐወዲ : ለአርሱቃ ።
 ጸሎ : ለምህረት : አልአሚን ፤ ድሩብ : ጸዐዳ : ቱ : ለመሸሩሩ ።
 ለሰሪር : እንዶ : ተትሩትን ፤ እብ : ለልጋም : ካሹሻ ።
 ሕልብ : ዓይር : ታ : ፈልፈሎት ፤ እብ : ዐማይራ : ወአምቱዳ ።
 IO ዔደኒብ : ለውላዳ ፤ ወሀደለት : ለአግሩዛ ።
 ማሌ : ሰታ : ቁላባ ፤ እብ : ኢጅምል : አቡካ ።

1) V. 36 u. 37 standen im Original hinter V. 8, V. 38 hinter dem jetzigen V. 29, V. 39 und 40 hinter dem jetzigen V. 22. Sie sind im Einverständnis mit Naffa^c jetzt an den Schluss gesetzt, da sie ohne Frage vom Dichter als Schluss gedacht sind wie in allen ähnlichen Fällen.

ዕምራን፡ ወድ፡ ከረም-በዝሕ።

እግል፡ ጀግድ፡ ወድ፡ ዐገላ፡ ክም፡ ሞታ፡ ለቤላ።

- I ጌሳ፡ ገበይ፡ ጀነቱ፤ እሊ፡ መሓዝ፡ ለሐርማዙ።
ዲብ፡ ለጀነት፡ ባረራ፤ ወማይ፡ ለጀምጀም፡ ሰታ፡ ቱ።
ቤቱ፡ ሕጃት፡ አነቢ፡ ታ፤ ደሀብ፡ ወወርቅ፡ ለአጽማዱ።
ለድኔ፡ ኤማኑ፡ ቱ፤ ወዲብ፡ ገቢለት፡ አስማ፡ ቱ።
- 5 ገርዝሁ፡ ክሪት፡ ታ፤ ወሐዙቱ፡ ውሀር፡ ቱ፡ ምን፡ ለአቅዋቱ።
ቅሌሽ፡ አለሚት፤ በሐር፡ ወጄ፡ ብሽራቱ።
ዮም፡ ለመርከብ፡ ትሰሸራ፤ እብ፡ ጀለሺት፡ ቱ፡ ለድንካቱ።
ሐሪር፡ ወሕረት፤ ዕሩቅ፡ እግል፡ ልሸሱ።
ወዮም፡ ለደቀል፡ ትሰሸራ፤ ምን፡ አካን፡ ለልቅፋቱ።
- 10 ወዮም፡ ለጀልበት፡ ትሰሸረት፤ ለእሻ፡ ደንኮ፡ ወዓዱ።
ወዮም፡ ለምድር፡ ጸልመታ፤ መአማር፡ ሰአና፡ ጽብሓቱ።
ወዮም፡ ለዐስተር፡ ጸልመተት፤ ወርሐ፡ ሎሀይ፡ አምሳ፡ ቱ።
ወዮም፡ ለሐልብ፡ ጀለላ፤ እት፡ ለትኦኤ፡ ውላዱ።
ወዮም፡ ለመዓጥን፡ ጠየና፤ እንዶ፡ ነጽፋ፡ ለመሓዙ።
- 15 ወዮም፡ ለዐወሊ፡ ትናጸፋ፤ እብ፡ ተገሪ፡ ቱ፡ ግላቱ።
ወዮም፡ ተንከር፡ ትከረማ፤ ገነዲቱ፡ ወጋሹ።
ወዮም፡ ለምድር፡ ጠየና፤ ክል፡ ቤት፡ ቀዋ፡ ለምክያዱ።
ወዮም፡ ለተረብ፡ ትከተራ፤ እት፡ ልጂረክ፡ ምን፡ ጋሹ።
ወዮም፡ ለበሐር፡ ትጸመመት፤ ለአልጉግ፡ ገአ፡ ብራቁ።
- 20 ለፈርደት፡ ዐለት፡ ምን፡ ዕሹር፤ ለከታብ፡ ትከልኦ፡ ማላቱ።
እት፡ ሀዳይድ፡ መረዘም፤ ቃቆታቱ፡ ወአልወሓቱ።

እት : ዘላይም : ክም : ምህዲ ፤ እት : ልትፋሸሸ : ቃራቱ ::
 ዘማት : ዛምተት : ቱ ፤ አቡኩም : ዐውትሁ : ወለፍካኩ ::
 ህቱ : ተርፍ : እብ : ዐዱ ፤ ወዜምታይ : ገይስ : ብራቁ ::

25 መቅስን : መርባት : ቱ : አቡኩም ፤ ኩሉ : ሰክባ : ለጋናቱ ::
 ወአውል : ፋቲ : ቱ : አቡኩም ፤ እብ : ሄሃይት : ቱ : ለስብካቱ ::
 ሰመሩር : ወሸራ ፤ አይበድ : ትናቅል : ለእማቱ ::
 ፋዩ : ወለፈኝቱ ፤ ሐሊቡ : ወለስቃዱ ::

ዐሻ : ባርከት : ቱ : አቡኩም ፤ ጋማት : ትጋምስ : እማቱ ::
 30 ወደኋታ : ለሸትት ፤ ክል : ቤት : አክል : ሕራሱ ::
 ሮራ : ቀይም : ቱ : አቡኩም ፤ እብ : ገረግፍ : ቱ : ለፍግራቱ ::
 ሸዲሩ : ወለሸርናዩ ፤ ሐሊቡ : ወለሔሳሱ ::

ሀንዳራብ : ለመቅረይ : ከላክል ፤ ምድር : ታምስ : እብ : ረሓቱ ::
 ረበዕ : ሀመንርብ ፤ መዐርነግ : ለፋግር : ሰዳሱ ::

35 ዕኬሪ : ሐረምዝ ፤ ሮቲብ : ለቀይሕ : ዕንታቱ ::
 ወድሩይ : ለጸሊም : መካትፋ ፤ ክይድ : እብ : ለተውያቱ ::
 አካባታት : ሀናግል ፤ ድማጾቱ : ወአትገሓዱ ::
 ረበዕ : ለጥሉቅ : ዕናኑ ፤ ውህር : ለበኪት : አድናሱ ::
 ሓዋል : እንደይ : ተተምም ፤ ክልኤ : ትጉሰእ : ለእማቱ ::

40 ለእላ : ሐርሳ : ፍሬ : ታ ፤ ክል : ቤት : መልእ : ለአክሻሹ ::
 ለእላ : ዔራ : ምንግስ : ታ ፤ ሐሊብ : ቀጥር : ለበስዋቱ ::
 አምዕል : ለሀዳዩ ፤ ወድ : ዐገባ : ረካ : ቱ ::
 እብ : ተለይቶም : መጽእዎ ፤ ሐምሁ : ቃርድ : ወሐማቱ ::
 አምዕል : ለአቅብርቱ : ዘንኑ : ወፋሹ ::

45 እንዶ : ጉሰእ : ዐበላይ ፤ እብ : ጨመሪት : ታ : ለቅትላቱ ::
 ኢደላድል : ወኢጣይም : ለድኚ : ስርዕ : ታ : ለአግዳዙ ::
 አዜማ : ሐቆካ ፤ በዝሐት : ኢኮን : ለጎማቱ :

ስምሐኖ ፡ ሰብ ፡ ለትምባኮ ፤ ለሐኖር ፡ እብ ፡ ለረክዋቱ ።

ሸግዲት ፡ ሐምበሬ ፤ ጸውር ፡ ዲብ ፡ ለሐባጡ ።

50 መስመር ፡ ገደቦ ፤ ትሻፊሎ ፡ ደብራ ፡ ቱ ።

እሉ ፡ ትጸብጥ ፡ ዲብ ፡ ገጸ ፤ ካልስ ፡ ዲባ ፡ ማላቱ ።

ምንዲ ፡ ትሰፍሬ ፡ ነቢራ ፡ ቱ ፤ ወምንዲ ፡ ትጸምእ ፡ ምዕጥና ፡ ቱ ።

ምን ፡ ክል ፡ አካን ፡ ተዐይሮ ፤ እሊ ፡ እናስ ፡ ምግድሃ ፡ ቱ ።

እብ ፡ ሰብ ፡ በጄ ፡ ወእብ ፡ ኖሱ ፤ መሊህይ ፡ ምን ፡ ለጥልማቱ ።

55 ዐሴ ፡ ምን ፡ ለዐብዩ ፤ ወፋይድ ፡ ቱ ፡ ምን ፡ ለስኘቱ ።

ወልእ ፡ ወድ ፡ ለእምብያ ፤ እት ፡ ሐነብር ፡ ቱ ፡ ሞላዱ ።

ዝምትት ፡ ላታ ፡ ኢተሌ ፤ እት ፡ ክል ፡ ሕብር ፡ ቱ ፡ ጸግራቱ ።

ወማይት ፡ ላቱ ፡ ኢተሌ ፤ ጋሸት ፡ ላታ ፡ ትንፋሱ ።

ካልኣይ ፡ ላቱ ፡ ኢተሌ ፤ ሐሊቡ ፡ እግል ፡ ውላዱ ።

60 ሐምቅ ፡ ላቱ ፡ ኢተሌ ፤ ጄሌ ፡ ለሰሐብ ፡ ቃራቱ ።

ወረቂቅ ፡ ላቱ ፡ ኢተሌ ፤ ሐጺን ፡ ጸንሕ ፡ ለሕማጡ ።

ሐቆሆም ፡ ኢኮን ፡ ትጸገማ ፤ ሐዉ ፡ ወለውላዱ ፡

ለሆምዲ ፡ እንዶ ፡ ኬደዮም ፤ ሐቅሃ ፡ በዝሕ ፡ ለስታቱ ።

ዐይኒ-ምድር ፡ ቱ ፡ እት ፡ ጋድም ፤ ሳበረዮም ፡ ለአስቃቁ ።

65 ክምሰል ፡ ሐጸት ፡ ጮመራት ፤ አዳም ፡ ሻርብ ፡ ለተማሱ ።

ሸሔም ፡ ለአዳም ፡ ትትላቀም ፤ መመየያ ፡ በርካ ፡ ቱ ።

አጠረሚን ፡ ዘላይም ፤ ፈጅር ፡ ፈጅር ፡ ለአትወሐዙ ።

አጠረሚን ፡ ከራዩ ፤ መሐዝ ፡ ማልእ ፡ ለዕሳሱ ።

ወአጠረሚን ፡ አወንን ፤ ለአርግሁ ፡ ዲብ ፡ ለድማቁ ።

70 ወአጠረሚን ፡ አራዊት ፤ አርብዔ ፡ ቃትል ፡ ለሐማዙ ።

ወአጠረሚን ፡ ሐራይሽ ፤ ዎሮ ፡ ቀርና ፡ ሸንካ ፡ ቱ ።

አጠረሚን ፡ ዐገባ ፤ ለእሱ ፡ ትቀትል ፡ አፍሃ ፡ ቱ ።

ሕጅን ፡ ወቅጅን ፤ በልዕ ፡ ምን ፡ ለለባቱ ።

- መጽዐን : እጉራም ፤ ገሌ : ካሞ : ዲብ : ቀሐቱ ::
- 75 እግል : ለሐራይም ፤ ድዔፍ : ለትምባክ : ሕራሱ ::
- እግል : ዕዉር : ወመስኪን ፤ ጋይስ : ላቱ : ለዕንታቱ ::
- ፋሉ : ጋይስ : ቱ : ክል : ምድር ፤ ገንደር : ባጽሕ : ቱ : ሰምያቱ ::
- ጽነ-ዕ : ሐሰቡ ፤ ኢዋልዎ : ወኢታቱ ::
- እንዶ : ቀትላ : ልሳረሕ ፤ በዲር : ለ "እልካ" : ሰማ : ቱ ::
- 80 ልሰም : ነሸእ : ከአቴ ፤ ከበኝ : በትክ : ጎማቱ ::
- እብ : ሕውራረት : ቃትላ ፤ ምን : ልትወላብ : አስማ : ቱ ::
- ኢለሰክብ : ወኢሰክብ ፤ እት : እዲና : በላ : ቱ ::
- ህቱዲ : ስነት : አለቡ ፤ ኢተዓድሎ : ዲቡ : ወኢትዋዱ ::
- [ወሐሰርንሁ : ሐብሬሁ ፤ ምን : ንትመዬ : ዲብ : ባኩ ::] 1)
- 85 ምን : ጸብጦ : ከተቡ ፤ ሐዉ : ወለአትራፋ ::

76

እግል : ጀሃድ : ወድ : ዐገባ : ህዩ : ለቤላ ::

- 1 መን : ቱ : እምበሌሁ ፤ 2) ለሕነቅ : እንቱ : መጭር :
- ለድሩይ : ወድ : ገመኔ ፤ አካባታት : ሀንግል ::
- እንዶ : ለትጋልሻ ፤ ለሐየት : እት : ሸለሽል ::
- እስሮ : ኢፈርህ ፤ ሞቅሕ : ወጀነጅር ::
- 5 ወዋርዶ : ኢፈርህ ፤ ቀበት : ደጌ : በጥር ::
- ሐጺን : ኢፈርህ ፤ እበን : ወገረግር ::
- በዐል : ለሰይፍ : ሕሩጥ ፤ ወበዐል : ለገለብ : ዕግል ::
- በዐል : ለዕንታት : ቀይሕ : ምን : አምሩዱ : ፈግር ::

1) Dieser Vers ist von Naffa^c aus dem Gedächtnis hinzugefügt; er fehlt im Original.

2) Im Original እምበሌካ, von Naffa^c verbessert, da hier vom Helden in der 3. Person die Rede ist.

- ገቢል ፡ ልትአከዮ ፣ ከማሞታቱ ፡ ጸግር ።
- 10 ሸጎት ፡ ወመዳግን ፣ ሳቢ ፡ ኢለፊግር ።
- ወለሕፍረት ፡ በይእ ፡ ቱ ፣ ወለእሉ ፡ ሐኸር ።
- ሐጠያ ፡ አመት ፣ ክም ፡ አልማ ፡ ለግርግር ።
- ሐዳ ፡ ቱ ፡ አዳም ፣ እሊ ፡ በጥር ።
- ሞታ ፡ ኢንጸልም ፣ ወሀላ ፡ ኢንቀብጥር ።
- 15 ክል ፡ ቤት ፡ ናያ ፡ ሀሻ ፣ እብ ፡ ረሸካ ፡ ትነብር ።
- ሓይላይ ፡ ብላይ ፡ ኢኮን ፣ ጸዐዳ ፡ እግል ፡ ልተልትል ።
- ወሓይላይ ፡ ቅርሽ ፡ ኢኮን ፣ ለእት ፡ ዝኖበት ፡ ዐቅር ።
- አዜማ ፡ መስኢት ፡ ብና ፣ ሸላብ ፡ ምንዲ ፡ በጥር ።
- ምን ፡ ኢልብል ፣ “ሬማ” ፣ ግልብ ፡ ምን ፡ ኢበድል ።

77

እግል፡ ጀጎድ፡ ወድ፡ ዐገላ፡ ሀዩ፡ ለቤላ ።

- 1 እላ ፡ ጭዔተት ፣ አያ ፡ ጌሳ ፡ ለኤማና ፡
- እሸዎ ፡ ለገሺሽ ፣ ለፊግር ፣ ሐሳስ ፡ እንዶ ፡ ጸብሓ ፡ እላ ፡
- እሸዎ ፡ ለአክዋር ፡ ለትሐድር ፣ ቀጻፍ ፡ እንዶ ፡ ነስኣ ፡ እላ ፡
- እሸዎ ፡ በዐል ፡ ለሕረጸ ፣ ወእሸዎ ፡ በዐል ፡ ንሳላ ፡
- 5 ቀጽብ ፡ ለአቤ ፡ ሸፊጉ ፣ ወድመል ፡ ለአምር ፡ ለዓቃራ ።
- አረይ ፡ ለአምር ፡ ለአብዳዩ ፣ ወማመት ፡ ለአምር ፡ ለጸጋራ ።
- ገቢለት ፡ አምር ፡ ለዐገባ ፣ ወቤት ፡ አብ ፡ አምር ፡ ለሳዋራ ።
- ዘማት ፡ አተርብ ፡ ለክታር ፣ ዐድ ፡ ሕድ ፡ ክም ፡ ዋላ ።
- ምን ፡ እዲና ፡ ወሹካ ፣ ኢጎለላ ፡ ወኢዓራ ።
- 10 እት ፡ ለመርባት ፡ አብ-ልጎት ፡ ቱ ፣ መርባት ፡ መስመር ፡ ወአዳላ ።
- ዘማት ፡ አካባ ፣ እብ ፡ አምቱዳ ፡ ወኢጋላ ።
- ለዔረት ፡ ምን ፡ መስከብ ፣ ወለትፊረረት ፡ ምን ፡ መዓላ ።

- ለወርደት : ዲብ : ምዕጥን ፤ ቃሽት : ምን : ለምጽላላ ።
- ምንዲ : ሰብከት : ቀላቅል ፤ ምን : ተሐት : ለስሕል : ዐቅባ : እላ ።
- 15 ወአውለት : ምንዲ : ሳገመት ፤ እንጠጠያ : እብ : ካራ ።
- ሰብ : ለምግባ : ኢፈርሃ ፤ ወጽኑፅ : ቱ : ሰብ : ለዴዋና ።
- ፈጅር : ምን : ለአፈቲት ፤ ሻረመዩ : ቱ : ለድዋራ ።
- ዘማት : አግዕራ ፤ ምልጭ : ምስል : አግዋራ ።
- ዘማት : መቃሪ ፤ እት : ልትአነን : ለብካራ ።
- 20 ዘማት : ዐባሲት ፤ ዐውላ : ክቡድ : ቱ : ለሽዋላ ።
- አምዕል : ከበቶ ፤ ዐድ-ተስፋጮን : ለአዛና ።
- አምዕል : ገጽ-ገምሮት ፤ ሰልፋ : በልሳ : ዲብ : ሓራ ።

- 1 አዜ : መን : ቱ : ሳልሸ ፤ አቡኩም : ሐቆ : ሐጃጃ ፤
- ዐድ : ሐድ : ቱ : ትሳልብ : እዲና ፤ እት : ትትባጠር : እብ : ረአሳ ።
- ምን : እስሮ : መጽአኸም ፤ ሞቅሕ : እንዶ : ፋከካ ።
- ምን : ዋርዶ : መጽአኸም ፤ ምን : ደኔ : ለከበሳ ።
- 5 ምን : ዝምትት : መጽአኸም ፤ ብራቃ : ጋብአት : ሐረታ ።
- አቡኩም : ጆሩ : ኢከራ ፤ በርዐድ : ወጣላ : አንሰሳ ።
- ምን : ማይት : መጽአኸም : ምን : ለዳሩ : ትወረሳ ።
- ሐቆ : ፍካክ : ውበእምነት : እሎምማ : ኢከን : ካዩዳ ፤
- እንዶ : ሐድጋ : ዘኖቢት : ሽብሕ : እንዶ : ተሓሰሳ ።
- 10 ኤማን : አቡኩም : መን : ረኸሸ : እብ : ሸሀዳ ፤
- ወምክያድ : አቡኩም : መን : ዐራብ : ለብጽዐታ ፤
- ምርጋዝ : አቡኩም : መን : ሳፋ : ቱ : ለጸልዐታ ፤
- ወዘዐት : አቡኩም : መን : በልስ : ቱ : ዲብ : ገጃ ፤

እት ፡ ገጹ ፡ በጥር ፡ አለቡ ፤ ለዕንታት ፡ ሐቆ ፡ ትፋዘዛ ።

15 አዜማ ፡ ትቀቹሎ ፡ ቱ ፤ ማይት ፡ ወዋቂ ፡ ለሐመዳ ።

79

እግል ፡ ዐድ-ተስፋጮን ፡ ለቤሻ ።

1 በዲር ፡ ሐጨር ፡ ቱ ፡ ለዓማሮም ፤ ቤት ፡ አቡካ ፡ ም ፡ አንሰራ ።

አብዕብካ ፡ ቀዳም ፡ እት ፡ ሸዕበት ፤ ወአብዕብካ ፡ ፍካክ ፡ ሸበራ ።

ላማ ፡ ክስታን ፡ አምነቶ ፡ ቱ ፤ ምን ፡ እሲቱ ፡ ምን ፡ መሐላ ።

እንዶ ፡ ነስካ ፡ ዐሸከራይ ፤ በካ ፡ ቀበት ፡ አገላ ።

5 መርኬ ፡ መዐቡላ ፤ ኢትሸአለዎ ፡ ወኢትሰአላ ።

ወድ ፡ ዘማት ፡ ሴፋታት ፤ እብ ፡ ሐነኸል ፡ ፋጨላ ።

ወድ ፡ መንሱር ፡ በዐል ፡ ላባ ፤ እንዳ ፡ ክቡድ ፡ ተሐደራ ።

አቡካ ፡ ንኡሽ ፡ ዲብ ፡ እንቱ ፤ ሰምዓት ፡ ብዙሕ ፡ ታከላ ።

ለፈጅር ፡ ዲብ ፡ በልሳ ፤ መርባት ፡ ሃሸት ፡ አቅሰና ።

10 አምዕል ፡ አሐ ፡ ዐድ-ስላይ ፤ ኢዳፈና ፡ ለአሰራ ።

መሸከት ፡ ታ ፡ ላማ ፡ እዴሀ ፤ ኢቀንጸ ፡ ለእሉ ፡ ሐኸራ ።

አምዕል ፡ ንዋይ ፡ ታብልንጂ ፤ ቀደም ፡ ስኛት ፡ ደረራ ።

ገላይዶስ ፡ ወድ ፡ ሀብቴስ ፤ ወወድ ፡ አዳላ ፡ ሰመራ ።

መርዕድ ፡ ዕርጋሌ ፤ ለስርቅት ፡ ጌሳ ፡ አሰራ ።

15 ሐቲ ፡ ሞትካ ፡ እት ፡ ድኔ ፡ ታ ፤ ገለብ ፡ ዲብ ፡ ለመክለላ ።

ሐቲ ፡ ሞትካ ፡ እት ፡ ምዕጥን ፡ ታ ፤ ኔዋት ፡ እንዶ ፡ ሻወና ።

ወድ ፡ አቶሽም ፡ ወድ ፡ ገረድ ፤ እንዶ ፡ ቀትላ ፡ ገንደላ ።

ፍንጌ ፡ ሰብዕ ፡ ለጠርቁ ፤ ክም ፡ ለጋ ፡ ለሰንደላ ።

ሐቲ ፡ ሞትካ ፡ እት ፡ ቀዳሪ ፡ ታ ፤ አንስ ፡ ወውላድ ፡ አፍገራ ።

20 መን ፡ ቱ ፡ እምበል ፡ ወድ ፡ ጀሃድ ፤ ለኦቤ ፡ ዐቢ ፡ ትጸሸራ ፡

እንዶ ፡ አስራ ፡ ርጋዙ ፤ ከፈኑ ፡ እንዶ ፡ ተልተላ ፤

እንደ : ሐፍራ : ሐፍረቱ ፤ እንደ : አራ : ለእቦና ፤
እንደ : ደቃ : ቅዳቱ ፤ ሐሺት : እንደ : ትገደላ ፤
ብእምነት : ገረዊት ፤ ሰለስ : ወፈረስ : ቃተላ ።

25 ሐኑክ : አቢ : ቱ : ወዕዳር ፤ አስክ : እሉ : ኢተላ ።
ውላድ : ዕሪት : ሓዮታት ፤ ኢልትረዴ : ለአሰራ ።
ገብር : ብላይ : ዕላመት : ቱ ፤ ምን : ቃብሎታት : ተሐሸራ ።
ሸኸን : ጸጃይ : ዕላባት : ቱ ፤ ማሎም : ወማሉ : ዋገራ ።
ሸልሸል : ምንዲ : ለሰቅር ፤ ለሃርባት : እግል : ልብጠራ ።

30 ኦቤ : ጋድም : ጸንሖ ፤ ዲቡ : ረበጥ : ተሐደራ ።
ኦቤ : ምዕጥን : ጸንሖ ፤ ሻካት : ልግበእ : ወዘራ ።
ኦቤ : ደብር : ጸንሖ ፤ በዲር : እንደ : ትፈጠራ ።
ኦቤ : ዕሪት : ጸንሖ ፤ ጅንዲ : ለሰራር : ገርገራ ።
ምን : ዘምታ : አቴ : ባ ፤ እንደ : ቀትላ : ወድ : በዐላ ።

35 ወምን : ትዘመት : ለትክሬ ፤ እንደ : ጌሳ : አሰራ ።
እት : ቀብር : ለሰቅር ፤ መርባት : ላታ : አቅሰና ።
እማ : ወለት : ወድ : ዐጂብ ፤ ዳረት : ሰልም : ም : ሀንገላ ።
እግል : ቅሕባ : ኢኮኔ ፤ እግል : ሸዮባ : ወተራ ።
በዲርዲ : ፋይተት : ንትቀሐብ ፤ ለግርሳ : ጋብአት : ሀወራ ።

40 ወበዲር : ቁላብ : እንሰቴ ፤ ለመሐበር : ክምሰል : ተዐገላ ።
ወበዲር : ፋይተት : ንትሃጅክ ፤ ለክእኛ : ሕርመት : ክምሰልሃ ።
ወዴሪር : ፋይተት : አለብዬ : ቱ : እት : ልጼኔ : ደገላ ።
እምበል : ዴሪር : ትምባኮ : ሐምሐም : ምስል : ተክላ ።
ጸሎ : ለመርከብ : መራክብ : ምን : አብሐሩ : ሳፈራ ።

45 ካሩ : ምኑ : ክል : ክትም : ምን : ኬን : ክምሰል : አቅበላ ።
ዐጃብ : በርካ : ቱ : ስጋዳ : ባቅል : ቀበት : ሀንገራ ።
አግሩን : ሓባል : መታዊት : ኢኮን : ትክለዬ : ደገላ ።

ምን ፡ ወንጌልዬ ፡ ኢተግርፍ ፤ ትርኤ ፡ ሎሃ ፡ አምበላ ።
ላብስ ፡ ሀላ ፡ ጭራታት ፤ አቡካ ፡ እንደ ፡ ትደሰራ ።

80

እት ፡ በዳ ፡ ሕዛን ፡ ተገሪት ፡ መንሰዕ ፡ ወሞት ፡ ሰብ ፡ ግድሬ ፡ ለበላ ።

I እንደ ፡ በዴት ፡ ለእዲና ፤ ተርፋ ፡ ምኛ ፡ ለአርዋጋት ።
እንደ ፡ በዳ ፡ ክል ፡ ፍጡር ፤ በቅላ ፡ እታ ፡ በላታት ።
አውል ፡ ዶራ ፡ ዲብ ፡ ደብር ፤ ወማይ ፡ ዶራ ፡ እት ፡ ሳሳት ።
ቁጫብ ፡ ገብአ ፡ ወሀንክቶ ፤ እንደ ፡ በዳ ፡ ለመራታት ።

5 ዐድ-ሀሌላ ፡ ኢርኤካ ፤ ሰብ ፡ ለንዋይ ፡ ግራታት ፡
ግራ ፡ ጸላም ፡ ብዲባ ፤ ወሕልዊት ፡ ክምሰል ፡ አራታት ።
ጸዕዳ ፡ ጸላም ፡ ብዲባ ፤ ወሐምበላይት ፡ ወዐጋታት ።
ድሪት ፡ ግዕደት ፡ ብዲባ ፤ ወክምሆላይት ፡ ምኻካት ።
እብ ፡ ግርጋፍ ፡ ናቁሳ ፤ ፈጅር ፡ እግል ፡ ዕፍያታት ።

10 ጉሪታት ፡ ኢርኤካ ፤ ሰብ ፡ ለንዋይ ፡ ጋላታት ፡
ሐቴ ፡ እዝና ፡ ጨረማ ፤ ወሐቴ ፡ እዝና ፡ አሻታት ።
ልጸምበላ ፡ መርግዊ ፤ ወቀልዕ ፡ ዲባ ፡ ሐማታት ።
ምን ፡ ጥላላ ፡ ለጠሎ ፤ በዲር ፡ እግል ፡ አድናሳት ።
እግል ፡ እንዳ ፡ ልትበሸል ፤ ሙሉእ ፡ እንቱ ፡ ለሸባታት ።

15 ሕዳራብ ፡ ኢርኤካ ፤ ሸዩም ፡ ታ ፡ ሰብ ፡ ለዐራታት ።
ስታዮም ፡ ሚስ ፡ ወማሳ ፤ እብ ፡ ሐንጸጸ ፡ ወእብ ፡ ካሳት ።
ጽዋሮም ፡ ሰይፍ ፡ ወዐገባ ፤ ካይዶ ፡ እብ ፡ ለመዳሳት ።
ሐልፎም ፡ ሐልፋ ፡ ዎ ፡ ሐሻካ ፤ ክድግም ፡ ገብአው ፡ ወሐካታት ።
ዐድ-ሀበይ ፡ ኢርኤካ ፤ ሰብ ፡ ለአሐ ፡ ቶራታት ፡

20 መይቶ ፡ ዲባ ፡ ወቀትሎ ፤ ቤት ፡ አብ-ሰላብ ፡ ሐራሳት ።
ቤት ፡ አብ-ክርብ ፡ ደንጉራ ፤ ቀስና ፡ ማ ፡ ሚ ፡ ለእሳታት ፡

- ትጅረክ : ሐደጃ ፤ ዲናይ : ለአሓሁ : ብጋታት ።
- ወድ : ሹልካ : ኢርኤካ ፤ ባይራይ : ቀበት : ጣላታት ።
- ዐድ-ካራላ : ወድ : ዕጉብ : ምድሮም : ቱ : ቤለው : አቅዋሻት ።
- 25 ማሼላሁ : ወሽዒሩ ፤ መሉኦ : ምኑ : ለአክሻሻት ።
- ወድ-ባሽክ : ኢርኤካ ፤ ሰብ : ለአሓ : ጣላታት ።
- ኢልቡላ : ወኢትብል ፤ ትመሽል : አግማል : ሐማሳት ።
- ረገድሌ : ኢርኤካ : ገረብ : ትብል : ወዐኸታት ።
- ሀበቲት : ሰብ : ገዋ : ኢትትሃጌ : ሀያፋት ።
- 30 ወድ : ማይራይ : ኢርኤካ : ጅሕርብ : ከለእ : ነባሻት ።
- ዲብ : ለአሓሁ : ዐኼታት ፤ እዘና : ጋብእ : ስላታት ።
- ዐድ-ዐማር : ታብልንጃ : ልሔታ : መስሎ : አምላጫት ።
- ፈሪክ : ፈሪክ : ቱ : ለመሓድሮም ፤ ዲብ : ሕድ : ጣርቅ : ቱ :
ለአግዋጻት ።
- ጎይላ : ለደነግል ፤ ወትልሀያ : ለውላዳት ።
- 35 ወድ : ክርስ : ኢርኤካ : በኑ : ሰብር : እት : ሳሳት ።
- ወድ : ክንሪሪ : ኢርኤካ : በኑ : በይእ : መሓዛት ።
- ቤት-ዓርባይ : ኢርኤካ : እዲና : ትነብር : እብ : ባካት ።
- ዐድ-መዳይ : ኢርኤካ : ግልታ : ቱ : ቤለው : አፍላታት ።
- ቤት-ገብሻ : ሰብ : ገድማይ : በኑ : ተርፋ : ለመሓዛት ።
- 40 አካን : ዐሻይ : ለዐይሮ : ባ : ስለል : ኢኮን : ወሐጋዛት ።
- ጸብር : ጸዐዳ : ወጸሌም : ቆጨብ : ልብሎ : ወዕራታት ።
- ዐድ-እያያት : ኢርኤካ : ሰብ : ለአሓ : ፍንጃታት ።
- ዐድ-ምቅልም : ኢርኤካ : በኑ : ተርፋ : አክራካት ።
- ዐድ-ኢፈርሕ : ኢርኤካ : ሰብ : ለአሓ : አክባሳት ።
- 45 ሰልፋ : ሐባብ : ነስእዩ : ወደንጎባሃ : አፍላሳት ።
- አና : ወሕመድ : ወድ : ዜዳን : ከብድና : ሀሌት : ግራታት ።

- ድመል ፡ አባይ ፡ ኢትነሽእ ፡ ቱ ፣ እብ ፡ ዋገሞት ፡ ወእብ ፡ ሳታት ።
 ግድሪ ፡ ኢኮን ፡ ነስአቶ ፡ ስምሐኖ ፡ እሊ ፡ ውላዳት ።
 መርዒ ፡ ምን ፡ ለዐረቂት ፤ ወለአዋልድ ፡ ሓድግ ፡ በላታት ።
 50 ጌሳ ፡ እብ ፡ ለስታቱ ፤ ለአባጽሕት ፡ ዓያታት ።
 ለአግሩዝ ፡ መስል ፡ ገረጅን ፤ እማቱ ፡ ጋብእ ፡ ግርጃታት ።
 ወልዳይ ፡ ወድ ፡ ጀጎድ ፤ ልታለዮ ፡ ጋባታት ።
 ልታለዮ ፡ ሀየሺ ፤ ወልታለዮ ፡ ራዛታት ።
 ገላይዶስ ፡ ወድ ፡ ሀብቴስ ፤ ወድ ፡ ጽጉብ ፡ ቱ ፡ ወበዐል ፡ አክባታት ።
 55 ወድ ፡ አዳላ ፡ ሰመራ ፤ መዋዲቱ ፡ እብ ፡ ማካት ።
 በኪት ፡ ወዕምራን ፡ ወድ ፡ ቴድሮስ ፤ ክልአት ፡ እሎም ፡ ማዛታት ።
 ጭሩም ፡ ወየጊን ፡ ወድ ፡ ዕምራን ፤ ለሆምማ ፡ ዐለው ፡ ዘማታት ።
 ጭሩም ፡ እንሳ ፡ ዛምት ፡ ቱ ፤ እት ፡ ልትዓየር ፡ ዘጋታት ።
 ተረብ ፡ ዘምት ፡ አብ-ናሽሐ ፤ ሐቆ ፡ ኬዳ ፡ ለአሸናካት ።
 60 አቡካ ፡ ክድመት ፡ ኢለአምር ፤ አክል ፡ አዩ ፡ ቱ ፡ ለወራታት ።
 ዐርቀይ ፡ እምበል ፡ መስሐቫ ፤ ወቤት ፡ እምበል ፡ ጨላቃት ።
 አቡካ ፡ እንዶ ፡ ትደሸራ ፡ ቱ ፤ ከላብስ ፡ ሀላ ፡ ጭራቃት ።

81

አሓ፡ ዐድ-ትማርያም ፡ እት ፡ ምድር ፡ መንሰዕ ፡ ምን ፡ ጌረት ፡ ለቤሻ ።

- I ለጸብር ፡ ዶረት ፡ አካባ ፤ ድግማ ፡ እኩይ ፡ ቱ ፡ ወሰአላ ።
 ምን ፡ ከደን ፡ ዔረቶ ፤ በኑ ፡ ምንዲ ፡ ተርፋ ፡ እላ ።
 እማ ፡ ኢኮን ፡ ወአቦታ ፤ አብሃ ፡ ኢኮን ፡ ወሐላ ።
 ስቅ ፡ ወዔላ ፡ ጨበሊት ፤ ለመዓጥን ፡ ዐቢ ፡ ምን ፡ ረሐ ፡ እላ ።
 5 ቴድሮስ ፡ ናስአት ፡ ታ ፡ ወድ ፡ ኤሎስ ፤ ሀይገት ፡ ወድ ፡ ለአማና ።
 ዕቴል ፡ ናስአት ፡ ታ ፡ ወድ ፡ ቴድሮስ ፤ ምን ፡ ቀበት ፡ ለክላላ ።
 መሐሙድ ፡ ናስአት ፡ ታ ፡ ወዐገባ ፤ ሽዕበት ፡ ዲብ ፡ ለምሕዳራ ።

ገብር : ናስኦት : ታ : ወመንደር ፤ ወአፎ : መስመር : ወአዳላ ::
 “ኢሸክናዬ” : ወኢትቤ ፤ ምን : ኢትብጥር : እብ : ሰአና ::
 10 ትግራይ : ዳይዕ : ኢረክበት ፤ ወሸማገላይ : ድቃላ ::
 ጣላታት : ትነሸሯ ፤ ሎሃ : ክብት : ለለዓላ ::
 ትትወደሕ : ዲባ : ወተሀሴ ፤ ትበልስ : ዲባ : በዳላ ::
 ሸክል : ለአምቱዳ ፤ ወዔደኒብ : ለኢጋላ ::
 ዔደኒብ : ለሐራሳት ፤ ወመትአናን : ለብካራ ::
 15 ተነጅ : ለተስቶታ ፤ ሰኖ : ዲብ : ሕድ : ቱ : ለአድዋራ ::
 ተነጅ : ለዳብሮታታ ፤ እንሳ : ክም : ለክታራ ::
 ሐሳሳ : ምዱን : ኢደንን ፤ ወኢትትፈቕሕ : መካና ::
 ልሐታ : እሻ : ተቅሎሌ ፤ ወቀይም : እሻ : ታ : ምድናና ::

ካፈሊት : ወድ : ደርመስ : እት : ቅብላታ : ለቤሻ ::

1 “ጸብር : ዶረት : ለአካባ” :: እሻ : ታ : ኢናይ : መሓሪ ::
 ገለብ : እንዶ : ኬደታ ፤ ከዶረት : ስጠይ : ሸጋሊ ::
 እት : ገበና : ሻወነት ፤ ከወርደት : ምሕዳብ : መርዓዊ ::
 ዳውራ : ፈግረት : አግዐሮ ፤ ካሉቅ : ወሐሸለት : ደዓሪ ::
 5 እብ : ሐወርም : ትባለሰት ፤ አፍረርካያ : ወጋሊ ::
 ሐቆ : ዐድና : ዐድ-ዓይላይ : ታ ፤ ትወደዔ : ዲቡ : እብ : ቀዓሪ ::
 ምጥቕዒት : ወእንድርታይ ፤ ፈግረት : ዲቡ : ለረአሲ ::
 ለሰት-ጠሊት : ወሸሩዕ : ቅኑዕ : ወበዐት-ቀላቲ ::
 ሐሌ : ሀላ : ወድ : ፍካክ : ወመናቢቱ : ለሳምዕ ::
 10 ምን : ለሀለው : እት : አቢብ : ታ : እብ : አምዕላ : ወእብ : ላሊ ::
 ስማ : እግል : ኢልክሬ : ካቡስ : ሸክል : መጋሪ ::
 ወምን : ለሞተው : እት : ዕለም : ታ : ቀይሕ : ቀርኑ : ቀታሊ ::

ጸብኢት፡ እንደይ፡ ልትባዘሕ ፤ ሰልፍ፡ ሀዳድ፡ ወራሪ።
ደም፡ ወሀደም ፤ ለሞታ፡ እሸም፡ መትፋኒ።

83

ዕምራን፡ ወድ፡ ከረም-ባዘሕ፡ እግል፡ ሮራ፡ አገገግ፡ ለቤሻ።

- I ለሮራ፡ ስነት፡ አለቡ ፤ መስቀል፡ በለል፡ ክም፡ ወዳ።
በዲር፡ እሸ፡ ልደሐሮ ፤ እግሎም፡ እንደ፡ መንገሳ።
አዜ፡ እሸ፡ ትረገመው ፤ እት፡ ዘበን፡ ለከበሳ።
አሐ፡ ትፈግሮ ፤ ኤሻት፡ ለዐባይ፡ ዕልገታ።
- 5 አካባታት፡ ፈግሮ ፤ በርዕድ፡ ወጣላ፡ ወጸዐዳ።
እሸት፡ ጸሮብ፡ ፋኸ፡ እላ ፤ ወአሐ፡ ህቱ፡ ቱ፡ ተነታ።
አሸከአለሊት፡ ፈግሮ ፤ ለበዐሉ፡ እግሉ፡ ትለወቃ።
ሰብ፡ ጸንዒት፡ ፈግሮ ፤ አፍሩስ፡ እንደ፡ ማሰካ።
አባጽሕት፡ ፈግሮ ፤ ዘነንብ፡ እንደ፡ ሐደሳ።
- 10 መከሊት፡ ፈግሮ ፤ አስእን፡ ወስራክ፡ ለአጽዐዳ።
ሽምብሬብ፡ ትፈግሮ ፤ ግርሳ፡ ለራውየት፡ ደመታ።
ደነግል፡ ፈግሮ ፤ ለጎይላ፡ ክምሰል፡ ትነደቃ።
ፈያቲብ፡ ፈግሮ ፤ ሕርመት፡ ለአሸዐል፡ ግሰታ።
እትዬታት፡ ፈግሮ ፤ ወመርዓት፡ እብ፡ ለድርወታ።
- 15 ሼካታት፡ ፈግሮ ፤ ወጄ፡ ዲቡ፡ ደረሳ።
ሀረሚት፡ ፈግሮ ፤ እብ፡ አሩዩ፡ ለአታ።
አብዕረት፡ ፈግሮ ፤ ሰኖ፡ ለተስቶት፡ ትጸመዳ።
አዳይግ፡ ፈግሮ ፤ መልዔት፡ እብ፡ ለሐውረታ።
ሐረስቶት፡ ትፈግሮ ፤ ለገሻር፡ እብ፡ ለዐረሳ።
- 20 ድቡር፡ ላቱ፡ ፈግሮ ፤ ክል፡ ቤት፡ እብ፡ ለቀርበታ።
ዓሊ፡ ላቱ፡ ፈግሮ ፤ ለሰሐተው፡ ዲቡ፡ ወሰሐታ።

አፎ : ተአሽም : ሀሌካ : ተሃጌ : ዎ : ዛይድ : ወድ : ገብሻ ::
 እምበልካማ : እዲና ፤ ክላ : ገብአት : ሸተታ ::
 ወለመስክን : ቱ : ወቀሯ ፤ ወለዳሩ : ትወረሳ ::
 25 እሰክሻ : ሚ : ሀሌኮ ፤ ለላሊ : አስክ : ጽብሐታ :
 ላሊ : ከአፎ : ሰክሻ ፤ ምን : ጎፍ : ዐጁ : ለኢነጋ :

እት : ዘማቴ : አግዐሮ : ወእቻ : እት : ለሞተው : ሰብ : ለጬሻ ::

I ጠነሽ : ኢኮኔ ፤ አባጽሕትማ : ትከለሳ ::
 ሰለስ : ረገድሌ ፤ ሐጅ : ገብአት : ለሕፍረታ ::
 ዐማር : ወአብ-ነደል ፤ ለውላዳታ : ቀብረቻ ::
 ስምሐኖ : አልመዳይ ፤ ለዳሩ : ዲብ : ዳር : ምን : ተዐጃ ::
 5 ክልአት : ገራታት ፤ ዕሉም : ወተስፋስ : ወድ : ገብሻ ::
 አፎ : ወድ : ደለሌ ፤ አቶሽምማ : ኢአታ ::
 ሐቆ : አቢብ : ወበሐይላይ : ለአኩር : ገድም : ትመሸሻ ::
 ጽሙእ : ላቱ : ተሰጅ : እንዶ : ትነሽእ : ለቀርቦታ ::
 አፎ : ናስር : ወድ : ተክሌስ : አፎ : ሓምድ : ወረካ ::
 IO ዓሊ : ባሊ : ቱ : ልትፈሌ : ወድ : ከንታይ : ለከበሳ ::
 ሙሳ : ወድ : ገሰሀ : ለባልሂት : ሐን : ለደብዐታ ::
 መሐመድ : ወድ : ሓምድ : ኢሰሐተዎ : ወኢሰሐታ ::
 እብ : ዕሉጉ : ለሞታ : አምዕል : ባርሀት : ታ : ወጸዐዳ ::
 ሕመዳይ : ወድ : ዓምር : ለትግሬ : ሀቱ : ቱ : በዐል : ረአሳ ::
 15 አፎ : አብ-ረድኢ : ለሹም : ስሉስ : በዐል : በትካ ::
 ዕንክር : “አርበድ” : እት : ልብል : እት : ለረአሱ : አሽተታ ::
 መናዳቅ : ወርሻሽ : እት : መቅጠኑ : አብረዳ ::
 ግልብ : ጽንዕት : ቱ : ወድ : ሕሻል : ገዳ-በቻ፣ ቱ : ለእት : ሸሻ ::

- ኢተኸብ ፡ እብ ፡ ተሓተት ፡ ወኢደኑና ፡ እብ ፡ ረአሳ ።
- 20 ንዋይና ፡ ነስአዎ ፡ ከፈግራ ፡ ሮራ ፡ ከበሳ ።
 ወአዳምና ፡ ነስአዎ ፡ ዕልብ ፡ ማ ፡ ቡ ፡ ገፈፋ ።
 እናስ ፡ ነስአው ፡ ጽዋሩ ፡ ወእሱት ፡ ገርበው ፡ ለሕልቀታ ።
 አብዕረትና ፡ ነስአዎ ፡ ክል ፡ ቤት ፡ ተርፈት ፡ ለጽግአታ ።
 አዳይግና ፡ ነስአዎ ፡ መልዔት ፡ እብ ፡ ለሐውረታ ።
- 25 እላዲ ፡ ገጸ ፡ ግርግ ፡ ታ ፡ አሚን ፡ ሰአነት ፡ እብ ፡ በዳ ።
 እላዲ ፡ ሹት ፡ ሸበንቱት ፡ ታ ፡ ክል ፡ ቤት ፡ ትሕፈር ፡ ለሕፍረታ ።
 በዲር ፡ ፈረስ ፡ ወአኔራይ ፡ ወአዜ ፡ በልዕ ፡ አምበጣ ።

85

እት ፡ ዘማቴ ፡ አግዕሮ ፡ ሀዩ ፡ ሰባሻ ።

- I ወደ ፡ ወልደንኬል ፡ ወዳይላይ ፡ ወገብሩ-አብት ፡ ለፈጅር ።
 እት ፡ መካትፎም ፡ መናዱቅ ፡ ቡ ፡ ወእት ፡ ሓጋሶም ፡ ሰወቸል ።
 እት ፡ አስማጦም ፡ ጋሻታት ፡ በሮት ፡ ብእቶም ፡ ወፈትል ።
 ንዋይና ፡ ነስአዎ ፡ ከፈግራ ፡ ሮራ ፡ ከሰትን ።
- 5 ወአብዕረትና ፡ ነስአዎ ፡ ለእሉ ፡ እንጽዕን ፡ ወነሐደር ።
 ለእትዬታት ፡ ኢሀላ ፡ ሐን ፡ አክረት ፡ ለለዐዝል ።
 ለኢትትከሬ ፡ ዲብ ፡ ከድ-ቤት ፡ ወእንዶ ፡ ቀረት ፡ ለኢትፈግር ።
 ሰኔት ፡ ላታ ፡ ለተሓኔ ፡ ወእሱት ፡ ላታ ፡ ለትሰትር ።
 ለኢትብል ፡ “ሕሮዶ” ፡ እብ ፡ ጸብጥ ፡ ለሰወቸል ።
- IO ለኢትብል ፡ “ግዶቦ” ፡ ማሉ ፡ እግል ፡ ተብዐኸር ።
 ለኢትብል ፡ “እሶሮ” ፡ እብ ፡ ሓባል ፡ ለጅንጅር ።
 ለመርዓት ፡ ኢሀሌት ፡ እድሃ ፡ ዕላም ፡ ለትቀጥር ።

እግል : ኖሱ : ለቤሻ ::

- I ጀፊር : ሐርሰ : አቡካ ፤ ክልአቱ : እንደ : ለባሌ ::
- ወበዱ : ሐርሰ : አቡካ ፤ ምን : ንቀሩ : ልትካሬ ::
- ሸፍር : ሐርሰ : አቡካ ፤ እብ : ብዕድ : እንደ : ልሻሌ ::
- አቡካ : ረቢ : ሚ : ገብእ ፤ እምበል : ክእና : ም-ዋሬ :
- 5 ብሶት : ሕዜ : ደኢኮኔ ፤ አቡካ : ሚ : ቡ : ብሻሌ :
- ሐረስታይ : ገብእ : አቡካ ፤ ጀበል : እንደ : ልትጋሬ ::
- ወዳውረት : ገይስ : አቡካ ፤ ሰኚ : እንደ : ልታሌ ::
- ገድም : ነጋድ : ንወጥን ፤ መቅረን : እግል : ንካሬ ::
- ወገድም : ዐጣል : ንወጥን ፤ ብግዕ : ቀየሕ : ወሐማሌ ::
- 10 እብ : ከሉማ : ተሐለልና ፤ ዐገር : ምን : ኢንታሌ ::
- እንፈርህ : ቱ : ም : ግሉል ፤ ወእንታ : ተሐዜ : እክራሬ ::

ዕምራን : ወድ : ከረም-በዘሕ : ህዩ : ለቤሻ ::

- I ለእሷት : ዐለት : ትሰምደኸ ፤ ሓሰሰቶ : ቱ : ለግሬና ::
- እንደ : ነስአት : ለሸመታ ፤ ተነት : ሰሐነት : ርኤና ::
- እንደ : ነስአት : ብላያ : አትነቶ : ለአልጌና ::
- እንደ : ነስአት : ቅዱታ ፤ ሀነን : ወዴት : እብ : ጌና ::
- 5 ዕምራን : እግል : ገባይል : ቀብር : እንደይ : ለሰኚ : እላ ::
- ዖራ : ዕንታታ : ወገበይ : እግል : ለሓክ : እላ ::
- አባይና : ሊሙት : ወድ : ብክራ : ሓግለት : ሚ : ታ : እንጌራ :
- እምበል : ወልዳ : ሚ : መድት : ላማ : ረቢ : አቤ : እላ ::
- ወዐቢ : ላቱ : ሳርሓ : ወንኡሽ : ላቱ : ዐቤ : እላ ::
- 10 ኢትትሀወክ : ም : ዕምራን : ክልናማ : እግላ : ቱ : ሀሌና ::

88

ቅጡም : ወድ : ሕድር-ማርያም : ለቤሻ ።

- I አብኦለላት : ሕምብራ ፤ ማሺል : ክምሰል : ጥራዩ ።
- ከበቶ : ወእም-ገርሰት ፤ ኢአመርከ : ምዕጻዩ ።
- እብ : ዔሸን : ወእብ : ብላይ ፤ ልደዋረር : ሕዋዩ ።
- ክምሰል : ለወድ : ለወአቸ ፤ ወክምሰል : ለወድ : ለብዕራዩ ።
- 5 እንደይ : ራግር : ለትክቢቱ ፤ ወእንደይ : ቀትል : ለአባዩ ።

89

ዕምራን : ወድ : ከረም-በሸሕ : ቅብላት : እሻ : ለቤሻ ።

- I ምን : ተብኦልል : ሕምብራ ፤ ምድራ : ተቅብል : ዲብ : ሚ : ቱ ።
- ናይብ : ገብእ : ተክለያ ፤ ኮሬት : ብላይ : ዋዲ : ቱ ።
- ከበቶ : ወእም-ገርሰት ፤ ኖሹ : አምር : መዓጸቱ ።
- በርዕዱ : በዳላ : ታ ፤ ወደብር : ናድድ : ታ : ድሪቱ ።
- 5 ጣላሁ : ክም : ሕኛ : ታ ፤ ወደንበር : ሰገን : ታ : ለሕልዊቱ ።
- ወድ : ዐገባ : ነብሮ ፤ ሕኒት : ሰኒ : ዋዲ : ቱ ።
- አምዕል : ከበቶ ፤ እብ : ሰለልብ : አቲ : ቱ ።¹⁾
- አምዕል : ገጽ-ገምሮት ፤ ተዐልል : ዐለት : ለእሲቱ ።
- ወድ : ጀጊን : ነብሮ ፤ እት : ቀበት : ለድቢቱ ።

90

ዳምር : ወድ : ግብጣን ።

ከንቴባይ : ነጋሲ : ለሸመት : ክም : ነስአያ : ዐድ-መንሰዕ : ትጋ
ዳባ ፤ ከራ : ከንቴባይ : ብእምነት : አስክ : ምድር : ወድ : ረከ : ዐለው ።

1) Dieser Vers gehört nach Naffa^c hierher; er stand im Original hinter dem jetzigen V. 9.

ለታርፋም : ለዐለው : ምስል : ነጋሲ : ወአሚር : ምን : ገለብ : እንደ :
 ገዐዘው : አስክ : ሰለባ : ጌሰው :: ከለድጌ : ምን : ገለብ : ምን : ገዐዛ :
 ዳምር : እናስ : መንሰዕ : ምን : ገአ : ልሸ : አበያ : ከእብ : ገሀይ :
 እላ : ሐላ ::

- I ምግግዝ : ኢተአምር : ታ ፤ ም : መላሀይ : እላ : ትደላድል ::
 ብሕት : እንቲ : ኢኮኔ ፤ ኩሉ : ተርፍ : ክል : መሐድር ::
 አውለት : ትባድም : ሐቆኪ ፤ ወምን : ተሐት : ተርፍ : ቀላቅል ::
 ጽኑፅ : ሐሰባ : ታ ፤ ማይት : ወቃትል : ተትካትል ::
- 5 ራክበት : አማናት : ታ ፤ ምኛ : ሸርክ : ክል : ሓግል ::
 ለሰብአ : ቀዳም : ወትወዓ : እላ ፤ ለረአስ : ለጣራት : ለሻቅር ::
 እሸዎ : ኤሎስ : ወድ : እድሪስ ፤ ለቀርኑ : ምን : ደም : ለሐናግር :
 ቀታል : ጨመሪት ፤ በኑ : ዘምት : ወጋብል ::
 እሸዎ : ወድ : አፍታይ ፤ ድፋይ : ሚ : ቡ : መሳትር :
- 10 በዩእ : እት : ቦሸት ፤ ዐርዘን : ቱ : ለእሉ : ፈናጥር ::
 እት : ረአስ : መሐሰስ : ለዘምት ፤ እት : አፈቲት : ለጋብል ::

* * *

- ምግግዝ : ኢተአምር : ታ ፤ እላ : አትገመራላ ::
 ወአጌሰት : እብ : ቀላል ፤ ለሰብአ : ቀዳም : ወትወዓ : እላ ::
 እሸዎ : ወድ : ሀዘም ፤ ምን : ትወላዳ : ፍዝጋላ :
- 15 ለዘመተት : ለተክሬ : መሐዘት : እንደ : ተዐዳ : እላ :
 ገበይ : አጋር : ለሐርመት : ገርዝሃ : ናስአት : ታ : ወፋራ ::

* * *

- ምግግዝ : ኢተአምር : ታ : በዳር : ዘበን : ወድ : ዳይር ::
 ለሞታ : ለቀሽን ፤ ልሻረሮ : ሐጻይር ::
 ገይዳት : ጥራይ : ቱ : ብልዑ : እሉ : ከንትፍ : ወሳይር ::

* * *

20 ምግግዝ ፡ ኢተአምር ፡ ታ ፤ በዲር ፡ ዘበን ፡ ካምሎታት ።
ደገጊት ፡ ዘሙቶ ፤ ወካፍሎ ፡ ምኑ ፡ ማሞታት ።
ዕለል ፡ ለፊያቲብ ፤ ገቡብ ፡ ገቡብ ፡ ዳውሮታት ።

* * *

ምግግዝ ፡ ኢተአምር ፡ ታ ፤ በዲር ፡ ዘበን ፡ ሐሸላ ።
አምዕል ፡ አሓ ፡ ወድ ፡ ነሳር ፤ ክስታን ፡ ጸላም ፡ ቃበላ ።
25 እት ፡ ሐንቱካ ፡ ለረግዛ ፤ ዲብ ፡ ሚ ፡ ሐር ፡ ወአቅበላ ፡
ካቦይ ፡ ገላይ ፡ እብ ፡ ግሸት ፤ እንዶ ፡ ሰራ ፡ ገርገራ ።

* * *

ምግግዝ ፡ ኢተአምር ፡ ታ ፤ በዲር ፡ ዘበን ፡ አብ-በፍታ ።
ክስቲናይ ፡ ጋንን ፡ ታ ፡ ስቃሩ ፤ ወድ ፡ ዐገባ ፡ ክም ፡ ሐርጣ ።
ኢደላድል ፡ እብ ፡ ሀረብ ፤ አዜማ ፡ ለብካ ፡ ወተዐዳ ።

* * *

30 ምግግዝ ፡ ኢተአምር ፡ ታ ፤ ዘበን ፡ መሐሙድ ፡ ወዐገባ ።
ሀሙጀዎ ፡ ኢኮኔ ፤ እላ ፡ ጸኑዕ ፡ ሐሰባ ፡
አይባባታት ፡ ኢደንን ፤ ወኢትፈጃሮ ፡ ሰለባ ።
አይባታ ፡ ኢተሐንፍስ ፤ ወኢትጸውሮ ፡ ደረባ ።

* * *

ምግግዝ ፡ ኢተአምር ፡ ታ ፤ በዲር ፡ ዘበን ፡ ዐድ-እድሪስ ።
35 በርዕድታት ፡ ዘሙቶ ፤ ወካሩ ፡ እሉ ፡ መገዲት ።
በዐል ፡ ገጹ ፡ ቀቱሎ ፤ ወሐሽሎ ፡ ዲቡ ፡ ለገንጊት ።
መአከይ ፡ አምሮ ፡ ወፈትሓ ፤ በአስ ፡ ለአምሮ ፡ ወዕሪት ።

* * *

ምግግዝ ፡ ኢተአምር ፡ ታ ፤ ወአዜማ ፡ ረድኢት ፡ ተስትህላ ።
ወድ ፡ ጀጊን ፡ ወዐው ፡ እላ ፤ ርቅዩት ፡ እግል ፡ ለትክላ ።
40 መርሐባ ፡ ዕላላት ፤ ገቢለት ፡ በኑ ፡ ሰፍልላ ።
መጸእ ፡ ምን ፡ ቀደም ፤ ዳውር ፡ ኢኮን ፡ እት ፡ ግራ ።

ወድ : ቱድሮስ : ወዐው : እላ ፤ ለጋድመት : እግል : ለሐድራ ።
 እብ : ሰላመት : ልምጽአኛ ፤ ለሮረት : ህቱ : ፈግራ ።
 ወሐጥ : ኢገልግል ፤ ነፍሱ : እንዶ : ሸብላ ።
 45 ክርብ : ሐረምዝ : ቱ ፤ ሐቴ : ብርኩ : ዐቕላ ።
 እት : ብርኩ : ለተንክብ ፤ እብ : ለቀርኑ : ሸንቅራ ።

* * *

ምግግዝ : ኢተአምር : ታ ፤ ምን : ለጎራ : ለስምጣ ።
 አሐሃ : ትዘምታ ፤ እት : ሐረታ : ትበልሻ ።
 ጎሃ : ቱ : ማያ : ወሰዐራ ፤ ጎሃ : ቱ : ኬራ : ወርዝቃ ።
 50 ሀመጀዎ : ለጋድም ፤ ለውላድ : ተኸል : ኢልስለክ ።

91

እግል : ከንቴባይ : ቱድሮስ : ክም : ሞታ : ለቤላ ።

I በዲር : ዛይድ : ቱ : ወድ : እድሪስ ። አሌቶ : እላ : ወኢበልሳ ።
 ዛይድ : ክል : ዶል : ቱ : ገረቢን ፤ ቤላ : ሚ : ቡ : እምበልክ ።
 ጀልበት : በረን : ቱ : ከንቴባይ ፤ እላ : ሳግማ : ወሰብካ ።
 ደብር : መልቀመን : ቱ ፤ እክል : ልብላ : ወገርሳ ።
 5 ትከሸእ : ባርሀት : አብ-አዳ ፤ ቀይም : ለአድሀይ : ክም : ሰብካ ።

* * *

በዲር : ዛይድ : ቱ : ወድ : እድሪስ ። አሌቶ : እላ : ወኢቤላ ።
 ግርጃ : ሀይብ : እም : ዐረም ፤ ወአካል : ትጸዐን : መቴላ ።
 ለጋሻይ : መዐግብ : ወድ : ዕሉም ፤ ነፍሱ : ከሯ : ወንጌላ ።

* * *

በዲር : ዛይድ : ቱ : ወድ : እድሪስ : ገርቦን : ቱ : እሊ : ተወሊት ።
 I 0 መምባ : ገብር : ወአመት : ወመምባ : እሊ : ተገሪት ።
 መምባ : ሸንቅላ ፤ ወመምባ : እሊ : ሐረሪት ።
 ጋርክን : ገለብ : ወቤልታ : ወጋፋ : እሊ : ረወሪት ።

92

እግል፡ ከንቴባይ፡ ቴድሮስ፡ ሀዩ፡ ለጬላ።

- I አተንሱና፡ ዎ፡ ጸርና ፤ ገርበን፡ እግል፡ ንብከዮ።
- ኩሩብ፡ ሐጨር፡ እደዩ ፤ ክም፡ በዲሩ፡ ንርአዮ።
- ገቢል፡ ለእሉ፡ ልትኣኬ ፤ በኑ፡ ሌጣ፡ አብደዩ።
- ተንፊቅ፡ ዛምት፡ ቱ፡ ወዎና ፤ እት፡ ደገኒት፡ ከርዐዩ።
- 5 ጸጋይ፡ ዕላባት፡ ቱ ፤ ጋብ፡ ወነስር፡ ነትለዩ።
- ምዕጥን፡ ሱራት፡ ቱ፡ ከንቴባይ ፤ ገባይሎታት፡ ሰተዩ።

93

እግል፡ ከንቴባይ፡ ቴድሮስ፡ ሀዩ፡ ለጬላ።

- I ገርበን፡ ሰኚ፡ አምሴካ ። ሐምዴ፡ ሚ፡ ቡ፡ ሰብ፡ አዜ።
- ሸላል፡ ወሐይዝ፡ ቱ ፤ ክም፡ ሐያል፡ ለተኸዜ ።
- ስፍሩይ፡ ላቱ፡ ለጸግብ ፤ ወጽሙእ፡ ላቱ፡ ለሰቴ ።
- ደርብካ፡ ገአት፡ እዲና ፤ ክላ፡ እልካ፡ እት፡ ተሐዜ ።
- 5 ውሉድ፡ ሚ፡ ቡ፡ ክምሰልካ ፤ እት፡ ቀዳምያም፡ ወእት፡ አዜ።
- ዘማት፡ እት፡ ቆረዕ ፤ ተንፊቅ፡ ዛምት፡ ቱ፡ ረአስ፡ ድኚ ።
- ተለይታ፡ ልትፋረር ፤ ሀሮማታት፡ ጨጭ፡ ወዴ ።
- እት፡ መናግእ፡ ታክላ ፤ ዐይደት፡ እግል፡ ልትፈዴ ።

* * *

ዘማት፡ ዛምተት ፤ ቀትል፡ ወአስራ ።

- IO መምባ፡ ትግሬ ፤ ሕብር፡ ለትካትላ ።
- መምባ፡ አማት ፤ ባርያ፡ ወሸንቅላ ።
- ድራር፡ ሐሪም ፤ ግርጃ፡ ለፈጭላ ።
- ጸዓን፡ አግማል ፤ ገቢል፡ ለአምራ ።

እግል : ከንቴባይ : ቴድሮስ : ሀዩ : ለቤላ ::

I ገርበን : ድመል : ኢጠልቅ ፤ ወኢልትበሬ : መላሀዩ ::

እት : አንፉ : ልጃገም ፤ ግራሁ : እንዶ : ከረዩ ::

አዳም : ዐድ : ሕድ : ኢተሌ ፤ ረሺማ : ነቢ : ሰደዩ ::

ጸጋይ : ፈኸ : ኢሐዜ ፤ እሻ : ጡሉቅ : እደዩ ::

5 መቅስን : መርባተን : ቱ ፤ ዲብ : መናግእ : ተክለዩ ::

ለአብሐር : ዮም : ዓመት ፤ እት : ረአስ : ጅላብ : ተዐደዩ ::

ቀዋሴናይ : ቱ : እት : አልጉግ ፤ ላማ : መርከብ : ገንሐዩ ::

አፍንዲ : ወባሻ ፤ ላማ : ሮሻን : ዐርገዩ ::

ትርክ : ቀዩሕ : ወጸላም ፤ ዙዕ : አንረዌት : ተሃገዩ ::

IO መርባት : ቤት : አብ : ከልአታ ፤ ወእክል : ረሺ : አብደዩ ::

እሱር : ላቱ : ጠለቃ ፤ ወማይት : ላቱ : ቀብረዩ ::

እግል : ከንቴባይ : ቴድሮስ : ወወልዱ : ለቤላ ::

I አባይ : መዐግብ : ወድ : ዕሉም ፤ እላ : ትግበእ : አክረቱ ::

ግንዳይ : ቱ : ለጎኩም : ሐድገዩ ፤ ጌሳ : ገበይ : ሕጅቱ ::

እግል : ኖረት : ወቅሸት ፤ ሸጌ : ዐለት : ቃብረቱ ::

ዎሮ : ኢኮን : ለትግራዩ ፤ ወሐቴ : ኢኮን : አመቱ ::

5 ምን : ጸዐዳ : ወጸላም ፤ ጥበዕ : ጥበዕ : ታ : ለሐረቱ ::

ድቢት : ለዜምታይ : አጽገበት ፤ እብ : ጨመሪት : ታ : ክፍለቱ ::

ድቢት : ለእንዳይ : አድረረት : ድቡር : እግል : ፍጭለቱ ::

ድቢት : ለተሀደት : ተተሌ : ዳስ : እግል : ግርመቱ ::

እሊ : ዐድና : ዮም : ዓመት : አፎ : አምሴት : ጀሀረቱ ፤

IO አብ-ኖር : ረሺ : ልስሀሎ ፤ ለምግዳ : እግል : ጽብጠቱ ::

ወሐጥ : ኢገልግል ፤ መትሐንቅ : ኢኮን : እብ : ዘዐቱ ።
 ክደም : መናጥል ፤ ገሎ : በልስ : እት : ረአሱ ።
 እት : ጸለሚት : አልጎጊ : ቱ ፤ ዋኒን : ከብድ : ደብዐቱ ።
 ስጋ : ወዓጽም : ፈናቴ ፤ ክም : ስሎሲ : ታ : ግንሐቱ ።
 15 ወሹም : አሱሮ ፤ ግብር : እግል : ሸፍገቱ ።
 ወሹም : ስሎሞ ፤ ጋሜ : ከሩ : እት : ረአሱ ።
 ሸዩም : ከአፎ : ረክቤካ ፤ ዳውረት : ትግበእ : ሰነቱ ።

እግል : ከንቴባይ : ቴድሮስ : ሀዩ : ለቤላ ።

I ቴድሮስ : ወድ : እድሪስ ፤ እሊ : ጋድም : ለስልጣኑ ።
 ጸጋይ : አማናት : ቱ ፤ ናዮም : ሀይብ : ረአስ : ማሉ ።
 እሊ : ፍዱድ : ገሺሹ ፤ ወእላ : ሕርድት : መካኑ ።
 እሊ : እልፍ : ንዋዩ ፤ ሐጸ : ግዳም : ቱ : አዳሙ ።
 5 ትዊት : ኢኮን : መርባቱ ፤ ወረዶም : ኢኮን : ዓዳሙ ።
 ሐድ : መጽእ : እት : ብዝሐም ፤ እንዶ : ልብል : ሸራሙ ።
 እሊ : እናስ : መንፈሱ ፤ በቃቁ : ኢኮን : ወረሐሙ ።
 ዘማት : እት : ያና ፤ ለሀዳድ : ብዙሕ : ቱ : አስሃሙ ።
 ዘማት : አይባባ ፤ ድኚ : ገለብ : ዘብጣ : ቡ ።
 10 ሐጠር : ወጽኝት ፤ ኩሎ : ምንካ : ቱ : መዐላሙ ።
 ትወልእ : ከንቴባይ ፤ ሐጅ : ሀላ : ምን : ደዓሙ ።
 እት : አባይኩም : ለትጋውሕ ፤ ኩሩብ : ሳብት : ኤማኑ ።
 “ለቀዳሚት : ትሕለፍ” : ልቡላ ፤ “ለውዕል : ምን : ለድግማኑ” ።
 ለሀላ : እግል : ፍጨሉ ፤ ለሞታ : እግል : አቅሳኑ ።
 15 ዋኒን : ቃንጽ : ምን : ግዳል ፤ ሀንራራብ : ለሃርባት : ደፍኦ : እሉ ።
 መዐንረግ : ለእንሳ : ከላክል ፤ ኢለበጥር : ሀዳሩ ።

መደላቁት : ለፈግር ፤ አሙ : ወለጃርጃሩ ::

ጄቀም : ለጨጋር : አስዑዱ ፤ ሽኔቲ : ለውቅል : ስላሙ ::

እግል : ከንቴባይ : ቴድሮስ : ክም : አሰራ : እት : ቤት : ካውሎ :
ምን : ዐለው : ሐቴ : ምዕል : ግሱይ : እት : እንቱ : ለበከዩ : ታ :
ሕላዩት ::

I አባይ : ከንቴባይ ፤ ቤቱ : ትግበእ : መሐበሩ ::

ሕጅን : ቅጅን : መጽኦ ፤ እት : ወግሬተት : ለሰፈሩ ::

ድቡር : ግርጃ : ልትመኝሕ ፤ እጉር : ነሸእ : መጽዑት ::

ስፍሩይ : ከብዱ : ለጸግብ ፤ ወዕሩቅ : ለብስ : መቅጠኑ ::

5 ጸጋይ : አማናት : ቱ ፤ ብዙሕ : ኬሩ : ቱ : ወመዐሩ ::

መን : ጣርቃ : ቱ : ከደቱ : ኢጣሱሶ : ለጀበሉ ::

ኢጸሰጦ : እብ : ቀርኑ ፤ ወሸፉት : ኢኮን : መንደሉ ::

* * *

አባይ : ከንቴባይ ፤ ዲብ : ቤት : ለዐል : ምን : መሐበር ::

መካኑ : ትጠሰሕ ፤ ቤቱ : ትውዕል : ትትበሸል ::

10 አፍያቱ : ለጸልምት ፤ ገቢል : ለእሉ : ልትገሐል ::

ሰማላይ : አማናት ፤ ክምሰል : አርዌ : ልትመሐል ::

እብ : እስሮ : ኢሐጥዕ ፤ ቤቱ : ትውዕል : ትትገንፈል ::

እብ : ዘማቲ : ኢሐጥዕ ፤ ክምሰል : ሐጸ : ልትሐንፈል ::

እግል : ከንቴባይ : ቴድሮስ : ክም : ሞታ : ለበከዩ : ታ : ሕላዩት ::

I ኖረት : ከንቴባይ : ታ ፤ እላ : ፈግረት : ምን : ባጽዕ ::

ሀንራራብ : ለሃርባት : ደፍኦ : እሉ ፤ መትብእሳዩ : ለባጽዕ ::

ሐርዶ፡ ዲቡ፡ ወሐልቦ ፤ እግል፡ ድኚ፡ ለመጻግዕ።
 መምባ፡ ገበታይ፡ ወድ፡ መሐሙድ፤ ወመምባ፡ ድቡር፡ ወራትዕ።
 5 ገሌ፡ አስጋይ፡ ዘራገር ፤ ወገሌ፡ አምያስ፡ ቀራድዕ።

* * *

ኖረት፡ ከንቴባይ፡ ታ ፤ እላ፡ ፈግረት፡ ምን፡ ሰምሀር።
 “መጽአት”፡ ቤለው፡ “መዐልማ፤ እብ፡ መናዲቅ፡ ወእብ፡ ዐሸከር”።
 ህንራራብ፡ ለሃርባት፡ ደኛአ፡ እሉ፤ ከርዖ፡ ሚ፡ ቡ፡ በዐል፡ አጀል፡
 ዘማት፡ ከሰኝን ፤ ዲብ፡ ክል፡ ሕብር፡ ልጸኝር።

10 ወዘማት፡ እት፡ ቆረዕ ፤ ተንፊቅ፡ ዛምት፡ ቱ፡ ምን፡ ለዐል።
 ተለይታ፡ ልትፋረር ፤ ወእትዬታት፡ ልትገዐር።
 ፋርስ፡ መምባ፡ ፋርሶታት፡ ቱ ፤ ደርዕ፡ ካሪ፡ ወጸሐል።
 መምባ፡ ቀየሕ፡ ወጸላም ፤ መምባ፡ ድሪት፡ ወፈርፈር።
 ፈክ፡ አለቡ፡ ከንቴባይ ፤ ህያባቱ፡ ክም፡ ተንከር።

15 ሸመት፡ ናስእ፡ ቱ፡ ምን፡ ስልጣን ፤ አላፍ፡ ከአፎ፡ ልትዐሸር።
 ጸቢብ፡ ኢኮን፡ መቅጠኑ ፤ ክምሰል፡ ጋድም፡ ልትሐደር።
 ክምሰል፡ ተማ፡ ለምእኩሉ ፤ ገድካ፡ ኩሩብ፡ ልትሐንፈል።
 ዲብ፡ መን፡ እግል፡ ነዓድሎ፡ አብ-አብርሃ፡ ቱ፡ እት፡ ዐስተር።

* * *

20 ኖረት፡ ከንቴባይ፡ ታ ፤ ፈግረት፡ ምን፡ ለአብሐራ።
 ምን፡ እምኩሉ፡ ጸብጠዋ። ዕልብ፡ ሚ፡ ቡ፡ ዕሹራ፡
 መዐልማ፡ ትስርሐ ፤ እንቱም፡ ከአፎ፡ ተአሙራ፡
 እሊ፡ ሸኚ፡ አግማላ፡ ቱ ፤ ወእሊ፡ ሙሱክ፡ አብቁላ።
 ሐሁ፡ ሚ፡ ቡ፡ እት፡ አዳም፡ ዕራረቱ፡ በዱላ።

* * *

25 ኖረት፡ ከንቴባይ፡ ታ ፤ ፈግረት፡ ምን፡ ለሰዋክን።
 ጸጋይ፡ ፈኸ፡ ኢሐኬ ፤ እግል፡ ራዛ፡ ወአናብል።

አምያሳቱ : ልዘዘሕ ፤ ክም : ማይ : ጸዐዳ : ሐናዝር ።
 ድሩይ : ምን : ለአፈድግ ፤ ገሌ : ቤታ : ወዋግር ።
 ሸላል : መስከረም : ቱ ፤ ጅሕላይ : ለቆጣ : መናጥል ።
 እብ : በኑ : ዘምተያ ፤ እትዬታት : ጸራጽር ።
 30 ወእብ : አዳም : ዘምተያ ፤ ዐርዚን : ዐድ : ሕድ : ፈናጥር ።
 ሐር : ወቀደም ፤ መርባት : ሃሰት : ለትቃስን ።

* * *

ኖረት : ከንቴባይ : ታ ፤ እላ : ፈግረት : ምን : መኸ ።
 ሐር : ወቀደም ፤ መርባት : ሃሰት : አቅሰንካ ።
 ለሀላ : ልልሐስ : ሸርቤሀ ፤ ወክል : ቤት : ትብዴ : እብ : ፈኸ ።
 35 ብዝሐም : ዐለው : ምስልካ ፤ እንታ : ሌጣ : ሚ : ዐልካ ።

እግል : ከንቴባይ : ብእምነት : ለቤላ ። ደግያት : መኮነን : እግል :
 ከንቴባይ : ብእምነት : እንዶ : አስራ : እግል : መንሰዕ : ዘምተያ ።
 ከከንቴባይ : ብእምነት : ምን : ተአሰራ : ዐድ : ገበይ : ወጎማት : ሰአና ።

I ወርሕ : ፈግራ : ማ : ኢፋሉ : ለምድር : አፎ : ጸልመታ ።
 ወርሕ : ጎና : ኢሀላ ፤ ከንዶእ : ሮራ : ከበሳ ።
 ለኬማ : ተምዐድግ ፤ ለዐስተር : ትፍገር : ጀሀረታ ።
 ጽኑዕ : አማናት : ቱ ፤ መትሐንቅ : ኢኮን : ክም : ተዐሳ ።
 5 “ጀርጀር” : ልብል : እብ : ስቃር ፤ እድሀ : እብ : ለትኸታ ።
 እት : ሓዮታት : ሸሌሸ : ቱ ፤ ስጋ : አዳም : ትወለፋ ።
 አልሓዩ : ሐራጽጽ : ገቢል : ወጄ : ሸተታ ።
 ሸንሪት : ክል : ዶል : ትጋድአና ፤ አሚን : ሰአነት : እብ : በዳ ።
 ሹምና : ነትል : እት : ሞቅሕ ፤ ማላት : ቱ : እሊ : ትሻለታ ።
 IO ባርሀት : አብ-አዳ : ድብእት : ኢኮን : መንገአታ ።

ለገንገታ : ልትጋደል ፤ ወሀዲ : ትወጀ : ለተዐካ ::

ጎይላ : ለደነግል ፤ ዲብ : ከብድ : ለረገበታ ::

አንበሳት : ደንን : ባ ፤ ዳንዱ : ክልኤ : ለአልከታ ::

አንድ : ትገሌት : አንበሳት ፤ ሰምሀር : እሻ : ጎረታ ::

15 ድቢት : ለአንዳይ : ተደርር ፤ እብ : እራራ : ታ : ሕስበታ ::

ድቢት : ለቤረቅ : ተኸላ ፤ በዲር : እብ : ለለሀመታ ::

ድቢት : ለግብር : ተፈግር ፤ መን : ዐሬ : ባ : ጥልበታ :

ድቢት : ለዜምታይ : አጽገበት ፤ ሐምስ : ምእት : ታ : ማመታ ::

ወለት : ሀዋ : በኪታ ፤ እላዲ : ክል : ዶል : ታ : ገሀየታ ::

20 ክል : ዶል : ትጎምም : መስለኝ ፤ ወምልትሐ : እብ : ለቅመታ ::

ምስል : ለሸሐቀያ : ኢትሸሐቅ ፤ እንዶ : ዘሬት : ተነታ ::

ሀብቴስ : በረብር ፤ ልሻ : ምስሉ : ዓሰሳ ::

እሲቱ : ሐማቱ ፤ እብ : መሐላታት : ማሰሳ ::

ዔላ : ጅኑኒ : ቱ ፤ ዋርዳ : ሚ : ቡ : እብ : ረዳ :

25 ወሕነት : አመልክ : ቱ ፤ በቅ : ታ : ለእሻ : ሰተታ ::

ለሃማ : እላ : አኬታ ፤ ክል : ቤት : እብ : ለሰነታ ::

ቀመት : ናስእ : ኢሀላ ፤ ሐካ : እንዶ : ተሀርገታ ::

አና : ላሊ : ዋሌኮ ፤ ወምድር : ምን : ተሐት : ፈረጃ ::

100

እግል : ውላድ : እድሪስ ፤ እግል : ቱድሮስ : ወተክሌስ : ወኤሎስ ፤
እት : ለሐምጆም : ለሐሲደ ::

I ሰለስ : ውላድ : እድሪስ ፤ ሰለስ : ምን : ሕድ : ገዶ ::

ሰለስ ፤ በንበን : ዘምቶ ::

ሰለስ ፤ በንበን : ገብሎ ::

ሰለስ ፤ በንበን : ለዐይኖ ::

- 5 ሰለስ ፤ በንበን : ወሮ ።
- ሰለስ ፤ በንበን : ቀትሎ ።
- ሰለስ ፤ በንበን : ሰልቦ ።
- ሰለስ ፤ በንበን : ሐድሮ ።
- ሰለስ ፤ በንበን : ሀይቦ ።

* * *

- 10 ሰለስ : ውላድ : እድሪስ ፤ ሰለስ : ሰብ : ሐሌታት ።
- ሰለስ : በንበን : ዘምቶ ፤ እግል : ለመረጋታት ።
- ሰለስ : በንበን : ዘምቶ ፤ እግል : ለድንግሐታት ።

* * *

- ሰለስ : ውላድ : እድሪስ ፤ ዲቦም : ኢእንካሬ ።
- ስም : መሰመም : ብእቶም ፤ ምን : ንቀር : ለልትካሬ ።
- 15 ወከራብ : ቤቱ : ብእቶም ፤ ማሉ : ለለትጋሌ ።
- ዘማት : ሰንሐት : ብእቶም ፤ በርዕድ : በኘ : ዓሬ ።
- ውሀር : ገደቦ : ብእቶም ፤ ነገሰ : እብ : ግንዳሌ ።

* * *

- ሰለስ : ውላድ : እድሪስ ፤ ሰለስ : ሓዩት : ኡሱር ።
- ጋሮ : በዐል : ሀበባ ፤ እግል : ወራር : ሹጉር ።
- 20 ዘማት : አይበባታት ፤ አባጽሕቱ : ሐሹል ።
- ተክኬስ : ዘማት : ዛምተት ፤ በዐል : ለገጹ : ቁቱል ።
- ቱድሮስ : ድኚ : ዘምት : ማሞታቱ : ዑሹር ።
- በርዕድ : ወጣላታት ፤ እት : ክል : ሕብር : ጹጉር ።

ኤሎስ : ክም : ሞታ : እሰቱ : እግል : ዳምር : ቱሎ ፤ “አር : እግል :
 ለብዕዳም : እንዶ : ሐሌካ : አግዳ : ምን : ብእሹ : ትገሴካ : እንደይ :

ተሐልዮ ፤ መስኒ ፡ አቡካ ፡ ቱ ፡ አርኤ” ፤ ዳምር ፡ ሀዬ ፤ “አፎ ፡ እንቲ ፡ ኢሰረርክዮ ፡ ሰኔቱ ፡ ክላ ፡ ለተአምሪ ፡” ቤላ ። ወሐር ፡ እላ ፡ ሕላዩት ፡ እት ፡ ለሐምጾ ፡ ቤላ ።

- I ሰልፍ ፡ አቤ ፡ መሸል ፤ መንሱር ፡ ለወራራቱ ።
- ሰይፉ ፡ ዓርባይ ፡ ገራብ ፤ ዘገሩ ፡ እብ ፡ ሕማጡ ።
- እልፍ ፡ ቱ ፡ ለአግብሩ ፤ ወእልፍ ፡ ቱ ፡ ለአማቱ ።
- እልፍ ፡ ለንዋዩ ፡ ቱ ፤ ወእልፍ ፡ ለአክባቱ ።
- 5 እብ ፡ ሀበባ ፡ ነስእ ፤ ገልቦ ፡ ምን ፡ ትንፋሱ ።

* * *

ከሬር ፡ ኤሎስ ፡ ነብሮ ፤ መምባ ፡ ወለት ፡ ጠለገት ።
ጠማጠመት ፡ ወበዐላ ፤ አያ ፡ አካን ፡ አመመት ፡
ምን ፡ መቅጠን ፡ ሰብ ፡ ኢትውዕል ፤ በዲር ፡ ሐቆ ፡ ዐጂመት ።

* * *

- I O ከሬር ፡ ኤሎስ ፡ ነብሮ ፤ መምባ ፡ ወለት ፡ ፈራራት ።
- በኑ ፡ ዘምት ፡ ወቀትል ፤ ህንራራብ ፡ ለቃንጽ ፡ ምን ፡ ጣራት ።

* * *

ከሬር ፡ ኤሎስ ፡ ነብሮ ፤ መቅርሕ ፡ ወክብት ፡ መርጊና ።
ምን ፡ ሰረሰር ፡ እት ፡ ጭዔ ፤ ምን ፡ ኢተርዔ ፡ እት ፡ ቲና ።
ዕልም ፡ ኮናት ፡ ወድ ፡ እድሪስ ፤ በዲር ፡ ትከይድ ፡ ክም ፡ ኪና ።
ከብድ ፡ ሚ ፡ እንዶ ፡ ሰተትኪ ፡ ቱ ፤ ስካብ ፡ ላሊ ፡ ትከልኢና ።

* * *

- I 5 ከሬር ፡ ኤሎስ ፡ ነብሮ ፤ ቀብር-ፋይድ ፡ ወጨበሊት-ዕጨዩ ።
- እብ ፡ ለብዝሕት ፡ ክሊቱ ፤ እብ ፡ ለብዙሕ ፡ ሐደዩ ።
- መንሱር ፡ ዘማት ፡ ወድ ፡ ዕሉም ፡ ቱ ፤ ጋብ ፡ ወነስር ፡ ተለዩ ።
- ሕብዕ ፡ ፈግራ ፡ ምን ፡ ምሕብዑ ፤ እብ ፡ ሀበባ ፡ ነስአዩ ።

ለሴርቃይ : ጸሸጣ ፤ “ጸርካ : ሓኬ” : ቤለዩ ::

* * *

20 ከሬር : ኤሎስ : ኑቨሮ ፤ ቁቅ-ሰራይር : ወቀጣኒት ።
ለስምጣ : ጸንሐ : ቀትሎ ። መአዜ : ገሚ : (እ)ግል : ሓሪት ፤
ስም : ንዋይ : ተሐላ ፤ ዓሩሳ : ቤላ : ወየማኒት ።

* * *

ከሬር : ኤሎስ : ኑቨሮ ፤ መሐደር-ዘጋ : ወሀይገት ።
ደብር : መልቀመን ፤ ምኑ : ማልአ : አግርበት ።
25 ከራያ : ልትከሸት ፤ እብ : ለሕርም : ለሸሸት ።
ከሬር : ኤሎስ : ኑቨሮ ፤ መምባ : ወለት : ወድ : ፈረጅ ።
አክል : አዩ : ቱ : ንዋዩ : ቀግሪ : ሙሉእ : ቱ : ወሐረት ።
ምዕጥን : ሱራተን : ቱ ፤ እብ : ተገሪ : ልትወረድ ።

* * *

ከሬር : ኤሎስ : ኑቨሮ ፤ ረአስ-ሐርማዝ : ወአሸላ ።
30 ስርቅት : ኢኮን : ወአቱ ። እጋሉ : መአዜ : ትቀተላ ፤
ሴርቃይ : ጸብጠዩ ፤ ምሕበዕ : ጸሩ : አሸአላ ።

* * *

ከሬር : ኤሎስ : ኑቨሮ ፤ እት : ወግሬተት : ወናሮ ።
ሰብ : ሐሊብ : ወደዩ ፤ እግል : ለሰብ : ለመካሮ ።
መንሱር : ዘማት : ወድ : ዕሉም ፤ ወሃ : ቦሎ : እግል : ጋሮ ።

* * *

35 ከሬር : ኤሎስ : ኑቨሮ ፤ እት : ወግሬተት : ወመጽሐ ።
ከራያ : ልዳገን ፤ እብ : ሀበባ : ምን : ነሸእ ።
እንዳያ : ልትከሸት ፤ ሐርድ : ዲባ : ወጡሸክ ።

* * *

ከሬር : ኤሎስ : ኑቨሮ ፤ መሩላቅ : ወጋድም : ሸበራ ።

እንዳያ፡ ልትከበት ፤ ቀጻሩታ፡ ዋገራ ።

40 ከራዬ፡ ልትከበት ፤ ዐርዘን፡ ብዙሕ፡ ፈንጠራ ።

ጣላ፡ ቀጻሩ ፤ ቀርኑ፡ ለአድማይ፡ ተሐንገራ ።

* * *

ከሬር፡ ኤሎስ፡ ነብሮ ፤ ጣላ-ዘጋ፡ ወሽግሊ ።

በኪት፡ ዓመዱ፡ ቱ ፤ ማዩ፡ በትዕ፡ ቱ፡ ምን፡ ጽምእ ።

ጸጋይ፡ አማናት፡ ቱ ፤ ወጂባታ፡ ኢጣምዕ ።

* * *

45 ከሬር፡ ኤሎስ፡ ነብሮ ፤ ገተን፡ ወሸናቀራ ።

ሰይፉ፡ ዓርባይ፡ ገራብ ፤ ዘገሩ፡ በራብራ ።

ጸጋይ፡ ዐለልባዲ ፤ ቤቱ፡ መናዘራ ።

በዐል፡ ለሀበባታት ፤ ሽልሐ፡ መናጠላ ።

እሉ፡ ቃዊ፡ ሚ፡ ቡ ፤ መኸ፡ ወከሰላ ፤

50 ሐበላ፡ ወሕደዳ ፤ ምን፡ ለዐል፡ እት፡ አምሐራ ።

* * *

ከሬር፡ ኤሎስ፡ ነብሮ ፤ ጋሮ፡ ከለእ፡ ነባሻት ።

እብ፡ ሀበባ፡ ነሸኦ ፤ እግል፡ ለሕቡዕ፡ ዲብ፡ ሳሳት ።

ሸላል፡ መስከረም ፤ ውሐዝ፡ ዐይር፡ እብ፡ ጋሻት ።

* * *

ከሬር፡ ኤሎስ፡ ነብሮ ፤ ዋድሕ፡ ዲቡ፡ ወለሃሴ ።

55 ጋሮ፡ ዎሮ፡ እት፡ እንቱ ፤ ገባይሎታት፡ ልትኣኬ ።

እንዳዩ፡ ልትከበት ፤ ከራዬሁ፡ ወራኬ ።

* * *

ከሬር፡ ኤሎስ፡ ነብሮ ፤ ቀብር-ፋይድ፡ ወጨዳደንባ ።

ስጋ፡ አዳም፡ ልደረር ፤ ወስጋ፡ አዳም፡ ልጸሸሕ ።

ሐቆ፡ ዐስር፡ ለኮናቱ ፤ ስቅል፡ ቱ፡ ሀሴት፡ ትሸሸሕ ።

እግል : ዕንክር : ወድ : ሕሻል : ክም : ሞታ : እሸሻ : ሕላየት : በከዩ ::

I አርበድ : እንዶ : ጋድአኒ : ቱ ፤ ጨልቅ : ምንዬ : ክም : በዐል : ጋር ::

ቅሳንዬ : ዐረጃ ፤ ቀመት : ሰአንከ : ወአክራር ::

ሰኒ : ላቱ : ወሐመድከ ፤ እግል : ኖሼ : አትሐሳር ::

ምሉእ : ምዱ : ወድ : ሕሻል ፤ ዋኒን : ቃንጽ : ምን : ግዳል ::

5 እሸቱ : ሐማቱ : ታ ፤ እግል : ማይታ : ወቅታል ::

ጹዱቅ : ወበዐል : አሚነት ፤ ከንፈር : ፈቱ : ወሐጫር ::

ዕሹር : አማናት : ቱ ፤ ክል : መባልሱ : እብ : ዕጋል ::

ወልዱ : አሸር : እት : ዕቆት ፤ ወክድ : ለድጌ : መወራር ::

ክም : አብ-ራየት : ሕመረት ፤ ግርጉር : በየእ : እት : ክስታን ::

10 ልሹ : ለመንዱቅ : ኢአሴ ፤ አፍሩስ : ብእቱ : ወአጋር ::

ክም : ሐመድ-ኖር : ሸንጌራ ፤ ቀይድ : ባትክ : ቱ : ወዕቃል ::

* * *

አርበድ : እንዶ : ጋድአኒ : ቱ ፤ ገሰእ : ምንዬ : እት : ጋሩ ::

ሐካ : ለሊት : ኢሰክባ ፤ እብ : ለብጣር : ብጣሩ ::

ሚ : ቡ : ላሊ : ተሰክብ ፤ ሀላ : ሚ : ቡ : ግዳሩ ፤

15 ቀንደፍ : ሐራይሽ ፤ ማዳ : ሚ : ቡ : ተምሳሉ ፤

እግል : ለትወላዳ ፤ አንስ : ሕበር : ለዐላ : እሉ ::

ዕላል : እግሉ : ወአስተሀላ ፤ ወተርፋ : እት : ለአካኑ ::

ሐምዴሁ : ወሐሳ ፤ ምን : ለሀላ : ብጣሩ ::

እግል : ዕንክር : ወድ : ሕሻል : ለበከዩ : ሕላየት ::

I ምን : ኢተአምራ : ብካዩ ፤ ዲብ : ሚ : ክል : ዶል : ትግህያ ፤

እብ : ለዓሊት : ልሸሐቃ ፤ እብ : ተሓተት : ረሸያ ::

ተልጋ፡ ገደቦ ፤ እት፡ አርውግታ፡ ሓንያ ።

ገደቦ፡ ልባሳ ፤ እት፡ መቃጥኑ፡ ካርያ ።

5 አለቡ፡ ተልትላ ፤ ብሽክል፡ ለእንታ፡ ትወዷያ ።

ሐን፡ ረቢ፡ ገያሲት፡ ታ ፤ ገሩን፡ ለህብቴስ፡ ተልያ ።

ጋንሐያ፡ ኢኮኔ ፤ መትብእሳያ፡ ዘውያ ።

* * *

ከገሌ፡ ተአምራ፡ ብካዩ ፤ ከትቀሳቅሳሁ፡ ክል፡ ኢነት፡

ጥዕም፡ በልስ፡ እብ፡ ለዓሊት ፤ ወምን፡ ጎፍ፡ ከብዱ፡ ቀቢነት ።

10 ሓጥር፡ ለሞታ፡ ኢተሌ ፤ ወጹዱቅ፡ በዐል፡ አሚነት ።

እት፡ ገሮቡ፡ ለትባዴ ፤ ዕሹር፡ ቱ፡ ወበዐል፡ መስኪነት ።

ምሴት፡ ለእላ፡ ልትፈኸ ፤ ተዐይር፡ ዲቡ፡ ሰአሊለት ።

እግል፡ ዕንክር፡ ወድ፡ ሕሻል፡ ክም፡ ሞታ፡ ለቤሻ ።

1 አሊልትዐየር፡ ሮራ ፤ መን፡ ቱ፡ ወሐድረዩ፡

በዐል፡ አማኑ፡ ሞታ ፤ በኑ፡ ወነብረዩ ።

አዜ፡ እግል፡ አብ-ረድኢ ፤ ሚ፡ ወሐመደዩ፡

ጹዱቅ፡ ወእንቤሎ ፤ ከንፈር፡ ለትዋደዩ ።

5 ሓጥር፡ ወእንቤሎ ፤ ርሳስ፡ ከሸተዩ ።

ምን፡ ውላዱ፡ ፈትዮ ፤ አቡኩም፡ እግል፡ መሊህዩ ።

ገቢል፡ ለምስል፡ ካሪ ፤ ምን፡ ሕድ፡ ወአትገዐዘዩ ።

ቀደም፡ ሐማርኝ ፤ ወሐርማ፡ ወዓረዩ ።

* * *

ዙዕ፡ ትግሬ፡ ሰኚ ፤ ክእኛ፡ ለለአምሮ ።

10 አሊልትዐየር፡ ሮራ ፤ መን፡ ቱ፡ ለሐደሮ ።

በዐል፡ አማኑ፡ ሞታ ፤ በኑ፡ ለነሸሮ ።

አዜ : እግል : አብ-ረድኢ ፤ ዲብ : መን : እግል : ነዐጅሎ ፤
 ኢልትዐጀል : ሞታ ፤ ዕጅል : ኢተስትህሎ ።
 እግል : ጋና ፤ ክም : ቅሩብ : ለመሸሎ ።

* * *

15 ስም : መሸመም : ወአስማ ፤ ድቢ : ዲብ : ብሶቱ ።
 ወድ : ለሐየት : ሞታ ፤ አርጋ : ዲብ : ትርቆቱ ።
 ገቢል : ሰፋልሎ ፤ ዶል : ለሀንደሶቱ ።
 መትሃጊ : እብ : ገረግሙ ፤ ወሄሬ : እብ : ምሐቱ ።
 ወድ : ለሐርማዝ : ሞታ ፤ ለንጎት : ዲብ : ብሶቱ ።

105

እግል : ዕንክር : ወድ : ሕሻል : ሀዩ : ለበከደ : ሕላየት ።

1 እንዴ : እግል : እጎምም ፤ ማ : ጋርዬ : እግል : እወኅን ፤
 ዐረር : ልግበእ : አግዐሮ ፤ አያ : ድቢት : ለትሐድር ፤
 ሓጥር : ናስእ : ቱ : ወጸጋይ ፤ ሸንጉል : ላቱ : በዐል : ምሕልል ።
 ዕንክር : ናስእ : ቱ : ወድ : ሕሻል ፤ “ ምሉእ : ምዱ ” : እት : ልብል ።
 5 ምሉእ : ምዱ : ስቃሩ : ታ ፤ አድማይ : ሰቱ : እብ : ሕንክል ።
 “ ግረቡኒ : ወእገርብ ” : ታ ፤ ድቢ : ዋርድ : እት : ምዕጥን ።
 እርወት : ለጄዴ : ዕዋላ ፤ ብርኩ : ለዔላ : ተፈግር ።
 ሳብት : ኤማኑ ፤ በዐል : መራኅት : ወምሕልል ።
 እብ : ረባይ : ቃትላ ፤ ሾከት : እንደይ : ለፈግር ።
 10 እብ : ገመሽታ : ረብያ ፤ ዲብ : አብ-ረድኢ : ኢነዐጅል ።

106

እግል : ዕንክር : ወድ : ሕሻል : ለቤላ : ሕላየት ።

1 “ ወልዬ : አርበድ ” : ቤላ : ክስታን : እት : ትትሐተት ።
 ቀፋጽ : ገንደላታት ፤ በየእ : ከብድ : ቦሸት ።

ዕንቱ : እምበል : ቅምጭ ፤ ከብዱ : እምበል : ምዖተት ።
 መምባ : ሰብ : አወርቅ : ቱ ፤ ወመምባ : ሰብ : ድቦከት ።
 5 በዐል : አማና : ሞታ ፤ ገደቦማ : ሞተት ።

* * *

“ወልዬ : አርበድ” : ቤላ ፤ ቀፋጽ : ገንደላታት ።
 እሙን : ምሉእ : ምዱ ፤ ቀንጸ : እብ : መሐላታት ።
 እማም : ገደቦታት ፤ ጠዋ : ወሺራታት ።
 አላ ፤ ሐርማዝ : ሞታ ፤ ክርብ : ከብድ : ዓጃት ።
 IO አላ ፤ ጽኑዕ : ሞታ ፤ ዐንገፍ : ወጎምሳታት ።
 አላ ፤ ምትክል : ሞታ ፤ ዝፋር : ደበእ : መሐዛት ።

107

እግል : ዐድ-ሐፈሮም : ለሰብኦም : ቀዳም : እንደ : ፈቃዳ : ለቤላ ፤ ሕላዩት ።
 I እብ : ኖሶም : ረደዎም ፤ ቤት : አቡካ : ዎ : ዐርመሲስ ።
 ወሃ : ውላድ : ወድ : ገበይ ፤ ደስላሴ : ወደሲት ።
 ጃንዶር : ልብሎ : አብ-አፍታይ ፤ ደባስ : ልብሎ : ዶል : እኪት ።
 ልቡ ፤ ለሐጺን : ኢአቤ ፤ ምን : ልጃበጥ : ለመከቲት ።
 5 ገልገላይ : አብ-ፋጥና ፤ ሕብዕት : ቡ : ወርኢት ።
 ጸጋይ : ቱ : ቤለው : አብ-ስተል ፤ ማዳ : ሰሩሕ : (እ)ግል : ደሲት ።
 ልትዋረድ : ተስፋ-ምኬል ፤ ቀዩሕ : ነዝዕ : ወድሪት ።
 ልትቃተል : ተስፋ-ምኬል ፤ እብ : ጸብጥ : ለመረዲት ።
 ዕንቶም : ለገንሐ : ኢትፈርህ ፤ ውላድ : ሐዩት : ወአለሚት ።
 IO ብጋይት : ዘሙታ ፤ ወካሩ : እላ : መገዲት ።
 በዐል : ገጃ : ቀቹሎ ፤ ወሐሽሎ : ዲባ : ለገንጊት ።
 አፍ-ልጋሙ : ወደንጉር ፤ ምን : ለዐል : ዲብ : ለረወሪት ።
 ደረቃ : ወገርህት : አብ-ባርያይ ፤ ወዐውል : ገብር : ለሕሪት ።

ከሬር : ገድም : ባደማ :: መን : ሰብኸ : እት : በጊድ :
 15 ንኢሹ : ወለዐሻዩ ፤ ገሱእ : እቱ : ግብሂት ::

እግል : ዐድ-ሐፈርም : ለቤሻ : ሕላየት ::

1 ምን : ፈቀድና : ለአዳሞም ፤ አብ-መሐየዊት : ሰረዳ ::
 አምሮም : አቡካ : ቱ ፤ እንታማ : አዜ : መጽአካ ::
 ክምሰል : በዳ : ለአዳሞም ፤ ወማሎም : ክምሰል : ዐረጃ ::
 ተስፋምኬል : ወደስላሴ ፤ ደሲት : ወሐሁ : ናከሻ ::
 5 ልትዋረድ : ተስፋምኬል ፤ ማሉ : እንዶ : ታቦታ ::
 ገብር : ወአመት ፤ ንዋይ : እንዶ : ወሸካ ::
 አለቡ : በልሾ ፤ ለድፋይ : ሐቆ : ትብገሳ ::
 ሺራ : ንኢሻ : ወዐሻያ ፤ ሸክ : ታ : ከብድ : ፈሰሳ ::
 አመቱ : ባጽዕ : ኢትደንን ፤ መምብሃ : እንዶ : ጸሰጣ ::
 10 ፈጋር : ምን : ደጌ ፤ እት : ልቡሎ : “ተሐረዳ” ::
 መሳስ : ክዋና ፤ ንዋይ : ጸሊም : ሻለታ ::
 ዘማት : ቅርጡጡት ፤ በልሳ : ዲባ : መሐሰሳ ::
 “ገሴ” : ቦሎ : አብ-አፍታይ ፤ አርበድማ : ሙሳ : ራገዛ ::
 ዘማት : ሐራይም ፤ አክል : አያ : ታ : ማመታ ::
 15 ሐቡር : እት : ለወድናሁ ፤ ልትሀራሀር : ናከሻ ::
 ሐረስቶቱ : ልትዋረድ ፤ ዕያቡ : ክምሰል : ሸክሸካ ::
 አፍ-ልጋሙ : ወደንጉር ፤ ምን : ለዐል : ዲብ : ለቀቦታ ::
 ትኩል : ኢኮን : ዓቅባዮም : ፍርህ : ሀባይ : ወወዐጋ ::
 ዲብኩም : አኬት : ንዩትና : ለዐዝውዓት : ምንዲ : ተሃረሳ ::

109

ዐጂ፡ ምን፡ ጠልመዩ፡ እግል፡ ኖሱ፡ ለበከደ፡ ሐላዩ።

- I መስኒና፡ ጠልሚኛ፤ ለምስሉ፡ ሐጽሐጽ፡ ትዋደና።
- ወክል፡ ፈታይና፡ ጠልሚኛ፤ እት፡ መንሰዕ፡ ብዝሓም፡ ሳኔና።
- አባይና፡ ነኡሸዮ፤ እግል፡ ፈታይና፡ ሀሌና።
- ዕሽረት፡ ታ፡ ለአሻ፡ ንትረጀእ፤ ምን፡ መን፡ እንዶ፡ ትመሸና።
- 5 ለትበርበራ፡ እንሸልክ፤ ለትገሻ፡ እት፡ ለሐንቴና።
- ለሐስዓ፡ ነሐስሸ፤ ዲብ፡ ሰብ፡ ተሀምል፡ እዴና።
- “እንተርኛ”፡ እት፡ እንብል፡ ቱ፤ እብ፡ ሰብ፡ ሰኒ፡ አቴና።
- ሰኒ፡ ሰኒ፡ ክል፡ ወክድ፡ ቱ፤ ሐበን፡ ለሐሸ፡ ወዜና።
- በዲር፡ ሰበር፡ ለተዐኝ፤ ጸሻብማ፡ ረሐብ፡ ቡ፡ ምን፡ ኬና።
- 10 ዘርእ፡ ግሳስ፡ ሰልማ፤ ረሃዊ፡ ለጋምል፡ ግሬና።
- መስተክ፡ ወሀንዲ፤ በረና፡ ትወጀ፡ እብ፡ ጼና።
- ደንገባ፡ ዕጀትና፡ ታ፤ ተክሌስማ፡ ለዮም፡ ሸሌኛ።

110

እግል፡ ተረብ፡ ምስል፡ ጸኝ፡ ሐልሐል፡ ጌሳ፡ ወምኝ፡ እክሎም፡
 እንዶ፡ ጸዐነው፡ እት፡ ለቀብሎ፡ ለብዕራዩ፡ ፈራ፡ ምኝ። ከለእክሉ፡
 ትከዓ፡ ወለአዳም፡ ምን፡ ገሀው፡ እሉ፡ ሀቱ፡ ሀዬ፡ እሻ፡ ሐላ።

- I እሻ፡ ተሐኛን፡ ምን፡ ብዝሓት፤ ለመጽአትኛ፡ እት፡ እንክሀል።
- እት፡ ገድብና፡ ነትባዴ፤ ለእላ፡ ገእና፡ እንሰቸር።
- እብ፡ አፉና፡ ንሸሐቅ፤ ኢእንገምም፡ ወኢነሐሸር።
- ከፍ፡ ለቤላ፡ ነትሃጅክ፤ ለትበርበራ፡ እንገድል።
- 5 ለጌሳ፡ እንተሌ፤ እግርና፡ ምኝ፡ ኢትጀግር።
- ነፍስና፡ ነዘሌ፤ ዐውል፡ እንደይ፡ ተፈግር።

እግል : ሞት : ቱ : ወሐዮት ፤ ዕዛል : ምሴ : ታ : ወፈጅር ።
 ሐምድልላ : እግል : ረቢ ፤ አዜማ : ሀቱ : ምን : ወኸል ።
 ሀይበኛ : ምን : ምድር ፤ ካሬ : ምን : ለዐሰትር ።

10 ሊለት : አልቀድር ፤ ምሀዲ : ትበርቅ : ክል : ፈጅር ።
 “ግሳስ : ሰልም” : ወእንቤሎ ፤ እት : አፍያታ : ለገዝል ።
 መለትሐ : ወገጃ ፤ ሐዬ : ዲቡ : ቀነድል ።
 ምን : ገሀየትና : ለትግሄ : ታ ፤ ወምን : እኸትና : ለተሐሸር ።

111 .

እብ : ሕልም : ሐዉ : ወኖር : ወድ : ብእምነት : እብ : ግድሪ : ለሞ
 ተው : ረአ ። ወክም : ፈዝግ : እላ : ሐላ ።

1 ሚ : ሕልም : ረክቤኒ ፤ ሰብ : ተሐት : ወሰብ : ለዐል : ለትጋሴ :
 ሀቶም : ጎዬ : ኢመጹእ ፤ ወአና : ዐልኮ : እትላኬ ።
 ኖር : ርኤና : ወድ : ብእምነት ፤ ሹም : ለሸየም : ፈራጹ ።
 በየእ : እት : ደኔ ፤ ክልካሊታት : ልትቃሴ ።

5 እድሁ : ለእስሮ : ኢተአሴ ፤ ፈጋር : እምበል : ሕማሴ ።
 ሚስ : ሓድግ : ቱ : ወማሳ ፤ ጽንዕ : ሓድግ : ቱ : ወሕንቃቄ ።
 አፍሓሬን : ባልስ ፤ ሰበሳቦ : ፋጹ ።
 ቡሳዩ : ለፍልፍ ፤ ደብናሁ : ትዘራኬ ።
 ዐድ-ከንቴባይ : ሰብኸ ፤ ሸኪክ : ወድጥር : ልትዋዴ ።

10 ሰብአ : ዐድ : ሕድ : ደራግግ : አሩይ : ምን : ሕድ : ልትአቴ ።
 ዐብደል : ግሳስ : ሰልማ ፤ ለጅንግላይት : ትትካቴ ።
 ባርያይ : ቢሻ : ልጸዐኛ ፤ ለሻፍግ : እግል : ዘማቴ ።
 ላንኪት : ዘኑብ : ጅንግላይ : ታ : ጋድላይታ : ተትሐሴ ።
 ሰራግያ : ክል : ሕጥር : ምን : ክል : ሕጥር : ትትቃዴ ።

15 አፎ : ስካብ : በደጃ : ሸለም : ታ : እምበል : ሀርጋቱ :
አናማ : ሀግያ : እት : አምር : ቱ : እት : ገሮብዬ : አትባዴ ::

ቅጡም : ወድ : ሐማድ ::

አሐሁ : እብ : ሰምቡእ : ምን : በደት : እሻ : ቤላ ::

1 ወሼሌ : ወዐራዶ ፤ አባይኪ : ልብዴ : እብላ ።
ልትረገዝ : ለሞታ ፤ ለትገመጸ : ፈጭላ ።
ገሌ : ገብእ : ተላያ ፤ ቤቱ : እግል : ለድርጅ ።
ገሌ : ገብእ : ሐረስታያ ፤ ከገዝሐረት : ምኛ : ዐቕራ ።
5 በኪት : ምኛ : ለበዝሐ ፤ ከእት : ክል : ሕብር : ጸግራ ።
ወትበዝሐ : እብ : ለጭገሩ ፤ ከእት : ክል : አወጅብ : ዘኸራ ።
ሰኔት : አምዕል : ሐሊባ : ታ ፤ ምን : ለሓርጸ : ትቀርጅ ።
ሰኔት : አምዕል : ሐሳሳ : ታ ፤ ለመድሀኖታት : ደውራ ።
ደሀብ : አቴ : ወሶሚት ፤ ወቅሩሽ : ጸዓዲ : ዐሸራ ።
10 ሰኔት : አምዕል : ሀዳያ : ታ ፤ አምዕል : ለዳስ : ትተክላ ።
ለጸግሮም : እብ : መትሎ ፤ ለሐማት : እብ : ዕላል : ትወቅላ ።
ሰኔት : አምዕል : አቅብርታ : ታ ፤ ለጸዕዳ : ረአሱ : ትከልላ ።
እብሊሽ : እንዶ : ልጸዐኖ ፤ እት : ክል : ስነን : ታትላ ።
ሰኔት : አምዕል : ምግዓዛ : ታ ፤ ለዳብርታታ : ልጸዕኖ ።
15 ሰኔት : አምዕል : መሐረሳ : ታ ፤ ተስቶት : ለምድር : ሳጥራ ።
ምን : ማሼላ : እት : ሸዒር ፤ ቤቱ : ሕዮ : ለብላ ።
ሰኔት : ላሊ : ክማራ : ታ ፤ ለቤት : እብ : ሕብር : ጠቅራ ።
ዋጦታ : ዚፍ : ልብላ ፤ ወለሸዩም : ሸኸራ ።
ሰኔት : አምዕል : ውላዳ : ታ ፤ ለሐረት : ኢጋል : ትከምራ ።

- 20 ሰኚት : አምዕል : ስቃዳ : ታ ፤ ለአውሀር : ዐድ : ሕድ : ናክሯ ::
 ሰኚት : አምዕል : ጸብጦሃ : ታ ፤ ለምን : ለሞቀሕ : ትበርብሯ ::
 ሰኚት : አምዕል : ዋርዶሃ : ታ ፤ ለእግል : ወድ : አብ : ዐምብሯ ::
 ሰኚት : አምዕል : ስጋሃ : ታ ፤ ለመካናታ : ትዘርዘሯ ::
 እብ : ዐገባ : ወሰይፍ ፤ ዲብ : ለአፍዳጋት : ትገንድላ ።
- 25 ሰኚት : አምዕል : አምእስታ : ታ ፤ ለዲብ : ለዐርቀይ : ትበርብሯ ::
 ኪደታ : ትትጋሬ ፤ እብ : መዳሳት : ትካንኛ ።
 ሰኚት : አምዕል : ሕሻታ : ታ ፤ ለእት : ለደምቀትካ : ትጀልላ ።
 ሰኚት : አምዕል : ልሻሳ : ታ ፤ ለእብ : ግድ : ሐሪር : ተልትላ ።
 በዲር : ዐልና : ነሐምዳ ፤ ከአዜ : እግል : ነከልላ ።
- 30 እኸት : አምዕል : ጃና : ታ ፤ ለጋብ : ወንስር : ነትላ ።
 እኸት : አምዕል : ጸደፋ : ታ ፤ ምን : ለዊሻ : ትነፍሯ ።
 እኸት : አምዕል : ዘማቲ : ታ ፤ ምዕል : ለወራር : ተኸላ ።
 ታይቦታታ : ለትጋምሕ ፤ ወአባጽሕት : ደርቤ : እት : ግራ ።
 እኸት : አምዕል : ወነና : ታ ፤ ምን : ሐሮታት : ገንፍላ ።
- 35 እኸት : አምዕል : ስሩቃ : ታ ፤ ወክድ : ለመዐይናይ : ደውሯ ።

እግል : አጣ : ሀዩ : ለቤላ ።

- 1 እንቲ : ቱ : ትዘይዲ : ምን : ከሉላ : ምን : ክሉቁ : ለበዐልና ።
 ብል : ታ : ወሸርብ : ምስልኪ : ወእሳት : ትግበእ : ወገኛ ።
 ኢልንስአና : ቀደማ : ወሐቅሃ : ከአር : ሐድገኛ ፤
 እንሱስ : ብዕድ : መላቅም : ቱ : ራሯ : ሞዳይ : ክም : ዘልማ ።
- 5 ኢነዐደላ : ዲብ : እንሳ : ሐምዴ : ሰምዕ : ለእዘኛ ።
 ኢነዐደላ : ዲብ : አክባት : ደሀብ : ወሶሚት : እት : ሀላ ።
 ወእብ : እክልኪ : ትዘይዶ : ዲብ : ዕያቡ : ክም : ሸኛ ።

ወእብ : ሽፍርኪ : ትዘዩዶ : በዲርማ : ህቱ : አውከኛ ::
 ዝብደታ : ንትሓሰስ : ቅመል : እግል : ኢልንስእኛ ::
 10 ከደታ : ንትጋሬ ፤ ዲብ : ሚ : አሽዋክ : ራግዘኛ :

114

እግል : አጣ : እብ : ሰምቡእ : ክም : በዴት : ህዩ : ለቤሻ ::

1 እብላ : ኢትብዴ ፤ ድቢት : ለረዩም : መክለላ ::
 ዐቢ : ድምጹ : ዘምታ ፤ አልሓጽ : እንዶ : ኣሰራ ::
 ታይቦታታ : ለጃግሕ ፤ ወፈግር : ምኛ : ለኢከህላ ::
 ኩሉ : ህታ : ዜደቶ ፤ ለክሉቅ : ምንዲ : ትሚዘና ::
 5 ደሀብ : ወሶሚት ፤ እበን : ቱ : ወግምሽ : ተዐቕራ ::
 ለደርር : ምኑ : አለቡ ፤ ክዋና : እንዶ : ዐገላ ::
 ምን : ትፈቲ : ትናይተኸ ፤ ኤሻት : እብ : ክል : መሰላ ::
 ምን : ትበልዕ : ትናይተኸ ፤ አዘቅ : ምስል : መሐደራ ::
 ምን : ትገይስ : ትናይተኸ ፤ ከትከት : ወዴ : ለእገራ ::
 10 ምን : ትሸሕሯ : ትናይተኸ ፤ ትከሯ : ዲብክ : ጀበላ ::
 ምን : ትሰቲ : ትናይተኸ ፤ ዒላ : ትከልስ : ጸልጸላ ::

115

እግል : አጣ : እብ : ሰምቡእ : ክም : በዴት : ህዩ : ለቤሻ ::

1 ኤሻት : ቀንጸት : ምኑ ፤ ለሔዋን : እግል : ልብዴ ::
 በኪት : እግል : ልትመክረህ ፤ ወመክሩህ : እግል : ልእኬ ::
 ለእብ : ለጸርዓ : ኑብር ፤ እንዶ : ሐልብ : ሰቴ ::
 ለእብ : መቅጠና : ኑብር ፤ እንዶ : ከምም : አቴ ::
 5 አስግደታ : ዛሞ ፤ ክል : መዛርእ : ትወዴ ::
 ሽዲር : ምስል : ሸርናይ ፤ ወማሼል : ወአምኔ ::

- ድዋር : ተገርሞ ፤ ለመንደቅ : ፍርክ : ወጄ ።
- ጋሻ : ልትዓየራ ፤ ከእት : አንሕርታ : ተዐጄ ።
- ለእንጌራ : ሰቃስቆ : እላ ። አዜ : ሚ : ቱ : ትወጄ ።
- 10 ጋሻይ : ኢልጂረር ፤ ወበዐል : ዐድ : ኢልሸርጌ ።
- ዝብደት : መብሩደት : ታ ፤ እት : ደምቀትካ : ትከሬ ።
- እዘን : እሻ : ጠቕፅ ፤ ወፅንታት : እሻ : ጸሬ ።
- መካና : ለአፋት : ትሳክር ፤ ምስምሳ : እንዶ : ትወጄ ።
- ምጸል : ምን : ዓጽምታ ፤ ወምን : ገይዳታ : ጸሬ ።
- 15 ከደታ : ለረሐት : ጣስስ ፤ ትላውሻ : እንዶ : ትሰኝ ።

እግል : አላ : ለበከደ ።

- 1 መርሐባ : ዐራዶ ፤ ቅራብ : ትመልእ : ወትሰፍር ።
- ክምሰል : ዕነጅ : ሶሚታት ፤ ፈጅር : ፈጅር : ትሸዐል ።
- እልከ : ለአለቡ ፤ ክምሰል : ሞራ : ልትወገር ።
- ወእልከ : ለቡ ፤ ሰለስ : ዓመት : ልትቀሸር ።
- 5 በርዐድ : በፍታ : ታ : ዐራዶ ፤ ወርሕ : ማሰ : ዲብ : ዐስተር ።
- ወበርዐድ : ጸሊም : ዘነባ ፤ ወበርዐድ : ውጭሕት : ትትሐሸር ።
- ጣላ : ሸሊል : ታ : ዐራዶ ፤ ለቤግ : ትመሸል : ወጸሐል ።
- ግራ : ጣላ : ታ : ዐራዶ ፤ ምን : ቃብሎታት : ትትሐሸር ።
- ክምሆላይት : ደንቃ : ታ ፤ ትትለዋሌ : ዲብ : እገር ።
- 10 ገሩን : ሐዋይት : አልባብ : ቃልብ : ዲብ : መሐበር ።
- አክማም : ዲብ : ለአቅርንታ : ወአክማም : ሀላ : ዲብ : እገር ።
- ገድካ : ተአምር : አካኑ : እግል : ቲሙት : ወትቅተል ።
- አሐዲ : ዛምታይ : ገይስ : ባ : ወጸራጽራ : ዲብ : መሐበር ።
- ወአሐዲ : ሰብእ : ተርፍ : ባ : መይት : ዲባ : በዐል : አጅል ።

15 ገድካ : ትምባክ : ሀይቡካ : እላ : እግል : ትትገረር ::
 አንስ : እግል : ለትማክክ : እብ : ሰምቦት : ንኢሽ : ልሰአል ::
 እብ : መስአዮብ : አማቱ : ቱ : እሌ : አሸከአለሊት : ልትገር ::
 ቅንጽ : ወይባ ፤ ዕርዲት : እግል : ንትከተል ::
 ጸረተኛ : ምን : ገብእ ፤ ዲብ : ዐወጸ : ንትወገር ::

20 ወከሬተኛ : ምን : ገብእ ፤ እግል : ንትረፍ : ዲብ : ከደን ::

* * *

ኢትሐለባ : ዎ : መንፍዓት ፤ እላ : ወአት : ለቅባና ::
 ዕመር : በዐል : ጽምብልታ : ቱ ፤ ወበርካይ : በዐል : ድራራ ::
 ክልአት : እሎም : መሳኒት ፤ ወክልአት : እሎም : ሕዋላ ::
 ምን : ረዩም : ትሰሚ ፤ እግል : ቅሩብ : ወጋና ::

25 ሐራሳታ : ልትኣነን ፤ ወረብ : ዶል : ለዓያራ ::
 መካናታ : ልትላጀጀ ፤ ቀይም : ዶል : ለውልዋላ ::
 እግል : ሐራስ : ትትሐሎብ ፤ እግል : ልብረድ : ለአስራራ ::
 ወእግል : ሕርመት : ትትሐሎብ ፤ ዲብ : ረአስ : ለድራራ ::
 ሐሪመት : ትፈቕዳ ፤ ዋከት : ዶል : ለዘርዛራ ::

30 ትትሄረር : ወትገይስ ፤ ዐርባ : ክምሰል : እምባራ ::
 ጀምዲት : ለፉጣይ : በልዐያ ፤ ከዲብ : ዕጨቱ : ትከራ : ባ ::
 ቀይም : ለስሕል : ሰብኮ : ባ ፤ ምስል : ዔቶት : ወአራባ ::
 ወልሑታ : ለአውለት : ተቅሎሌ ፤ ከትበልዕ : ዲብ : ለእንጋባ ::
 ጣላ : ለጅርገት : ሰገናይ ፤ ዴርሆ : ተብዐት : ጸዐዳ : ባ ::

35 ወጣላ : ለፉጠት : ዕሌጂ ፤ ለበሐሬናይ : ፈግራ : ባ ::
 ሰቶም : እልዩ : ሰብ : በዲር ፤ ላማ : ሞቶም : ዐላ : ባ ::
 ኢሀዩባ : እብ : ቀላል ፤ ሐምስ : ውላድ : አካባ ::
 እት : ከብዳ : ለጸንሕ ፤ ወአት : ረድኢታ : ለዐራ : ባ ::

* * *

ሸምላ : እግል : ወረብ ፤ ሐጀጅፋ : ትዋጭል ።
 40 አጭሐብሉ : ኢኮኔ ፤ ለረአሳ : ዎሮት : ካጅል ።
 ክታ : ወአምበጣ ፤ ልታለዮም : ናብል ።
 በዐላ : እግል : ክይነት ፤ ሰለስ : ዕድም : ባድል ።
 ክይነት : ኢንትሃጌ ፤ ወአግዋፍ : ኢእንባድል ።

117

እግል : አላ : አብ : ሰምቡእ : ክም : በዴት : ሀዩ : ለቤሳ ።

I እሳዲ : እልካ : እት : ተስተሀል : ቱ ፤ ዎ : መሐመድ : ምንዲ :
 ትሰትታ ።

ምን : ለክልኤ : አግምያ ፤ ምን : ትረድያ : ነፍስክ ፤

ተዶብ : ወሶተል ፤ ምኞም : ለአጊድ : ሸፍኝ ።

ውላድ : ለራትዎታት ፤ እግልኩም : ቱ : ግሄና : አግኛ ።

5 እንሸላ : ረሺ : ልናጅ ፤ ክልብለስ : ዘበን : አብፅብካ ።
 ወደኛት : ወአማት ፤ ሰንክት : ዲባ : ቤት : እምካ ።

ዲብካ : ትቡዝሕ : ሰኚታ ፤ ራክባ : ሚ : ቡ : ምስልካ ፤

ክል : ሰኚታ : ምን : ተዐልብ ፤ እት : ክል : ስርካ : ትፈቕኛ ።

ጥቅር : ለሐሊባ ፤ ባርድ : ትከራ : ስምጥካ ።

10 ጥቅር : ለስጋሃ ፤ መካናታ : ተሓድኛ ።
 ጥቅር : ለኪደታ ፤ ምን : ክል : ሳልስ : ደግሻ ።

ጥቅር : ለዝብደታ ፤ ደምቀት : እግል : ተብርኛ ።

ጥቅር : ለሐበና ፤ ኖስካ : ስድ : ትወሸክ ።

ርዝቅ : ለሔሳሳ : ባጽፅ : ወርድ : መድሀንታ ።

15 ምን : ውቁላም : ትትወቕል ፤ ደረተካ : ቅንጭብ : ዲብ : እንታ ።
 አናዲ : እዬ : ኢትፈቴ : ቱ : ኖሹ : ሻማ : እት : ብእታ ።

እብ : ስብርታ : ተዐድበኒ : እት : ሓዋላ : ትክል : ታ ።

እብ : ርዒንገ : ተዐድብኒ :: ግሱይ : ሚ : አና : ስምጥካ :

እብ : ዕቅቤገ : ተዐድብኒ : ምን : ጀፈራ : እት : ምግዳ ::

20 እረቅዕ : ወእሰጌ :: ለእሻ : ትብጥር : ገድል : ታ ::

መሐርጋ : ፋትሐት : ኢኮኔ :: ከብጄ : ክል : ዶል : ድብር : ታ ::

118

እግል : አጣ : ሀዩ : ለቤሻ ::

1 አትገጌና : ዎ : መሐሙድ :: ማ : ትግሄ : ዲብ : ለሰፍራካ :

መሐርጋ : ፋትሐ : ኢእንታ :: ምን : እምካማ : ወአሐካ ::

አሐና : እግልና :: ክል : ዶል : ካይነት : ዲብና : ታ ::

ስቃዳ : ምን : ሐዋል : ቱ :: ወሐርማ : ተብዐት : ቱ : ውላዳ ::

5 ስብርታ : እንተንትን :: ትክልት : ዲብ : መዓል : እማታ ::

ሐሪመታ : ንትአሌ :: ምን : ዐንገፍ : ለምክያዳ ::

ድርጸ : እንደይ : ነሰፍሬ :: ወደይ : ነሸንርብ : ከልዋታ ::

ምንማ : ሀታ : ትብጌና :: እሊ : በጥር : ቱ : ሰምዓታ ::

እግርና : ዕርፍ : አለባ :: ፋግር : ኢኮን : ለአሸዋካ ::

10 ከብድና : ነብራ : ኢተሐዜ :: ክል : ዶል : እብ : ለቅናታ ::

ሀይገት : ሰብአ : ከልአያ :: እብ : አከይ : ለጎማታ ::

ከብድ : ለሹማ : ትከሽነት :: ከገባት : ፈልሐት : ወማዳ ::

እንደይ : ልድሕር :: ጎማት : ኢኮን : ወናዳ ::

ጸሙድ : እንቱ : ለተሰቶታ :: ደነት : እብ : ለውራቃ ::

15 ምን : አዘርእት : ረፍዐቶ :: ሐሸኸል : ለአስናቃ ::

ክም : ሐረምዝ : ቀር-ወርሕ :: ለድሜ : በዴት : እብ : ዓጃ ::

ኢእቤላ : ዲብ : ነቦድ :: ወአዜ : እላ : ናይና : ታ ::

ለተዓለለት : ኢደረት :: አልሐም : ሰአነት : ውላዳ ::

ለተሐረሰት : ኢበቅለት :: እሸዎ : ቱ : ብታካ : 1)

1) V. 17—19 standen im Original am Ende, hinter dem jetzigen V. 22; sie sind durch Naffa^c an ihre jetzige Stelle gesetzt.

20 ከረፍ : ዎ : ሐማስ : ገማሚት ፤ ለገበይ : ተአምሪ : ምክያዳ ::
 ዕጃዩት : መጋርሕ ፤ መስከብ : ክሳር : ሀታ : ታ ::
 “ነለት : ለከረም : ትወርጃ ፤ ሐጋይ : ትደልሃ” : እላ : ታ ::

እብ : ጭሩም : ወእንሺክ : ለቤላ ::

I ጭሩም : ዲብ : እንሺክ ፤ ኖር : ዲብ : ሚ : ተዐደሎ :
 ቀዳሚቱ : ለኢተአምር ፤ ክም : ርኤካ : ተሐሻሮ ::
 ዓሲ : ሰብ : ተብዕን ፤ ለውዕል : ቡ : እንዶ : ጸውሮ ::
 እንዶ : ወዳ : ቁሾቱ ፤ ጋድም : በኑ : ሐደሮ ::
 5 ክንቡብ : ሀላ : አቡካ ፤ መሐበር : እንደይ : ገዝሎ ::
 ምን : ኢወዳ : ቁሾቱ ፤ “ለዕያል” : ቤላ : “ሚ : አድርሮ” :
 እብ : ሽለግ : በዴና ፤ ውራይ : ክል : ዶል : ካይሎ ::
 ወእብ : ግብር : ፈኔና ፤ “ቀዳም : አብጽሕ : ከአቅብሎ” ::
 እንሺክ : አድግ : ነጋደን : ቱ ፤ አቴ : ምንዲ : ትጽዕኖ ::
 IO ኢለዘብል : ወኢፈልጽ ፤ ጣፍሕ : እንቱ : ተሐደሮ ::
 ንኡሽ : ሕንቁቅ : ቱ : ወድ : ከልብ :: እት : ምብላሱ : ሚ : እብሎ :

መሐመድ : ወድ : ዐምዴስ ::

መሐመድ : ወጸኛ : በዲር : አሓ : ሰርቀው : ወሐር : ክም : ትጽ
 ሸጠው : ሀብቱስ : ወድ : እዛዝ : “ፍደው” : ቤሎም : ከአስክ : ፈ.ጃ :
 እግል : ለአሓ : መሐመድ : አሰረያ :: ከለአሓሁ : ምን : ተአሰረት :
 እላ : ሕላያት : ቤላ ::

I ትግራይማ : እድሁ : ምን : ተሀይብ : ከሰዕ : ዲቡ : ክል : ፈ.ጅር ::

ሀያባ ፡ ኢኮኔ ፡ ነብራዬ ፡ እግልዬማ ፡ ኢተአኸል ።
 መርከብ ፡ አቲ ፡ ቱ ፡ መምባኪ ፤ ሰብኡ ፡ ዋሌ ፡ ወመንጥል ።
 ናኩዳይ ፡ ደልሎ ፤ ምን ፡ ለአፍ ፡ ለገረግር ።
 5 መበሽረቱ ፡ ትትባደር ፤ ተጃሬኑ ፡ ተብዐሽር ።¹⁾
 ለሞታ ፡ ኢተሌ ፤ ልግዕዝ ፡ ምኑ ፡ ወለሐድር ።
 ለሬማ ፡ ኢተሌ ፤ መስከብ ፡ መሳክብ ፡ ለበድል ።
 ጽኑዕ ፡ ሞላዱ ፤ ደሀብ ፡ ኬኬ ፡ ክም ፡ እክል ።
 ጽኑዕ ፡ ስጋዱ ፤ ምን ፡ ንሳሉ ፡ ለትፈግር ።

121

እላ ፡ ሕላየት ፡ ክም ፡ ቤላ ፡ እት ፡ እዛሙ ፡ ሀብቴስ ፡ ወድ ፡ እዛዝ ፡
 ፈዳ ፡ እሉ ፡ ወልባስ ፡ አልበሰዩ ። ወክም ፡ ፈዳ ፡ እሉ ፡ እግል ፡ ሀብ
 ቴስ ፡ ወድ ፡ እዛዝ ፡ እላ ፡ ቤሎ ።

I ለሞታ ፡ ኢተሌ ፤ ለዳውራይ ፡ በይ ፡ ታ ፡ እብ ፡ ብጣሩ ።
 ለሬማ ፡ ኢተሌ ፤ ሐቆሀማ ፡ ቅዙር ፡ ቱ ፡ ድራሩ ።
 ለወድቃ ፡ ኢተሌ ፤ ተርፍ ፡ ምኑ ፡ እብ ፡ ብጣሩ ።
 እላ ፡ ትግሬሀ ፡ ታ ፤ ወእሊ ፡ ድዋር ፡ ድዋሩ ።
 5 እላ ፡ ዕሬ ፡ መሐበሩ ፡ ታ ፤ ወእላ ፡ ትከብክብ ፡ አጋሩ ።
 ጽኑዕ ፡ ስጋዱ ፤ ለፈግረት ፡ ምን ፡ ለንሳሉ ።
 ጽኑዕ ፡ ሞላዱ ፤ መን ፡ ዐሬ ፡ ቡ ፡ ለሓባሉ ።
 መዳክለቱ ፡ ቱ ፡ ትወንኖ ፤ ኢትጌልሎ ፡ ወኢትዋሉ ።

122

እግል ፡ ከንቴባይ ፡ ብእምነት ፡ እት ፡ ለሐምዶ ፡ ለቤላ ።

I ሀይገት ፡ ትቤ ፡ “ሔማዬ” ፤ ተዓጣ ፡ ዲባ ፡ በዐል ፡ ሻማ ።

1) Dieser Vers stand ursprünglich am Ende.

ረክበቶ ፡ ምን ፡ ገብኝ ፤ እሉ ፡ ትፈቱ ፡ ሀታማ ።
 ዲቡ ፡ በዝሕ ፡ ሐሊባ ፤ ወዲቡ ፡ በዝሕ ፡ አካላ ።
 ዲቡ ፡ ትበዝሕ ፡ ለዝላማ ፤ በለል ፡ ወዴ። አሸራማ ።
 5 ክሎምማ ፡ እድሪስ ፡ ዋልዶም ፡ ቱ ። ሓድገት ፡ ሚ ፡ ዐለት ፡ አካና ፡
 ሸመት ፡ ዐድ-እድሪስ ፤ ሀቶም ፡ ቶም ፡ ዕጨት ፡ ምጽላላ ።
 መይቶ ፡ ዲባ ፡ ወቀትሎ ፤ ዕምራ ፡ ነሱእ ፡ ወዕማራ ።
 ምክላታ ፡ ለደውሮ ፤ ነሱእ ፡ ሐሊብ ፡ ዴዋና ።
 መድሀኖታት ፡ አትያ ፤ ምን ፡ ትግራሃ ፡ ወማላ ።

123

እግል ፡ ከንቴባይ ፡ ብእምነት ፡ ሀዩ ፡ ለቤሻ ።

1 ለእርደት ፡ በቁሰብ ፤ ሓላፍ ፡ አቤት ፡ መራታ ።
 እማታ ፡ ሰቴት ፡ እብ ፡ ዘራ ፤ ዲብ ፡ ዐድ ፡ ዐለት ፡ ለትግራታ ።
 ሀይገት ፡ ሔማሃ ፡ ሀደያ ፤ ገላበባ ፡ ወተዓጣ ።
 አስቀራ ፡ ከንቴባይ ፤ ረአስ ፡ ንጋረት ፡ ዘራካ ።
 5 ገድም ፡ ስኩብ ፡ ከንቴባይ ፤ ለእላ ፡ ተሐኔ ፡ እላ ፡ ታ ።
 ገድም ፡ እሎም ፡ አጽንሐክሃ ፤ ምን ፡ አኩባ ፡ ግራካ ።
 በዲርማ ፡ በስዋት ፡ ሚ ፡ ሰአነው ፤ ምንዲ ፡ ትረትዕ ፡ ጎማታ ፡
 ቀጥረት ፡ ስብክ ፡ ወስግም ፤ ዎሮት ፡ ኢኮን ፡ ሕራሳ ።

124

እግል ፡ ከንቴባይ ፡ ብእምነት ፡ ሀዩ ፡ ለቤሻ ።

1 ወድ ፡ ተሰፋ-ምኬል ፡ ቱ ፡ ወድ ፡ ገብራስ ፡ እላ ፡ ንድመት ፡ ለመምብሃ ።
 ምን ፡ በኸት ፡ በዐል ፡ ጭገረት ፡ ቱ ፡ ወምን ፡ ልሸየም ፡ መርሐ ።
 ሰታይ ፡ ዴዋና ፡ ቱ ፡ ወመድሀነታ ፡ ጸብሐ ።
 ወበልዓይ ፡ ንሻላ ፡ ቱ ፡ ወበቅሮት ፡ ክትራት ፡ መንክሃ ።

5 ወዳይ : ክም : ቀልቡ : ቱ : ቤት : አብ : ጎማት : ከልኦ ::
 ኢፊርህ : ወኢፊቲ : መቅጠኑ : ሐቆ : ትለልግ ::
 ለሰካ : ፈግራ : እብ : ነፍሱ : ወለተርፋ : ትፈቐግ ::
 ፈዳብ : ሐምቃ : የመቲ : እላ : ርቡዕ : ትገብሐ ::
 አዜማ : ኢአምን : ቱ : እብ : ዕንቱማ : ምን : ረኣ ::
 10 ሳምን : ታ : ነብራ : እዲና : ሀቱማ : መልኣ : ከከግ ::

125

እግል : ተስፋምኤል : ወድ : አፍታይ : ክም : ሞታ : ለበኪይ : ሕላየት ::

1 እት : ክረዕ : ቀትለዎ : ማሌ : ወድ : ለመካዝን ::
 ሹም : ከራይ : ተአብዮ : ኢትበልዎ : ወኢትናጅር ::
 አበቶኩም : ሞላድ : ኢዐልብ : ወውላድኩም : ዲብ : ሕድ :
 ኢጋዝል ::

ሞቱ : ሚ : ታ : አብ-አፍታይ : እላ : ሞት : ለአዛጥር :

5 ሐቲ : ሞትካ : እት : ሐረት : ታ : ወሐቲ : ሞትካ : እት : መዓጥን ::
 ሐቲ : ሞትካ : እት : ድጌ : ታ : ለአንስ : ዕላል : እት : ሞቅል ::
 ሐቲ : ሞትካ : ለእት : ጅምዕ : ታ : ቤት : አብ : ዐድ : ሕድ : ምን :
 ታክል ::

ቤቱ : ምልእት : ሰለልብ : ገለቡ : ታልየት : እብ : መሓክር ::

ሐክራማ : አለቡ : እት : ቅብላታ : መን : ባጥር :

10 ወታልያማ : አለቡ : በአስ : እግል : ለትፋትን ::
 መምባ : ወለት : እም-ትንስኤው : ዝፉር : ለቀግሪ : ሀናግል ::
 ርብዕት : ከወኒ : ቱ : ድርቡይ : ታቂ : ወታክር ::
 ባቅዕ : አሰይፍ : ቱ : ካር : ለቀጻፍ : ለትናፍር ::
 ርሻሽ : ለቀትል : እብ : መርገም : ምን : ታብሎታት : ለትናጽር ::

15 ልቡ : ለዋርዶ : ኢአቤ : ታብት : እሎም : ወለግኸር ::

- ልቡ : ለምግግዝ : ኢአቤ ፤ በኑ : ሐንፍስ : ወናቅል ::
- መናቢትኩም : ክላማ ፤ ሐዋን : ሚ : ባ : ወባጥል :
- መምባ : ወለት : ሐሜዳ ፤ ወመምባ : ቅጡም : ወድ : ናድር ::
- ካፈል : ዘማት : ደገኒት ፤ ፍርዕ-ይ : እንቱ : ወአስር ::
- 20 ጀጃ : ጠራቅ : እብ : ቀጣን ፤ ክዋናታት : መናክል ::
- ኩሩብ : ጸባጥ : እብ : ልጋም ፤ መምባ : ቅጡም : ወድ : ናድር ::
- እት : ኬፎም : ጸንሐኩም ፤ በዲርማ : ፈዳብ : ወሐጥር ::
- አዜ : ሰአነት : መዋላብ ፤ ክም : ፈረስ : ለቀላቅል ::
- ለዛምተት : ምን : አቴት ፤ ማይት : ሰአነት : ወቃትል ::
- 25 ለትራሱኖ : መጣቅሕ ፤ እሳት : እግል : ለትፋግር ::
- ነትራስኛም : ሀሌና ፤ መናቢትካ : ወድ : ናድር ::

እግል : ህዳድ : ወድ : ረካ : ለቤሻ ::

- 1 እት : ሚ : ሐርማዝ : ትብሎ ፤ ለለንጠዋጥል : ነግዋቱ :
- ማንጅብ : ትትገሐሎ ፤ ሐርማዝማ : ዲብ : ለዓጃቱ ::
- እት : ሚ : ገመል : ትብሎ ፤ ልትክሻክሻ : ኡብራኩ :
- እት : ልግዕር : ልጽዑኖ ፤ ክቡድ : ካሩ : ዲብ : ቀሓቱ ::
- 5 እት : ሚ : ሐዩት : ትብሎ : ወነን : ለለግሕል : ዲብ : ሳሱ :
- ተዐካይ : ላክፎ : እንዶ : ገሌ : ለእያዳ ::
- በርካ : ረካ : ወቴሎ ፤ ለእምቡሽ : ዳርክ : ምን : ጋሹ ::
- ዐንሰባታት : ወቴሎ : አተርቡ : ወዐዳግሁ ::
- ማሺሉ : ልዳለል : ልትክዔ : ዲብ : ለሳባቱ ::
- 10 አምሃሩ : ልትወርወር : ልጆራገግ : ጨዓናቱ ::
- ምክርም : ዛርቅ : ወቴሎ : ዓዳይ : ለአቤ : መሓዛቱ ::
- ምን : አግቡይ : ባልሾ : ልውዕል : ሰብ : ለጋራቱ ::

እንደ፡ ሰምን፡ ከሰብዕ፤ ደብእ፡ አምዕል፡ በዓላቱ።

ሀዳይዳ፡ ልትራዘም፤ አበርቁ፡ ወአልወሐቱ።

15 ሮራ፡ ቀይም፡ ወቴሎ፤ ሐዳ፡ ታምም፡ ወአውካዳ።

እማቱ፡ ለሲራ፡ ትመናጥል፤ ወሞግያ፡ እብ፡ ለፈርያቱ።

እማቱ፡ ለጽንዲድ፡ ትትሐሎብ፤ ጨላይ፡ ለባርሀ፡ ረቅዋቱ።

ስሐል፡ መቀየም፡ ወቴሎ፤ ነቅማ፡ ምን፡ ለቃማቱ።

ሰብኡ፡ ልወቅ፡ ዲብ፡ እንቱ፤ ወጽሪት፡ እንታ፡ ለእማቱ።

20 ሰብኡ፡ ረበጥ፡ ልትሓደር፤ ስሐል፡ ዲብ፡ ለአፍዳጉ።

ሀዋሉሎ፡ ወድ፡ ረካ፤ ሀዳድ፡ ጋይስ፡ ፋላቱ።

መዓላዩ፡ ልትዓለል፤ ገምያ፡ ሕጌ፡ ስኘቱ።

“እብላ፡ ሀሌኮ”፤ ላማ፡ ምሴት፡ ብሀላ፡ ቱ።

ሰንሆም፡ ከሩ፡ እሉ፤ ለሐጹ፡ ልክሀል፡ ወሕማጡ።

25 ሀቱማ፡ ሰንሆም፡ ልትከበት፤ ምን፡ ልሻረፍ፡ ለአፍያቱ።

ነፍሱ፡ ኖሱ፡ ተድሕኛ። ዐልብ፡ ሚ፡ ቡ፡ ሞላዳ፡

ወነፍሱ፡ ብሶት፡ ተድሕኛ። ልጽበጥ፡ ዲቡ፡ ልባሱ።

አብያቱ፡ ለበሽል፤ እግል፡ እንዳ፡ ለለባቱ።

አምያሱ፡ ልዘዘሕ፤ ምድር፡ አስክ፡ ጽብሐቱ።

30 ዋጣዩ፡ ልዘረሕ፤ ወልጤሬ፡ ለገይዳቱ።

ገሌ፡ ወከራ፡ መሐመድ፤ ጠርቆ፡ ዲብ፡ ለምክያዳ፡

ዲማ፡ ነብር፡ አለቡ፡ ቱ፤ በኪት፡ ሰልሕ፡ ወላዳ።

ሕናዲ፡ ሐብርሀ፡ ወሀብንሀ፤ ምን፡ እንከይድ፡ እርፋቱ።

ሀዳድ፡ ወድ፡ ረካ፡ እግል፡ ወድ፡ ዐምዴስ፡ በዲር፡ አቅሩሽ፡
ወበለሊት፡ ሀይሾ፡ ዐላ። ሐር፡ “አውሐዳ፡ እሉ”፡ እንደ፡ ቤለው፡
ምን፡ ኢሐመድዎ፡ ብዕራይ፡ ሀበዩ፡ ለአዳም፡ እግል፡ ለሐመድ፡

እንደ : ቤላ :: ከልባስ : ለብዕራይ : እት : እንታ : ክእና : ቤሎ ::

I ዋርር : ሀላ : ኡብ-መሐመድ ፤ ዘምታ : ገብእ : ከአታ :
 ራትአውራሪ፡ቱ፡ኡብ-መሐመድ፤ከይመት፡ለሰልፎም፡ሐንፈሳ።
 አክሸን : ኡብ-መሐመድ ፤ ከማክመን : ምን : ቦዳ ::
 ባርህ : ቤት : ኡብ : ቱ : ኡብ-መሐመድ ፤ ከብዱ : ሎሎ : ታ :
 ወጸዐዳ ::

5 ክርብ : ለድሜ : ከላክል ፤ ህንጋራብ : ሓጥር : ቱ : ለእት : ዘጋ ::
 ውህር : አካባ : ቱ ፤ አትብዓ : ዲባ : ወአነሳ ::
 ሕምሩግ : ለዳንን : ምን : ሮራ ፤ ሸላል : ለመሓዛት : ታመሳ ::
 አሰይፍ : ልትሓረጥ ፤ ሞጅ : ክም : ማይ : ዛባጣ ::
 ራዛታት : ተልዮ ፤ ገምያ : ክምሰል : አንበጣ ::

10 እብ : እገሩ : ለገይስ ፤ እብ : ደንበሩ : ለዓሰሳ ::
 እግል : ኡብ-መሐመድ : እምቤላ ፤ እግል : ህዳድ : ወድ : ረካ ::
 እግል : እም-ጌዋ : እምቤላ ፤ በርዕድማ : ብዝሕት : ታ : ሒለታ ::
 “ከበድኮ” : ኢትብል ፤ መቅጠና : እንደ : ትፈንደቃ ::
 ወ“ተሀየፍኮ” : ኢትብል ፤ እት : ሐዳስ : ለሕስበታ ::

15 ገሌ : ሰቴ : ሐሊባ ፤ ሐራሳታ : ዓዘጋ ::
 ለገዐዛ : መጽዕኑ : ታ ፤ ምን : ከደን : ዐዱ : ወአታ ::
 ለሞታ : ርጋዙ : ታ ፤ አሸር : ዲባ : ልሕጸታ ::
 ገምያ : ለአሓሁ : ለወላት ፤ መን : ደአላ : ባ : ወትሰሐቃ ፤
 ደርዕማ : ወህዳድ : ቃትላት : ምኑ : እናሳ : ወኢፈታ :: 1)

20 እት : አካኑ : መጽአዩ : ደዓ : ዲቡ : ወሰሐታ ::

1) Der Vers ist so, wie er im Original steht, unverständlich; Naffa^c schlug vor zu lesen:

ደርዕማ : ወጸኛ ፤ ቅቻል : ለእናሰም : ወኢፈታ ::

“እምዬ፡ ታ”፡ ምን፡ ልብል፤ በዲር፡ ምኛ፡ ትወለዳ።

ወምን፡ ልብል፡ “ሐማቹ”፤ ሐጻ፡ ምኛ፡ ወሀዳ።

ፉቱይ፡ እንቱ፡ ልትኣቤ፤ አግዋፍ፡ ሐቆ፡ ትሸናካ።

ሐቴ፡ እንታ፡ ዔላሃ፤ ወሐቴ፡ እንታ፡ ገርሀታ።

25 ምስል፡ ውልድት፡ እት፡ እንታ፤ ወምስል፡ ትገይስ፡ ሸፈታ።

128

እግል፡ ፈልፈሎት፡ በቤሻ።

I ካልእ፡ ፈልፈሎት፡ ቱ፤ ለነፍሱ፡ ጋንሕ፡ ክል፡ ፈጅር።

ግሸቱ፡ ትትከለም፤ እግል፡ ደሪረት፡ ወዕጥር።

ብላዩ፡ ልትከሸር፤ ምዕጥን፡ ወርድ፡ ክል፡ ፈጅር።

ኤሻት፡ ታ፡ ወለት፡ ወድ፡ አውላይ፤ ዲብ፡ ተጅዐምም፡ ዲብ፡

እግል።

5 እንሳ፡ ታ፡ ወለት፡ ወድ፡ አውላይ፤ ብካር፡ ዓይር፡ ዲብ፡ ዕቅል።

ማሼል፡ ታ፡ ወለት፡ ወድ፡ አውላይ፤ ዲብ፡ ማሼል፡ መልቀም፡

ሚ፡ ነዐድል፡

ሜስ፡ ታ፡ ወለት፡ ወድ፡ አውላይ፤ ጨዶ፡ ብእቱ፡ ውበቅል።

እንዶ፡ ገብአ፡ ልማዳ፤ ኢትጠልፍ፡ ቡ፡ ወኢትሸክር።

129

ዐብደል-ሼክ፡ ወድ፡ ሕመድ።

ከንቴባይ፡ ነጋሲ፡ ሹም፡ ዲብ፡ እንቱ፡ እት፡ ረኣስ፡ አሉላ፡

ጠርዓ፤ ዐድ-ትማርያም፡ ትዘምቶም፡ ምን፡ ዐለት። ወረኣስ፡ አሉላ፡

እብሌ፡ ምስምሳ፡ ወእብ፡ ብዕድማ፡ ምስል፡ መንሰዕ፡ ጌሳ፡ ከእግል፡

ዐድ-ትማርያም፡ ዘምተዮም፡ ወአብደዮም።

- I እሊ : ድኜ : ገለብ ፤ ከሉ : ነስኦ : ሃቡ ፤
 እስላም : ምስል : ሼካ ፤ ወክስታን : እብ : ማርያሙ ::
 ሐያል : ለተኸዜን ፤ ሕጻጽ : ለዌና : ቡ ::
 አስክ : ለዋይ : በሐር ፤ ተሐት : ተከሸና : ቡ ::
- 5 ግበት : ወዐጤላይ ፤ ዓሻል : ትፋሸሻ : ቡ ::
 ዓሻል : ንዋይ : ኢኮን ፤ ለሐሊብ : ወስጋ : ቡ ::
 ዓሻል : ፈረስ : ወአጋር : ቱ ፤ ሳኪ : ኢፈግራ : ቡ ::
 ምን : ለምዕልማ : ተርፋ ፤ ረቢ : ለኢወሓ : ቡ ::
 ማይት : ዲብ : ለማይት ፤ ጸርጽር : ዐላ : ጋቡ ::
- 10 ወድኜ : ዲብ : ለድኜ ፤ ሐበሽሁ : ወቅራቡ ::
 አዳም : ለገሌሁ ፤ ቅሩብ : ክም : ጋና : ቡ ::
 ከአፎ : ትታለዮ ፤ ጎፍካ : ለኢረዳ : ቡ ::
 ሰልም : እግል : ዐይድብ ፤ እድሪስ : ወድ : ህያቡ ::
 አቡካ : ድመል : አክብ ፤ ከከሬ : እት : ግራቡ ::
- 15 ሕንክል : ጨዋ : ወዲበት ፤ አንስ : ሕድ : ዐቅባ : ቡ ::
 ለሕንክል : እንዶ : ሐይል ፤ ተርፍ : እት : ግራቡ ::
 ወእክል : ከሉ : ተሌ ፤ ሐርሱ : ወትራቡ ::

ዐብደል-ሼክ : ወድ : ሕመድ : ህዩ : ለቤሻ ::

- I አዳም : እግል : አማነት ፤ ማ : ዐይር : እንዶ : ጀፈራ :
 አማነትማ : ዲብ : ሐለት : ታ : ዲብ : ግራሃ : ለከራ ::
 እግል : “ፍገሮ” : ውርካ : ነዐቅብ : እብ : ተራ ::
 ቀደም : ለዓቅበት : ኢትዋግር ፤ ወዐዳ : እንዶ : ትረጠላ ::
- 5 ዐይድብ : ለስልባት : ጣይዐት : ታ : ወእክድ : ብላይ : በደላ ::
 ለሸልቱት : ህዩም : ነስእዎ : ወና : ምንማ : ተልተላ ::

131

ክንቴባይ፡ ብእምነት፡ ምን፡ ጢላን፡ ክም፡ ትሸየማ፡ ለቤሻ።

- 1 ትሸየማ፡ ክንቴባይ፡ ልሻስ፡ ረሺ፡ በልሾ።
- ላማ፡ ረሺ፡ ፈተዩ፤ ክእና፡ ቤት፡ ኡብ፡ ትሸእኝ።
- ለሀበታ፡ እብ፡ ጸሓይ፤ ወአስእና፡ አግቡይ፡ ካልሾ።
- ከአፎ፡ ተአኸ፡ ሰነቱ፤ ምድር፡ ለጢላን፡ ትመልኸ።
- 5 ማሉ፡ ከሬ፡ ግርሀ፤ ከምን፡ ለማላ፡ ትወሸኸ።
- ዓረፍና፡ ኢኮኔ፤ ምን፡ “ስደድ፡ አስክ፡ ትቡትኸ”።
- “ለቡ፡ ማሉ፡ ልሸልግ፤ ወለአለቡ፡ አምጽጾ”።
- እግል፡ ዐይድብ፡ ሰልም፤ ም፡ ዳር፡ ወድ፡ ሐምጾ።

132

ክንቴባይ፡ ብእምነት፡ እንደ፡ ትሰዕራ፡ እብ፡ ጢላን፡ ክንቴባይ፡ ተስፋምኤል፡
እት፡ አካኔ፡ ክም፡ ትሸየማ፡ ለቤሻ።

- 1 በኪት፡ ቱ፡ ብእምነት፡ ወድ፡ ቴድሮስ፤ ነፍሱ፡ ረሺ፡ ቱ፡ ተላያ።
- ለተሸብሕ፡ ብእምነት፡ ወድ፡ ቴድሮስ፤ እኸይ፡ ረክባ፡ ባትካያ።
- እኸት፡ ረክብ፡ በዐል፡ እኸት፤ ክል፡ ቤት፡ አሰር፡ አዳያ።
- ወእላ፡ ጢላን፡ ትዘሸሕ፤ ከአፎ፡ ቱ፡ እሊ፡ ውዳያ።
- 5 እንደ፡ ትከትብ፡ ከትከሬ፤ ምን፡ ረሐር፡ ዲብ፡ ለግራያ።
- አምዕል፡ ኬደት፡ ወላሊ፤ እግል፡ ትጽብሮ፡ ለአባያ።
- እግል፡ ዐይድብ፡ ቦላ፡ ታ፤ ግርሳ፡ ለባርሀ፡ ብላያ።
- ወሀታማ፡ ቃርደት፡ ታ፤ ወመንሰዕ፡ ሐርሰት፡ ብዕራያ።
- እብ፡ በዳና፡ ኢአምነው፤ ቤልታ፡ ዲብ፡ ለግሳያ።

ግምር : ወድ : አመዳይ ::

እግል : ውላድ : ዕሬት : ለቤላ ::

1 ለሀላ : ሞታ : ኢተሌ ፤ ታርፍ : ቱ : ሐካ : ምን : ገብር ::
 ከሳይ : ብላይ : ዕላመት ፤ ለትናጹሮ : ምን : ቀብል ::
 ምስል : ለሐዉ : ባልዎታት ፤ ሔሌ : ባትክ : ወዕድል ::
 ምስል : ለአግብርቱ ፤ ባይራ : ጸላም : ፈረፍር ::

5 ህቱ : ቱ : በዐል : ለኤማኖም ፤ ለሔሌ : ባትክ : ወዕድል ::
 ላሊ : ከአፎ : ሰክሻ ፤ ቃብር : ላቱ : ሸለሸል ::
 አና : ፋዝዕ : ትመዬኮ ፤ ግሹይ : ብትኮ : ደይ : እቀሽን ::
 መንታይ : ሰልም : ረድኢቲ ፤ እት : ለኬፋ : ምን : ትገሽል ::
 ሐካ : ሐቆ : ሰላመት ፤ ኢረምቃ : ወኢደክል ::

* * *

10 ለሀላ : ሞታ : ኢተሌ ፤ ታርፍ : ቱ : ሐካ : ምን : ሸክን ::
 ዲብ : ለበዐል : ለግራና ፤ አሜት : ኢኮን : ወአመክላል ::
 ምስል : ለሐዉ : ባልዎታት ፤ እሎም : ሐላት : ዲብ : ክል : ጋር ::
 ምስል : ለአግብርቱ ፤ ባይራ : ተክሌ : መትዐታር ::
 ለሰለስ : እግል : መን : ሳልጣት : ተን ፤ ሐጠር : ወጽኝት : ወሐጫር ::

15 ትገድግ : ዲብና : ለመሐብር ፤ ገብሩ : ወሐምድ : ቶም : እንታ :
 ሕጻን ::

* * *

ለሀላ : ሞታ : ኢተሌ : ታርፍ : ቱ : ሐካ : ምን : ሸልሸል ::
 አሻ : ውህር : ገደቦ : ኢነቁሞ : እት : መሐበር ::
 ሐሳይ : ኮናተን : ቱ : ሰለስ : እንዶ : ልጩ መር ::
 መትሐለዕ : እብ : ሰይፍ : ወበራብሮት : እብ : ዘገር ::

20 ምስል : ለሐወ : ባልዎታት : ምን : ለሀይ : ለሀይ : ልትፈጅል ::
 ምስል : ለአግብርቱ : ባይራ : ከአሮ : ትትዐተር :
 በዲር : ቀጽብ : ኢአምር : ገሮብ : ቱ : እሊ : ልትንጅድ ::
 በዲር : ትምባክ : ኢእሰቱ : ቁላብ : ለክል : ዶል : ልትቀፈር ::
 ሐካ : ተርፋ : ምን : ክሎም : ወመረት : ዲቡ : ክም : ዐንደል ::
 25 እሉ : እንበድል : ወኢሰኦና : ሰብ : ተሐት : ምንዲ : ልትበደል ::

I ለሮራ : ጋሻይ : ዔረዩ : ታምም : ኢኮን : እንድሃ ::
 ዎሮ : እንክር : ልትከተል : ገርሀት : እንዶ : ትጽብሐ ::
 አካባታት : ሐድሮ : ቀዓሪ : እንዶ : ትበርትዓ ::
 እብ : አጽፍር : ልትሐጸር : ቀንሺት : ለዐድ : አሐ ::
 5 መዓል : ኢኮን : ወመሀሰይ : ታምም : ኢኮን : ምጽብሐ ::
 ወሰለስ : ምዕል : ትረብርብ : ከትደንን : ምኑ : ዐድሐ ::
 ምን : ተሐት : ለሸለግ : ተፈርግጽ : በርቅ : ለቀይም : ክም : ዘሃ ::
 ወለት : ከልበት : ዎ : ሕደኝ : እሊ : ዙዕና : አስምዓ ::
 ምን : ትብለኻ : “ መርሐባ ” : እኩይ : ቱ : ቅሕብ : እብ : ለሃ ::
 IO ምን : ትብላኝ : “ እብ : ዕሸረት ” : ሐቱ : እንደይ : ትመጽአ ::
 ወምን : ትብለኻ : “ ኢፋልዬ ” : ሐቃ : ቱ :: ዲብ : ሚ : ትጸልአ :
 አቡካ : ቅሕብ : ኢኮን : ክላ : ለሂጋ : ትረሽዓ ::
 ሐቆ : ለክጅል : ምን : ገሉብ : ንካ : እንዶ : ተሐብኝ ::
 ሀጅክ : ምስል : ኢመሶ : ወሮራ : ምስል : አምሐ ::
 15 ሀጅክ : ዳረት : እት : ነአምር : ቱ : ዕምል : ለክሪት : ምልተሐ ::
 ምን : ትገንካ : ተመግእ : ወበረፍ : ወዴ : ለአንድሃ ::
 እት : ነአምር : ለመሐበር : ዐቅቤተት : ከበር : ወዴ : ለሐንትሃ ::
 ፍርሲት : ላክፍ : ለአባጽሕት : ወሀጅክ : ልብል : ሰንሃ ::

እት : በዳ : ዐ.ድ : ዓይላይ : ለቤሻ ::

- I ስምሐኖ : ዐቅቤተት ፤ ሀሌት : እብ : ለእከታ ::
 ደይ : ትጸዐን : ሀሌት : ባ ፤ እብ : ኮር : ልግበእ : ወእብ : ሊጣ ::
 ሀሌት : እብ : ለብራቃ ፤ እዋን : ዋዲ : ቱ : ለለቢሳ ::
 ምን : መሐበር : ለከሰራ ፤ ወምን : ጀሀል : ለፍርሲታ ::
- 5 ወግሬተትማ : የትመት : ቱ ፤ ምንዲ : ሬማ : ለባልሂታ ::
 ሎሀይ : ቀስና : ቱ : ለአንዋራ ፤ አያ : ጌሳ : ለገዢፋ :
 እት : መትር : ቱ : ትብገስና ፤ ሰኔትማ : ሐልፈት : ለመስኢታ ::
 በዲር : ዐልኮ : እጸሰር ፤ ወአዜ : መጽአት : ለጽሪታ ::
 ዲብ : ቀበት : ለመሳራት ፤ ሀጅክ : ሚ : ቡ : ወሂጋ :
- 10 ዕርፍ : ሚ : ቡ : ወግሳይ ፤ ምዕል : እብ : ለግዲዳ :
 ምን : ተዐርግ : እት : ረአሳ ፤ ወምን : ትትከሬ : ጸዲፋ ::
 ወለት : ባይራይት ፤ አምና ፤ ሰልም : ም : ሺቃ ::
 እግል : ቅሕባ : ኢኮኔ ፤ ሐካ : ካጅል : ቱ : መአቲታ ::
 ፍትሕ : ፋይተት : ለ " ቦላ : ታ " ፤ በዲር : ጻንሐት : ታ : ለሳልሬታ ::

ዓምር : ወድ : ሕመዳይ : ሀዩ : ለቤሻ ::

- I ብሕት : መትር : ኢኮኔ : ብርክ : ሀሌት : ለነብራኩም ::
 ለገባር : ሰኖ : ኢትደንን : ቱ : እንዶ : ጸረት : መጋዝም ::
 ኢልትሐረስ : ቱ : ም : ድራር : ሰለስ : ለጋምኩም ፤
 ክርምብራ : ወሐሊቦ : ገጽ-ገምሮትማ : <ኢ>ትባድም :: 1)
- 5 ቤልታ : ወአግዐሮ : ዲብ : ሐባይብ : ኢትሳግም ::

1) Das ሕ. steht im Originale, passt aber nicht in den Zusammenhang. Es ist auch kaum möglich, den Satz als rhetorische Frage zu fassen.

አማደደት : ሸግራይት ፤ ዲብ : ረአስ : ለወድናኩም ።
 እግል : ኢትፍረህ ፤ በዲር : ጋንሐት : ታ : ለሸፍታኩም ።
 ወእግል : ኢትፍቱ ፤ ቅሩብ : ኢኮን : ጋናኩም ።
 እግል : አመት : መምባካ ፤ ትቡን : ለዙዕና : ምን : ዳግም ።
 10 እላ : ምንዲ : ተሐኬ : እላ ፤ ወሀብናኩም : ገርዛኩም ።
 ቀልብ : ትግበእ : ወቀስብ ፤ ምንዬዲ : እላ : ተስፋኩም ።
 ለትገብእ : እት : ረቢ : ታ ፤ ሕናዲ : እላን : እንዋግም ።

ዓምር : ወድ : ሕመዳይ : ሀዩ : ለቤላ ።

1 መርሐባ : ወለት : ሸከናብ ፤ ሹልሐት : ምስል : መሐመዳ ።
 ዝላማ : ኢፈርህ ፤ አበርቃ : ወሀዳዳ ።
 ወጸሐያ : ኢፈርህ ፤ ፋግረት : ምን : ለአምሩዳ ።
 እግሉ : ተሐኬ : ናይ : ልባ ፤ እንዶ : ለአምር : ክዩዳ ።
 5 ለመሀመጅ : እንዶ : ሐንሻ ፤ ተሐኬ : እብ : ለቅሩታ ።
 ክም : ውራያ : ትትገጌ ። ጸብጥ : ሚ : ቡ : ምሉካ ።
 መሐበር : ሰብ : ለፋራታት ፤ እት : ክዋና : ትርጉዛ ።
 ወሐሽም : ሰብ : ለመለዲት ፤ ወገሌ : ሰብ : ለአምቱዳ ።

ከንቴባይ : ብእምነት ::

ረአስ : አሉላ : አስኑ : ደብ : እንቱ : እግል : ነፍሱ : ለቤላ ።

1 እግል : ሰለስ : ወድዋ ፤ ዎ : ተክሉ : እላ : ሰልሰለት ።
 እግል : ጽኑዕ : ምን : አዳም ፤ ወእግል : ዋኒን : ወፈረስ ።
 እት : ዐንድ : አስረዎ ፤ ለውሀር : እግል : ልትሐረስ ።
 ኢልጽዕኖ : ወኢሐርሶ ፤ ከንዶ : ምን : ኢልትሐረድ ።

ከንቴባይ : ብእምነት : ባሻይ : ሀብቱ : መሊህዩ : እንደ : ዐላ :
ጠልመዩ :: ወሐር : ባሻይ : ሀብቱማ : ክምሰልሁ : ምን : ተአሸራ :
እላ : ሕላዩት : ቤላ ::

- I ሰኔት : ገንጋ : እብ : ዕንቱ ፤ አቡካ : ዲብ : ለአባዩ ፤
ባሻይ : ሀብቱ : ዐድ-ተክላይ ፤ እት : ልትጌለል : ለንዋዩ ::
መቅጠኑ : እብ : ጭርጋፍ ፤ ተፍተፍ : ወጄ : ለአድማዩ ::
ተርፈት : ዲቡ : አለቡ ፤ አስክ : ድሙሁ : ወዐንጻዩ ::
- 5 አቡካ : ክም : እንሳ ፤ ልትወሊሽ : ለሐርዳዩ ::
ለውላድ : እት : ከረን ፤ እኹይ : ሀላ : ለሐጋዩ ::
ቀይድ : እት : ለእገሩ : ቱ ፤ ወእበን : ማጤ : ለኣዳዩ ::
በዲርማ : እሸት : ለወጄ ፤ ክእኔ : ትከፍእ : ለምክራዩ ::
ጥሉም : ወጣልም ፤ ረሺ : ልግበእ : ሻሻዩ ::

ከንቴባይ : ብእምነት : ረክስ : አሉላ : ኣስሩ : እት : እንቱ : እት :
ዐድ-ተክላይ : ከንቴባይ : ነጋሲ : እንደ : ከሻ : ቡ : ለሐለዩ ::

- I እሰክሻ : ሚ : ሀሌኮ ፤ እላ : ላሊ : እብ : ምሴት ፤
ወሰፍራ : ተሀርሰኔ ፤ ኩብጅ : ነብራ : ክም : ሐዜት ::
ወእከይ : መስከብ : ሀርሰኔ : መናጽፍዬ : እት : ከድቤት ::
ቅምቤት : ባቅዩት : ሐደግና : ዐድ-አብድላ : ወዐድ-ሕድሬስ ::
- 5 ወለት : እንደይ : ትትሀጄ : ወሕጸን : ሕጼ : ወቅምቤት ::

ጢላን : ክም : ሰዐረም : ለቤሻ ::

- I ዐድ : ዐንደሎይ : እት : ገሉብ : ዐድ : ሐፈርም : ትመርሐ ::

ድሩይ፡ ለብዕራይ፡ ወድ፡ ጨጨር፤ ቤልታ፡ በኑ፡ ከልኦ።

ቡዲር፡ ዐላ፡ ሸናቅር፤ ወአዜ፡ ሰኒ፡ ትረብኛ።

ዐስር፡ ወልዳ፡ አቡካ፤ ወምኞም፡ ሴማ፡ ኢረኦ።

5 ዐስር፡ ከልብት፡ ትወልጃም፤ ከትገይስ፡ ምኞም፡ እብ፡ ለሃ።

እብ፡ ብጣሩ፡ ነስአዋ፤ አቡካ፡ ምንዲ፡ ትጀግሐ።

ሮሻን፡ ዐርግ፡ አቡካ፤ እንዶ፡ ከሸት፡ ዐጅሐ።

ወአማት፡ ሀይብ፡ አቡካ፤ ቦሸት፡ ለኩሉ፡ ገኝሐ።

እት፡ ቀብር፡ ትትቦአስ፤ ቤት፡ አብ፡ ለእኩይ፡ መቅርሐ።

142

እሱር፡ እት፡ እንቱ፡ ለቤሻ።

1 ከርቦን፡ ባሊ፡ ገብአኮ፤ ለእት፡ ለግድፍ፡ ትወገራ።

ቦኸኒ፡ አለቡ፤ እምበል፡ ዎሮ፡ አውዐላ።

አና፡ መርባቹ፤ ሀሻ፡ ዲባ፡ ለእቦና።

እብ፡ “ምስሉ፡ ፈገርካ”፤ እሸሐቅማ፡ ማሌ፡ ተአሰራ።

5 እሸሐቅ፡ ፍካክ፡ ሓድግ፡ ቱ፤ ግርሀማ፡ ወኢሰሀራ።

ወድ፡ ትማርያም፡ ቱ፡ ወድ፡ አቢብ፤ ለዲብ፡ ለሮራ፡ ገንደላ።

143

ትጃር፡ ወድ፡ ገርጊስ፡ ቅብላታ፡ ለሐለዩ።

1 ከርቦን፡ ኢኮን፡ ወድ፡ ቴድሮስ፤ ለዲብ፡ ለግድፍ፡ ትወገራ።

ውሀር፡ ድጌሀን፡ ቱ፤ ነድቃ፡ ዲቡ፡ ወሐላ።

ውሀር፡ ሸመተን፡ ቱ፤ ከብዳ፡ ዲቡ፡ ወቀላ።

ውሀር፡ ጸጋሀን፡ ቱ፤ ልብላ፡ ዲቡ፡ ሸርዐላ።

5 ውሀር፡ ኮናተን፡ ቱ፤ ዐለልጸን፡ ወጸራ።

ውሀር፡ ቱ፡ ብእምነት፡ ወድ፡ ቴድሮስ። መን፡ ጠለቃ፡ ክም፡ ዐራ።

ዐድካ : እንታ : ቱ : ስላሙ ፤ ክም : ሕድ : ሚ : ቱ : እብ : ትመኛ ፤
 ዲብ : ደሐነን : ተአሰራ ፤ ምስል : እግል : ልንበራ ።
 ወዲብ : ጥልበተን : ተአሰራ ፤ ካላፍ : እግል : ልሕፊራ ።
 10 ሕናዲ : እላ ፤ እምቤሎ ፤ ወኖሱ : አምር : አውዐላ ።
 እግል : ፋጥና : ቦላ : ታ ፤ ለግርሳ : ጋብአት : ሀወራ ።
 በዲር : እሲት : ታጅሮታት : ታ ፤ ወአዜ : እሲት : ከሸራ ።
 እብል : እላ ፤ “ ቦላ : ታ ” ፤ እት : ንሳልዬ : ምን : ከራ ።
 “ እላ ፤ ሆባ ” : ወሔሰት ፤ እግል : ለበዲር : አዐላ ።

144

ቢጫይ : ወድ : ዜይ : ቅብላት : ከንቴባይ : ብእምነት : ለቤላ ።

1 ክርበን : ኢኮን : ወድ : ቲድሮስ ፤ ለዲብ : ለግድፍ : መትወግር ።
 ውህር : ሺመተን : ቱ ፤ እብ : ንጋረት : ወእብ : ጽምብል ።
 ውህር : ድኒህን : ቱ ፤ ዐጽፍ : ዲበን : ወበርር ።
 እግል : ትታሌ : ቱ ፤ ከአመት : ሹማ : እግል : ተአምር ፤
 5 ማ : እግል : ትትባይ : ቱ ፤ ከእግል : ትግበእ : ፈነጥር ፤
 ምዕል : ታ : ትመሴ : ወትጽብሕ ፤ ዲማ : ጽልመት : ሚ : ነሸር ፤
 ቀርድ : ፈታይ : ኢነፍፊ ፤ ወድመል : አባይ : ኢትቀትል ።
 ሸላብ : ዲብ : ለምብላሱ ፤ ከጅል : ሀላ : ነመሸል ።
 ወእንታ : ሐቆ : ከጅልካ ፤ መን : ቱ : ለእድሁ : ለፈግር ፤

145

ከንቴባይ : ብእምነት : አቡሁ : ከንቴባይ : ቲድሮስ : ምን : ተአሰራ : ከለአዳም : ምን : ቀርዳ : እቲ : እላ : ሕላየት : ቤላ ።

1 ኖር : ከብድ : አቡካ : እት : አካንካ : ትደልያ ።
 ሐጫር : ፊቲ : አቡካ : ረያም : እንዶ : ዘውያ ።
 እላ : ፊቆ : ከንቴባይ : አዩ : ራዲ : ሰትያ ፤

ሳይታያ : ኢኮኔ ፤ ጋንሐያማ : ዘውያ ::

5 ክይነት : ኢኮን : ፍካከት ፤ ክይን : ላቱ : ተልያ ::

“ብሩድ : ሀሌኮ” : ታ ፤ ክም : ውላድ : ለትልህያ ::

“ገሌ : ትገሌኮ” : ታ ፤ ለእት : ለአግሩዝ : እንርእያ ::

146

እሽሐቅ : ወድ : አብሰላብ ::

ክንቴባይ : ተስፋምኤል : ክም : ትሸየማ : ለሐባይ ::

1 መጽአተኸም : ኢኮኔ ፤ ለሸሯ : ብዙሕ : ወንሆባ ::

ሀብረም : ታ : እግል : ትትሐገር ፤ ወስብር : ታ : እግል : ትሸዖላ ::

ክም : ወአት : ዕፍዮ : ታ ፤ አስሮ : ዲባ : ለሀኮባ ::

ክም : ላሊ : ግናዘት : ታ ፤ ሰኚ : ወአማን : ዕቆባ ::

5 መሐበር : ዎሮ : ሓይዘታ : ቱ ፤ ወመሐበር : ልብል : ኢትሆባ ::

ራክብ : ላቱ : ተትሐግል ፤ ወሳዩሮት : ለገሮባ ::

እትና : ሐሰት : ምን : ትፈሩህ ፤ ዳሊ : ላቱ : ትሰአሎ : ባ ::

147

ሐሁ : ፍካክ : ክም : ሞታ : እት : ልቀሹሮ : ለቤሻ : ሕላየት ::

1 ቀብር : ለቀብራ : ቱ ፤ ወትቀሸራ : ለሞታ ::

አሰኛይ : ረሸ : ሰዴኸም ፤ እዲና : ብዙሕ : ቱ : ለሐኘታ ::

ሓረት : ታ : ለከንፈር : አብ-ሀብቴስ ፤ ኢኮን : እብ : ለግሮታ ::

ነፍስና : ሐድራ : ለመሀማጃ ፤ ነፍስና : ሐድራ : ለብቆታ ::

5 ለውላድ : ዐድ-ፍካክ ፤ ምን : ሐንቴሃ : መአዜ : ዐጦጣ :

እብ : ንኢሸ : ወእብ : ዐሻይ ፤ ባልሳም : ኢኮን : ለሐዘታ ::

ክንሪሪ : ወግርባይ ፤ ለጸራ : ድማን : ቱ : ሐኘታ ::

ወድ : አመድ : ወድ : ገንደር ፤ ሐዲ : ከስእ : ቱ : ምን : ቶፋ ::
ወድ : ስልጣን : ለክትፈት : ቱ ፤ እት : ለአቦታ ::

148

አሳዘ : ክም : ሞታ : ለቤሻ ::

I ምድሩ : ሐድግ : ኢሰኔ ፤ ወቃትላይ : ሐሀ : ኢሰክብ ::
አዳም : ሐፕር : ወረቕቅ ፤ በኑ : ቱ : መርኬ : ሸግርድብ ::
ምስል : ወድ : በሐይላይ ፤ ወምስል : ክልአት : ሸነግብ ::
ምስል : ወድ : ብእምነት ፤ አውካ : ለዲባ : ነትንክብ ::
5 ለጋሜ : እንዶ : አምርሐዋ ፤ ከትጋሰው : ዲብ : ለደረሽብ ::

149

ሐቆ : ሞት : አሳዘ : ለቤሻ ::

I እብ : በኖ : ኢሞተት : ቱ ፤ ለእጅት : መንታይ : ወድ : ዘርአት ::
ክንቦብ : ዐለት : ነፍስና ፤ ወአዜ : ዲብ : ሰብ : ተሐበረት ::
ዐምሳት : ዐለት : ገደቦ ፤ ወምን : ግሰሳ : ትባከረት ::
ነወይ : ታ : እግል : ኒኪዶም ፤ ቀብር : ክምል : ወዐንደለት ::

150

ክምል : ወድ : ገበይ ::

ክምል : ወድ : ገበይ : ምን : ሐሊቦ : እት : ልፊግር : ጭንዕቲ :
ክም : በጽሓ : ዐድ-ሐሪሽ : እታ : ዘምተዎ :: ወህቱ : እታ : ሰኒ :
ትጸገማ ፤ ወሐቆሃ : እላ : አላዩት : ሐላ ::

I ስሌቼ : ከሬኮ ፤ ለውላድ : ፈግራ : ፈተና ::
ሐርሾይ : ወጅጊን ፤ ሸት : ቶም : ወክልብ : ሀደና ::

ጸብር : ዘማት : እብ : ለዓሊት ፤ ንዋይ : በርዕድ : ጸገራ ።
 ገብሻ : አዳጊት : ቱ ፤ ድቦት : በጥር : እት : ነሐራ ።
 5 ወሽግራይ : ጨላሞ : ቱ ፤ ግሰት : ገሌ : እብ : በዐላ ።
 በተት : አለቡ ፤ ሮማይ : እንደይ : ተሐላላ ።
 አቡካ : ትሳለባ ፤ ወጥንቢ : ፈግረት : ሐልሐላ ።
 አሰኛይ : ለሕጻን : ኢጌሳ ፤ በፍታ : ጸብጠት : እት : ነሐራ ።
 አሰኛይ : ለፈረስ : ኢጌሳ ፤ ክላ : መንሰዕ : ወአክሰራ ።
 10 አዳም : ሐጥር : ወረቕቅ ፤ ልጋም : ጸብጣ : ኢሰዐና ።

151

ካምል : ወድ : ገበይ : እት : ህዳይ : እግል : ልትፈረር : እት :
 ለሐዜ : ሰብ : ሀዬ : ቤለም ፤ “ ነጋሪትካ : ሕደግ : ከትፈረር : ደኢኮን ፤
 ዐድ-ሐሪሽ : እት : ምልሂብ : ዐቅቦ : እልካ : ሀላው : ወእላ : ነጋሪት :
 እታ : ጸብኡካ ” ። እላ : ምን : ቤለው : ህቱ : ሀዬ : እላ : ሕላዩት : ሐላ ።

1 እንፈርህ : ሀሌና ፤ ብሌን : ለጸዐዳ : አዝጉራ ።
 ለሐጸት : እት : ምልሂብ ፤ አቡካ : ሀላ : ሕዳራ ።
 በዲር : ወለት : ዘዳይር : ታ ፤ ወአዜ : አብሃ : ክዉላ ።
 ንጋረቼ : ኢሐደግ ፤ እት : ትዘሰጥ : መንሱራ ።
 5 መትሎዬ : ኢሐደግ ፤ እት : ክል : ሕብር : ጸጉራ ።
 እሴት : ወልዬ : ኢሐደግ ፤ ለብእሳ : እት : እንቱ : ስፍሉላ ።¹⁾

1) In den *Tradizioni storiche dei Mensa, Giorn. della Soc. As. Ital.* Vol. XV, S. 53 wird das Lied in folgender Form überliefert:

ንጋረቼ : ኢሐደግ ፤ እት : ትዘሰጥ : መንሱራ ።
 እሴት : ወልዬ : ኢሐደግ ፤ ብእሳ : እንቱ : ስፍሉላ ።
 ወመትሎዬ : ኢሐደግ ፤ እት : ክል : ሕብር : ጸጉራ ።
 ህታ : ወለት : ዘዳይር : ታ ፤ ወሓሎታታ : ክዉላ ።
 ሰሐጸት : ደብ : ምልሂብ ፤ አቡካ : ሀላ : ሕዳራ ።

አያይ : ወድ : አግዱባይ ::

እግል : ተስፋምኬል : ወድ : አፍታይ : ለሐቢያ ::

ሐቲ : ዶል : ብእምነት : ወተስፋምኬል : ምን : ትበአሰው : እብ :
ዋርዶ : እግል : ዐድ-ናይብ : ወቤት-ቶሽም : ክል : ክልኤ : አሓ :
ሀበው :: ወሐር : ተስፋምኬል : ክም : ሞታ : እት : ለሐምጾ : እላ : ቤላ ::

I አና : መምባዬ ፤ ተአምሮ ፤ ኢኮን : ዎ : ባዱና ፤
ለሐረት : ሐረት : ዙብጣ : ባ ፤ እብ : አምቱዳ : ወዐሙራ ::
ምን : ለዐል : ለክስታን : አጽገበት ፤ ከንቴባይ : ግልወት : ወአሉላ ::
ምን : ተሐት : ናይብ : አጽገበት ፤ ከፈርደት : ደኛ : ለዕሹራ ::

5 እት : ምርሐት : ወእት : ተሊ ፤ ኖስኩምማ : ቀራብ : ትስኡና ::
ጸደቅኩም : ምን : ገብእ ፤ ገድም : ክትል : ሀቡና ::
ማ : ክም : በሀለት : ክርብናይ ፤ “እት : አፈርዕት : ካፍሉና” ::
ዓረፈት : ዛሬዳ ፤ ሐዳ : በጽሐት : ወዱራ ::
ጌሰት : ገበይ : ሕጅታ ፤ ምስል : ለሹም : ለተክሩራ ::

IO እንቱምማ : ሰኒ : ወዴኩም ፤ ለወአት : ምንዲ : ትቀቱላ ::
እግል : ከደን : ሐድገያ ፤ ጋራ : እላ : መንሱራ ::
ምስል : ለባርያይ : ካዩድንሁ : ትረኸበት : ወእንጃና ::
ገበይ : ሐርማዝ : ጠርቃ ፤ ከእብ : አሰሩ : አሙራ ::
እግል : ነሐክዮ : ቱ : ለምስጢር : ሐቆ : ተዐጹና ::

ተስፋምኬል : ክም : ሞታ : እግሉ : ለባኪያ : ሕላዩት ::

I ለሰሎዶዳና : በትክት : ለአዜ : ወዴክሃ : ታ ::

በዲር፡ ዐሻይ፡ ተርፈት፡ ሸመት፡ እብ፡ ምክላታ።
 አዜ፡ ሐርስ፡ ተርፋ፡ ቆረት፡ እብ፡ መራታ።
 ወሃ፡ ቤት-ገሸመሪት፡ ድሜ፡ ታ፡ እብ፡ ውላዳ።
 5 ህታ፡ ለሳሳት፡ ትጸርግ፤ ወክላክላ፡ ዓጃ።
 ጆጃ፡ እብ፡ አፍርንጃ፤ ክዋናታት፡ ላጸ።
 ከፋብ፡ ምህረት፡ ሰሊብ፤ እብ፡ ለዕዛራታ።
 አፎ፡ ዕሉም፡ ሕኒት፤ ዐልጽ፡ ቱ፡ እብ፡ ኮናታ።
 እዴ፡ ለደረሰሃ፤ ወእግር፡ ለሐናካሻ።

154

እግል፡ ተስፋምኤል፡ እት፡ ልበክዮ፡ ህዩ፡ ለቤሻ።

I ደፋይ፡ ለአብደድአ፤ ሺልዕ፡ ወመናጥል።
 እሙ፡ ጸብረቱ፡ ታ፤ ምን፡ ልትበገስ፡ ሓጥር።
 ሓጥር፡ መቅስን፡ መርባት፡ ቱ፤ እብ፡ ጨመሪት፡ ቃትል።
 ህመም፡ ግርጉር፡ ቱ፡ አብ፡ አፍታይ፤ መክሕሎታት፡ ገራድም።
 5 ወሐርማዝ፡ ቱ፡ አብ፡ አፍታይ፤ እበን፡ ወዕጨይ፡ ሐራጥም።
 ወሐየት፡ ቱ፡ አብ፡ አፍታይ፤ እንግዖ፡ ጸምም፡ ምን፡ ዓጽም።
 ወሐብል፡ ምድር፡ ቱ፡ ገሸመሪት፤ ነፍስ፡ ነሸእ፡ እብ፡ ሓትም።
 እላ፡ ገለብ፡ ገሸመሪት፤ ሰብከት፡ ዲብ፡ ለቀላቅል።
 ደሐን፡ ዐጃ፡ እግል፡ ትርኩብ፡ ቱ፤ ማ፡ አብሐር፡ እግል፡ ትሳፍር።
 10 እምሐራይ፡ ቱ፡ ዲብ፡ ሮራ፤ ወትርካይ፡ ቃፍር፡ ዲብ፡ ጋድም።

* * *

አያ፡ ጌሳ፡ ወድ፡ አፍታይ፤ እንታ፡ ጨኚር፡ መምባካ፤
 እንታማ፡ እብ፡ ለዘበንካ፤ ሕድት፡ ሚ፡ ዐለት፡ ነብራካ፤
 እት፡ መናዳቅ፡ ለበንቱን፤ ባሮት፡ እሻ፡ ርሻሻ።
 እርደት፡ ጸላም፡ ቱ፡ አብ፡ አፍታይ፤ አጃም፡ ሳብር፡ አስቃቃ።

* * *

15 አያ : ጌሳ : ወድ : አፍታይ ፤ መምባ : ዘግይር : ወወልዳ ፤
ልብሳ : ጌሳ : እዲና ፤ ከዔራ : ዲባ : አስሐይታ ።

* * *

አያ : ጌሳ : ወድ : አፍታይ ፤ ለአብዕብካ : ዎ : ሊለት ፤
ኢፈርህ : ወኢፈቱ ፤ ዘብጥ : ረአስ : ገቢለት ።

* * *

አያ : ጌሳ : ወድ : አፍታይ ፤ ለአብዕብካ : ዎ : ልጃም ፤
20 ክሹብ : እምበል : መላጼ ፤ ወውህር : እምበል : መቀጣም ።

* * *

አያ : ጌሳ : ወድ : አፍታይ ፤ እሊ : ጋድም : ለግብሂቱ ።
እብ : ረፈጉ : ልዳሴ ፤ ወእብ : ቀርቦት : ለጠሊቱ ።
ምን : ቀደም : ሰብኸ ፤ ከበልዕ : ሰዐር : ለብሂቱ ።

155

ተስፋ-ምኬል : ምን : ሞታ : ከእያይ : ምን : ሐብስ : ለለፈግሮ ፤
ምን : ኢረክባ : ለሐለያ ።

1 አሬሚኛ : አብ : አፍታይ ፤ እት : እንብሎ : ረድአኛ ።
ምን : እላ : ፈግራ : ባ ፤ በዲርማ : ወለት : ወድ : ገኛ ።
ተክሌስ : ካሪ : ምኛ : ቱ ፤ እላማ : ሮሻን : ምን : ለዐልና ።
አዜማ : ለጃንዶር : ልትነፈገ ፤ ሳምዕ : ገብእ : ኢሀላ ፤

5 እት : ህያብ : ልትነፈገ ፤ ቤቱ : ገዝረት : ትጽብራ ።
እት : ሸመት : ልትነፈገ ፤ እት : ብሕቶታ : ወሰራ ።
ምን : ቀደም : ጸንሐ : አለቡ ፤ ለባርያይ : ጸሊም : ክም : ደኛ ።
ወአለቡ : ለምን : ረሐር : ተልዮ ፤ እብ : ምክያዱ : ትጸንሐኛ ።
እት : ሕፈር : ካርያ ፤ ታላት : ቱ : ለእቡ : ልትወዐላ ።

10 እት : ግዳም : ልትማጽአ ፤ ፋግረት : እምበል : ልትበሀላ ።

እብ ፡ እድሁ ፡ ወደያ ፡ እብ ፡ አፋሁ ፡ ልትመሐላ ።
 አድምዐያ ፡ ምን ፡ ገብእ ፤ ልሰሐቃ ፡ እንዶ ፡ ልደእላ ።
 ወሰሐተያ ፡ ምን ፡ ገብእ ፤ ቶህ ፡ ለባርያይ ፡ ልትበሀላ ።
 እሊ ፡ እናስ ፡ እዲና ፤ ሓድግ ፡ ምና ፡ ኢሀላ ።
 15 እት ፡ ቀደሙ ፡ ሌፍያ ፤ ወእት ፡ ግርሁ ፡ ልዘሐራ ።
 ለእብ ፡ ለዓሊት ፡ ወደያ ፤ ምን ፡ ረሺ ፡ መጽአት ፡ ቲበላ ።
 ለእብ ፡ ተሓተት ፡ ወደያ ፤ እት ፡ ተአምራ ፡ ትክሀላ ።

156

እግል፡ ተስፋምኬል፡ ወድ፡ አፍታይ፡ ክም፡ ሞታ፡ ሀዩ፡ ለጬላ ።

1 የም ፡ ውህር ፡ ሞታ ፤ ተርፋ ፡ ምን ፡ እማቱ ።
 የም ፡ ጸጋይ ፡ ሞታ ፤ ዘራ ፡ ህያባቱ ።
 የም ፡ ሓጥር ፡ ሞታ ፤ ዶል ፡ ለአትማካቱ ።
 የም ፡ ሐዩት ፡ ሞታ ፤ ገንድል ፡ እብ ፡ ተውያቱ ።
 5 የም ፡ ሐርማዝ ፡ ሞታ ፤ ድሜ ፡ እብ ፡ ዐውላቱ ።
 የም ፡ ወልእ ፡ ሞታ ፤ በኪት ፡ አድናሳቱ ።
 የም ፡ ስልጣን ፡ ሞታ ፤ ትርካይ ፡ እብ ፡ ርሻሹ ።
 የም ፡ ደብር ፡ ወድቃ ፤ ትካራ ፡ ዲብ ፡ ሳሳቱ ።
 ለመርከብ ፡ ትፈናጠሻ ፤ ድኔ ፡ ምን ፡ አፍያቱ ።
 10 ግርግር ፡ ጼደደዩ ፤ ክአብሐር ፡ ደና ፡ ባኩ ።
 ደሀቡ ፡ ወሶሚቱ ፤ ወርቁ ፡ ወቅማሹ ።
 ቀነብር ፡ ደሀብ ፡ ሳቅል ፤ ቀሰብ ፡ ዋንጫታቱ ።
 ገሌ ፡ ጨብላይ ፡ ሰኑ ፤ ወገሌ ፡ ለአምያሳቱ ።
 ወገሌ ፡ ስጋ ፡ በልዕ ፤ ቀንጽ ፡ ዲብ ፡ ሕራዱ ።
 15 ገሌ ፡ እክል ፡ በልዕ ፤ ገሸሽ ፡ እብ ፡ ሔሳሱ ።
 አዜ ፡ እንቱም ፡ ተሀድጎ ፡ ቱ ፤ ከዲብ ፡ ትስፋምኬል ፡ ትዋዱ ።

እግል : ተስፋምኤል : ወድ : አፍታይ : ክም : ሞታ : ሀዩ : ለቤላ ::

I ብዕያ : ርኤና : ወልብያ ፤ ወድ : ለምህረት : ዐረጃቶ ::
ዲብ : ቤቱ : መጽአዎ ፤ ዋኒን : ረአሱ : ሚ : ከይዶ :
ምን : አፍረዐት : ልትጋሌ ፤ ክም : ዋኒን : ለሐገይቶ ::

* * *

ዋኒንማ : ሚ : ኢመይት : አምዕል : ጸላም : ረክበቶ ::

5 ኸልሔተት : ወግሬ ፤ ኢትመይቶማ : ወኢትቀትሎ ::
አንጻይ : ዕምራ : ትጠወላ ፤ ድሙ : መዐጻይ : በትከቶ ::

* * *

ሐሰት : አስማ : ቱ : ወድ : አፍታይ ፤ እግል : ለዓማር : ከርዎ ::
ስም : መሰመም : ቱ : ወድ : አፍታይ ፤ ጽልድብ : ታ : ምንዲ :
ሰትዎ ::

ዲብ : ዕንታት : መደረት : ቱ ፤ ወዲብ : ሐለቆም : ፈርህዎ ::

IO ቀባ : ለገዊ : ቱ : ወድ : አፍታይ ፤ ምራቅ : ከአፎ : ደርዎ :
ዛምታይ : ዝሞቶ ፤ ምን : ብዙሕ : ዲብ : ሐድ : አክርዎ ::
ለቃትላይ : ቅቶሎ ፤ ሰለልቡ : እንስአዎ ::
ለኣብያይ : እበዎ ፤ ደረብ : ምኑ : ሸንክዎ ::
ፈቴኹም : ፍተዎ ፤ ለዲብ : ገሮብኹም : ትስአዎ ::

ተስፋምኤል : ክም : ሞታ ፤ ለቃትላይ : ሕመድ-ኖር : ወድ : ዕት
ማን : ጋሻይ : ዲብ : እንቱ : ዲብ : ገለብ : መጽአ : ከእት : መሐበር :
ወግሬተት : ከራ :: ወወድ : አግዳብይ : ክም : ረአዩ ፤ እግል : ዐድ-
ሐፈሮም : እግል : ልቅቶሎ : እት : ለሀርሶም : እላ : ሐላ ::

I መቅጠንኩም : በዲር : ኢጸልዓ : ወአዜ : ቀረፍ : ኢወዳ ::

በቃለት፡ እሉ፡ ቱ፡ በዳማ ፤ አዳም ፡ ምን ፡ ወደ፡ ለእታ ፡ ትገብአ ።
 ለመሰል ፡ ደሰት ፡ ታ ፡ ኢትብሎ ፤ ሐግላ ፡ እንደ ፡ ሰተታ ።
 ወለመሰል ፡ ጉሊ ፡ ታ ፤ ምስል ፡ ዕምሩር ፡ ሀፊታ ።
 5 ሐቆ ፡ እላማ ፤ አሚን ፡ ሰአንኩም ፡ እብ ፡ በዳ ፡
 ለቃትላይ ፡ ተስፋምኬል ፤ ሐመድ-ኖር ፡ ገለብ ፡ ምን ፡ አታ ።

159

ተስፋምኬል፡ ወድ፡ አፍታይ፡ ክም ፡ ሞታ ፤ ዐድ፡ ሐፈሮም ፡ እት ፡
 ቤት ፡ ስተይ ፡ አይታም ፡ ዲብ ፡ እንቶም ፡ እት ፡ ለመርባቱ ፡ ገመው ።
 ከገሌሆም ፡ “ንዕሌ” ፡ ቤላ ፤ ወለገሌሆም ፡ ሀዬ ፡ “ንጽብእ” ፡ ቤላ ። ወሐር ፡
 እት ፡ ለጎማት ፡ እግል ፡ ወድ ፡ አግዱባይ ፡ “እንታማ ፡ ብለስ” ፡ ቤለ
 ዎ ። ወሀቱ ፤ “አትንሴ ፡ ሀሌኮ ፡ ኖስኩም ፡ በሎ” ፡ ቤሎም ። ወሐር ፤
 “እንታማ ፡ ናይካ ፡ በል” ፡ እንደ ፡ ቤለው ፡ ምን ፡ ገድገደዎ ፡ እላ ፡ ሐላ ።

1 ዐሌ ፡ ተስፋምኬል ፡ ቱ ፤ እግሩ ፡ መሐዛት ፡ ዓድያ ።
 ሐንፍስ ፡ ተስፋምኬል ፡ ቱ ፤ ቤቱ ፡ ላሊ ፡ ዋድያ ።
 ልትዋረድ ፡ ተስፋምኬል ፡ ቱ ፤ አመት ፡ ገብር ፡ ወበቀል ፡ ተልያ ።
 ቀትል ፡ ተስፋምኬል ፡ ቱ ፤ ርሕ ፡ ለመለክ ፡ ገልያ ።
 5 መይት ፡ ተስፋምኬል ፡ ቱ ፤ ነፍሱ ፡ እንደ ፡ ከርያ ።
 ጸርና ፡ እሊ ፡ እንቱም ፡ ትቡሎ ፤ መስል ፡ እኛ ፡ ትልሀያ ።

160

1 አዜ ፡ ወለት ፡ ገለብ ፤ እንደ ፡ ሰኔት ፡ ትሰኔ ፡
 ወደዋሪት ፡ ትገብእ ፤ ሐጅፊታ ፡ ትገሌ ።
 ወፈሐሰት ፡ ትገብእ ፤ እት ፡ ወድ ፡ ቤታ ፡ ትመኔ ።
 እምበል ፡ ሐቴ ፡ አሚት ፤ በሪ ፡ ለፍግረኔ ።

ወድ : አግዱባይ : ቅብላታ : ለሐባይ ።

- I አፎ : እሊ : ወራዘት ፤ ምን : ፈልፈሎት : ኢወንን ፤
ኤሻት : ዓይረት : ታ : ፈልፈሎት ፤ ምን : ውድሕ : ለአገንን ።
ርብዕት : ብካር : ታ : ፈልፈሎት ፤ እት : ትጀማጅም : ወእት : ተአንን ።
ከልአት : ኢኮን : ወዓልላ ፤ ኢትረግጸኝ : ከኢትፈርር ።
- 5 ለነቡል : ምን : ለምቅድማ ፤ ሰለስ : ሕምሳ : ተደርር ።
ውላድ : ለድጌ : ልትቅሐባ ፤ እግሎም : ትናጽፍ : ወትከርር ።
ቤተ-አስገዴ : ትትቀሐሻ ፤ ለሽማገሌ : ሸገልል ።
ንስሪት : ጥሉቅ : ለሐምዳ ፤ ወሕና : እላ : ነከልል ።
እምበል : እታ : ሚ : ወዕርካ ፤ ላሊካማ : ምን : ትመርር ፤
- 10 ጼና : ቅዱይ : አለባ ፤ ወኢተሐፍነኝ : ምን : ትቀርር ።
ህታማ : ክም : ለሐዋታ ፤ ክም : ለጸራ : ለአፈልል ።
ክም : ለሰብ : ለሻልማ ፤ ወክም : ለሰብ : ለሰወርር ።
እላ : ወእንታ : ትትቀሐሻ ፤ ወትረምቅ : ምድር : ምን : ጠልል ።
እላ : ሸንጉል : ጣይ : ሐካ ፤ ስምጣ : ከአፎ : ለከርር ፤

አቢብ : ወድ : ትማርያም ።

ወልዱ : ምን : ጥታ : ከለመሳኒቱ : ምን : ኢሸሸዎ : እላ : ሐላ ።

- I አፎ : ሕመድ : የመቲ ፤ ምን : ሸሸቹ : አደጋ ፤
ምን : ለዋይ : ሕመድ : አትቃርብ : ወስልጣን : ምን : ቤተ-አሸዛ ።
አቡካ : እግል : መስኒሁ : ምን : ብካዩ : ወበካ ።
- * * *
- አፎ : ሕመድ : የመቲ ፤ ምን : ሸሸቹ : ልትገሌ ፤

5 ምን : ለዋይ : ሕመድ : አትቃርብ ፤ ወስልጣን : ዋልደት : ታ :
ዐመቼ ።

አቡካዲ : እግል : መስኒሁ ፤ ምን : ብካዩ : ለበኸ ።

163

አቤብ : ወድ : ትማርያም : ሀዩ : ለቤሻ ።

I ምን : ለዶሳ : ማርያይ ፤ ነተቅብሎ : ላባ ።

ሐሊቦ : አኬት : ኢኮን : ትሕለፍ : ለናይ : ደዓማ ።

አድማይ : ጃለጠዎ ፤ ምህራ : ወግራባ ።

ዓሻ : ለአስፈዳይት ፤ ቀስና : ማ : ሚ : ሃባ ።

5 ኡብሃ : ሰኒ : ክቼል ፤ ሐምሃ : ሰኒ : ተሐማ ።

164

መንሰዕ : ምስል : ዐድ-ትማርያም : ምን : ተዓሬት : ህቱ : ላታ ፤
“ዕሪት : ዐድ-ትማርያም : ረሺ : ኡብያ : እልዬ” : እንደ : ቤላ : እሻ :
ሕላዩት : ሐላ ፤ ወሐር : ምስል : ኤሎስ : ዐላ ።

I ሐዋይዲ : ደርቦም : ኢጉብእ ፤ ምን : ልትላደድ : ለአደርብ ።

ሐወ : አሌ : አቡካ ፤ ምን : ቤት : ኡብሁ : መን : ቀርብ ።

ወመስኒሁ : አሌ : አቡካ ፤ ሐምድ : ወሕመዳ : ወከልብ ።

ወስተይ : አሌ : አቡካ ፤ ማሳ : ቀበት : ሸከንብ ።

5 ህቶም : ሐዎም : ልንስእዎም ፤ ወሕና : ጀልበት : እንቀርብ ።

165

ሐቆሃ : አሐ : ዐድ-ትማርያም : ዘምታ : እት : መርባት : አዳላ :
ወጉብር : ወዐንደሎይ ፤ ክሎም : ዐድ-ትማርያም : ቃትላሞም : ምን :
ዐለው ፤ ወእት : መርባት : በርዕድ : ኤሎስ ። ወሐር : እሻ : ሕላዩት : ሐላ ።

I እት : በርዕድ : ዘመትና ፤ ምን : ኢትጉብእ : ደራይት :
 ሐት-ሐቴና : አብጠርና ፤ እሊ : ቱ : እንሱስ : ገማይጽ ::
 ዐዳ : ሰዐዲያ ፤ ጸግባ : ማ : ሚ : ረጋይዝ :
 ወፍንጌ : ክልኦት : ለድኚ ፤ ርኤታ : ማ : ሚ : መንታይት :
 5 ሚ : ኢትሰምዕ : አጽፋራ ፤ ምን : ኢትቀስን : ፋንጃይት :

166

ሰብ : ዐድ-ትማርያም : እግል : ልዝመቶ : ምን : ሐዘው : ግሱይ :
 እት : እንቱ : እላ : ሕላየት : ሐላ :: ወህቶም : እላ : ክም : ሰምዐው :
 ፈርሀዎ : ከጌሰው : ምኑ ::

I ነወይ : ታ : እግል : ኒገሮ ፤ እሊ : በለሕ : ምን : ነድል ::
 ምስል : ወድ : ካናት ፤ ሹምና : ወድ : ለጸነብል ::
 ምስል : ሰመራ ፤ “ናይ : አብዕብዬ” : ምን : ልብል ::
 ምስል : ናይር : ወድ : ብእምነት ፤ ወምስል : ሚካል : ወድ : ዕንክር ::
 5 ምስል : ብእምነት : ወድ : ፍካክ ፤ አብዕብ : ለሳክያም : ለፈግር ::
 ምስል : ሓምድ : ወድ : ገንደር ፤ ኢሐድኝ : ለሸብሹብ ::
 እንዶ : መሓዛት : ልትዐጆ ፤ ከመርባት : ባይደት : ለቀስን ::
 ምስል : እሎም : ኢኮኔ ፤ በይኖማ : ነፈትን ::
 አቡኩም : ዎ : ውላድ ፤ እገር : ሚ : ቡ : ከፈግር :

IO ዐድ-ተስፋጮን : ወድ : ዓይላይ| ፤ ወትመይት : ልብሎ : ወት
 ቀትል :: 1)

167

እብ : ሞት : ፍካክ : ወድ : ለዋይ : “ኢአቅሰንክዎ” : እንዶ : ቤላ :
 ለሐለያ : ሕላየት ::

I አፎ : ተአዝም : ሀሌካ : አትሃጌና : ዎ : ማልክ ::

1) Im Originale standen V. 8—10 hinter V. 4; die jetzige Reihenfolge ist von Naffa^c hergestellt.

ወድ : ለዋይ : ሐሊቦ ፤ ሐመደቶ : ቱ : ቤት : ፋርስ ::

እልና : ትነሽእ : በዲርማ ፤ ከደውራ : እብ : ለመጋንዝ ::

መርኬ : ሰቡፅ : ዛቦጣ ፤ ሸነክ : እንደይ : ለትዋልጥ ::

5 እግል : ክልኦት : ልቡላ ፤ ባልፅ : ወሐሳይ : አዋልድ ::

ሀርማይ : ልብል : “አቴ : በ፤ አዙብያ : ወእሻርክ” ::

በዐል : ዐድ : ልብል : “እከልኦ ፤ ሀርማይ : እልዬ : ኢማርክ” ::

እት : ለወደኋት : ቱ ፤ እት : ልትወርወር : ለመሐርስ ::

ዲብ : ለፈያቲብ : ቱ ፤ እት : ልትገደል : ክል : ሳልስ ::

10 እት : ለሸበንርብ : ቱ ፤ እት : ልጎሌ : ለአዋልድ ::

ዲብ : ለእትዬታት : ቱ ፤ ልውፅል : ዲብ : ለመጋልስ ::

168

ምስል : ብዕራዩ : ታርፍ : እት : እንቱ : ከራዩ : ምን : መጽአቶ :

እላ : ሕላየት : ሐላ : ወሐር : ጌሰው : ምኑ ::

1 አሮ : ተተቅብላ ፤ ዎ : ሸግራይ : እላ : ሳሰት :

እኩይ : ቱ : ለሐዲግካ ፤ ከአቲ : እት : ፍካከት ::

ዐቫይ : ኢትመጽአካ ፤ ዲኖ : ወርሻሻት ::

ሴርቃይ : ኢነሀይበካ ፤ ለምዩይ : ዲብ : ስጋደት ::

5 ሴርቃይ : አክል : አጀሉ : ቱ ፤ ለእልካ : ልትአላከት ::

ጸርካ : እላ : ጎካ : ቱ ፤ መግዘም : ወሸባተት ::

እማትካዲ : ጋናና : ታ :: እትካ : ሚ : ኢንትባከት :

169

ሰሸት : ዐለዮ : ለቤላ ::

1 ሐቴ : ላሊ : ዋዝንተት : ታ ፤ ካልእ : ለላሊ : እርኩና ::

ሳልስ : ላሊ : ዲብ : ረሀዩ : ታ ፤ ዎ : ጸርና : ምንዲ : ትተላና ::



ሐቴ : ላሊ : ዋዝንተት : ታ ፤ ካልእ : ለላሊ : ዐድ-ጋይም ።
 ሳልስ : ላሊ : ዲብ : ረሀዬ : ታ ፤ ተኸት : ረአስ : ለቀራይም ።
 5 ኢጠልሞ : አቡካ ፤ ለምስሉ : ግዕዝ : ወራይም ።

170

እግል : ዳረት : ለቤሻ ::

I ዳረት : እግል : ነሐምዳ ፤ መሐመድ : እግል : ንስዴ : ባ ።
 አናዲ : ዳረት : አምና ፤ ለጎፍዬ : ሰኒ : ነዌ : ባ ።
 ጅንግር : አባጽሕት : ታ ፤ ክልኤ : ተን : ለእሰን : ልስኤ : ባ ፤
 ወመይት : ልብላ : ወቀትል ፤ ወለተክርያ : ወአቴ : ባ ።
 5 ወጅንግር : መላቅም ፤ መልሐተያ : ፈሬ : ባ ።
 ራዛ : ገሴ : ምን : ረአሳ ፤ አወውኣ : ታ : ወሂባ ።
 ጅንግር : መሻርሕ : ታ ፤ ኢትበከረት : ሸርሔ : ባ ።

171

ዐድ : ትማርያም : መንደር : ወድ : ሰመራ : ክም : ቀትለው ፤ አ
 ካባሆም : ቤተ-አብርሃ : እንዶ : ትከተለት : ገተን : ዔረት ። ከአቢብ :
 እት : ለሞት : መንደር : ማጽጽ : ዐላ : ስነቱ : ወሐሁ : ምን : ገኣ ።
 ወመንደር : እንደይ : መይት : መርባት : ሕድ : እግል : ለቅስኖ :
 ልትበሀሎ : ዐለው ። ወእት : ለመርባት : መንደር : እላ : ሐላ ።

I ጋዶእ : አካባ ፤ ትበልዕ : ሀሴት : ሰዐር : ገተን ።
 ለእሉ : ዐልና : ንትበሀል ፤ ጠለምናካ : ቱ : ም : መንደር ።
 ወሪድ : ሮመመራት ፤ ወበራብሮት : እብ : ዘገር ።
 እብ : ፈን-ፈኑ : ወኢሔሳ : ቱ ፤ ዓሊማ : ምንዲ : ልትከተል ።
 5 እብ : ቅሻ : ወደጋታ : ምን : ሰአነት : እቱ : በዐል : አከር ።
 አትካራይ : ለንዋያ ፤ ወደጋዳጎት : እብ : እገር ።

172

አቢብ : ወድ : ትማርያም : ሀዩ : ለቤሻ ::

- I ገለብ : እንዶ : ጠልመያ ፤ ዐላ : ምኛ : ክል : ካይን ::
- ሕናዲ : ገለብ : ነትሐሌ ፤ ምንዲ : ተአምር : ደካይል ::
- ገለብ : አካል : ብዲባ ፤ ማሼላታት : ወሸዓይር ::
- ገለብ : ሐሊብ : ብዲባ ፤ እብ : መባይት : ወእብ : ዓይር ::
- 5 ገለብ : ፋይተት : ብዲባ ፤ ትጼኔ : እብ : ለደራይር ::
- ገለብ : ሀርማ : ብዲባ ፤ ሸንጉል : ለበአስ : ለትዋይን ::
- እግል : ሰዓድያ ፤ እላ : በላ ፤ ዎ : ዳይን ::

173

ሓምድ : ወድ : ገንደር : ቅብላታ : ለቤሻ ::

- I ገለብ : ካይን : ጠልመያ ፤ ሕና : እላ : ነትሐሌ ::
- ገለብ : አካል : ብዲባ ፤ ክልኤ : ሞጥዕ : ትለዋሌ ::
- ገለብ : ሐሊብ : ብዲባ ፤ ቀርበት : ምልእት : ሐማሌ ::
- ገለብ : ሀርማ : ብዲባ ፤ ሄሬ : እብ : ለግንዳሌ ::
- 5 ገለብ : ሕንቁቅ : ብዲባ ፤ እምበል : ቀባ : ልሻሬ ::
- ገለብ : ፋይተት : ብዲባ ፤ ሕርመት : ለኖሳ : ተጣሬ ::

174

ቢጫይ : ወድ : ዜድ ::

እብ : ደትምንሁ : ለቤሻ ::

- I ዮመቴኔ : ዎ : ብእምነት ፤ ጸግበት : ማ : ሚ : ክም-ልሻ ::
- እት : ለደብሰት : ዐልና : ባ ፤ ሰለስ : ለሀርማይ : ዐቕሻ ::
- ነፍስ : ናስካይ : አለባ ፤ አስክ : ለሞላይ : ደርኸ ::
- እጅት : የቲም : ኢትጸግብ : ቱ ፤ ምንማ : ብዙሕ : ተሀይሻ ::

5 እት : ጽባጥ : ተሓስብ ፤ ሸሯ : ክል : ዶል : ትፈቅዳ፤ ።
 ዲብ : ገዳፍ : ተሓስብ ፤ ለሃ-ዲ : ከ-ሉ : ሀምዝጋ፤ ።
 እት : ጽምእ : ተሓስብ ፤ ዔላ : ለሼንቲት : ዐቅባ፤ ።
 ብእምነት : ለኩርብት : ሰልማ፤ ፤ ማ : ጉድብት : ሀሌት : ነፍስካ :
 “መጽአኛ” ወኢትቤ : ቱ ፤ ምንማ : ለነውላ : ሀርሻ ።

መንደር : ወድ : መስመር ።

ሰሸት : አጋሁ : ለቤሻ ።

I ዩ-መቴኔ : ዎ : መዲን ፤ ክንቡብ : ገአካ : ክም : ጋና ።
 ዲብካ : ሌጣ : ኢኮኔ ፤ ዲብና : በዝሕ : ለቀባና ።
 እት : ሰልፋ : ሀሌኮ ፤ ሊቤ : ጸሊም : ክላላ ።
 እሻ : ጥዑም : ሐሊባ ፤ ኢተምሱላ : አማና ።
 5 እሻ : ሐምል : ዘንባ ፤ በዐላ : ተሐደግ : እት : መዓላ ።
 እኩብ : ናስአት : ታ : ወድ : መንደር ፤ ወአፎ : መስመር : ወአዳላ ፤
 ምኛ : ልውዕል : አለቡ ፤ ቅሩብ : ልግበእ : ወጋና ።

ባይራይ : ወድ : መስመር ።

እብ : በዳ : ሰብ : ግድጌ : ለቤሻ ።

I ሀሌኮ : እንዶ : አምሰለት : ወለት : ሀብረም : ለድልሀታ ።
 ሀታማ : ዲብ : ለቀዳሚት ፤ ተአኸ : ገብእ : ለንዩታ ፤
 ኢትዳከክ : እት : ንዋይ : ሐርቢት : እንቱ : በዐል : ረአሳ ።
 ኢትሰቱ : ማይ : ዘራ ፤ ወኢተዐጽኛ : ከርሸታ ።
 5 ለግድጌ : ተከሊት ፤ ክል : ቤት : ደብአት : መንገአታ ።

ወለገብኝ : ክምሰልና : ቱ :: ወለዳሩ : ትወረሳ ::

ሕና : ለሞታ : ሐይሰኛ :: እበን : ወሐጸ : አክበዳ ::

ሞትማ : ዕቃል : እዲና : ታ :: ምን : አከይ : ለግንሐታ ::

ለአነብራ : እብ : ኖሱ :: ረሐመት : ሚ : ቡ : ወረዳ :

10 ዐሴማ : ወኔኛ :: ከአዜማ : ቤላ : “ ጸንሐካ ! ”

ከንዶእ : እም-ጁከት :: ምን : ኢተሐምቅ : ለሐለታ :

ዲብ : ለወድ : ብክራ : ቱ :: ወዲብ : ካስታይ : ለመንገአታ ::

ወኤሻት : ትሶልኦኛ :: ምሴ : ዶል : ለዲረታ ::

ዔደኒብ : ለውላዳ :: ወሀደለት : ለሐረታ ::

15 መሐበር : ሶልኦኛ :: ስኛት : ሀጅክ : ክም : ወዳ ::

ፋይተት : ትሶልኦኛ :: ገሌ : ፈግራ : ወአታ ::

ጎይላ : ሶልኦኛ :: ቀበት : ቀዓሪ : ትነጅቃ ::

1 ደሐን : ጽንሐ : ም : ቤልታ :: ቀፌት : እሊ : ባባታ ::

ደሐን : ጽነሕ : ም : አግዐሮ :: ዕያብ : ምኑ : ትከራሳ ::

ለክብት : መስሐሊት :: ጃራ-ክርን : ታ : ቅብላታ ::

ሚ : ሸመት : ታ : እላዲ :: አድማይ : ገአ : ልባሳ :

5 ወሚ : ሸመት : ታ : እላዲ :: እሊ : ነጽፋ : ቱ : ለመሐዛ :

ዲብ : አሐ : ሐመደይ : ቱ :: ከንቴባይ : ሀይገት : አትባዳ ::

ወድ : ቴድሮስ : ወድ : እድሪስ : ቱ :: ወድ : ለኩሩብ : ፍላሳ ::

የሐንስ : ወድ : ጀጊን :: ከብዱ : በርዳ : ለሕማጣ ::

ዲብ : ሕድ : አውደዮም :: ለእላ : ሐዜ : እላ : ታ ::

ኖር : ወድ : ገቢል ::

እብ : በዳ : አላ : ለቤላ ::

- I አዲስከክ : ወአተሌ ፤ እኩይ : ቱ : ሐዘን : ዲብ : አላ ::
 ምስል : አላ : ለተርፋ ፤ ግዳዕ : እንቱ : ወበዝሐ ::
 እኩት : አምዕል : ከራዬ : ታ ፤ ለ“ ሕለፍ : ምኛ : ዎ : የሃ” ::
 እኩት : አምዕል : ቀባሃ : ታ ፤ ለፈጅር : ፈጅር : ትጠብሐ ::
- 5 ሰኔት : ታ : አምዕል : ግናዘት ፤ ለዲብ : ለቀብር : ትጸርሐ ::
 ሰኔት : ታ : አምዕል : መዩብቶት ፤ ረዶብ : ረዶብ : መጽአ ::
 እግል : በዐል : መራካት ፤ ማጤ : እንደይ : ጠምግ ::
 ሰኔት : አምዕል : አካላ : ታ ፤ ገርሀት : ለኸፍር : ትከሽግ ::
 ተስቶታ : ትጻምዬ ፤ ፈጅር : ለምድር : ጸብሐ ::
- 10 ሰኔት : አምዕል : ሐሊባ : ታ ፤ ለሐሳስ : ክምስል : ትጸብሐ ::
 ሰኔት : ታ : አምዕል : ድላለት ፤ ለሐመኛ : እግል : ሕድ : ፈርሐ ::
 ዕሉም : ግሳስ : ሰልማ ፤ እንታ : ለቤታ : ትደልሃ ::
 አጫብዕ : ማይማዮ ፤ በረፍ : ወዴ : ለአንድሃ ::
 አትሻውከክ : ወአትዳምል ፤ ለሚናት : ኩሉ : ገንሐ ::
- 15 ትትፎረዕ : ዲብ : ሂቦ ፤ ለጸራ : ትገንሕ : ሐንትሃ ::
 ትዳዩክ : ክም : በራት ፤ መዳላል : ለጋሽሃ ::

ኖር : ወድ : ገቢል : ህዩ : ለቤላ ::

- I መቱላ : ጥልም : መላሀያ : አትገሚ : ዲብ : ወአትሻርክ ::
 እላ : ፈርሀት : አለባ : ውልድት : ታ : ዲብ : ለመጋልስ ::
 ሰብ : ኬን : ሐሚ : ዲብ : ዐቫይ : ወሰብ : እንዜማ : ዲብ : መሐርስ ::

ግሳስ : ዐድ : ከሬር : በላ ፤ ም : ባይራይ : ወድ : ሓምድ ::
 5 ኢገብአኮ : ቱ : ስኛታ ፤ ከዕንታ : ለአባጽሕት : ተትቃምት ::

180

ኖር : ወድ : ገቢል : ሀዩ : ለቤሻ ::

I እት : ሐረታ : ወልደታ ፤ ወለት : ሻምባ : ለሕኖታ ::
 አሰኛይ : ለብዙሕ : ኢደሐና ፤ ወጸዐዳ : በኑ : ኢሞታ ::
 ሰክብ : ትመያ : አቡካ ፤ ላሊ : ሐዳ : ሐሶሳ ::
 ገበዩማ : ኢአምር ፤ አና : ከራ : ሀይኮታ ::
 5 ወእብ : ለገዐዛ : እቀሽን ፤ ገበይ : ረያም : አኖካ ::
 ወእብ : ተአሸራ : እቀሽን :: ለሞቅሕ : ሰኚ : ስዶዳ ::
 ወእብ : ለሞታ : እቀሽን ፤ ከብዳ : እበን : ወሐጸ ::

181

ሼካይ : ወድ : ኖር ::

ዐድ-ዐይላይ : ምስል : ከንቴባይ : ብእምነት : እንዶ : ትጋደበው :
 ሐር : ህቶም : አስክ : ዐንሰባ : [ከረን :] ዐለው : ወሐንቴ : ምስርያ :
 ትገሸው : ከምኛ : ምድር : መንሰዕ : ዘምቶ : ዐለው :: ሼካይ : ምስ
 ሎም : እግል : ኢሊጊስ : ለሐሁ : ከልኦ : ዐላ ፤ ንኡሽ : ቱ : ከምኑ :
 ኢልትፈንቴ : ገአ :: ኬን : እት : ከረን : ታርፍ : እት : እንቱ ፤ “ምን :
 ለገደቦ : ለሃ : አሚር ፤ ‘እብ : መናዱቅ : ንሀደኛም’ : ቤላ : ወሀያቡ ፤
 ‘እምዬ : ታ : አሰሮም : እግል : ኢጊስ’ : ልብለኹም : ዐላ” : ቤለዎ ::
 ከሀቱ : እላ : ሐላ ::

I መታንካ : ቱ : ም : እኹይ : አደቡ ፤ እብ : በይኛ : ትቆሼና ::
 ምስል : ለጌሳ : ወግስና ፤ ጉምት : እንዶ : ትጋሬና ::

ወምስል : ለትብአሰው : ወትብአስና ፤ ለጸርና : ሰኒ : ወሔጌና ።
 አሚር : ቤላ : “ንህደኛም” ፤ ሀርመች : እንዶ : ወዴኛ ።
 5 ግሉል : ቱ : ሓልዬ : ህያቡ ፤ ክል : ዶል : “እምዬ” : ወኢቤላ ።
 አንስና : ሐደግና ፤ ወውላድና : አግሩዝ : ታቴና ።
 እክልና : ሐደግና ፤ ሸዒርና : ወለማሺላ ።
 ቀብርና : ሐደግና ፤ ርጋዝ : ሓርዳም : ሚ : ሀሌና ፤
 “አክያር : ሰልም” : ወእምቤሎ ፤ ጋሻይ : ዐዳ : ወርኤና ።

ሼካይ : ወድ : ኖር : ሀዩ : ለቤላ ።

I ኢመስከባ : ምን : ዔረት ፤ ትነቄ : ሀሌት : ፈረጃ ።
 ምን : ተሐዝዘት : ዔረቶ ፤ ቀልብ : ሚ : ባ : ወረዳ ፤
 መስከብ : ቤልታ : ኢረክበት ፤ ተዐይር : እት : ለረሃበታ ።
 ከረም : ለሕምሩግ : ትትዔዴ ፤ ክልኦት : ለመሓዝ : ክም : አታ ።
 5 ማይ : ሐርብ : እት : ጢሾ ፤ ከአፎ : እልኪ : ወአብረዳ ፤
 ኢረክበት : ለመስከብ : ባሸሪ ፤ አሸራም : ቡ : እት : ለቀበታ ።
 እግል : ትሕረስ : ኢዔረት ፤ ሎሃ : ተግሕጽ : ታ : ገርሀታ ።
 አቡኪ : ኢሰክብ ፤ ላሊ : አስክ : ጽብሐታ ።
 ድመልና : ሼደሊ : ታ ፤ ድጎም : እምብል : ወረአሳ ።
 IO ምን : ኢወልዳ : አቡካ ፤ ምስል : ለትለአከው : ሚ : ኢትለአካ ፤

የዐቆብ : ወድ : አቢብ ።

I ቅነጺ : ም : ንስሪት : እግል : ንቅበር : ምጽኢና ።
 ለዘዐት : አቡኪ : ሸራ : ወሀራ : ክልኢና ።
 ለማይት : እንቱ : ገመያ : ዕቆት : ሐድጋ : ወፊና ።

መብሩክ፡እንደይ፡ልትቀጃብ፤ካሺ፡ወአጊድ፡ማጠና።
 5 ብርና፡ትቤ፡ቤት-መሐሸል፤ተክሉብ፡ኢኮን፡ወሬና።
 አናዲ፡ትምባክ፡እፈቱ፤ሐምሐም፡ክል፡ዶል፡ለቀፊራ።

184

የዐቆብ፡ወድ፡አቢብ፡ሀዩ፡ለቤላ።

I ም፡መስመር፡ወድ፡ሐጂ፤እላ፡ታ፡ገርሀት፡አብዕብካ።
 ሕናዲ፡ተለምና፤ወእንታ፡እብ፡ሚ፡ተሐርሻ፤
 ብላት፡ወደካይ፤እላ፡አቤት፡ታ፡ስምጥካ።
 በኪት፡ለዲበት፡መልእ፡ቱ፤ወሰኖ፡ምስል፡ጸምጃ።

185

ዐንደሎይ፡ወድ፡አሚር።

እት፡ብሌን፡ዓሊ፡ዲብ፡እንቱ፡ለቤላ።

I ትኸይ፡አለባ፡ቱ፤ገሉብ፡ሰኔት፡ታ፡ም፡ዳይር።
 ብዙሕ፡አካላ፡ታ፤ማሺላታት፡ወሸዓይር።
 ወብዙሕ፡ሐሊባ፡ታ፤አውል፡ወአውለት፡ዐማይር።
 ወብዙሕ፡ሔሳሳ፡ታ፤መድሀኖታት፡ተትካይል።
 5 ክልኦት፡ሐል፡ዐንሰባ፤አብሌት፡አስእን፡ሐጻይን።
 አመሮቱ፡አቤና፤ም፡ዕለም፡ሀግያ፡በላይን።
 ለእሻ፡ዐቤ፡ወረኸብ፡ቱ፤ልትበረያ፡ክል፡ካይን።

186

አድግ፡ወድ፡ሕመድ።

i ጸግበት፡ማ፡ሚ፡ዛሬዳ፤ወተርፈት፡ዲብ፡ለደነግብ፤
 እማ፡ወአት፡ዐድ-ተክሌስ፡ታ፤ወሀታ፡እጆት፡ሸነግብ።

በዲርዲ : እሊ : ሰብእኪ ፤ እት : ሰብ : ሐዜ : ሰወኝብ ::
 አዜማ : ለሀቶም : ኮሱሳ ፤ ኢተማድድ : ወኢትሰኸብ ::
 5 ማል : ሰብ : ነሱእ : ረአስ : ማሎም ፤ ክል : ዶል : አሩይ : እት :
ነዐልብ ::
 ኢሀዩባ : እብ : ብላሽ ፤ ግረቡኔ : ታ : ወእገርብ ::

187

መሐመድ : ወድ : ኤሎስ ::

I አብርሃም : ቤላ ፤ “ትዋየነት” :: ሰዐዩ : ማ : ሚ : ለሀዱዳ :
 ረአዩ : ማ : ሚ : ለወሐይዛ ፤ እት : ልደረኸ : ለሐምሩጋ :
 እት : ድመልና : ትበአስንሁ ፤ ወእት : ከንፈር : ለአቡካ ::
 እግል : ኢልግበእ : ጋናና ፤ ለእልና : ወልደት : እመ : ታ ::

188

ኡሐ : እብ : ሰንቡእ : ክም : በዴት : ለቤሻ ::

I ሀታዲ : በትከት : ጎማታ ፤ ጋሩ : ለተርፍ : ምን : ረሐር ::
 ኢነዓድላ : ዲብ : እንሳ ፤ ምንማ : ለክቡድ : ትጸዐን ::
 ሚ : ቱ : እሊ : ልትራደሀ ፤ ወሚ : ቱ : እሊ : ልሰዐል :
 ሚ : ቱ : እሊ : አክረት ፤ ለዲብ : ለከብዳ : ልትፈዐል :
 5 አምዕል : ለአቅብርታ ፤ በጥር : እላ : ክል : ዘዐር ::
 ነሱእ : ምኛ : ቀጻፋ ፤ ከዲብ : ለረአሱ : ትትገዐር ::
 አምዕል : ለሀዳያ ፤ ለትባጡራ : እት : ነሐር ::
 ለዛክር : እንዶ : ልተሴ ፤ ቀንጽ : እግል : ልደሐር ::

189

ምስል : ለገደቦ : ለወድ : ቅድራሽ : ቀትለት : ዐላ :: ከእት : ለገ
 ደቦ : ከንቲባይ : ብእምነት : እት : ልቀርድ : እላ : ሐላ ::

I መሰል፡ ለዕምዴናይ፡ ታ፤ ሐሸሽ፡ ልልዔ፡ እብ፡ ዶሳ።
 ወዶሳ፡ ምስል፡ ቅሸሻ፤ ምንግ፡ ነድድ፡ ብድሆ፡ ታ።
 ዐድና፡ ጎማት፡ አለቡ፤ ፈተክ፡ ታ፡ ወሕርደት፡ ገሎዳ።
 ሊጊስ፡ ምኛ፡ ለኢረዳ፤ ወሊበእ፡ እታ፡ ለትቶሩ።

190

ከንቴባይ፡ ብእምነት፡ እት፡ ቅብላታ፡ ለቤላ።

I ከምንዲ፡ መጽእ፡ ለሀዳይድ፤ መሐመድ፡ አቴ፡ እት፡ ዶሳ።
 አባይና፡ ልርደያ፤ ፈተክ፡ ወሕርደት፡ ገሎዳ።
 ውላድ፡ እግል፡ ገደቦ፤ አሰር፡ እድሃ፡ ርጎዛ።
 ምን፡ ሰኖ፡ አቡካ፤ ኢሐንረራ፡ ወኢቦሩ።
 5 እሻ፡ ገዐዛ፡ እቀሽን፤ አግቡይ፡ ረዬም፡ ለአኖካ።
 ወእብ፡ ለጸምኣ፡ እቀሽን፤ ለኢረክበዩ፡ መሸከሩ።
 ሐርማዝ፡ ባዶብ፡ ቱ፡ አቡካ፤ ደንን፡ ለእሻ፡ አግዶዳ።
 ነነሞ፡ እብ፡ ካራ፤ ላማ፡ በጽሐ፡ ሂኮታ።

191

መሐመድ፡ ወድ፡ ኤሎስ፡ ዓመት፡ ወድ፡ ቅድራሽ፡ ምስል፡
 ከንቴባይ፡ ብእምነት፡ ጉዳባም፡ እት፡ እንቶም፡ ለቤላ።

I ጽራይ፡ አክያር፡ ሰልማ፤ ምንዲ፡ ትካይድ፡ ለአፍያታ።
 ተባራት፡ ዕንታታ፤ ወአፍሃ፡ ቀንዴል፡ ፋዘጋ።
 ኢነአምራ፡ ሾከታ፤ እምበል፡ ሀጅካ፡ ወሰሐቃ።
 እሊ፡ አከይ፡ ለገሮታት፤ አሌቶ፡ ድሹ፡ ወአቅመታ።
 5 ለሀዳ፡ ወርሳ፡ ቤለዩ፤ ወላማ፡ ተሃጋ፡ በርጨቃ።
 ደሴት፡ ኢኮን፡ ሼክ፡ አንስ፤ ክም፡ እዲና፡ አሽሀዳ።
 ዐድ፡ ሼክ፡ ሓምድ፡ ምን፡ ታላ፤ ወአመት፡ መሐመድ፡ ምን፡ ሐዛ።

ዕቅብ : አብ : ሕምቡር ፤ ቲልሀ : ታ : ለእሻ : ሐንከሻ ::
 የም : እሉ : ከሽዓ : ባ ፤ ወለምዕል : እሉ : አምከታ ::
 10 ምን : ደዐሮተት : ኢጌሳ ፤ ርሻሽ : ቱ : ለእሸ : ትቃመዳ ::
 እያሱ : ወሕምቡር ፤ ምስል : ቱ : ርዝቃ : ወሕፍረታ ::
 ለእሱር : እግል : ልጠለቅ ፤ ማላትዲ : ቀራብ : ታበታ ::
 ነቀሸኛም : ክም : ሞተው ፤ ደሞም : ዲብ : ሰብ : ተዐለጋ ::
 ሕና : ወሀቱ : ምስል : ታ ፤ ወለሆም : ጋባት : ከበሳ ::
 15 ግድእት : ታ : ነብራ : አቡካ ፤ በይና : ካለት : ታ : ምን : ዘጋ ::
 ወአዜ : ዲቦም : አቅበላ ፤ ትዳከካ : ባ : ወትበሀሻ ::
 ብሶት : አቡካ : ታ ፤ አዝውዓት : ለእሻ : ትሳጠጣ ::
 አሰኛይ : ክም : በዲር ፤ መቅጠን : ዐድ : ሕድ : ኢለሐሳ ::
 ምግግዝ : አምር : አቡካ ፤ ሸተል : አቲ : ቱ : ምን : ተሐታ ::
 20 ወሞት : አምር : አቡካ ፤ ሳውሪት : አምር : ርፍዐታ ::
 ሸግሊለት : ወዳረት ፤ ገርዝሀን : ታ : ለዲባ : ልትከሐዳ ::
 እሸንዲ : ብሩድ : ቱ : መቅጠነን ፤ ዕድል : ወድ : አብ : ለኢሐዛ ::
 ወዶንክ : ወወለት : ጠለገት ፤ እግል : ሚ : ገምያ : ምን : በዳ ::
 ምን : እንዜ : ወምን : ኬን ፤ ቶህ : በን : ለዲባ : አውሐዳ ::

ምስል : ከንቴባይ : ብእምነት : ክም : ተግራ : ለቤሻ ::

1 ክምሆላይት : የመቲ ፤ ደናቤቶ : ለእዘና ::
 መን : ቱ : ለፋግር : ምን : ሕፍረት : እምበል : ጸላም : ወበዐላ :
 እንዶ : ደመለት : ቱ ፤ ማ : እንዶ : ሰካ : ለእገራ :
 ጅምል : ኢኮን : ለእዴገ : ወጽብጥት : ኢኮን : ከንፈራ ::
 5 ወድ : ካፈላ : ወድ : ዕጉብ ፤ ረአያ : ማ : ሚ : አውዐላ :

193

ሼክዲን፡ ወድ፡ ሕመድ፡ እት፡ ቅብላት፡ ሐቲ፡ ሕላየት፡ መሐመድ፡
ወድ፡ ኤሎስ፡ ለቤሻ፡ ።

- I ወለት፡ ዐድ፡ ዎ፡ መሐመድ፡ ኢሆዩባ፡ ዲብ፡ መሸ፡ ።
- ግሳስ፡ ገራር፡ ኢተዐጂት፡ እንዶ፡ ሐዜት፡ መርትዎ፡ ።
- አራፊሌ፡ ኢደነት፡ ለአጅናን፡ እግል፡ ትግንሐ፡ ።
- ስገም፡ ጸዐዳ፡ ቱ፡ ልዳዳ፡ ማሼል፡ ሚ፡ ቡ፡ መንሸዎ፡ ።
- 5 ወሚስ፡ ቀይሕ፡ ቱ፡ ስታዎ፡ እብ፡ ቦርሌ፡ ልግበእ፡ ወእብ፡ ምሆ፡ ።
- እሌ፡ ወሀታ፡ ቱ፡ ትሰትዮ፡ ወወድ፡ ሰለሙን፡ ቀልሐ፡ ።
- ሚስ፡ ጥቅራ፡ ቱ፡ ወእግል፡ መብሩደት፡ ማሳ፡ ፅንታት፡ ዴርሆ፡ ።

194

መሐመድ፡ ወድ፡ ኤሎስ፡ ቅብላት፡ ሼክዲን፡ ለቤሻ፡ ።

- I ገልገላይ፡ ዎ፡ ሼክዲን፡ ኢከርዎ፡ ቱ፡ ዲብ፡ ዔላ፡ ።
- ሕና፡ ለቅርጡጥ፡ ኢእንቤ፡ ቱ፡ ዲብን፡ በዝሕ፡ ለዕቤላ፡ ።
- አዳራሽን፡ ዲብ፡ ጨፎት፡ ቱ፡ ሸርቤ፡ ልብላ፡ ወእንጌራ፡ ።
- እብ፡ ክሸክሻን፡ ትበልዎ፡ አምና፡ እንዶ፡ ሰኔ፡ እላ፡ ።
- 5 መጽዐና፡ ወድ፡ እንሳ፡ ቱ፡ ክቡድ፡ ዐውላ፡ ታ፡ መቴላ፡ ።
- ሀታ፡ መጽዐና፡ ወድ፡ አሓ፡ ቱ፡ ወትተርፍ፡ እንዶ፡ አሴ፡ እላ፡ ።
- መንከሶሃ፡ ዲብ፡ አድግ፡ ታ፡ ሐለት፡ ሚ፡ ቡ፡ ለሀሌላ፡ ።

195

ሼክዲን፡ ወድ፡ ሕመድ፡ ።

- I አፎ፡ ተአዝም፡ ሀሌካ፡ ተሃጌ፡ ዎ፡ ዐብደል፡ ወድ፡ ሕመድ፡ ።
- ምን፡ ጎይላ፡ ትገሴና፡ እት፡ ተክሮሬ፡ ለትንክለት፡ ።

ምን : ፋይተት : ትገሴና ፤ ምን : መንጸፈን : ወሽመት ::
ለሮራ : ካልእ : ዋራሁ : ታ ፤ እት : ልዘሸጥ : ረአስ : ወርከት ::

እብ : ሞት : አዘዚ : ለቤላ ::

- I እብ : ሸፈት : ደክላ ፤ ወሀቶም : አበው : ረሐመቱ ::
 ወእብ : ደክላ ፤ ሀይገት : ታ : መስከብ : ሙነቱ ::
 ዘነቡ : ትከዩዳ ፤ ጽብጥት : እንታ : ለግሸቱ ::
 አብያቱ : ትብዝበዛ ፤ ከገአ : ምክላት : ፈረሱ ::
- 5 እምበል : እላ : ሚ : ረክብ ፤ ዳውረት : ላታ : ሸመቱ :
 እት : ልትመሐጽ : ለክእሉላ ፤ ማሌ : ፈግረት : ለዝብደቱ ::
 ቤልታ : ዐድሐ : ዘመትና ፤ ለሰብአ : ሐዳር : ዲብ : እንቱ ::
 ሐግግ : እንቱ : ረድአያ ፤ ለጌሰት : ምን : ለሐረቱ ::
 ጭርቅ : አምዲት : አለቡ ፤ ሀቱማ : ክምሰል : አበይቱ ::
- 10 በኑ : ቱ : መርኬ : ሸግርድብ :: ዲብ : ሰብ : ሚ : ታ : ለጦበቱ :
 አዜማ : አምና : ትስኤኛ ፤ ለድጌ : ዲብ : ለሸሸቱ ::

እግል : ከንቴባይ : ብእምነት : ከንቴባይ : ነጋሲ : አትአሰረዩ :
ከእግል : ኖሱ : ትሸየማ :: ወእግል : ውላድ : ከንቴባይ : ብእምነት :
ለሃርስ : እላ : ሐላ ::

- I እንቱምዲ : ወጸርና ፤ ሕሚት : ሰአንኩም : ወሐምዴ ::
 ገሌ : ትጼኑ : ማ-ሚኒ ፤ ምን : ካሩኩም : እት : ማዳ : ወምን :
ሰቅሉኩም : እት : ዕርጌ :
 አስረዎ : ኢኮኒ ፤ ግርጉር : ለሐያል : ተከዜ :
 አስገዶም : መርባት : አቡካ ፤ ብዴ : ዲባ : ወአብዴ ::
- 5 አላዜነት : ታ : ኩባጂ ፤ ለምን : ለባባ : ኢትነጌ ::

198

ጭሩም ፡ ወድ ፡ ደሪር ።

- I ሀብረም ፡ ስሩጊት ፤ ለዳረኮታ ፡ ዲብ ፡ ሚ ፡ ቱ ፡
- መሀመጃ ፡ ደይ ፡ ተዐልብ ፤ ዘቹ ፡ ትበልዕ ፡ ወሸሂቱ ።
- ከራዩሀ ፡ እንፈርህ ፤ ለወልዱ ፡ ሓድግ ፡ ወእሸቱ ።
- ሞዳይ ፡ ተለው ፡ ክም ፡ ቤላ ፤ ሕልወይ ፡ ሕሴን ፡ ሳሚ ፡ ቱ ።
- 5 ኢሀይበካ ፡ እብ ፡ ቅጃል ፤ ወድ ፡ ኬራይ ፡ ደብር ፡ ዐቢ ፡ ቱ ።
- እብ ፡ በይንዬ ፡ እሳግም ፤ ኩሩብ ፡ እብ ፡ ለላንኪቱ ።
- ሐየት ፡ ረበዕ ፡ ቱ ፡ ወድ ፡ ኬራይ ፤ ካይድ ፡ እብ ፡ ለትዊቱ ።

199

ሐማድ ፡ ወድ ፡ ዓምር ።

እግል፡ ከንቴባይ፡ ብእምነት፡ ለቤላ ።

- I ላሊ ፡ ክላ ፡ ረሚና ፤ ምስል ፡ ውላድ ፡ ደከኖ ።
- ወሀይገት ፡ ሐቆ ፡ ከንቴባይ ፤ ስርዕ ፡ ዲብዬ ፡ ታ ፡ መምበሮ ።
- ቀስና ፡ ማ ፡ ሚ ፡ ከንቴባይ ፤ ሰምበት ፡ ዐሻይ ፡ ወሰኖ ፡
- ወበርዳ ፡ ማ ፡ ሚ ፡ ከንቴባይ ፤ ለከርሸት ፡ ጋብአት ፡ ሐረሮ ፡
- 5 ፍትሕና ፡ ወዴና ፤ እላ ፡ ታ ፡ እንትል ፡ ገደቦ ።
- ምን ፡ አስሮ ፡ እግል ፡ ንእሰር ፡ ቱ ፤ ለቀይድ ፡ እግል ፡ ልንተሎ ።
- ወምን ፡ ሐርዶ ፡ እግል ፡ ንሕረድ ፡ ቱ ፤ አርውሓት ፡ ዲብ ፡ ሕድ ፡
- ታ ፡ መቅሰኖ ።
- ወምን ፡ ለከድሞ ፡ እግል ፡ ነክድም ፡ ቱ ፤ ለግድፍ ፡ እግል ፡ ልሕፈሮ ።

200

አዛዚ : ክም : ሞታ : ለገደቦ : ከራ : ከንቴባይ : ብእምነት : ዲብ :
ምድር : ወድ : ረከ : ክም : ዐሌት ፤ እላ : ሐላ ::

- I እግል : ሚ : ዎሮ : ትቢሎ ፤ ወለት : ሀዋ : መምባኪ :
- ሀይገት : ክልኦት : አብደዋ ፤ ነጋሲ : ወሐሁ : አዛዚ ::
- ለሀይ : ተርፋ : እብ : ሰራ ፤ ማይት : ላቱ : ወሳኪ ::
- እት : ጋድም : ቅጠብ : ገብኣ : እለን ፤ ወእት : አፍያተን : ሰጣፊ ::
- 5 ወእሊ : ገዐዛ : እብ : ሰራ ፤ ከዔራ : ቅምቤት : ወድ : ራኪ ::

201

ሐማድ : ክትሉ : እት : ደሲት : ወድ : ጀጊን : ቱ :: ወሐር : ም
ድር : ሰንሐት : ነብር : ዐላ :: ወሐቱ : እዋን : እት : ምድር : ቤት-
አብርሃ : መጽኣ : ክምን : ትደበራ : ምን : ለቀሪሙ : እግል : ለዝቤ :
ሐዛ :: ደአም : አሚር : ወድ : ደሲት : እግል : ለቀሪሙ : ክልኦቶ : ቱ :
“ዓሊ : እት : እንታ : ናዬ : ቱ” : እንዶ : ቤሎ :: ሀቱ : ሀዬ : እላ : ሐላ ::

- I ዘልም : ሀላ : ቀላቅል ፤ እግል : ለሰብ : ለአማኑ ::
- እግል : አሚር : ወድ : ደሲት ፤ ወእግል : ናይር : ለሕጻኑ ::
- ሀይገት : አሚር : አብደያ ፤ እብ : ሸንገቡ : ወእብ : ማኑ ::
- ዐራብ : ሐማድ : ወቆረት ፤ ተርፋ : ምስል : አግዋሩ ::

202

እያሱ : ወድ : መሐመድ ::

እግል : ዐድ-ዓይላይ : ለቤላ ::

- I ዐድ : ተስፋ-ጮን : ወድ : ዓይላይ : ለእላ : ረክቡት : ነብርሃ : ታ ::
- ልሻ : ለዐረር : ኢአባ ፤ ባሮት : ምስል : ርሻሻ ::

እት : በከክያ : ጸንሐታ ፤ ሐትሐቴ : ለርጋዘ ::

አብ-መልክ : ገጽ-ገምሮት ፤ ጅንዲ : ለጸላም : አልገዳ ::

5 ገይስ : ሚ : ቱ : ወድ : ጅገድ ፤ በዲር : እንዶ : አምናካ :

ምን : ረዩም : ልውዕዎ ፤ ተውሌ : አምዕል : እላ : ታ ::

ዲብ : አፍያቱ : መጽአቶ ፤ ለእሻ : ቀንጸ : መሐላ : ታ ::

ዕጅል : ወድ : መንደር ፤ ነብሪ : ለስጋድ : ፈናታ ::

አቡካ : ዎ : ግብጣን ፤ ኢረኸሾ : ለትላካ ::

10 በዩእ : እት : ደጌ ፤ ለሸየም : ምስል : ክም : ትጋሳ ::

ኢዳኸ : እሉ : ለዕንታቱ ፤ ንኡሽ : ለዐሸት : ፈራዳ ::

ልብድት : ወድ : ጅጊን ፤ ክልኤ : ናስእ : ወዋልታ ::

ጋሻ : ሚ : ቡ : አብ-እድሪስ : ወድቃ : ዲብ : ለምጽማዳ ::

ሀራጂ : አብ-ሀዳድ ፤ ዐለል : ባዲ : ልብላካ ::

15 ቤቱ : ለዝሕረት : ትጽብራ ፤ ለጠሾ : አምር : ርፍዓታ ::

ስልጣን : ወድ : የሐንስ ፤ ሓርሳይ : ለዕያብ : ገላታ ::

ሕኒት : ወድ : ገምያ ፤ ቤቱ : ቃጸት : ታ : ዎ : ሐሻካ ::

ሕሜዳ : ወድ : ገደም ፤ ክርብ : ወመጽብእ : ልብላካ ::

ወድ : ሸር-ደልብ : ልትንፈል ፤ ለጋሾታቱ : ክም : ዓዳ ::

20 እንቱም : ቱ : ተሐዩሳ ፤ ገቢለት : ለጋሸት : ትንፋሳ ::

ሆባይ : ረአስ : ግንዳይ ፤ ክእኘ : አጊድ : ታ : ለምቅናጸ ::

እግል : ከንቴባይ : ብእምነት : ክም : አሸራ : ለቤሻ ::

I በጥ : ቤላ : እት : ዐራት ፤ ድሩይ : ገድም : አክረራ ::

እሊ : ሰልፍ : ግሳዩ : ቱ ፤ ዐረፋሁ : አብከራ ::

አባይካ : ልትገሌ ፤ ሰብ : ዐረፋ : ተሀሸራ ::

ለአዳም : ብዙሕ : ዲብ : እንቱ ፤ ማሌ : ሀቡይ : አቅበላ ::

- 5 ዕመር : ከብድ : አቡካ ፤ ሀሌት : እብ : ለስረራ ::
 ሸር : ሃባ : ልክልክኛ ፤ ነጣጠራ : ወነዐራ ::
 ኢመይት : ከንቲባይ ፤ ክም : አውልያ : አዝሀራ ::
 ነወይ : ቱ : እልካ : እንዘይር ፤ አዜማ : ምን : ለፈቀራ ::
 በየእ : ዲብ : ደኔ ፤ ከልካሊታት : ፈንጠራ ::
- 10 ዐራግ : ረወሽን ፤ ዐሽከር : ትብጥር : እት : ነሐራ ::
 ገድም : ለስምዖ : ለብካዩ ፤ ህግያ : ትግሬ : ለአመራ ::
 ውሀር : ስሕተተን : ቱ ፤ ዐይር : እንዶ : ጀፈራ ::
 ወውሀር : መነተን : ቱ ፤ ጀቅፋ : ምኑ : ክም : ዘራ ::
 ሐካ : ቀመት : ኢነስካ : ቱ ፤ ሊሊትማ : ምንዲ : አክረራ ::

መሐመድ : ወድ : ባይራይ ::

እግል : ዳር-ሰልሕ : ወእግል : ውላድ : ዕጪት : ለቤሻ ::

- 1 ብርፍ : ቤላ : ወድ : ገሽመር ፤ ሞቱ : እት : አፍ : ውላዱ ::
 እንደይ : ጸምም : ለእዘኑ ፤ ወእንደይ : ዐውር : ለዕንታቱ ::
 ደይ : ልትቃረጭ : አምሲቱ ፤ ወእንደይ : ጸልምት : ለአፍያቱ ::
 ደይ : ትሻለብ : በቀሉ ፤ ወእንደይ : ገይስ : ለአስልሐቱ ::
- 5 “ሸዕሩን” : ቤላ : አብ-ሐምድ ፤ ምን : ቀርቦቶ : ለትንፋሱ ::
 ለመሀመጁ : አመራ ፤ መበለዕ : ለሐቃቱ ::
 ረአዩ : ሚ : ቡ : በዲርማ ፤ በርጁ : ወረሐቱ ፤
 እት : አዱግ : ጸዐነዩ ፤ ንዋያት : ለዓጃቱ ::
 ሐምስ : እሎም : ፍጁዳም ፤ ወሳድስ : እሊ : ጭምራ : ቱ ::
- 10 ሹም : ቱ : ገብር : አብ-መሐመድ ፤ ወደብሩ : ዓያ : ግራ : ቱ ::
 መርሐባ : ዛሬዳ ፤ ሸካን : ድራር : እንድሃ : ቱ ::

ልዘራኬ : ዋጣዩ : ወልጪባረቅ : ለአምያሱ ::

ስፍሩይ : ላቱ : ለትቃምት : ለኬፍ : ዲብ : ለተሐቱ ::

ሕቆም : ለዛይደት : ኢትብርድ : ረአሳ : ምን : ለንትሐቱ ::

15 ምን : ትመሸኸ : ፈረሳ : ቱ : ወምን : ትገንሐ : ወርሐ : ቱ ::

205

ፍካክ : ለቤላ ::

1 ክምሰል : ሐልብ : ጀላዎ ፤ እሊ : ጋድም : ለስልጣኑ ::

ለጃላዩ : ኢገማ ፤ ወኢቤለያ : “ኢፋሉ” ::

ዲብ : አግዐሮ : ትገሰላ ፤ ዲብ : አካን : ለምፍጣሩ ::

ግምሽ : ሊሙት : ኢሰዐና ፤ ዐዱ : ለሐድጋ : ወዳሩ ::

5 ከአፎ : ቤላ : “ሐጀኝ” : ለድሜ : እግል : ለዓዋሉ ::

ለሀላ : መስከብ : ከልአዎ ፤ ሐምሌ : እንቱ : ለክሻሩ ::

ለሞታ : ቀብር : ኢረክባ ፤ ከሎሀይ : ትከራ : ቱ : ለጣሩ ::

ከበር : ገአ : ወድ : ደሲት ፤ በርዳ : ዲብ : ክል : አስራሩ ::

እሊ : ላብእ : ቱ : እብ : እንቃይ ፤ አብጣር : ሰአና : ለስቃሩ ::

10 ምን : ቀዳምያም : ደይ : ትረክብ ፤ ጼንሁ : ሰና : ወዕሻሩ ::

ጽኑዕ : ሞቱ : ዲብ : ሸመት : ታ ፤ ምን : ልትከለእ : ለድራሩ ::

ወሐርማዝ : ሞቱ : ዲብ : ቀርኑ : ታ ፤ ወትግራይ : ሞቱ : ዲብ : ማሉ ::

206

ዝማም : ወድ : ዕንክር ::

ዓመት : ሰብ : ገጽ-ገምሮት : ለቤላ ::

1 “እኩይ : ሀላ” : ወቤላ ፤ ሕመድ : ግሳስ : ወረአያ ::

አቡካ : እላ : ጎረቶት ፤ ትቀዌት : ዲቡ : ገበያ ::

ግውሐ : ለአስሐይታ ፤ ወቀርጠጦት : ለእደያ ::

ተልቡስ : ለላሊሃ ፤ ወጸለሚት : ለዕጩያ ::

5 መርሐባ : ዎ : ካቦይ : ወድ : ዕሉም ፤ ለእላ : ሐዛ : ረክቦያ ::

ኢትክለባ : ውላዳ : ፤ ተውሊደቱ : መን : ረአያ :

ወኢትክለባ : መርዓቱ ፤ ዲብ : ለረአስ : ለዐርቀያ ::

ክምሰል : ልብድ : ወድ : ዕሹር ፤ ለዛምተት : ምን : ተሐት : ጸንሐያ ::

ሱብክ : ከልኣ : ወስግም ፤ ነሐራ : ቱ : ለዲቡ : ተክለያ ::

10 ምን : ኖሳ : ከሬቶ ፤ ነፍሳ : ምንዲ : ሐዘያ ::

ክምሰል : ህብቴስ : ወድ : ተክሌስ ፤ ግልብ : ታ : ለዲባ : ዐጸያ ::

ዕላላት : ወድ : ጉብኻ ፤ መዐጸ : ዐድሐ : ደብአያ ::

እት : ጸብኢት : ልትብገስ ፤ እንዶ : ዘምታ : አተያ ::

እት : ገደቦ : ልትብገስ ፤ ቤት : አብ : አምር : መርዐያ ::

15 ሐቆ : አብ-ግሳስ ፤ እብ : ደረቦን : ከለያ ::

ዕጅል : ወድ : መንደር ፤ ምዕኸረን : ቱ : ለአሉ : ሰብረያ ::

ወድ : በኪት : አማኖት ፤ ፊርዑ : ለቀጭፍ : ኢረአያ ::

አብ-እድሪስ : ወአብ-መልካ ፤ ለታይቦታተን : ሐድገያ ::

ከንፊር : ሐቆ : አብ-እድሪስ : ታ ፤ በዲር : ሐቆ : ትቦሀለያ ::

20 እርደት : ጋልዕ : ቱ : አብ-መልካ ፤ ዊኻ : እኹት : ገበያ ::

ለሰካ : ለነሽዕ ፤ ወለት : ደል : ለሐድገያ ::

ወለት : ደል : ወዐድ-ዐይላይ ፤ ምስል : ለሕርቡብ : ከረያ ::

ክልኤ : ለእዘን : በኪታት : እት : ለሀራ : ነጽፊያ ::

ዲብ : ለአሐሆም : ጣላታት : ዲማ : ለጽምቡል : ኢረአያ ::

25 ገምያ : ወድ : ኩፋብ : ምን : ተላዩን : ደርቦያ ::

ሐረባ : ወድ : ጅኘይ : አከልዕተን : ቱ : ከረያ ::

ሰባክ : እብ : ከሬር : ቤቱ : እንዶ : ፊለያ ::

ከራዩሁ : ልትከሰት : ዝምትት : ወስርቅት : ለረአያ ::

ጋሻዩ : ልትከሰት : ታርድ : እንቱ : ጸንሐያ ::

- 30 ክልኤ : ለእልከት : ቤት : ገብሻ : እት : መናግእ : ወድቀያ ።
 ወድ : በታክ : ሀሮማይ ፤ ለዛምተቱ : ትጋንሐያ ።
 አናማ : ዲብ : ለቀባዬ : እክራረቺ፣ : መን : ረአያ ።
 ላሊ : ክላ : እታኤ ፤ አስክ : ለጽፋይ : ወድቀያ ።
 ዳይር : እብል : ወየሐንስ ፤ ለሃማ : ለስሮት : ነተለያ ።
- 35 ወእዘግዝ : ሰለባ ፤ ለዲብ : ለፀራብ : ትወንያ ።
 ገጽ-ገምሮት : ወቤልታ ፤ ሓልብ : ክቡድ : አተያ ።
 ታብልንጂ : ወገተን ፤ ረአስ : ገናይዝ : በከያ ።
 ክርምብራ : ወሐሊቦ ፤ ዳራት : እንተን : ነጽፊያ ።
 ገሉብ : መስከብ : ዳመራብ : ታ ፤ መላቅሳያ : ወንያ ።
- 40 ኢሰብካ : ምኛ : ወኢሳግማ ፤ በዲር : ለዲባ : ነድቀያ ።

207

ሰምራ : ወድ : ሙሳ ።

- ገርሳ : እግል : ልኢሬ : ምን : ጌሳ : ምስል : እዙዝ : ወኢያሱ : ለቤሻ ።
- I ገርሳ : ግስና : ምስሎም ፤ ውላድ : ለደፊራና ።
 እላ : ትመርር : ዲብና ፤ ዎ : መላህይ : ምን : ቀባና ።
 አቡካ : ትዕስ : ሚ : ቡ ፤ ምን : ክል : እከት : ትዳላ ።
 መሐመድ : ጅምዕ : ሰልም ፤ ለወለት : ዐድ-ሐሳማ ።
- 5 ሀታማ : ኢትስእዮ : ቱ ፤ ሸዮብና : ወተራና ።

208

ገርሳ : ምን : ጌሳ : ሀዩ : ለቤሻ ።

- I ገርሳ : ቱ : ግስና ፤ ምስል : ለውላድ : ሐነቅቅ ።
 ሐዋቶም : ለሐርብ : ኢጸራ ፤ ወእማቶም : ለመጥሕን : ኢደቅቅ ።

ትዘበሽሕ : ኑብራ : እዲና ፤ እንዴ : ከአፎ : ታ : ትፈንጭጭ ::
አቡካ : ትዕስ : አለቡ ፤ ምን : ክል : እኩት : እት : ነጭጭ ::

209

ገርሳ : ምን : ጌሳ : ሀዩ : ለቤላ ::

- 1 እዙዝ : ወእያሱ ፤ ትዳግም : ሀሌት : ዲብ : ዐዳ ::
ዲብ : ዊርዊሮ ፤ ሳገመት ፤ እንዶ : አሬቶ : ለገርሳ ::
እግል : ፈልፈሎት : በላ ፤ ዎ : ዛይድ : ወድ : ገብሻ ::
ሻይብ : እንቱ : ልልኡኮ ፤ ክእኛ : ሸሌጥ : ክምሰልካ ::
- 5 እላ ፤ አማነት ፤ ሸራ : ወሀራ : ልክልክካ ::
ወአት : ለተላይ : አምኛ ፤ በይአ : እምበል : መሐልካ ::

210

እት : ለብካይ : ዓመት : አክሐዳ : ለቤላ :: 1) እብላ ፤ ዓመት : ሕ
ማም : ዐላ : ወእቡ : ብዙሕ : አዳም : ትለሐሳ ::

- 1 አይ : ትቤ : ወበኬት ፤ ክል : ቤት : ዲብ : ለካከታ ::
ምን : ብእሳ : ዲብ : ወልዳ : ብርድት : ሚ : ቡ : ምዖተታ :
ዕጅል : አምና : ምን : ሐድጋ : ገብአት : እሉ : ደረሳ ::
ኢረከብ : ውላድ : ደኢኮኔ : ዲብ : ሚ : ገብእ : ወትዐሳ :
- 5 ዘርእ : አክያር : ሰልማ ፤ እንታ : ትካይድ : ለእርፈታ ::
ሐልፋ : ላማ : ደፊራ : ለመሀንንዩ : ምን : በዳ ::
እት : ሚ : ቱ : ክት : ለምኒካ : ትብል : ለእላ : ኢሰዐካ :
አምዕል : ተሀመት : ወፈሀመት : አያ : አካን : ጸንሐካ :
እንሻላ ፤ ግቡ : ልደብእ : ባብ : ለምኑ : መጽአካ ::

1) ሰብ : ሰለስ : መፍለስ : ዓመት : ድርግግ : ልብላ ::

ዐሊ-ኬር ፡ ወድ ፡ ዳይን ፡ እት ፡ ቅብላታ ፡ ለቤላ ፤ እግል ፡ ዐድ ፡ ሰምራ ፡ እት ፡ ልበኬ ።

1 አማኑ ፡ ቱ ፡ ሰምራ ፡ ወድ ፡ ሙሳ ፤ አማን ፡ ታ ፡ ክላ ፡ ምብላሱ ።
እም-ራዮት ፡ ወእም ፡ ዳይር ፤ ለውላድ ፡ ሐድጋ ፡ እማቱ ።
ወድቃ ፡ ለቤት ፡ እም-ራዮት ፤ ማሌ ፡ ጌሰት ፡ ትንፋሱ ።
መርሐባ ፡ አብ ፡ ዓምር ፤ ሰቲር ፡ ሕጌ ፡ ስኛቱ ።

5 እት ፡ ልቡሎ ፡ ተአሰራ ፤ መጽእ ፡ ወባትክ ፡ ዐቅዋቱ ።
ዎሮት ፡ እንክር ፡ እብ ፡ እክል ፤ ወዎሮት ፡ እንክር ፡ ስጋ ፡ ቱ ።
ትቀልዕት ፡ ዲብዬ ፡ ለመንገድት ፤ ክል ፡ ቤት ፡ እናስ ፡ እናሱ ።
ወከብድ ፡ ሐካ ፡ ኢትበርድ ፤ ምዕጥን ፡ ምን ፡ ለጋማቱ ።
ወክአፎ ፡ ሀላ ፡ እም ፡ ዳይር ፤ ቤታ ፡ ዲብ ፡ ለምንዳቱ ።

10 በኪት ፡ እብ ፡ ለበከቱ ፤ ልጽበጥ ፡ እቱ ፡ ልባሱ ።
ቤት ፡ ለብዙሕ ፡ አካሉ ፤ ሙሉእ ፡ ኑብር ፡ ለአክሻሹ ።
ወቤት ፡ ለብዙሕ ፡ አዳሙ ፤ ዐሌበሌ ፡ ታ ፡ ምክያዱ ።
ወቤት ፡ ለብዙሕ ፡ ሐሊቡ ፤ እብ ፡ ሐነክል ፡ ታ ፡ ፍጭላቱ ።
ሕሩይ ፡ ትብል ፡ አብሩዶ ፤ ወሕሱፅ ፡ እግል ፡ ሕሻቱ ።

15 ቤልታ ፡ ዔረት ፡ ዐድ ፡ መሐሙድ ፤ ትክምትክል ፡ ምሸጎቱ ።
ከብድ ፡ ለአላሆም ፡ ብሌታት ፤ ለጋሾታቶም ፡ ግል ፡ ለዓዱ ።
ገዋ ፡ ገብእ ፡ ትፈረረት ፤ ዲብ ፡ ለሰፀር ፡ ለሕማጡ ፡
ማ ፡ በአት ፡ መሓዝ ፡ ቀንሸሉቅ ፤ ዲብ ፡ ለማይ ፡ ለጋማቱ ፡
ስምሓኖ ፡ ጀለጅል ፤ እብ ፡ አጣላይ ፡ ቱ ፡ ሕራሱ ።

20 እምበል ፡ ዐድና ፡ ሚ ፡ ገብእ ፤ ለሀመም ፡ ልብል ፡ ጣራቱ ።
በዲርማ ፡ ሰመሪት ፤ ክልአት ፡ ወክልአት ፡ ታ ፡ ቅብራቱ ።
ወርኤና ፡ ቡላ ፡ ዐንሰባ ፤ ምን ፡ ዐድ ፡ አቦት ፡ ለርጋዙ ።

ረአያ : ማ : ሚ : አብ : ፍዴል ፤ እሊ : ውላድ : ለጎማቱ :
 እት : ዝምትት : ልውዕዎ ፤ ቀጻፍ : አምር : ዝሸጠ ::
 25 ወእት : ሕረጽ : ሐዝዎ ፤ ዲብ : ገደቦ : ተልጋ : ቱ ::
 ወለት : ሐጸይ : እግል : ሸንቱ ፤ ወገርቦት : በይእ : እግል : ማጸ ::
 ስምሐኖ : ዳፍላ : ወድ : ሕመድ ፤ ተርፋ : ምስል : ሙብላቱ ::
 ወአት : ኢኮን : ወጠሊት ፤ እምበል : ለጽዒን : ውላዳ ::

መንታይ : ወድ : ዘርአት ::

ገደቦ : ከንቴባይ : ብእምነት : አጋሁ : ክም : ፤ ስኦት : ለቤላ ::
 I መቱላ : መስመር : ቱ : አጽብጥንሃ ፤ እግል : ልዳብእ : ለሐምያታ ::
 ዝምትት : ለቤታ : ትትለያ ፤ እላ : ናይና : በኛ : ታ ::
 እላ : ወጋና : ወደያ ፤ ለኢትባልዓ : ወኢትሳታ ::
 እላ : ወበዐል : ደም : ወደያ ፤ ዐድ : ሕድ : ቃትል : ለውላዳ ::
 5 ምን : ትዘመት : ምን : ቤልታ ፤ ሀታማ : ክም : ለእማታ ::
 ጸርጽር : ዐለት : ለሆባያ ፤ ወድቃ : ዲባ : ለሐርማዝ ::
 ወምን : ትዘመት : ምንድላ ፤ አግናድ : ሚ : ቡ : ለተአካ :
 እማ : ወለት : በሀዳራይ ፤ ዎ : ሸካይ : ለዘዐቹ : በላ : ታ ::
 ዲብ : ዐዳ : ጸዳቅ : ተሐብረኔ ፤ እግል : እትመዬ : ቱ : ለመሐዛ ::
 10 ጸዳቅ : ለካይን : ልትላኬ : ወካይን : ጸዳቅ : ወኢትላካ ::

ዐድ : ገብሬስ : ወዐድ : ሐፈሮም : ገዳባም : ዐለው :: ከመንታይ :
 ምን : ዐድ : ሐፈሮም : ቱ : ወዐድ : ገብሬስ : እግል : ልብደው : እት :
 ልትምኔ : እላ : ሐላ ::

I ገድካ : አቤ : ትታሌ : ለምዕል : አብ : ለሐጠፋ ::

ወአዜማ ፡ ወእሉ ፡ እረኸብ ፡ ወለሐሁ ፡ ክምሰልሁ ።
 ምን ፡ ፈጽሐት ፡ እት ፡ ላባ ፡ ሮሜመራት ፡ እንታ ፡ ሰከኑ ።
 ምን ፡ ፍልቅ ፡ እት ፡ ጸብር ፤ ወምን ፡ ዕሉሊት ፡ እት ፡ በሉ ።
 5 ምንድሎም ፡ ለፈግራ ፤ ጸብጥ ፡ ም-አና ፡ አጀሉ ።

214

ጀመረ፡ ወድ፡ አሚር፡ እት፡ ቅብላታ፡ ለቤሻ ።

1 “የምና፡ ድለው” ፡ ወእምቤሎም ፤ ተክሌስ ፡ ወመንታይ ፡ ወድ ፡
ዘርአት ።
 ምን፡ እንገይስ፡ እት፡ መልቀም ፤ እት፡ ሸሐጠት፡ ወእት፡ ገርሰት ።
 እት ፡ አካና ፡ ትጸኝሐኸም ፤ ወለት ፡ ሐጸይ ፡ ለእሸነት ።
 ሐቅሆም ፡ ሀሌት ፡ ትትሓሰብ ፤ በዲርማ ፡ ኦቤ ፡ አድረረት ።
 5 ሰልሞ ፡ እግል ፡ በኪታ ፤ ወለት ፡ ፈቲል ፡ አድሐነት ።
 ጽኝት ፡ ሐቆ ፡ መምባኪ ፡ ታ ፤ ወሐጠር ፡ ሐቆ ፡ ብእምነት ።
 አሮ ፡ ከሉ ፡ ትተምኔኪ ፤ ከረአስኪ ፡ ኬዳ ፡ እብ ፡ ቅሸት ፡
 ወአሮ ፡ አግቡይ ፡ ከልኡኪ ፤ ከንኢሸቶ ፡ ሸብሸሸት ፡
 ልትምኔኪ ፡ አለቡ ፤ ወልስዔ ፡ ዲብኪ ፡ እብ ፡ ረቅቦት ።
 10 ከይዳ ፡ አለቡ ፤ በልቀት ፡ ዐላል ፡ እብ ፡ ሐምለት ።
 እንፍሕ ፡ ሸሸር ፡ ታ ፡ ኢትፍርሀዋ ፤ ምን፡ ትትፈትሕዲ ፡ ወሀፍለት ።

215

መንታይ፡ ወድ፡ ዘርአት፡ ሀዩ፡ ለቤሻ ።

ዐድ-አስምዔ ፡ ባቅለት ፡ ወጽግብት ፡ ዐለት ። ወሐድ ፡ ብዝሐሃ ፡
 ወጽጋባ ፡ እብ ፡ መለከት ፡ ትትሓሰብ ፡ ዐለት ። ከሰብከት ፡ ምን ፡
 ጉሸእ ፤ እግል ፡ ዕንክሌት ፡ ራክቦት ፡ እት ፡ ምግብ ፡ ለቀዐረታ ፡ እንዶ ፡
 ትወድያ ፡ ተሐጽር ፡ ወለመትሓስባይ ፡ እት ፡ ረአሳ ፡ ፈግር ፡ ሀላ ።

ወልሔታ : ድኔሃ : መጋርሕ : ወጀ : ነብራ :: ወሐር : ምን : በዴት : እላ : ሐላ ::

I ባብ : ጀንገሬን : ተከርም ፤ እንዶ : ትደርክ : ለአካባ ::
ወሻብራ : አኸዐል : ሻውኖ : እላ ፤ ኔዋት : ለግሩም : አኸራማ ::
ውላዳ : ሕምሩግ : ልትዓዴ ፤ ወጋድም : ምህራ : ቱ : ጥናባ ::
እብ : መለከት : ታ : ሕስበታ ፤ አዳምዲ : ከአፎ : ወዐራ : ባ :

5 ድቢት : ለእንዳይ : ተደርር ፤ እንዶ : ትማልእ : ግራባ ::
ወድቢት : ለዜምታይ : ትትከሰት ፤ ነስራ : ጸግባ : ወጋባ ::
አምዕል : ለምግዓዛ ፤ ግልታ : ገበይ : በኖ : ባ ::
ልሔታ : ለአውለት : ተቅሎሌ ፤ እብ : ዘገራ : ወእብ : ሃባ ::
አውል : ለስሕል : ደኖ : ባ ፤ እንዶ : ከኛፅ : ሐላባ ::

10 መንደቃ : ለቤረቅ : ልጃሰር ፤ ካስተት : ኢኮን : ምን : ላባ ::
ዐደገው : ወሊባን ፤ በኑ : ተርፋ : ረዐዳባ ::
ክም : ቤት : ዘርኡ : እት : ሮራ ፤ ወክም : ዐድ : ድብራይ : ጋላባ ::
ዛውል : ለጋሻይ : ትከተለት ፤ ወጠቀር : ለአድጋ : በዳ : ባ ::
ሸራ : ወሀራ : ልክልክሎም ፤ ሻረት : ለዐድና : በዳ : ባ ::

15 መን : ባቅል : ኢበጀ ፤ እዲና : ሚ : ቱ : ቀዳማ :
ትምክኤል : ወልባብ : ወድ : ጀሚል ፤ ዲብ : ተንጎጌ : ምን : ደዓማ ::
እብ : “ሚ : እጀረር” ፤ ራትዐት : ሚ : ታ : ገርዝማ :
“ቅነጽ : ወክብ : በል : ምን : መሐበር” ፤ ሰኔት : ሚ : ታ : እላማ :
ቤት : አብ : አካብ : ለስትህላ : ምንማ : በዝሕ : ማላማ ::

20 ወቤት : አብ : ጀመም : ተስትህላ : ሐምቃ : ወለፈዳባ ::
ለኖሹ : እግል : ሐምዳ : ምስጢራ : ባዲ : ቱ : እት : ባባ ::
ወእግል : ሚ : ኖሹ : አከልል : ኢረክሻ : ለዐራ : ባ ::
ሰልሞ : እግል : በኪታ : ወለት : ሕታ : ታ : ዝላማ ::
“አቅብል” : ፋርሀ : ኢአና : ምን : እትከተል : መምብሃማ ::

25 ምንዲ : ሰኔ : ለአደባ ፤ እግል : ንትቀሐሽ : ቱ : ሕናማ ::
ለሊት : ሰክባ : አቡካ ፤ ሰኒ : ቱ : ክቡድ : ቀባማ ::

216

ካምል : ወድ : አብ-ሰላብ ::

እብ : በዳ : ቤት : አብሁ : ወአላሁ : ለቤላ ።

I ወለት : ማይራ : እት : ገለብ ፤ በላ ፤ ም : እድሪስ : ወድ : ገብሻ ::
ውላድ : ለድኔ : ልትቀሐሽ ፤ ልጃም : ወባይራይ : ወሀርከታ ::
ስካብ : ላሊ : ትከልአኛ ፤ መቴላ : እላ ፤ ስዕለታ ::
ወላሊ : ከአፎ : ሰክሻ ፤ ዕዳር : ለነፍሱ : ኢበሐታ ::
5 አፍ-ልጋሙ : ትትገኝድ ፤ ቀይም : እብ : ለትረታ ::
ከራዩሁ : ትትከሸት ፤ መውዲሃ : ገለብ : ወኢአታ ::
ጋሻዩ : ትትከሸት :: ትብል ፤ “ ደሐን : መጽአካ ” ::
ወቀራ : ወደንጉር ፤ ወአፍ-ልጋሙ : ለእልከታ ::
ሐብር : ወገርሀት : አብ-ባይራይ ፤ ለጋድመት : ዲብ : ለረሃባታ ::
10 ደረቃ : ወሸርም ፤ ሰብ : ወዓለን : ትደንከካ ::
ኢልትዐደብ : ቱ : ካድማዩን ፤ እብ : ሰራሪት : ወእብ : ወዐጋ ::
እት : ለረአሱ : ልትጋሴ ፤ ዕያቡ : እንዶ : ሸክሸካ ::
እንዴ : ግነሕ : ም : አብ : መስመር ፤ ከሬር : እንዶ : ትወረሳ ::
ሳምን : ታ : ነብራ : እዲና ፤ ክል : ቤት : እብ : ለሰነታ ::
15 ከሬር : ተርፋ : ድመኑ ፤ ከዛውላይ : ርኤና : መንገሳ ::
ዐድ-ዐንደሎይ : ሰብ : ገለብ ፤ ጋድአይ : ምንክብ : ሰአነታ ::
እግል : ልክልእዎ : ቱ ፤ ሕምቅ : ረአስ : ለገርሀታ ::
ገርሀትና : ሀብና : እብ : ዴርሀ ፤ ከሰአኛ : ርብዐት : ሐመዳ ::
ጀፈል : ትብል : ክሙጅን ፤ እንደይ : ተአምር : ለሐለታ ::

20 ግልት : ወሴማ : ኢተአምር ፤ አሚን : ሰአነት : እብ : በዳ ::
 መርሐባ : አሸዐል : ዛሬዳ ፤ አሰኛይ : ደሐን : መጽአካ ::
 እንታዲ : ክትል : ቱ : ተፈግር ፤ በዐልካ : መሐዝ : ክም : ተዐዳፎ ::

217

ተስፋምኬል : ወድ : አፍታይ ::

እብ : ድመሉ : ለቤላ ::

I ለቀስነኛ : አለቡ ፤ ምን : እንመይት : አዜማ ::
 እንቱምዲ : ቃትላይኩም ፤ “ትበርድ : እልዬ” : ወኢቤላ ፤
 ለጀሀራይ : አስክ : ፍግረቱ ፤ ወአስክ : ትወጅቅ : ለኬማ ::
 ሕና : ነፍስና ፤ ከንዶእ : ለእሉ : እንስኤ : እላ ::

5 ሰልሞ : ወለት : ክላሉ ፤ ዎ : ጸርና : ነሐሜ : ሚ : ሀሌና ፤
 ለእጅት : ክም : ቀጃል : ታ ፤ እምበል : ሕጭር : ግሬና ::
 ምን : ሰፍሬት : ኢጸግበት ፤ ምን : ሽራፍ : ለእንጌራ ::
 ምን : ሰቲት : ኢረዌት ፤ ምንማ : ጀቅፈት : ምን : ዔላ ::
 ድመልዬ : ግናዘት : ታ ፤ “እማንያ” : ለቤላ ::

10 ሰገንማ : ምን : ለውላዳ ፤ ቀልባ : ረሐቃ : ወሬማ ::
 ሰብ : ቱ : በዳ : እብና ፤ ወሕናማ : እብ : ሰብ : በዴና ::
 ቃትላይ : ሐና : ገንሐና ፤ ወናስኣይ : አሐና : ትጣዌና ::
 እርብ : ወዝግብ : እንሳትት ፤ ወሰገናይት : ቡ : ምን : ኬና ::
 “ብዴ : በዴኮ” : ታ ፤ ዲብ : ግን : ሐቆ : ተዐጺና ::

218

በዲር : ዐድ-ሐፈሮም : እብ : ዐለዮ : እት : ምድር : ቤት-ሸሐ
 ቀን : ሐምሕም : እት : እንቶም : እም-ደሲት : እሲት : ጀጊን : እቱ :

ሞተት : ወትቀሸረት ። ከሐር : ክም : አትቃበለው : ሐቲ : ዶል : ከ
 ንቴባይ : ብእምነት : ወተስፋ-ምኬል : ወድ : አፍታይ : ትበአሰው ።
 ከለዶል : ለፃ : ከንቴባይ : ግልወት : ወናይብ : እድሪስ : ወድ : ናይ
 ብ : ዕትማን : እት : ሐምሕም : ማጽአም : ዐለው : ከእቶም : እንዶ :
 ጌሰው : ትቀረደው ። ክል : ምኖም : ገብር : ወአመት : ወበቀል : ወ
 ክልአት : ምግዳ : አሐ : ሀበው : እግል : ለሸየም : እት : ቅብላቶም :
 ለትባጠረው ። ከለአመት : እት : ትገይስ : በኬት : ወእሊ : እት :
 ስምጥ : ለቀብር : እም-ደሲት : ቱ : ለገአ ። “ከሰኒ : ሰምዐት : እም-
 ደሲትማ : እት : ቀብራ” : እንዶ : ቤላ : እሻ : ሐላ : ተስፋ-ምኬል :
 ወድ : አፍታይ ።

- I ከለፈረም : እምዬ : እም-ደሲት ፤ ጋኑ : ሰክባ : ምን : ማሌ ።
 እብ : ዕንታ : ገንሐቶ ፤ ትክምክም : ኢኮን : ወትዳሌ ።
 እት : ሚ : ትበኬ : ረሺብ ፤ ለነዳብ : ምንዲ : ትታሌ ፤
 አቡካ : ድመል : ኢጠልቅ ፤ ከንዶእ : ሐቆ : ሕላሌ ።
- 5 መትብእሳዬ : እትበአስ ፤ ምን : ንቀሩ : እትካሬ ።
 ወሃርማዬ : ሀርሞ ፤ ወመዋርያዬ : እዋሬ ።

አብ-ሰላብ : ወድ : ፻፲፯ ።

እግል : ተስፋ-ምኬል : ለቤሻ : ክም : ሞታ ።

- I ደረብ : ጨዎ : ወክቡድ ፤ ጽዕናይ : አሴ : ደንዳኑ ።
 መሼልዕ : ወእንባራ ፤ ሳቀሎት : ለብጣሩ ።
 ብሐጽ : ወረሻን ፤ መረኹን : ቱ : ከብድ : ብካሩ ።
 አዜ : እግል : ገሸመሪት ፤ ትርኤ : ዲብ : ሰብ : ለዐዳሉ ፤

ጀሚል : ወድ : አሚር ::

ህቱ : ክስቴናይ : ዐላ :: ሐር : ለጸሯ : እንዶ : አመስለመው : አም
በጣ : እት : ቀደሚሁ : በሉዕ : ዐለው : እንዶ : ረቅባ : እግል : ለመ
ስልም : እንዶ : ቤለው : ከእላ : ሐላ ::

1 ከናይ : አቡዬ : ኢሐድግ ፤ ከኢእጸይም : ወኢእቀርእ ::
ወግምቡብለስ : ሚ : አቀብል ፤ ጸዋር : ረክበት : ወተሸብሕ ፤
ምን : እጸግብ : እከድብ ፤ ወምን : እሰፍሬ : እበልዕ ::
ደንቤራዩ : እቀንጥሽ ፤ ረክሴታዩ : እከልእ ::

5 መን : ሐርደዩ : እብ : ሸኸን ፤ ቅብለት : እንዶ : ለገንሕ ፤
ኢሰብኩኒ : እት : መሐበር ፤ ወኢልብሉኒ : እት : ረቢ ::
ህቶም : “ሸድ” : ምን : ልብሎ ፤ “ቅዱስ” : እብል :: ሚ : እገብእ ፤

ዐሊ-ኬር : ወድ : ዳይን ::

እግል : ዐድ-ዐንደሎይ : ለቤሻ ::

1 ዐድና : ክልኤ : ለረምሸቱ ፤ ለሐልባ : እብ : ለሕጋታት ::
ጸላም : ገብሬስ : ኢርኤካ : ባርሀት : ከልኢት : ነባሻት ::
ደረባ : ለሀረሚት ፤ ድርግም : ንዋይ : አራታት ::
እሸዎ : ገበይ : ወጎማት ፤ እሸዎ : ለደንን : እብ : መሐዛት ፤
5 ጸዳዲ : ጀጊን : ኢርኤካ : ለሐጽፍ : ዲባ : ራዛታት ::
ኢሀዩባ : እብ : ብላሽ ፤ ህቶምዲ : ለአሐሆም : ደላታት ::
ጽምደቶም : ክም : ዋኒን ፤ ወሰለልም : ክም : ዓጂት ::

ብእምነት : ናስአት : ጸዓዲ ፤ ወፍካክ : ናስአት : ጣላታት ።
 ሸክ : ቱ : ቤላ : አስፈዳይ ፤ ዲብ : ለክስታን : ሐራሳት ።
 10 ሀቱዲ : ሰታ : ከተዐዳ ፤ ከብዱ : እንታ : ማዳታት ።
 ቀይም : ካሉቅ : ነሐደኝም ፤ ሆይራታት : ለውላዳት ።
 ልሔታ : ተርፎ : ታስክንረዕ ። እሊ : ገአት : ወወዓዛት ።
 ሰልሞ : እግል : በኪታ ፤ ገአና : ደኢኮን : ሐማታት ።

222

እግል : ዐንጠጣ : በቤላ ።

1 ተስፋ-ገርጊስ : ስሙ : ታ ፤ ወአትካራሱ : ዐንጠጣ ።
 ፍትሕክ : ወዴክ ፤ ቤትካ : ዲብ : ለሸሸታ ።
 ቀደም : ለእናስ : ትጸገማ ፤ ወሐርማ : ለእሲት : ደርገጋ ።
 ሞከስ : ኢኮን : ወርኮት ፤ ሐብር : ቱ : ለእሱ : ዛበጣ ።

223

ሕላዩት : እናስ : ዕምዴናይ ።

1 ባርሀ : ባርሀት : ታ : መንገአቱ ፤ ወባርሀ : ባርሀ : ቱ : ከሌቡ ።
 ሐድ : ሊጊስ : ወብዙሕ ፤ ካይን : ጽዱቅ : ዐጆ : ቡ ።
 ክብድት : ትመጽእ : እብ : ቀላል ፤ ሕንጉግ : ለሐሸሸ : ልልዔ : ቡ ።
 ሐሸሸ : ነዳ : ምን : ገሸእ ፤ ኩሉ : ለድኚ : በደ : ቡ ።
 5 እትዩታት : ቀጻቅጽ ፤ ወመርዲ : ሐብፅ : ልትርኤ : ቡ ።
 ጸዐዳ : በትክ : በዐል : ጸዐዳ ፤ ወበዐል : ሔሌማ : ሔሌ : ቡ ።
 ቀይሕ : በትክ : በዐል : ቀይሕ ፤ ክል : ቤት : ለዘርኡ : ቀዌ : ቡ ።
 መውዲ : ምንዲ : መጽአኸ ፤ አባይ : ወራታይ : ትደሌ : ቡ ።
 ምንዲ : ተትቃምቶ ፤ ሀግዩ : ኢዳምዲ : ገሌ : ቡ ።

224

ስልማን : ወድ : ሰሊም ::

እግል : ከንቴባይ : ቴድሮስ : እት : ለሐምጆ : ለቤላ : ሕላየት ::

- I ሸሊ : ሚሊ ፤ ዶል : ለአንጎጋዩ ::
 ወሀተል : መተል ፤ ዙዕ : ለአትባዳዩ ::
 ሕሽፌራይ ፤ ግውሓ : ለእት : ከራዩ ::
 እሲቱ : እንጌራ : ኢተሀይሾ ፤ ወፍጭል : ምን : ንዋዩ ::
- 5 ሾከት : ለብዕ ፤ ግርሚ : እብ : አድማዩ ::
 ወጸፍር : ዕቀድ ፤ ተልጋ : እት : ጽዕናዩ ::

225

ይሸቲት : ወድ : ዕቅቤስ ::

እግል : መሐሙድ : ወድ : ዛይድ : ለቤላ ። እግል : መሐሙድ :
 ወድ : ዛይድ : ዐድ-ትማርያም : ዘምተዎ : ወሀቱ : እናስ : ቀትላ :
 ምኞም ። ደንጎባ : ሀቶም : ቀትለዎ ።

- I ሰኚ : ዋዲ : ቱ : ወድ : ዛይድ ፤ መዐጃብ : ሰኛይ : መርሐባ ።
 ወድቃ : ሰልፍ : ሸገልል ፤ ዓዳር : ኢኮን : ወቀባ ።

* * *

ሰኚ : ዋዲ : ቱ : ወድ : ዛይድ ፤ መዐጃብ : በዳር : መትብእሳይ ።
 ሰልፍ : ከራዩ ፤ ለመሸሎ : ክም : ሀዳይ ።

* * *

- 5 ሰኚ : ዋዲ : ቱ : ወድ : ዛይድ : መዐጃብ : በዳር : እንስእዮ ።
 ምን : ሰፍሬ : ገይዳት : ቱ : ብልዑ ፤ ምን : ጸምእ : አድማይ : ሰትዮ ።

* * *

ሰኚ፡ ዋዲ፡ ቱ፡ ወድ፡ ዛይድ፡ ወድቃ፡ ዲብ፡ ለምግባላ።
ክምሰል፡ መሐሙድ፡ ወወገባ፤ ወክምሰል፡ መዲን፡ ምራራ።
እብ፡ ሄሃይት፡ ሰቡካ፤ ሽዕበት፡ ሰብ፡ ለአማና።

10 ልሔታ፡ ለአውለት፡ ተቅሎሌ፤ ጋብአት፡ እንታ፡ ዝላላ።
ክም፡ ጀጊን፡ ወሕሜዳ፤ ዐድ-ሕምሩጋ፡ ሰብ፡ ጣላ።
ወድቆ፡ እታ፡ ጨመሪት፤ አሐሆም፡ ዲብ፡ ለምውራራ።
እሱቶም፡ ትሳግም፡ ግልሓይት፤ ወለቶም፡ ትበትክ፡ እሻራ።

* * *

ሰኚ፡ ዋዲ፡ ቱ፡ ወድ፡ ዛይድ፤ ክም፡ ወድ፡ እንዲር፡ እት፡ ገድገድ።
15 እሱር፡ ርጋዙ፤ እሉ፡ ትነሸእ፡ ለሸሸት።

* * *

ሰኚ፡ ዋዲ፡ ቱ፡ ወድ፡ ዛይድ፤ ክም፡ ወድ፡ እንዲር፡ ቀላቅል።
ልሱ፡ ለሐጺን፡ ኢአሌ፤ ዓርባይ፡ ለገሮብ፡ መናክል።

* * *

ሰኚ፡ ዋዲ፡ ቱ፡ ወድ፡ ዛይድ፤ ክም፡ ወድ፡ እንዲር፡ እት፡ ዐይግ።
ልሱ፡ ለሐጺን፡ ኢአሌ፤ ርመሽ፡ ሐሩጥ፡ ወአሰይፍ።

* * *

20 ሰኚ፡ ዋዲ፡ ቱ፡ ወድ፡ ዛይድ፤ ክም፡ ወድ፡ ጀሃድ፡ እት፡ ለብካ።
ምን፡ ለእሱቱ፤ ሰለስ፡ ቤላ፡ ወመሻ።
ወእንታ፡ ሰኚ፡ ወዴካ፤ ገድም፡ ጀነት፡ ትጸኝሐኻ።

* * *

ሰኚ፡ ዋዲ፡ ቱ፡ ወድ፡ ዛይድ፤ ክምሰል፡ መርዕድ፡ ዕርጋሊ።
ሰልፍ፡ ከራዩ፤ ቀይሕ፡ ጽፍሩ፡ ቀታሊ።

* * *

25 ሰኚ፡ ዋዲ፡ ቱ፡ ወድ፡ ዛይድ፤ ክምሰል፡ ሀብቴስ፡ ዐንደለት።
ዓያ፡ ግራ፡ ወድ፡ ተክሌስ፤ ለዛምተት፡ እሱ፡ አሰአለት።
ለረበዕ፡ እንዶ፡ ዘገዎ፤ ከረው፡ እቱ፡ ጀደለት።

* * *

ሰኚ : ዋዲ : ቱ : ወድ : ዛይድ ፤ ክምሰል : ሀብቴስ : በረብር ::
 ወእንታ : ሰኚ : ወዴካ ፤ እት : ጀህ : ምትካ : ወእት : ዕምል ::
 30 እላ : ናይካ : ለረክባ ፤ አዳም : ዲማ : ሚ : ነብር :

* * *

ሰኚ : ዋዲ : ቱ : ወድ : ዛይድ ፤ ክምሰል : ፍካክ : እት : ጸብር ::
 ከራያ : ልዳገን ፤ ዋኒና : ሓርድ : ክም : እግል ::

እዛዝ : ወድ : ፍዴል ::

ሰሰት : መንሰዕ : ክጅፎ : ክም : ዐለት : ለሐሊያ ::

1 ሀይገት : ሓድግ : ቱ : አቡካ ፤ ሀታ : ትጥዕም : ምን : ሐሊብ ::
 ወአዜ : ብሌን : ሳገምና ፤ ሸባብ : በርካ : ለእት : ሰንሐት ::
 ሞላድ : እንዶ : ረመቅና ፤ እብ : ሓዚ : ለነበሪት ::
 ወሀይገት : ሓድግ : ቱ : አቡካ ፤ ሐቆ : ለሰብኦ : ሸገሪት ::
 5 ብዙሕ : እንሱሳ : ታ ፤ በርዐድ : ወጣላ : ወድሪት ::
 ወብዙሕ : አካላ : ታ ፤ ተርፍ : ዲብ : ለወደኒት ::
 ወብዙሕ : ሐሊባ ፤ እንደይ : ዛሬ : ክም : ውሐዝ ::
 ወብዙሕ : ሐሳሳ ፤ ዳንን : ኢኮን : እግል : ወሪድ ::
 እግል : ጋሾታት : ልጸሸሕ ፤ ሰለስ : ሐባብ : ወሰንሐት ::
 10 ወብዙሕ : አምያሳ ፤ ሐንዝር : እት : ለዘነኒት ::
 ሸኖምታ : ልሻክር ፤ ወዋጦት : ትወጄ : ዔደኒብ ::
 ብዙሕ : ትግሬሃ : ተለክ : ወጄ : ገለጸት ::
 ወብዙሕ : አማታ ፤ ባይራ : ጸላም : ቀረጨት ::
 ወብዙሕ : አክባታ : ሐሪር : ወሕረት : በለሊት ::
 15 ደሀብ : ወሶሚት ፤ እሉ : ለድድ : ሰብ : ጸንዒት ::

- ወብዙሕ፡ አሩያ ፤ ተሀናግላ ፡ ክል ፡ ድቢት ።
- ወቃስነት ፡ መርባታ ፤ ባይደት ፡ ኢኮን ፡ ወትዊት ።
- ከረም ፡ ሀይገት ፡ ተከርም ፤ ወቀይም ፡ እት ፡ ለረወሪት ።
- ተለይታ ፡ ኮሪት ፡ ልተልሄ ፤ ወመውዕለታ ፡ ለገንጊት ።
- 20 እብ ፡ ገነኝት ፡ ትትማዜ ፤ ሐርማዝ ፡ ትገብእ ፡ ወደርሂት ።
- ለሮራ ፡ ብዙሕ ፡ ቱ ፡ አርዛቁ ፤ ሸዓይር ፡ ወለሸረርኒት ።
- ቀይም ፡ ለስሕል ፡ ሰብኮ ፡ ባ ፤ አካን ፡ ዐባይ ፡ ወስሚት ።
- ልትከሎላ ፡ እብ ፡ አፍሩስ ፤ ኢሀዩባ ፡ ለሀረሚት ።
- ወአዜ ፡ ሰምሀር ፡ ቱ ፡ ደነኛ ፤ እት ፡ ውላድና ፡ ወእት ፡ አምራት ።
- 25 እና ፡ አስኑ ፡ ወዕሸር ፤ መጽአናኩም ፡ ቱ ፡ ቤት ፡ ሕኒት ።
- ውላድ ፡ ሕሩጥ ፡ ሰይፉ ፡ ቶም ፤ ውላድ ፡ ሓያት ፡ ወአለሚት ።
- አብዕቦታትኩም ፡ ለቀዳም ፤ በዲርማ ፡ ሓድግ ፡ ቱ ፡ መድገሚት ።
- ምን ፡ ዘመታ ፡ አቱ ፡ ባ ፤ ወዱ ፡ ዲባ ፡ ገነዲት ።
- ለዘመተት ፡ ለተክሩ ፤ በልሶ ፡ ዲብ ፡ ለአፈቲት ።
- 30 መይቶ ፡ ዲባ ፡ ወቀትሎ ፤ እግል ፡ ለአሐሆም ፡ ዐረቢት ።
- ሞላድ ፡ ሐዋን ፡ ልትፈሌ ፤ ሐደግ ፡ ዲብካ ፡ ክል ፡ ግምጫት ።
- አብ-እያሱ ፡ ልፍትሓ ፡ እሉ ፤ እላ ፡ ዋዲ ፡ ቱ ፡ ዲብ ፡ እኸት ።
- ወለትና ፡ ናይብ ፡ ሀድያ ፤ ከነሐሩ ፡ መልእ ፡ ምን ፡ ድቢት ።
- ነሀዴ ፡ ወለት ፡ አስገዴ ፤ ሰለስ ፡ ሐባብ ፡ ለጸንሚት ።
- 35 ወነሀዴ ፡ ወለት ፡ ቤት ፡ ዐውቄ ፤ ሰብ ፡ ለንዋይ ፡ ለወሊት ።
- ወነሀዴ ፡ ወለት ፡ ዋዝንተት ፤ ሕውዝ ፡ ወዱ ፡ ወሕሪት ።
- ነሀዴ ፡ ወለት ፡ በላይን ፤ ሰለስ ፡ ሕምሳ ፡ ለደገጊት ።
- ሰኬናይት ፡ ወሀብቶይ ፤ ዘርኣይ ፡ እምብል ፡ ወዘርኢት ።
- ወነሀዴ ፡ ወለት ፡ ጅመጃን ፤ ኤሎስ ፡ ወክፍሎም ፡ ወተክሊት ።
- 40 ቤት-ቶሽም ፡ ሰብ ፡ ሮራ ፤ መምባ ፡ ኩሉ ፡ ለረወሪት ።
- እሎም ፡ ቶም ፡ ለእሎም ፡ ንትሓሚ ፤ ሐሸት ፡ ኢኮን ፡ እብ ፡ ድሊት ።

ክእኛ : እንደ : ነበርና ፤ ከአዜ : ገአና : መተልሂት ።
 ኢትገብአንሃ : ዲብ : ጽንዕ ፤ እብ : ግንዳሌ : እግል : ሐሊፍ ።
 ወኢትገብአንሃ : ዲብ : ጽጋብ ፤ ድቢት : ዐቫይ : እግል : ሐሊብ ።
 45 አቅሩሽ : እግል : ነግሸር ፤ ወእግል : ንክብብ : መተሊት ።¹⁾

227

እክድ : ወድ : ፍዴል ።

ሀብቴስ : ክም : ሞታ : ለቤላ ።

I ገለብ : ሀብቴስ : ታ : ጨላሞ ፤ ታይብ : ገጸን : ቱ : ወግራ ።
 እት : ቦሸት : ጠርቃ : ባ ፤ ዐገባ : ለሕምብራ ።
 እንደይ : ተሰልሞ ፤ ሐሊፍ : ከንፈር : ሕውኛ ።
 ውሕስ : ሚ : ባ : ጨላሞ ፤ ክእኛ : ለጸገም : ፋንኛ ።
 5 ጌሳ : እት : አፍ : ሕላሌ ፤ ለመርከብ : እንደይ : ለስትህላ ።
 ጽወይ : ለደረቢሃ ፤ ወሸኑኩይ : ለመስእላ ።
 ደል : ምን : መላህይ ፤ በዐል : ህዲማ : ልብላ ።
 ለቁሾት : ባብ-ሰራቅ ፤ ተዐመለታ : ብስምላ ።
 “ደብር : አና” : ልብለኛ ፤ አውላይ : ገብር : ሸንፍላ ።

228

ሀብት-ገርጊስ : ወድ : ጀሃድ : ለቤላ ።

I እብ : በይኛ : ቱ : ደነኛ ፤ አና : ወእንታ : ም : ናውድ ።
 እት : ሐርስ : ንትበገስ ፤ አዳም : እንደይ : ጸምድ ።

1) Hinter V. 15 ist im Manuskripte noch der Vers ውብዙሕ : ጳርዛቃ ፤ አፋይ : ወለመተሊት ። hinzugefügt. Der Vers ist kaum ursprünglich, zumal in V. 16 gleich wieder von አፋይ die Rede ist. Ich habe ihn daher nicht in den Text gesetzt.

እብ፡ ዐሻይ፡ ንትበአሾ ፤ እግልና፡ ሐቲ፡ ለአጸብጥ ።
ለረሺ፡ ሀይሾ፡ ቱ ፤ ለፈዳብ፡ ልትበሀል፡ ወላብብ ።

229

ህብት-ገርጊስ፡ ወድ፡ ጀሃድ፡ ሀዩ፡ ለሌላ ።

I አምና፡ ዋለኮ፡ በላ ፤ ም፡ ሐምድ፡ ወድ፡ ዛይድ ።
ኢወዴና፡ እት፡ እምብል ፤ ኢሐሚኛ፡ ለማይት ።
ቀስነው፡ ምስል፡ መምብሆም ፤ ግልሆይ፡ ወዜዳን፡ ወዛይድ ።
ምን፡ ሐረት፡ እንዘምት ፤ ሐዳር፡ እንቱ፡ ለሸካይክ ።
5 ወምን፡ ምዕጥን፡ እንዘምት ፤ ኔዋት፡ ወለሰማይት ።
ወምን፡ ደብር፡ እንዘምት ፤ ምን፡ ለረአስ፡ ለሰጋይድ ።
እት፡ ክል፡ ሐብር፡ እንጸግር ፤ ብኹር፡ ወለፈላይት ።

230

ህብት-ገርጊስ፡ ወድ፡ ጀሃድ፡ ሀዩ፡ ለሌላ ።

I ሀብረም፡ ስሩጊት ፤ ጸግበት፡ ማ፡ ሚ፡ ም፡ መሐመድ፡ ።
ጸብር፡ መስከብ፡ አብዕባ፡ ቱ ፤ ራብባይ፡ ክም፡ ተኝት ።
ሕጽሕጽ፡ ወመቀር ፤ ሐነቀይ፡ እብ፡ ፈኝት ።
እት፡ ለአዙቅ፡ ትናውል ፤ ወለጋድም፡ ትትገኝድ ።
5 አምና፡ ሰልም፡ ም፡ አብ-ግሳስ ፤ እት፡ ትሌጊብ፡ ወእት፡ ስኝት ።

231

ሼክዳን፡ ወድ፡ ሕመድ ።

ሀቱ፡ ምስል፡ ገደቦ፡ ከንቴባይ፡ ብእምነት፡ ዐላ ። ወእግል፡ ለገ
ደቦ፡ ከራ፡ ጀሃድ፡ እት፡ ልቃይር፡ እላ፡ ሐላ ።

I ምን፡ ለዳውረት፡ መለዲት ፤ ወምን፡ ለአጋር፡ ባዳና ።

ሕሩም : እንደ : መልአኩም ፤ ቀደም : ጋሻይ : ሀቡና ::
 ምን : ለመዐጸድ : ወድ : ጋሮ ፤ ወኢእምቤላ : ካዉላ ::
 አማደደት : ሸግራይት ፤ እት : ትትሐሊብ : ለክእሉላ ::
 5 ሸንፍላ : ኢኮኒ ፤ ፈልከትማ : ዐለው : ለውዑላ ::

ወልድ-ገርጊስ : ወድ : ጀጎድ :

እት : ገጽ : ሼክዲን : እት : ልቀሻሻ : ለቤላ ::

I ፋዝዐት : ሀሴት : ወለት : ደል ፤ ማ : ክቡድ : ሀላ : ቅሳና :
 ምግግዝማ : ነአምራ : ቱ ፤ ደይ : ንትዋለብ : ግራና ::
 እስሮማ : ነአምሮ : ቱ ፤ እደይ : ቱሉክ : ወዋላ ::
 በአስ : ቤት : አብ : ነአምሮ ፤ መርባት : እግል : አቅሳና ::
 5 ወሞት : በዲር : ነአምራ ፤ ለመጽኤኛ : ዲብ : አሓና ::
 እንበትኸ : እብ : ሐክሉ ፤ ለአንጠጤኛ : እብ : ካራ ::
 እኸይ : ቤላ : ሼክዲን ፤ ሸግራይት : ዲብ : ሚ : ቱ : ለአክራራ :
 ወአዜ : ዲብ : ሚ : ተከርር ፤ እምበል : አድማይ : በዝሓ : እላ :
 ጀጎድ : ወዕንክር : ዲብ : ሮራ ፤ ወዐጎል : ቃትለት : ግዳራ ::
 I O አና : ወሀቱ : መተልሂት ፤ ወእምዬ : ወእሙ : ግዋራ ::
 ኢሐደኸ : ሐሙዬ ፤ ስርዕ : ዲብዬ : ወአላ ::
 ሰልሞ : እግል : ዐዳጋ ፤ ሰብ : አተርብ : ለዳራ ::

አስፈዳይ : ወድ : ክፍል-ገርጊስ ::

እት : ቅብላት : ሼክዲን : ለቤላ ::

I ወለት : አብድላ ፤ ባርሀት : ሰልም : ም : መሐግር ::

ግሬና፣ ምን፣ ለገጸ ፤ ሻከከቶ፣ እብ፣ ነድር ።

ወለት፣ ደል፣ ም፣ ዳይን ፤ ከለል፣ ዲብና፣ ኢተምስል ።

አሐና፣ ደላታት ፤ እንመይት፣ ዲባ፣ ወእንቀትል ።

5 ከራዩሃ፣ ንትከሰት ፤ ወግናዘትና፣ እንደልድል ።

ሕሩማ፣ እንመልእ ፤ ጋሻይ፣ ቱ፣ ለእሉ፣ ነደርር ።

ነሀይብ፣ ምና፣ ወእነሽእ ፤ እንመንሕ፣ ምና፣ ወእንፈጭል ።

ትርካይ፣ ቃፍር፣ ታ፣ ባጤላ ፤ ካሩ፣ ዲቡ፣ ክል፣ ሕጥር ።

ሰልፍ፣ እሳት፣ ታ፣ ባጤላ ፤ እብ፣ ባሮቱ፣ ወእብ፣ ፈትል ።

10 ምን፣ ገንሕዋ፣ ግርም፣ ታ ፤ ወምንዲ፣ ትገይስ፣ ተሰደር ።

ለሐሪት፣ ኖስካ፣ ትርእያ ፤ ለናይ፣ ሽዕበት፣ ምን፣ ተአምር ።

አሽሀድ፣ ሽንፍላ ፤ ወሀብቴስ፣ ሓድግ፣ በረብር ።

ሐምሀ፣ እንዶ፣ አቅተላ ፤ ዲብ፣ ሐማቱ፣ ኢለቀብል ።

ትገልሔ፣ ዐለት ፤ ወእመ፣ ተሀይብ፣ በሸሸር ።

15 ምን፣ እበን፣ ለሰኬ ፤ እግል፣ ሐጺን፣ ሚ፣ በጥር፣

ድሩይ፣ ዲብ፣ ፈጽሐት ፤ ለብዕራይ፣ ጋብእ፣ ጀለጅል ።

ዐድ-ትማርያም፣ ቀትለቶ ፤ ለዲብት፣ እግል፣ ትደልድል ።

አስፈዳይ፣ ወደ፣ ክፍል-ገርጊስ፣ ሀዩ፣ ለቤሻ ።

I ዕደል፣ ዲብ፣ መን፣ ትስእያ ፤ መናቢትካ፣ ም፣ ወድ፣ ሰንሐት፣

ግብለት፣ ሰልም፣ ወእምቤሎ ፤ እግል፣ ኮዳይ፣ ወድ፣ ዘርኢት ።

ረክስ፣ ከረሽት፣ ትትጋሴ ፤ ለደብና፣ ጭራም፣ በፈቲት ።

መደባት፣ ወደ፣ ለፀል-ገድ፣ ቅብላታ፣ ለቤሻ ።

I ዕደል፣ ዲብ፣ መን፣ ተሐዝያ፣ እንታ፣ ቱ፣ ወድ፣ ለምርሐታ ።

ዕደል፣ በዐላ፣ አብ-በፍታ፣ ቱ ፤ ጀጃል፣ መምባ፣ በኪታ ።

በሸውበሸው : ቤላ ፤ ጸርና : ለወደኒታ ::
 አቡካ : ለናዮም : ኢከሀላ ፤ ከከብዱ : ሐድገት : አምዲታ ::
 5 ትምባኮማ : ሰኔት : ታ ፤ ለቃሸዮታ : ዲብ : ሬፋ ::
 እሰክሻ : ሚ : ሀሌከ ፤ ለላሊ : እብ : ለግዲዳ :

ይሸቲት : ወድ : ዜድ : ለቤላ ።

1 ፈግረት : ዕልም : ወድ : ነሻር ፤ ሀብረም : ሐይት : ዮመቴ ::
 ሀብረም : እንዶ : ትለወቀት ፤ መአዜ : ሕላይ : ተተንሴ :
 ሰኒ : ሰአና : ገሮባ ፤ ምንማ : ትበልዕ : ወትሰቴ ::
 በዐልኪ : ገድም : ጽቤሮ ፤ ቤት : ጀነቱ : ሚ : ኢአቴ :
 5 እላ : ጥላቅ : ዕናና ፤ መአዜ : ሰበር : ትትዐጄ :
 ለዋይ : ሰልም : ወእምቤሎ ፤ ክም : በዲር : ምን : ኢልትሀኬ ::
 ቀየሕ : ታ : ጁከት : በይናኒ ፤ ለአማት : እላ : ልሰርጌ ::
 ወቀየሕ : ገሉብ : ዐገባ ፤ ቀበት : ምክን : ትትገሴ ::
 ወቀየሕ : ፍሬ : ቅናጦል ፤ መልሐተያ : ልሰርኬ ::

ገርማርያም : ወድ : ገብራይ ::

ዐድ : ሐፈሮም : ክም : ትሸየመው : እግል : ዐድ : ዐንደሎይ : ለቤላ : ሕላየት ::
 1 ዐድ-ዐንደሎይ : ዲብ : ገሉብ ፤ ዳራ : ተማ : ነመሽል ::
 ዲብ : ሐዋኒት : ኢለቅብል ፤ ሰኒ : ለዐላ : እት : ምድር ::
 ማሌ : ብእምነት : ገንሐና ፤ ሐን : ለልቅብ : ለጨኛር ::
 እላ : ቤላ : ኢሰዐና : ወእደ : ትለክፍ : ወትወግር ::

5 እብ : ዕንካ : ገንሐክሁ ፤ ለእሉ : ትወዷ። ወትገብር ።
 እንታ : ዐልካ : ትራግዝ ፤ እሊ : አሸዋክ : ለፈግር ።
 እሊ : ሞታ : ቱ : ነጋሲ ፤ ዲብ : አካኑ : መን : በጥር ።
 ሳልሸ : ምን : ረኸብ ፤ ሰኚማ : ዲማ : ሚ : ነብር ።

እብ : ሸንቱ : ቀትለዎ ፤ ክምሰል : መሳር : ለእት : ሐክል ።
 10 አሸዋማ : ወአብ-ገላይ ፤ ባቅል : ቱ : ዐላ : እት : ምድር ።
 ሰለስ : ፍልቅ : ዐድ-ዓይላይ : ታ ፤ ምኛ : ዎሮ : ምን : ፈግር ።
 እት : መርባት : ሐዝዎ ፤ ማይት : ላቱ : እግል : ተቅስን ።
 ዲብ : ጭዔተት : ልጆሬ ፤ ዕሙጽ : መሐበር : ምን : በድል ።
 ሐምስ : ፍልቅ : ዐድ-ገብሬስ : ታ ፤ ሰብ : ንጋረት : ወጽንብል ።

15 ብዙሕ : እንሱሳ ፤ ዕልብ : ሚ : ቡ : ከነዐሽር ።
 ወብዙሕ : አዳማ ፤ ረያም : ዘራታ : ወሕምብር ።
 እት : ቀርድ : ወድዎ ፤ አዜማ : አማን : ምን : ነስኦል ።
 ክርኩር : ለጥንቢ : ሀበኛ ፤ እብ : አክረርና : ሚ : እንቀሸን ።
 ትምባክ : ፈቱ : አቡካ ፤ ምን : ሐሊብማ : ወእክል ።

238

እግል : ከንቴባይ : ብእምነት : ለቤሻ ።

1 ሰኚ : ቤላ : ወድ : ዐምዴስ ፤ ኖሱ : አምር : ምክያዱ ።
 ህንዳራብ : ለመቅረይ : ከላክል ፤ ሀድር : ቀበት : እማቱ ።
 ቀይድ : ከልእ : ወዝጋግ ፤ ኢከሽኩሾ : ለአብራኩ ።
 ብዕራይ : ሐጥር : ዲብ : ሐረት ፤ ወውህር : አዳምዲ : እንታ : ቱ ።

5 “ንትቃተሎ” : ልቡሎ ፤ እንደይ : ከይዶ : ለእርፋቱ ።
 “ወንትዋረዶ” : ልቡሎ ፤ መዐዳድ : አቤ : ማላቱ ።
 በዲርዲ : ዎሮ : ዲብ : እንቱ ፤ ወኩን : ሚ : ቡ : ቅብላቱ ።
 ዔልሁ : ሰቴ : ከፈግር ፤ ወሰኸብ : ዲብ : ለኔዋቱ ።

- አዜዲ : እሊ : ገንሐና ፤ ውጀይ : በዐልዬ : ወሃ : ቱ ::
- 10 በዐል : ለሻ : ቱ : ወድ : ሕመድ ፤ ዐብደልዲ : ምን : ለስኘቱ ::
- በልስ : ዲብ : ለመፋልጽ ፤ ወመጋሲቱ : እብ : ማኩ ::
- ወአሮ : ክእኘ : ቤለዎ ፤ ለውሀር : ምን : ለአቅዋቱ : ሰክክ : ሀላ : ገሮብና ፤ ሕናዲ : ምን : ለሐምያቱ ::
- ኢለበጥር : ድፈሩ ፤ በዲርዲ : እብ : ለረብግቱ ::
- 15 ገልቦ : ምን : ለግንሐቱ ፤ ወሀርቦ : ምን : ለደሃያቱ ::
- ተርፍ : ምኑ : እብ : ብጣር ፤ እሊ : ጋድም : ለግጃቱ ::
- ወድ : አፍታይ : ልደአክ ፤ ፋንጃይ : ለቀይሕ : ዕንታቱ ::
- በኪት : ሸንቱ : ሳልሸ ፤ እንዶ : ሰልሕ : ውላዱ ::
- በዲርዲ : ዎሮ : ዲብ : እንቱ ፤ ናስኪ : ሚ : ቡ : ልባሱ :

እግል : ከንቴባይ : መሐመድ : ለቤላ ::

- 1 ወድ : ሐሳማ : ወድ : ሕሻል ፤ መሐመድ : ዲብ : መን : ልትዐደል :
- እብ : ግሳዩ : ፈትሐያ ፤ ስቅልትማ : ላታ : እት : ዐስተር ::
- ብዙሕ : አዳሙ ፤ ንፍሸት : ወለትትገደል ::
- ብዙሕ : እንሱሱ ፤ አፍያት : ማልእ : ቱ : ወከደን ::
- 5 ጸጋይ : አማናት ፤ ጀቅሮ : ምኑ : ምን : ጀፈር ::
- ጸጋይ : ዕላባት ፤ መርከብ : ዐቢ : ልትነጀል ::
- ሓጥር : አማናት ፤ ጋሻ : ሚ : ቡ : እት : ከደን :
- አምዕል : ለወራሩ ፤ ሃባር : ብዙሕ : ልትገበል ::
- አምዕል : ለረድኢቱ ፤ ሰለልቡ : ልትዐሸር ::
- 10 ያፈት : ሰራይር ፤ ትነፍር : ቤለው : እብ : ደምበር ::
- ደቢ : እት : በርካ ፤ ሐጸት : ከልእ : እብ : ድፈር ::
- ዲብ : ለሐምዬ : ነጋሲ : ቱ : ወእግልና : ስፈት : ትትሐሸር ::
- ሰኚ : ሰኚ : አምሮ ፤ ወስብርት : ጠቢብ : ትጸሸር ::

እግል : ከንቴባይ : መሐመድ : ለቤሻ ::

- I አባይ : ከንቴባይ ፤ ዲብ : ቤት : ልግበእ : መዓሉ ::
- እት : ልገንድል : ንርአዮ ፤ ወዲብ : ለሐናክሽ : ለኢጋሩ ::
- እት : ልጃገም : ንርአዮ ፤ እብ : ጨመሪት : ቱ : ቅታሉ ::
- እት : ልማጤ : ንርአዮ ፤ ሚሱ : ወለኦካሉ ::
- 5 ጸጋይ : ዕላባት ፤ ርዝቁ : ብዙሕ : ቱ : ወማሉ ::
- ሓጥር : አማናት ፤ እግሉ : ትተርኛ : ለአካኑ ::
- መምባ : ወለት : ጠበንጃ ፤ እሊ : ጋድም : ለስልጣኑ ::
- መምባ : ለቀረጨት ፤ ፈርፈር : ለረከሱ : ብጣሩ ::
- መምባ : ለተገሪት ፤ እልፍ : ተን : ለመድሀን : ካይላ : እሉ ::
- 10 ሳልቦ : ኢሰአና ፤ እሊዲ : ውቱድ : ቱ : ስካኑ ::
- መርኛ : ብእቶም : ወተሌ ፤ ቀልቡ : ልስኩብ : ወጋኑ ::
- ሰልሞ : እግል : ግብጣን ፤ ምን : ለዓይረኛ : ድማኑ ::
- ምን : ቀብል : ሰምዎ ፤ ለጼንሁ : ሰኚ : ወዕሻሩ ::
- ዋቂ : ወልዱ : ምን : ሰልሕ ፤ ምንማ : መይት : ሚ : ጋሩ :
- 15 ሳክባት : እንተን : ሐድገን ፤ ዳሩ : ወለአካኑ ::
- ክርኩር : ለጥንቢ : ሀበኛ ፤ ቄላብማ : ሰኚ : ቱ : ቅፋሩ ::
- ክርኩርዲ : ክትል : ወአፍገራ ፤ እብ : መንፈሱ : ወእብ : ማሉ ::
- ሀግያ : ሸንኪት : ደኢኮኔ ፤ አብሁ : አድማይ : ሚ : አጽንሐ : እሉ :

እግል : ከንቴባይ : ነጋሲ : ለቤሻ ::

- I ገሌ : ተአምሪ : ብካዩ ፤ ወለት : ሀዋ : መምባኪ :
- ሐምዴሁ : ክት : ሚ : ተአምሪ ፤ ምን : ልትነጃቅ : ለጎይላኪ :
- ዐስር : ክልኦት : ቱ : ለአልባቡ ፤ እት : ሰይጣቱ : ለላጥዕ ::

ሀቶም : ቶም : ለእሸም : ልትገወዝ ፤ ከጊጉይ : ኢኮን : ወናሲ ::
 5 ለዳራት : ከደን : አብጽሐዩ ፤ ከኢትረኸባ : እብ : ሓዘ ::
 ፈጅር : ፈጅር : ዐድ-ተክላይ ፤ ገበይ : ሓልቡ : ታ : ለሃዲ ::
 ለደብር : ጋድም : በልሰዩ ፤ ጠርቃ : ዲቡ : መናግእ ::
 ለልገት : እንዶ : ሹሸያ ፤ ካዩደዋ : ክም : ባጽዕ ::
 ዲብ : ሚ : ቱ : እሺ : መናሳቅ ፤ ለአግዋፍ : ሳብክ : ቱ : ወሐጊ ::
 10 በኪት : ራዳ : ዕዳዩ ፤ ሐቆ : ሞታ : አሳዘ ::
 እግል : አዛን : ግሄና ፤ ለእሉ : ጣልቅ : ነጋሲ ::
 ነሐምዮ : ሐደምበስ ፤ ምን : አቡሁ : ኢናስእ ::
 እብ : ግሳዩ : ልጃገም ፤ ባርጅ : ኢኮን : ወሐሲ ::

እግል : ከንቲባይ : ነጋሲ : ለቤሻ ::

1 ሚስ : ታ : ከብድ : ከንቲባይ ፤ ጽረይ : ኢኮን : ወስልቃ ::
 በሐር : ታ : ከብድ : ከንቲባይ ፤ መሐምሳይ : ከአፎ : ቃውሻ ::
 ሸር : ለሃባ : ልክልአኛ ፤ ትልዔ : ቤተት : ከብድካ ::
 ሐቆ : ጸላም : ወአሳዘ ፤ እብ : ሚ : ትብርድ : ነፍስካ ::
 5 ሐቆ : ለፈጅር : ሸግርድብ ፤ ውሉድ : ሚ : ቡ : ምስልካ ::
 አድግ : ወከራይ : ቱ : ጋብአኩም ፤ ቤት : አቡካ : ወእንታ ::
 አምዕል : ምስሎም : ትትሃጌ ፤ ላሊዲ : ቤኛ : ታ : ከብድካ ::
 ጋር : ለሞታ : አለብካ ፤ ለገናይዞታት : ላድዳ ::
 ጋር : ለገወዛ : አለብካ ፤ ለፈጅር : ፈጅር : ተሐንፍሻ ::
 10 ጋር : ለዝሙት : አለብካ : ምንማ : ለወራር : ደግሻ ::
 ቅርብት : እንታ : ለፊመት ፤ ገደድ : ሚ : ቡ : በልሻ ::
 ጽሪት : እንታ : ለደዐከት : ጽሙእ : እንታ : ተሐልፋ ::
 መሰል : ለበሀለት : ዕምዴናይ : ታ : ከብድት : ለቀላል : ሸፍጋ ::

243

እግል : ሐኪም : ለቤሻ ::

- 1 ለ.ሊ.ት : ጋሻ : እት : ሕና ፤ ዲብ : ቤት : ሐኪም : ትመዬና ::
ምን : ሰፍራና : በልዐና ፤ ወምን : ትወላኛና : ሰቴና ::
ዕዳር : ላቱ : ሳርዮ ፤ እብ : ረቢ : ወእቡ : ወቤላ ::
ሕገ-ዝ : ላቱ : ለፊይሕ ፤ “ኦሰልፊኒ” : ለቤላ ::
- 5 ገሌ : ነብር : እብ : ሸቅዮት ፤ ከወልዱ : በልዕ : እንጊራ ::
ወገሌ : ነብር : እብ : ሰባብ ፤ ዕዉር : ወመስኪን : ወቤላ ::

244

ሸሬማይ : ለልቡሎ : እናስ : አሓ : ዐድ-ሼክ : እንዶ : ሰርቃ : እት :
ከንቴባይ : ብእምነት : አታ : ባ :: ወለሰብአ : እት : ረዱእ : ክም :
መጽአው : ከንቴባይ : “ኢእበልሻ” : ቤላ : ምን : ረምቀዎ :: ከገር
ማርያም : ሀዬ : እሻ : ቤላ ::

- 1 ለአረይ : ሸሬማይ ፤ ኢለስምዐና : ቱ : ምን : ቀብል ::
እቡ : ለሼክ : ትበአሰያ ፤ ከሀይገት : ወዴት : ደነብር ::
ርምሕ : አውልያ ፤ ምን : ሰቡዕ : በዕ : ለፊኛር ::
ወንትቅ : አውልያ ፤ ሐቆ : በአት : ሚ : ትፈኛር ::
- 5 እሳት : አውልያ ፤ ደይ : ከለሰት : ሚ : ትቀሰን ::
አሻ : ጭገር : እት : ነአምር : ቱ ፤ ደይ : ልትነገፍ : ክም : ሐጅር ::
አሻ : ሱሰት : እት : ነአምር : ቱ ፤ እብ : ሐውራረት : ለትቀቸል ::
አሻ : ጽንዕ : እት : ነአምር : ቱ ፤ ለሹም : ሸዩም : ለትከቸል ::
መርባት : አዛዚ : ታ ፤ እሻ : ስቅል : እብ : ሐብል ::
- 10 አድማይ : አዛዚ : ቱ ፤ ለሻለፊዎ : እብ : ሕንክል ::
ትገሼ : ቦሎ : እግል : እሸሐቅ ፤ ገድምዲ : ሕላይ : ኢመሰል ::

ግሳስማ : እሊ : ሚ : ቀዌት : እንታ : ኖስካ : ደይ : ተሽእል ::
 ሕና : ክት : ምን : ለፈርዐና ፤ እሸዎ : ለጽኑት : ለፈግር :
 ወትምበር : ዲብ : ለምርጋዘ ፤ ወኖሳ : ትፍገር : እብ : መግል ::

መስሐሊት : እግል : መንሰዕ : ወቤት-ጁክ : ምን : ሐመው : ገር
 ማርያም : እት : ሐብር : እቶም : እላ : ቤላ ::

- I ከወድ : መሰለም : ወድ : ናስር ፤ ሹማ : ነብራ : መስሐሊት ::
 ዲብ : ኩሉማ : ለስኔኛ ፤ ስዒድ : ልግበእ : ወበኪት ::
 ሹም : ለሻሽ : ቱ : ኡብ : እድሪስ ፤ እስር : ብእቸ : ወልውሊት ::
 እብ : ኖሱ : ልጃገም ፤ እልፍ : ቶም : ውላድ : መስሐሊት ::
- 5 ስልጣን : ቱ : ወስልጣን : ልትጋመር ፤ ርትዕት : በልስ : ወጽዊት ::
 እብ : ማላት : ልጃገም ፤ ወአት : ፀሽር : ወጠሊት ::
 ልዘበዮ : ለአባዩ ፤ ከዐውሉ : ማጤ : ክም : ፍሊት ::
 አምዕል : አፍ-ዐንደር ፤ ገብአው : እቸ : ገነዲት ::
 ሹሙ : ነስአው : በዐል : ገጹ ፤ ገዳር : ለመምባ : ደገሺት ::
- 10 ምን : ከደን : በልሰዮም ፤ ደይ : ለጣርቅ : ለአፈቲት ::
 ሐቆ : ኤሎስ : ዋዝንተት ፤ ሕምርግት : ኢኮን : ወጽሪት ::
 ኢሳገመት : ለሰብክት : ጽለቅ : ሰአነት : ወረድኢት ::
 ስርቅ : ኢኮን : ወቃጸ : ጌሰው : ዲብ : ለአፈቲት ::
 ጽንዕ : ሰብኡ : ሰልጠነት : ታ : ወመርባት : ሰብኢ : መስሐሊት ::
- 15 መርባት : ዐድናዲ : ባደመት : ፈዳ : ሰአነት : ወመስኢት ::
 ለተዐመላ : ልትመስኔ : ዐዳብ : ኢኮን : ወጽብኢት ::
 ለሞታ : ጀነት : ልፍተሕ : እሉ : ወላማ : ሀላ : ነበሪት ::
 ዋዝንተት : ወገሉብ : በዲር : ረአሱ : ተን : ለደገሺት ::
 ዕለል : ለአተርብን : ቅርሽ : ውብላይ : ወፍሊት ::

- 20 ዕለል : ለፈያቲብ ፤ ዐድ : ሕድ : ጸፍፅ : ለሀረማት ።
 ማሞታተን : ልጃገር ፤ በርዐድ : ወጣላ : ወድሪት ።
 ዕለል : ለአምያሳት ፤ ሐንገር : እት : ለከደሺት ።
 ሻፍግ : አቺ : ጋሻየን ፤ እግል : ልትረየሐ : እት : በገድ ።
 አዜዲ : ሮይ-ሮይ : ቱ : ገብአያ ፤ ሰኝትማ : ተሐልፍ : ቱ :
እት : እሸት ።
- 25 ለሰብአን : ቀዳም : በልዐው : በን ፤ ከፈሻ : ዲበን : ለሐመዲት ።
 ባቶር : ለዘዐቺ : ጽብሻ ፤ ከአሸአሎ : ታ : እግል : ዘርኢት ።
 እንቱም : ክት : ሰኚ : ሀሌኩም ፤ ማ : ክምሰል : ዐድና : ሸነሽት :
 መሀመጅ : ገአት : ወበዳ ፤ ገደቦ : ለአፈቲት ።
 ትትገዐዝ : ገደቦ ፤ ክምን : ሕድ : ገብእ : በረኚት ።
- 30 ትትቃተል : ገደቦ ፤ ክአድማይ : ትጽብሐ : ለአፈቲት ።
 ዐድ : ሕድ : ሸኬት : ገደቦ ፤ ክዕርዲ : በጽሐት : ለእት : ሰንሐት ።

246

ሸዕብ : ምድር : መንሰዕ : ቱ : ደአም : ዐድ-ትማርያም : “ናይ
 ና : ቱ” : እንዶ : ቤለው : ልትከሐዶ : እቺ : ዐለው ። ሐር : ሀዬ :
 እት : ፍንጌ : እሊ : ለዕሸሩ : ዐድ-ናይብ : ምን : ነስአዋ : ሀቱ : እላ : ሐላ ።

- I ወድ : መሐመድ : ወድ : ጭሩም ፤ ሰኛይ : ደሐን : መጽአካ ።
 “ሕጻጽ : ለዋ” : ቤሉና ፤ ክም : ዕላማ : ለአምበጣ ።
 እብ : ኖስካ : ምን : ተሐልፍ ፤ ወቀሱብ : ረክብ : ወረዳ ።
 ወእብ : ረሺ : ምን : ተሐልፍ ፤ ረሺማ : ሳልሕ : አምለካ ።
- 5 ክም : ሰይፍ : መስሎሊ ፤ እንደይ : ዛብጥ : አውደቃ ።
 ኢደሐካ : እብ : ብርኩ ፤ እብ : ብጣሩ : ትወላዳ ።
 ሳምን : ታ : ነብራ : እዲና ፤ እብ : ውካኑ : ለሰታ ።
 ሐቆ : ለሳምንዲ : ሐላፊት : ታ ፤ እዲና : ደግም : ቱ : ጅንታ ።

ዐድ-ትማርያም : ወመንሰዕ ፤ ገሌ : ህድጋ : ሚ : ሰዐካ ፤
 10 ለኸዕበት : ጋባት : ተደርር ፤ ማይት : ወለኡብተካ ።
 ለኸዕበት : ከራይ : ተደርር ፤ ለሃማ : ምኛ : ቱ : ኡከታ ።
 ለኸዕበት : ይቡስ : ተጠልል ፤ ድቡር : ወለተአንገዳ ።
 ለኸዕበት : ሔዋን : ተነብር ፤ ከሉማ : ምኛ : ታለቃ ።
 አዜማ : ለብካ : ኢትሳግም ፤ ለሀደት : እት : ለቀበታ ።
 15 ሕጻጽ : ድማን : ኢትለዌ ፤ መን : ነቕላ ፤ ክም : ሐዛ ፤
 ዲብ : አካና : እምቦራ ፤ ለሱብኣ : ክምሰል : ማረካ ።
 መሐመድ : ናስኦት : ታ : ወዐገባ ፤ ክልኦት : ውላድ : ረምሸታ ።
 አዜማ : ሓይስ : ትደረር ፤ እላዲ : ዐሸይ : ታ : ለዕልገታ ።
 ሳክብ : ሚ : ሀላ : ተስፋ-ምኬል ፤ ሮሻን : ዐርጋ : እት : ረኣሳ ፤
 20 እብ : አስናፍ : ሐዘያ ፤ ለእደይ : ምንዲ : ትጸበጣ ።
 ዐለመያ : ወድ : ደሲት ፤ ኢሸንከያ : ወኢሰሐታ ።
 ሐዳስ : ላታ : ሰርሐያ ፤ ወግንዳብ : ላታ : ዳገሳ ።
 ከአፎ : ትገርም : ምክያዳ ፤ እግር : እብ : ለሾከታ ፤
 ክርኩር : ለጥንቢ : ሀበኛ ፤ ናስካ : ሐቆ : ፈገገዐካ ።
 25 አቡካ : አማን : ልትሃጌ ፤ ስፋት : አዳም : ኢሐዛ ።

247

እብ : ምስምሳ : ድመል : ለቤላ ።

1 ኢተከርር : ወኢትቀስን ፤ ድመል : ለበዐላ : ከርዓ ።
 ድመል : ፈግረት : ምን : ገብእ ፤ ቅሳን : ኖሱ : መጽእ ።
 ድመል : ለእናስ : ዐድ-ከሉ ፤ ለሀይዲ : ሰብራ : ወከዓ ።
 እሉ : ገማ : አለቡ : ቀንጻ : እንዶ : ትሻርዓ ።
 5 ድመል : በዐላ : መሐመድ-ኖር : ቱ : በዐላ : እግል : ነብጽሐ ።
 ወድ : ናይብ : መሐመድ : ወድ : ሕያ : ጣልቃ : ሚ : ቱ : እብ : ለሃ ።

ድመል፡ አብ-ከይመት ፤ መሐመድ፡ ጣላ፡ አደሐ።
 ለእብ፡ ብጣሮም፡ ሰቅላ ፤ እብ፡ ግሳዩ፡ ፈትሐ።
 ስም፡ አለባ፡ ለጋድም ፤ ዲብ፡ አፈቲት፡ ትከርዓ።
 10 ደሀቡ፡ ወለሶሚቱ ፤ ለድኔ፡ ዓምር፡ ትረፍዓ።
 ድመል፡ ወድ፡ ቲድሮስ ፤ ሓድገት፡ ሚ፡ ታ፡ ግርግ፡
 ከሉሉ፡ ምስል፡ በልወቶ ፤ እሳት፡ ጸብጠት፡ ታ፡ አደሐ።
 ወአዜ፡ ቀስነት፡ ወቦረት ፤ ለበዐላ፡ ምንዲ፡ ትጀግሐ።
 ድመል፡ ነጋሲዲ ፤ አልጉግ፡ ሀላ፡ ከርዓ።
 15 ትደብአ፡ ዲባ፡ መናግእ ፤ ኢረክበዩ፡ መፍትሐ።
 እሊዲ፡ መፍትሐ፡ ወረክባ ፤ እንዶ፡ ሰራ፡ ወሰዓ።
 ድመል፡ ፈግረት፡ ዲብ፡ ከደን ፤ ከራይ፡ እግል፡ ትብልዓ።
 ድመል፡ ሕታ፡ መራነት፡ ታ ፤ አፎ፡ እንደይ፡ ትከርዓ፡
 ክርኩር፡ ለጥንቢ፡ ሀበኛ ፤ ትምባክማ፡ ሰኒ፡ ቱ፡ ቅርሐ።

ለሰብ፡ ሓጥሮታት፡ ወፈዳይብ፡ እብ፡ ጅምላ፡ እት፡ ለሐምድ፡ ለቤላ።
 1 እት፡ ሕቡብ፡ ወድ፡ ረካ ፤ ባርእ፡ ኢኮን፡ ወሳርፅ።
 “እብላ፡ ሀሌኮ” ፤ ጸገም፡ ሓዘ፡ ቱ፡ ወቃሊ።
 ዲብ፡ ሕድ፡ ጠርቃ፡ ለታይቦታት ፤ ሓጥርማ፡ ከራ፡ እግል፡ ባልፅ።
 አብ-ግብግን፡ ዋዝንተት ፤ ወድቃ፡ ዲቡ፡ ለሐላሊ።
 5 ምን፡ ከደን፡ በልሰዮም ፤ ምን፡ ድኔሀ፡ ወቀዓሪ።
 ወድ፡ ሼካይ፡ ዲብ፡ ያና ፤ ወምን፡ ልትወቅል፡ መጋርሕ።
 ደረሳ፡ ለደነግል ፤ ወማሞታት፡ ለመሻርሕ።
 ፈጅር፡ ፈጅር፡ ሃልኮታት ፤ አምዕል፡ አቴ፡ ወላሊ።
 ዐድ-ነጋሲ፡ ዲብ፡ ከረን ፤ ጋምም፡ ሚ፡ ቦም፡ ኢሳልሕ፡
 10 ምስል፡ ወድ፡ መሐገም ፤ ጼንሀ፡ አስነው፡ መጋርሕ።

ሐቢብ-መንተል ፡ ወድ ፡ ሃኪን ፤ ስልጣን ፡ ኖሱ ፡ ቱ ፡ መካሪ ።
 ጋሜ ፡ ቀዳ ፡ እብ ፡ ኖሱ ፤ አጽጋም ፡ ዐድ ፡ ሕድ ፡ ሚ ፡ ካርዕ ፡
 አዜማ ፡ መዲን ፡ አጽንሐያ ፤ ለተርፍ ፡ ዛይድ ፡ ቱ ፡ ወሳልሕ ።
 አብሁ ፡ እንቱ ፡ ገቤራይ ፤ መን ፡ ቱ ፡ ለስለሕ ፡ ለትማርሕ ፡
 15 ወድ ፡ ሐሳማ ፡ እት ፡ ሐምሕም ፤ ቀይሕ ፡ ቀርኑ ፡ ቱ ፡ ቀታሊ ።
 ለዘመተት ፡ ለተክሬ ፤ ርሻሻ ፡ ወሐጺን ፡ ኢፋርህ ።
 ሐጠር ፡ ወጽኝት ፤ እግል ፡ መን ፡ ሳልጥ ፡ ቱ ፡ ወማሪ ፡
 ወድ ፡ ቴድሮስ ፡ ዲብ ፡ ገለብ ፤ አብ-ደርመሳ ፡ ለሐላሊ ።
 ብዙሕ ፡ እንሱሱ ፤ አካባታት ፡ ወቀግሪ ።
 20 ብዙሕ ፡ አዳሙ ፤ ጸሊም ፡ ብእቱ ፡ ወባርህ ።
 አያ ፡ ጌሳ ፡ ለድፈሩ ፤ ለአዳም ፡ ዐላ ፡ ለሻርዕ ፡
 አያ ፡ ጌሳ ፡ ለአርዛቁ ፤ ካርብ ፡ ኢኮን ፡ ወቃሊ ፡
 ሳምን ፡ ታ ፡ ነብራ ፡ እዲና ፤ እብ ፡ ግሩማ ፡ ምን ፡ ሳርሕ ።

1 ስክይ ፡ ሚ ፡ ቦም ፡ ዐድ-ዓይላይ ፤ ምን ፡ ልቡሎም ፡ “እላ ፡ ታ” ፡
 ብእቶም ፡ ዐንጃ ፡ ግዱዳ ፤ መን ፡ ለሰምዖ ፡ እብ ፡ ሓካ ፡
 እብ ፡ ዳርኮት ፡ ኢፈግሮ ፡ ቱ ፤ ምንዲ ፡ ጸኑሕ ፡ ለእርፋታ ።
 ምን ፡ ሰብ ፡ ዐድ ፡ ወከደን ፤ እንደይ ፡ ነስኦት ፡ ርጋዛ ።
 5 ገናይዛ ፡ ደላድሎ ፤ ገልሐት ፡ ሳግም ፡ ውላዳ ።

* * *

ዐድ-ተስፋ-ጮን ፡ ወድ ፡ ዓይላይ ፤ ስክይ ፡ ቡዲር ፡ ስርግ ፡ ቱ ።
 ዲብ ፡ ልሰኸ ፡ ለአታ ፡ ወኒቡ ፡ ገይስ ፡ ወዕንታቱ ።
 ለሰካ ፡ ለድኚ ፡ ልርዝ ፡ ደም ፡ አለቡ ፡ ገርዋ ፡ ቱ ።

ዐድ-ትማርያም : ወመንሰዕ : መአበ.ት : ዐላ : እሎም :: ከዕመ
ራይ : ለልቡሎ : እናስ ፤ ዐድ-ትማርያም : እት : ለሐምድ : ወመን
ሰዕ : እት : ልገንግር : ሐሌ : ዐላ ፤ ገርማርያም : እት : ቅብላቱ : ለቤላ ::

I እኩይ : ቤላ : ዕመራይ ፤ ጸገም : ሰኒ : መንከላ ::
ወቀይ : ለሀረሚት ፤ አሌቶ ፤ እሱ : ወኢሐላ ::
ዲብ : ሕደቱ : ቱ : ከኛፎ ፤ ሀርማይ : ሐቆ : ገርገራ ::
ሕና : ወእንታ : እብ : ሚዘን ፤ ውድቀት : ወውድቀት : ቱ : ጋብአና ::

5 እላ : ቁሾትዲ : በዲርማ ፤ ዲብ : ሰብ : ቱ : ዐዳ : ስረራ ::
አግዕሮታት : ወዘጋ ፤ ሐቅግማ : ተርፋ : ኢሰዐና ::
ጸገም : ለሐይሶታት ፤ ዎ : መላሀይ : አፎ : ትሰተራ :
ምን : እንዜ : ነጋሲ ፤ ሐይስ : ቱ : ወሐይስ : ከተላ ::
ወምን : ኬን : መሐመድ : ወድ : ሸኸር ፤ ሸንጉል : ለፋግር : ፈተና ::

10 ቀደም : ብንስ : ቱ : እብ : ዕናድ ፤ ወሐርማ : እሱ : ትቀሰራ ::
ለተስቶት : እት : ቤልታ ፤ ሰኖ : ለሳባት : አብጠላ ::
ለድኔ : ዲብ : ግብት ፤ ሰፍረት : ዲቡ : አምሐራ ::
ተሐታ : ምን : ሕሳም ፤ እብ : ቃም-ጨዋ : ጋባላ ::
ለዐንቀር : አፍ-ምዘሕ ፤ ወለመሐዝ : አድሀራ ::

15 ወራራት : ለአፍሩሳ ፤ እት : ምጽሰት : ተሐበራ ::
ሀኩያ : ምን : ሞገዕ ፤ እንዶ : ሰታ : አቅበላ ::
ምን : ሮረት : ዐድ-ተክሌስ ፤ ሃርበትማ : ፈግረት : ኢሰዐና ::
ለከወኒሃ : ሐጫይር ፤ እብ : ዐንሰባ : ጋባላ ::
ደባይ : ለነጋጊር ፤ ሕጻጽ : ለሐጽሁ : አፍገራ ::

20 መርዲ : ወለእትዬታት ፤ በጽሐ : ማ : ሚ : መቅደላ :
እትዬ : ለምድር : ኢኬደት ፤ ጀፍለት : እብ : ለእገራ ::
ዲብ : ረአስ : ሐሌ : ሀሉላ ፤ ከተብ : እንቱ : ምን : ለዐላ ::

እት : ቅብላት : ዕመራይ : ለቤሻ ::

- I ዕመር : ሀግያ : ምን : ለአምር ፤ ለጸገም : መሐመድ : ወአሰአላ ::
ብዙሕ : እንሱሱ : ቱ ፤ አሴፈያ : ለአምሐራ ::
ብዙሕ : አዳሙ : ቱ ፤ ሐርማ : ለማይት : ኢተላ ::
እናስ : ዐድ-ሹማ ፤ አሌቶ : እሹ : ወሰአላ ::
- 5 አልፍ : ምርኮሃ : ቱ ፤ ክም : አሐ : ቀብር : ቃተላ ::
ቤት-አስገዴ : ሰብ : አጅቀር : ታ ፤ ፍጡር : ሚ : ቡ : ክምሰልሃ :
ደርብ : ለአረይ : ከሸዩ ፤ ለግልገል : ሸሸሕ : ተዳያራ ::
ደንጎባ : ለመጸጋምዲ ፤ ክልኦት : ለእናስ : ጸሸራ ፤
ዲብ : ስሔ : ወድ : ሸኸር ፤ ሓይስማ : ውጽኔ : ሚ : ሰአና :
- 10 ላሊ : ረማ : ነጋሲ ፤ ወጸብሕ : ምድር : አስቀራ ::
ቀደም : ሓይስ : እብ : ሞላድ : ቱ ፤ ሐርማ : ለወቀይ : ሓበራ ::
ኢሐመድ : ቱ : እብ : ጽንዕ ፤ ወድ : ሰብማ : ሐቆ : ሐወና ::
ክርኩር : ለዘዐትና : ጽብሻ ፤ እንታ : ትጸንሕ : ጅፈራ ::
አቡካ : አዝወዳት : ሚ : ዳልም : ለእላ : ገንሐ : አሰአላ ::
- 15 ምን : ልውኔ : ወድ : ሕመድ ፤ ዐብደል : ረድኢት : ሚ : ሰአና :
በዲርማ : መውኔ : ወድ : ሕመድ : ቱ ፤ ኩሉ : ለገቢል : ሀሸራ ::

እት : ቅብላት : ዕመራይ : ለቤሻ ::

- I መሊሀይ : አማን : ንትሃጌ ፤ ሐሰትማ : አማን : ቡ : እት : ገጸ ::
ለድኔ : አግዐሮዲ ፤ ዲብ : ሰለባ : ሚ : ኢተዐዳ :
ለድኔዲ : ዲብ : ግበት ፤ ኢሳገማ : ወኢሰብካ ::
ዐድና : ሮራ : ምን : ፈግር ፤ ሸዲር : ወሸርናይ : ወበትካ ::
- 5 እንታዲ : ተሐኔ : ቃም-ጨዋ ፤ ካቡ : እግል : ልንስአካ ::

ሐርስ፡ ሽዕብ፡ ኢኮኔ፤ አፍ-ዐበድማ፡ ወተርፋ። ።
 ክታር፡ ለዘጋታት፤ ወኢሳገማ፡ እብ፡ ለብካ። ።
 ነጻይፍ፡ ወሓላብ፤ ለሰዐር፡ ከሬር፡ ወኢገዳ። ።
 አፎ፡ ሀይገት፡ ሐመልማል፤ ዕመር፡ እላ፡ መንከልካ። ።
 10 አምዕል፡ ለሐላይባ፤ ሕኛይ፡ ምኛ፡ ወበርዳ። ።
 አምዕል፡ ለአካላ፤ ሐጅር፡ ኢኮን፡ ወሐልቃ። ።
 ናይና፡ ፋርግ፡ ወናይካ፤ አምዕል፡ እግል፡ ለሀበካ። ።
 ሰልሞ፡ ወለት፡ መሌላ፤ ዎ፡ ጸርና፡ ገሉብ፡ ለሸሻ። ።
 ክምሰል፡ በዝሐ፡ ለመኣኪት፤ ምን፡ ኢትገይስ፡ እት፡ ዐዳ። ።
 15 አቡካ፡ ሸዮብ፡ ዋዝንተት፤ መናክቡማ፡ ወኢረክባ። ።

253

እት፡ ቅብላት፡ ዕመራይ፡ ለቤሻ፡ እግል፡ መሐመድ፡ ወድ፡ ሽኸር። ።
 1 ስሔ፡ በዐሉ፡ ወድ፡ ሽኸር፡ ቱ፤ ስልጣን፡ ለካሪ፡ መምበሩ። ።
 ሀንዳራብ፡ ለዘጋታት፤ ኢለበጥር፡ ጀፈሩ። ።
 ሓይስ፡ ላቱ፡ ልትዓተብ፤ ጸኑዕ፡ ወለክምሰልሁ። ።
 አዜማ፡ ሞታ፡ እብ፡ ዕናድ፤ መአዜ፡ ተማ፡ ለአጀሉ። ።
 5 ጠርፍ፡ ሀላ፡ መሐመድ፤ ረበዕ፡ ለቀዳም፡ ሐጠሩ። ።
 ምስል፡ ለዕሌት፡ ኢትግሜ፤ ትግራይ፡ ሕድት፡ ታ፡ ድመሉ። ።
 ምስል፡ ሐግል፡ ኢትግሜ፤ ለኢልትናተሕ፡ ጭገሩ። ።
 በኑ፡ ቱ፡ ገሜ፡ ወድ፡ ምልክ፤ እግል፡ ልባሱ፡ ወዐመሉ። ።
 ዐድና፡ ሮራ፡ ምን፡ ፈግር፤ ሸዒር፡ ወሸርናይ፡ መብቀሉ። ።
 10 እንታዲ፡ ትክሴ፡ ኢትነክስ፤ ሰብኡ፡ ብዙሕ፡ ለሕየሉ። ።
 ለቅምቤት፡ ዐድ-ጀሚል፤ ማዩ፡ ሚ፡ ቡ፡ ወሰዐሩ፡ ።
 ምንዲ፡ ተሐኔ፡ ቃም-ጨዋ፤ ለምባ፡ ትዘልም፡ ለዐስተሩ። ።
 ለጸንሐካ፡ ቱ፡ ሐኔና፤ አዳም፡ ብዙሕ፡ ቱ፡ ለባህሉ። ።
 ኢቀብብና፡ ለአርዛቁ፤ ወግዱዕ፡ ኢኮን፡ ምሕለሉ። ።

አሚር : ወድ : ደሲት : እግል : ከንቴባይ : ብእምነት : እት : ለሐ
 ምድ : ሕላየት : ቤሎ :: ገርማርያም : ወድ : ገብራይ : ሀዬ : እት :
 ገጃ : እላ : ቤላ : እግል : ከንቴባይ : እት : ለሐምድ ::

I ሰኚ : ቤላ : ወድ : ደሲት ፤ ልጽበጥ : ዲቡ : ልሻሱ ::
 በከዩ : እግል : ብእምነት ፤ ክምሰል : ጌሰት : ትንፋሱ ::
 ሰኚ : ሰኚ : በክዮ ፤ እንዶ : አምር : ምክያዱ ::
 ሰኚ : ሰኚ : ሳልሸ ፤ ከቀፋቅፎ : ለዓጃቱ ::

5 ሀያብ : መካናት ፤ እት : ልዘዘሕ : ለአምያሱ ::
 ሀያብ : ቀረጨት ፤ ፊርፊር : ምስል : ውላዱ ::
 ጥሉል : ኢዮብስ ፤ ምዕጥን : ክም : ለሱራቱ ::
 ራክብ : ኢሐግል ፤ ማሉ : አክል : ሐጸ : ቱ ::
 ለአምዕልቶኒ : እት : ሕብብ ፤ ለመዋዲቱ : ወሃ : ቱ ::

10 ለቤረቅ : ከደን : ሀበዩ ፤ እት : ልታነን : ርሻሹ ::
 እት : ለሐርጽጽ : ለአልሓዩ ፤ ወእት : ለሐንዴ : ለአብራኩ ::
 አምዕል : ለፈሰስ : ወልደንኬል ፤ ክል : ቤት : በልዓ : ሐዳቱ ::
 በዲርማ : ምቃም : አበቸካ : ቱ ፤ ደራብም : ወዋሹ ::
 አብ-ሰላብ : ወሀያቡ ፤ ወደሲት : ለቀይሕ : ዕንታቱ ::

15 አፎ : ለድሩይ : ለደድእ ፤ መን : አምራ : ምክያዱ ፤
 እት : ዋርዶ : ልትበገስ ፤ እንዶ : ጋንሕ : ማላቱ ::
 ወእት : ምግግዝ : ልትበገስ ፤ እንዶ : ናቅል : አጽማዱ ::
 እት : ገደቦ : ልትበገስ ፤ ከእያድ : ከራ : ቅብላቱ ::
 በዩእ : እት : ደኔ ፤ ቅምጭ : ሚ : ቡ : ለዕንታቱ ፤

20 ከእሊ : መጽኦ : ቱ : ተስፋ-ምኬል ፤ ረበዕ : እብ : ለቅንጻቱ ::
 በኪት : ሸንቱ : ትሳልሸ ፤ እንዶ : ሰልሕ : ውላዱ ::

ለሺመት ፡ ክም ፡ ለሺመቱ ፤ ለልባሰ ፡ ክም ፡ ለልባሰ ።
 ክምሰልሁ ፡ ቀረጨት ፤ ፈርፈር ፡ ለረአሱ ፡ ብራቁ ።
 ክምሰልሁ ፡ ነጋጊር ፤ ሀድር ፡ እት ፡ ለአፍያቱ ።
 25 ቀብሉ ፡ በልስ ፡ ኢረክባ ፤ ሐወ ፡ ወለስኛቱ ።
 ምርብዖታት ፡ እት ፡ ገለብ ፤ ለአዜ ፡ መጽኢ ፡ ዛይዳ ፡ ቱ ።
 ፋይድ-ጅምዕ ፡ ወድ ፡ ሐሰን ፤ ለሀይዲ ፡ አስራ ፡ ርጋዙ ።
 እት ፡ ለመሐበር ፡ ጠፍአዩ ፤ መረሮብ ፡ ለምራቁ ።
 “ኢትወልድ ፡ ኢትዕመስ” ፤ በዲርማ ፡ ሀቱ ፡ ብሀላ ፡ ቱ ።
 30 እት ፡ መን ፡ እግል ፡ ነዓድሎ ፤ አሚር ፡ ክት ፡ ምን ፡ ለስኛቱ ።
 ክም ፡ መሎ ፡ ለፈራሲብ ፤ ክል ፡ ቤት ፡ እት ፡ ለምትማኩ ።
 ለፈክ ፡ ብእምነት ፡ ፈዴንሁ ፤ በልሶ ፡ ሚ ፡ ሕና ፡ ቅብላቱ ።
 ለእላ ፡ ርኤና ፡ ሓኬና ፤ አዜማ ፡ ትብሎ ፡ ወትዋዱ ።
 ክርኩር ፡ ለጥንቢ ፡ ሀበኛ ፤ ለሞዳይ ፡ እሊ ፡ ጸብሓ ፡ ቱ ።
 35 አቡካ ፡ አማን ፡ ልትገጌ ፤ አዳም ፡ ሕድት ፡ ታ ፡ ስፋቱ ።

255

መንስዔይ ።

ሕላዩት ፡ አሓ ።

I አሓ ፡ ነአምር ፡ ሕናማ ፤ ወእንፋርኝ ፡ ጭገራ ።
 እንዴ ፡ ግነሕ ፡ ዎ ፡ መሐሙድ ፤ ለሮራ ፡ ክምሰል ፡ ትበወራ ።
 ክልኦት ፡ ጭንድቅ ፡ ወካሉቅ ፤ ወለሐሸለት ፡ ጅቅመራ ።
 ትጎምም ፡ ሀሌት ፡ ዐራዶ ፤ ሳምን ፡ ወርሕ ፡ ጨበላ ።
 5 እላ ፡ እንደይ ፡ ሓኬት ፤ ሸዮብ ፡ ባትክት ፡ ታ ፡ ወተራ ።
 ብቱክ ፡ ሀላ ፡ ለሀርባንሃ ፤ ወብዱል ፡ ሀላ ፡ ለሐበና ።
 ብሸራቹ ፡ ዎ ፡ ዐራዶ ፤ ለሞዳይ ፡ ዘልማ ፡ ወደላ ።
 ክም ፡ ትጻመዳ ፡ ለአስዋራት ፤ ለፈጽም ፡ ዐድ ፡ ሕድ ፡ ናከራ ።

- ክም : ትሳቀዳ : ለወሽረታ ፤ ለገንጊታ : ክም : ደአላ ።
- 10 ጣላ : ቅጥራኒ ፤ ክምሆላይት : ሀወራ ።
 ወጣላ : ሐሪረት ፤ ጁከት : ፋግረት : ምን : በሐራ ።
 በርዕድ : ባርሀት : ዐራዶ ፤ ጸሓይ : ዲብ : ለዐስተራ ።
 ወበርዕድ : ግልሓይት ፤ እንቆቅሐ : ለሐንገላ ።
 ወበርዕድ : መቅራይት ፤ ልሜት : ቡ : እት : ለከንፈራ ።
- 15 ገሩን : ሕላይት ፤ ግምእ : ቡ : እት : ለምን : ለዐላ ።
 ድሪት : ክታብ : ቤት : መዐልም ፤ ዲባ : ተአድን : ፈቀራ ።
 ድሪት : ሐገል : አብ-ፋይድ : ታ ፤ ተክሩር : ለሕጅት : ዛየራ ።
 ግራ : መርዓዊ : ታ : ዐራዶ ፤ ጸናበላ : ወደሐራ ።
 ግራ : ድሪት : ታ : ዐራዶ ፤ መርዓት : ዲብ : ለመክዘና ።
- 20 ሕልዊት : ጸላም : ታ : ዐራዶ ፤ ሸራይጥ : ለጅበላ ።
 ዕሮ : ጎባይት : ታ : ዐራዶ ፤ በዲር : ምኛ : አሰላ ።
 ዔደባይት : ታ : ዐራዶ ፤ ክዩስ : እት : ለመቅጠና ።
 ትርኤ : ሎሀይ : ሀሮማይ ፤ እት : እማቱ : ትሰፍለላ ።

ሕመድ : ወድ : መሐመድ ።

ምስል : ክንቴባይ : ቴድሮስ : እት : ልትጋደብ : ለቤላ ።

- 1 ዐምድ : ዕሉሊት ፤ ዓግብ : ቱ : ርኞዲት : ምን : አሴ ።
 እት : ሐን : ለቀርጸቱ ፤ አፎ : ሜሱ : ደይ : ሰቴ ።
 ቅቡብ : ወቃብብ ፤ ቢላ : ቢላ : ሕድ : ተአደ።
 ለቅቡብ : እንዶ : ልትፈንክ ፤ ከሰኒ : ቀብጽ : ወረደ።
- 5 ወድ : ሸብር : እት : ሐብና ፤ ወአፎ : ደናሽ : እት : ዐይዴ ።
 ሕመረት : ወድ : አልቦ ፤ በኛ : ተርፈት : እት : ትቀሴ ።

ዐስር፡ ሐምስ፡ ለማርያም ፤ ቀሻ፡ ጋብአት፡ ተን፡ ወዕፌ ።

ሰለስ፡ ለሹማ፡ አብደዋ ፤ ፍዝ፡ ወጃጉ፡ ወሸኚ ።

ወሸማገሌ፡ አብደታ ፤ ደረብ፡ ሸንካ፡ ወጽዌ ።

10 ሚ፡ ላሊ፡ ታ፡ እላ፡ ኢትጸብሐ ፤ ወሚ፡ አምዕል፡ ታ፡ እላ፡
ኢትመሴ ።

ስካብ፡ ላሊ፡ ከልኤኛ ፤ ዐረር፡ ልግበእ፡ ዙዕ፡ ጽዌ ።

ክእኒ፡ እንዶ፡ ጋድኡና፡ ቱ ፤ ከሸዋን፡ ምሩግ፡ እንዘዌ ።

ዐደገው፡ ወሊባን ፤ ወለሳልሰን፡ ተከዜ ።

ወሳቲፍ፡ ሰብ፡ ምድር፡ ታ ፤ እንዶ፡ ሐሬት፡ ከትገዜ ።

257

ብዕራዩ፡ ዐድ፡ ሐመሁ፡ ቤት-ሸሐቀን፡ አተስረቀዎ፡ ምኑ ፤ ሀቱ፡
ሀዬ፡ እብ፡ ምስምሳሁ፡ እላ፡ ሐላ ።

1 ሰካብ፡ ላሊ፡ ከልኤኛ ፤ ግራ፡ ጸዓዲ፡ ለሻቱ ።

እብ፡ ክትል፡ ኢነግፋ ፤ ዔራ፡ ቅምቤት፡ ሐማቱ ።

እብ፡ ጽንዕ፡ ኢነግፋ ፤ መዐላብ፡ ሰአና፡ ሞላዱ ።

ምን፡ ለጋይሳሁ ፤ ኢከዩድ፡ ለኢመሐዙ ።

5 ማይ፡ ልግበእ፡ ላሊ፡ ለሰክቦ ፤ ምድር፡ አስክ፡ ጽብሐቱ ።

አና፡ ላሊ፡ ኢእሰክብ ፤ ከንዶእ፡ እልዬ፡ ለእሻ፡ ቱ ።

ላሊ፡ ሕንቁቅ፡ ሰክሻ ፤ ከሸከሸ፡ ምስል፡ መርዓቱ ።

ላሊ፡ ማይት፡ ሰክሻ ፤ በትከት፡ ለጋይሰት፡ ትንፋሱ ።

ላሊ፡ ግርዝ፡ ሰክሻ ፤ ሀም፡ አለቡ፡ ወሃ፡ ቱ ።

10 ላሊ፡ ሐምቅ፡ ሰክሻ ፤ ጄሌ፡ ለሰሐብ፡ ቃራቱ ።

ላሊ፡ ፈዳብ፡ ሰክሻ ፤ ክምስል፡ ቀስነት፡ መርባቱ ።

ወለት፡ ሐጃ፡ ከሞዬ ፤ እሊ፡ ዙዕዬ፡ ቦላ፡ ቱ ።

ስነቼ፡ ኢኮኔ ፤ ስነት፡ ዐብደል፡ ታ፡ ወእያሱ ።

258

ኤሎስ : ወድ : ቱድሮስ : ቤት-ጁካይ : እት : ቅብላታ : ለቤሻ ::

- I አባይና : ላሊ : ኢልስከብ ፤ ቀመት : ልስኦን : ወአክራር ::
- አባይና : ኑብራ : ኢልንሰእ ፤ ሐኑክ : ልእቤ : ወዕዳር ::
- አባይና : ትንፋስ : ኢሊዴ ፤ ከሀላት : ተሐይስ : እት : ወድ : ዳር ::
- አቡካ : ለሰለስ : ልክሀሊን ፤ ከዲብ : ለራብዕ : መቃታል ::
- 5 ወእለን : እንዶ : ኢለአምሮ : ቱ ፤ ከመሪር : ቱ : ልብሎ : ወኢከሃል ::
- እግል : ዐዳጋ : ቦላ : ታ ፤ ዎ : ኢሐመድ-ኬር : ወድ : ምስዳር ::

259

ወአቸ : ተብዐት : ምን : ወልደት : ለቤሻ ::

- I ልሻ : ነሹእ : ዲባ ፤ ልዔ : ዲብ : ልቡላ ::
- ተብዐት : ጠልቆ : ዲባ ፤ ከእሉ : ለትጋዳላ ::
- እንደይ : ለትናጹፋ ፤ ወእንደይ : ለትማሹራ ::
- ግርጋፍ : ሐዘተ : ዲባ ፤ እግል : ለትካጁላ ::
- 5 ሸዋን : ሙርግት : እንታ ፤ ተሐልፍ : ዲብ : ዝፋራ ::
- ሀታ : ኢትወልጥ ፤ ወቶእ : ኢልቡላ ::
- ክም : ጅንግላይ : ጣይዕ : ታ ፤ ለገበይ : ኢሐሸራ ::
- ለበርቅ : ልተዋለከ ፤ ዲብ : ሚ : ትሰፋሉላ ፤
- ሀታ : ኢኮን : ግልት ፤ ወበዐላ : ኢኮን : ቡላ ::
- 10 ክም : ለእት : ቤት : በሐይላይ ፤ ጋንዶ : ወካፋላ ::

260

እብ : ምስምሳ : ድመል : ለቤሻ ::

- I አቡካ : ዎ : ሹካይ ፤ ኢሐንረራ : ወኢቦፋ ::
- አፎ : ስካብ : በደዴ ፤ ቀንጸ : ዲብዬ : ለሐሶሳ ::
- ነፍስ : ሐለት : ኢረክበት ፤ ወከብድ : ትመልአት : ምን : ቶፋ ::

- ኢፈርህዎ ፡ ለኢወዳ ፤ ወኢሐሙድ ፡ ለኢሞታ ።
- 5 ወለት ፡ ገያሲት ፤ እንደ ፡ ትሰድድ ፡ መሀደታ ።
- ወለት ፡ በጃዲት ፤ አዘቅ ፡ ገንፍል ፡ ክልኦታ ።
- ወለት ፡ መትሐልበት ፤ ዐሙር ፡ ትመልእ ፡ ርቆታ ።
- ወለት ፡ ሰታይት ፤ ሻከት ፡ ትጸምም ፡ ምን ፡ ሐጸ ።
- ወለት ፡ ሰባሪት ፤ ዲብ ፡ ኡብዕብና ፡ ታ ፡ ለአቦታ ።

261

ህብቴስ፡ ወድ፡ ተክሌስ፡ ክም፡ ሞታ፡ ለቤሻ ።

- I ኖሳ ፡ ዔረት ፡ ሸግራይት ፤ እላ ፡ እንደ ፡ ኢመረት ።
- ምንእና ፡ ከደን ፡ ወሔሳ ፡ እላ ፤ ሎሀይ ፡ ደብር ፡ ክም ፡ ነለት ።
- ደንገባ ፡ ዝሕረታ ፤ ማሌ ፡ ህብቴስ ፡ በርበረት ።
- እት ፡ ምድር ፡ ደኸያ ፤ ሐረውያ ፡ ለሐቴ ፡ ጭገረት ።
- 5 ህብቴስ ፡ ዐሊ ፡ ወድ ፡ መዎ ፡ ቱ ፤ ከብዱ ፡ ለእሳት ፡ አፍገረት ።
- ዲብ ፡ ምሐቱ ፡ ወደያ ፤ መላጼ ፡ ለከንጀረት ።
- ለሀዳይ ፡ ዕጨይ ፡ ክልኦዩ ፤ ምን ፡ ትፈረረ ፡ እት ፡ ወለት ።
- ወእግል ፡ ኢቲቢት ፤ እብ ፡ ቀጸይራ ፡ ትደረረት ።
- ዋክቴ ፡ ሰብ ፡ ግርግር ፤ እብ ፡ ሐሽም ፡ ሐሽም ፡ ትቃበረት ።
- IO ሐናኒት ፡ በልዐታ ፤ ምግግዝ ፡ እንደ ፡ ኢኣመረት ።
- ክም ፡ ናዳ ፡ ቤት ፡ በሐይላይ ፤ ሰልፍ ፡ ለዔረት ፡ ቃተለት ።
- ጠቀር ፡ ለአድጋ ፡ በዳ ፡ ባ ፤ ወዛውል ፡ ለጋሻይ ፡ ትከተለት ።

262

መሐመድ፡ ወድ፡ በሀይማኖት ።

- ሰነት ፡ ወድ ፡ አሸከር ፡ ቤት-አብርሄ ፡ ኖስኖሳ ፡ ትጋደበት ፡ ወሰ
- ለስ ፡ ዶል ፡ ትከፈለት ። I) ከንቴባይ ፡ ብእምነት ፡ ወዐድ ፡ ዕሪት ፡

እብ : ለተልዕዮም : ወዐስ : ዔረው :: 2) ወገደቦ : ጀገድ : ወዕንክር :
 ወሕመድ : ወድ : ሰምራ : እብ : ለተልዕዮም : እት : ገለብ : ተርፈት ::
 3) ወገደቦ : ኖር : ወድ : ገቢል : ወአድግ : ወድ : ዕጄል : ወዐድ :
 ሐሸላ : እብ : ለተልዕዮም : ዲብ : ረበል : ዔረው :: ከእት : አሰር :
 እሊ : መባዲት : እላ : ሐላ ::

I በዲር : ዘበን : ወድ : ገብሬስ ፤ ክል : ቤት : ሐርስ : ብዕራዩ ::
 ወአዜ : ዘበን : ኢብእምነት ፤ ኢሊዴኛ : ዕጫዩ ::
 ለድኚ : እት : ገለብ ፤ ተርፋ : ምስል : ዐንጻዩ ::
 ወለድኚ : ዲብ : ወዐስ ፤ ሐርቡ : ዩብሳ : ምን : ማዩ ::
 5 ለድኚ : ዲብ : ረበል ፤ ኢሊዴኛ : ጋምዖዩ ::

ሕላዩት : ተክሌስ : ወድ : እያይ ::

I መስገደል : ገማ : ጎማቱ ፤ ምስለን : ቤላ : እበዴ ::
 ትሸይብ : ዲብን : ገቢለት ፤ ዲብን : ዐለት : ተተርቱ ::
 ሐምስ : ውላድ : ደፈራ ፤ ጌጋ : ሚ : ቦም : ወሐብሬ :
 ሐየት : ረበዕ : ቱ : ወድ : ገንደር ፤ እብ : ጨመሯት : ዘፍ : ወዴ ::

ሕላዩት : እናስ : ቤት-አብርሃ ::

I ዶንክ : እቤ : እብ : ሕልም ፤ ወዶንክ : እቤ : እብ : አማን ::
 ዶንክ : እቤ : ክል : እዋን ፤ እንዶ : ሰአንኮ : መጅማል ::
 ትርኤ : ለገርባ ፤ እንዶ : በልግ : ኢፈጋር ::
 ወትርኤ : ለመሓውራ ፤ ምን : ክል : ቅልዕ : መጀጫራር :: 1)

1) Im Originale stand መደራር; dies ist, weil unverständlich, von Naffa^c in

5 ወትርኤ : ለከቦሃ ፤ እሻ : ጭብዕት : መትዐታር ።
 ጽጋድ : ደቀል : መራክብ ፤ መትጌላሉ : እብ : ሸማል ።
 ካሩ : ዲቡ : ክል : ሕጥር ፤ ዐርጎ : ዲቡ : እብ : ጥምባር ።
 ሐዩት : ረበዕ : ቱ : ወድ : ቴድሮስ ፤ ቀይድ : ባትክ : ቱ : ወዕቃል ።

265

ሕመድ : ወድ : ዓምር ።

ቅብላት : ዳይን : ወድ : ዐሊ-ኖር : እግል : ከንቴባይ : ብእምነት : ክም :
 ጥታ : ለበከዩ : ታ ።

I እንዴ : ጽኑሕ : ዎ : ጸርና ፤ ዳይን : መን : ቱ : አክለላ :
 ጽኑዕ : ልግበእ : ወሀመጃይ ፤ ምን : ብእምነት : ወኢዐላ ።
 ወእላ : አያ : ቀሪመት : ታ ፤ ነትሎ : ምን : ለጀፈራ :
 ኢብይት : ጋሻያ ፤ ወኢልጃረር : ወድ : በዐላ ።


5 ቤት : አቡካ : ሐቆካ ፤ ዲብ : መናግእ : ትታከላ ።
 ሰለስ : መፍለስ : ልትጋመር ፤ እዴ : ከልኦ : ወተራ ።
 ምን : ተሐት : ናይብ : ልትጋመር ፤ ወምን : ለዐል : ሎሃ : አምሐራ ።
 አባ : ልብሎ : ከንቴባይ ፤ ከዲብ : ጀነጅር : ተኣሰራ ።
 ወሀባ : ልብሎ : ከንቴባይ ፤ ባርያ : ጸላም : ለፈርፈራ ።

10 ለእዴ : ተሐጅፍ : ተጸብሕ ፤ መን : ቱ : ለዕዱይ : ደይ : ቀዐራ ።
 ለእዴ : ትክዔ : ተጸብሕ ፤ ግሙጽ : ምና : ናሰራ ።
 ወድ : ብዙሕ : ንዋዩ : ቱ ፤ ጀቅፎ : ምኑ : ክም : ዘራ ።
 ሀምራራብ : ዲብ : እንሳ ፤ ደመልቁ : አፍገራ ።
 ዖሬት : ሰራይር : ቱ ፤ ሀርቦ : ምን : ለድፈራ ።

መዴራር verbessert. Dies Lied stammt aus den zum Teil nicht sehr sorgfältig geschriebenen "Liedern der Bogos", die für Dr. Conti Rossini aufgezeichnet wurden.

- 15 ወድሩይ : ሐዮታት : ቱ ፤ ተዐካ : ምኑ : ትፋረራ ::
 ዕኬሪ : ሐረምዝ : ቱ ፤ ዐስር : ሰቡዕ : አፍገራ ::
 በርካ : ረካ : ቱ : ከንቴባይ ፤ ጀቅሮ : ምኑ : ክም : ዘራ ::
 ምክርም : ፋቲ : ቱ : ከንቴባይ ፤ ሸላል : ለቆጠት : ናቀላ ::
 ገብእ : እዩ : ምን : እብል ፤ ብእምነት : ንኡሽ : ወአቅበላ ::
- 20 ድመል : ለእት : ወድ : ከሉ : ታ ፤ ሐቆ : ቱ : ምንጣ : ሳፈራ ::
 ቀትላ : እት : ለእሱቱ ፤ ዕጉል : እንቱ : ለመሐበራ ::
 ወቀትላ : እት : ለመትሎሁ ፤ መጣ : እንዶ : ዐሸራ ::
 እት : እንዜ : ምን : ነብር ፤ እዲና : ተርፋ : ለመሐበራ ::
 እት : ሰብ : ኬን : ምን : ገይስ ፤ መስእል : ሰኒ : ወአሸከላ ::
- 25 መታን : እላ : ክርቴፈት ፤ ምስል : መጽብእ : ለአክረራ ::

ሐይለት ፡ መንሰዕ ፡ ቤት-ሸሐቀን ።



ከንቴባይ : መሐመድ : ወድ : ሐሳማ ::

ሕጺት : ወልዱ : ምን : ትበጌቶም : ለቤሻ : ሕላዮት ::

I ሓስድ : ገብእ : ረክቤኸ። ም : ስቶም : እምበል : ቀልብኪ :
መበራይ : ለሔማኪ። ወእሊ : ሸኪ : እት : ዕርዲ ::
እብ : ፈርሀት : ወእብ : ቀስብ : ቱ። ሸካኪማ : እብ : ግዲ ::
በዲርማ : “ብእሸ” : ሚ : ኢትባይ። እት : ለቤት : ለፈረንጂ :

5 ወደዩኪ : አሰራ። ለሃ : እንዶ : ተሐረስኪ።
“ትበረዮ” : ቤሉኪ። እግል : ለበዐል : ለመአኮትኪ።
መአኮቱ : ለጠልማ። እብ : ሰብ : አኸ። ወእብ : ረሺ።
ሕና : ማልና : ነስአና። ወእንቲ : ደሐን : ለሀበኪ።
በይና : ኢምትና : ቱ። ምትና : ምስል : አበቶኪ።

IO ምስል : አቡኪ። ወምስል : ለሻይብ : አብዕብኪ።
ምስል : አሚር : ወእሸሐቅ። ምስል : እሎም : ዐድ : እምኪ።
ሸር : ሓስድ : ልትከለእ። ምግቢት : እንቲ : ጀፈርኪ።
ምን : ፍጎ : ለአማትኪ። ምን : ፍጎ : ለአግብርኪ።
ምን : ፍጎ : ለነጋጊር። ወምን : ፍጎ : ለአፍርንጂ።

15 ምን : ፍጎ : ለቀራይም። ሐጌ : ወድ : ለብክርኪ።
ምን : ፍጎ : ለገበና። ወምን : ለዐል : ጽርሕ : ምን : ትነክሲ።
ምን : ትሳግሚ : እት : ኖረት። ወእት : አልገዐታ : ምን : ትሰብኪ።
ክምስል : ዳርና : ኢገብእ : ቱ። ላማ : እቱ : ወለድኪ።
ወወልዳ : ገብእ : ወድ : ፍጎ። ወሕጺት : ትገብእ : እት : አፍኪ።

- 20 ሕና : እሲትና ፤ ክል : ዶል : ገአት : ኢትገብእ ።
 ብዕራይ : ኢረክበት ፤ ለሀይሽ ፤ ወነሽእ ።
 እት : ክል : አካን : ትደለለት ፤ ሰለስ : ፍሊት : እግል : ተምጽእ ።
 እብ : ሕዮተት : ቱ : ወፈግረት ፤ ላማ : ገበል : ስምጥኪ ።
 ላማ : ሳውሆ : ወኢበጥረት : ቱ ፤ ምን : ትረክሽ ፤ ለክትሕ ።
- 25 ናስአት : እንታ : ጨመሪት ፤ ወላብሰት : እንታ : ደወኒ ።
 አዛዚ : ከሰስና ፤ እምበል : ቀልብ : ወፍቲ ።
 ሕጺት : ወርጋዝ : አዛዚ ፤ መራ : እትና : ክምሰልኪ ።
 እኸይ : ልእኬ : እት : አዳም ፤ ላጽሕ : ላቱ : ለከሽሕ ።
 ኢከሰስና : ወድ : ተክሌስ ፤ እብ : ርጋዙ : እግል : ነብዝሕ ።
- 30 ኢከሰስና : ለወለቱ ፤ ሞተት : ሾከት : ደይ : ትነሽእ ።
 ከንፈር : በዐላ : ወድ : ተክሌስ : ቱ ፤ እግል : ለተሃጋ : ዙዕ : ረሺ ።
 ኢጠልም : ከንፈሩ ፤ መይት : ዲባ : ወጸንዕ ።

እግል : ጃውጅ : ወድ : እዛዝ : ክም : ሞታ : ለቤላ ።

- I ምን : ሐምሕም : ወአልገዐታ ፤ ጃውጅ : ሞታ : ዲብ : ሰምሀር ።
 ዮም : ለመርከብ : ትሰሸራ ፤ ወትፈናጠሻ : ዲብ : ሰከን ።
 እት : ዕጫይ : ወደዎ ፤ ከደብደበዎ : እት : ድመን ።
 ሓጥር : ሞታ : ዮመቱ ፤ ዐርዚን : ብዙሕ : ልጸሸር ።
- 5 ወጸጋይ : አማናት ፤ ፍዳድ : ፈግር : እት : መሐበር ።
 ወደሸእ : መሓዛት ፤ አደባባታት : ወገርገር ።
 አዋልድ : ለጎይላ : ሰናቄ ፤ ከ“ጅዳል” : ልብላ : “ወድ : ጅደል” ።
 ጽንዕ : ሐድጋ : ወሕንቃቄ : ወሸመት : ሐድጋ : ወመምበር ።
 ክብር : ሐድጋ : ወግሳይ ፤ ፈረስ : ሐድጋ : ወበቀል ።
- 10 መለሀይ : አማንዬ : ቱ ፤ ምስሉ : ለሚስ : እጠቅር ።

መዲን : ትሰክብ : ትመዩካ ፤ ማ : ክምሰሌዬ : ትትገንጅር ፤
ግሱይ : ትመያ : አቡካ ፤ ለእያድ : እንደይ : ልደገል ።

268

ከንቴባይ : መሐመድ : እግል : ነፍሱ : ለቤሻ ::

I ከርፈዎ : ቤለዎ ፤ እማ : ወለት : ወድ : ብርገዕ ።
ኢከሩፎ : ቱ : አቡካ ፤ ምንማ : ለዕልቡ : ልትገደዕ ።
ዐድ : ሕድ : ኢከርፍ : ቱ ፤ ምንማ : በዝሕ : ሰብ : መንሰዕ ።
አቡካ : መግድዐት : አለቡ ፤ አስልሓ : በላ ፤ ወወልዳ ።
5 ሰብ : እንዜ : ቤላ ፤ ታ ፤ ማ : ኬን : ሰዐታ : ዲብ : ዐዳ ፤
ሐምቅ : ኢኮን : አቡካ ፤ ወግሉል : ኢኮን : ክም : ዐንጃ ።
ቤት : አቡና : ትቀሰኛ ፤ እት : ንትግጌ : ሰብ : ገጸ ።
ዲብ : ለምድር : ጸብሐያ ፤ ወዲብ : ለጸሓይ : ወድቀታ ።
ልብካ : ክሬ : ዎ : አስገዶም ፤ ለክርቴፈቼ : ጽብጣ ።

269

ከንቴባይ : መሐመድ : ሀዩ : እግል : ነፍሱ : ለቤሻ ::

I ውሀር : ገብእ : አቡካ ፤ ከእብ : ለቀርኑ : ሸንቅሯ ፤
ማ : ወአት : ገብእ : አቡካ ፤ ክም : ለረድኢ : ልብላ ፤
ምን : ልትበአስ : አቡካ ፤ ዳውር : ኢኮን : ዲብ : ግራ ።
ምን : ልትጋደብ : አቡካ ፤ ቤት : አብ : ጎሁ : ደልላ ።
5 ወለት : ወድ : ክፍሎይ ፤ ብእምነት : ለዙዕና : አስእላ ።

270

ጃውጅ : ወድ : እዛዘ : እግል : ከንቴባይ : መሐመድ : ለቤሻ ::

I እላ ፤ ድርስሰት ፤ አያ : ጌሳ : ለሐዳራ ፤
ሐዳር : ጋሻያ : ቱ ፤ ቤቱ : በኛ : ቱ : ለአብሻላ ።

ሐዳር : ኮናታ : ቱ ፤ ቀይሕ : ቀርኑ : ዝላላ ።
 ለትበኼ : እንታ : ቱ ፤ እሺት : ትደውር : እብ : ጣራ ።
 5 ለትረግዝ : እንታ : ቱ ፤ አሓካ : ተአምር : ቃታላ ።
 ምን : ትበጥር : ዔጸታ : ቱ ፤ ምንዲ : ትገይስ : አጋራ ።
 ምን : ትሰምዕ : እዝና : ቱ ፤ ወምን : ትትሃጌ : ንሳላ ።
 ጸገም : ዋቂ : ሚ : ኢዳግም ፤ አባይማ : ላቱ : ወጋና ፤
 ለነአብዮ : ሕና : ቱ ፤ ምን : ከልኤና : ለሕዋላ ።

271

ከንቲባይ : መሐመድ : ቅብላታ : ሰጫ ።

I አብ-ገዛይር : በኬና ። እልፍ : ትግበእ : ጄጅሁ ።
 በዲርማ : አብዬ : ወአቡሁ : ቱ ፤ እሺ : ጋድም : ለምግድሁ ።
 ህቶም : ቶም : ሰብ : ለዐመሉ ፤ ወህቶም : ቶም : ሰብ : ለምርብዑ ።
 ህቶም : ቶም : ለጋሻይ : ለደሮ ፤ ሔሳስ : እንዶ : ጸቡሕ : እሉ ።

272

ከንቲባይ : መሐመድ : እግል : አሓሁ : እብ : ሰንቡእ : ክም : በዴት : ሰጫ ።

I ምንኪ : ዎ : ዕላጅ : ያፋይት ፤ ሕና : ገብእ : በርሀና ።
 ምን : እንሰኼ ፤ ሳልስ : ወድ : አብ : ወአክሸዐና ።
 ወምን : እንመይት ፤ ነፍስ : ብዙሕ : ቱ : ተበና ።
 ዕላጅ : ጣላ : ሐሪረት : ታ ፤ ጃከት : ፋግረት : ምን : በሐራ ።
 5 ወዕላጅ : ቅዝር : አዛሚት : ታ : ዐሙር : መልእ : ቅረራ ።
 አሓ : ውላድ : ቤት-ሸሐቀን : ጋሻት : ሚ : ታ : ክምሰልሃ ፤
 ትመይት : ዲባ : ዐድ-ህብቱ : ርሻሽ : ዲቦም : ትደለላ ።
 ወሞታ : ዲባ : ወድ : አብርሃም : ስምጡ : ዲባ : መስከና ።
 መይት : ዲባ : ተገሪት : ዕልብ : ሚ : ባ : ነበራ ።
 IO ወመይት : ዲባ : ሰቀንዙ : “ዘራፍ” : ቤላ : ከአስቀራ ።

ቅጡም፡ ወድ፡ ሐማድ፡ ቅብላታ፡ ለቤላ ።

- I ምን ፡ ለጸርካ ፡ ሰንደም ፤ በዲርማ ፡ ትቶሩ ፡ ወኢሰአነት ።
 ወትቶራው ፡ ውላድ ፡ ዐድ-ሹማ ፤ ትጸንሕ ፡ ዲቦም ፡ ሕውኝት ።
 ሰብ ፡ ለደናና ፤ ዕልብ ፡ ሚ ፡ ቡ ፡ እት ፡ ገድለት ፡
 ሰብ ፡ ለደንግሐ ፤ እት ፡ ምዕጥና ፡ ወሐረት ።
- 5 ወትቶሩ ፡ ዓሩ ፡ ወድ ፡ ሙሳ ፡ ቱ ፤ እሹቱ ፡ ለዕላል ፡ ዋቀለት ።
 ዲብ ፡ ለረአስ ፡ ለሐማራ ፤ ቃርደት ፡ እንታ ፡ ወስእየት ።
 እብ ፡ ሰይፍ ፡ ልጃገም ፤ እንደይ ፡ ዐልብ ፡ እግል ፡ ግድዐት ።
 ወእብ ፡ ዓደት ፡ ልጃገም ፤ ምን ፡ ክብዕቡ ፡ ለጸንሐት ።
 ዲብ ፡ ዐስተር ፡ ቃቅዖታት ፡ ቱ ፤ ወዲብ ፡ ምድር ፡ መንድዐት ።
- 10 ወለት ፡ መቴላ ፤ ትወጽዕ ፡ እንደይ ፡ ትወጽዐት ።
 ወትቶሩ ፡ መሐመድ ፡ ወድ ፡ በሐይላይ ፡ ቱ ፤ በዲርማ ፡ ኣላፍ ፡
 ትደረረት ።
 እምበል ፡ ከፈን ፡ ወርጃዝ ፤ ወለት ፡ ደልማ ፡ ትሰተረት ።
 ሕይብ ፡ ታ ፡ ዲብ ፡ ለዶሳሃ ፤ እንደይ ፡ ትብል ፡ ወትበሀለት ።
 በዲርዲ ፡ ሰብ ፡ ለዕዳያ ፤ መፋዲቱ ፡ ወኣምረረት ።
- 15 ወልደም ፡ ኣስሮ ፡ ዲብ ፡ ዕቆት ፤ እግል ፡ ኢልፍገሮ ፡ ምን ፡ ሐረት ።
 ሳልፊት ፡ ለክብዕቦም ፤ ምን ፡ ቀዳም ፡ ሓይራም ፡ ትጸበረት ።
 ውላድ ፡ ለመካዝን ፡ ናስኣት ፡ ታ ፤ ፍካክ ፡ ወብእምነት ።
 ኢትካለበው ፡ እግል ፡ ሓሪት ፤ ንእሽ ፡ ወርትዕ ፡ ወስነት ።
 እዳላ ፡ እት ፡ ስሐ ፤ ለመርባት ፡ ቀስነት ፡ ወሰክበት ።
- 20 መሐመድ ፡ ወዐገባ ፤ ለሆምማ ፡ ታርፋም ፡ ቶም ፡ እት ፡ ሽዕበት ።
 ኢተኣመረት ፡ ምዕያራ ። ሐቆሃ ፡ መኣዜ ፡ ተሓሰበት ፡
 ሕኒት ፡ ኣምዕል ፡ ገጽ-ገምሮት ፤ ክል ፡ ቤት ፡ ወኣታ ፡ ትደረረት ።
 ምሴ ፡ ዔረት ፡ እት ፡ ኣፍያት ፤ ምንማ ፡ ፈጅር ፡ ትገበለት ።

ለክብት : ዕሉሊት ፤ ሐቆሃ : መክዜ : ትፈገረት ፤
 25 ዐድ : ሕድ : ላቃስ : ሰአነያ ፤ ዲብ : አፌታ : ለትሰአለት ።

አበብ : ወድ : መሐመድ ።

እብ : ምስምሳ : ድመል : ለቤላ ።

1 ከይመት : ከብድ : አቡኪ ፤ ተሐዬ : ቤተት : ክም : ምግዳ ።
 ኢትበርድ : ከብድ : አቡኪ ፤ ወሚስ : ትስቴ : ወስልቃ ።
 ክብድት : ታ : ድመል : አቡኪ ፤ እት : ግራብ : ምንዲ : አክሻ ።
 ቀላል : ታ : ድመል : አቡኪ ፤ አምዕል : ለኖሱ : ቀስቅሻ ።
 5 ቅሻ : አቤ : አቡኪ ፤ ወድ : ለጻራድ : ወንጫ ።

ድመል : ሐድጉ : ወድ : ግልወት ፤ ዐድ : ዐርበዐቴ : ዛምት : ቱ ፤
 ማመት : ምእት : ወሕምሳ ።

ሐርማ : ለዛምተት : ሚ : ኢዘምታ ፤ አረይ : ጸብጠት : ዲብ : እንታ ፤
 አዜማ : ጀሚል : አቅሰና ፤ ክል : ዶል : ወጄ : እት : ዕንታ ።
 ድመል : ናሸሕ : ወድ : ልጃም ፤ ሐዩት : ቃትል : ቱ : እት : ግልሳ ።

10 እሎም : ቶም : ሰብ : ለደመምል ፤ ድመል : ምንዲ : ትውዕዛ ።

ድመል : ወድ : ጋንጉል ፤ ብእሳ : ዋዲ : ቱ : እት : ስምጣ ።
 ድመል : ወድ : ሐጎስ ፤ ሐሁ : ቃትል : ቱ : ሐ : ግምጃ ።
 እሎም : ቶም : ሰብ : ለደመምል ፤ ድመል : ምንዲ : ትውዕዛ ።

ድመል : ሀዘጋ : ልጅ : አበራ : ወግብሳ ።

15 ድመል : ወልደንኬል : ስቁል : ሀላ : እት : አምባ ።

እሎም : ቶም : ሰብ : ለደመምል : ድመል : ምንዲ : ትውዕዛ ።

ድመል : ዘርአይ : ወድ : ሀዳድ : ሰኒ : በዐልዬ : ወመምባ ።

ዐቫይ፡ ወደያ፡ ለጸልዐት ፤ ንኢሽ፡ ወሴማ፡ እት፡ እንታ።

ጠቅለላ፡ ነጋሪት ፤ እት፡ ትከየድከ፡ ወእት፡ ቅባ ።

20 እሎም፡ ቶም፡ ሰብ፡ ለደመምል ፤ ድመል፡ ምንዲ፡ ትውዕዛ ።

ድመል፡ ቤት፡ ዐሊ ፤ ለመናበትና፡ አግዳ ።

አምዕል፡ ለሬሻና ፤ ክል፡ ቤት፡ ትበይእ፡ እት፡ ግባ ።

አምዕል፡ ለገበያ ፤ ውራቅ፡ ዲብ፡ ሕድ፡ ሰደዳ ።

አምዕል፡ ለማላታ ፤ ለፈረንካታ፡ ተዐደዳ ።

25 አምዕል፡ ለሸመታ ፤ ጅብት፡ ሐሪር፡ ተሀይባ ።

እሎም፡ ቶም፡ ሰብ፡ ለደመምል ፤ ድመል፡ ምንዲ፡ ትውዕዛ ።

ድመል፡ ደገልል ፤ ድመላማ፡ ክም፡ እንሳ ።

እንሳማ፡ ምንዲ፡ ትትገደእ ፤ ባባ፡ ጸይዕ፡ ወሸንታ ።

ድመል፡ አራይ፡ ወድ፡ በየድ ፤ ወድመል፡ ዘማት፡ ሐ፡ ክሻ ።

30 እሎም፡ ቶም፡ ሰብ፡ ለደመምል ፤ ድመል፡ ምንዲ፡ ትውዕዛ ።

ድመል፡ መሐመድ፡ እሳታት ፤ ወድመል፡ ሕመድ፡ ዕርግባ ።

ድመል፡ ለሐለንጋይ ፤ ክዲት፡ ላታ፡ ለቆጣ ።

እሎም፡ ቶም፡ ሰብ፡ ለደመምል ፤ ድመል፡ ምንዲ፡ ትውዕዛ ።

ድመል፡ ሰብ፡ ሮራ ፤ ጸፈዕ፡ ወገብሻ፡ አግዳ ።

35 ድመል፡ ማይራታት ፤ እት፡ መድሀነት፡ ወእት፡ ግልጸ ።

እሎም፡ ቶም፡ ሰብ፡ ለደመምል ፤ ድመል፡ ምንዲ፡ ትውዕዛ ።

ድመል፡ ወድ፡ ረካ ፤ አፎ፡ ሀዳድ፡ ለፍርሳ ።

ድመል፡ ዐድ-ተክሌስ ፤ አምዕል፡ ለዐድ፡ ሕድ፡ ትቀስቅሻ ።

ተትባርዳ፡ ዲብ፡ ዐድ፡ ሕድ ፤ ለሳክያት፡ ሕፍን፡ እት፡ እንታ ።

40 እሎም፡ ቶም፡ ሰብ፡ ለደመምል ፤ ድመል፡ ምንዲ፡ ትውዕዛ ።

ድመል፡ መሐመድ፡ ወድ፡ ሸከር ፤ ኖሱ፡ እንዶ፡ ለሐጥጣ ።

እት : ናይብ : በልስ : ወስልጣን ፤ ነፍሱ : እግል : ለሸንቃ ።
 ድመል : ሓምድ : ወድ : ሐሰን ፤ ሺመት : በኑ : ልብሕታ ።
 ቤት : አስገዴ : ጣወሻ ፤ ከባለሰያ : እት : ግርዛ ።

45 ሐቴ : አምዕል : ጸዐነያ ፤ አስክ : ክማ : ወሐልጃ ።
 እሎም : ቶም : ሰብ : ለደመምል ፤ ድመል : ምንዲ : ትውዕዛ ።

ድመል : ዐድ-ናይብ ፤ እብ : ሰብ : ትበዴ : ወእብ : ኖሳ ፤ ለነፍሳ :
 በሐር : ዲብ : እንታ ።

ድመል : ብእምነት : ወድ : ቴድሮስ ፤ ሀይገት : ረአሱ : ለውላ :
 ባ ፤ ገለብ : እግል : ለግዕዛ ።

ድመል : ነጋሲ ፤ ለሃማ : ለሃ : ትገድዳ ።

50 አምዕል : ቡ : ለእላ : ገብግባ ፤ ወአምዕል : ቡ : ለእላ : ዘምታ ።
 እሎም : ቶም : ሰብ : ለደመምል ፤ ድመል : ምንዲ : ትውዕዛ ።

ድመል : እዛዝ : ወድ : ሕሻል ፤ ትበአሳ : ዲብ : ለአማቱ ፤ ከራ :
 ዳፍአት : ወሕታ ።

ትበአሳ : ዲብ : ለመርዓቱ ፤ ንኢሽ : ሐዳስ : እብ : ጭድቃ ።
 ትበአሳ : ዲብ : ለዋጦቱ ፤ ራፍዐት : እንታ : እት : ሕብጣ ።

55 ትበአሳ : ዲብ : ለመትሎሁ ፤ ሐራስ : ብእታ : ወግርጃ ።
 ትበአሳ : ዲብ : ንጋረቱ ፤ አግብር : ጸሊም : ዘብጣ ።

ድመል : እክድ : ወድ : ጃውጅ ፤ ወልዳ : ናስአት : ታ : ወክብታ ።
 እሎም : ቶም : ሰብ : ለደመምል : ድመል : ምንዲ : ትውዕዛ ።

ድመል : እያሱ : አፎ : ዕሉም : ሐ : ፍዳ ።

60 ጸገት : ጸራ : እያሱ : ዔጸት : እንደይ : ዐርግባ ።
 ኢፊለካ : ሐለንጋይ : ግሰት : እንደይ : ከርባ ።

ምዕል : ቡ : ለእላ : ገንሐ : ወምዕል : ቡ : ለእላ : ረምዳ ።

ደመል፡ ሐሳማ፤ አምር፡ ደመል፡ ቤት፡ አብሁ፤ ምን፡ አው-
ለት፡ ስሕል፡ ረምድዳ።

አምር፡ ደመል፡ እሴቱ፤ ወልዳ፡ ነዝዕ፡ ምን፡ ሕቅፋ።

65 አምር፡ ደመል፡ ተላዩ፤ ቀደም፡ ዶሉ፡ ደርሻ።

አምር፡ ደመል፡ ገርሀቱ፤ በዱ፡ ለብዕድ፡ ባልሻ።

እሎም፡ ቶም፡ ሰብ፡ ለደመምል፤ ደመል፡ ምንዲ፡ ትውዕዛ።

ደመል፡ በዐላ፡ አቡዬ፡ ቱ፤ ሔሴ፡ ሚ፡ ባ፡ ወሕርሳ፡

ብዕድ፡ ሐርሰ፡ እግል፡ ኖሱ፤ ወእንታ፡ ተሐርሰ፡ እግል፡ እንዳ።

70 እሸዋ፡ ለድቡር፡ ተናክፍ፤ ወእሸዋ፡ ለዕሩቅ፡ ለብሻ፡

እግል፡ ረቢ፡ ተሃኒኮ። በዐል፡ ተስፋዬ፡ ኢእንታ።

እሎም፡ ቶም፡ ሰብ፡ ለደመምል፤ ደመል፡ ምንዲ፡ ትውዕዛ።

መርሐባ፡ ዎ፡ መርዓዊ፤ አሐማ፡ ተዐይር፡ እት፡ ምግዳ።

ዮም፡ ተብዐት፡ ትበኸረት፤ ወአንስማ፡ ኖሳ፡ ትወልዳ።

75 ቀይም፡ ለስሕል፡ ሰብኮ፡ ባ፤ አተርሐበት፡ እት፡ እንዳ።

ልሔታ፡ ለአውለት፡ ሳግሞ፡ ባ፤ አሪከዌ፡ ወስብጣ።

ኖር፡ ሰልም፡ እግል፡ ትምኒት፤ ምሕላብ፡ ምንዲ፡ ትከይዳ።

እግል፡ ቅሕባ፡ ኢኮኔ፤ አቡካ፡ እግል፡ ለንድቃ።

ለዘዐቹ፡ እዛዝ፡ ወሰዐያ፤ ህቱ፡ እግል፡ ለጽብጣ።

275

አሐሆም፡ ክም፡ ትዘመተት፡ ለቤሻ።

I ሐቆ፡ ገአና፡ ድካታት፤ ኢነሀድም፡ ዎ፡ ክዳኑ።

ሐቆ፡ ለ“ሐሩዶም”፤ ሞዳይ፡ እግል፡ አቅላሉ።

ሐቆ፡ ለአማትና፤ “ሰሜን፡ አብጽሕዎ፡ ወዋሉ”።

ሐቆ፡ ለመናዱቅ፤ ወሰይፍ፡ ነአምር፡ ጽዋሩ።

- 5 ሐቆ : ለተገሪት ፤ ድገለቡ : ወማኑ ::
 ሐቆ : ለአካልና ፤ ፍካክ : ገአ : ሐዳሩ ::
 ዕጄል : ምንዲ : ሸሸዮም ፤ ቃብል : ቱ : ቤለዎ : እብ : ከአሩ ::
 አቡኩም : ትሩድ : አማናት : ቱ ፤ እት : ጨዳኒቱ : ምን : ትጋሩ ::
 ሐቆ : በርዕድ : ትዘመተት ፤ አቡኩም : ነፍራ : ለቅሳኑ ::
- 10 ሓምድ : ወድ : እክድ ፤ ሸንጉል : ለሳብት : ኤማኑ ::
 ሰምራ : ወድ : ትጃር ፤ ገአ : ገብእ : እት : ጋሩ ፤
 አቡዬ : አብ-በልዋይት ፤ ኢሰዐንሁ : ለተናኑ ::
 እንቱም : ውላድ : ዐድ-ደሲት ፤ ምንእና : ወምኖም : ኢተዓሩ ::
 ጃዌ : ቃሪ : ምን : ለብስ ፤ በዲር : ገብእ : አውቃ : እሉ ::
- 15 ወድ : ተክሌስ : ወድ : ፈዘዕ ፤ መን : ሰቸዮ : ለውካኑ ፤
 አቡዬ : አብ-ጅዳ ፤ ሕጻን : ሰኒ : ዐራ : እሉ ::
 እብ : ሚ : ለመትሩ : ደይ : መቸር ፤ እብ : ለድሪት : መሳሩ ፤
 ሐምሌተቱ : ደይ : ጸምም ፤ ለሞዳይ : ክምሰል : ጠላ : እሉ ::
 እብ : ሚ : ጅምል : ኢልብል ፤ እብ : ዘበን : ለተጋሩ ፤
- 20 ፍካክ : ወድ : ገርጊስ ፤ ግንዳሌሁ : ወበሃሉ ::
 እብ : ሰይፍ : ለእሸቱ ፤ ምድር : ሰአና : አብጣሩ ::
 ሰይፍ : እሸት : ወኢፈርገ : ቱ ፤ እግል : ለረሸ : አርገ : እሉ ::
 ጽነዕ : ሞቱ : ዲብ : ሸመት : ታ ፤ ወትግራይ : ሞቱ : እት : ማሉ ::
 ሐርማዝ : ሞቱ : ዲብ : ቀርኑ : ታ ፤ ደርቡ : ትገይስ : ለሀዳኑ ::
- 25 ሐዩት : ሞቱ : ዲብ : ግዳል : ታ ፤ ዲብ : ለረአስ : ለቅታሉ ::
 ሀርማይ : ሞቱ : ዲብ : ሕደት : ታ ፤ ለመሃርም : ክምሰል :
 ጠዐማ : እሉ ::
 አድግ : ሰልም : ለአዋልድ : ለድኔ : ዲብ : ለድዋሩ ::
 “ከአፎ : ቶም” ፤ ምንዲ : ልብላኸ ፤ ወድ : ሰብ : ክል : ዶል : ቱ :
 መአሳሩ ::

እድሪስ ፡ ወድ ፡ ገብሻ ።

እግል፡ ከንቴባይ፡ መሐመድ፡ ምን፡ ምራ፡ ለሐሰደ ።

1 ትም ፡ ታ ፡ ገድም ፡ ወአስደማም ፤ ለመአሸፍ ፡ እሊ ፡ በርካ ፡ ቱ ።

ወትርኤ ፡ እሊ ፡ አዘመ ፤ ወትርኤ ፡ እሊ ፡ አምሻሹ ፡

ወትርኤ ፡ እሊ ፡ መደባይ ፤ እት ፡ ቀበት ፡ ለአብያቱ ፡

መምብሃ ፡ ቱ ፡ እላ ፡ ተገሪት ፤ ላማ ፡ ዋይራ ፡ መምብሃ ፡ ቱ ።

5 ደብራ ፡ ቱ ፡ ዲቡ ፡ ትሻፈል ፤ ከተዐይር ፡ እት ፡ ክል ፡ ሓጋሱ ።

ወድ ፡ ሐሳማ ፡ ወድ ፡ ሕሻል ፡ ቱ ፤ ለጋድመት ፡ በዲር ፡ ውህራ ፡ ቱ ።

ምን ፡ ገይስ ፡ እገራ ፤ ወምን ፡ ልትሃጌ ፡ አፍሃ ፡ ቱ ።

ምን ፡ ሰምዕ ፡ እዘና ፤ ወምን ፡ ልርኤ ፡ ዕንታ ፡ ቱ ።

ገድም ፡ ጽልመት ፡ ሚ ፡ ትከይድ ፤ ለወርሓ ፡ እሊ ፡ አምሳ ፡ ቱ ።

10 አባይና ፡ እሉ ፡ ልትኣኬ ፤ በዲር ፡ እብ ፡ ለረብዓቱ ።

ለገሌ ፡ ልብል ፡ “ህረቦ” ። ለገሌ ፡ ልብል ፡ “መጽአ ፡ ቱ” ።

ለገሌ ፡ እብ ፡ ሀውኬ ፤ ገይስ ፡ ምኑ ፡ ለሕልካቱ ።

ምን ፡ ዘምታ ፡ አቴ ፡ ባ ፤ ተዐይር ፡ ዲብ ፡ ለአፍያቱ ።

ዝምትት ፡ ላታ ፡ ለተክሬ ፤ ጋይሰት ፡ ኢኮን ፡ ምን ፡ መሐዙ ።

* * *

15 መርሐባ ፡ ዎ ፡ ከንቴባይ ፤ ሹም ፡ ለሐክም ፡ ምድር ።

ወድ ፡ ሐሳማ ፡ ቱ ፡ ወድ ፡ ሕሻል ፤ ለነጋጊሩ ፡ ምን ፡ ሀደር ።

መምባ ፡ ለአግብር ፡ ደራይት ፤ መምባ ፡ ለአማት ፡ ፈረፍር ።

በዩእ ፡ እት ፡ ደኔ ፤ መን ፡ ከርዎ ፡ ወከልክል ፡

ክም ፡ ቀልቡ ፡ ልትሃጌ ፤ ኢለርዐዴ ፡ ወኢሐፕል ።

20 “ሸሩ” ፡ ልብሎ ፡ “ልክልኸኛ” ፤ ምዕል ፡ ለእላ ፡ መትነደር ።

ሐዩት ፡ ቱ ፡ ወድ ፡ ገመኔ ፤ እብ ፡ አስዑዳ ፡ ገንድል ።

መን : ቱ : እምበሌካ ፤ ለገይዳት : ጥራይ : መጭር ፤
 ለሕኑቅ : እንቱ : በልስ ፤ ወቅድድ : እንቱ : ነትል ።
 ዕምረት : ለመሸሻብ ፤ ፋግር : ኢኮን : እብ : እግር ።
 25 ፋግር : ኢኮን : ምን : ሐረት ፤ ወፋግር : ኢኮን : ምን : ምዕጥን ።
 ፋግር : ኢኮን : ምን : ድኔ ፤ እብ : ስቃራት : መዘኛር ።
 ለአንስ : ወጄ : ዕላለት ፤ ወለዋጦት : ዙሽጥ : ዐነድር ።
 ሳምን : ታ : ኑብራ : እዲና ፤ ሐቆ : ለሳምን : ኢትነብር ።
 ሳምን : ለረብዓታ ፤ እት : ልሄሬ : ወእት : ገንድል ።
 30 ለእገራ : እት : ገይስ ፤ ለዕንታት : ሰኒ : እት : ፈጥን ።
 ከፋሃ : እዲና ፤ ዕዛል : ምሴ : ታ : ወፈጅር ።
 እዲና : ሐላፊት : ታ ፤ ዳይን : ሚ : ታ : ከትነብር ።

* * *

መርሐባ : ዎ : ከንቲባይ ፤ እላ : ጋድመት : መስመራ ።
 ወአለል : ትግበእ : ወጎምሳ ፤ ለዊሻ : ገይስ : ምን : ለዐላ ።
 35 ሹም : ለሸየም : ልትጋመር ፤ እንዶ : ሀይብ : ተበና ።
 ድፋይ : ለቀዓሪ : ገናፍል ፤ ድፋይ : ለሰራር : ገርገራ ።
 እት : አፍሁ : ሸዋራብ ፤ እት : ሸልሐ : ሐልሐላ ።
 ቅታሉ : ለብሐቶ ፤ በጥር : ምኑ : ለኢከሀላ ።
 አለቡ : ረድዮ ፤ ሕዋይ : ቱ : ሐቆ : ተሐውረራ ።
 40 ሰብ : ጸሊም : ልጸሸር ፤ ጋብእ : እንቱ : ደልደላ ።
 ምን : ለዐል : ለክስታን : ልትፋተሕ ፤ ሐደግ : ወለይ : አገላ ።
 ኢፈርህ : አሰይፍ : ምንግ : ትመትሃ : ወትሰሐላ ።
 ወኢፈርህ : መናዳቅ : ባሮት : እብ : ለስረራ ።
 ወኢፈርህ : ከወኒ : እት : መቅጠኑ : ሻገራ ።
 45 አርውሐት : እት : ረሺ : ታ : እት : ለታልቅ : ምን : ለዐላ ።
 እብ : ትበአሰት : ኢትመይት : እንደይ : ተማ : ለአጅላ ።

ወእብ ፡ ሰኬት ፡ ኢትፈግር ፤ አግማላ ፡ ሐቆ ፡ ተሐደራ ።

ረበዕ ፡ ረበዕ ፡ ታ ፡ እዲና ፤ በዲርማ ፡ ጅሃ ፡ ወዐመላ ።

እት ፡ ልገንሕ ፡ ለዕንታታ ፤ ወእት ፡ ልገደስ ፡ ለእገራ ።

50 ሳምን ፡ ታ ፡ ነብራ ፡ እዲና ፤ ግሉል ፡ ቱ ፡ ለእግላ ፡ ተሀመላ ።

* * *

መርሐባ ፡ ዎ ፡ ከንቴባይ ፤ ሹም ፡ ለሐክም ፡ እንታ ፡ ቱ ።

“ልግብአኒ” ፡ ኢልብል ፤ በዲርማ ፡ እሊ ፡ ፍራዱ ።

እባ ፡ ዘልም ፡ ዐስተሩ ፤ ወእባ ፡ ፈሬ ፡ ለሕራሱ ።

እባ ፡ በዝሕ ፡ እንሱሱ ፤ ወእባ ፡ ሰልሕ ፡ ውላዱ ።

55 እሊ ፡ ዐድ ፡ ሐቆካ ፤ “ገዐዘ” ፡ ልብል ፡ “ወዋዱ” ።

መን ፡ አምራ ፡ ገብዩ ፤ ወመን ፡ አምራ ፡ ጎማቱ ።

እሊ ፡ ዐድ ፡ ምርዝሙ ፡ ቱ ፤ ወእሊ ፡ ዐድ ፡ ታክያቱ ።

መርሐባ ፡ ዎ ፡ ድራር ፡ ጋሻይ ፤ “ናጽፎ” ፡ ልብል ፡ “ወዳዱ” ።

ለገሌ ፡ አስጋይ ፡ ልደረር ፤ ለዋካት ፡ እንዶ ፡ ገራዙ ።

60 ለገሌ ፡ በልዕ ፡ ገሻይሽ ፤ ለገሌ ፡ ሰቴ ፡ አምያሱ ።

ለገሌ ፡ ተኸ ፡ ቀሐዋታት ፤ ደጋዱጋ ፡ ለትማሱ ።

ሐቆ ፡ እለን ፡ ልትወሉብ ፤ ከከፍክፍ ፡ ዝሕረት ፡ አብያቱ ።

መን ፡ ቱ ፡ እምበል ፡ ከንቴባይ ፤ ለእግል ፡ ለጋሻ ፡ ሕራሱ ፤

አመቱ ፡ ሃብ ፡ ሰውያ ፤ ለምድር ፡ አስክ ፡ ጽብሐቱ ።

65 ኢትረኸብ ፡ ክምሰልሁ ፤ እንዶ ፡ ዐልኩም ፡ ተሐዛዙ ።

ረበዕ ፡ ለረብዓት ፡ ልዳገን ፤ ለምኑ ፡ ነድእ ፡ ጎምካ ፡ ቱ ።

ረበዕ ፡ ሰባር ፡ መጋዝም ፤ መን ፡ ነውንዮ ፡ ስጋዱ ፤

ረበዕ ፡ ቱ ፡ ለዕልባይ ፡ ፈናቴ ፤ ድሩይ ፡ ቱ ፡ ለጸሊም ፡ አግምአቱ ።

አንጃቡ ፡ ሐራጽጽ ፤ ገይዳት ፡ ጥራይ ፡ ቱ ፡ ልማዱ ።

70 ረበዕ ፡ ቶር ፡ ለዐገባ ፤ መስከቡ ፡ ሎሀይ ፡ በርካ ፡ ቱ ።

ረበዕ ፡ ሐራይሽ ፤ ዎሮ ፡ ቀርኑ ፡ ከልሻ ፡ ቱ ።

ረበዕ : ሐረምዝ ፤ ለንጠዋጥል : ነግዋቱ ::

ረበዕ : ሰብ : ተብፅን ፤ ፍጫል : ቃቀት : እንታ : ቱ ::

ምድር : አምር : ሳጣሩ ፤ ወድመቅ : አምር : ዛባጡ ::

75 “ሸሩ” : ልብሎ : “ልክልአኛ” ፤ ምን : ግንሐት : ለአብዛዙ ::

ሐቆ : ትነደራ ፤ መን : ነቕሞ : ብጽዓ : ቱ ::

እት : አቤኹም : ለትጋውሕ ፤ ሰይፉ : ለጸብጥ : ሳክያቱ ::

ሰይፉ : ወሐል : ኢሐድግ ፤ በንበን : ቱ : እሊ : ቅርጫቱ ::

ምን : ለዐል : ነሽእ : አስግደት ፤ ወምንዲ : ልድህር : ሸርባ : ቱ ::

80 ክም : ዐሊ : ምን-ጣልም ፤ ሾሉ : ወለመዳዳ ::

ኢትሸጌፍ : ተደምዕ ፤ ምን : ደርብያ : ኮናቱ ::

እትላ : ጨዓኒቱ ፤ ገድም : ጋሩ : ውላዱ ::

ምን : ሀይብ : ከንቴባይ ፤ መን : ዐሬ : ቡ : ለአፍናኩ :

ምን : ልትበአስ : ከንቴባይ ፤ ቅምጭ : ሚ : ቡ : ዕንታቱ :

85 ከብዱ : በሐር : አብደላም ፤ እት : ቀበታ : አልማ : ቱ ::

በየእ : እት : ደጌ ፤ ኢከልኩሎ : እንታ : ቱ ::

አፉሀ : ልትሄረር ፤ ለእደይ : ሻክክ : እብ : ረሐቱ ::

ምንማ : አስረዎ ፤ ሞቅሕ : ሰአነት : ሓጣጡ ::

እት : ወሐይዝ : ተንከር ፤ ናስእ : እንቱ : ጋሻቱ ::

90 ለህቱ : መናቅሶ ፤ ሕመር : ወሸግላ : ቱ ::

እላ : ሐድግ : ሚ : ቡ : እት : አንፉ : ለጸንሐ : ቱ :

ገድም : ሐቆ : ከንቴባይ ፤ ክል : ቤት : ልጽብጥ : ምሕሸሐሹ ::

ሐመድ : አልምሀዲ ፤ ተማ : ገብእ : ለአውካዱ :

እሊ : ሙቱህ : ቱ : ለአሰይፉ ፤ ወእሊ : ሐሩጥ : ቱ : ለአ
ጅራዱ ::

95 እሊ : ቡዱል : ቱ : ከናፍሩ : ወእሊ : ጡሉም : ቱ : ለሐጽያቱ ::

እሊትማ : ብእሳ : ጠልመቶ : “ሰርጎካ” : ትቤ : “እንካ : ቱ” ::

ከፋክሮ፡ ከትገይስ ፤ ለሓጥር፡ ሀላ፡ ውሀራ፡ ቱ።

ሳምን፡ ታ፡ ነብራ፡ እዲና ፤ ሐቆ፡ ለሳምን፡ ፈንገ፡ ቱ።

277

ገላይዶስ፡ ወድ፡ ቴድሮስ።

ፍካክ፡ ልሸመው፡ ለዐለው፡ በዲር፡ ሓጥሮታት፡ ምን፡ ዐለው፡
ወአዜ፡ ፍካክ፡ ለትሰመው፡ ምን፡ በዝሐው፡ ወክም፡ ለቀዳምያም፡
ምን፡ ኢሐጥረው፡ ለቤላ፡ ሕላዩት።

- I ፍካክ፡ ኩሉ፡ ትሰመያ ፤ ከአዳም፡ ዐድ፡ ሕድ፡ ትላካ፡ ባ።
- ፍካክ፡ ሀላ፡ እት፡ ቤልታ ፤ ወፍካክ፡ ሀላ፡ አይባባ።
- ፍካክ፡ ሀላ፡ አግዐሮ ፤ ጋድመት፡ ለብዙሕ፡ ዕያባ።
- ፍካክ፡ ሀላ፡ እት፡ ገለብ ፤ ወፍካክ፡ ሀላ፡ እት፡ ላባ።
- 5 ፍካክ፡ ሀላ፡ እት፡ ኸዕብ ፤ እት፡ ድርጽ፡ ለአካባ።
- እግል፡ ኢልክለእ ፤ እድሁ፡ ለማላት፡ ማጣ፡ ባ።
- እግል፡ ኢልስኬ ፤ ነፍሱ፡ ለሰሐርታይ፡ ትበአሳ፡ ባ።
- ወለት፡ ዐርባ፡ ወሬዛ ፤ እት፡ መዐቡላ፡ ዐራ፡ ባ።
- እሴቱ፡ ሐማቱ ፤ ሕናማ፡ እግሉ፡ መሐልና፡ ባ።

278

አቤብ፡ ወድ፡ ትማርያም፡ እት፡ ቅብላታ፡ ሰሐሰያ።

- I አስማይማ፡ ክም፡ ሕድ፡ ኢኮኔ ፤ ስምማ፡ ዛይደት፡ ታ፡ ለፍካካ።
- ወድ፡ ነውረዲን፡ እት፡ በልቀት ፤ አገረማ፡ ለስእላታ።
- ግልደት፡ ሳኪ፡ ትጸሸረት ፤ ተርፈት፡ ዲብ፡ ለምትማካ።
- ወቤቱ፡ አልጽ፡ ገሌታ ፤ ሐዳስ፡ እብ፡ ለምልፋቃ።
- 5 ወድ፡ ወርዕ-ሰብ፡ መዐቡላ ፤ ለእሻ፡ ነዋ፡ መሐላ፡ ታ።

ከረው : እቸ : ወካራ ፤ ፍካክ : ሐቲ : ወላ : ታ ::
 ወድ : ለዋይ : ሐሊቦ ፤ ለጅኝት : ጸሊም : አልሃዳ ::
 ከረው : እቸ : ወካራ ፤ ሐፍሽ : ኢኮን : ወቃጸ ::
 ሊሊት : ስካብ : በዴኔ ፤ ለጼዋ : ቴድሮስ : ምን : ትባካ ::
 10 እግል : ለምሕልል : ለረክባ ፤ ዎሮ : ሚ : ቱ : መምባካ :
 ቤቱ : ቤትና : ኢዓሬት ፤ ረአያ : ሚ : ቡ : ምሕንፋሳ :
 አዜማ : ድራር : እንስኤ ፤ ኖስናዲ : ገድም : እላ : ታ ::

ገላይደስ : ወድ : ቴድሮስ : እግል : ገብር-ስላሴ : ለቤላ ::

1 ሃኪን : ጅኝት : ትጽንሐ ፤ ሐድጋ : ገብር-ስላሴ ::
 ዐንሰባ : ገአካ : ሸላሉ ፤ ረቢ : እልካ : ልሳዴ ::
 ሸላል : አቲ : ምን : ረአሰ : ክመይ : ዐቅባ : ተላፌ ::
 ወአት : ገብእ : ሀይበኔ ፤ ዓጸት : እግል : ውላዴ ::
 5 ማ : እክል : ገብእ : ሀይበኔ ፤ ዕያብ : ለእሉ : እገላቲ ::
 ማ : አቅሩሽ : ገብእ : ሀይበኔ ፤ ለዐይደት : እግል : እፋዴ ::
 ማ : ብላይ : ገብእ : ሀይበኔ ፤ ግሩም : ቱ : እግል : ዕንዳቄ ::

እግል : ከንቲባይ : ብእምነት : ለቤላ ::

1 ጅሃድ : ውብእምነት ፤ ትታሌት : ቤለው : ለሐረምዝ ::
 በዐል : ድሊታ : ትሰአልና ፤ ምኔ : ኢኮን : ወስምድ ::
 ቀሪመታ : ከልአዋ : ለሸማገሌ : ጨረምጥ ::
 መስኒና : ትሸዮማ : በኪት : ልግበእ : ወበዐል : ድስ ::
 5 በዲር : ብእምነት : ምን : ገብእ : ወአዜ : ለጋሚ : ምን : ሐድስ ::
 ግበእ : ክምሰል : አቡካ ፤ ጸጋይ : ለፈኹ : ኢከስስ ::
 ሚስ : ተሀይብ : እንታማ ፤ እት : ዐተሪ : ኢመሸምሽ ::

281

እግል : ጀግድ : ወድ : ዐገላ : ለቤላ ::

- I ጌሰት : ገበይ : አማና ፤ ጀኝት : ለሀሻ : ለአብልሀት ::
- ገደቦ : አብ-በፍታ ፤ ኢልቡላ : “ትወጽዐት” ::
- ምን : ለዐል : ትጸኝሐኸ ፤ ጋብአት : እንታ : ምን : ተሐት ::
- ወድም : ገደቦ ፤ ዕን : ለማና : ትቀጥሐት ::
- 5 እት : ገጹ : ኢብጥሮ ፤ ኢሰማኒት : ወኢሰዐት ::
- አዜማ : ጋምም : ወኢሐድጋ ፤ ለእላ : እንቤ : ወገአት ::

282

እግል : ሕመድ : ወድ : ሰምራ : ለቤላ ::

- I ከአፎ : ትረትዕ : ጎማቱ ፤ ለዐድ-ሕመድ : ምን : ቀብራ :
- እግል : ውሀር : ቅጡም : ቱ ፤ በዲርማ : ሕመድ : ወድ : ሰምራ ::
- አዋልድ : ገለብ ፤ ብካዩማ : ኢተአምራ ::

* * *

- ከአፎ : ትረትዕ : ጎማቱ ፤ ሕመድ : ምንዲ : ኢሳግም :
- 5 ኢተሰልብ : ልትዐንደቅ ፤ ገብሻ : እዋን : መጻግም ::

283

ኤሎስ : ወድ : ቴድሮስ ::

እግል : ወሬዛሁ : “አልብሰኒ” : ቤሎ : ወለትግራይ : ከልአዩ ::

ኤሎስ : ለዶል : ለሃ : እንዶ : አስተንተና : እላ : ሐላ ::

- I አዳም : ተርፋ : ለሐዋኑ ፤ እንዶ : ጌሳ : ለሰንሁ ::
- ሐዬ : ሎሀይ : ወድ : ገንደር : ቱ ፤ ለነፍሱ : ጌሰት : ወርሐ ::
- እግል : ልቅተሎ ፤ ረብዐዩ : ለምርብዑ ::

እግል : ልእሰሮ ፤ እላ : ፋግረት : ታ : ለሞቅሐ ።
 5 እግል : ልግደሸ ፤ ከልአዩ : ቱ : ለግልጽሁ ።
 ጽኑዕ : በዲር : ለከልፍ : ቱ ፤ ምን : ትትከዩድ : ለሸክንሁ ።
 ጽኑዕ : እንዶ : ተሀመጃ ፤ ትግራይ : ገአ : መምብሁ ።
 ሐቆ : እላ : ለትግራይ : እላ : ሕላዩት : ክም : ሰምዓ : እክል :
 እንዶ : አዝባ : ርያል : እግል : ልሸሱ : ሀቦዩ ።

ፍቅሪት : ወድ : ሰሮም ።

እግል : እዛዘ : ወድ : ሕሻል : ለቤላ ።
 I ኢትወንን : ወኢትከንፍ ፤ እዛዝ : እላ : ሐረቱ ።
 ኢልተወን : ወኢሐምብጽ ፤ አምዕል : እንዳይ : ታ : ፈርሐቱ ።
 ፍዱድ : ሀይብ : ምን : ድኜ ፤ ጸርያት : ጸሊም : ቱ : ጽብሐቱ ።
 ኢበቆቆ : መከናት ፤ ዘብጥ : እብ : ለጥርቀቱ ።
 5 ውሀር : ጣላ : ቱ : ወድ : ሕሻል ፤ ውሉድ : እብ : ለቅንጾቱ ።
 መሹሮ : ወኢሰምዕ ፤ ጸንፊት : ላታ : ዋደቱ ።
 አና : ከሩብ : ወድ : ሕኒት ፤ ኢረከብኮ : ስነቱ ።
 አዳም : ዲብ : ሕድ : ልትዓደል ፤ ክም : ሕድ : ኢኮን : ሰልሐቱ ።
 ክም : መርከብ : ምስማሪ ፤ ከሉ : አክለት : በርከቱ ።
 IO ሓልቦም : ቱ : ቤለው ፤ ሰብ : ምዱን : ለትአእዋ : ምጽአቱ ።
 ሰብ : ዳምክዩት : ወዕቩር ፤ ክል : ቤት : ነሸእ : ሾቦቱ ።
 ቀሊል : ቀናጽ : ኢኮኔ ፤ ኢለልሀሻ : ቃረቱ ።
 መሪር : ሕፉን : ኢኮኔ ፤ ኢተነድድ : ሰረቱ ።
 ምን : ሀረብና : ምን : ኦቤ : ከሸቲኛ : እብ : ገጹ ።
 15 አፍጠኔና : ኢኮኔ : ሳኪ : “ድፈእ” : ታ : ማስለቱ ።

ውላድ፡ በልግ፡ ሸራ፡ ወደግ፡ ወደግ፡ ግል፡ ዐዳ።
 ሰልጥ፡ ወለት፡ ነደሌ። እግል፡ ከንቴባይ፡ ለአመቱ።
 ገበታት፡ ጎፍዬ፡ ወጎሩ። ነሳ፡ ተአምር፡ አመቱ።
 ምስጢር፡ ብና፡ ኢፊግር። ወአግላብ፡ ሞስካም፡ እት፡ ረአሱ።
 20 ሰለት፡ ለገሮባ። ተፍተፍ፡ ትወጃ፡ ደመቱ።
 መቃርን፡ ለሐወጅባ። ብዕሃ፡ ክም፡ ለህለቱ።

285

ለምድር፡ ቤት-ሸሐቀን፡ እት፡ ለሐምድ፡ ለቤሻ።

I ሎሀይ፡ አዬ፡ ምድር፡ ቱ፡ ፀንቀር፡ ለጋድም፡ አይባባ።
 እንዳይ፡ ልደረር። ረባጥ፡ ሐድረት፡ ታ፡ ለአካባ።

* * *

ሎሀይ፡ አዬ፡ ምድር፡ ቱ፡ ገርገር፡ እዝን፡ ሐርመት።
 ምን፡ ሸጊር፡ መልእክ። ምን፡ ማሼላ፡ ለገመት።

5 በዲር፡ ዘበን፡ ወድ፡ ሰምራ። ክእኛ፡ እንዳይ፡ ባደመት።

* * *

ሎሀይ፡ አዬ፡ ምድር፡ ቱ፡ ገርበት፡ ወጋድም፡ ደረቃ።
 እብ፡ መሳውድ፡ ደኑከ። ቀይም፡ ለመልቀም፡ ክም፡ ወዳ።

* * *

ሎሀይ፡ አዬ፡ ምድር፡ ቱ፡ ኖረት፡ ምስል፡ ምልሂቡ።
 ለረቢ፡ ፈትዮን። ክለን፡ ኢኮን፡ ብዲቡ።

10 እመቱ፡ ትሰቆድ። እክሉ፡ ወለሐሊቡ።

* * *

ሎሀይ፡ አዬ፡ ምድር፡ ቱ፡ ቅሩሕ፡ ወረአስ፡ አስበከት።
 እመቱ፡ ማይ፡ ቱ፡ ድራራ። ትትመየዮ፡ እብ፡ በርከት።

* * *

ሎሀይ፡ አዬ፡ ምድር፡ ቱ፡ በገሳ፡ ምድር፡ አብ-ገላይ።

ሰልፍ : ከራዩ ፤ ተመሸሎ ፤ ክም : ሀዳይ ።

* * *

15 ሎሀይ : አዩ : ምድር : ቱ : አስተንተኖ : ወከዋክን ።

ኢከይዶ : በዐል : አሐ ፤ ከንዶኦ : ማይት : ወቃትል ።

* * *

ሎሀይ : አዩ : ምድር : ቱ : ናላይ : ምድር : ዐድ-ደሲት ።

ሰልፍ : ከራዩ ፤ ወዳ : ዲቡ : ገነዲት ።

እግል : ቤት-ኡብርሃ : እት : ሐምድ : ለቤላ ።

1 ፋርቅባ : ወገተን ፤ በኑ : ተርፋ : ለመሐድር ።

ወድ : ሐፊሮም : ቱ : ለሐዳፋ ፤ ጋሾታቱ : ለዳርር ።

በዐል : ሕረጸን : ቱ ፤ ገይስ : እለን : ወዛርን ።

“አቤት” : ቤላ : ወድ : ጀገድ ፤ ተርፋ : ምኛ : ለሳቅር ።

5 “ኢአስለቺፍ” : ምን : ልብል ፤ ሸንጉል : ስርዑ : ሚ : ናጅር ፤

ክርብ : ድሚ : ቱ : ወድ : ሐዋይ ፤ ዓጅ : ለክመይ : መናጥል ።

እት : ልደዩክ : መጽአካ ፤ እንዶ : ነዝዕ : ገናድል ።

ጽዋሩ : ሰይፍ : ወዐገባ ፤ ስርጉይ : ለእቡ : ገናድል ። 1)

እድሪስ : ወፍካክ ፤ ካልአይ : ሚ : በም : ወሐግል ፤

10 ክልአት : ውላድ : ፍጎጎ : ቶም ፤ ወክልአት : ውላድ : መካዝን ።

እድሪስ : ለዝብኢ : በልዐቶ : ከራይ : ለጸርዕ : ትመናክል ።

ትረሰዐናካ : ቱ : ዎ : አብ-ዳልካ : ምንካ : ለሻምና : ሚ : እም

በድል ፤

1) Etwa ስርጉይ : ለሰኔ : ቃትል : zu lesen, da der Vers schlecht überliefert ist, wie das Reimwort zeigt.

መሐመድ፡ ወድ፡ እዛዘ፡ ።

እብ፡ መሪተ፡ ኖሱ፡ ለጌላ፡ ።

- 1 ኢሰኸ፡ አቡካ፤ ኢራግር፡ ለዕንክላይ፡ ።
አቡዬ፡ እዛዘ፡ ወድ፡ ሕሻል፡ ቱ፤ ወእምዬ፡ ወለት፡ ወድ፡ ሐዋይ፡ ።
እት፡ ደብር፡ ኢእሰኸ፤ ሐሪም፡ አና፡ ወብጋይ፡ ።
ወኢእሰኸ፡ ዲብ፡ ጋድም፤ ወኢእገብእ፡ መሸእላይ፡ ።
- 5 ወእግል፡ ኢእስከ፤ ሓጥር፡ አና፡ ወሐሳይ፡ ።
ለገርገም፡ በዲር፡ እብላ፤ ኢትካውለኒ፡ ምን፡ ሕላይ፡ ።
መሳክብና፡ አይባባ፡ ቱ፤ እሹ፡ ሸብብ፡ ክል፡ አባይ፡ ።
እብ፡ ከራንዬ፡ ተሉኒ፤ ምዕሸር፡ ቅዲት፡ ወብላይ፡ ።
ሰከኮ፡ ምን፡ ገብእ፤ ልጃቅፉኒ፡ እብ፡ መርዳይ፡ ።
- 10 ክምሰል፡ ክልኦት፡ ሐኖታት፤ ክም፡ ከዲዳኑ፡ ወገብራይ፡ ።
ክምሰል፡ ክልኦት፡ ዐድ፡ ኤሎስ፤ ወልደ-ጋብር፡ ወቀራይ፡ ።
ክምሰል፡ ሓጅ፡ ሐሊብ፤ ክምሰል፡ ፍካክ፡ ወድ፡ ለዋይ፡ ።
ክምሰል፡ ብእምነት፡ ወድ፡ ቱድሮስ፤ ዕንቱ፡ ፋግረት፡ ምን፡ ዕራይ፡ ።
ክምሰል፡ ናይብ፡ መሐመድ፤ ሐጫር፡ ብርኩ፡ ለዐሸከራይ፡ ።
- 15 ክምሰል፡ ዓፋ፡ ወድ፡ መሳ፤ ክምሰል፡ ለእናስ፡ ሰምሀራይ፡ ።
ክምሰል፡ እዙዝ፡ ወድ፡ በዩድ፤ ክምሰል፡ ሐሁ፡ ቶራናይ፡ ።
ክምሰል፡ ሀርብ፡ ዲብ፡ ሐባብ፤ ክምሰል፡ ለእናስ፡ አፍለንዳይ፡ ።
ክምሰል፡ ክልኦት፡ ዐድ፡ አቢብ፤ ሜካል፡ ወሐሁ፡ አስራዳይ፡ ።
ክምሰል፡ ክልኦት፡ ጀንገሬን፤ ክምሰል፡ ናሸሕ፡ ሸንገባይ፡ ።
- 20 ክምሰል፡ ዘማት፡ ወድ፡ እክድ፤ በዐል፡ ለራረስ፡ ጅንግላይ፡ ።
ክምሰል፡ ሃኪን፡ ወድ፡ መዲን፤ መን፡ ቀርሶ፡ ለሐዋይ፡ ።
ዛምተት፡ እንዶ፡ ፈልላ፤ ለዳርሮ፡ እግል፡ ጋሻይ፡ ።

288

እብ : ሸመት : ከንቴባይ : መሐመድ : ለቤላ ::

- I ከንቴባይ : መሐመድ : አበልንሁ : ፆ : ንስሪት : እግል : መምባኪ ::
- ሸመት : መይቶ : እታ : ክም : ለእት : አዛዚ ::
- ወሸመት : ሀይቦ : እታ : ማላት : ብዙሕ : ተዓዲ ::
- ሕናዲ : ወኢትሐሜና : ቱ : አካን : አብጽሐናኪ ::

289

እግል : የፍሱ : እት : ለሐሜ : ለቤላ ::

- I ትሩፍ : ግብኢ : ፆ : መራነት : እት : ሰብ : ዲብ : ሚ : ነዓድ ለኪ ::
- ሐቆ : ለፊጅር : ዔረዕሮ : እብ : ብጣርኪ : ትሳለብኪ ::
- አፎ : ልጃጅ : ደይ : ትብሊ : እሊ : ነትል : ቱ : ስምጥኪ :
- አፎ : ሓምድ : ደይ : ትብሊ : ህቱ : ቱ : ወድ : ለብክርኪ :
- 5 ክም : ወድ : ስዒድ : እንሸላን : ክም : ዐሊ-ኖር : ደይ : ትብሊ :
- ክም : አብ-ዕለት : በገሳ : ክብሮም : እንቱ : ለስነትኪ :
- እንቲማ : ፆ : ወለት : ወድ : ምግዳ : ጽብጥት : ቱ : ሀሌት :
- ለግሰትኪ ::
- ዐድኪማ : ዕላል : ኢዋቅል : ቱ : ምን : ለሃሚትኪ : ትዘሰጥኪ ::

290

ፍካክ : ወድ : ገርጊስ : ቅብላታ : ለቤላ ::

- I ሸመት : መይቶ : እታ : ክም : ለእት : ሸነግብ ::
- ሸመት : ሀይቦ : እታ : ዳራት : ብዙሕ : ትገጅብ ::
- ሸመት : ልትከቶላ : ሐላ : ምን : ኢረክብ ::
- ቤት : አብ : ክታር : እንሳ : ታ : ወትተርፍ : ምን : ኢትደቅብ ::
- 5 ለጸዐባ : ልትነዋኔ : ወቀዳሚቱ : ጽብጽብ ::
- እት : ዐድ : ለትስእዮ : ከደን : ሚ : ለትንክብ :

291

መሐመድ : ወድ : እዛዘ : አጋሁ : ክም : በዴት : ለቤሻ ።

- 1 ኤሻት : ቱ : ትረስዐና ፤ ክም : ኢነአምር : እንሱሳ ።
- ክም : ኢነአምር : ሐሊባ ፤ ባርዳ : ወለሕሩጸ ።
- ክም : ኢነአምር : ሐሳሳ ፤ ለእት : ሕምሶ : ርጨቃ ።
- ክም : ኢነአምር : ጽግራታ ፤ እት : ክል : ሕብር : ሻኑካ ።
- 5 ክም : ኢነአምር : ኪደታ ፤ ምን : ክል : ሳልስ : ወሱካ ።
- ምልዛናይ : ቱ : ካዩዳ ፤ ሓዘ : ብዕራይ : አቡካ ።
- ወለት : ኢገሜ ፤ አምና ፤ ሰልም : ዎ : ሙሳ ።
- እት : ነዘቤ : ትርኤኛ ፤ ፈጅር : ፈጅር : ዲብ : ሱጋ ።
- ሐቴ : እብ : ለአርእስታ ፤ ወሐቴ : እብ : ለጅሉዳ ።

292

ሰምራ : ወድ : ትጃር ።

- 1 ገጽ-ገምሮት : ዕርና : ባ ፤ እት : ልብሉና : “ጅፈር : ታ” ።
- እት : አፍ : ዕምራ : ኢትገይስ : ቱ ፤ እንደይ : ተማ : ለአጅላ ።
- ወድ : ገባ : ለማዩ : አስቴና ፤ ወአፍ : ግራብ : ለሰዐራ : አብልዐና ።
- እሻ : ታ : ለክብት : አብ-በፍታ ፤ ያፌ : ልውዕል : ለመሐበራ ።
- 5 ተረብ : ለአቅሩሻ ፤ ምን : ለሀይ : ለሀይ : ተዐሸራ ።
- ወተረብ : ለንዋያ ፤ እት : ክል : ሕብር : ትጻገራ ።
- እሊ : ቱ : ለዕልም : አብ-ግሳስ ፤ ወእሊ : ቱ : ለዕልም : ሐሸላ ።
- እሊ : ቱ : ለዕልም : ሀያቡ ፤ ወእሊ : ቱ : ለዕልም : ሰመራ ።
- እሊ : ቱ : ለዕልም : ግሬነት ፤ ወድ : አስበር : ክልብ : ሀደና ።
- 10 ወለት : ትስሌላ ¹⁾ ፤ ግርሳ ፤ ሰልም : ዎ : ጃበራ ።

1) D. i. ትስኔ-እላ :

ሰኝት : ሰሊም : ታ : ወድ : ሳልም ፤ ወሞክላ : ለአዜ : ሸንገላ ።
አቴ : ዲባ : ተላክም ፤ እሱት : ለብእሳ : ተዐመራ ።

293

ተክልምኬል : ወድ : ሐቢብ ።

I ወለት : ትርካይት ፤ ጠርቡሽ : ትገፍትእ : ዲባ ።
አፎ : እንደይ : ትግሄ ፤ ዲብ : ለወድ : ከፊታ ፤
ሐቆ : አሽሀድ : ወአብ-ረድኢ ፤ መን : ቱ : ለልግሄ : ዲባ ፤
ሕጻን : እግል : ዳረት ፤ አጊድ : ሽፈግ : ዲባ ።
5 ምን : ትብለሻ : “ነግ : ቡ” ፤ በዲር : ትሌጊባ ።
“ኢኮን” : ምን : ትብለሻ ፤ ሕድት : በዴት : ዲባ ።
ረአስ : ለቅርቃብ ፤ ትካይድ : ዲብ : ለዳመሪባ ።

294

ተክልምኬል : ወድ : ሐቢብ : ህዩ : ለቤሻ ።

I ወለት : ትርካይት ፤ ከረፍ : ደርብ : ሕጻና ።
ለጠርቡሽ : ዲብ : መካትፍ ፤ ለጀበር : ክም : ለአሰልናማ ።
እግል : ዳፍአት : ሰልም ፤ ም : መሐመድ : ወድ : አዳላ ።
ዓሳር : ወድ : ሐረንከዕ ፤ ሹቲት : ደምበር : ባና ።
5 ምን : ቅዲታ : ቀይዳ : ረአሳ : ምን : ጋሻ : እላ ።

295

አንጠጣ : ወድ : ትጃር ።

I ዓይላይ : ትሰክብ : ትመዩካ : ወአና : እብ : ለግሳዬ ።
ክም : በርዕሊ : ወወድ : ጉጉይ : መን : ለትግህዮ : ለቃትላዬ ።

[አግዳ፡ግምሽ፡እቤላ፡ሰምራ፡ሀላ፡ግራዬ።] 1)

ፍቅሪት፡ዲብ፡ለዳራቱ፤ ወአና፡ዲብ፡ለዶሳዬ።

5 አእትገሀፍ፡ዲብ፡ርቆት፤ እግል፡ሐደኝ፡ጨላዬ።

ፋገዕ፡ቅሱን፡ኢሐልፍ፤ እት፡ልብሎ፡ፈታዬ።

296

ጀሚል፡ወድ፡አሚር፡

እት፡ቅብላት፡አንጠጣ፡ወድ፡ትጃር፡ለቤላ።

I ስሙ፡ሰማ፡አለቡ፤ በርዕሊ፡እምበል፡አንጠጣ።

ወተክሌስ፡እላ፡ወኢከልኦ፤ ለሰብኦ፡ጸሊም፡ምን፡በዳ።

ለማይት፡ሰክብ፡ወፈገዕ፤ ወቃትል፡እግሉ፡ትፈኝካ።

አብ፡ረድኢ፡ወአብ፡ፍዴል፤ እሎም፡ቶም፡ሕጃግ፡ረክበታ።

5 ገጹ፡ኅካ፡ኢልብል፡ቱ፤ አግማም፡ለአዜ፡ትዋለዳ።

ለሰለስ፡ምን፡ኢለግሀካ፤ ቀጽ፡ወትካን፡ወአምበጣ።

297

አንጠጣ፡ወድ፡ትጃር፡ሀዩ፡ለቤላ።

I ወለት፡ሕዳክዋት፤ ሰለባ፡በልዐት፡ለክአሉሉ።

ምን፡እቀብብ፡ለሐምሼ፤ መን፡ሀይበኔ፡ለአጽጉሩ፡

ማሌ፡ወለት፡ገንሐኮ፤ ድኔ፡ዲብ፡ለካቡሩ።

ሼቲት፡ቅሎ፡ማሼላ፤ ዓሳር፡ጽልም፡ሐጹሩ።

298

ሐዘት፡ወድ፡ዐሽከራይ።

I ሰኔ፡ጀናጂኖ፤ ዎ፡ሪሾ፡እግል፡መምባኪ።

1) Dieser Vers ist von Naffa hier aus dem Gedächtnisse eingefügt; er stand nicht im Originale.

ዐድኪ : ትሌጊብና : ቱ ፤ እብ : ለዘበባኪ ።
 መርኬ : እት : ጣላታት ፤ ወገምያ : እት : ጸዓዲ ።
 ድግም : ታ : እግል : ለውላድ ፤ ለገናይዘታት : አቲ ።
 5 ጸርና : መረት : ዲቦም ፤ ላሊ : ለደረባኪ ።
 ምቅቱብ : ገአና : ዲብኪ ፤ ዎ : መሊህይ : አግሄናኪ ።
 አምዕል : ዲብ : መድአሻት ፤ ወላሊ : እት : ግራኪ ።
 እብ : ግሩሙ : ሊጊስ ፤ ምን : ኢጉብእ : ናጊ ።

ፋግር : ወድ : ብያን ።

እግል : ከንቴባይ : ብእምነት : ከም : ትሰዕራ : ለቤሻ ።

I አስእን : ወዳ : ወድ : ቴድሮስ ፤ ምን : ከረዎ : ምን : ፈረስ ።
 ተዐንደቃ : ወድ : ቴድሮስ ፤ ለከርሻት : እንዶ : ተዐተረት ።
 ገለብ : ጸራ : ወድ : ቴድሮስ ፤ ምን : አምቱዳ : ትናቀለት ።
 ሰይፍ : ጸራ : ወድ : ቴድሮስ ፤ ምስሉ : ለግርባት : ትጨመረት ።
 5 እዘገብ : ወእያሱ ፤ ረብዓት : ታ : ለአዜ : ዛረረት ።
 እብ : አከይ : ለተንዕቦም ፤ ካሰት : ለሜሶም : ትሰበረት ።
 ለዲብ : ብዕድ : ደርባዎ : ታ ፤ እላ : ዲቦም : አቅበለት ።
 ነጋሳ : ወአሚር ፤ ፍድብ : ቱ : ም-እንዶ : ትገለለት ።
 በዲርማ : ምስል : ሚ : ኢዐላ : ነብር : ነብራ : ለአውህረት ።
 IO ዐድ : ሕድ : ሻይም : ወልስዕር ፤ ወማርሐት : ጉብእ : ወተለኛ ።
 ለግሰት : አግዐሮ : እዋን : ባ : ምን : ኢትፈገረት ።
 ወለት : ወድ : አውላይ : እሴት : ክእኛ : ተዐሸረት ።
 ክምሰል : ሕረጽ : አውሐተት ፤ እት : ክል : ስምጣ : አቅበለት ።

300

ክፍሎም ፡ ወድ ፡ መስመር ።

ሑሁ ፡ ክም ፡ ሞታ ፡ ለቤሻ ።

- 1 ዕለት ፡ እንዶ ፡ ትሰምደኛ ፤ ከጠፋጥፈኛ ፡ ክም ፡ ግርዛ ።
- ምንግ ፡ አክረርና ፤ ለላሊ ፡ ሬማ ፡ ለአጽፍርታ ።
- ከልአያ ፡ ኢኮኔ ፤ አምዕል ፡ ለዳብር ፡ ፈልጃ ።
- አምዕል ፡ ለዐባዩ ፤ ለስንጉድ ፡ ወመክታ ፡ ሸትፋ ።
- 5 አምዕል ፡ ለመሐበሩ ፤ ለስኛት ፡ ዲብ ፡ ሕድ ፡ ሸኛጋ ።

301

ሕላዩት ፡ እናስ ፡ ቤት-ሸ ሐቀን ።


- 1 አቡካ ፡ ወገቢል ፤ እሊ ፡ ቱ ፡ መሐዝ ፡ በዐል ፡ ኬሩ ።
- ወጄ ፡ ዲቡ ፡ ተካባት ፤ ምን ፡ ዕጨይ ፡ ለአልጌኑ ።
- አዜ ፡ እንዶ ፡ በከታ ፤ ምን ፡ ንዋይ ፡ መልአዩ ፡ ካሻት ፡ እንዜ ፡
- ወኬኑ ።

302


ልጃጅ፡ ወድ፡ ልባብ ።

እብ፡ ድመል፡ ለቤሻ ።

- 1 ድመል ፡ እጋል ፡ ሐዊታት ፤ ትመልእ ፡ ሀሴት ፡ ወትሸርብ ።
- መን ፡ ቀርባ ፤ ምን ፡ እማ ፤ ጽረይ ፡ ሐዜት ፡ ምን ፡ ምርጥብ ።
- በዐል ፡ ክትልዩ ፡ ቱ ፡ ሰምሀራይ ፤ መን ፡ ቱ ፡ ለእሉ ፡ ለሸንርብ ።
- ኢአውዕሎ ፡ ምን ፡ ረቢ ፤ ወአዳም ፡ እሉ ፡ ኢቀርብ ።
- 5 ሸመት ፡ ክእኛ ፡ ልክዕያ ፤ ሸማገላይ ፡ ምን ፡ ፈድብ ።
- ላሊ ፡ ትምባክ ፡ ምን ፡ ሰቴ ፤ ወአምዕል ፡ እግሩ ፡ ምን ፡ ዐደብ ።



ሐይለት ፡ ቤት-ጃ.ክ ።



ንሱር : ወድ : ሐመድ-ኬር ።

ለእብ : ዘበን : ጥልያን : ለገብእ : ሀሻ : እሹ : እንዶ : ፈቅዳ : ለጌሻ ።

I ምን : ሸርቅ : እት : በርቅ ፤ ሞዳይ : ጥልያን : ሐክመዩ ።
እት : ዘበን : ሰልጠነት ፤ ክል : ቤት : ለአምር : ገበዩ ።
ኢለሰክብ : ወኢሰክብ ፤ ማኸል : ኩሉ : ሐዘዩ ።
ለሐርሳ : እብ : ሐርስ ፤ ላማ : ኢሐርሳ : ተምነዩ ።

5 አምዕል : ዳሸ : ወክቱ ፤ ወላሊ : ቅንፍገዝ : በልዐዩ ።
ወፈጅር : ምድር : ክም : ጸብሐ ፤ ልስዔ : ዲብካ : ለሀበዩ ።
ሐምዶ : ኢሀላ ፤ ውላድ : ላማ : ወልደዩ ።
ኢነፍዕኒ : ወቤላ ፤ አቡሁ : ዲብ : ሚ : ወዓበዩ ።
ተፀኸከራ : ዲብ : ጥልያን ፤ ዐውሉ : ኖሱ : በልዐዩ ።

IO “ኢወለድከ” : በገል : ቱ ፤ አዳም : መስሕ : ቱ : ለገሀዩ ።
ሕኖሽምማ : ወድ : ገንደር ፤ ውላዳ : እንዶ : ጠልመዩ ።
ብእምነት : ምሕልል : ደይ : ሐግል ፤ ኩብዳ : እንዶ : ዘምተዩ ።
ስጋ : እስላም : ወክስታን ፤ ኩሉ : ሕበር : በልዐዩ ።

እግል : በርህ : ወድ : ረጢ : ለሐሊዩ ።

I ደካን : እግል : አቡኪ ፤ ኢተአምሪ : ብካዩ ።
አቡኪ : ናዩ : ነሸእ : ወኢናዩ ፤ ኩሉ : ሕበር : ጸብጣዩ ።
ቀሚሹ : ወማሉ ፤ እብ : ፋራ : ወድብዳብ ፤ ሰኒ : ትፈዳ : ለዕዳዩ ።

- ምን ፡ ደሩክ ፡ ኢወጀቅ ፤ በኑ ፡ ሐዬ ፡ ለግንዳዩ ።
- 5 አቡኪ ፡ ጸኑዕ ፡ ቱ ፡ ለአደቡ ፤ ሳደዶቱ ፡ ወአርገዩ ።
 ጋና ፡ ኢልብል ፡ ወቅሩብ ፤ መቅጠን ፡ አዳም ፡ ራግዛዩ ።
 ሐቕ ፡ ወለሐራሙ ፤ ስምጥ ፡ ዐድ ፡ ሕድ ፡ ቱ ፡ ለምምያዩ ።
 ምን ፡ እሳት ፡ ለፈግሮ ፤ መርዕድ ፡ እግል ፡ ፈታዩ ።
 እብ ፡ ቅራር ፡ ነድኦ ፤ እግል ፡ ለገብእ ፡ አባዩ ።
- 10 ዳንያ ፡ ምድር ፡ ቱ ፡ አቡኪ ፤ ለትከሐዳ ፡ ህቱ ፡ ቱ ፡ ፋርዳዩ ።
 ምን ፡ አሰይፍ ፡ አፍርንጂ ፤ ወምን ፡ ከወኒ ፡ ለጋላዩ ።
 ሀመሚት ፡ ዕሮሁ ፡ ቱ ፤ ሐዩታት ፡ ለበትራዩ ።
 እብ ፡ ደንገሕ ፡ ቀትሎ ፤ ወገሌ ፡ እብ ፡ ለሃሳዩ ።
 እብ ፡ ገመሽታ ፡ ቀትሎ ፤ ለእናስ ፡ ብዙሕ ፡ ቱ ፡ ለረባዩ ።
- 15 ገሌ ፡ ዲቡ ፡ ለትጋውሕ ፤ ወገሌ ፡ ዲቡ ፡ ምምሳዩ ።
 እግል ፡ ለአምሮ ፡ ዙዕ ፡ ትግሬ ፤ ቅወይ ፡ ኢኮን ፡ ሕላዩ ።
 እሊ ፡ ዙዕና ፡ ምን ፡ ጸብጦ ፤ እግል ፡ ነሐምጆ ፡ ቱ ፡ እብ ፡ ናዩ ።
 ምን ፡ ሰኔት ፡ ለካትሙቱ ፤ ጌሳ ፡ እብ ፡ ለብላዩ ።
 ኑብራ ፡ እዲና ፡ አቡኪ ፤ በልዓ ፡ ሚ ፡ ቡ ፡ ክም ፡ ናዩ ።
- 20 እብ ፡ ብጣሩ ፡ ሀበዩ ፤ ግሙዕ ፡ ዳውር ፡ እብ ፡ ማዩ ።
 ምኖም ፡ ጭገር ፡ ለአብገሐ ፡ እግል ፡ ልርከብ ፡ ቱ ፡ ክም ፡ ናዩ ።

እግል ፡ ጬእ ፡ መንሱር ፡ ለጬላ ።

- 1 ሸመት ፡ ጬእ ፡ መንሱር ፡ ልስኔ ፡ ዲብና ፡ ዘበኑ ።
 ሕያዩ ፡ ላቱ ፡ አሞታ ፡ ከከልኦ ፡ ምኑ ፡ ሐበኑ ።
 ወማይት ፡ ላቱ ፡ ሐዩዩ ፡ ከፈግራ ፡ ምን ፡ ለእበኑ ።
 ግቡር ፡ ፈግራ ፡ እብ ፡ ሸካ ፡ እንደዩ ፡ ሀድብ ፡ መሰሉ ።
- 5 ኑብራ ፡ እዲና ፡ ሐላሬት ፡ ታ ፡ ትበላልሾ ፡ መምበሩ ።

እብ : ሰነቱ : ወቤላ ፤ በከተ : ላቱ : ጭገሩ ::
 ወሃ : እንቤሎ : ሞላይና :: ወመን : ቱ : ለነብር : እምበልሀ :
 መጨሊ : ወቀጣን : ወአቡ-ግዳይ ፤ ሰለስ : ለሰብ : ለመድሐሩ ::
 ወሳቲፍ : ልብሉና ፤ ኢጸንሔና : አሰሩ ::

10 ትደውር : ዲብና : ሕናማ ፤ ከእግል : ንግበእ : ክምሰልሀ ::

306

እግል : ተክሩራይ : ወደ : ቱድሮስ : ሰሐሰደ ::

1 ደበእ : መሐዛት ፤ ለጥለብ : ዲቡ : ልትካሬ ::
 አፍ-ጨንበቄ ፤ ለቤት : አብ : ዲብ : ሕድ : ለዛሬ ::
 ወድ : ቱድሮስ : አማሚ : እዲና : ቱ ፤ ለትበአሳ : ዲቡ : ልትዓሬ ::
 ዐድ-ነውረዲን : ወድ : ሰምራ ፤ እንዶ : ትቤ : ንታሌ ::

5 ምስሕት : መስመር : ወድ : እድሪስ ፤ ለእግሉ : ቤለው : ንትጋሌ ::
 ደርቡ : ገይስ : መ-ዐላ ፤ እሊ : አዜ : ልትባሬ ፤
 ቀዳሚት : ኢፊቅዶ ፤ ትረስዐዋ : ቱ : ለእት : ማሌ ::
 ለንዋይ : ግዳብ : ኢአምሮ ፤ ወቅልጭም : ዐለት : ትትዋሌ ::
 ዕጅልማ : ወሼካይ ፤ ኢለሀዩቦ : እብ : ቀላል ፤ ከንዶእ : ሐቆ : ሕላሌ ::

10 ዐገባ : አብ-ሼካይት ፤ እግሉ : ዐላ : ልትፋኔ ፤
 እንዶ : ሰቴት : ተቅሎሌ ፤ ከዲብ : አገድር : ትትካሬ ፤
 ዐይነት : ወሸከር ¹⁾ ፤ ክልኦት : እላ : ሕድ : ባሬ ::

ክብሮምማ : ዲብ : ሚ : ወዐየረዎ ፤ አብሀማ : አቅሩድ : ምን : ሳሬ ፤
 ወድ : መዲን : ወድ : ካብር : ቱ ፤ አዳም : ዐድ : ሕድ : ሚ : ፋሌ ፤
 15 ላብብ : ጀምዕ : ወድ : ጀንጀር : ቱ ፤ አመንሀ : እብ : ማሌ ፤
 ለከፍአ : መ-ሀላ ፤ ወአሼረማ : ግንዳሌ ፤

1) So im Originale; nach Naffa^c ist ሸከር zu lesen.

እግል፡ እሺት፡ በርቅ፡ ወድ፡ ሼካይ፡ ክም፡ ሞተት፡ ለሐሰደ።

- I ደንጎባ ፡ ለእማትና ፤ እሻ ፡ ጌሰት ፡ ታ ፡ እም-ጅዳ ።
- ለሳገማ ፡ ወሰብካ ፤ ዲባ ፡ ዐይር ፡ ክም ፡ ምግዳ ።
- እትዩታት ፡ ቀደማ ፤ ከራ ፡ እም-ስቶም ፡ ወእም-ፍዳ ።
- ኢትጎልል ፡ ምን ፡ ጀፈር ፤ ተከብሮ ፡ ዐድ ፡ ሐምሃ ።
- 5 “ወድ ፡ መምባዬ” ፡ ትብሎ ፤ ወለት ፡ መምባ ፡ እት ፡ እንታ ።
- ወለት ፡ መዐግብ ፡ አብ-ሐጨር ፡ ታ ፤ ወለት ፡ ድራር ፡ አጅህንታ ።
- ዕከክ ፡ ምሉእ ፡ መጽእ ፤ ላማ ፡ ቤታ ፡ እት ፡ ብእታ ።
- እንዶ ፡ ሞታ ፡ ምን ፡ ዓጽም ፤ ጽንብል ፡ ዐድ ፡ ሕድ ፡ ለኢአስራ ።
- ሰዴናክን ፡ እብላ ፤ እንትን ፡ አንስ ፡ ለትበክዖ ።

ልጃም ፡ ወድ ፡ ዐከሳ ።

ሐሁ ፡ ሐሻል ፡ ዐድ-ተክሌስ ፡ ክም ፡ ቀትለዎ ፡ እሻ ፡ ሐላ ።

- I ግሬነት ፡ ቱ ፡ ሞታ ፡ ወድ ፡ ፍካክ ፤ ዎ ፡ ሕሻል ፡ ሰዐካ ፡ ማ ፡ ኢሰዐካ ።
- እንታማ ፡ ምኑ ፡ ሚ ፡ ተሐይስ ፤ ምስል ፡ ሰብዐት ፡ ትወላዳ ።
- ወድ ፡ ብዙሕ ፡ አዳሙ ፡ ቱ ፤ አክል ፡ እሊ ፡ አምበጣ ።
- ወድ ፡ ብዙሕ ፡ ንዋዩ ፡ ቱ ፤ አግዕሮታት ፡ ወዘጋ ።
- 5 ወድ ፡ ዐሊ-ኖር ፡ ወድ ፡ መዲን ፡ ቱ ፤ ቤት ፡ አስገዴ ፡ ግሸታ ።
- ወድ ፡ ሽዕብት ፡ ሐመልማል ፡ ቱ ፡ ለአይብድ ፡ መልሕ ፡ ብቅለታ ።
- ተን-አለቡ ፡ ወምሉጥ ፡ ለንዋዩ ፡ ምኑ ፡ ትባለሳ ።
- ገርሲሌ ፡ ወባቁስ ፡ እብ ፡ መውዲታት ፡ ትብተካ ።
- አቅርን-ጸሊም ፡ ወሐንባር ፡ ወለምዕርብ ፡ አስከካ ።
- 10 ገበዩ ፡ መምበር-ሀረድብ ፡ ትደብአት ፡ እታ ፡ መንገአታ ።

አብ-መንደር : ከይዳ ፤ ከይዳ : ዕመር : ወይ : ጸዐዳ ::
ደላሊብ : ትከይዳ ፤ እንደ : ትማልእ : ለዕከካ ::
ተክሩር : ጸላም : ትከይዳ ፤ አርደህ : አስክ : ሕጅታ ::
አምኛ : አለቡ ፤ ለአክዋር : ሐቆ : ትመሸካ ::

15 ሀዳድ : ለድንዳና ፤ ኢሊፊኛር : ሳክዩታ ::
ስቃር : ለመሰንቆ ፤ ለዐበላብል : ርመኛ ::
ለምዕል : ዲብ : ዐይዴ ፤ መዐላብ : አቤት : ዛምተታ ::
ዐድ-ትማርያም : ወይ : አቢብ ፤ አኪት : ኢኮን : ሳልፈታ :
ለሞታ : አርድ : አብአዎ ፤ ለሀላ : ደርቦም : ትበገሳ ::

20 እዘኑ : ወደው : ስላታት ፤ ከእብ : መታርር : ሰፈሩ ::
ዎ : በኪት : ወይ : ገቢል ፤ አሰኛይ : ደሐን : መጽአካ ::
ለአና : ገአክዋ ፤ ገሌ : ሰዐካ : ማ : ኢሰዐካ :
ረአሼ : እብ : ሸብ : ተሐንገራ ፤ ጸሊም : ገአ : ወጸዐዳ ::
ወለት : ለበላይን ፤ ኢገብአኮ : ቱ : ስነታ ::

25 ጅደዕ : ሸመንርብ ፤ ሐዳስ : ለእሻ : ቅንጾታ ::
ሀሪሽ : አቡካ ፤ ድሩይ : ጸሊም : ገትገታ ::
ዕሉም : ረጋዝ : ምን : ቀደም ፤ መርሐባ : ቡ : ሻወጣ ::
ለአቡካ : ወደያ ፤ ዎ : ሀሪሽ : ሰዐካ : ማ : ኢሰዐካ :
ለምዕል : ጋላባ ፤ መሐሽል : እንደ : ላከካ :

30 ለምዕል : እት : ዐቅብት ፤ ወለምዕል : አልገዐታ :
ለምዕል : ቅላመት ፤ ባልዕ : ተብዕን : ጸብሐካ ::
ዐይድብ : ከብድ : አቡኪ ፤ ሀሌት : እብ : ለገሃበታ ::
ገበይ : ሰንሐት 1) : ወጠንኮ ፤ መወቆላ : ከበሳ ::
ገበይ : ብሌን : ወጠንኮ ፤ እት : አምራ : ለዑረታ ::

35 ገበይ : በርካ : ወጠንኮ ፤ ዔኪት : ቅርሕት : ጅብሀታ ::

1) Dies Wort ist fehlerhaft überliefert. Vgl. die Übersetzung.
Princeton University Expedition to Abyssinia, Vol. III.

- ገበይ : ሐባብ : ወጠንኮ ፤ ሀረንርዋ : ወቀሻ ።
 ኢረኪብ : መናክብ : ቱ ፤ ኖሼ : እላ : ብጥረታ ።
 ወዕጨት : ሐክላ : በትኸ ፤ ጋምለት : እንታ : ደብዐታ ።
 ኅማታ : እት : ሕድ : ኢትበይእ : ቱ ፤ ቤት : ኡብ : ለገጸ : እት : በዳ ።
- 40 እብ : በንበን : ትትጋዩስ ፤ ክምሰል : ዝሕሮም : አምበጣ ።
 ወድ : ዐቢሃ : ተትሐሴ ፤ ትደሰእ : ዲባ : መንገአታ ።
 ከራዩ : ትሕረሻ ፤ ገበና : ለብዝሕት : ደብሰታ ።
 ሐረምዝ : ወርጃ ፤ ድሜ : ለእባ : ዐውለታ ።
 መዐንረግ : ለድሜ : ዐሻክል ፤ እበን : ወሐጸ : ባለሳ ።
- 45 እንዜ : ወኬን : ልትዓዴ ፤ ማይ : ለጋማት : ክም : ሰታ ።
 እንሳ : ዐሊ : ትወርጃ ፤ ሐነን : ቤላ : ሐውረታ ።
 ዐሳሲት : ትወርጃ ፤ ሰልፋ : ሰልፍ : አንበጣ ።
 ወሐለልግ : ወርጃ ፤ እት : ለሐጸት : ትራመጫ ።
 ነጻይፍ : ወርጃ ፤ ምን : ለሸለግ : ትገርገፋ ።
- 50 እብ : ግርጋፍ : ሀሩሳ ፤ ቀይም : ዶል : ለስብከታ ።
 ምስል : ለአራባት ፤ ማይ : ለሸማል : ክም : ሰታ ።
 ደነግል : ወርጃ ፤ እብ : ኅይላታት : ናቀሻ ።
 ሸመንርብ : ወርጃ ፤ በላታቱ : ካነሻ ።
 ኢትዝለም : ዝላማ ፤ ትትክዔ : ዲባ : ቃቀታ ።
- 55 ሐረምዝ : ልጸረሕ ፤ ድንግሐ : ሊዴ : ከረቻ ።
 ሴርቃያ : ልትአቱ ፤ ዕኬሪ : ለደብዐታ ።
 በኪት : አማናት : ቱ ፤ መሐሙድ : ለምዕል : ምን : አታ ።
 እብ : ሚ : ረአሱ : ኢርኤካ : ወእብ : ሚ : ለጽፍሩ : ኢሰዐካ ፤
 ለአምዕል : ተኸሊት : እና : እንዶ : አክፍአካ ።
- 60 ዐገባ : ወሰይፍ : ለንዋያትካ : ሐብዐካ ።
 ሐካ : ቅመት : ነስአቶ : ወእምካ : ጌሰት : ጀሀረታ ።

ዕላላት : ዋቅላ : እሉ ፤ ኬን : ወእንዜ : ክም : አታ ::

309

እት : አሐሁ : እት : እንቱ : ዘበን : ፍርሀ : ዐላ :: ከጭምቡይ :
ምን : ዐላ : እላ ፤ ሐላ ::

- I ለወለት : በላ ፤ ገላይዶስ ፤ እንታ : ለድኚ : ትሸሽሽ ።
- ምልትሕ : ጅሉድ : ቤት : ሰይፍ ፤ ዋይዳይ : ምንዳ : ደግሾ ።
- ዮም : ግድግም : ሀሌና ፤ አዳም : ብዝሔ : ነፍሾ ።
- አና : ለአሐዬ : አሐደግ ፤ እግል : አሙት : እብ : ዕጾ ።
- 5 ጨጋር : ነሐሩ : እንፈርህ ፤ ብሕጽ : ለመሐበር : ቀፍጾ ።
- በጽሕ : በጽሕ : እንፈርህ ፤ አንስ : ወውላድ : ልውዕሽ ።
- ሀምአልቤ : እንፈርህ ፤ ወላድ : ለረአሱ : ነቅሾ ።

310

አሐሁ : ምዕጥና : ዛምተት : ዐድ-ተክሌስ : ዐቅበዎ : እታ : ከእ
ግል : ለአሐ : አርብዐዋ :: ወሐር : እግል : ለሰሙና : ምን : ሐዘው :
ለአሐ : አወቸ : ወዴት :: ከህቱ : ሀዬ ፤ “አውሩዳ” : ቤላ : ከእት :
ሰልፋ : ወርዳ :: ወዛምተት : ክም : ርኤቶ : ሰኬት : ከለምዕጥን :
ሐድገት : እሉ :: ሐር : እላ ፤ ሐላ ::

- I ዎ : ከሀል : ወለት : መንታይት ፤ እላ : ቱ : ሳልስ : ሰሙና ።
- ሰልፍ : ለከራዬ ፤ እቺ : ሐካ : ቱ : ለሕፉና ።
- “አትፍገሮ : ምን : ምግባ” ፤ እሻ : ፋጉይ : ቱ : አቡና ።
- አፋና : ስቃር : ደናግሀ ፤ ሐጺን : ነሀይብ : ወሀይቡና ።

ኤሎስ ፡ ወድ ፡ ቴድሮስ ፡

እብ ፡ ድመል ፡ ሰንሒት ፡ ለሐላዩ ።

- 1 ምንግ ፡ ሀርበት ፡ አፈግረት ፤ ምን ፡ ዋዝንተት ፡ ምግርጋር ።
 አክል ፡ አጀላ ፤ መን ፡ ለውዕላ ፡ እብ ፡ ዕጋር ፡
 ከራዩ ፡ ብዝሕት ፡ ታ ፡ ቤሉና ፤ ሳክን ፡ አፍሩስ ፡ ወአጋር ።
 እት ፡ ነጋጊር ፡ ሸካይት ፤ አልባብ ፡ ቃልብ ፡ እብ ፡ ሀዳር ።
- 5 እት ፡ መዓጥን ፡ መውረዲት ፤ አዜ ፡ ተርፈት ፡ ምን ፡ ሕጅር ።
 እት ፡ ደገጊት ፡ ዋዝንተት ፤ አክላ ፡ ሚ ፡ ቡ ፡ ለአግዋር ፡
 እት ፡ መሓብር ፡ ዐቅቤተት ፤ ከበር ፡ ትወጄ ፡ እብ ፡ ዕዛል ።
 እት ፡ ንዋይ ፡ ለአሓ ፡ ዐረሺት ፤ ሕታ ፡ ሚ ፡ ቡ ፡ ለአጽጋር ፡
 አዜማ ፡ ትስኤኒ ፤ እት ፡ ክል ፡ ሕጽቦሃ ፡ ክም ፡ መካን ።
- 10 ለእት ፡ ዐድ-ገብሻ ፡ አቤና ፤ ለሐቲ ፡ ፈጅር ፡ መነቃል ።
 ቢሉ ፡ ቢሉ ፡ መሰብር ፤ ባጥር ፡ ላቱ ፡ ረአስ ፡ ቅራር ።

እደደ ፡ ወድ ፡ አግዳባይ ፡ ቅብላታ ፡ ለቤሻ ።

- 1 እንቱም ፡ ሰኒ ፡ ወደኩም ፤ አምዕል ፡ ለሞት ፡ ለመምባና ።
 አብ-መዲን ፡ ዐጋማ ፡ ካረው ፡ ዲቡ ፡ ወካራ ።
 አብ-መሐመድ ፡ ለሞቱ ፡ አመራ ፡ አትዋረሳ ፡ ወትፋና ።
 እት ፡ ነጋጊር ፡ ሸካይት ፡ አልባብ ፡ ቃጥሕ ፡ ለሀዳራ ።
- 5 እት ፡ ደገጊት ፡ ዋዝንተት ፡ ታ ፡ ዲብ ፡ ቤት ፡ ቤት ፡ ለክማራ ።
 እት ፡ መዓጥን ፡ መውረዲት ፡ ታ ፡ አዜ ፡ ተርፋ ፡ ለሕጅራ ።
 እት ፡ መሓብር ፡ ዐቅቤተት ፡ ከበር ፡ ትወጄ ፡ ለዕዛላ ።
 እት ፡ ንዋይ ፡ ለአሓ ፡ ዐረሺት ፡ አክላ ፡ ሚ ፡ ቡ ፡ ለአግዋራ ፡

እት፡ መናበት፡ ለሰብአ፡ ቱ፡ ነጻ፡ ወለና፡ ጌራ።
 10 ቀዶም፡ ሸዕበት-ወረባ፤ ዐግሎ፡ ዲባ፡ እራራ።
 ዐድ-ግብግን፡ ወሪሾ፤ ብርክ፡ ቱ፡ ማሎም፡ ወማላ።
 ለሞታ፡ እት፡ ዕለት፡ ቱ፤ ወላማ፡ ራግራ፡ መታና።
 ሕርም፡ ማጨላይ፤ ተለክ፡ ቤላ፡ ለአግማላ።
 ሰለስ፡ ለቅብለት፡ ሀራግ፤ ከእቫ፡ ሸልሕ፡ ለእጋላ።
 15 ወእስላም፡ ምስል፡ ትነግዳ፤ ዐድ-ቀደዴ፡ ወአክዋራ።
 እላ፡ ትግበእ፡ ጄጃኩም፤ ለአምዕል፡ ዲብ፡ ለስርሐና።

313

ኤሎስ፡ ወድ፡ ቲድሮስ፡ እት፡ እስሮ፡ ዕንክር፡ ወጀጎድ፡ ወእት፡ ሞት፡ ሐምጆ፡
 ወድ፡ አብ-በክር፡ [ወድ፡ ቅድራሽ፤] ለሐሲድ።

1 ጎልገላይና፡ ቱ፡ አብ-ረድኢ፤ እናስ፡ ላብብ፡ ትገለላ።
 እንዶ፡ ቀትላ፤ መን፡ ፋግር፡ ቱ፡ እብ፡ በራ፡
 ለመሓዝ፡ ቀንሸሉቅ፤ እንዶ፡ ዘልማ፡ ኢደላ።
 አብ-በፍታ፡ እግል፡ ሀይገት፤ በዲር፡ ልሹ፡ ኢከራ።
 5 ልሹ፡ ካሪ፡ ምን፡ ገብእ፤ እግል፡ ለግግብ፡ ወኢተላ።
 ልሹ፡ ልሹ፡ ዲብ፡ እንቱ፤ ሀቱዲ፡ ለማይት፡ ወአስተሀላ።
 ወድ፡ ዐገባ፡ ወድ፡ ጅጊን፤ ሀይገት፡ በዐላ፡ ወድ፡ በዐላ።
 ማይ፡ ልግበእ፡ ወድ፡ ቅድራሽ፤ መምባ፡ ሰኒ፡ ትከተላ።


314

እግል፡ ከንቴባይ፡ ቲድሮስ፡ ሐቴ፡ ዶል፡ ናይብ፡ ሐሰን፡ አስ
 ረዩ፡ ከባጽዕ፡ ደኛ፡ ቡ። ወኤሎስ፡ ወድ፡ ቲድሮስ፡ እላ፡ መስእል፡
 ክም፡ ሰምዓ፡ እላ፡ ሐላ።

1 “ናይብ፡ ደኛ፡ ቡ”፡ ቤሉና፤ እግል፡ ለገርቦን፡ ዝጅር፡ አብ፡ ሐጨር።

እት : ዐድ : ሞራ : ኢጸውር ፤ ወዕኩክ : ልግበእ : ወቀጢን ።
 ሀይገት : ቴድሮስ : ቱ : ታክያታ ፤ ምን : ኡብዕቡ : እት : በዲር ።
 ምን : ጋሻይ : ለወግሬተት ፤ ፍጨል : ኢኮን : ወከፊል ።
 5 ፍቐሕ : ኢኮን : ወልቐሕ ፤ ሕዴ : ኢኮን : ወዘኪር ።
 እት : ጋሻይ : ልውሕዮ ፤ ወመልሕ : ልግበእ : ወፊጢር ።

ሐይለት ፡ ክልኤ ፡ ማርያ ።



315

ነጫቢ : ወድ : ኦርበድ ።

እብ : ሰፍጡር : እት : ልትዐጀብ : ለዐላ ።

- I ትትፊሌ : እዲና ። እት : ትርኤማ : ኢትእመን ።
እክል : መጽእ : ምን : ምድር ፤ ምን : ሐን : ሐጻ : ወእበን ።
ሐሊብ : ምን : ደም : ልትዓሬ ፤ ወሕኖት : ምን : ሚ : ትትመወን ።
እዲና : ሐላፊት : ታ ፤ ጎረት : ታርፈት : ታ : እት : ድመን ።
- 5 ለገሮብ : ቀለሚ : ቱ ፤ ወለንሻል : መደወን ።
ነዊድ : ምን : ዐድ : ልትገሌ ፤ ወዔጥሮ : ትነብር : እት : ከደን ።

316

ቅብላት : እላ ፡ ሀዬ ፡ መስመር ፡ ወድ ፡ ገዳይን ፤ “እግል : ነጫቢ ፡ እግል ፡ ንስዴካ ፡ ቦሎ” ፡ እንዶ ፡ ቤላ ፡ እላ ፡ ሐላ ።

- I ሰልሞ ፡ ወለት ፡ ሐውርያ ፤ ወአብዬ ፡ ሰዲቅ ፡ ፈቂሩ ።
መላትሐ ፡ ወገጃ ፤ እብ ፡ ቀለሙ ፡ ቱ ፡ ወእብ ፡ ሊሉ ።
ሐንዋት ፡ ለእሉ ፡ መኔካ ፤ እብ ፡ ሚ ፡ ሀላ ፡ ነቢሩ ፡
አዩ ፡ ዓልም ፡ ንሸአል ፡ ቡ ፤ ኢረከብና ፡ ፈኪሩ ።
- 5 ሐሊብ ፡ ምን ፡ ደም ፡ ልትዓሬ ፤ ምን ፡ አፍ ፡ ለሕሊሉ ።
እክል ፡ መጽእ ፡ ምን ፡ ምድር ፤ ግኑሕ ፡ እሊ ፡ በቂሉ ።
ውላድ ፡ አንበጣ ፤ ምን ፡ ሐን ፡ ሐጻ ፡ ቱ ፡ ነሬሩ ።

* * *

ለገሌ ፡ ሰክብ ፡ ልትመዬ ፤ እንዶ ፡ መልእ ፡ ከርሸቱ ።

እት ፡ ጽንዕ ፡ ለሞላዳ ፡ ፤ ወእት ፡ ጽጋብ ፡ ለሐረቱ ።
 10 ሐቴ ፡ ወአቲት ፡ ሀዩቦ ፤ ምንማ ፡ ትብዝሕ ፡ ደርገቱ ።
 ትብል ፡ “ ረቢ ፡ ልርሐሞ ” ፤ ለሃማ ፡ ትብልዓ ፡ ቃብረቱ ።
 ለገሌ ፡ ተርህ ፡ ልትመዬ ፤ ረቢ ፡ እብ ፡ ለፈርሀቱ ።

317

በሀዳር ፡ ወነጫቢ ፡ ወድ ፡ አርበድ ፡ ትጋለደው ፤ ወሐር ፡ አሓ ፡
 ሐማቱ ፡ ምን ፡ ዘምተው ፡ ረድአዮም ። ህቶም ፡ ቤለዎ ፤ “ ሕና ፡ ወእ
 ንታ ፡ በዲር ፡ ጋለድና ፡ ኢትርድአና ” ። ሐር ፡ ክልኦት ፡ እናስ ፡ ቀት
 ላ ፡ ምኞም ። ህቱማ ፡ ተሓከራ ፡ ደአም ፡ ነፍሱ ፡ ዐለት ፡ ወእግል ፡
 ሰብኡ ፡ ቤሎም ፤ “ አና ፡ ዐራት ፡ ውቕል ፡ እታ ፡ ክረወኒ ፡ ወአጊድ ፡
 ሂቦ ፡ ደው ፡ እልዬ ፡ ውብካዬ ፡ አርኡኒ ” ። ወሐር ፡ ለአንስ ፡ እት ፡
 ልዘፍና ፡ ረአዩን ፡ ለጋና ፡ እት ፡ ለትጋርማ ፡ ወለሐዋቱ ፡ እብ ፡ ገሀ
 ዩት ፡ እት ፡ ልዘፍና ፡ ከእሻ ፡ ሐላ ።

1 ብካይ ፡ ጋና ፡ ነአምር ፤ ትሰርር ፡ ወተትጋርም ።
 ብካይ ፡ ቅሩብ ፡ ነአምር ፤ ቅወይ ፡ ሚ ፡ ቱ ፡ ቃርም ፡
 ለቅምጫጭ ፡ እንዶ ፡ ትለብስ ፤ ለዕዋይ ፡ እሉ ፡ ትሻርም ።

318

ወሐር ፡ ለሕፍረቱ ፡ ገንሓ ፡ ከእሻ ፡ ሐሻ ።

1 ክልኦት ፡ ጥብ ፡ ጠሊት ፤ ሐዬ ፡ ቱድርስ ፡ ወአና ።
 ግናዘት ፡ ሀሌኮ ፡ ለክሩይ ፡ ዲባ ፡ ከፈና ።
 እሻ ፡ ሕፍረት ፡ ሕፍረቱ ፡ ታ ፤ ወእሊ ፡ እሩይ ፡ ቱ ፡ ለእባና ።
 ዎሮትና ፡ ሞታ ፡ ምን ፡ ገብእ ፡ ፈታይ ፡ አባይ ፡ ገብአና ።
 5 አሓ ፡ ለሐማቱ ፡ ኢእደኞኞ ፡ ለአሰራ ።
 ንኢሾ ፡ ሃሩይት ፡ ምንሐት ፡ ፈለል ፡ ታ ፡ ወቀላ ።

319

ወሐር : ለሐ : ነጫቢ : ቱድሮስ : ወድ : አርበድ : ወልዳ : እት :
ልተልሂ : ምን : ረአዩ : እላ : ሐላ ::

- I ትተልሂ : ሀሌካ ፤ ም : ኤሎስ : ደአል : ኢትርኤ ::
 ሊሊት : ከብድ : አቡካ ፤ ትነድድ : ቤተት : ወትልጫ ::
 ገድካ : ዮመቲ ፤ ለትሓሩካ : ምን : ክልኤ ::
 መሐበር : ብእታ : ከብጄ ፤ ለገሜ : ወዐድ : ሕድ : ኢተሌ ::
- 5 ለገሌ : እንዶ : ልትቃተል ፤ ለገሌ : ገደስ : ወለዐሌ ::
 ለገሌ : እንዶ : ለጸብሕ ፤ እት : መስከቡ : የም : ደሌ ::
 ሚ : ላሊ : ታ : እላ : ኢትጸብሕ : ወሚ : ምዕል : ታ : እላ : ኢትመሌ ::

320

እግል : ቱድሮስ : ወድ : አርበድ : ሐ : ነጫቢ : እት : መርባት :
ሐሁ : በሀዱር : ምን : አብዳ : ለተሐሌት ::

- I ጻልም : መዲን : ወድ : እዛዝ : ቱ ፤ ወሐጥር : ቱድሮስ : ወድ :
አርበድ ::
 ከብድ : ጻልም : ክም : ግድር : ታ ፤ ወእዴ : ራዲ : ክም : መሸከት ::
 ለከብዱ : ምንዲ : ሓፈነው ፤ ሀቶምግ : ለከብዶም : ኢበርደት ::
 አምዕል : ሀስከሎል ፤ አምዕል : በጥ : ቡ : ክም : በትከት ::
- 5 አምዕል : ስቲ : ትሳቴኮ ፤ ስጋድ : ናስእ : ቱ : ወሸግበት ::
 ፋርደት : ገብእ : ውላዳ ፤ ሰኒሃ : ላቱ : ምን : ሐርደት ::

321

ፀሊ : ወድ : ሕመድ-ዳር ::

- I ዝላም : ሀረት : ዲቡ ፤ ድግድግ : ለእት : እሮታ ::

ሸምብሬበት ፡ ጀደዕ ፤ ሕጃብ ፡ እት ፡ ክልኤታ ።

ቅዲት ፡ ነሳንሳሃ ፤ እማ ፡ ወአቦታ ።

ልብስ ፡ ደራድራሃ ፤ አስክ ፡ ክልኤ ፡ ምሐታ ።

5 ገድካ ፡ ምስላ ፡ ትሰክብ ፤ ብእሳ ፡ እንዶ ፡ ሞታ ።

* * *

ዝላም ፡ ሀረት ፡ ዲቦን ፤ ክልኤ ፡ ቢሎ ።

ከላማተን ፡ ገርም ፤ ምን ፡ እምቢልሆ ።

* * *

ዝላም ፡ ሀረት ፡ ዲቦን ፤ ክልኤ ፡ ጨወን ።

ከላማተን ፡ ገርም ፤ ምን ፡ መደወን ።

* * *

10 ዝላም ፡ ሀረት ፡ ዲቦ ፤ ገመሻት ።

ሕርመት ፡ ካብረት ፡ ትግበእ ፤ ወግሲት ።

* * *

ዝላም ፡ ሀረት ፡ ዲቡ ፤ ቁሽ ፡ ወታምባቄ ።

ለሞጅ ፡ ዐድ ፡ ሕድ ፡ ዛብጥ ፤ ለአልማ ፡ ልዘራኬ ።

ፈግር ፡ ምኛ ፡ ሚ ፡ ቡ ፤ ለበሐር ፡ እብ ፡ ሕማሴ ፤

15 እምበል ፡ ለቀዋሲናይ ፤ ለእት ፡ ለከብዳ ፡ ዋሴ ።

* * *

ዝላም ፡ ሀረት ፡ ዲቡ ፤ ሸጋሊ ።

ሰዐሩ ፡ ቅቱር ፡ እንቱ ፤ ወዳሊ ።

እክሉ ፡ ባቅል ፡ እንቱ ፤ ወፋሪ ።

ፈዳብ ፡ አምዕል ፡ ገይስ ፤ ወላሊ ።

* * *

20 ዝላም ፡ ሀረት ፡ ዲቡ ፤ ግርዕ ፡ ገዱዳ ።

ረሺ ፡ ልሰልመኛ ፤ ኦዳም ፡ ተርፋ ፡ ሐዳ ።

* * *

ዝላም : ሀረት : ዲቡ ፤ ቀብር-ጸዐዳ ::

ጸሎ : ጅንግላይት ፤ ትደርግ : ወትላበሳ ::

* * *

ዝላም : ሀረት : ዲቡን ፤ ቀይሐት : ወሰማይት ::

25 እብ : ምጽብሕ : ዘልም ፤ ወእብ : ጋሻይት ::

* * *

ዝላም : ሀረት : ዲቡም ፤ ገሎድ : ወኦርፋይ ::

እብ : ምጽብሕ : ዘልም ፤ ወእብ : ምትዋይ ::

* * *

ዝላም : ሀረት : ዲቡ ፤ ሐጋይ-ሔላ ::

ኖሼ : ልሰልመኝ ፤ ምን : ወንጌላ ::

30 “ነግ” : እት : ትብለኝ ፤ ወኦና : እት : አቤ : እላ ::

* * *

ዝላም : ሀረት : ዲቡ ፤ ግዕር : ጎ : ለጋድም ::

ሐማስ : መትበዴሪ ፤ ምን : ረሐር : መትከማክም ::

እግሩ : ሸተት : ትወደፊ ፤ ወኦፍሁ : ገረት : ላክም ::

ሕና : ዲብ : ለረክሱ ፤ ነሐሴ : ወእንዳግም ::

* * *

35 ዝላም : ሀረት : ዲቡ ፤ ወድ : ሀበሮ ::

ፋቲ : ተቀም : ቤላ ፤ ክም : ተቀሮ :

ገሌ : “ገዐዘ” : ቤላ ፤ ወገሌ : “ዐሎ” ::

* * *

ዝላም : ሀረት : ዲቡ ፤ አድር : ወመሻማት ::

ለምድር : ምድር : ኢኮን ፤ ሔሳስ : ወመሻማት ::

* * *

40 ዝላም : ሀረት : ዲቡ ፤ ሎሀይ : ምድር ::

ፍቁን ፡ ወጋላባ ፤ ወደብር ፡ እግል ።
ቅዱት ፡ ነሳኑሳ ፤ ምን ፡ ለምዕሸር ።

* * *

ዝላም ፡ ሀረት ፡ ዲቡ ፤ ሰለስ ፡ ለትሉሉይ ።
ደንገል ፡ ወመንታይት ፤ ወለጋድም ፡ ጉሉይ ።
45 ደማን ፡ እገር-ሰሐቶ ፤ እብ ፡ መልሐተይ ፡ ኩሩይ ።

* * *

ዝላም ፡ ሀረት ፡ ዲባ ፤ በልቀት ።
ምድር ፡ ለሺመት ፤ ምድር ፡ ለበርከት ።

* * *

ዝላም ፡ ሀረት ፡ ዲባ ፤ ልኅ ።
ሐጋይ ፡ ጨበልቢሎ ፤ ወከረም ፡ ደጋድኝ ።
50 ቀይም ፡ ምን ፡ ለቀርዋት ፤ ደሩብ ፡ ተሻልኝ ።
ነሐር ፡ ለኢትበክረት ፤ ስርሔ ፡ ደራብሾ ።
ወድ ፡ ብዕዛ ፤ ዔድዋን ፡ ለትጋልሾ ።
ሕሮራ ፡ ባቅል ፤ አንስ ፡ ሸናጥሾ ።

* * *

ዝላም ፡ ሀረት ፡ ዲቡ ፤ ጽረሕ ፡ ወዐጋማ ።
55 ማ፡ ዶል ፡ ፈናቴና ፤ አና ፡ ወዝላማ ።
ሼቲት ፡ አስእን ፡ ሐዳስ ፤ ጭብዕት ፡ እብ ፡ ዕላማ ።
ሐይረት ፡ ሻነቀዩ ፤ ለአክማማ ።

* * *

ዝላም ፡ ሀረት ፡ ዲባ ፤ ወለት-ሕገም ።
ጸገም ፡ እግል ፡ ፈዳብ ፤ ልደገም ።
60 ሆፍ ፡ ወድ ፡ ምሽራት ፤ ቀበት ፡ መሐበር ፡ ልትለኸም ።

* * *

ዝላም : ሀረት : ዲባ ፤ ሀገር - ግኔ ::

እጋላ : ስምስም : ትወጀ ፤ ወወአታ : ግኔ ::

* * *

ዝላም : ሀረት : ዲባ ፤ ደብር : መዐር ::

እት : አግባቡ : ጥዑም : ቡ ፤ ወእት : አግርዓቱ : ሰዐር ::

* * *

65 ዝላም : ሀረት : ዲባ ፤ ሕመረት : ፍርቅት ::

ሐቴ : ተወክ : ሚ : ባ ፤ እምበል : ለወአታ : ስርቅት ::

እማታ : እብ : ስቃይ ፤ ወእብ : ሐሊብ : ዝርፍት ::

* * *

ዝላም : ሀረት : ዲባ ፤ እት : ሐረውያታት ::

አሽከአለሊት : ተአታ ፤ እብ : ብድራታት ::

70 ምስል : ልትሐለባ ፤ ሽቅብት : ወሐራሳት ::

* * *

ዝላም : ሀረት : ዲባ ፤ ግርዕ : ወድ : ግዛኒ ::

ለብክር : ክርባ - ቀረጽ ፤ ሓልባይ : ትቀስቅስ : ላሊ ::

* * *

ዝላም : ሀረት : ዲባ ፤ ወለት : ፈተን ::

ቀዩሕ : ቅንጫጫ ፤ ሕብር : ኮከን ::

* * *

75 ዝላም : ሀረት : ዲባ ፤ መዝረት : ለአግዋጺታ ::

ቀንዲል : ሐዬ : ዲባ ፤ አፍገ : ወዕንታታ ::

* * *

ዝላም : ሀረት : ዲባ ፤ እም - በሀራ ::

ከቦ : ወድ : ሾክኖይ ፤ ኢትጸብሐ : ወኢትደረራ ::

ገዱ : ምስላ : ቤታ ፤ ወምስላ : ዐላ ::

80 ሐሜታ ፡ እንደይ ፡ ፈርህ ፤ ወመረራ ።

* * *

ዝላም ፡ ሀረት ፡ ዲባ ፤ እት ፡ ፍልጫተት ።

እትሐላማ ፡ ብትከ ፤ ክምሰል ፡ ጎዬ ፡ ቤተት ።

ቀለስ ፡ ምን ፡ ፈዝዐኮ ፤ ከንድእ ፡ ለእላ ፡ ጌሰት ፡

* * *

ዝላም ፡ ሀረት ፡ ዲባ ፤ ሸኔ ።

85 ጸሎ ፡ ጅንግላይት ፤ እግል ፡ ወራር ፡ ሸኔ ።

በዐላ ፡ ለትጋስያ ፤ ወህታ ፡ ዘረፍ ፡ ተሐዜ ።

* * *

ዝላም ፡ ሀረት ፡ ዲባ ፤ ድልቃ ።

አዘም ፡ ወግልባቦ ፤ መርግት ፡ ጽድቃ ።

* * *

ዝላም ፡ ሀረት ፡ ዲባ ፤ ለሮራ ፡ ምን ፡ እንዜና ።

90 በርጅ ፡ ወእንዝላል ፤ እርዱድ ፡ ወፋጌና ።

* * *

ዝላም ፡ ሀረት ፡ ዲባ ፤ አሪበሮ ።

ሰለስ ፡ ረሶብ ፡ ርኤና ፤ እት ፡ ልትከሐዶ ።

ዎሮ ፡ “ድማን” ፡ ቤላ ፤ መቁደዶ ።

ዎሮ ፡ “ገለብ” ፡ ቤላ ፤ ሰምሀር ፡ ረዶ ።

95 ዎሮ ፡ “ንሕጌ” ፡ ቤላ ፤ እምበል ፡ ረዶ ።

* * *

ዝላም ፡ ሀረት ፡ ዲባ ፤ አባረራ ።

ከንቲባይ ፡ ሰብካ ፡ ዲባ ፡ ወዐሊ-በራ ።

ቡራይ ፡ አቫ ፡ ዲባ ፤ ወአሳደራ ።

መቅረይ ፡ ዔራ ፡ ዲባ ፤ ወትከሰራ ።

100 አሽራም : ትግልክ : ቤለው ፤ ወዘረራ ::

ሕጻኑ : ሞታ : ምኑ ፤ ወትቀተላ ::

ወአቱ : ወልደት : ምኑ ፤ አባደራ ::

* * *

ዝላም : ሀረት : ዲቡ ፤ ሓሳይ : ወዔላ : ግርግር ::

ሐሊባ : ኢልሸቴ ፤ ለእንጆት : ዳግም : ብክር ::

105 ቀዳሙ : ጽንዲድ : ገብእ ፤ ወሐሩ : ደፍር ::

* * *

ዝላም : ሀረት : ዲባ ፤ ጸየት : ነዐሌ ::

ገድካ : ሕላይ : ተአምር ፤ እግል : ትሕሌ ::

ሐውነት : ወደም : ሕርስ ፤ ሓላጋታ : ለአኬ :: 1)

እብ : ሕልም : እት : ሰብ : ተሐት : ክም : ጌሳ : ጵርቦ : ምኞም :

ሰሐለዎ : እሉ ::

1 አትንሴኛ : ዎ : መሊሀይ ፤ ምንዲ : ትሉብብ ::

ዐድና : ገብእ : ጸንዕ ፤ ማ : ዐድና : ገብእ : ጸግብ ::

ዐድና : አምያሳቱ ፤ እት : ከደሰ : ሐደብ ::

ዐድና : እብ : መሳራት ፤ እሊ : ብለቅ : ጸርብ ::

5 እሊ : ቤት-ዘርኡታይ ፤ ለማሉ : ግምሽ : ዐብብ ::

ገሌ : ሰቴ : ምኑ ፤ ወገሌ : ሐልብ ::

ገሌ : በዴ : ምኑ ፤ ወገሌ : ዐርብ ::

መምባ : እብ : አክሸፍካ ፤ ተላይ : ኢለደርብ ::

1) Die Übersetzung dieses Verses ist nur im Commentar gegeben. Er steht auch wohl kaum an richtiger Stelle.

ገብር ፡ ኢእንደደደ ፤ ወትግራይ ፡ ኢእንገደብ ።
 IO ሌላ ፡ እት ፡ ሰማይት ፤ እልፍ ፡ ሰትይሃ ፡ ምን ፡ ጀብ ።
 እልፍ ፡ ምሴ ፡ ሰይታ ፤ ወእልፍ ፡ ምግብ ፡ ምግብ ።
 ምንዲ ፡ ትፈጃር ፡ ቀርጸት ፡ ታ ፤ ወምን ፡ ትትከፎ ፡ ግልብ ።

323

I እንቱም ፡ ሚማ ፡ ብኩም ፤ ሰብ ፡ ለከራብ ፡
 ማርያ ፡ ወሚን-ዓምር ፤ ወሰለስ ፡ ሐባብ ።
 ኢነክምሮ ፡ ሕና ፤ ጸላት ፡ ወእሊ ፡ ትራብ ።
 ሐጎ ፡ ደሀብ ፡ ዋይደት ፤ ረክስ ፡ ለሕቃብ ።
 5 ክፍሩስ ፡ በጥር ፡ እላ ፤ ረክስ ፡ ለእንጋብ ።

324

I መርዳይት ፡ እንጸውር ፤ ግርቢት ፡ ለእቫ ፡ ዕራታ ።
 ዐገባ ፡ እንጸውር ፤ እብ ፡ ክሰስር ፡ ግራ ፡ ታ ።
 ሀታ ፡ ሳምደት ፡ እት ፡ እንታ ፤ ዕላም ፡ ኡሱር ፡ እት ፡ ረክሳ ፡ ታ ።
 ወክና ፡ ሳምድ ፡ እት ፡ ክና ፤ መርዓቂታይ ፡ ኢተዓጣ ።
 5 ለሻምና ፡ እንዶ ፡ ኢእንከልስ ፤¹⁾ ምን ፡ ሕድ ፡ ግስና ፡ ዎ ፡ ሐሻካ ።

325

I ክና ፡ ገብሮም ፤ ክና ፡ ወድ ፡ ክመቶም ።
 ከናት ፡ ምንድቅ ፡ ብዬ ፡ እት ፡ ሐጽረቶም ።
 ጠሾሆም ፡ እጸብጥ ፡ እሎም ፡ ወቀድሐቶም ።
 ዕላል ፡ ወዕዳጋታት ፡ ቱ ፡ ክና ፡ መንገአቶም ።
 5 ክዜ ፡ ግምሽ ፡ ተርፋ ፡ እበን ፡ ለመጸግዕቶም ።

1) In Mänsä^c-Prosa: እንደይ፡እንከልስ። So wollte Naffa^c auch hier lesen, da die Konstruktion ihm zu ungewöhnlich war.

326

ሐመድ-ሉል : አላ : ሰርቃ : ከመጽኅ :: ወሐር : ለሹም : በርህ :
ወድ : ዳፍላ ፤ “ ለአላ : ብለሻ ” : ቤሎ :: ከህቱ : “ ኢእበልሻ ” : ምን :
ቤላ : ለሹም : “ ወድ-ሩእ : ሓይላይ : ሰብ : ተሐት : ሹት : ትከልኦ ” :
ቤሎ :: ህቱ : ህዬ : እላ : ሐላ ::

- 1 እዲና : ምን : ፈርሀት : ታ ፤ ምን : ሹት : ወምን : ግንዳሌ ::
 ፅጹም : ልሻረቅ ፤ ሀርማ : ፈዳብ : ልትጋሌ ::
 ካይን : ጠልመኸ ፤ ኖሱ : እንዶ : ልዳሌ ::
 ፈዳብ : ቀትለኸ ፤ ወዘብጠኸ : ወዋሬ ::
- 5 አክቡድ : ኩሹን : እት : እንቱ ፤ ለአፈቸ : ከአፎ : ልትዓሬ ::
 ሕላይ : ሐቆና : ቱ ፤ ወሐቆ : እንሳ : ቱ : ቅዛሬ ::
 ዐጣል : ግሬሽ : ዳምሞ ፤ ወአላ : ሐባል : ወእንፋሬ ::
 ለአመት : ወድ : ሻውሽ ፤ ተትሃጅከና : ምን : ማሌ ::
 ቀዩሕ : ሕብር : ተረንካ ፤ ራውዩት : ታ : እምበል : ብሻሌ ::
- 10 እሸት : ክም : ለሃ : ሚ : ትገብእ ፤ ምንማ : ትገርም : ወትትማኔ ::
 ክም : ግርቢት : ትትዓረር ፤ ወክም : መሰንቆ : ትትቃኔ ::
 ገደቦ : እት : ሐባብ : ታ ፤ እብ : ሐጻይን : ሕድ : ባሌ ::
 ገደቦ : ሸንጌራ ፤ ለዓሉጅ : ምን : ሕድ : ተዓዴ ::
 ሸዩምታ : ትቃተላ ፤ ወውላዳ : ልትዋሌ ::
- 15 ገደቦ : ለእት : ተገብ ፤ ኢተምሱላ : ሕዳሌ ::
 ገደቦ : ዐድ-ተክሌስ ፤ ምን : ሕድ : ትዘምት : ወትካሬ ::
 ገደቦ : ለእት : ብሌን ፤ ምን : ሕድ : ትደብድብ : ወትፋሬ ::
 አስፈዳይ : እት : ብእታ ፤ ለሃ : ሚ : ዶል : ትትዓሬ ::
 ገመርታይ : መዛግብ ፤ ቅለጥ : ላክፍ : ወካሬ ::
- 20 እብኔ : ሐረምዝ ፤ ለዓጅ : ቀርኑ : ለዋሌ ::

ምንግ : ሐውን : አስፈጻይ ፤ ከደም : እታ : ወዋሌ ።
 ገደቦ : ዐድ-ገርጊስ ፤ ብእስት : ታ : ምንግ : ትትግሬ ።
 ክብድታ : ትትቃተል ፤ ወቀላላ : ትትግሌ ።
 ኖሱ : መጽእ : ለኢሞታ ፤ እላ : ከደት : ለልትጋሬ ።

327

እድሪስ : ወድ : ሃኪን : እት : ቅብላታ : ለሐሲያ ።

I “ ለአምር : ሕላይ : ሐቆና : ቱ ” ፤ ዲብ : ሚ : ቱላ : ሐመድ-ሉል :
 ሐሌ : ዎሮ : ወድ : ገበህ : ቱ ፤ ወሐሌ : ዎሮ : ዕመር-ጥዑም ።
 ዎሮ : ሐሌ : አብ-ሕመድ : ቱ ፤ ወተእ : ኢኮን : ወግሉል ።
 ድመል : ግድዐት : ከልአታ ፤ ወጋሻ : በይን : ኢመግዳር ።

328

ሐመድ-ሉል : ቅብላታ : ለሐሲያ ።

I መጽአናካ : ወድ : ሸግራይ ። ገድም : ትከምከም : ወዳሌ ።
 ወእግል : ምን : ሕድ : ንእዘም : ቱ ፤ ወእግል : ሰኒ : ንትሓሌ ።
 ሕና : ሕላይ : ቱ : መላህይና ፤ ለሕና : ወሀቱ : ንትጋሚ ።
 እብ : ከብድና : እንፍህሞ ፤ ወእብ : ሕልቅምና : እንቃኔ ።
 5 ክም : እክል : ንዎብሮ ፤ ወእንደብድሾ : ወእንፋሬ ።
 ክም : ፍሾ : ነዐልሾ : ክም : ዋከት : ለሕዳሌ ።
 ሕዳግ : እልና : ቱ : ዲብ : ዐድና ፤ መላህይ : ለእሉ : ንትፋኔ ።
 ምን : ግድዐት : ተሌኛ : ወእት : አስማጥና : እንካሬ ።
 እብ : ምንክቡ : ገደአካ ፤ ወድ : አብ : እኩይ : ቱ : ልትፋሌ ።
 IO እት : ምብኣይ : ጸንሐካ ፤ ክም : ለስቅ : ለዕርጋሌ ።

329

እድሪስ : ወድ : ሃኪን : ቅብላታ : ለሐሲያ ::

- I ሐሌ : ዕመር : ጥዑም : ቱ ፤ ወወድ : ገሰህማ : ልብሎ ::
- ሐሌ : ወድ : ግርማት : ቱ ፤ እብ : ዐረብማ : ወጥኖ ::
- ዲብ : ሚ : ቤላ : ሐመድ-ሉል ፤ ለአና : ሐይስ : ምን : ከሉ ::
- እት : አተል : ወደያ ፤ ግሉል : ምንዲ : ትመክሮ ::

330

ሐመድ-ሉል : ቅብላታ : ለሐሲያ ::

- I ሐሌ : ዕመር : ጥዑም : ቱ ፤ ወሐሌ : አሚር : ወድ : ገሰህ ::
- ሐሌ : ወድ : ግርማት : ቱ ፤ ክል : ምዕል : እሱ : ልትረሰክ ::
- ትበአሴኛ : ወድ : ሃኪን ፤ ቀድባ : ዲብና : ልጀሰክ ::
- እድሪስ : ሕላይ : ምን : አምር ፤ እቼ : ሐካ : ልትከሰህ ::
- 5 ግራቡ : ለገርም ፤ ሐሊብማ : ምንዲ : ልትበሰክ ::

331

እድሪስ : ወድ : ሃኪን : ቅብላታ : ለሐላያ ::

- I ወድ : ግርማት : አሸእሎ ፤ ዝምትት : ለበዐላ : አስሙዕ : እላ ::
- እዛዝ : ወዕጅል : ወድ : ዳርሸክ ፤ እብ : አምሳላት : ልቡላ ::
- እድሪስ : ወፍካክ : ወድ : ገብሬስ ፤ ዱራ : አምሮ : ወዕሹራ ::
- ሀግያ : ለበዐላ : ከልአያ ፤ ከዳብኣ : ዲባ : ለሐጸራ ::

332

ሐመድ-ሉል : ቅብላታ : ለሐሲያ ::

- I ከድማ : ዲብና : ቱ : ወድ : ሃኪን ፤ እላ : ድቢት : ለብሀላይት ::
- ዎሮት : እናስ : ኢኮኒ ፤ ሐርማዝማ : ትቀትል : ሰዳይት ::

ምን ፡ ቀደም ፡ ረገዝ ፤ ወምን ፡ ረሐር ፡ ዲብ ፡ ለነዳይት ።
 ምግግዝ ፡ ፋርህ ፡ ሀሌኮ ፤ ሀረብ ፡ ወአከይ ፡ መካይድ ።
 5 ጸብጦ ፡ ፋርህ ፡ ሀሌኮ ፤ ወእስራት ፡ ክምሰል ፡ አባይት ።
 ውጽዔ ፡ ፋርህ ፡ ሀሌኮ ፤ እኩት ፡ ታ ፡ ከንፈር ፡ ጥራይት ።

333

“ፈርሀካ ፡ ገድም ፤ እበን ፡ ወዕጨይ ፡ ወማይ ፡ ሕሌ” ፡ ቤሎ ፡
 እድሪስ ፡ ወድ ፡ ሃኪን ። እላ ፡ ክም ፡ ቤሎ ፡ ሐመድ-ሉል ፡ እላ ፡ ሐላ ።

I እበንማ ፡ ዎ ፡ እድሪስ ፤ ጸገም ፡ ለውሕድ ፡ ኢተምስል ።
 ለመዐር ፡ እት ፡ ለአግባቡ ፤ መሐበር ፡ እልካ ፡ ቱ ፡ እት ፡ ተዐዝል ።
 ዲብ ፡ አካኑ ፡ ጸንሐካ ፤ ኢልትዐረጽ ፡ ወኢኡብር ።
 አባይካ ፡ ትላክፍ ፡ ቡ ፤ እንዶ ፡ ተዓሬ ፡ ለአረዝን ።
 5 ዲብ ፡ ሐሊብካ ፡ ትካርዮ ፤ ቀዴ ፡ እልካ ፡ ወሐፍን ።
 ለሞታ ፡ ቤቱ ፡ ቱ ፤ ከሌብ ፡ እሉ ፡ ቱ ፡ ሰብ ፡ አቅብር ።
 አታፍእ ፡ ወደዎ ፤ አንስ ፡ እቱ ፡ ለቡሽል ።
 መጥሐን ፡ ገብእ ፡ ወምደት ፤ ዐርሰት ፡ እንዶ ፡ ነሰፍል ።
 ሰራይር ፡ ነዐቅብ ፡ ቡ ፤ ቀይም ፡ እክል ፡ ምን ፡ ቡሽል ። —
 10 ዕጨይ ፡ ምዕርክያት ፡ ቱ ፤ እምበል ፡ እሱ ፡ ሚ ፡ እነብር ፡
 ቀጸር ፡ ገብእ ፡ ወሞራ ፡ ቲር ፡ ገብእ ፡ ወሐክል ።
 ንዌ ፡ ገብእ ፡ ወመግዘም ፡ አስክ ፡ እሊ ፡ ደረክን ።
 ክላል ፡ ገብእ ፡ እግል ፡ ረአስ ፡ ወመጥቅሐ ፡ እሳት ፡ ለፈግር ።
 መተርአስ ፡ ወደዎ ፡ ወጢሾ ፡ ዲብ ፡ ነፈግር ።
 15 እግል ፡ አክዋር ፡ ጸርቦ ፡ ጠቢብ ፡ ላቱ ፡ በዐል ፡ ብስር ።
 እግል ፡ ለእንሳ ፡ ሐማሳት ፡ ወእግል ፡ ለአፍሩስ ፡ አሸግር ። —
 ማይ ፡ ከሉ ፡ አርውሐትና ፡ ቱ ፡ እምበል ፡ እሱ ፡ ሚ ፡ እነብር ፡
 ዝላም ፡ ዘልመት ፡ ምን ፡ ገብእ ፡ ሰዐር ፡ ቱ ፡ ለእሉ ፡ ተፈግር ።

- ወሰዐርማ : እሓ : ትበልዎ ፤ ከእሱ : ትገብእ : ዐጀግል ።
 20 ግኜ : ትወጃ : ወድርቁቅ ፤ ዐንጎ : ትወጃ : ወሹብር ።
 ማይ : ሰቦሕ : ወስርሐ ፤ ምን : መሸነት : እት : ሕምብር ።
 ጸላሞ : ወመንካ ፤ ቀደም : እሰን : እምበድር ።
 ፍሶተት : ለእት : ለበክ ፤ ምን : ምራቃ : መን : መቅር ።
 ስጋ : ጸዓዲ ፤ ጎባል : ምስል : ዐሹብል ።
 25 ጽረው : በቃሪ ፤ መርዒ : ጋብእ : ዘረዝር ።
 ዐረሲት : ለእት : ስንኩይ ፤ ዲብ : ኢትረግእ : ኢነዐድል ።
 ዋክት : ሐጫሮ ፤ ትመልሕ : እልካ : ወትፈጥር ።
 መዐንረይ : መቃጥን ፤ ዐንጎ : ጋብእ : ጀለጅል ።
 በራኪት : ለእት : ንሳል ፤ ግሱል : በልዓ : እት : ሸክር ።
 30 ሚ : ታ : ገብእ : ለተወክ ፤ ምን : ዐራዶ : ሚ : ትወግር ።
 አስክ : ሐርዓ : ወሸንታ ፤ አስክ : ቀርና : ወጽፍር ።

334

ለሹም : በርህ : ወድ : ዳፍላ : እብ : ቀሱብ : እግል : ለአረዩ : በል
 ሰዩ : ምኑ ። በርህ : ለአሓ : ክም : በልሳ : ምኑ : ሐመድ-ሉል : ትደ
 መላ : ከእሳት : ልስሕን : ቤታ : ወሐር : እላ : ሐላ ።

- I ለእሳት : ልብዬ : ቀርሐት ፤ እት : እደሀሻ ።
 ዳቅብ : ወዛውዘኝ ፤ ሐኘት : ወወድ : አሻ ።
 ክም : ወዴኝ : ደዮ ፤ እኪት : ኢትድቀሻ ።
 ወሕደግ : እሉ : ምድሩ ፤ ከዒራ : ወትወረሻ ።
 5 ድኔ : እንትል : ኤራ : ቱ ፤ ወድኔ : መሲ : ደንባ ።
 ኤራማ : ምድር : ታ ፤ እግል : ለልትሓሰሻ ።
 ለፋይተታ : ፋይተት : ታ ፤ ወለመምብሃ : መምባ ።
 መናቢታ : ፊዳብ : ቱ ፤ እኪት : ልሰሰሻ ።

- ጸጋይ ፡ መናበታ ፤ ፈረሀ ፡ እግል ፡ ለሀሻ ።
- 10 ሀ-ር ፡ ወጌረማን ፤ ሕብር ፡ ወድ ፡ መከሻ ።
- ፋ-ፍ ፡ ወብጋይት ፤ ፋርስ ፡ ልትወጀሻ ።
- ስጋድ ፡ አላበናይ ፤ እብ ፡ መታዊት ፡ ዐሻ ።
- ሻልኪት ፡ ዘነብ ፡ ጋድር ፤ ኩሪት ፡ ክም ፡ ሀርደሻ ።
- ዕንክሎሎ ፡ ገያድ ፡ ታ ፤ ሻፍግ ፡ ልትወለሻ ።
- 15 እግል ፡ አረዩ ፡ ቦላ ፡ ታ ፤ ምንኩም ፡ ለዐዳ ፡ ሸሻ ።
- ሀታማ ፡ ኢትቀውዮ ፤ ለእት ፡ ጋሪታ ፡ ሸሻ ።

335

እብ ፡ ለድመሉ ፡ እሻ ፡ ሐላ ።

- 1 ወድ ፡ ሐማድ ፡ ወድ ፡ ዐሊ ፤ ዳር ፡ ዋዲ ፡ ቱ ፡ እት ፡ ሸንጉል ።
- ሳልሕ ፡ ኩሉ ፡ አምሮ ፤ ሕብዕ ፡ ኢኮን ፡ ወስቱር ።
- መን ፡ ቱ ፡ ለዳር ፡ ልትካሬ ፤ ለአሐሁ ፡ ዝምትት ፡ ወዕዩን ፡
- ዕንቱ ፡ ለአዳም ፡ ኢገንሐት ፤ ወድ ፡ ሹም ፡ ረድኢ ፡ ወፍዳል ።
- 5 ዕንቱ ፡ ለንዋይ ፡ ኢገንሐት ፤ ዓቡድ ፡ ጸዓዲ ፡ ወጸጉር ።
- ትሮሪ ፡ ምሮሪ ፤ ድሀር ፡ ኢኮን ፡ ወውቆል ።
- ዐገባ ፡ ግራሻ ፤ ሌደደያ ፡ እብ ፡ ህምቡር ።
- ክም ፡ ሐይሉ ፡ ከበሳ ፤ ክምሰል ፡ ሻውሽ ፡ ወክርኩር ።
- ክም ፡ ነጫቢ ፡ ወድ ፡ አርበድ ፤ ልሱ ፡ ቀርሐት ፡ ለበሀዳር ።
- 10 ክም ፡ ኖር ፡ ወድ ፡ ዳፍላ ፤ ክም ፡ ለትርካይ ፡ በዐል ፡ ጠንቡር ።
- ሐመድ-ኖር ፡ ሸንጌራ ፤ ስሕት ፡ ቱ ፡ ገብእ ፡ ማ ፡ ዕዩን ፡
- ሐደይ ፡ አብ-ዐጀብ ፡ ምኑሕ ፡ ርኤንሁ ፡ ወፍጨል ።
- ኢለበኬ ፡ ወድ ፡ ትግራይ ፡ ከኢቀርፍሬ ፡ እብ ፡ ምሹል ።

336

መሐመድ፡ ወድ፡ ስሌማን፡ ቅብላታ፡ ለቤላ።

- I ሐምስ፡ ብእታ፡ ምን፡ ሸዩም ፤ እት፡ ሸንጌራ፡ ምን፡ ትፈግር።
- ጸዱቅ፡ ብእቶም፡ በዐል፡ አሚን ፤ ለዲማ፡ ከንፈር፡ ኢበድል።
- ወሐጥር፡ ብእቶም፡ ኢሰኸ ፤ ምን፡ አግሩዙ፡ ኢፈግር።
- ዘራ፡ ሞገዕ፡ ቱ፡ አብ-ዐጀብ ፤ ጀቅፎ፡ ምኑ፡ እብ፡ ሕንክል፡
- 5 እጉር፡ ላቱ፡ ልጽዕኖ ፤ ግሙጽ፡ መንሕ፡ ወፈጭል።
- ሐሊብ፡ ግድብት፡ ኢሰቴ ፤ ወወድ፡ ትግራዩ፡ ኢገብር።
- ኤሎስ፡ አብሊሽ፡ ወድ፡ አብሊሽ ፤ ወድ፡ ሕነት፡ ለሰወጥን።
- አብዕቡ፡ ዕጅል፡ ወድ፡ ዐሊ፡ ቱ ፤ ለኖሱ፡ ሚዝን፡ ወረጥል።
- ሐቴ፡ ገብእ፡ ፈቄራይ ፤ ከቀርእ፡ እልካ፡ ወፈሸል።
- 10 ወሐቴ፡ ገብእ፡ እድንያይ ፤ ከመይት፡ እትካ፡ ወቀትል።
- ሕና፡ ዐርመሲስ ፤ አዳም፡ ዲቡ፡ ኢነዐድል።
- ዕጨት፡ አልጦብያ፡ ቱ ፤ ነትፎ፡ ምኑ፡ ክል፡ ፈጅር።
- ዛይደት፡ ብካ፡ እብ፡ ህያብ ፤ እዴ፡ ትመጠ፡ ወትዘንጥል።
- ዛይደት፡ ብካ፡ እብ፡ በአስ ፤ ገለብ፡ ልክፍት፡ እት፡ ምድር።
- 15 መርባት፡ በዐላ፡ አብ-መሐመድ፡ ቱ ፤ ለሬመት፡ እብ፡ ፈረስ ፤
- ወለቀርባት፡ እብ፡ እግር።
- እብ፡ ብጣሩ፡ ልትሃጌ ፤ ወረአስ፡ ለጣራት፡ ለሰቅር።

337

እብ፡ ለድመሉ፡ እት፡ እንቱ፡ አቡሁ፡ ሞታ፡ ወሐር፡ ገለብ፡
 ለአቡሁ፡ ህቱ፡ ወርሰያ። ከክም፡ ጸረያ፡ አስተንተና ፤ “አቡዬ፡ ፈ
 ዳብ፡ ዐላ፡” እንዶ፡ ቤላ፡ ነፍሱ፡ እት፡ ልቀብብ፡ ለቤላ።

I ምን፡ ተሪፍ፡ እት፡ ድምነት ፤ ረፍዐኮኪ፡ ምን፡ ከራይ።

ገለብ : ለመርባት : ተቀሸን ፤ ኢትትወዐሎ : ዐድ : አባይ ።
 ገለብ : ለወድ : አብ : ትትግመል ፤ ሔሳስ : ተሐዜ : ወሸርናይ ።
 አምዕል : ማጺጼ ፤ ኬለብ : ማልአት : ታ : ምን : ንዋይ ።
 5 አምዕል : ወድ : አወድ ፤ ተአምር : ዋይደት : ታ : ወዐሽይ ።
 ለአምዕል : እት : ሐልሐል ፤ ባልዕ : ጽብሕት : ታ : ምን : ዕዋይ ።
 አምዕል : ማዴታይ ፤ ሰብብ : ሐዜት : ወአድማይ ።
 እት : ድመልና : እንሰክብ ፤ ከነንገዋጌ : ክም : ገናይ ።

338

ለሰብ : ቤለዎ ፤ “እላ : ዝላምማ : ሕለዎ” ። ህቱ : ሀዬ : እብ : ለገ
 ዩሳ : እላ : ሐላ ።

I ምን : አብሐር : ሀረሰት ፤ ሎሃ : ዝላም : ጋሻይት ።
 ሕጻጽ : ኬደት : ወናሮ ፤ ሞገዕ : ለአካን : ምግባይት ።
 ክልአት : ግርግር : ወሕዳይ ፤ ዓቀቀቶም : እብ : ወሐይዝ ።
 ሀበሮ : ትበለሰት ፤ ካሬት : እብ : ለሰጋይድ ።
 5 ጨወኒ : ወልኅ ፤ ደንገል : ወመሓዝ : መንታይት ።
 ዕጭ-ዐማይር : ወግቤ ፤ ለዐነኸል : ለነኣይኸ ።
 ዐንሰባ : ተዐጆት : ቡ ፤ ወሎሀይ : ሮራ : ሰማይት ።
 ድገለብ : ሐድገቶም ፤ ድቡር : ወአባይ-ፈላይት ።
 ከድነት : ተዐጆት : ወኤራ ፤ ወለዐንቀር : ምራይት ።
 10 ሀዱዳ : ቀጆማ ፤ አቫ-ቤጥሮስ : ሎንካይት ።
 ደብር : ዐቢ : ትላበሰት ፤ ቢሻ : ወረአስ : ባይራይት ።
 በርካ : ትከሬት : ቡ ፤ ሸተል : መስከብ : ብጋይት ።
 ለአመት : ተምበሌ ፤ ሓትሮ : ኢኮን : ክድማይት ።
 ገቢለት : ትትቀሐሻ ፤ ክል : ምዕል : እግር : ጨብላይት ።
 15 ከላ-እ : ምኘ : ዕራዎ ፤ ሐመልማል : ክልአት : ጥራይት ።

ለገረመት : ሀዩባ ፤ ወምችት : ትግበእ : ወሕያይት ።
 ጸሎ : ለምሀረት : ወድ : ድግለል ፤ ምን : ትወለደት : ሪፋይት ።
 ድቡር : ከደን : ቱ : መስከቡ ፤ ሐዘ : ዲቡ : ባቅያይት ።
 ሃይባይ : ሀዩባ ፤ ወጸጋይ : ትመጽኦ : ሪንዳይት ።
 20 ቃትላይ : ቀቱሎ ፤ ትገብእ : እዴ : ዋይዳይት ።

339

እግል : ፋይተት : ሰቤሻ :: (?)

I ምን : ረአስ : ዐሊ : ገንደር ፤ ንጉስ : ለእት : አምሐራ ።
 ደባብ : ነድቆ : ዲባ ፤ ትርክ : እብ : ቀጅላ ።
 አንስ : እብ : ሐሊባት ፤ አግሩሽ : ልትግወላ ።
 ስጋድ : ዐጌብ : በርካ ፤ እምቡሽ : ክም : ዳለላ ።
 5 ዐዳ : አብሬግ : ዋዲ : ቱ ፤ ወከሰላ ።
 ደብር : በረድ : ዋዲ ፤ ድግሃ : ወሰከና ።
 እልፍ : ለፈረሳ ፤ ወእልፍ : ለበቀላ ።
 እልፍ : አናጢጦ ፤ ሰብ : በገና ።
 ወእልፍ : ከዳዲማ ፤ አይረት : ሰዐራ ።
 10 እልፍ : መከነና : ቶም ፤ ሰብ : አምሐራ ።
 ከወኒ : ዑሩር ፤ ግርቢት : በራበራ ።
 አሰይፍ : ሐሩጥ ፤ ርመሽ : ዐበልበላ ።
 ወልደ-ጋብር : ናስአት : ታ ፤ አሹሽ : ወቀልቀላ ።
 ክልኤ : ክስታን : ናስአት ፤ ብሌን : እብ : ሐልሐላ ።
 15 አፍ-ሐሬን : ባርቅ ፤ በርቃ : ሊሊት : ተዋለላ ።
 ምክርም : ወመልሐተይ ፤ ወሐይዝ : አታረራ ።
 መአወሌብ : ዛርቅ ፤ ቡሳይ : ጠላጠላ ።
 መቀየም : ሀንዱር ፤ ሀዱድ : ሀባለላ ።

ከ-ክ : እት : አራዊት ፤ ለአዳም : አሻከራ ።

20 መአለፍ : እት : ሐረምዝ ፤ ድሜ : ከላከላ ።

ባንጆጋይ : ሰካ : ምኑ ፤ ወተአለላ ።

በርተል : ለእት : ሐራይሽ ፤ ክርብ : ሽንኮረራ ።

ቶር : ዐገባታት ፤ አምሆላላ ።

ብጋይት : ተአቴ : ዲበን ፤ አይሎብ : ቱ : ለዕመራ ።

25 አክል : ዐድ : ሕድ : ገብእ ፤ ደራ : ወፎፈና ።

ገሩን : ተአቴ : ዲበን ፤ ወለት : አብሐንራ ።

በዐላ : ሸኪክ ፤ መንሐ : ወፋጩላ ።

መዐስራይ : እግል : ለንጽፋ ፤ መሐላ : ጠራጠራ ።

ቀየሕ : ደም : አራካት ፤ ወቀየሕ : ደንቀልቀላ ።

30 ቀየሕ : ዕንክሎሎ ፤ ምኒት : እት : ከደና ።

ቀየሕ : ጸሐይ : ሙታም ፤ ወቀየሕ : ቀሽ : ደሸና ።

ሐመልማል : ወለት : ኤሻት ፤ ደንቀት : እት : መቅጠና ።

ሐመልማል : ክምሆላይት ፤ ድሪት : አደገላ ።

ሐመልማል : ጸብሕ : ምድር ፤ ገጽ : ለመጸምበላ ።

35 ሐመልማል : ዕዛል : መራት ፤ ቅሎ : ሐዌተራ ።

“እላ : ፈቀድናኪ” : ቦላ ፤ እግል : ሀወራ ።

ስጋድ : ጅንገሬባይ ፤ ግንቦ : አላበና ።

ከቦ : ሕንጁር : ባይት ፤ ምዕጥን : ዘናዘና ።

ምሆ : ታ : ወሕንጸጽ ፤ 1) ለሚስ : አጃመራ ።

40 ሚስ : ሰሉስ ፤ ለአዳም : አሻከራ ።

ለረሐት : ጥራይ ፤ ረዐፍ : አትገረራ ።

አጫብዕ : ማይ-ማይ ፤ እልበት : እት : ዐጠላ ።

ሸካኒ : ናላይ ፤ ሰኒ : ምን : ካነና ።

1) Naffa^c wollte dies Wort zu ሕንጸጽ : verbessern.

ለስራክ፡ ግሩም፤ እብ፡ ጌረማን፡ ሸዐላ።

45 ሓትሮ፡ ትደውር፡ ኢኮን፤ አጭሐብሉ፡ እብ፡ በጀና።

ሀታ፡ እትዩ፡ ግሲት፤ ወቤታ፡ እብ፡ ሐበና።

ስም፡ እሙ፡ ሰሜት፤ ሐካ፡ ምኛ፡ መሐላ።

እት፡ ምስንዮት፡ ትቱ፤ ቅርብ፡ ወገልገላ።

340

እድሪስ፡ ወድ፡ ሃኪን።

ማርያ፡ ቀዩሕ፡ እግል፡ ዐድ-ተክሌስ፡ ዘምተው፡ ወዐድ-ተክሌስ፡
ረድኣ፡ ደአም፡ ሐር፡ ትሰበረው። ወማርያ፡ እብ፡ ለአሓ፡ ለእላ፡
ዘምተው፡ አተው፡ ከእግል፡ በርሀ፡ ለሹሙ፡ እት፡ ሐምድ፡ ወእ
ግል፡ እዛዝ፡ ለሹም፡ ዐድ-ተክሌስ፡ “ሰካ”፡ እንዶ፡ ቤላ፡ እት፡
ሐሜ፡ እላ፡ ሐላ።

1 በለስ፡ ለወአት፡ ወድ፡ ግድባይ፤ ጸላም፡ እግል፡ ነክብታ።

እት፡ ለገመል፡ ወዴንገ፤ ጸሩ፡ ክቡድ፡ ቱ፡ ወድ፡ እንሳ።

እት፡ ለሕጻን፡ ምን፡ ትብሎ፤ አቤት፡ ዲቡ፡ ወድ፡ ሕታ።

እዛዝ፡ አዜ፡ ትገለልካ፤ በዲር፡ ላብብ፡ ዲብ፡ እንታ።

5 እዛዝ፡ ለበርሀ፡ ልትካሬ፤ ለነፍሱ፡ መን፡ ለጽብጣ፡

ለሰይፍ፡ አፍርንጂ፡ ቱ፤ ወለገለብ፡ ሕምብር፡ ታ።

341

እት፡ ቅብላታ፡ መሐሙድ፡ ወድ፡ ዕቴል፡ ዐድ-ተክሌሳይ፡ እላ፡
ሐላ፤ እዛዝ፡ እት፡ ለሐምድ፡ ወሹም፡ ማርያ፡ በርሀ፡ እት፡ ቀብብ።

1 በርሀማ፡ ለእዛዝ፡ ልትካሬ፤ ለነፍሱ፡ መን፡ ለጽብጣ፡

ለሰይፍ፡ በንካይ፡ ኢኮኒ፤ ለእላ፡ ዘብጣ፡ ነትፋ።

ለገለብ፡ ኢኮን፡ ዐረሲት፤ ምን፡ አካና፡ ሕምብር፡ ታ።

342

ስልማን ፡ ወድ ፡ ስለል ፡ ዐድ-ተክሌሳይ ፡ እት ፡ ቅብላት ፡ ለናይ ፡
እድሪስ ፡ ወድ ፡ ሃኪን ፡ ለቤላ ።

I እንታማ ፡ ዎ ፡ አብ-ዐጃይብ ፤ ትስዔ ፡ ዐልካ ፡ ወተሀርብ ።
ምድርካ ፡ ሐደግካ ፤ ቀሪም ፡ ጸርካ ፡ ኢተሐርስ ።
እክልካ ፡ ሐደግካ ፤ እግል ፡ ቲሙት ፡ እብ ፡ ቅልፍ ።
ትግሬካ ፡ ሐደግካ ፤ ዕርት ፡ ዘነብ ፡ ኢትተርፍ ።

343

እድሪስ ፡ ወድ ፡ ሃኪን ፡ እብ ፡ ድመሉ ፡ ለቤላ ።

I ትርክ ፡ ሀርሻ ፤ ምልካ ፡ ምንዲ ፡ ሀይቡካ ።
ምን ፡ ከርቱም ፡ ሀርሻ ፤ ምን ፡ ዳምር ፡ ለንጉሳ ።
ኩሉ ፡ ትንሰእ ፡ አዳማ ፤ ዐብሃ ፡ ትንሰእ ፡ ወንኡሻ ።
ጸወውራ ፡ ተዳሌ ፤ መናዱቃ ፡ ወአፍሩሳ ።
5 ነበሪታ ፡ ተዳሌ ፤ ሔሳሳ ፡ መዐራ ፡ ወእክላ ፡ ወሩዛ ።
ዘጋ ፡ ዐቢ ፡ አዝምታ ፤ ለዐድ ፡ ዐሊ ፡ ወድ ፡ ሙሳ ።
አልገዴን ፡ ወባርያ ፤ ክልኤ ፡ ባዜን ፡ ወሹካ ።
ሰለስ ፡ ድጌ ፡ አዝምታ ፤ ሕቡብ ፡ ወክረን ፡ ወጁፋ ።
ድማን ፡ ሀይገት ፡ ትትዐጆ ፤ ለገማ ፡ ቃትለት ፡ ታ ፡ አቡካ ።
10 ሐርመት ፡ እት ፡ ነግዐት ፤ ፈጅር ፡ እባ ፡ በሉሳ ።
አፍዐበድ ፡ ድማን ፡ ትሕደኝ ፤ ከጉባጉብ ፡ ሰኒ ፡ አብኦ ፡ ታ ።
ምብላስ ፡ አብ-ዓምር ፤ አስክ ፡ ቀረብ ፡ ድሮካ ።
ዐንሰባ ፡ ቲበእ ፡ ገጽ ፡ ለዐል ፤ ለዕርዲ ፡ ሻካት ፡ አንዱቃ ።
ዐድ-ተክሌስ ፡ ወድ ፡ መፍለስ ፤ ድቢት ፡ ለብዙሕ ፡ እንሱሳ ።
15 እብ ፡ እድሁ ፡ ኢወዳ ፤ ሐካ ፡ ትምኔት ፡ አፍሁ ፡ ታ ።

ሓምድ፡ ወድ፡ ሸንገብ።

ሀቱ፡ እናስ፡ ማርያ፡ ጸላም፡ ቱ፡ ምን፡ ፈረዕ፡ ዐድ-ጀንከራ።
 ዐድ፡ ዕጅል፡ እብ፡ ረአስ፡ አሉላ፡ ድኜ፡ ዐድ-ጀንከራ፡ ከድነት፡
 ዘምተው፡ ወዐብደል-ቃድር፡ ወሙሳ-እድሪስ፡ ወአብ፡ ሕመድ፡
 ምስል፡ ለዛምተት፡ ዐለው። ወለከራዬ፡ ክልኦት፡ እናስ፡ ቀትለት፡
 ናፍዕ፡ ወድ፡ ዕመር፡ ወነስረዲን፡ ወድ፡ ድራር። ክእኛ፡ ክም፡ ገአ፡
 ሓምድ፡ ወድ፡ ሸንገብ፡ ዎሮ፡ ሐሁ፡ እንዶ፡ ነስኦ፡ እት፡ ደርቡሽ፡
 ጌሳ። ክምስሉ፡ ደገጊ፡ ዐድ፡ ዕጅል፤ ኤራ፡ ወቀሻኒት፡ ወአብሊጎ፡
 ወእሮታ፡ ዘምታ። ወሐር፡ እላ፡ ሐላ።

- I ከድነት፡ ምስል፡ እሮታ፤ ኖሳ፡ ታ፡ እብማ፡¹⁾ ተከርብ።
 እመልኪማ፡²⁾ ዎ፡ ሸላሊት፤ ከሉሉ፡ በዳ፡ ለአነሻብ።
 ዋሪ፡ ክምስል፡ ጉላይት፤ አቴት፡ እብ፡ ለሸበሽብ።
 ጠላቅ፡ ክምስል፡ ሐምዶ፤ ረፍዕ፡ ዐላ፡ ወልስሕብ።
- 5 ሓምድ፡ ክምስል፡ አብ-ፋጥና፤ ጋብእ፡ ርኤንሁ፡ ገፈርብ።
 ወሓምድ፡ ክምስል፡ አብ-በፍታ፤ በኬ፡ ቤታ፡ ወሐድብ።
 ሐዬ፡ በኪት፡ እት፡ እብል፤ ክም፡ እሰቺ፡ እም፡ ከልብ።
 ሀቱ፡ እንደይ፡ ኢቀሸን፤ ወአና፡ እንደይ፡ ኢእሰክብ።
 እብ፡ ዕምርዬ፡ እመይት፤ ወእብ፡ ርዝቅዬ፡ እረክብ።
- 10 ሓሪትማ፡ እት፡ ረቢ፡ ታ፤ ዮምዲ፡ ላሊ፡ እሰክብ።

ሓምድ፡ ወድ፡ ሸንገብ፡ ምስል፡ ደርቡሽ፡ መጽኦ፡ ወከድነት፡
 እንዶ፡ በዴት፡ ጸንሐቶ። ከሀቱ፡ እንዶ፡ ቀንጻ፡ አስቀራ፡ ወለአ

1) = ምንማ.
 2) = እምበልኪማ.

ሚር ፡ ሹም ፡ ለደርቡሽ ፡ አገና ፡ ሀበዩ ። ሐር ፡ ክም ፡ ዘምተው ፡ ክእኛ ፡ ቤላ ።

- 1 ወላወለት ፡ ወደሌት ፤ ወእብ ፡ ሰዐር ፡ ገአት ፡ ዕሌላ ።
 ጸግበው ፡ ምኛ ፡ ከተዐደው ፤ ምን ፡ እጅጋም ፡ ለዕቤላ ።
 ሐቆ ፡ ሸላሊት ፤ ቃዊ ፡ ቱ ፡ ሐድር ፡ ለቤላ ።
 ድኜ ፡ ምሕናቅ ፡ አውዴንሀን ፤ ምን ፡ አብሊጎ ፡ ወኤራ ።
- 5 ለድኜ ፡ እት ፡ ድኜ ፤ ወለትግሬ ፡ እት ፡ ለትግሬና ።
 ህታ ፡ እብ ፡ ለመግለላ ፤ “ከድነት” ፡ ትቤ ፡ “አብዴና” ።
 ወሕናማ ፡ ክም ፡ ለእት ፡ ግርሽ ፤ እት ፡ ዝኛበት ፡ ለፊና ።

346

“ገለብ ፡ እግል ፡ ዲሌ” ፡ ክም ፡ ቤላ ፡ ደክም ፡ ምን ፡ ሆራ ፡ አስተንተና ።

- 1 ወሼሌ ፡ ዕንታት ፡ ሸፍኔኒ ፡ ቱ ፤ ገለብ ፡ ምኛ ፡ መስከባ ።
 ውላድ ፡ ምሕልል ፡ ምን ፡ ትረክቦ ፤ ወዲጸት ፡ ትረክቦ ፡ ወሐገባ ።
 ሰብዐት ፡ ሹማ ፡ ወልደቶም ፤ ወጅሚል ፡ አዜ ፡ ትረኸባ ።
 ሰልሞ ፡ ዲብ ፡ ከንቲባይ ፤ ዲብ ፡ ለጋድም ፡ ሰለባ ።
- 5 እት ፡ አፍያት ፡ ከርዐዋ ፤ ሐሪሽ ፡ ለእኩይ ፡ አደባ ።

347

ከንቲባይ ፡ ብእምነት ፡ ከንቲባይ ፡ ተሰፋ-ምኤል ፡ ክም ፡ ትሸዩማ ፡ ምን ፡ ትበአሳ ፡ ሓምድ ፡ እላ ፡ ቤሎ ።

- 1 ትገሼ ፡ ቦሎ ፡ ከንቲባይ ፤ ክም ፡ በዲርካ ፡ ኢትሕዜ ።
 ዐድ-ዐንደሎይ ፡ እት ፡ ገለብ ፤ ወጃውጅ ፡ ግነሕ ፡ እት ፡ ትክሴ ።
 ሰብ ፡ ለእንሳ ፡ ገራይን ፤ በልዐት ፡ ለተላይ ፡ ኢተሐዜ ።
 ሰብ ፡ ለአፍሩስ ፡ ድንጉላት ፤ እት ፡ አፍያቶም ፡ ለመሼ ።
- 5 ሰብ ፡ ለአማት ፡ ቀረጨት ፤ ወሰብ ፡ ለአግብር ፡ ለቀሴ ።

አፍርንጂታት፡ ቱ፡ ጽዋሮም ፤ ኢኮን፡ ጀዲድ፡ ሰብ፡ አዜ።
እምበሌኩም፣ ኢዳም፡ በቕል፡ ወበደ።

348

እግል፡ ከንቴባይ፡ ነጋሲ፡ ወከንቴባይ፡ ብእምነት፡ ክልኢቶም፡ ክም፡
ትሰፀረው፡ ለቤላ።

I ርኤካ፡ ማሚ፡ ዎ፡ ነጋሲ፡ ቤት፡ እም፡ ዐድ፡ ሕድ፡ ምን፡ ተአቤ፡
ደማ፡ እት፡ ሕድ፡ ተሐደኝ፡ ደራራ፡ ቀብላ፡ ልሰቴ።
እት፡ ሸፍር፡ ከርዐዎ ፤ ለውሀር፡ ጨበል፡ እት፡ ለሐንደ።
እሸዎ፡ ለኬለብ፡ ከንቴባይ ፤ እግሉ፡ እግል፡ ንትገሴ፡
5 ዐስር፡ ክልኦት፡ ዋልድ፡ ቱ ፤ ዎሮ፡ እልና፡ ሚ፡ ኢዐደ፡
እንቁሽኩም፡ ሀሌና ፤ ሐዋንማ፡ ቤቱ፡ ሚ፡ ኢአቲ፡
ሐዋን፡ ቤቱ፡ ከልእዎ ፤ ከእት፡ አፊታ፡ ልትገሴ።
ምን፡ ብዬ፡ እሸሐቅ፡ ወሀብኮ ፤ ሀቱ፡ ቱ፡ ፍላም፡ ከብደቼ።
ዋላጄ፡ ሐፈሮም፡ ቱ ፤ ወአና፡ ብእምነት፡ እፈቱ።

349

I ድኔ፡ እት፡ ድኔ ፤ በኑ፡ ተርፋ፡ አግርገቱ።
ንዋይ፡ እት፡ ንዋይ ፤ ለአሩይ፡ ኬዳ፡ ኢመሐዙ።
ለገይስ፡ አቡካ፡ ቱ ፤ ለዋላይ፡ ለጋሻ፡ ቱ።
ምስል፡ ለገይሶ፡ እንገይስ ፤ ምስል፡ ለወዳ፡ ወለአኩ።
5 ዐድኩም፡ ድመል፡ ሚ፡ ፈቕድ ፤ እምበል፡ ድንዳን፡ አዝውግቱ፡
ዎሮ፡ ገአኮ፡ ደኢኮኔ ፤ ላማ፡ እገይስዲ፡ አና፡ ቱ።

350

እብ፡ ዘበን፡ ዘሚት፡ ደራቡሽ፡ እላ፡ ቤላ።

I እምበሌናማ ፤ ኩሉ፡ በዳ፡ ዎ፡ በኪት።

እሊ ፡ ድኚ ፡ ቤት-ገብሻ ፡ ቱ ፤ ለሓድር ፡ እት ፡ ለቀነሲት ።
 ጸጋይ ፡ ብእትን ፡ ለኢጠምፅ ፤ ከራብ ፡ ቤቱ ፡ እብ ፡ ድሊት ።
 ሓጥር ፡ ብእትን ፡ ለኢፈግር ፤ ምን ፡ ከብድ ፡ ለደገሊት ።
 5 እግል ፡ ተርፍ ፡ በልዋይት ፤ ሚ ፡ ቶም ፡ ርያል ፡ ወፍሊት ፡
 በናቢን ፡ ተመጽኦም ፤ ልባስ ፡ እናስ ፡ ወእሲት ።
 ገልገላይ ፡ ቢንግምር ፤ ግልደት ፡ ምድት ፡ ቱ ፡ እት ፡ ፍርሲት ።
 ከአባይክን ፡ ሊኪዶ ፤ ቀሪር ፡ ወመቅጠን ፡ ሕንድሲት ።

351

1 ከማከሚ ፡ ወጠባይት ፤ ምን ፡ ሕጥምሎ ፡ ነዌና ።
 ምስል ፡ ወድ ፡ ጎፋር ፤ ጎማት ፡ ሐጫር ፡ ገሚና ።
 ሰብ ፡ እሊ ፡ አፈርም ፤ ገድም ፡ ስሙ ፡ ከሬና ።
 ዐራታቱ ፡ ትንጸፍና ፤ ወአምያሳቱ ፡ ሰቴና ።
 5 እድንያ ፡ ደርብ ፡ ሕድ ፡ ታ ፤ ለትወረባ ፡ ወኔራ ።
 ልትወለሰ ፡ ሓርዳዩ ፤ አቡካ ፡ ክምስል ፡ መቴላ ።
 ከረንማ ፡ ዐድና ፡ ወዴንሁ ፤ ክም ፡ ምልምልታ ፡ ወኔራ ።

352

1 ትተልሄ ፡ ሀሌካ ፤ ትልህያካ ፡ ሚ ፡ ዐላ ፡ ባ ።
 ቅምሌት ፡ ፋይድ ፡ ሀሌካ ፤ ድኚ ፡ ኢኮን ፡ ወአካባ ።
 ቅንጾትና ፡ ምን ፡ ባድን ፤ እዲና ፡ ርኤና ፡ ጸባባ ።
 እኪት ፡ ወሰኚት ፡ ካየልና ፤ ክል ፡ ሐቴ ፡ እብ ፡ ለግራባ ።
 5 ገድም ፡ ለተሐቱ ፡ በጽሐና ፤ ቅምሌት ፡ ደብር ፡ ረዐዳባ ።
 እምበል ፡ ጨላይ ፡ መራነት ፡ ኢተጸግብ ፡ ነብራማ ።
 ከብድና ፡ ምን ፡ ድመል ፡ ደፍጽ ፡ ቤታ ፡ ክል ፡ ባባ ።
 እግል ፡ ለረሲ ፡ ሐድገዩ ፡ ኖሳ ፡ ተሐልፍ ፡ እላማ ።

353

I ሰይፍ፡ አቡካ ፤ ዐላል፡ ወዳ፡ ነከኩ።
 እማ፡ 1) ሴማ፡ ኢእወጀ። ሴቱ፡ ግርም፡ ታ፡ ወረከሱ።
 ባጽዕ፡ ታጅር፡ ነሸጅ። ግሹይ፡ ረከስ፡ ለፈርድቱ።
 ወናቅጽ፡ ላቱ፡ ነሸጅ። እብ፡ ሐርቡ፡ ወእብ፡ ለቀርቡቱ።
 5 ኢእንጠልም፡ መላሀይና። ወድ፡ ኦብ፡ ብዙሕ፡ ቱ፡ ዒረቱ።
 ምን፡ ገይስ፡ ምስሉ፡ እንገይስ። ኢነትቃብል፡ ድምነቱ።
 ቤት፡ አቡና፡ ተአቤኛ። ዎሮት፡ ከእት፡ ለካከቱ።
 አናማ፡ ረቢ፡ አምነኚ። ወአዳም፡ ሰብ፡ ለለዘቱ።

354

እት፡ ድመሉ፡ ለቤላ።

I አምዕል፡ ዐላ፡ አቡካ ፤ ተአምር፡ ወጀ፡ ትጀጎም።
 ክምሰል፡ መሐመድ-ኖር፡ ወድ፡ ናይብ ፤ ክምሰል፡ ክልኦት፡
 ዐድ-ሐሰን።
 ክም፡ እክድ፡ ወድ፡ ሙሳ ፤ ወክምሰል፡ እክድ፡ ወድ፡ ድግለል።
 ክምሰል፡ እድሪስ፡ ወድ፡ መሐመድ ፤ ነታብ፡ ሐርድ፡ እት፡ አለል።
 5 ክም፡ ሹም፡ ዕመር፡ እት፡ ሞጥዐት ፤ ወክምሰል፡ መሐመድ፡
 ወድ፡ ሸኸር።
 ክም፡ ብእምነት፡ እት፡ ገለብ ፤ ወክምሰል፡ ምንዳል፡ እት፡
 ሐልሐል።
 ወለት፡ ዛይድ፡ እት፡ ከረን ፤ መኸ፡ ሰልም፡ ዎ፡ ዕመር።
 ቀየሕ፡ ሸከንብ ፤ ቀሽ፡ ደብና፡ ትትሐበር።
 ዕንታት፡ ሻከት፡ ዳመሪብ ፤ ጨልሐት፡ ኢኮን፡ ወብሰር።

1) D. i. እብማ = ምንማ.

355

I ፊርደት : ከድነት : አጽበጥንሁ ፤ ከሉ : እሊ : መናድር ።
 ለሹም : ሹመት : ኢልሕዜ ። አዩ : ዳራት : ነትባቅል ።
 ለታይላይ : ቲለት : አለቡ ፤ ምና ፣ ዐሽር ፣ ወካፍል ።
 በኪት : ጌሳ : እብ : ሰዑ ፤ እንደይ ፣ ልግዕዝ ፣ ወናቅል ።
 5 መክሩህ ፣ ለመክርሀቱ ፣ ጸንሐቶ ፤ እሊ ፣ ሸዮም ፣ ለገናድል ።

356

I ውላድ ፣ ገለብ ፣ አቡኩም ፤ እላ ፣ ታ ፣ ምንኩም ፣ ለረፍግ ።
 አቡኩም ፣ ገደቦ ፤ ስማ ፣ ከአፎ ፣ ልትረሽግ ።
 አምዕል ፣ ዋትዳ ፤ ኬራ ፣ ነሽእ ፣ ወገዳ ።
 አምዕል ፣ ሀርሻ ፤ 1) ነዐራ ፣ ነሽእ ፣ ወሸኸ ።
 5 ሴማ ፣ ራክብ ፣ ኢሀላ ፤ እናስማ ፣ ዎሮ ፣ እብ ፣ ወልዳ ።

* * *

ውላድ ፣ ገለብ ፣ አቡኩም ፤ እላ ፣ ታ ፣ ምንኩም ፣ ለሐርያ ።
 አቡኩም ፣ ገደቦ ፤ ምን ፣ ወድ ፣ ብክሩ ፣ ፊትያ ።
 ገመል ፣ ትካራ ፣ አቡኩም ፤ ነፍሱ ፣ እግል ፣ ለአትያ ።
 እብ ፣ ኖሱ ፣ ለመሸል ፣ አዳም ፤ ለረሺ ፣ ወድያ ።
 10 ባሹራ ፣ ቤት ፣ ደብር ፤ ለሞትና ፣ ዐለት ፣ ተሐዝያ ።

* * *

“ድመል ፣ ታ” ፣ ቤላ ፣ ወድ ፣ ምያ ፤ እግል ፣ ኖሱ ፣ ምን ፣ ሸታ ።
 ድመል ፣ ዐድ-ህዳድ ፤ ረሺ ፣ ጠፍኦ ፣ እት ፣ ዘዐታ ።
 ድመል ፣ ዐድ-ጃውጅ ፣ ሰብኦ ፣ ናስኦት ፣ ታ ፣ እብ ፣ ጸዐታ ።
 ድመል ፣ ቤት-ገምያ ፤ ለሃዲ ፣ ዐይደት ፣ ታ ፣ ዋከታ ።
 15 ድመል ፣ ዐድ-ተክሌስ ፤ ለዐዲታታ ፣ ትናከሳ ።

1) Im Texte stand ሐርሻ; das ist vielleicht eine dialektische Variante.

- ምን ፡ ዐገብ ፡ ኢበርዶ ፤ ክሎም ፡ እሻ ፡ ሕገጋ ።
- ምን ፡ ድኔ ፡ ኢፈግሮ ፤ ሸፍር ፡ ሐቆ ፡ ትጠረቃ ።
- ጎማት ፡ መክርሀት ፡ በዲርማ ፤ መን ፡ በልሻ ፡ እብ ፡ ጠዐሳ ፡
- አና ፡ ድመልዬ ፡ በትከት ፡ ታ ፤ ወጋይስ ፡ መንፈሳ ።
- 20 እት ፡ ማይት ፡ ኢትቀትል ፤ እንዶ ፡ አኬት ፡ ንዩታ ።
- እት ፡ ገምትት ፡ ኢትዘምት ፤ ሹርምት ፡ እንታ ፡ ቀዐረታ ።
- መራነት ፡ ከፍሎ ፤ ረሺ ፡ ለእሉ ፡ ኢፈታ ።
- እምበል ፡ በዐላ ፡ ሚ ፡ ትነስእ ፤ መራነት ፡ ለሕድት ፡ ሐለታ ፡
- ከብድ ፡ አቡካ ፤ ሕክሮብ ፡ ቡ ፡ እት ፡ ክል ፡ ሸነካ ።
- 25 ሀሩሳ ፡ 1) ወኢትቀንጽ ፤ ምኛ ፡ ረአስ ፡ ለገርሀታ ።

357

- I ከራዬ ፡ አቡካ ፤ ለትበአሳ ፡ ልብሎ ፡ ታ ፡ ወሀባ ።
- መሐመድ ፡ እት ፡ ለብካ ፤ ብእምነት ፡ እት ፡ ረአስ ፡ ሰለባ ።
- ከንቴባይ ፡ እት ፡ ነቅፋ ፤ ወአሚር ፡ ስጋድ ፡ ዐንሰባ ።
- ድግለል ፡ ዐድ-አርዴ ፤ ወመሐመድ ፡ ረአስ ፡ ገዐባ ።
- 5 ሹም ፡ እሮታ ፤ መጻግምና ፡ ወኢቀዋ ።
- ምን ፡ ረክብ ፡ ወሀቤኛ ፤ ወምን ፡ ጸድቅ ፡ ምስጢር ፡ ወአከባ ።
- ተሐጀባ ፡ አቡካ ፤ ከዲብ ፡ ዐራቱ ፡ አክረራ ።
- እምካ ፡ ሀሌት ፡ ትባልዮ ፤ ስምጣ ፡ እንዶ ፡ አክረራ ።
- “እጸውሮም” ፡ ለቤላ ። እሎም ፡ ቶም ፡ ዓርባይ ፡ ወዐገባ ።

358

- I አና ፡ ወሐዬ ፡ አብ-መኸ ፤ ለሀሌት ፡ ዲብና ፡ ቀዌና ።
- ምን ፡ እብር ፡ ሐደስና ፤ ወምን ፡ ምስክና ፡ ሐዬና ።

1) Im Texte stand ሐሩሳ; vgl. oben S. 260, Anm. 1

ተሀመጅና ፡ ኢኮኔ ፤ ከ“ ሐውና ፡ ቶም” ፡ ትቤ ፡ ትግሬና ፡
 ሐለብና ፡ ኢኮኔ ፤ መሐልካ ፡ እንዶ ፡ ትማጤና ፡
 5 ሐቆ ፡ ለሕልቤ ፡ አንጻፍና ፤ ለሕብሰት ፡ እንዶ ፡ ቀዌና ።
 ጽንዕ ፡ ማሌ ፡ ትወረባ ፤ ብቅዕት ፡ ሳሚ ፡ ቱ ፡ ከዔራ ።
 ውዳይ ፡ ጠላን ፡ ከልአቶ ፤ ሎሀይ ፡ ትከራ ፡ ቱ ፡ ምን ፡ ኬና ።
 አሓ ፡ ግልሓይ ፡ ከልአያ ፤ ከከሌብ ፡ አምእስ ፡ ወዴና ።
 ኖሶም ፡ አምሮ ፡ ኢገአና ፤ ወወድ ፡ ሰብ ፡ ሰምዕ ፡ አቤና ።
 10 ስምሐኖ ፡ እዲና ፤ መሐራክ ፡ ምኛ ፡ አቤና ።

359

1 ወለፍዬ ፡ ኢከልእ ፤ ከሉማ ፡ እሊ ፡ ገባይል ።
 እምበል ፡ ጭሩም ፡ ወድ ፡ አወድ ፤ ወጭሩም ፡ አብ-ዘግይር ።
 እምበል ፡ አብ-እዛዝ ፤ አድማይ ፡ ሰቴ ፡ ወካይል ።
 እሊ ፡ ግም ፡ ለፈረንካት ፤ ሀገሊት ፡ ለሐሻይል ።
 5 ላሩቅ ፡ ለበፈቲት ፤ መዐናዳቅ ፡ ለሐራይር ።
 ቀጣቃጥ ፡ ለሹደሊ ፤ ክምሰል ፡ ሰብ ፡ ለመዳይን ።
 ኢዐጅብቶ ፡ እዲና ፤ ከጅርጣ ፡ ምኛ ፡ ወድ ፡ ዳይር ።

360

1 ማረከት ፡ ቤት ፡ ሐጨር ፤ ከገርበት ፡ ሐርሰት ፡ እብ ፡ ክትል ።
 ለጸርኩም ፡ ቀዳምያም ፤ ወኢሀበዎ ፡ ነመሽል ።
 ተሃጋ ፡ እብ ፡ ንሳል ፡ እብ ፡ ሐቅ ፡ ረሺ ፡ ወተስትህል ።
 ለሀባ ፡ እብ ፡ እዴ ፡ ኢትመልሾ ፤ ወኢትደብር ።
 5 እት ፡ አገዳት ፡ ደግመኸ ፡ ክስቴናይ ፡ ሐክ ፡ ምን ፡ ቀትል ።
 እት ፡ መስከብካ ፡ ልትወሰን ፤ ኢፈርሀኸ ፡ ወኢከጅል ።
 ከደት ፡ ሐምዳ ፡ ታ ፡ ድመልና ፤ መን ፡ ፈሸሻ ፡ ክል ፡ ፈጅር ።

ሕና፡ ድመልና፡ ከድነትና፡ ቱ፤ ኢልትረሰፊ፡ ወኢቀሸን።¹⁾
 ሹም፡ ወድ፡ መክሩህ፤ ኢልልእክ፡ ምና፡ ረአስ፡ ለዐነኸል።
 10 ምን፡ እሮታ፡ እት፡ ሐልሐል፤ እት፡ ገበይማ፡ ሚ፡ ኢትበጥር።

361

1 ኢተተምም፡ አመሸል። ሚ፡ ጋረቼ፡ ለከራ።
 አዩ፡ ፋጥን፡ ልቡሎ፤ ለጠርቅ፡ እት፡ ለመሐበራ።
 ሙሳ፡ ተማና፤ ዐብደል-ቃድር፡ ትገለላ።
 ኢብ-ሕመድ፡ ቅወሕ፡ ማል፡ ቱ፤ ለጸጉቦ፡ አምሰላ።
 5 ምን፡ ድነት፡ እብ፡ ላባ፤ ምን፡ ፍግረት፡ ድግድግ፡ አሸራ።
 ኖሱ፡ ታ፡ ምን፡ ለከስትን። አፎ፡ ቱ፡ መዐተብ፡ ለከራ።
 ቤት፡ ደብር፡ ቀዌቶ፤ አዳራር፡ ለእዘና።
 አስክማ፡ ቤት፡ ዕሉም፤ መሐበራ፡ ዲብና፡ ተዐገላ።
 ለምስሉ፡ ትጣዌና፤ ምስጢርና፡ እሉ፡ አሸአላ።
 10 ወለምኑ፡ አዘምና፤ እት፡ ቅታልና፡ አንረራ።

362

ማርያ፡ ጸላም፡ ከረን፡ እግል፡ ትዝመት፡ ቀንጸት፤ ወሐር፡ ብሌን፡
 ወሕጻናት፡ አምና፡ [አብና፡] ቢካር፡ ሰኒ፡ አብደዎም፡ እግል፡ ለማ
 ርያ፡ አስክ፡ እት፡ ልሰኩ፡ ገበይ፡ ለዐጆም፡ ትበጆ፡ ምናም። ከእት፡
 ለመርባት፡ እላ፡ ቤላ።

1 ሐካ፡ ህጅክ፡ ፈያጉብ፤ ዐርበት፡ ምኑ፡ ወነሴት።
 ሐቆ፡ በርጅ፡ አፍ-መራት፤ ዲብ፡ ኢዳመር፡ ለምሴት።
 ሐቆ፡ ፈጅር፡ መጋርሕ፤ መን፡ አምነና፡ እብ፡ ሐሴት።

1) ድመል (sonst immer Fem.) ist hier als Masc. konstruiert; vielleicht ist der Vers zu verbessern, wie Naffa^c vorschlug.

ሐቆ : ፈጊር : ላልምባ ፤ ለበዳ : ምኛ : ኢሐዜት ።
 5 ሐቆ : ወርደት : ሺታሞ ፤ ገበይ : ዐዳ : ምን : ቀዌት ።
 እብ : ሕላሌ : ተዐጄና ፤ ርሳስ : ወባሮት : ክም : ውሑት ።
 ሕናማ : ረሺ : ሀይበኛ ፤ አምዕል : ለአስሐብ : ክም : አቴት ።
 አዜማ : ከረን : ኢእዘዌ ፤ ለሕርኑገቼ : 1) እት : ሀሌት ።

363

እግል : ክልኤ : መንሰዕ : ለቤሻ ።

I ክልኤ : ሀይገት : ቀንጾያ ፤ እት : ሰልፍ : ለገባይል ።
 ሺመት : አዜ : እት : መናይ : ታ ፤ ወሺመት : በዲር : ዲብ : ሓይል ።
 ልኩኮም : ቱ : ጠልመዮም ፤ ብእምነት : ወእድሪስ : ወድ : ዳይር ።

* * *

ክልኤ : ሀይገት : ቀንጾያ ፤ እት : ሰልፍ : ለአነግብ ።
 5 ልኩኮም : ቱ : ጠልመዮም ፤ ስምሐኖ : ክልኦት : ከነትብ ።
 ብእምነት : እት : ገለብ ፤ ገዐዛ : ሐቴ : ደይ : ረክብ ።
 ወእድሪስ : ታንታርዋ ፤ እት : ለዕርዲ : እት : ለዐቅብ ።
 ኢስነቱ : ለትበአሳ ፤ ኢልትሐመድ : ወኢጸግብ ።

364

I ለቅምሸት : ወለት : ወድ : አውላይ ፤ ደንጎባ : ለሰብ : ሰኒ ።
 አዜማ : በጽሕ : ሳለበት ፤ እንደይ : ትብል : “አክለኒ” ።
 ተርፈት : ኢኮን : መራነት : እምበል : መንዳቅ : ቀትለኒ ።
 ተርፋ : ጽዋር : ንዋያት ፤ እሊ : ሰቁል : ቱ : ከወኒ ።

365

እብ : ድመል : ለቤሻ ።

I ድመል : በዐላ : ወድ : ቱድሮስ : ቱ : ሀይገትማ : ረአሳ : ትሸረባ ።

1) = ሕንግገት im Mänsa^c-Tigrē.

ዲብ፡ለውዳይ፡ሐመድንሁ፤ቤልታ፡ዐደሐ፡ሻረፋ።

ዲብ፡ለቅታል፡ሐሜንሁ፤ምን፡ክትፈቱ፡ጋረባ።

አግዳ፡ዲብ፡ሚ፡ነሐምዮ፡ሸመት፡ደአል፡አለባ።

366

እግል፡ክንቴባይ፡ጣምድ፡ለቤሻ።

1 ክንቴባይ፡ዕሙም፡ሰሎሞ፤እብ፡ክል፡ቃራት፡ልትሐሎብ።

ጣምድ፡ቤላ፡ሰብ፡አውለት፤ወጣምድ፡ቤላ፡ሰብ፡ቀረብ።

ጽንዕ፡ሐቆካ፡ቱ፤ወዕሸረት፡ሐቆ፡ሰብ፡ገለብ።

አልፍ፡ብካ፡ሰናዲር፤ለአልባብ፡ምኑ፡ልሰሎብ።

5 ወአልፍ፡ብካ፡ወራዚት፤ፈጅር፡ፈጅር፡ልትወረብ።

ላሊ፡እልካ፡እሳትት፤ወአምዕል፡ለዳርዬ፡እትከሎብ።

* * *

እግልካ፡ተምኔክዋ፤ለክብት፡ረአስ፡ለጋድም።

መምባ፡ፋጅ፡ወፈለንጁጅ፤መምባ፡ኩሎ፡ሚን፡አድም።

መምባ፡ሰብ፡ሓገይቶ፤ወመምባ፡ሰብክ፡ወሳግም።

* * *

10 ክንቴባይ፡ዕሙም፡ሰሎሞ፤እንቱም፡ከራ፡አብመልካ።

አፎ፡ክእኛ፡አደግካ፤ደይ፡ተቀብል፡ምን፡ለገበይካ።

ጣምድ፡ቤላ፡ሰብ፡አውለት፤ወጣምድ፡ቤላ፡ሰብ፡ለብካ።

አልፍ፡ብካ፡ፈረኛር፤ግድሉታት፡ኢሸልካ።

ወአልፍ፡ብካ፡ሕላላ፤ሰብ፡ሰናዲር፡ወጋሻ።

15 አልፍ፡ብካ፡እት፡መርዒ፤እብ፡ለብካ፡ሳግማ፡ወሰብካ።

አልፍ፡ብካ፡እትዬታት፤አንስ፡አበቻካ፡ወሐውካ።

እግል፡አሉላ፡ወሐጸይ፤ገብአካ፡ዲቦም፡ወድ፡አሻ።

ሐቴ፡ዶል፡ልብሎ፡“ንሐረጅ”፤ክምሰል፡ጸብጣም፡አጀልካ።

ሐቴ ፡ ያል ፡ ልብሎ ፡ “ንእሰሮ” ፤ ወዲብ ፡ ለኸቤን ፡ ሰቅሉካ ።
 20 ሾከት ፡ ሾከት ፡ ሚ ፡ ትረግዝ ፤ ሐሰት ፡ ሚ ፡ ታ ፡ አምሰልካ ፡
 ምድር ፡ እብ ፡ ለሰዓዳ ፡ ቱ ፤ ዐድ ፡ ሼክ ፡ ሓምድ ፡ ከተልካ ።
 ደሀረዩካ ፡ ምን ፡ ረቢ ፤ ወምን ፡ አዳም ፡ ትወቅልካ ።
 (ሬእ ፡ ወመስኮብ ፤ ወጅንኖር ፡ ለጸርካ ።
 ጸንዕ ፡ ሐቆካ ፡ ቱ ፤ ወዕሸረት ፡ ሐቆ ፡ ሰብ ፡ መንሰዕ ።) 1)

ሸከራይ ።

ጋሻይ ፡ ደብ ፡ እንቱ ፡ ምን ፡ አወተዎ ፡ ለሐለዩ ።

I ሊሊት ፡ ስፍሩይ ፡ ትመዩኮ ፤ እት ፡ ለኬለብ ፡ ወድ ፡ ዕብድል ።
 ሸራ ፡ እግል ፡ ልክልአኒ ፤ መንደርዲ ፡ ጋሻይ ፡ አወግር ።
 ቀደም ፡ ሰላም ፡ ልብሎ ፤ ከልትሐበሰ ፡ እብ ፡ ተስትህል ፡
 ነብረቲት ፡ ሀይሰ ፤ ለእላ ፡ በልዕ ፡ ወመጭር ።

* * *

5 ሊሊት ፡ ስፍሩይ ፡ ትመዩኮ ፤ እት ፡ ለኬለብ ፡ አሀርቦታት ።
 ሰብ ፡ ሰብ ፡ ለሐምዴኖስ ፤ አለደሮ ፡ ጋሻይ ፡ ።
 እክሎም ፡ ባቅል ፡ ቱ ፡ ቤሉና ፤ ዐራብ ፡ እት ፡ ለጋድሞታት ።
 እብ ፡ ሕድት ፡ ወሐመድኮ ፤ ምን ፡ ሀይቡኒ ፡ ጨፎታት ።
 አቴኮኮም ፡ እት ፡ ዐርብ ፡ አና ፡ ቱ ፡ ከለል ፡ ጋሻይ ፡ ።

* * *

10 ሊሊት ፡ ስፍሩይ ፡ ትመዩኮ ፡ እት ፡ ለኬለብ ፡ አሀርብ ።
 ዐቢ ፡ ላቱ ፡ አጸንሐ ፡ ወንኡሽ ፡ ጋሻይ ፡ አሐርብ ።

* * *

1) Diese Verse sind später hinzugefügt; vgl. die Übersetzung.

ሊሊት ፡ ስፍሩይ ፡ ትመዬኮ ፤ ክልባይ ፡ እት ፡ ለከሌቡ ።

አትመመዬ ፡ ኢኮኒ ፤ ዕድም ፡ ዐላ ፡ ነዌ ፡ ቡ ።

እከለቱ ፡ ትደረራ ፤ ምኛ ፡ መልክ ፡ ውራቡ ።

* * *

15 ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ ዐድ ፡ ፋይድ ።

ክል ፡ ሞላዱ ፡ ለደምዕ ፤ ዐሊ ፡ እሻ ፡ መርዳይት ።

ኢነሐሜ ፡ ወኢነሐምድ ። ስሚት ፡ ሚ ፡ ቡ ፡ ገናይዝ ።

* * *

ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ ዐድ ፡ ድዌድ ።

እት ፡ ረክሼ ፡ ትደረረው ፤ እት ፡ ለአምሩኒ ፡ ምን ፡ ቅዌት ።

20 አና ፡ ሌጣ ፡ ኢኮኒ ፤ ከሉ ፡ ቀትሎ ፡ እብ ፡ ንዌት ።

* * *

ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ አል ፡ ሙሳ ።

ረክስ ፡ ጋሻይ ፡ ልደረር ፤ ማይራ ፡ እሊ ፡ ትሩዳ ።

ስምጮ ፡ ንጳፍ ፡ ከልአዎ ፤ እንዶ ፡ ቤለው ፡ “ኖሱ ፡ ታ” ።

* * *

ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ ወድ ፡ ገሊድ ።

25 እብ ፡ “ሰፍራክ” ፡ ሚ ፡ እሻቤ ፡ ኢሐድኝ ፡ ተአመሪት ።

ላሊ ፡ ዐጣል ፡ ኢኣኬ ፤ ክምሰል ፡ ዕዮት ፡ ወነዊድ ።

* * *

ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ ዐድ ፡ ሀሩር ።

ዓመት ፡ ከአፎ ፡ ፈጃራ ፤ ሀርብ ፡ ላቱ ፡ ወድቡር ።

* * *

ሊሊት ፡ ስፍሩይ ፡ ትመዬኮ ፤ እት ፡ ለከሌብ ፡ ሐጹራ ።

30 ክላ ፡ ጸንዐት ፡ እዲና ። ኢትበሉሳ ፡ እት ፡ ዱራ ።

ወክላ ፡ ሐጥዐት ፡ እዲና ። መአማን ፡ አባ ፡ ድቡራ ።

* * *

ሊሊት ፡ ስፍሩይ ፡ ትመዬኮ ፤ እት ፡ ለኬለብ ፡ ህምብያይ ።
ወሐሽድ ፡ ወረጃም ። አዚም ፡ ሚ ፡ ቡ ፡ ወድ ፡ እያይ ፡

* * *

ሊሊት ፡ ስፍሩይ ፡ ትመዬኮ ፤ እት ፡ ለኬለብ ፡ ዳመሪብ ።

35 ጋሻይ ፡ አብ-ሀብቴስ ፤ ወእክል ፡ ልብል ፡ ወሐሊብ ።

* * *

ሊሊት ፡ ስፍሩይ ፡ ትመዬኮ ፤ እት ፡ ለኬለብ ፡ ወድ ፡ ዐቅባይ ።

በዐል ፡ መራኒት ፡ ቱ ፡ አብ-ፋጥና ፤ በዲር ፡ ውዕል ፡ ቱ ፡ ዲብ ፡
ዐሻይ ።

እክል ፡ ሀይብ ፡ ምን ፡ ቤቱ ፤ ወሐሊብ ፡ ሀይብ ፡ ምን ፡ ንዋይ ።

* * *

ሊሊት ፡ ስፍሩይ ፡ ትመዬኮ ፤ እት ፡ ለኬለብ ፡ ዐብደላ ።

40 በዐል ፡ “ሐልፋ” ፡ ቱ ፡ አብ-መካ ፤ ወክላ ፡ ሀይብ ፡ ወሰራ ።

* * *

ሊሊት ፡ ስፍሩይ ፡ ትመዬኮ ፤ እዴ-መግዛ ፡ ዲብ ፡ ተሓታ ።

ወማይ ፡ ልብል ፡ ወነበራ ፤ ለመጽአካ ፡ ምን ፡ ሸካ ።

* * *

ሊሊት ፡ ስፍሩይ ፡ ትመዬኮ ፤ እት ፡ ለኬለብ ፡ ወድ ፡ ዕድል ።

እነሽእ ፡ ቱ ፡ አዜማ ፤ መስከብ ፡ ምንዲ ፡ እበድል ።

45 ምን ፡ ዐድ ፡ ቅልጭ ፡ እጸሸሕ ፤ ወበንበን ፡ ልጽነሕ ፡ ወምስል ።

ምን ፡ ሻሻይ ፡ እጸሸሕ ፤ ወእደሀር ፡ እቱ ፡ ወእወቅል ።

ምን ፡ እም-ሕጅት ፡ እጸሸሕ ፤ እግልዬ ፡ ትረክብ ፡ ምን ፡ ተሐግል ።

I አቡኪ ፡ ም ፡ መካ ፡ ሐርስ ፡ ቱ ፡ ወቀዩ ፤ ንዌ ፡ ፋርቅ ፡ ወመግዘም ።
አቡኪ ፡ ዐጣል ፡ ቱ ፡ ወቀዩ ። መን ፡ ቱ ፡ ለምኑ ፡ ልትዐጸም ፡
አቡኪ ፡ ጋሻ ፡ ልትሐደር ፤ ገርሳ ፡ እንዶ ፡ ልትለቅም ።
አቡኪ ፡ ፈዳብ ፡ አኮኒ ፡ ሀራርባይት ፡ ምን ፡ ቀደም ።

5 አቡኪ : ሳርቃይ : ኢኮኒ ፤ ለእት : ማል : ጸሩ : ልትረገም ።
 (ዐዱ : ሕና : ገብአና : ሽኩራይ ፤ እብ : ምግግገገ : ህምብያይ :
 ሐሰድ : ወመርገም ።) 1)

369

I ዐድ-አብራድሃ : ወዐድ-ሸንገብ ፤ እሊ : አብዕብ : ለአልሃ ።
 ለ“ሐዬ : ታ : ገርሀት” : ልብሉካ ፤ እት : ለአካን : ብራቃ ።
 ምን : እሎም : ዎሮት : ለቀትላ ፤ አክል : ጀነት : ረክባ : ታ ።
 ወድ-ዐጀግ : አና : እት : ከድነት ፤ ወወድ : አቶ : ብርሃን :
 እት : ሻካ ።

5 ክም : ረሺ : መነዩ : ታ ፤ ዕቅብ : ገሻ : ለተዓዳ ።

370

“ጥልበት : ሀበኛ” : ቤለዎ : መናቢቱ : እት : ፋይተት : ሰይፎም :
 ምን : አጽብጠው ። ሀቱ : ሀዬ : እላ : ሐላ ።

I መቴላ : እንትል : ወድ : እድሪስ : ታ ፤ እንትል : ዓምር : ታ :
 መጋባ ።
 ወለት : ዐኬ : እት : ዳርሸኦ : ታ ፤ ቀይኦ : ጽፍሩ : ለዕላማ ።
 መንስዓይት : እንትል : እም-መሐመድ : ታ ፤ ደማ : ነኦኬ :
 ወሐራማ ።

ወለት : ቅሚ : እንትልና : ታ ፤ እንፈትያ : እብ : ሻማ ።
 5 በዲር : ብክር : ታ : ወሐዳስ ፤ ወአዜ : ሀሌት : ግርጃማ ።
 እግል : ንስቴ : ሀበኛ ፤ ቅሩብ : ላቱ : ወጸማ ።
 ዎ : ጸርና : ቦላ : እም-ብድሆ ፤ እግል : ለአመት : ዕዋባ ።
 እላ : ለጽብጥ : ተሐዜኹም ፤ ብክር : ታ : ወሰለስ : ጅናባ ።
 ገሮባ : ባድራር : እት : እንቱ ፤ ልብ : ወከብደት : ወአራ : ባ ።

1) Der Vers scheint nicht genau überliefert zu sein.

10 አዳም : ከአፎ : ልትቀሐሽ : እርደት : ገብአ : ቅሕባማ ::
 እርደት : ከአፎ : ትትፈገር ፤ ምን : ኢጠፍሕ : ተካባ :
 ብጋይት : ደብር : ሚ : ትተኸብ : ከድነት : ነሐርስ : ጀላባ ::
 ዕቤላ : ነሀይሻ ፤ ምን : ተመጽኦ : ግራባ ::

371

ፋይተት : እት : ልቀብብ : ለሐቢያ ::

1 ዐሊ : እንዶ : ተዐሸርካ ፤ ገሌ : ሕትካ : ሚ : ትሰልም :
 “ነግ : ቡ” : ምንዲ : ትብለኸ ፤ ሽፈግ : እትና : ወደልም ::
 ወ “ኢኮን” : ምንዲ : ትብለኸ ፤ አናማ : ለሻምዬ : መትካርም ::
 ሓዝነት : ሀሌት : ማ : ስርጊት : አብሃ : ማይት : ሚ : ኢትቀርም :
 5 አሓ : ኢሀይብ ፤ ኢእፈግዐኸ : ባ : ወኢእጠልም ::
 በለሊት : ኢሀይብ ፤ ኢእደርሾ : ወኢእጨርም ::
 ዕቤላ : ነሀይሻ ፤ ምን : ትቀዴ : ወትገርም ::
 ለሀይማ : እት : ክልኤ : ቱ ፤ ለምድር : ምንዲ : ኢዘልም ::

372

እያይ : ወድ : እያያት ::

እት : ዐድ : እሸቱ : ምን : አቅበላ : ወአሓሁ : ምን : በዴት :
 ለሐለያ ::

1 መሻፍል : ከረባ : እሊ : ምድር : ወነኛ ::
 ኢተኦቲኸ : ክርምቱ : እንዶ : ዐለት : እብ : በኛ ::
 ለቃትላይ : ወለት : ባርያይት : አልሀሽ : እግል : ለሀበኛ ::
 ለደም : ለቀጻፋ : ሸለክ : ቤላ : ወጀኛ ::
 5 እብ : ፈረረት : ኢትጸግብ : ቱ ፤ ሐቆ : ኬደት : ኢፈኛ ::

ወትሰፍሬ፡ ወትጸግብ፤ ያፋ፡ እብ፡ በኛ።
 ወግሬተት፡ ቀየሕ፡ ወሻካ፤ ሞዳይ፡ ሰኒ፡ ነበርና።
 ሕመድ-ዳር፡ ወአቡሁ፤ መምባ፡ ሰኒ፡ ትኩተልና።
 ህቶም፡ ምዕሸሸ፡ ወኢሰአነው፤ ሕና፡ ስርብ፡ ጸበርና።
 IO ወመይት፡ ወከፍእ፤ ገሮብ፡ ጸኘ፡ ለኢወኛ።

373

እት፡ በዳ፡ ጸሓሁ፡ ለቤላ።

I እርታ፡ ለነብር፤ ሐቕ፡ ሐጥዕ፡ ምን፡ ንዋይ።
 ወድ፡ አልባሳ፡ ልምበራ፤ በዐል፡ ለድሙ፡ ሐምበላይ።
 ወሐርሳይ፡ ትምባክ፡ ልምበራ፤ ለእጆ፡ ደብእ፡ ውድቀት፡ ጸሓይ።
 እዘና፡ እብ፡ መንከር፤ ዘነባ፡ እብ፡ ከራይ።
 5 ገሮባ፡ እብ፡ ዐበቅ፤ ሐርማዝ፡ ገብአ፡ ለጅሕላይ።
 እጋላ፡ ነጸሬ፤ ጅም፡ ትወጆ፡ እብ፡ ንቃይ።
 እነብረኸ፡ ሀሌና። እኸት፡ ታ፡ ሕሜት፡ ገልገላይ።
 መሌለት፡ ገብእ፡ ሐዜኪ፤ ወለምዕጥን፡ እት፡ እያይ።
 ለመሳክብኪ፡ ሐዜኪ፤ ክልኦት፡ ግርዕ፡ ወርግባይ።
 IO ውንስት፡ ወእት፡ ሔሳስ፤ ዳይላት፡ ነብራ፡ እት፡ ረአስ፡ ፋይ።
 እማት፡ እት፡ ረሀዩ፤ ቅብ፡ ትፈቴ፡ ምን፡ ስታይ።
 ክብት፡ ዐቫይ፡ ለተኦቴ፤ ህታ፡ ትፈይድ፡ ምን፡ ንዋይ።
 መሳክብ፡ ለኢተምሆ፤ ወድ-ፍርንግሔ፡ ወነላይ።
 ምን፡ ለዐል፡ ዐቅባ፡ ሐዜኪ፤ ክልኤ፡ ድክ፡ ወሐጃይ።

374

መንታይ፡ ወድ፡ ሐሪሽ።

እግል፡ በኪት፡ ወድ፡ ሰምራ፡ እት፡ ለዐይር፡ ለቤላ፡ ሕላየት።

በኪት ፡ ወድ ፡ ሰምራ ፡ በዲር ፡ እግል ፡ መንታይ ፡ ወድ ፡ ሐሪሽ ፡
ዑዩሩ ፡ ዐላ ፡ እብ ፡ ሕላይ ።

- I ወድ ፡ ተራፍ ፡ እት ፡ ድምነት ፤ ገንን ፡ ሀላ ፡ እብ ፡ ሕላይ ።
 ወድ ፡ አድግ ፡ መጽዕት ፤ ገመል ፡ ኢኮን ፡ ወብዕራይ ።
 ወድ ፡ ዐረብ ፡ መላጼ ፤ አዜ ፡ መጽአ ፡ ለአልመዳይ ።
 እሙ ፡ እሱት ፡ ከበሩ ፡ ታ ፤ ወአብሁ ፡ እናስ ፡ ናቀልታይ ።
- 5 ኢለፈግራ ፡ ምን ፡ ዲነት ፤ ሸፈት ፡ ግድግድ ፡ ወቀራይ ።
 ተስፋ-ገርጊስ ፡ አታ ፡ ቡ ፤ እግል ፡ አጁር ፡ ምን ፡ ከራይ ።

375

በኪት ፡ ወድ ፡ ሰምራ ፡ ሀዩ ፡ ቅብላታ ፡ እሻ ፡ ሐላ ።

- I ዐውሉ ፡ ሸፈት ፡ ኢኮኔ ፤ ሐምስ ፡ እብ ፡ ለእደካ ።
 አድግ ፡ ኢኮን ፡ መጽዕት ፤ ዔኪት ፡ ልጸዐን ፡ ለምዔጣ ።
 ወድ ፡ በኪት ፡ አልመዳ ፤ እሹ ፡ ልደሐር ፡ ለጌሳ ።
 ሕምሳ ፡ በክረት ፡ ተን ፡ ዐውልዬ ፤ ዕሳብ ፡ ቀይም ፡ ወልሐታ ።
- 5 እንዶት ፡ ምንዲ ፡ ትሰረኸ ፤ እምበል ፡ ወልካ ፡ ወአገበካ ።
 “መንታይ ፡ ተዐጆ” ፡ ልብለኸ ፤ እት ፡ አጌቱ ፡ ለአምሴካ ።
 “ኢኮን” ፡ ምንዲ ፡ ትብለኒ ፤ ቅነጽ ፡ ዋርዶ ፡ ሐዜካ ።
 ወልዬ ፡ ወወልካ ፤ በርህ ፡ እንዶ ፡ መጤካ ።

376

መንታይ ፡ ወድ ፡ ሐሪሽ ፡ እት ፡ ቅብላቱ ፡ እሻ ፡ በልሳ ።

- I ወድ ፡ እድሪስ ፡ ኢኮን ፡ ወድ ፡ ዐሊ ፤ ወድ ፡ ዓምር ፡ ኢኮን ፡
 ወድ ፡ ሸንክላይ ።
 ወድ ፡ ስሄል ፡ ኢኮን ፡ ወድ ፡ ሙሹ ፤ ወወድ ፡ ሸርናዮ ፡ ለዐገርታይ ።
 ወድ ፡ ተራፍ ፡ ዲብ ፡ ድመን ፤ ሀወው ፡ ቤላ ፡ እብ ፡ ሕላይ ።

377

በኪት : ወድ : ሰምራ : ሀዩ : እት : ገጃ : እሻ : ቤሎ ።

- I እንታ : ስምካ : እት : ዐንቀር : ታ ፤ ዐድ : ሐመድ - ኖር : ክም : አታ ።
 “ ነግ : ዎ : መንታይ ” : ልብሉካ ፤ ክም : ከልብ : ለወላሳ ።
 ጸፍር : ገመል : ቱ : አቡካ ፤ ለጽዕን : ሐቆ : ትብተካ ።
 እት : ክል : አካን : ቱ : ሓባሉ ፤ አስክ : ሮራ : ከበሳ ።
- 5 ትንፋስ : ውዴ : ዎ : መንታይ ፤ ብዙሕ : ረያም : ታ : ለዕለታ ።

ሐቆ : እሊን : ተሐለው : እግል : ልትዋረዶ : እት : በርሀ : ለሹም : መጽአው ። ሀቱ : ሀዩ : እግል : ልካርያም : እንዶ : ቤላ ፤ “ አዜ : መላሀዩ : ለነቅማ : ምንኩም : ገብርዬ : ቱ ” : ቤሎም : ወእብላ ፤ አትወዐለዮም ።

378

እዛዝ : ወድ : ትምኸኤል ።

ትግራዩ : ምን : አግዐዘው : ምኑ : ለሐሲዮ ።

- I እንሳርሐኸም : ሀሌና ፤ ዕትማን : ወዐርባ : ጎባይት ።
 ምግዓዝ : ስብክ : ኢኮኒ ፤ ቀይም : ዶል : ለሄሃይት ።
 ምግዓዝ : ሕሙይ : ታ : ወሐሚ ፤ ምግዓዝ : ቃትል : ታ : ወማይት ።
 ንትፈጆያ : ነመስል ፤ ቤት : አብ : ዐድ : ሕድ : ተትባይት ።

379

ኤሎስ : ማርያይ ።

- I ደንጎባ : መርኢትና ፤ ሕና : ወእንቲ : አረዩት ።
 አቡኪ : ልባስ : ኢረቕብ ፤ እምበል : ለሸሎግ : ዐረሲት ።
 ወአቡኪ : ሕሻት : ኢረቕብ ፤ ረአሳ : ጸዐዳ : ወቅዲት ።
 አቡኪ : መዳስ : ኢረቕብ ፤ ሰቡዕ : ረአስ : ለሸምብርኪት ።

5 ዐድ፡ተክሌስ፡ወድ፡መፍለስ፤ ወዐድ፡ትማርያም፡ወድ፡አበብ።
 ማርያ፡ቀየሕ፡ወጸላም፤ ቤት፡ጀራብሩክ፡ወሰንሒት።
 ዐድ፡ዐልበኪት፡ወድ፡ሙሳ፤ ሰብ፡ለአፍሩስ፡ለቀርሒት።
 ዐድ፡ዕመር፡ወድ፡ዓምር፤ ሰብ፡ለአፍሩስ፡ሸገሪት።
 ቤት-ብደል፡ወዐርቴጋ፤ ሰብ፡ለአፍሩስ፡ደበኒት።
 10 ለምስግድ፡ወድ፡ማልክ፤ አድን፡እቼ፡ክል፡በኪት።
 ዕንክላት፡ከሰላ፤ ዲብ፡ሐንቴሃ፡ደገጊት።
 ለእንሳ፡ወድ፡ሙሳ፤ ረበጥ፡ባልሰት፡ታ፡ወክሊት።
 ወለንእሳ፡ወድ፡ጅሔናይ፤ ግዕደት፡ብእታ፡ወድሪት።
 ሀይገት፡ረአሳ፡ፈገርና፤ ምድር፡ደሻስ፡ወደሲት።
 15 ከበሳማ፡ፈገርንሁ፤ ተሐሸርንሁ፡እብ፡ጸብኢት።
 አልገዐታታት፡ከዩድና፤ ወለምዕጥን፡አከሪት።
 ዐድ፡ገብሻ፡ዲብ፡ሐልሐል፤ ፍርህት፡ዐለት፡ወግዊት።
 ውላዩም፡ገብእ፡የታይም፤ ወአንሶም፡ገብእ፡ብተሪት።
 ንሹር፡ለገያስ፡እብ፡ፈራብ፤ ሐድጋ፡ዲብም፡መደገሚት።
 20 ጸዐዳ፡ረአሳ፡ተሐሰሳ፤ ኢትሸላከያ፡ለሕሸት።
 አበይቶም፡ሐዮታት፤ ወውላዩም፡አለሚት።
 አና፡ሮራ፡ቱ፡መስከብዬ፤ ቤት፡አስገዴ፡ለገረሲት።
 አባዮም፡ቀቼሎ፤ እብ፡አፍ፡ለመረዲት።
 ፈታዮም፡ሀዩቦ፤ እክል፡ወስጋ፡ወሐሊብ።

1 ድፋ፡አፍሩስ፡ትነጸፍና፤ ዲብ፡ጋሪትና፡ዮም፡ከረም።
 ምስል፡ለሕጻናት፡ምስል፡ጋሚ፡ወገለም።
 ገመድተን፡ልብጸሕ፡ወንጌለን፡ምን፡ረግማና፡ለሕረም።
 እት፡ግሰሰን፡ልትቃረጭ፡ቱ፡ወእት፡መቅጠነን፡ልትሀረም።

381

ወደ : ዳውራይ ::

እግል : አግዐር : ለቤሻ ::

- I ለሮራ : መንደላይ ፤ ምና : ረአሱ : ባደሾት ::
- ሐሊብ : ወስቃድ ፤ እማቱ : ለአግማም : ዋሰኮት ::
- ሰብኦ : ለጨላይ : ጨራፍፍ ፤ ወተብብሉ : ገስገሶት ::
- እምበል : ሕሜቱ ፤ ለሮራ : ሰአንኩም : ሐመዶት ::
- 5 ጸኑፅ : ነብራ : ሰብእካ ፤ እት : አፍ : እሊ : ማረኮት ::

382

ሚካል : ወደ : አቢብ ::

ሐሁ : አስፈዳይ : ክም : ሞታ : ለቤሻ : ሕላዩት ::

- I በርጅ : ዐላ : ለውላድ ፤ እት : ረአስ : ለቀብር : ልዘርኬ ::
- ሕና : አዘም : ቱ : ፍሩድና ፤ አስክ : ለጸርና : እንተሌ ::
- ሰኔና : ምን : ገብእ ፤ ለአውራዳት : እንወደ።
- ገማይምኩም : አርኡና :: መን : ቱ : ለረፍፅ : እትኩም : ወከሬ :
- 5 መን : ቱ : ጸውራይ : ከተብኩም ፤ ለሕሜት : ደቕብ : ወሐምዴ :
- ጸጋይኩም : አርኡና ፤ ለሀይብ : እትኩም : ወመጤ ::
- በርጅ : እት : አፍያት ፤ ነመሸሎ : ምክሐ ::
- ለነገውሕ : ሕና : ቱ ፤ ሞት : ትግበእ : ወዐውቱ ::
- ውርድና : እንዶ : እንቀብብ ፤ ውርድ : ጸርና : እንሰቴ ::
- I O ለእንጌልል : ሕና : ቱ ፤ ለደቕብ : እንዶ : እንፈቱ ::
- ለንዘመት : ሕና : ቱ ፤ ማልና : እንዶ : ነበደ። ::
- ፈክ : ውጽዔሁ : አቡካ ፤ እያድ : ለክፍ : እት : ድጌ ::

ለጋም : እርታ ፤ ሹት : ሐቆና : ልሰቴ ፤
 ከራ : ጭሩም : ወድ : አወድ ፤ ወከራ : አደም : ወድ : መርኬ ።
 I 5 እግል : ልትመሞ ፤ ለውላድ : ዐላ : ልዘርኬ ።
 ኢልትቀሐብ : አቡካ ፤ ወአብያት : ሐላል : ኢአቴ ።
 ሰሩርና : ኢአምር ፤ እሊ : አንስ : ለበኬ ።
 ሰብ : ወዳ : መካርብ ፤ ክም : አንስ : እግል : ልትሀዴ ።

383

ሐረስታይ : ሐረውያ ።

ለእክል : እት : ደብር-ላላ : ለበቅላ : ምን : በዳ : ክእኛ : ቤላ ።
 I አስከካ : ምድር : ትንስኤው ፤ ግምሽ : በጥር : ዐጋቡ ።
 እክሉ : ዋኒን : በልዐዩ ፤ ሕንጁር : ጸሊም : ሰብካ : ቡ ።
 እሊ : ሸግራይ : ወድ : ተውሌ ፤ እት : ክል : ገቢል : ሕጋ : ቡ ።
 ሐፋሌ : ወድሌብ ፤ መዐር : እት : ክል : አግባቡ ።

384

ተላይ : ሐረውያ ።

I ግንግና : ወበራር ፤ ግልሕ : ወቀትራ : ሸመሪት ።
 ዔላ : ጃሮቅ : ወረድና ፤ ምን : ተአምራ : ዎ : በኪት ፤
 ኢእንፈግር : ምኛ : ቱ ፤ ለአሐና : ሸገሪት ።
 እት : ረአስና : ተንጦጥል ፤ ፈጅር : ፈጅር : እብ : ጸብኢት ።

385

ሕላዩት : ዎሮት : እናስ ።

I አረዩት : እርታ ፤ በላ ፤ ዎ : መሐመድ : ወድ : ሙሳ ።

መሰንቆ : ዲብ : ከብዱ : ታ ፤ ክል : ዶል : በርጅ : አቡካ ።
 ምን : ሸክር : ከንፈር : እንበልፅ ፤ ወምን : ሰባራት : ስቁቃ ።
 እብ : መስተይ : እንወርድ ፤ ከሸከሽ : ልብል : እብ : ሐጻ ።
 5 እት : ገኛበት : እንሰክብ ፤ ሕጃት : አካን : ብቆታ ።
 ሕና : እላ ፤ ጅላበት ፤ ሕጻና : ገአና : ወልኩካ ።
 መዋይላይ : ለእንሳሃ ፤ ወመውዕላይ : ለአዱጋ ።

386

ሕላዩት : እናስ : ማርያ ።

1 ሸብለል : ወጄ : እገራ ፤ ገራብዮታት : ባትኸ ።
 ዙብጥ : ዐሳሲት ፤ ለአድሀይ : እቱ ፤ ሸንክዎ ።
 ምን : ተሀኼና : ትገሼና ፤ ወኢትሰአልኩም : እብ : ድሾ ።
 ሸብር : ዕነጉብ ፤ ላሊ : ለሕጻን : መርሾ ።
 5 ክብት : ለስንኩይ ፤ መን : ረድያ : ዲብ : ፍሾ ።
 ዎ : ክዋል : ወድ : መንደር ፤ ለዙዕና : ማሌ : አምሸሾ ።
 እግል : ሕትካ : ኢተሽእል ፤ አንስ : ለአዝወዓት : ዋስኸ ።

387

ሕላዩት : ዘርኣይ : እናስ : ማርያ ።

1 ምን : አውሔታይ : ሰከኛ ፤ ተንፋሰትና : ዲብ : ገዳ ።
 ሕልና : ለአለቡ ፤ ክምሰሌና : ወትገሳ ።
 ወቲሙት : ወትቅተል ፤ ጸብኢት : ቃንጸት : ታ : ምን : ዐዳ ።
 ወለት : መስገደል : አሸገሪት ፤ ጅንፈል : ቱ : እምቤ : እት : ገዳ ።

388

ሕላዮት : እናስ : ማርያ ::

- I አፎ : ሰላም : ከልኤኛ ፤ ወለት : ፍራሽ : መምባኪ ፤
 ደብር : ቅዱስ : ለዕንክላይ ፤ ጅኛር : ቱ : ወባቂ ።
 ለትትፈራተክ : አሐና : ትታ ፤ ዎ : ሕሻኪ ።
 እግል : መስኒ : እሸራት ፤ ወእግል : ጅሀ : ፈዋቲ ።
- 5 ለደግለል : እሮታ ፤ ዲማ : ሰብኡ : መትአኪ ።

389

ሕላዮት : እናስ : ማርያ ::

- I ጥልት : መጋርሕ ፤ ህታ : ተሐይስ : ምን : ተባብ ።
 ልሰሳ : መኖሪ ፤ ሸመት : ኢኮን : ወግርባብ ።
 ኬሊት : ወለት : ዐድ : ሳላ ፤ ወለት : ህብቴስ : ወድ : ሰዐዳብ ።
 ሐድ : ዶል : ዘምቱና ፤ ደራቡና : እብ : ወጋብ ።
- 5 ሐድ : ዶል : እንዘምቶም ፤ አሩይ : ነኡቴ : ወስላብ ።

390

ሕላዮት : እናስ : ማርያ ::

እግል : ወኦቹ : ለቤሻ ::

- I ኬደቶ : እም-በሮት : ጽጋድ : አሚም : ወጸሓያት ፤ አኖ-ሐም
 በግታ : ወቀረብ ።
 ሀገር : ድማን : ሐድገቶ : ወአኖ : እም-ዐጫብዕ : ዲብ : ገለብ ።
 ሳቲ : ክማ : እንትልና : እት : ወድ : ጸሩ : ልጅነብ ።

* * *

ኬደቶ፡ እም-በሮት ፤ ረሀያ፡ ዐሻይ፡ ወጃጌ ።

5 ምን፡ ቀነሽት፡ በሉሳ ፤ እግል፡ ዐድ፡ ሕድ፡ እንዶ፡ ትትናቄ ።
ውላዳ፡ ተሐድግ፡ የታይም ፤ ሕረም፡ ለምስል፡ ልትባኬ ።

* * *

ኬደቶ፡ እም-በሮት ፤ ዘራ፡ ዲሻ፡ ጽጋዳ ።

አክል፡ ዕምሩ፡ መጽአኛ ፤ ጽዊት፡ ላታ፡ ጎማቱ ።

እግል፡ ማይታ፡ ወቅታል ፤ ድሩይ፡ ግኑሕ፡ ሕርጋጉ ።

10 እግል፡ ሐዲግ፡ መንፈሱ ፤ ወእግል፡ ሐዲግ፡ ውላዳ ።
ምን፡ እላ፡ ቱ፡ አብዎ ፤ ዐድና፡ ለመክሩህ፡ አፍያቱ ።

* * *

ተለኛ፡ እም-በሮት ፤ ማሌ፡ ጌሳ፡ እብ፡ መስእል ።

ሐራስ፡ እንታ፡ ንርአያ ፤ ረአስ፡ እጋላ፡ እንበጥር ።¹⁾

ወዕሻር፡ እንታ፡ ንርአያ ፤ ሰልፍ፡ ለነጹ፡ እት፡ ትወንጅል ።

* * *

15 እማታትካ፡ ወመሐመድ ፤ ማሌ፡ ምሴ፡ ትወረባ ።

ጽምዕት፡ እንታ፡ ነፍስና ፤ ዘኛቢታ፡ ነዐቕሯ ።

ወስፍሪት፡ እንታ፡ ነፍስና ፤ እብ፡ ማይ፡ ጸሊም፡ ነውዕላ ።

ትሌጊብና፡ ወድ፡ እምና፡ ቱ ፤ ወኢደንገብንሁ፡ ምን፡ ግሯ ።

ሕላዩት፡ እናስ፡ ማርያ ።

እብ፡ ምስምሳ፡ ድመል ።

I ካልእትካ፡ ዲብ፡ ባምባ ፤ በላ፡ ዎ፡ መሓሪ፡ ወድ፡ ልባብ ።

ወዲብ፡ ለአፍ፡ ለገለብዬ፡ ቱ ፤ ለመሸሯ፡ ለሐረፋብ ።

ገለብ፡ ፈዳብ፡ ኢኮኒ ፤ ውዕለት፡ ኢኮን፡ እት፡ ሸባብ ።

1) = እት፡ ትበጥር ።

ገሉብ ፡ እሎም ፡ ለኢትገብእ ፤ ወዶ ፡ ሚ ፡ ታ ፡ ወትራብ ፡
 5 ክም ፡ ነጫቢ ፡ ወድ ፡ አርበድ ፤ ገራብ ፡ ወለመገራብ ።
 ነጫቢ ፡ ገሉብ ፡ ኢመዳ ፤ እምበል ፡ ሐሊብ ፡ ወመሐላብ ።
 ቤት ፡ እኩያም ፡ ታ ፡ ድመልዬ ፤ አብሌኒታት ፡ ወፈራብ ።
 መራት ፡ ሐጸት ፡ ታ ፡ ድመልዬ ፤ ኢቀስቁሳ ፡ እብ ፡ ክንራብ ።
 ውዑል ፡ ዐረግብ ፡ ታ ፡ ድመልዬ ፤ ለዐድ ፡ ለውዕል ፡ ምን ፡ ምግግዝ ።
 10 ወልገት ፡ አብሐር ፡ ታ ፡ ድመልዬ ፤ ለፈሩህ ፡ ዲባ ፡ መሸራብ ።
 እልዬ ፡ እግል ፡ ኢትሐመው ፤ በቅሮት ፡ ሚ ፡ ባ ፡ መገራብ ፡
 ወእላ ፡ እግል ፡ ኢትሐመው ፤ ለካልእ ፡ ቀልል ፡ ዲብ ፡ ተባብ ።
 ክም ፡ ጅምዕ ፡ እት ፡ ረመኛ ፤ መደበያ ፡ ለፈዳብ ።

ሐይለት ፡ ዐድ-ትግርያም ።

ባይራይ : ወድ : ረድኢ ::

አሐሁ : እብ : ሰምቡእ : በዴት : ከለውላዳ : ሀዬ : ቤለው :: “ አዜ : እሊ : በዳ : እሊ : ከራዬ : እንዶ : ዘምተታ : ምን : ተበድዮ : ምሕልልና : ወትረኣ ” :: ለሂግሆም : ክም : ሰምዓ : እላ : ሐላ ::

I ትወደዔ : ነብረት : በዲርማ :: ኢትወደዔ : ዲብ : ሚ : ትቡላ :

ለእደዔ : ሕሜዳ :: እብ : ጸነብል : አሱራ ::

መጠቃ : ወለሕቃና :: ባርዳ : ወለውጹራ ::

ዐረድ : ኩሉ : ትወደደክ :: እብ : አውጅጎታ : ወዓሙላ ::

5 እት : መሐበር : ተትጎጌ :: ለእላ : በልስ : ቀሹላ ::

መርዳይት : ትትከኔ :: ዐገባ : እንዶ : ሻኩላ ::

ክሻር : እት : ረቢ : ታ :: ገሮብና : ቤታ : ስፍሉላ ::

መሐመድ : ወድ : ዐምዴስ : መንስዓይ : እት : ቅብላታ : ለቤላ ::

I ሰኒ : ቤላ : ወድ : ረድኢ :: እግል : ሚ : እግልኪ : ወአውሐዳ :

ታሻያ : ነስአያ :: ትቀውሐ : ዲባ : ወጠዐሳ ::

ነፍሱ : ትፈቅዳ :: እላዲ : ክል : ዶል : ታ : ለለውቀታ ::

ዶል : ለሐሊባ :: ሰብኣ : ራግእ : ክም : ሰታ ::

5 ዶል : ለአዳራር : ጋሻያ :: ለዋቀሎት : ለሕስበታ ::

ሽክል : ለአምቱዳ :: ዲብ : አንሕርታ : ትዋተዳ ::

ኢጸግብ : ምኛ : ለኢበልዓ :: ወኢበርድ : ምኛ : ለኢሰታ ::

ዐጣል ፡ ሕመድ ፡ ለሐምድ ፤ ክል ፡ ቤት ፡ አክል ፡ ሒሊታ ።
 ወእንሳ ፡ ዐሊ ፡ ለሐምዳ ፤ እንሱሳ ፡ ታ ፡ አስፈዳ ።
 10 ኤሻትዲ ፡ ኩሉ ፡ ሐምዳ ፤ ረትዕ ፡ ዲባ ፡ ምን ፡ በዳ ።
 አዜማ ፡ ሀሌት ፡ ትትዓየሽ ፤ እብ ፡ ስጋሃ ፡ ወመአሳ ።
 ፈጅር ፡ ለትመጽእ ፡ ኢነአምር ፤ በዐልዬ ፡ ወደዬ ፡ ክም ፡ ፈታ ።
 ሰለስ ፡ ዐድ-መሹ ፤ ከሰተታ ፡ ከበሳ ።
 ጌሰት ፡ እብ ፡ ለኤማና ፤ እምበል ፡ ትፈግር ፡ ዐ-ረታ ።
 15 እት ፡ ተትሃጅክ ፡ ለመሐበራ ፤ ወእት ፡ ትሰሐቆ ፡ ለትሰሐቃ ።
 ፋግር ፡ እንቱ ፡ ለአምሲታ ፤ ወሱጡር ፡ እንቱ ፡ ለድመቃ ።

394

ዐሊ ፡ ወድ ፡ ፋይድ ።

እግል ፡ ደሰብ ፡ ለሐሊደ ።

1 ዶል ፡ ሐቴ ፡ ክም ፡ ሸፍታ ፤ ኩብድ ፡ ለገረብ ፡ መትሀልክስ ።
 ዶል ፡ ሐቴ ፡ ክም ፡ ንጉስ ፤ ጋድም ፡ ዐቢ ፡ እንሰፍር ።
 ዘማት ፡ ጅንግልብ ፤ ምሴ ፡ ኢኮን ፡ ወፈጅር ።
 ክስታን ፡ አብዳ ፡ ሰብ ፡ ሐበሽ ፤ ወትርክ ፡ አብዳ ፡ ሰብ ፡ ምስር ።
 5 ልትካሬካ ፡ አለቡ ፤ ለትሉቅ ፡ ሀላ ፡ እት ፡ ምድር ።

395

እግል ፡ ደሰብ ፡ ለሐሊደ ።

1 ስልጣን ፡ አብሐር ፡ ቱ ፡ መምባዬ ። ደሀብ ፡ ሌጣ ፡ ንጸፉ ።
 ምን ፡ ለዐል ፡ ንጉስ ፡ ቱ ፡ መምባዬ ። መምባ ፡ ነጎስ ፡ እንታ ፡ ቱ ።
 ዝላማ ፡ ገሰራ ፤ ሸካ ፡ እንቱ ፡ ሞላዱ ።
 ጌሳ ፡ እቱ ፡ እብ ፡ ጅላብ ፤ ከርዝቁ ፡ ነስኣ ፡ ወአስልሐቱ ።

5 እግል : ሚ : ሸፍታ : ትቡሎ : ግኑሕ : እላ : ምክያዱ ።
 ሳጥር : ቀርኑ : ቱ : መምባዬ ። ብትክት : ትጸኝሕ : ጎማቱ ።

396

እግል : ደሴብ : ሰሐሲዩ ።

1 እላ : ስልባት : እብ : ብጣር ፤ ምን : ከብጄ : ኢትብጄ ።
 ኢትንስኢኒ : መምባዬ ፤ ሐክር : እንደይ : እወጄ ።
 እግል : አሉላ : ከሀልንገ ፤ ዳቅብ : ዘምት : ወለኦቴ ።
 ዐቕይታይ : ኢኮን : መምባዬ ፤ ሐረስታይ : ለማሼል : ለኦቴ ።
 5 እግል : ሚ : ትብጄ : መርባቼ : ክሪት : ሀሌት : እት : እዴ ።

397

እግል : ደሴብ : ሰሐሲዩ ።

1 ነሐሜኸ : ሀሌና ። ንጉስማ : ሕሜት : ሚ : ኢልክሀል ።
 ዲብ : ነፍስና : ነሐሜኸ ፤ ሐሊብ : ወስጋ : ወእክል ።
 እት : መቅጠኛ : ነሐሜኸ ፤ ብላይ : እግል : ንተልትል ።
 እት : እንሱስና : ነሐሜኸ ፤ ንዋይ : እግል : ንጸግር ።
 5 እት : ጽዋርና : ነሐሜኸ ፤ አቡጢዝ : ልግበእ : ወግንጽል ።
 ጋሜ-ድባ : ኢሐዜ ፤ ጽዋሩማ : ኢአምር ።

398

እግል : ደሴብ : ሰሐሲዩ ።

1 አና : ደሴብ : ቱ : መምባዬ ፤ ክስታን : ወድ : ለንጉሳ ።
 ህቶም : አሉላ : ቱ : መምብሆም ፤ ዐቕይታይ : ለአቡካ ።
 ደሴብ : ተሐውን : ሀሌካ ፤ ግበእ : ክምሰል : አቡካ ።
 ህቶም : እት : ለእንጋደት ፤ ዲባ : ሀላው : ረግሙካ ።
 5 ዲማ : ሸፍታ : ኢኑብር ፤ ዋልድ : ላቱ : አቡካ ።

399

እግል : ደሴብ : ሰሐሲያ ::

- I ደሴብ : ገብእ : ንታሌ ፤ መርባት : እሱ : ንሕዘያ ፤
- ማ : እብ : በይኛ : ንዔፍር ፤ ለሀይማ : ለዘዐት : ጠልመያ ::
- ወድ : ደግያት-አዝማቲ ፤ እሳት : በይኑ : ከረያ ::
- ተክሉብ : ንኢሽ : ደኢኮን ፤ ለገባር : አጊድ : ወአብደያ ::
- 5 መን : ቱ : ለከሬ : ቀብልካ ፤ አመት : ለበዐልና : ተልቀያ ፤
- እብ : አማንዬ : እቤላ ፤ ሐሰት : ረሺ : ልእበያ ::

400

እግል : ደሴብ : ሰሐሲያ ::

- I ከራብ : ቤቱ : ቦሎ ፤ ለእላ : ጸብጣ : ሸታ ፤
- ድራር : ጋባት : ቦሎ ፤ አዳም : ሐቆ : ተሀክ ፤
- ሐይላይ : ቅርሽ : ኢአና ፤ ለምን : ዝኖበት : ወድቃ ፤
- ሐይላይ : ዐባይ : አና ፤ ለእግል : ዕድል : ትገሻ ፤
- 5 ተሐይስ : እትካ : ዜነት ፤ ዲማ : ተነብረክ ፤

401

እብ : ምስምሳ : ድመል : ሰሐሲያ ::

- I ሕና : እግል : ድመል ፤ ሴማ : ኢወደና ፤
- ንዋይ : ኢዘመትና ፤ ከእሱ : ኢአቴና ፤
- ግሰስ : ኢጋረብና : ወሕረም : ኢአብኬና ፤
- ማይት : ወአቅሸና : ኖስና : ወጀርኬና ፤
- 5 ነፍስ : “ኖሹ” : ትቤ : ከአቤት : ዲባ : ጼና ፤
- እዜ : ዲብ : መን : ንእቴ : ሐቴ : ክም : ወደና ፤
- እብ : ዲደትና : ንስኩብ : ክም : ሴማ : ኢትወጀና ፤

402

1 እግል : በኪታ : ቦላ : ታ ፤ ባኩት : ለአመት : ወድ : ሽኸር ።
 ጸሎ : ለምህረት : ጅንግላይት ፤ ምስል : ለክታር : ትትአሸር ።
 ብኡስ : ረሺ : ለዐውቶ ፤ ሳኪ : ልእቴ : ወልፍገር ።
 እት : ልሰክቦ : ረከብንሆም ፤ ምን : ከሉማ : ትትከጀል ።
 5 ክላ : ላሊ : ሚ : እሰክብ : ቀልብ : ብዬ : ወመድብር ።

403

እግል : አላሁ : ለቤላ ።

1 ቅዝር : ታ : ወለት : ሕዳክዋት ። ኢተአምኛ : ብይአታ ።
 ገያሲት : ታ : ወለት : ሕዳክዋት ፤ ደርብ : ልንጉይ : ታ : ቅንጾታ ።
 ስልጣን : አብሐር : ታ : ሕዳክዋት ፤ ምን : ክል : ሕጥር : ላበሳ ።
 ሽዲር : ወሸርናይ : ታ : ሕዳክዋት ፤ እት : መቃጥን : ተሐረሳ ።
 5 ረበዕ : ርቡዕ : ታ : ሕዳክዋት ፤ እብ : ክል : ክትም : ክም : አታ ።
 ሐፍነት : እቺ : ወመረት ፤ ሐቆ : ለተርፋ : ወረአሳ ።
 ተሐሰብከካ : መምባዬ ። አውዕለኝ : ምን : በዳ ።
 ትትሃጌ : ሀሌት : እዲና ፤ አስክ : ተማም : ለውቀታ ።

404

1 ዐረብ : በዴት : እብ : ክፍር ። ለጥልበት : እግል : መን : ትቡላ ።
 ኢረክበቶ : ለአፍትሓታ ፤ ዝምትት : ረድኢት : ታ : ምሹላ ።
 በዲር : ዐለት : ምን : እላ ፤ ወአዜ : መጤት : ለሕሹላ ።
 እብ : መናዱቅ : ዘሙታ ፤ አቡጣዝ : እንዶ : ሐኛ : እላ ።
 5 እብ : አፍሩስ : ዘሙታ ፤ አሸዐሊታት : ወዲ : እላ ።
 ምንዲ : ተአምር : ኔገሮት ፤ ዱለት : ለዙዕና : አሸኡላ ።

405

እናስ፡ጻውራ፡ለቤላ ።

I ለዐንቀር ፡ ህክኖ ፤ ልሕጽ ፡ ተርፋ ፡ ወድማ ።
 ክል ፡ ጸኑዕ ፡ ቀታልያት ፤ ዐውሉ ፡ እንዶ ፡ የምማ ።
 እምበል ፡ ርሕም ፡ ግሬነት ፤ አዩ ፡ ጸኑዕ ፡ ሐምማ ፡
 ወድ ፡ ዐገባ ፡ ለክስቴናይ ፤ ምን ፡ አቡሁ ፡ የትማ ።

406

፩ ፍር ፡ ወድ ፡ ጉሙሕ ።

እግል ፡ ክንቴባይ ፡ ነጋሲ ፡ ለቤላ ።

I ሕሜት ፡ ሚ ፡ ቡ ፡ ነጋሲ ፤ ለተሌቶ ፡ ምን ፡ ገርብ ፡
 ውዕል ፡ ምኑ ፡ አለቡ ፡ ቱ ። ረይም ፡ ሚ ፡ ቡ ፡ ወቀርብ ፡
 ዐድ-ትማርያም ፡ ወመንሰዕ ፤ እት ፡ ኩሉማ ፡ ምን ፡ ለዐልብ ።
 ብቁዕ ፡ ኢልትሀኬ ፤ ወሐዋን ፡ ላቱ ፡ ኢቀብብ ።
 5 አዜማ ፡ ለቃትል ፡ ፋረጋ ፤ እናስ ፡ ምን ፡ ለሀይ ፡ ኢሉብብ ።
 ሀቱዲ ፡ ገለብ ፡ ቱ ፡ ሐግዘቶ ፤ ኢትግዕዝ ፡ ምስሉ ፡ ወኢተሀርብ ።
 ሕና ፡ ለዳርና ፡ ሐግዘና ፤ ግልት ፡ ቡ ፡ ጎና ፡ ኢጠብብ ።
 ፈጅር ፡ እንዶ ፡ ንትዋዴ ፤ ከምን ፡ ሕድ ፡ ነዓዴ ፡ ለሰለልብ ።
 ወምሴ ፡ እንዶ ፡ ንትዓሬ ፡ እምበል ፡ ገለድ ፡ ወስርብ ።
 IO ማልና ፡ አብራካት ፡ ቱ ፡ እግል ፡ ዐድ ፡ ሕድ ፡ እንተብብ ።
 ክርምብራ ፡ ወሸላቅ ፡ ዲብ ፡ ሕድ ፡ ጋዝል ፡ ለአተርብ ።

407

እግል ፡ ነጋሲ ፡ ለቤላ ።

I “ትበርድ” ፡ ቤላ ፡ ነጋሲ ። ረቢማ ፡ ወዴ ፡ እት ፡ ሐቃ ።

ዐድ-ትማርያም : ወዐድ-ተክሌስ ፤ እት : ሐድ : ከራ : ወአምሳ ።
 ለሰብከት : ለዋይ : ነስኦ : እላ ፤ ወለሳገመት : እብ : ለብካ ።
 ሐቆ : አዛዚ ፤ ኢተሓሰሳ : ወኢሸልካ ።
 5 ሸጎት : ወመዳግን ፤ ገያድ : ኢበድረኸ ።
 ዕሹር : ወመሸሕቅ ፤ አስክ : ለትሀምለኸ ።
 ተሀብ : ወፈቴና ፤ ክም : ለእት : አበቸካ ።
 እዴ : ገመል : ጎረት : ታ ፤ ትገይስ : ከትጸንሐኸ ።

408

እግል : ዐድ-ትማርያም : ወመንሰዕ : ለበክደ ።

1 ዐድ-ትማርያም : ወመንሰዕ ፤ ለመጽአተኸም : አሙራ ።
 ዘበን : ዘበን : መስሐሊት : ቱ ፤ ክል : ቤት : ሰቴ : እብ : ዳራ ።
 ለሆም : አፍ-ዐበድ : ትከልአው ፤ ጋድመት : ለምስል : ነሰራ ።
 ወእሎም : ሀይገት : ትከልአው ፤ ለእብ : ሐሰብ : ፈጉራ ።
 5 አቡካ : ገበይ : አንገፋቅ ፤ ካይዳ : ኢኮን : ወሕሰራ ።
 አንስ : ክም : ለአንሳ ፤ እብ : ክል : ክልኤ : ጫሙራ ።
 ንዋይ : ክም : ለንዋያ ፤ እት : ክል : ሕብር : ጸጉራ ።
 አብቁል : ክም : ለአብቁላ ፤ ወአፍሩስ : ክም : ለአፍሩሳ ።
 ወአቶም : ክም : ጠሊት : ታ ፤ እግል : ሐምስ : ቀቼላ ።
 10 እከለቶም : ዕቤላ : ታ ፤ እብ : መራይር : ካሹና ።
 ስታዮም : ሜስ : ቱ : ወማሳ ፤ እብ : ወነጨት : ካፋላ ።
 አክር : ዘባን : ምን : መጽእ ፤ ከራይ : ወመስሐሊት : ገርጉራ ።
 መጽዐኖም : ፎቃዮም : ቱ ፤ አልበት : እቱ : ሰቄላ ።
 አውለቶም : ወቂሮ : ታ ፤ ዲብ : ረብረበት : ቃቱላ ።

409

እግል : መስሐሊት : እት : ለሐምድ : ቅብላት : ኖር : ወድ :
 ጉሙሕ : [ፍካክ] : ሕመድ : ዐጋት : ለቤላ ።

- I ከግምሽ ፡ ቤላ ፡ ወድ ፡ ፍካክ ፤ ሰኝማ ፡ ሐኛ ፡ ሚ ፡ ኢቀዌ ፡ ሓግለት ፡ ኢኮን ፡ መስሐሊት ፤ አካባታት ፡ ወድኚ ። ሰልፋ ፡ እት ፡ ገለብ ፡ ቱ ፤ ወደንጎባ ፡ ተረክቤ ። ምግባ ፡ ሕጥምሎ ፡ ቱ ፤ እግል ፡ ለሺመት ፡ ኢተርሐ ።
- 5 “ዓሬ” ፡ ቦሎ ፡ አብ ፡ ግሳስ ፤ ኖር ፡ መአከይ ፡ ምን ፡ ለሐዜ ። ለምዕላይት ፡ ዲብ ፡ ቅጥባ ፤ በዴት ፡ ምንካ ፡ ትትፈሌ ። ምስል ፡ አንስ ፡ ወውላድ ፤ ስጋድ ፡ ዳብጥ ፡ እት ፡ ትሰኔ ። ዐድና ፡ ሐቆ ፡ ትሸሸባ ፤ ታይቦታቱ ፡ ኢሰኔ ። ወዐድና ፡ ሐቆ ፡ ትሸሸባ ፤ ዑረት ፡ ዲቡ ፡ ታ ፡ ወምኸሐ ።
- 10 ጽዋሩ ፡ ሰናዲር ፡ ቱ ፤ ሮማይ ፡ ለአልባብ ፡ ለበጆ ። ሓይዘት ፡ ኢኮን ፡ መአከይና ፤ ኢፋለታ ፡ ቤት ፡ አብርሄ ። ፈንጉሕ ፡ እግል ፡ ንሸአል ፡ ቱ ፤ ድኚ ፡ ገለብ ፡ ምን ፡ ነአኛ ። እልካ ፡ ትታሌት ፡ ምን ፡ ገብእ ፤ ነጋሲዲ ፡ እላ ፡ ኢወጆ ። ወ“ኢፋለቱ” ፡ ምን ፡ ትብል ፤ ዲብና ፡ ብቆት ፡ ኢትስኤ ።¹⁾
- 15 ተሓደርና ፡ እብ ፡ አብያት ፤ ወተሃዩብና ፡ እብ ፡ እዴ ። ሹም ፡ ለሓጠት ፡ ከንፈሩ ፤ ወሹም ፡ ለመርባት ፡ ኢተዌ ። ሹም ፡ ለጋሻይ ፡ ልትሐደር ፤ ሸዲር ፡ ወሸርናይ ፡ ለተርቴ ። ወድ ፡ ህብቴስ ፡ ወድ ፡ ተክሌስ ፤ አባዩ ፡ ሴማ ፡ ኢልውዴ ። እንታ ፡ ሕላይ ፡ ሚ ፡ ተአምር ፡ ዎ ፡ ሓምድ ፡ እልና ፡ አትንሴ ።
- 20 ዐድ ፡ ሕድ ፡ እግል ፡ ንመንክል ፡ ቱ ፤ ኖር ፡ ምንዲ ፡ ኢልትገሴ ።

410

መሐመድ ፡ ወድ ፡ ሹካይት ፡ እግል ፡ ዐድ ፡ ትማርያም ፡ እት ፡ ልገንግር ፡ ወመስሐሊት ፡ እት ፡ ለሐምድ ፡ ቅብላት ፡ ኖር ፡ ወድ ፡ ፍካክ ፡ ለቤላ ።

1) Im Originale stand V. 14^b an Stelle von 13^b und umgekehrt; nur die verbesserte Lesart giebt einen brauchbaren Sinn.

- I ኖር : ለሀይገት : ደሐረቶ ፤ ከሀቱ : ገብአ : ዋጣያ ።
 እንጌራ : ወድ : ጨጌር ፤ አባይና : ልግበእ : ሬቅባያ ፤
 ኖር : ሀይገት : ማ : ቀዋ : ንኢሻ : አምር : ወወሻያ ።
 እብና : አምር : ወዕጨታ ፤ ወአስክ : መስከብ : ከራያ ።
- 5 ገርሀት : ሕምሳ : ሸፎ : እላ ፤ ከዘርእ : ልስእን : ሓርሳያ ።
 አሓ : ዕስራ : ሸፎ : እላ ፤ ከወአት : ልስእን : ሓልባያ ።
 እሱት : ሐምስ : ሸፎ : እላ ፤ አስክ : ከልዐት : ምትካያ ።
 ቀሽብ : ሀላ : ወድ : ጉሙሕ ፤ ማ : ከፍአ : ዲቡ : ለአስማያ ፤
 ግራ : መደፍ : ኢኮኒ ፤ አልባብ : ትቃልብ : ቤት : ዓያ ።
- 10 ሓጥራ : ልትበአስ : ከራዬ ፤ ወድራር : ጋሻ : ቱ : ጸጋያ ።
 ርምሸት : ሰይፍ : ቱ : ሐሊቦ ፤ አጊድ : ትንሸእ : ጸብጣያ ።
 ጸውራ : ድመል : ኢትጠልቅ ፤ ወኢትነድአ : አባያ ።
 አልፍ : ሐነቅቅ ፤ ዐጠጥ : ወደፊ : ሬክባያ ።
 አልፍ : ሰይፍ : አፍርንጂ ፤ ለፍዳድ : ዲብ : ለፎቃያ ።
- 15 አልፍ : ካርሾታት ፤ ልትገራጀም : ናላያ ።
 ዕላመታ : ቱ : ዐሊ-እመ ፤ እሱ : ልሸአል : ጋሻያ ።
 ለዝርዮት : ጀዐፊር : አጠያር ፤ ዲብ : አረሱል : ታ : ምክራያ ።
 ሼክ : ዐሊ : ታርፌ : ጀንበጎ ፤ ለጅኑን : ወሐያት : አስራያ ።
 ፈረዕ : ሸርም : ሸሬማይ ፤ ድመል : ኢኮን : ዳቅባያ ።
- 20 ውላድ : ዮሴፍ : ረአስ : ምድር ፤ እዲና : ሀቶም : ቶም : ምስማያ ።
 ጭንገሐል : ወተራ : ቱ ፤ በርጅ : ዲቡ : ቤጽዓያ ።
 ምእሳር : ገደቦ : ቱ ፤ ዲብ : ንኢሻ : ወወሻያ ።
 ዲብ : አንሳ : ረቅባያ ፤ ገልዓ : ሐዛ : ከሃዳያ ፤
 ማ : ዲብ : በቀላ : ረቅባያ ፤ ከርሃ : ሐዛ : ከአዝባያ ፤
- 25 በዝሐ : ምኑ : ወድ : ጉሙሕ ፤ ሀግያ : እኩይ : ቱ : መትከዓያ ።

411

ዕመር : ወድ : ሕመድ : ዲብ : ዐድ-ትማርያም : ለሐሰይ ።

- I ጸላም : ታሌት : ባድማይ ፤ 1) ወቀስብ : ታ : ወረዳ ።
- እብ : ምድር : ቱ : ኢተርፍ ፤ በዲርማ : እላ : ለኢወዳ ።
- አና : ድርፎ : ቱ : መስከብዬ ፤ ተአክበኒ : እት : ክል : ሳሰታ ።
- አባ-ነጋ : ቱ : መምባዬ ፤ ድሩይ : ለመሐዛት : ሐንበጻ ።
- 5 እንቢሎሁ : ልትገረም ፤ ሰናዲሩ : ጣረሻ ።
- ገናይዝ : ለቀይሒት : ዕንታቱ ፤ ሐን : ለዖበል : ትዋደቃ ።
- በለው : ብእታ : ወሼካ ፤ ጸውራ : ብእታ : ወአስፈዳ ።

412

ዖር : ወድ : ገሙሕ : ዐድ-ትማርያማይ : ቅብላታ : ለበልሰይ ።

- I ሕና : ዕመር : ወድ : ሕመድ ፤ ወኢፈቴና : ቅታሉ ።
- ድራርና : ወሀብንሁ ፤ ምንዲ : ከሸፍ : ለድራሩ ።
- ጸዐዳ : ረአሳ : ወሐሰስንሁ ፤ እግል : ልዕፌ : ለጽላሉ ።
- “ንትጋሴ” : ምን : ልብል ፤ ጎማት : ዳርና : ታ : ወዳሩ ።
- 5 “ንትዋዴ” : ምን : ልብል ፤ ጣርና : ንስደድ : ወጣሩ ።
- መሐዝ : ድርፎማ : ነአምሮ ፤ ሰለሙና : ታ : ምግባሉ ።
- አባ-ነጋ : ቱ : መምባሁ ፤ ምን : ልትገቤ : ሚ : ጋሩ ።
- አድብር : መሐዛት : በልሶ ፤ ምንዲ : ደንን : እብ : ለዓሉ ።

413

ሳልማን : ወድ : መስመር ።

እግል : ከንቴባይ : ሓምድ : ሹም : ሐባብ : እት : ለሐምድ : ለ
ቤላ : ሕላዮት ።

1) Im Texte ባደማይ.

I መርሐባ ፡ ዎ ፡ ገያድ ፡ ሀረዲት ።
 ክም ፡ አብዕቡ ፡ ናውድ ፤ ሕክሙ ፡ ሕፋን ፡ ቱ ፡ ወመሪር ።
 ስቅ ፡ ጋድም ፡ ቱ ፤ ሾከት ፡ መርግ ፡ ለዕዲት ።
 መንካ ፡ በልዕ ፡ ወግኔ ፤ ክም ፡ ድፋይ ፡ ለረወራት ።

* * *

5 መርሐባ ፡ ዎ ፡ ገያድ ፡ ሀርዳ ፤ አሰኛይ ፡ ደሐን ፡ አቴካ ።
 ለእት ፡ አብዕቡ ፡ ናውድ ፤ “ፍረሀ ፡ ወፍቴ” ፡ ታ ።
 ወርሕ ፡ አድሓ ፡ ቱ ፡ መምባዬ ፤ ሐዝቤ ፡ ማ ፡ ቡ ፡ ወጌጋ ፡
 ለአንሰሳ ፡ ማሉ ፡ ትበጸላ ፤ ከለንጸ ፡ ገኣ ፡ ወሴፋ ።
 ሽዳድ ፡ በትከት ፡ እዲና ፤ ርፈዕ ፡ ምኛ ፡ እዴካ ።
 I O እዲና ፡ ኡሁ ፡ ትብላ ፤ ዐባይ ፡ እንዶ ፡ ከሬካ ።
 እዲና ፡ ሀታ ፡ ፈግጋታ ፤ ከበርደት ፡ ዲብ ፡ ለሐንቴካ ።
 ሕርጊግ ፡ ሀበይ ፡ ወከልብ ፡ ታ ፤ ልጸሶራ ፡ እዴካ ።

414

እግል፡ ከንቴባይ፡ ሓምድ፡ ሀዩ፡ ለሐሰዶ ።

I ወድ ፡ ከንቴባይ ፡ ከነትብ ፤ ሸመት ፡ በዐላ ፡ በሐተያ ።
 ወድ ፡ በዐል ፡ ነጋሪት ፤ መንሱራማ ፡ ወረኣያ ።
 አምዕል ፡ ኬዳ ፡ ወላሊ ፤ ለአመት ፡ እንዶ ፡ ጸብረያ ።
 ልሕጽ ፡ እንዶ ፡ አሰራ ፤ ዐድዋ ፡ በኑ ፡ አተያ ።
 5 ትወልኣ ፡ እላ ፡ ለአመት ፤ ቃልዮት ፡ እንታ ፡ አርከያ ።
 ገበይ ፡ ላሊ ፡ ምን ፡ ትበጄት ፤ አምዕል ፡ እንዶ ፡ ረክበያ ።

415

እግል፡ ከንቴባይ፡ ሓምድ፡ ሀዩ፡ ለሐሰዶ ።

I እንዶ ፡ ዐላ ፡ ልጄሴ ፤ ለባንጅግ ፡ ፈግራ ፡ ምን ፡ ዕዝል ።
 ቤት-አሰገዴ ፡ ልትጋመር ፤ ሐምስ ፡ ምኛ ፡ ከፈግር ።

ትርክ : ቀየሕ : ልትጋመር ፤ ምን : ተሐት : ሰብ : ለአሰክን ።
 ደራቡሽ : ልትጋመር ፤ ወድ : ድግናታት : ወሀድር ።
 5 ንጉስ : ዐቢ : ልትጋመር ፤ ሐብሽ : መልካ : ወምስር ።
 እንታ : ለትወደያ ፤ አዮ : ታ : ወምስትንክር ።
 ወድ : ከራይ : ትጽዕን ፤ ወወድ : አድግ : ትጽዕር ።
 እሊ : ባትክ : ምዕራት : ቱ ፤ ወእሊ : ባትክ : ክጅል ።
 “ጅር” : ምን : ልቡሎ ፤ ሰኒ : ወአማን : ገርግር ።
 10 ሞቅሕ : ወደዔ : ወሶተል ፤ ጀንጀር : ወደዔ : ወሐብል ።
 ከራይ : እሲት : ወደያ ፤ ከእት : ቤት : ሀሌት : ተብሽል ።
 ሐረምዝ : እንሳ : ወደዩ ፤ ከልጽዕን : ምኘ : ወለሐሽል ።
 ሐዩት : ገዋድ : ወደዩ ፤ ከእት : ሐንቴሁ : ለከርር ።
 እሊን : ክም : ሐለዩ : ከንቴባይ : ሓምድ : ሀዩ : ገመል : ወአር
 ብዓ : ርያል : ወክልኦት : ኪስ : እክል : ሀባዩ ።

416

እግል : ከንቴባይ : መሐሙድ : ወድ : ከንቴባይ : ሓምድ : ምን :
 ሐባብ : እንዶ : ዐሳ : ዲብ : ሕክም : እንግሊዝ : ክም : ገዐሃ : እንዶ :
 ጌሳ : እቱ : እላ : ሐለዩ ።

1 በደድ : ቤላ : ወድ : ገርበል ፤ ለአንጦጠለት : ልጋርብ ።
 ምን : እንዜ : ወምን : ኬን ፤ አሩይ : አቱ : ክም : ሓልብ ።
 ኢትከለባ : ለገባር : ዐድ-ጸመናይ : ወዐድ-ጣልብ ።
 ሰለስ : ለዘጋ : ኢትከለባ ፤ ሓግል : ሚ : ቱ : ወካርብ ፤
 5 ተስታይ : ለሕስሐስ : ስጋዱ : ኢልትጌጌ : ወኢጋርብ ።



መሓዝ : ዳግሬ : ወግርግር : ብሮካይት : ወምእሳር ።
 ሰብኡ : ለለም : ገለዩ ፤ ከዕጨት : ሰአና : ወምጽላል ።

መቅጠን፡ ሚጣሮ ፤ ሃን፡ ገብአ፡ ምን፡ ግዳር ።

ለእብ፡ ግሳዩ፡ ሰቕላ ፤ መን፡ ዐሬ፡ ባ፡ እብ፡ ብጣር ።

10 ለእት፡ ሰብ፡ ወድያ ፤ በርጅ፡ ሚ፡ ባ፡ ወስቃር ።

ለዲቡ፡ ትትገሰእ ፤ መውጫ፡ ሚ፡ ባ፡ ወጽርጸር ።

መስከብ፡ ነክሰት፡ መንሱራ ፤ እግል፡ ማይታ፡ ወቅታል ።

ከንቴባይ፡ መሐመድ፡ ሀዬ፡ ክልኤ፡ ወአት፡ ሐራሳት፡ እብ፡

እግለን፡ ወዕስራ፡ ርያል፡ ሴፋ፡ ሀበዩ ።

417

እግል፡ ሀዳድ፡ ወድ፡ ረካ፡ እት፡ ሰሐምጆ፡ ሰሐሲያ ።

1 ዐንሰባ፡ ለሐርማዙ ፤ እሊ፡ ቱ፡ ሀዳድ፡ ወድ፡ ረካ ።

እንዶ፡ ለትቀናጨቤ ፤ መራ፡ ልብሎ፡ ወሰሐታ ።

መራነት፡ በዲርማ ፤ ኢተዐልሻ ፤ ግድዐታ ።

እት፡ ሀዳይድ፡ መረዘም ፤ ዐስተር፡ ዶል፡ ለንቅዐታ ።

5 እት፡ ወሓይዝ፡ አብደላም ፤ እንዶ፡ ሐጣ፡ ኢትተዐሳ ።

እት፡ ሐረምዝ፡ ዕኬሪ ፤ ሐሪሽ፡ እሻ፡ ዐውለታ ።

ቤት-ጁክ፡ ወክልኤ፡ መነሸዕ ፤ በርካ፡ እንዶ፡ ወሰካ ።

ማርያ፡ ቀዩሕ፡ ወጸላም ፤ ሃቡ፡ ለአድሀይ፡ አንደዳ ።

ለቂሾት፡ ዐድ-ገብሻ ፤ ደብአ፡ ዲባ፡ መንገአታ ።

418

እግል፡ ሀዳድ፡ ወድ፡ ረካ፡ እት፡ ሰሐምድ፡ ሰቤሻ፡ ሕላየት ።

1 ዐንሰባ፡ ለሐርማዙ ፤ መሐዛት፡ ገብአ፡ ግንዳዩ ።

ዐንሰባ፡ ቀይም ፤ መትሉቅ፡ አባ፡ ዐዳዩ ።

እሊ፡ ጋድር፡ ጋርሕ ፤ ዶል፡ ለመገንባዩ ።

እሊ፡ ሐየት፡ ባልዕ ፤ ግሱይ፡ ረአስ፡ ቅታሉ ።

- 5 ገይዳት ፡ አትናጸሉ ፤ ወዳጽም ፡ አቶምዳዩ ።
- ጽርሑ ፡ ወልብላቡ ፤ መውዒሁ ፡ ወዕዋዩ ።
- አብር ፡ ልሔታ ፤ ዶል ፡ ለአሻዋዩ ።
- እት ፡ ሐረምዝ ፡ ዕኬሪ ፤ ምዕጥን ፡ አባ ፡ አርዋዩ ።
- እት ፡ ሐዮታት ፡ ሀንዳሲ ፤ ስጋድ ፡ አምር ፡ ምብአዩ ።
- IO እት ፡ ሀመመኒት ፡ ሸሎጊ ፤ ስጋ ፡ ሀቱ ፡ ቱ ፡ ባልዓዩ ።
- ወእት ፡ ሀዳይድ ፡ መረዘም ፤ ሞዳይ ፡ አባ ፡ አጽሃዩ ።

እግል ፡ ሀዳድ ፡ ወድ ፡ ረካ ፡ እት ፡ ለሐምጾ ፡ ለጬሻ ።

- I እሻ ፡ መራነት ፤ ጭገርካ ፡ እባ ፡ ልትፈተል ።
- እት ፡ ጋድም ፡ ልትከፎ ፤ ለጎምያ ፡ እንዶ ፡ ልትወገር ።
- ሐዳር ፡ ጋሾታት ፤ እንዳ ፡ ክቡድ ፡ ልትሐደር ።
- ሐዳር ፡ ከራዩ ፤ መትሉቅ ፡ ልትውዑ ፡ ወልትገዐር ።
- 5 አርዌ ፡ ላሊ ፤ ከብድ ፡ ሰዐር ።
- እዴሁ ፡ ከከት ፤ አፍሁ ፡ መዐር ።
- አፍሁ ፡ ጸቢብ ፤ ከብዱ ፡ በሐር ።
- ጸኑዕ ፡ ሞላዳ ፤ አስማም ፡ በልዕ ፡ ወዐንደል ።
- ወጸኑዕ ፡ ስጋዱ ፤ መን ፡ ዋልዮ ፡ እብ ፡ መንደል ፤
- IO እልካ ፡ እምብል ፡ ሀሌና ፤ ክቡድ ፡ ጸሩ ፡ ወድ ፡ ጀደል ።
- እት ፡ በራ-ዐረብ ፡ ሰሙካ ፤ እት ፡ ሳሊማ ፡ ወገንደር ።

እግል ፡ ሀዳድ ፡ ወድ ፡ ረካ ።

- I ቀዋሴናይ ፡ ቱ ፤ ከብድ ፡ በአብሐር ።
- ግነዕ ፡ እት ፡ መሸንገሉ ፤ ገሮቡ ፡ ንዱር ።
- ሀማም ፡ ገባዶሎታት ፤ መርሐባ ፡ ቡ ፡ ዝኛር ።

ጅንግላይ፡ ወመካዳ፤ ምን፡ ትወላዳ፡ ሸጎር።

* * *

5 ዐንሰባ፡ ለሐርማዙ፤ ንዋያቱ፡ ትማጣ።

ሕፍን፡ ላታ፡ በርደት፤ ወሓይዝ፡ ምን፡ ትከራሳ።

ልሔታ፡ ከረም፡ ገአት፤ ከጅቅፈት፡ ምን፡ መራታ።

ገሻር፡ አትባቅላ፤ ቤት፡ አብ፡ ለጎማታ።

ግረብ፡ ምን፡ ገሮብካ፤ ዋጦት፡ ለልሻሳ።

10 አሀባ፡ ዲባ፡ ወአትበአሳ፤ ሹመት፡ አሻት፡ እላ፡ ታ።

ወሐቆ፡ ሐለዩ፡ ክልኤ፡ ወአት፡ ወብዕራይ፡ ወአርብዓ፡ ጠሊት፡

ሀበዩ።

421

እግል፡ መሐመድ፡ ወድ፡ ህዳድ፡ እት፡ ለሐምድ፡ ለቤሻ።

1 ዎ፡ ዐሜካሌ፤ ምኛ፡ እደይ፡ ትጋላ።

ጸባጥ፡ አፋጭሎ፤ ዙብጥ፡ ዲብ፡ ለአላ።

ጸባጥ፡ እብ፡ ዐገንጊት፤ መውዲሃ፡ ወጽርጸራ።

ድመል፡ እት፡ ከብድካ፤ ዶል፡ ለአዳዋራ።

5 ወድመል፡ ዲብ፡ እዴካ፤ ወአካቤቶ፡ ዋራ።

ድመል፡ ዲብ፡ ዔጸትካ፤ እት፡ ዐገንጊት፡ መዓላ።

ትትፈሌ፡ ድመል፡ ሐዋን፤ ባይተት፡ ታ፡ ምን፡ ድራራ።

ፈዳብ፡ እግል፡ ድመል፤ ፍትሐ፡ ወወዳ፡ እላ።

ሰብ፡ እት፡ ልግሄ፡ ዲብካ፤ እንታ፡ ዕን፡ ድባራ።

ወእላ፡ ክም፡ ሐለዩ፡ ወአት፡ ሀበዩ።

422

እግል፡ ሹም፡ ቤት-ጃክ፡ ሐለዩ። ወሐር፡ ለሹም፡ ማል፡ አሀ

በዩ፡ ከእት፡ ለሐምዮ፡ እላ፡ ሐላ።

1 ሺመት ፡ ሰብአ ፡ ቤት-ገርጊስ ፡ ታ ፤ ሰኔት ፡ ታ ፡ እላ ፡ ቤት-ገብሻ ።
 ወሺመት ፡ በዐላ ፡ ወድ ፡ ረካ ፡ ቱ ፤ ከደና ፡ ካርዕ ፡ ወዐዳ ።
 ወሺመት ፡ ሰብአ ፡ ደገልል ፡ ቱ ፤ ሰብ ፡ መራነት ፡ ወበትካ ።
 ወሺመት ፡ ሰብአ ፡ ቤት-ዓምር ፡ ታ ፤ ጠላን ፡ ምን ፡ ሕድ ፡ ሰጠታ ።
 5 ዐድ ፡ ኢኮን ፡ ወከደን ፤ ሕደት ፡ ታ ፡ ለዲባ ፡ ጸብጠታ ።
 ሺመት ፡ ቤት-ጁክ ፡ ስምሐኖ ፤ ከራይ ፡ ኢኮን ፡ በልዐታ ።

423

እግል ፡ ከንቴባይ ፡ ተስፋምኤል ፡ ሹም ፡ ቤት-ኡብርሃ ፡ እት ፡
 ሰሐምድ ፡ ሰሐባይ ።

1 ገሌ ፡ ጸጋ ፡ ገባር ፤ ሳምዕ ፡ ሚ ፡ እንታ ፡
 ከልበትማ ፡ ሰብ-ዕ ፡ ወልደት ፤ ምን ፡ አንሕርታ ።
 ምን ፡ ትትዐየን ፡ ሺመት ፤ መን ፡ ጸብሻ ፡
 ረአስ ፡ እንሱስ ፡ ዐባሲት ፡ ታ ፤ ወረአስ ፡ ሺመት ፡ እንታ ።
 5 ሺመትማ ፡ ፉርግት ፡ ታ ፤ ሺመት ፡ ለእት ፡ አብዕብካ ።
 እንሳ ፡ ጠላን ፡ ኢኮን ፤ ክም ፡ ዐብቀት ፡ ኢተሐርጃ ።
 ወእንሳ ፡ ዐሲር ፡ ኢኮን ፤ አንስ ፡ ኢሻልታ ።
 ዕስካ ፡ ትመልአ ፡ ዲባ ፤ ዐስተር ፡ መን ፡ ፈርቃ ፡
 ዐስተር ፡ ስለል ፡ ትመኔ ፡ ዲባ ፤ እንታ ፡ ምን ፡ ተዐምጸ ።
 10 ሞራ ፡ ለውያ ፤ መን ፡ ሐግዛ ፡
 ለመረት ፡ ዲባ ፤ ኖሱማ ፡ ሚ ፡ ኢጠልቃ ፡
 ፈላይ ፡ ግንዱ ፤ በኑ ፡ ከሼ ፡ ምግዳ ።
 አውካ ፡ ስቡራም ፡ ሐሰብ ፡ መን ፡ ለሐጥሻ ፡
 ጸጋይ ፡ እግል ፡ ህያብ ፡ ምን ፡ ልትገሴ ፡ ለእንዳ ።
 15 ሓጥር ፡ እግል ፡ በአስ ፡ ምዖተት ፡ ኢሐበጥብሻ ።
 ህልግት ፡ ወግልትልብ ፡ ቀባካ ፡ ቱ ፡ ወዕድርካ ።

በሐር ፣ እብ ፣ አለሚታ ፤ ሞጃ ፣ ሚ ፣ በልሻ ፣
ገሻር ፣ ጽንዕ ፣ ተሐኔ ፤ ወወደ-ሐፊሮም ፣ ሐርሳ ።

424

እግል፣ ከንቴባይ፣ ተስፋምኤል፣ ለቤሻ ።

- I ከንቴባይ ፣ ሚ ፣ ታ ፣ ነባሪት ፣ በዐላ ፣ ወመይት ፣ ወአብር ።
ሺመት ፣ ከንቴባይ ፣ ታ ፤ መንሰዕ ፣ ካሬት ፣ ዲባ ፣ ጸፍር ።
ሺመት ፣ መበል ፣ ሚ ፣ ታ ፤ ከእንክልክሎ ፣ ትነብር ፣
ሐፍሽ ፣ ወቃጼ ፣ እላ ፤ እት ፣ አፍ ፣ ግሱ ፣ ጸፍር ።
- 5 ተስፋምኤል ፣ ምን ፣ ኡብያ ፤ ሺመት ፣ ዲባ ፣ መን ፣ ትደምር ፣
ተሃጌና ፣ ደኢኮን ፤ ረቤ ፣ አምሩ ፣ ገብር ።
እት ፣ እዲና ፣ ተርፍ ፤ ለእብ ፣ አኬራ ፣ በደር ።
ሽፋር ፣ ለከብድ ፤ አርዌ ፣ ለሕንብር ።
ድርግግ ፣ ለአጊድ ፤ ቀባ ፣ ለስጥር ።
- 10 አምዕል ፣ ሐንካሲሁ ፤ እብ ፣ ሓወሎት ፣ ለአስር ።
በሓሬናይ ፤ ረካብ ፣ እብ ፣ ተወስር ።
ምሕጽ ፣ ኢትወልድ ፤ ወቅጥረት ፣ ኢተቀጥር ።
አዱግ ፣ ዐብቅ ፣ ዲባ ፤ ደንጎባ ፣ ለአክር ።
ድማ ፣ አስሮ ፣ ምና ፤ ትክዐሌ ፣ በዲር ፣ ነብር ።
- 15 እት ፣ ሓዩታት ፣ ድሩይ ፤ እት ፣ ሀመሚት ፣ ነብር ።
ድሩይ ፣ ልትዐካረር ፤ እብ ፣ ዕልባዩ ፣ ደውር ።
ብርጽ ፣ ኢልብሻ ፤ ቃሊ ፣ ቱ ፣ ወመጃውር ።
በሐር ፣ ጸላም ፣ ቱ ፣ መምባዬ ፤ አልምግ ፣ እት ፣ ልትሃጌ ፤
ሞጃ ፣ እት ፣ ልጸርጽር ።

425

እግል፡ ከንቴባይ፡ ተስፋምኤል፡ ለቤሻ ።

- I ከንቴባይ፡ እንታ፡ ቱ ፤ ወከንቴባይ፡ ነቅፋ ።
 ሐር፡ ወግናዚ ፤ በዐል፡ መራነት፡ በትካ ።
 እሊ፡ ከለእ፡ ማመት ፤ ወእሊ፡ ከለእ፡ ገርዛ ።
 እሊ፡ ከለእ፡ ዕድል ፤ ሐቴ፡ ገብአት፡ ዘዐትካ ።
- 5 ሀልግት፡ ወግልትልብ ፤ እምበል፡ ትመጭር፡ ሐጥካ ።
 ጎፋ፡ ምን፡ ትከሸና ፤ ቅሙጭ፡ እንቱ፡ ሐርዳ ።

426

እግል፡ ከንቴባይ፡ ተስፋምኤል፡ ለቤሻ ።

- I ስልጣን፡ ወድ፡ ለሰለጥን ፤ ሸመት፡ ከብብ፡ ወዋሌ ።
 ገቤራይ፡ ምንዲ፡ ጠሉቆ ፤ ነዝዕ፡ እሻ፡ ግንዳሌ ።
 ወምንዲ፡ ሸፉቶ ፤ መይት፡ እንዶ፡ ልትፋኔ ።
 ክሬ፡ ዲቦም፡ ሕይወቶም ፤ ገሮብካ፡ ምንዲ፡ ልዳሌ ።
- 5 ረቢ፡ እንዶ፡ ፈርሀካ ፤ ከንቴባይ፡ ፋርግ፡ ወዓሬ ።

427

እግል፡ ከንቴባይ፡ ተስፋምኤል ።

- I ስልጣን፡ ወድ፡ ለሰለጥን ፤ ሀሌት፡ ለእላ፡ ልብሉካ ።
 ምን፡ ትቀድም፡ ክምሰል፡ አብዕብካ ፤ ምን፡ ትተሐር፡ ክም
 ሰል፡ አብካ ።
 እት፡ መናዱቅ፡ ለበንቱን ፤ ባሮት፡ ለሕፉን፡ ሓኑጸ ።
 እት፡ ሀዳይድ፡ መረዘም ፤ ዐስተር፡ ዶል፡ ለሀዳዳ ።
- 5 እት፡ ወሓይዝ፡ አብደላም ፤ ዐስተር፡ ለውሉድ፡ ባዳሻ ።
 እት፡ ሓዮታት፡ ሀንዳሲ ፤ “ ትወርኬ፡ ምኑ ” ፡ ልብሉካ ።
 ሐድ፡ ቲጊስ፡ ወብዙሕ ፤ ምርሐት፡ በዲር፡ ናዩ፡ ታ ።

428

እግል፡ ከንቴባይ፡ ተስፋምኤል፡ ለቤሻ።

- I እላ፡ መራነት፤ ወደጠኸ፡ እት፡ ቅታር።
- እግል፡ ስሐተት፡ ወደታ፤ እግል፡ ማይታ፡ ወቅታል።
- ወድ፡ ዐቱል፡ ናስአት፡ ታ፤ አብርሃምማ፡ ሞታ፡ እብ፡ ሸፋር።
- ወድ፡ ሼክ፡ ወድ፡ ዕጄል፤ መአዜ፡ ጋሚ፡ ቱ፡ እግል፡ ዳር፡
- 5 ወእትካ፡ ገርበል፡ እንፈርሃ፤ ለሞዳይ፡ ካልእ፡ እብ፡ ስቃር።

429

እግል፡ አሚር፡ ወድ፡ ደሴት፡ እት፡ ለሐምድ፡ ለቤሻ።

- I ፈላይ፡ ግንዱ፤ ትኸይ፡ ኢለሐብሮ።
- ውሉድ፡ አለቡ፡ ክምስልሁ፤ ምን፡ ቅዌት፡ ገበይ፡ ለሐብሮ።
- ከለእ፡ ገርዛ፤ አሩይ፡ ገናፍሎ።
- ከለእ፡ ማመት፤ ታላት፡ ለትውዕሎ።
- 5 መርሐባ፡ አብ-ጼዋ፤ ድቡር፡ መን፡ ፈጭሎ።
- ራትዕ፡ እግል፡ ግብር፤ ለትካትሎ።
- መራት፡ ሐውርያ፤ መን፡ ለቀውሮ።
- እብ፡ ለአሁ፡ በቄ፡ እሉ፤ ለኢለአምሮ።

* * *

አውካ፡ ስቡራም፤ ድፈእ፡ በዲር፡ ናይካ፡ ታ።

- I0 ቀየሕ፡ ዕንቱ፤ እባ፡ ጀርደት፡ ለሕራዳ።
- ዶል፡ ገብእ፡ ሰልጠነት፤ ከናይብ፡ ገብእ፡ ወድ፡ ዓቃ።
- ወዶል፡ ገብእ፡ አምሐራይ፤ ከምስላ፡ በልዕ፡ ለሕራዳ።

* * *

ጡብ፡ ክም፡ ኮናት፤ ወሸብ፡ ክም፡ መሐገም።

ሕምቅ፡ ኢኮን፡ ወድ፡ ሕኒት፤ አሣመት፡ ታ፡ ለእባ፡ ልትለገም።

15 ጠሰሰ : ቱ : አቡኪ ፤ ዝላም : ነኢይሽ : ወሀተም ።
 እት : ዴሪር : እምቤላ ፤ ምን : ኢርኤና : ልትዐቸር ።

430

እግል : መሐመድ : ወድ : ሸኸር : ሹም : ዐድ-ትማርያም : ለሐለዩ :
 እት : ለሐምጆ ።

1 እንታ : ግንዳሌካ ፤ እት : ከብድ : ለረሃብት ።
 ቀለጭምካ : ጸብጦ ፤ እብ : ሓዚ : ለናገት ።
 እት : ግን : ትትዳጸዮም ፤ ወእት : ጀላደት ።
 እንታ : ሸኸር : ብለዕ ፤ ከሕደግ : እሎም : ዋከት ።

5 ዐሙር : አክርዮም : ታ ፤ ሐረጎት : ለዓደት ።
 ገጽካ : ኢትብለሶ ፤ እብ : ዳር : ኢትትማከት ።
 ህልግት : ወግልትልብ ፤ ወብላሰት ።
 በረው : ወፍንጣሻት ፤ ወበርቅ : ቃቀት ።
 ሹት : ኢትሕለጁ ፤ ወሕጋገት ።

10 ዋልእ : ወስፍ : ወልእ ፤ ወበኪት : በዐል : ዕባደት ።
 ለእርግ : መን : ፈግራ ፤ ናይ : ስጋደት ።

431

እግል : መሐመድ : ወድ : ሸኸር : እት : ለሐምድ : ለቤላ ።

1 መሐመድ : ሀማም : ገአካ : አዳም : ሚ : ለዴኸ ።
 ክም : መላሀይ : ቦዛይ : በቃ : ወፈርሂኸ ።
 ለጋ : እብ : ስናኑ : ወድ : ውህር : ሚ : ቡ : ጌጋ ።
 ለአዳም : ልብለኸ : ታ : “ፍረሀ : ወፍቲ” : ታ ።

5 ቃድር : ዲብካ : ሚ : ቡ : እምበል : ለዐረዴካ ።
 እግሉ : ጣይዕ : እንታ : ሚ : ቡ : እምበል : ዎሮ : ሺኸ ።

ሕማ ፡ ገአካ ፡ መሐመድ ፤ ሞታ ፡ ለገንሐኝ ።

በልቀት ፡ ዐላል ፡ ገአካ ፤ ወድቃ ፡ ለኬዴኝ ።

ዝንግር ፡ ነትለተኝ ። አሰል ፡ ሚ ፡ ቡ ፡ ጌጋ ፤

10 ለናይ ፡ ጅምዕ ፡ ወድ ፡ ጃውጅ ፤ “ፍረሀ ፡ ወፍቱ” ፡ ታ ።

ተሐት ፡ ቤረቅ ፡ ገአካ ፤ ምን ፡ ለዐል ፡ ንጉስ ፡ በዐል ፡ ብሌታ ።

ትግበእ ፡ እሉ ፡ ጅናይ ፤ ጋድም ፡ ለእላ ፡ ኬዳ ።

ሕምዝ ፡ ዲብ ፡ ንሳልካ ፤ ሱሰት ፡ ዲብ ፡ እዴካ ።

ሕርጊግ ፡ ከልብ ፡ ሐንኪኸ ፤ ወእላ ፡ ተርበኔ ፡ ታ ።

15 ዲብካ ፡ መጽእ ፡ ሚ ፡ ቡ ፤ እምበል ፡ ለሕርጊግ ፡ ሌጣ ፤

ኢልትሐሸል ፡ ገአካ ፤ ጠልቆ ፡ ዲቡ ፡ ሌጣ ።

ወእንታ ፡ ለትወድያ ፤ ሰሀል ፡ ውብሌ ፡ ታ ።

አዳም ፡ መስሕ ፡ ዓድል ፤ አለቡ ፡ ክምሰሌካ ።

እግል ፡ መሐመድ ፡ ወድ ፡ ሸኸር ፡ ለቤላ ።

1 አሚን ፡ ገደቦ ፤ ነፍሱ ፡ ሀይብ ፡ ወማሉ ።

እት ፡ ሐረምዝ ፡ ዕኬሪ ፤ አዳም ፡ አባ ፡ አክሃሉ ።

እት ፡ ሐዮታት ፡ ሀንዳሲ ፤ መን ፡ ሀይቦ ፡ ቅታሉ ፤

ረበዕ ፡ ለገረት ፡ ደላቅም ፤ ዘጋ ፡ መልክ ፡ ሀዳሩ ።

5 እሱር ፡ እግል ፡ ጠላቁ ፤ ግሹር ፡ እግል ፡ አፍጋሩ ።

አም ፡ ልብል ፡ ወጃር-ጃር ፤ ሐዮት ፡ ቱ ፡ ረአስ ፡ ለቅታሉ ።

ምን ፡ ለከርር ፡ አስሀለት ፡ ቱ ፤ ወዓጅ ፡ ቱ ፡ እብ ፡ ለብጣሩ ።

ውጹር ፡ ሕለቦ ፤ ወሐዳ ፡ እግል ፡ አፍታሉ ።

እት ፡ ሚ ፡ ዕለት ፡ ሀሌኩም ፤ እምበል ፡ እሊ ፡ አትገሃሩ ፤

10 እንፊርህ ፡ ዲብኩም ፤ እሊ ፡ እናስ ፡ አጠሐሩ ።

እሱር ፡ ላቱ ፡ ለጠልቅ ፤ ፋግር ፡ እንቱ ፡ ሐባሉ ።

ወጥሎቅ ፡ ላቱ ፡ ለትኦስር ፤ ለረቢ ፡ ምንዲ ፡ አምራ ፡ እሉ ።
 እብሊ ፡ ኩሉ ፡ ክም ፡ ሐመደዩ ፡ ህቱ ፡ ህዩ ፡ ምን ፡ ጥልበት ፡
 ጠለቀዩ ። 433

እግል ፡ መሐሙድ ፡ ወድ ፡ መሐመድ ፡ እት ፡ ለሐምድ ፡ ለቤላ ።
 I እዲና ፡ ሐርጣ ፡ ዲባ ፡ ግራጂ ፤ ከእዲና ፡ ነፍራ ፡ ስካባ ።
 መንሰዕ ፡ ከሬር ፡ ከልኦያ ፤ እብን-ሕንስ ፡ ወአፍ-ላባ ።
 እት ፡ ተውሀሌ ፡ ተሐለለት ፤ ሻረፈዩ ፡ ለክታባ ።
 ወገባር ፡ ሐቅ ፡ ከልኦያ ፤ ከጠላን ፡ ደብኦ ፡ ክል ፡ ባባ ።
 5 ገባር ፡ ዲብ ፡ ሚ ፡ ተሐሜኸ ፤ ለገመሚታ ፡ በዳ ፡ ባ ።
 ድመል ፡ አሉላ ፤ እዲና ፡ ዐላ ፡ ከራባ ።
 ወድመል ፡ ዐሊ ፡ ወድ ፡ መዖ ፡ ታ ፤ ለሃማ ፡ ዐዳ ፡ በዳ ፡ ባ ።
 ድመል ፡ ቤት-ዐሊ ፤ ፈዝዐት ፡ ምኛ ፡ ስካባ ።
 ወድመል ፡ አብ-ሐምዴ ፤ ከብዱ ፡ ጌሰት ፡ እብ ፡ ሃባ ።
 IO ጠይዑ ፡ አቤት ፡ እዲና ፤ ከእብ ፡ ጅንግላይ ፡ ዐራ ፡ ባ ።

434

እግል ፡ መሐሙድ ፡ ወድ ፡ መሐመድ ፡ ለቤላ ።
 I ወድ ፡ ከንቴባይ ፡ ግሬነት ፤ ውሉድ ፡ እባ ፡ ሱሰቱ ።
 እብ ፡ መሐርጋ ፡ ቱ ፡ በአዋ ። መን ፡ ፈርሐ ፡ እላ ፡ ሸመቱ ።
 ለገባር ፡ አቀርደት ፤ ክል ፡ ቤት ፡ ጸብጣ ፡ ገረቱ ።
 ቤት-አስገዴ ፡ አገማ ፤ ደብኦ ፡ ዲባ ፡ መንገአቱ ።
 5 መርከብ ፡ ህንዲ ፡ ቱ ፡ መምባዬ ፤ አይተት ፡ እንታ ፡ መበሽረቱ ።
 ወርሕ ፡ ዐስር ፡ ወአርበዕ ፤ ሱበዐት ፡ እንዳም ፡ ማርሐቱ ።
 ፍጉር ፡ ፍይር ፡ ቱ ፡ መምባዬ ፤ ሸእግ ፡ እንቱ ፡ ለሀይደቱ ።
 ጸጋይ ፡ አማናት ፤ ከፋክፋ ፡ ዝሕረቱ ።
 ወሐጥር ፡ አማናት ፤ ሔር ፡ ለካሪ ፡ ነፍሰቱ ።

435

እግል፡ መሐመድ፡ ወደ፡ መሐመድ፡ ለቤሻ ።

I መርሐባ ፡ ቡ ፡ ወደ ፡ ጅኛይ ። መርኬ ፡ አፎ ፡ ልጆቤ ፡
 ዓጽም ፡ እንደ ፡ ሳብር ፤ ስጋ ፡ እንደ ፡ ገዴ ።
 ገኖ ፡ እንደ ፡ ጠብሕ ፤ መቅደድ ፡ እንደ ፡ ፈንቱ ።
 ዐንደል ፡ መን ፡ መጭሮ ፤ ሕዋይ ፡ ለኢልትረዴ ፡
 5 ዝላም ፡ ሀጽፍ ፡ ገአካ ፤ ዘሀፈት ፡ እንደ ፡ ትወዴ ።
 በልቀት ፡ ዐላል ፡ ገአካ ፤ ለኬደያ ፡ ትተኔ ።
 ስጋ ፡ ነፍር ፡ ገአካ ፤ ጥልሓም ፡ ለአጊድ ፡ ከርሴ ።
 መን ፡ ቱ ፡ እምበል ፡ ወደ ፡ ጅኛይ ፤ ለእሸን ፡ ክሸን ፡ ወዴ ።
 ጋሩ ፡ ሐቆካ ፡ እሺ ፡ አድሀይ ፤ ሰብክ ፡ ገብእ ፡ ማ ፡ ሐኔ ፡

436

እግል፡ መሐመድ፡ ወደ፡ መሐመድ፡ ለቤሻ ።

I ቤት ፡ አብ ፡ ሀሌት ፡ ትረክበኝ ፤ ለተክሩር ፡ እሻ ፡ ውላዳ ።
 ኢትትከለብ ፡ ጋሻያ ፤ ለአከልዕታ ፡ ክም ፡ ትታካ ።
 ዶል ፡ ተአምር ፡ እት ፡ ቅታል ፤ ጀርደት ፡ ተአምር ፡ ሕራጣ ።
 ወዶል ፡ ተአምር ፡ እት ፡ ብለዕ ፤ ጥራይ ፡ ተሓብር ፡ ወማዳ ።
 5 ረቢ ፡ እንደ ፡ ፈርሀካ ፤ ኢተወልውል ፡ ሕሻካ ።
 ወሐር ፡ ህቱ ፡ ሀዬ ፡ ምን ፡ ጥልበት ፡ ጠለቀዩ ፡ ክምሰል ፡ ለአቡሀ ፡
 ጣልቁ ፡ ታ ፡ ለዐላ ፡ አስክ ፡ ዮም ።

437

እግል፡ ሹም፡ ዕመር፡ እናስ፡ ጥጥዕት፡ እት፡ ለሐምድ፡ ለሐሲዩ ።

I ወድ ፡ መሳ ፡ ወድ ፡ ሌማን ፤ ለባይቶ ፡ ፍትሐ ፡ ወዳ ፡ እላ ።
 እት ፡ ሰልፍ ፡ ትስኤኝ ፤ እት ፡ ምዝማታ ፡ ወመዓላ ።

ወእት ፡ ደንጎባ ፡ ትስኤኸ ፤ እት ፡ ረድኢት ፡ እንደ ፡ ዐራ ፡ እላ ።
ሐዳር ፡ ጋሻያ ፤ ከሬት ፡ ዲብ ፡ ለዕዛላ ።

5 ወሐዳር ፡ ከራዬ ፤ ባርዳ ፡ ከሬት ፡ ወሰኢራ ።
ረአስ ፡ አዳም ፡ እንታ ፡ ቱ ፤ ሸመት ፡ ዕጩት ፡ ምዕዛላ ።
ምስል ፡ አንስ ፡ ወውላድ ፤ እግል ፡ ሚ ፡ ጸባብ ፡ ተዐዳ ፡ ባ ።

* * *

አፎ ፡ ዐሊ ፡ ኢትብሎ ፤ ረአስ ፡ ቅታሉ ፡ ልዘርኬ ፡
ዲብ ፡ ለባይቶሁ ፤ ሰልብ ፡ ዐላ ፡ ወለአቴ ።

10 ሓጥር ፡ ፍካክ ፡ ሀይሾ ፤ ነፍሱ ፡ እንደ ፡ ልትፈንጅ ።
እት ፡ መዐደኒ ፡ ኢገድግድ ፤ ምኛ ፡ ሳክያም ፡ ልትገሼ ።
ለድኔ ፡ ሀላ ፡ ኤማኑ ፤ ለሞታ ፡ እሙ ፡ ለበኸ ።
ምስል ፡ አንስ ፡ ወውላድ ፤ እግል ፡ ሚ ፡ ጸባብ ፡ ልትዐጄ ።

እግል ፡ ሹም ፡ ዕመር ፡ ለሐለዩ ።

I ውህር ፡ ወድ ፡ ለህምራራብ ፤ ህምራራብ ፡ ለባትክ ፡ ስናዩ ።
ግነዕ ፡ ዲብ ፡ ለመሸንገል ፤ ወዐተር ፡ ዲብ ፡ ለዕልባዩ ።

* * *

ውህር ፡ ወድ ፡ ለህምራራብ ፤ ህምራራብ ፡ አማን ፡ እሊ ፡ ቱ ።
ረበዕ ፡ ርሱዕ ፤ ፋግር ፡ አረገቱ ።

5 ብክፋ ፡ ወድ ፡ ሐንገሊ ፤ ወወድ ፡ ዳግሙ ፡ እሊ ፡ ቱ ።
ጸጋይ ፡ አማን ፤ ግነሕ ፡ ለመማጠቱ ።
አብዕብካ ፡ ቱ ፡ ለዲቡ ፡ ሐድሮ ፡ ቀነሸቱ ።
ሓጥር ፡ አማን ፤ ዘሚት ፡ ወአቲ ፡ ቱ ።

እግል ፡ ሹም ፡ ዕመር ፡ ክእኛ ፡ ክም ፡ ሐለዩ ፡ ህቱ ፡ ሀዬ ፡ ዐጣል ፡
ሐድ ፡ ሸጸህ ፡ እግል ፡ ለውዕሎ ፡ ወሐሊቡ ፡ እግል ፡ ልስቱ ፡ ሀበዩ ፡ ቱ ።

ወሐር፣ ሳልማን፣ እግል፣ ለዐጣል፣ እንደ፣ ነስአዩ፣ ጨልቃ፣ ቡ፣
ከእግል፣ ከንቲባይ፣ ሓምድ፣ [እት፣ ባጽዕ፣ ዐላ፣] ወእግል፣ ዐድ-
ናይብ፣ ከተላ፣ ቡ። ወሀቶም፣ ምን፣ እደ፣ ሹም፣ ዕመር፣ አንገፈዎ፣
ወለዐጣል፣ አስክ፣ የም፣ ሀላ፣ እሉ። ወእት፣ ደንጎባ፣ ሹም፣ ዕመ-
ርማ፣ ደሐረዩ፣ እሉ።

439

እግል፣ ሐሰን፣ ወደ፣ መሐመድ፣ ሹም፣ ዐሱስ፣ እት፣ ለሐምድ፣ ለቤሻ።

I ጭሩም፣ ወልድ፣ ሚ፣ አዐላ፣ ሰልሓ፣ ምኑ፣ እንታ፣ ቱ።

ምን፣ ትትሃጌ፣ ንሳሉ፣ ወምንዲ፣ ትገንሕ፣ ዕንታቱ።

ለእሹ፣ ገንሕ፣ መናዝር፣ ለእሹ፣ ቀትል፣ አስማ፣ ቱ።

ለእሹ፣ ቀትል፣ መልከፍ፣ ቱ፣ ለእሹ፣ ዳዌ፣ ሸፋ፣ ቱ።

5 እግል፣ ሚ፣ ገመል፣ እምለካ፣ ዐቲግ፣ እብ፣ ለሰርዋቱ፣

እት፣ ጎረት፣ በሉሶ፣ እግል፣ ልንከሽ፣ ስጋዳ።

ወእግል፣ ሚ፣ ባቡር፣ እምለካ፣ ለትናፍስ፣ ባባቱ።

ወእግል፣ ሚ፣ መርከብ፣ እምለካ፣ ዕጫይ፣ ግምሽ፣ ሸኛ፣ ቱ።

ወእግል፣ ሚ፣ ሐየት፣ እምለካ፣ ወልሀ፣ ዲብ፣ ለሳሳቱ።

10 ለሀይማ፣ ተዐካ፣ ላክሮ፣ እንደ፣ ነስእ፣ ለእያዳ።

ወእት፣ ሚ፣ ሐርማዝ፣ እምለካ፣ ለንጠዋጥል፣ ነግዋቱ።

ወእግል፣ ሚ፣ ፈረስ፣ እምለካ፣ ለትዋግሯ፣ ምክላቱ።

ዐንሰባታት፣ እምለካ፣ ተለክ፣ ቤላ፣ ሸውያቱ።

ተንከር፣ ዓይር፣ እምለካ፣ ሸለክ፣ ልብል፣ መሓዋቱ።

15 በርካ፣ ረካ፣ እምለካ፣ እምቡሽ፣ አቲ፣ ምን፣ ጋሹ።

ትክዐሌ፣ ወዐካት፣ እሹ፣ ዐሹብ፣ ውላዳ።

ውሐጠ፣ መጽአ፣ ወለቀራጣጠ።

አገድሩ፣ መጽአ፣ ወለቃቆታቱ።

አዘመ፣ ፈቲ፣ ወለአትማሻሹ።

20 እንግሊዝ ፡ ወፈረንሲስ ፤ አድሀይ ፡ ነስእ ፡ ሃባቱ ።
 እት ፡ ምዕጥን ፡ ፈርህዎ ፤ ምልእት ፡ እንታ ፡ ኔዋቱ ።
 ወእት ፡ አፍያት ፡ ፈርህዎ ፤ እንዶ ፡ ደኛን ፡ እሳቱ ።
 እት ፡ ድኜ ፡ ፈርህዎ ፤ እትዬታት ፡ ለቅዱይ ፡ ትንፋሱ ።
 ነጋፍ ፡ አንገቡ ፤ ሕስሐስ ፡ ስጋዱ ።

25 እሱር ፡ ላቱ ፡ ጠልቆ ፤ ፋግር ፡ እንቱ ፡ ሓባቱ ።
 እግል ፡ ጀበረት ፡ መጽአኮ ፤ ሓይላይ ፡ ፍኛግ ፡ ቱ ፡ ልባሱ ።
 እግል ፡ ገመል ፡ መጽአኮ ፤ ሚ ፡ ቱ ፡ አድግ ፡ ጥራጡ ።

ወእላ ፡ ክም ፡ ሐለዩ ፡ አክል ፡ ለመጽአ ፡ አቅሩሽ ፡ ሀይሾ ፡ ዐላ ።

440

እግል ፡ ብእምነት ፡ ወይ ፡ ፍካክ ፡ እት ፡ ሐምይ ፡ ለቤላ ።

1 ጊም ፡ ወአጠረሚን ፤ ወዝላም ፡ ሀጽፍ ።
 ሐሪሽ ፡ መድሮርየት ፤ ሐርማዝ ፡ ሀድፍ ።
 እንታ ፡ ለረከብክሀ ፤ ልሹ ፡ ጠልፍ ።
 ብዝሐት ፡ ብካ ፡ እት ፡ መግለል ፤ ወሐቴ ፡ ብካ ፡ እት ፡ ለጥፍ ።

441

እግል ፡ ገላይደስ ፡ ወይ ፡ እዛዘ ፡ ሹም ፡ ዐ.ድ-ተክሌስ ፡ እት ፡
 ለሐምይ ፡ ለሐሲይ ።

1 ሹመትካ ፡ በዲርማ ፤ ቅዋት ፡ ሚ ፡ ታ ።
 ገሌ ፡ እግል ፡ ነብራ ፤ ጸብጥ ፡ እብ ፡ ወሪዳ ።
 ወገሌ ፡ እግል ፡ ሐሰብ ፡ ሐደር ፡ ቀነሽታ ።
 እስሱት ፡ ከራዩሃ ፤ ምኛጽ ፡ መረዲታ ።



5 ሹመትካ ፡ በዲርማ ፡ ክሪት ፡ ሚ ፡ ታ ፡ እት ፡ ምድር ፡

ገርበን ፡ እላ ፡ ከብድካ ፤ አፎ ፡ ተሐዬ ፡ ወትግህር ፡
 ዲብ ፡ ለዳራታ ፤ ጋብእ ፡ ዐላ ፡ ገነፍል ።
 ዲብ ፡ ለሸመታ ፤ ትግዕዝ ፡ ዐለት ፡ ወተሐደር ።
 ሸመት ፡ ዳግዖ ፡ ኢኮኔ ፤ ቅሩሽ ፡ እግል ፡ ትካይል ።
 10 ስታያ ፡ ዐረቁ ፡ ቱ ፤ ህቱ ፡ መርር ፡ ምን ፡ ጸብር ።

442

እግል፣ ገላይዶስ፣ ወደ፣ እዛዘ፣ ለቤላ።

1 እንታ ፡ ግንዳሌካ ፤ እት ፡ ድርጽ ፡ ለቀግሪ ።
 ከሉ ፡ ሰምዕ ፡ አቤ ፤ ምክር ፡ ወአውራሪ ።
 ምስል ፡ ገሻር ፡ ገሚ ፤ ዐሸች ፡ እንቱ ፡ ታሊ ።
 ወምስል ፡ ዐሸች ፡ ገሚ ፤ ሔር ፡ ለነፍሱ ፡ ካሪ ።

* * *

5 እንታ ፡ ግንዳሌካ ፤ እት ፡ ድርጽ ፡ ለጋድም ።
 አብሐጻ ፡ ወትደመላ ፤ ወደ ፡ ለጽኑዕ ፡ ሓክም ።
 ዶል ፡ ሐቴ ፡ ሰልጠነት ፤ ጸብጥ ፡ ወፈራቅም ።
 ወዶል ፡ ሐቴ ፡ አምሐራ ፤ ምስላ ፡ አፍሩስ ፡ ላግም ።
 መለክ ፡ ቱ ፡ እት ፡ ዐረዲት ፤ ቀባ ፡ እት ፡ መታክም ።
 10 ለአዝም ፡ ወለትራዝም ፤ ክም ፡ ኢረኣ ፡ መጻግም ።
 ለሊት ፡ ፋዝዕ ፡ ቤታ ፤ ወደ ፡ ለጽኑዕ ፡ ጃድም ።

* * *

ለዝኛር ፡ ሐድራ ፡ ዲቡ ፤ እላ ፡ ምድር ።
 ህምራራብ ፡ ወደ ፡ ህምራራብ ፤ ህምራራብ ፡ ለብክር ።
 ድኔ ፡ አቱ ፡ ዲቡ ፤ ግቡር ፡ እግል ፡ ለፍግር ።
 15 ዲብ ፡ ወደ ፡ ከንቴባይ ፡ ከነትብ ፤ መን ፡ ቱ ፡ ለጸገግ ፡ ተክል ።
 ወእላ ፡ ክም ፡ ሐለዩ ፡ ህቱ ፡ ህዬ ፡ ወአት ፡ ሀበዩ ።

እግል ፡ ለፈዳይብ ፡ ወሐጥሮታት ፡ ለደመሞሎም ፡ እት ፡ ለሐምድ ፡
ለቤላ ፡ ሕላዮት ።

- I “አና” ፡ ልብል ፡ ክል ፡ ዎሮ ፤ ክል ፡ ሹም ፡ ዲብ ፡ ለድቢቱ ።
 “አና” ፡ ራክብ ፡ ሚ ፡ ቡ ፡ “አና” ፡ በዐላ ፡ ረቢ ፡ ቱ ።
 አመት ፡ ረቢ ፡ ለኢለአምር ፤ አመት ፡ ነቢ ፡ ቃዊ ፡ ቱ ።
 አለቡ ፡ ሐቃባት ፤ ማይረት ፡ ኢኮን ፡ ምርሐቱ ።
- 5 ውላድ ፡ ለአለቡ ፤ እት ፡ ረአስ ፡ ፋዙቅ ፡ ማሲ ፡ ቱ ።
 ታቁ ፡ ሞቱ ፡ እብ ፡ ርጅም ፤ ዕዳይ ፡ ክቡድ ፡ ፋዲ ፡ ቱ ።
 ደግማሊሶ ፡ በልሰኸ ፤ መስከብ ፡ አብዕብ ፡ ሐዲጉ ።
 ደግን ፡ ሐረምዝ ፤ አቅባል ፡ አባ ፡ ምን ፡ ሸሂቱ ።
 ውህርማ ፡ ለውህር ፡ ልሰላል ፤ ምንዲ ፡ መልክ ፡ ለክሊቱ ።
- 10 መሐመድ ፡ ሞቱ ፡ እት ፡ ጽንዕ ፤ ናትል ፡ ዲብ ፡ ለአስሊቱ ።
 ሸኸር ፡ ሞቱ ፡ እት ፡ ግልብ ፤ እት ፡ አማነት ፡ ባቂ ፡ ቱ ።
 ገናድ ፡ ሞቱ ፡ እት ፡ ቅባ ፤ ሸክና ፡ ክይድት ፡ አቢ ፡ ቱ ።
 ከራምህዎ ፡ እብ ፡ ዱለት ፤ ምን ፡ ቤት ፡ አብሁ ፡ ሳኪ ፡ ቱ ።
 ናይብ ፡ ሞቱ ፡ እት ፡ ነብራ ፤ ለእሱ ፡ ሸይም ፡ ባጊ ፡ ቱ ።
- 15 ናይብ ፡ በዲር ፡ ምስማሪ ፡ ቱ ፤ መምበር ፡ ርሳን ፡ ካሪ ፡ ቱ ።
 ናይብ ፡ አዜ ፡ ስም ፡ ሌጣ ፤ ጽንዑ ፡ በዳ ፡ ወሕርቁቁ ።
 እት ፡ ለውህሌ ፡ ክም ፡ ዳልባይ ፡ መስከብ ፡ መስከብ ፡ አቲ ፡ ቱ ።
 ወድ ፡ ሼክ ፡ ወድ ፡ ዕጅል ፡ ለምን ፡ ክል ፡ ሹም ፡ ግሲ ፡ ቱ ።
 ክም ፡ ወድ ፡ ዐቱል ፡ ወድግለል ፡ ለህይዲ ፡ ምሕልል ፡ ዐቢ ፡ ቱ ።
- 20 ሰለስ ፡ ለድኜ ፡ አንደዳ ፡ መድገሎ ፡ ለአምዒቱ ።
 ህርብ ፡ ሞቱ ፡ እት ፡ ገንን ፡ ዲብ ፡ ደቅባቱ ፡ ታቁ ፡ ቱ ።
 ልጃም ፡ ሞቱ ፡ ዲብ ፡ ባይአት ፡ አግዋር ፡ ዲባ ፡ ሐሚ ፡ ቱ ።

መርዕድ፡ ሞቱ፡ እት፡ ድመል፤ አጊድ፡ ሳልጠት፡ ታ፡ ጋሪቱ ።
ለድኔ፡ አዝማቲ፤ ወቤት-ጀራብሩክ፡ ለእሲቱ ።

25 ሐሰን፡ ሞቱ፡ እት፡ መርባት፤ ለደም፡ እዛዝ፡ ሐዘ፡ ቱ ።
ምን፡ መቀዳም፡ ዲብ፡ ዝላ፤ እብ፡ እዴ፡ ዐድ፡ ሕድ፡ ባዲ፡ ቱ ።
እት፡ ለሀሩሞ፡ ወእት፡ ለሀርም፤ ዕሉም፡ ረጋዝ፡ እሊ፡ ቱ ።
ሐይሉ፡ ሞቱ፡ እት፡ ሸመት፤ ጋሚ፡ ሌጣ፡ ታ፡ ሸንሂቱ ።
ወድ፡ ቲድሮስ፡ ሞቱ፡ እት፡ መርባት፤ ፈዳብ፡ ክል፡ ዶል፡
ታ፡ ቅንኢቱ ።

444

እብ፡ ምስምሳ፡ መራነት፡ ኖሱ፡ ለቤሻ ።

I ምሉእ፡ ክም፡ ድቡእ፤ ሐሰን፡ ታ፡ ነብራ፡ ግልባቤ ።
ሕጉዝ፡ ክም፡ ዕሹር፤ “ኡሀ”፡ ልብል፡ ወ“ዓቤ” ።
ሐዋን፡ ክም፡ ብቁ፤ ሐረምዝማ፡ ለትላቤ ።
ፋሩሀ፡ ክም፡ ፋሩሕ፡ ቱ፤ ምንማ፡ ዐድ፡ ሕድ፡ ደራቤ ።
5 እደይ፡ ዐድ፡ ሕድ፡ ኢወደ፤ ወአክቡድ፡ ዐድ፡ ሕድ፡ ልትራቤ ።
አለቡ፡ መራነት፤ ልትወዐል፡ ምንማ፡ ልትኣቤ ።

445

እብ፡ መራነት፡ ኖሱ፡ ለቤሻ ።

I እና፡ እላ፡ መራነት፤ ወዴተኒ፡ እት፡ ቅታር ።
ተረይመኒ፡ መራነት፤ ኢመስከብዬ፡ አሰዳር ።
ወተስሐተኒ፡ መራነት፤ ማይታ፡ ተሐዘ፡ ወቅታል ።
ተሰፍሬኒ፡ መራነት፤ ከሰሙን፡ እከልእ፡ ምን፡ ዕዳር ።
5 ተጸምኢኒ፡ መራነት፤ ምን፡ ሻከት፡ ብርድት፡ ሐን፡ ዕዛል ።
ሐዬ፡ ናስኦት፡ ታ፡ ወአቡዬ፤ ወእዬ፡ ሓይዘት፡ ታ፡ እት፡ ድራር ።



አና : እላ : መራኅት ፤ ወዴተኒ : እት : ቀትር ።
 ተረይመኒ : መራኅት ፤ ከኢመስከብዬ : አሰድር ።
 ተስሐተኒ : መራኅት ፤ ከእሻ : እመይት : ወእቀትል ።
 10 ተሰፍሬኒ : መራኅት ፤ ምን : ሐሊብ : ወስጋ : ወእክል ።
 ተጸምአኒ : መራኅት ፤ ምን : ሻከት : ብርድት : ሐን : ዕዝል ።
 ሐዬ : ናስአት : ታ : ወአቡዬ ፤ ወእዬ : ሓይዘት : ታ : እት : ሸክር ።

446

ኧሓሁ : ምን : ትዘመተት : እብ : ድመላ : ለቤሻ ።

1 እሊ : ሐጻጽ : ም : ዐራዶ ፤ በዲር : በዴ : እብ : ክል : ቤት ።
 ምድር-ራዩት : ወሐጺት ፤ ብሮካታት : ወከድቤት ።
 ምን : ሰሸካ : እት : ለሐጻጽ ፤ ዕዳይ : ክቡድ : ወፈዴት ።
 ወለትደሀራ : ምን : ውቕል : ቱ ፤ ወክላ : ስሙ : ለትከራት ።
 5 ሐይት : ብእታ : ከብጅ ፤ ኢደለዋ : ወኢደሌት ።
 ኢተመይት : ወኢተሐዬ ፤ ከብድ : ሐቆ : ኢነጌት ።
 እደብ : ሳልስ : በቃሪ : ቱ ፤ ኢመጽአኻ : እብ : ትምኔት ።
 እንራብ : ሳምፅ : ሀሌኮ ፤ ማሌ : ምሴ : እብ : ሐሚት ።
 ሻምማ : ልምጸእ : እብ : ፈኑ ፤ ቀልብማ : ልምጸእ : እብ : ሰኔት ።

447

እት : ድመሉ : ለቤሻ ።

1 ትንፍያ : ወገዐባ : ዳግሬ : ወመሓዝ : ሸሸኛ ።
 እት : ከብዳ : ወዴቆ : ግርግር : ማዩ : ወሰዐሩ ።
 ነጃልላ : ሀሌና : እንዶ : ገብአት : ገለሉ ።
 ፈንገሐ : ለሐጻጽ : ሳምያት : ተን : ክል : ቤት : ልፍገር : አከሩ ።
 5 ስሐል : ወድ : ባጅል : ከልአዩ : ሰዋኪናይ : እሻ : ገመሉ ።

አቡካ ፡ ሐዮት ፡ ተብዐት ፡ ቱ ፡ ገጹ ፡ ዝወይይ ፡ ወአሰሩ ።

ለብካ ፡ ናሽሕ ፡ ከልአዩ ፤ ከበዝሐ ፡ ዲብና ፡ መረሩ ።

448

እብ ፡ ደመሉ ፡ ለቤሻ ።

I ሕመይ ፡ ወሓሚ ፡ ምን ፡ ገብእ ፤ አዳም ፡ አቤ ፡ በዐል ፡ ሻመ ።

መሐበር ፡ ሕራቡት ፤ ዐድ ፡ ሕድ ፡ ቃትል ፡ አዳመ ።

መሐበር ፡ ቅባ ፡ ተመርጮ ፤ ሰሓቁ ፡ ወለዋላመ ።

* * *

ዓመት ፡ እኸት ፡ ቱ ፡ አቡካ ፤ ሕራድ ፡ ኢኮን ፡ ወተረብ ።

5 አውለት ፡ አውል ፡ ቱ ፡ አቡካ ፤ ሮረት ፡ ባልሰት ፡ አመቅረብ ።

ብክር ፡ ሐጋይ ፡ ቱ ፡ አቡካ ፤ መስረጥ ፡ ጋብአት ፡ እብ ፡ መሐለብ ።

ለምን ፡ ሰብ ፡ ትገይስ ፡ ኢነአቤ ፤ ወምን ፡ መቅጠና ፡ ትትገረብ ።

449

ሐቲ ፡ ዶል ፡ ምን ፡ ደራቡሽ ፡ ዎሮት ፡ አሚር ፡ እት ፡ ስሕል ፡

መጽኢ ። ወህቱ ፡ እግል ፡ ለእስላም ፡ ቤላ ፤ “ክፍር ፡ እግል ፡ ነብዴ ፡

ቅነጾ ፡ እና” ። ወኩሉ ፡ ዐድ ፡ እስላም ፡ ምን ፡ ንጉስ ፡ ዐሳ ፡ ወትደር

በሻ ፡ ወሸፍ ፡ ምስል ፡ ክስታን ፡ ሐዘ ፡ ዐለው ። ወረክስ ፡ አሉላ ፡

እሊ ፡ ዕስያኖም ፡ ክም ፡ ሰምዓ ፡ ምን ፡ ከበሳ ፡ ቀንጻ ፡ ወእት ፡ ቅን

ጻል ፡ ምስለም ፡ ትሻፈሩ ፡ ወአብደዮም ። ወለአማይር ፡ ለዐባዩ ፡

ሰካ ። ወምን ፡ ሞጥዐት ፡ ወሰምሀር ፡ ወሰለስ ፡ መፍለስ ፡ ብዙሕ ፡

አዳም ፡ ሞታ ። ወሐር ፡ ኩሉ ፡ እት ፡ ሕክም ፡ ንጉስ ፡ አቅበላ ። ወ

ሳልማን ፡ ወደ ፡ መስመር ፡ እብ ፡ ግራዴ ፡ ሐኸረዎ ፡ ከሐር ፡ እላ ፡ ቤላ ።

I ለመም ፡ ትቤ ፡ አመራ ፤ ከዐጥላይ ፡ ዔረት ፡ ምን ፡ ቅንጻል ።

ለሀላ ፡ ግንሓት ፡ ኢረክባ ፤ ወለሞታ ፡ መቀባር ።

ወድ ፡ ድግና ፡ ምን ፡ ገብኝ ፤ ወኢሐድገያ ፡ ቤት ፡ አልማል ።
ዚዝ ፡ ትቤ ፡ ለገባር ፤ እንደ ፡ ትከራት ፡ እት ፡ ድኸማን ።

* * *

5 አና ፡ ወአመራ ፤ እንሻላ ፡ ምስል ፡ ኢንፍረክ ።
አምዕልና ፡ ኢትምሴ ፤ ላሊና ፡ ኢትጽብክ ።
ለሞታ ፡ ቀብር ፡ ኢረክባ ፤ ከነፍሱ ፡ ጌሰት ፡ እብ ፡ ጥበኝ ።
ለሀላ ፡ ግንሐት ፡ ኢረክባ ፤ ከእግሩ ፡ ትከራት ፡ እት ፡ ልበዕ ።

* * *

10 ሸሂድ ፡ ቤት-መርጁብ ፤ ለተርፈት ፡ ምኛ ፡ ድምነታ ።
ወሸሂድ ፡ መሐመድ ፡ ወድ ፡ ዕትማን ፡ ቱ ፤ ለጸብጣ ፡ ምኛ ፡
ወሐረዳ ።

ገሮቡ ፡ እንደ ፡ ሸላ ፤ ወኤማኑ ፡ እንደ ፡ አስበታ ።
ሸሂድ ፡ ቤት-ገርጊስ ፤ ሰኔት ፡ ታ ፡ እላ ፡ ቤት-ገብሻ ።
ሸሂድ ፡ አቢብ ፡ ወድ ፡ ቱድሮስ ፤ ሰይፍ ፡ ወመንዱቅ ፡ አተርታ ።

እብ ፡ ምስምሳ ፡ ድመል ፡ ለቤሻ ።

1 ሕና ፡ እግል ፡ ግድዕት ፤ ፍትሐ ፡ እንወጄ ፡ እላ ።
እሳት ፡ ነጹብጣ ፤ ወዕጨይ ፡ ነኦሬ ፡ እላ ።
አባይና ፡ ልግበእ ፡ ግዱዕ ። ግድዕት ፡ ሚ ፡ ቱ ፡ ኬራ ፡
አባይና ፡ ግሱይ ፡ ልግበእ ፤ ዕሩፍ ፡ ሕምግሌላ ።

* * *

5 አቡካ ፡ ድመል ፤ ምግብ ፡ ላሊ ፡ ተሀርሾ ።
ሸከር ፡ ወድ ፡ ብእምነት ፡ ትፈንጅና ፡ ለገባይሎታት ፡ ልውዕዞ ።
ወሕመድ ፡ ወድ ፡ ዕመር ፡ ትፈንጅና ፡ ለጋሻይ ፡ ወኅረት ፡ ነትሎ ።
ሐምድ ፡ ወድ ፡ ምስማር ፡ ትፈንጅና ፡ ስርብ ፡ ቡ ፡ ዲባ ፡ ትፈቕዶ ።
አዜማ ፡ ድፌር ፡ ንታሌ ፡ ለብካ ፡ ምንዲ ፡ ነሐልፎ ።

451

እብ፡ ደመል፡ ለቤላ ።

- I ትክ፡ እት፡ ከሉ ፡ ታ ፤ ወትክ፡ እምብል ፡ ሕናማ ።
- ወትክ፡ እት፡ ዝላም ፡ ታ ፤ ሙሉእ ፡ እንቱ ፡ ለክሸራማ ።
- ወትክ፡ እት፡ ፈረዕ ፡ ታ ፤ ለተሓመዳ ፡ ወተሓማ ።
- ትክ፡ እት፡ ዕጉብ ፡ ታ ፤ እላ ፡ ተክኼ ፡ ምን ፡ ለሃማ ።
- 5 ወትክ፡ እት፡ መርዓት ፡ ታ ፤ እሱር ፡ እንቱ ፡ ለዕላማ ።

452

እብ፡ ደመል፡ ለቤላ ።

- I ኣቡካ ፡ ላሊ ፡ ኢሰክብ ፤ ከንዶእ ፡ ላማ ፡ እባ ፡ ቱ ።
- ላሊ ፡ እሱት ፡ ትሰክባ ፤ ሕምቅ ፡ በዲር ፡ ዕድራ ፡ ቱ ።
- ላሊ ፡ ራክብ ፡ ሰክባ ፤ ምሉእ ፡ ላቱ ፡ ኣፍያቱ ።
- ወላሊ ፡ ብዙሕ ፡ ሰክባ ፤ ኣዳም ፡ ጋብእ ፡ ኣስማጡ ።
- 5 ላሊ ፡ ማይት ፡ ሰክባ ፤ በትከት ፡ ለጋይሰት ፡ ትንፋሱ ።
- ወላሊ ፡ ሐዋን ፡ ሰክባ ፤ ጄሌ ፡ ለሰሓብ ፡ ቃራቱ ።
- ላሊ ፡ ሀርማ ፡ ፈዝዓ ፤ ገሃያት ፡ ገብእ ፡ ዕንታቱ ።
- ወላሊ ፡ ፈዳብ ፡ ፈዝዓ ፤ ተርህ ፡ ዲብ ፡ ለጋራቱ ።
- ላሊ ፡ ዕጉብ ፡ ፈዝዓ ፤ እንዶ ፡ ፈቕድ ፡ መርባቱ ።

453

እብ፡ ደመል፡ ለቤላ ።

- I መሊህይ ፡ ባርሀት ፡ ሰልም ፤ ሐጋይ ፡ እንዶ ፡ ሐልፋ ፡ ምን ፡ ለከርም ።
- እልካ ፡ ወኢዐደባ ፤ ሐካማ ፡ እግል ፡ ድግም ።
- ለእት ፡ ከብድና ፡ ትጸንሕ ፤ እት ፡ ኣፋና ፡ ተሀዝም ።
- ከብድ ፡ መን ፡ ቀልዓ ፤ ኣፍ ፡ ምንዲ ፡ ኣዝም ።

5 ከብድ ፡ ምን ፡ ቀልዕዋ ፤ ምን ፡ ዕጎትማ ፡ ጸልም ።
 መለክ ፡ ቀድር ፡ ኖሱ ፡ ቱ ፤ ወእብ ፡ ቀድር ፡ በዐልዬ ፡ ሐክም ።
 ትዘሸሐ ፡ ዘዐት ፡ አባይ ፤ ቀባ ፡ ታ ፡ እት ፡ ሐለቕም ።
 ወራይድካ ፡ ትላጅም ፤ ከትገብእ ፡ ክም ፡ ኢትነቕም ።
 እት ፡ እንግዳካ ፡ ትከጅ ፤ ከትሰብር ፡ ዲብካ ፡ ዐጽም ።

454

እግል ፡ ናይብ ፡ እድሪስ ፡ ወድ ፡ ሐሰን ፡ እት ፡ ለሐምድ ፡ ለቤሻ ።

I ወድ ፡ ናይብ ፡ እድሪስ ፤ ወወድ ፡ ናይብ ፡ ሙሳ ።
 ምን ፡ ተሐት ፡ ቤረቅ ፡ ገአካ ፤ ወምን ፡ ለዐል ፡ ነታብ ፡ እት ፡ አፍሩሳ ።
 እዴ ፡ ሰኔት ፡ ወድ ፡ ፋርስ ፤ ኢለበዴ ፡ ሕንጉጋ ።
 ወእዴ ፡ እኸት ፡ ወድ ፡ ፋርስ ፤ እብ ፡ ለጸብጥ ፡ ሓሩዳ ።
 5 ወርሐ ፡ ዐስር ፡ ወአርበዕ ፤ ዐስተር ፡ ለውሉድ ፡ ባዱሻ ።

455

እግል ፡ ናይብ ፡ እድሪስ ፡ ወድ ፡ ሐሰን ፡ ለቤሻ ።

I ሕጥምሎ ፡ ለህንራሪባ ፤ ዐተር ፡ ደራገጋ ።
 ልሑታ ፡ ለሳግም ፤ ወቀይም ፡ አሻበካ ።
 ሕጥምሎ ፡ ወእምኩሉ ፤ ባጽዕ ፡ እብ ፡ ፊርደታ ።
 ምስር ፡ ወእስጠንቡል ፤ ወሐበሻ ።
 5 ኢልትሐሸል ፤ ረበዕ ፡ ርቡዕ ፡ ቀራጠጣ ።
 ቀዋሴናይ ፤ ልኻት ፡ ዲብ ፡ ቀበታ ።
 በሓሬናይ ፤ ዐራይ ፡ አባ ፡ ለሐመሳ ።
 ውሐጥ ፡ ወመትበራይ ፡ ክም ፡ ለእት ፡ አንበጣ ።
 ዘሚት ፡ ወአትአታይ ፡ ክም ፡ ለእት ፡ ከበሳ ።
 10 ህማም ፡ ገባይሎታት ፡ ለአድሀይ ፡ ህማዘጋ ።

ምን፡ ለዐል፡ ዳግዎ፡ ትሰሚኸኝ፤ አስክ፡ ሮራ፡ ከበሳ።

ወምን፡ ተሐት፡ ዱለት፡ ትሰሚኸኝ፤ እት፡ ክላ፡ ለሐጅታ።

እግል፡ ናይብ፡ ክእኖ፡ ክም፡ ሐለዩ፡ አክል፡ ለደኖ፡ እቱ፡ አቅ
ሩሽ፡ ሀይሾ፡ ዐላ።

456

እግል፡ መሰላም፡ ወድ፡ መሐመድ፡ እት፡ ለሐምድ፡ ለቤላ።

I ዝኛር፡ ሐድራ፡ እቱ፤ መሐዝ፡ ረበል።

እግል፡ ሊሙት፡ አተዩ፤ ወእግል፡ ልቅተል።

እግል፡ ለሀብ፡ አተዩ፤ ክም፡ መርከብ፡ እግል፡ ልትነጅል።

ምስል፡ ሐሁ፡ ሰንጋል፤ ወሐሁ፡ አቡ-በከር።

5 ልብለዕ፡ ለጋባት፡ ሸሸሩ፤ ዲብ፡ ለጋባት፡ እት፡ ዐንደር።

ዲብ፡ አቡሁ፡ መሐመድ፤ ወእት፡ አቡሁ፡ ዕመር።

ጺናካ፡ አስኔ። ፍዮ፡ ሚ፡ ቦም፡ ሰብ፡ ሰምሀር።

መርባት፡ መስሐሊት፤ ጭሩም፡ ሌጣ፡ ትጃሽር።

ጽኑዕ፡ ሞላዳ፤ አስማም፡ በልዕ፡ ወዐንደል።

IO በርቃ፡ ዲቦም፡ ክም፡ ሀዳድ፤ አድምዓ፡ ዲቦም፡ ክም፡ ገደር።

እምበል፡ ሕወይ፡ ጸዐንዩ፤ መትሉቅ፡ እት፡ ልትኣቤ፡ ልጃዐን።

457

እግል፡ መሰላም፡ ወድ፡ መሐመድ፡ ለቤላ።

I ወድ፡ መሐመድ፡ ወድ፡ ጭሩም፤ ዲብ፡ መን፡ እግል፡ ልትዐጅል።

ስመዕ፡ ምንዲ፡ ሐኩካ፤ ወትሌ፡ ምንዲ፡ ትትመኸር።

ላሊ፡ ለጋሻዩ፤ ክምስል፡ መርከብ፡ ልትነጅል።

እት፡ ጨፎት፡ ለቀብል፤ ለዳቅት፡ እንዶ፡ ልትሐላል።

5 ወእት፡ ወሪድ፡ ለቀብል፤ እብ፡ ሐጻይን፡ ልዘርዘር።

ላሊ : ለገደቦ ፤ ለአዝውዓት : ምንዲ : ልትወጃር ።
ክም : ሐለዩ : ሀቱ : ሀዬ : ወአት : ሀበዩ ።

458

እግል : መስሐሊት : እት : ለሐምድ : ለቤሻ ።

I ድመል : መስሐሊት ፤ አቅሰነታ : ለመርባታ ።
ዲብ : ለቁሩን : አዳማ ፤ ወዲብ : ለግርዘይ : ማላታ ።
ምርሕት : ኢኮን : ወትሊት ፤ በኛ : በሐተት : ልባሳ ።
ቅርጠጥ : ገብአት : ከአክረረት ፤ ልካርዋ : ዲብ : ማዳ ።

* * *

5 ድመል : መስሐሊት ፤ እብን : ጸላም : ለምስጣራ ።
“ዘመትና” : እት : ልብሎ ፤ እብ : ነፍሳ : ጌሰት : ወማላ ።
ሀቶም : ቤሎም : ዐረኪ ፤ ወሀታ : ለስልጣን : አፍትሐ : እላ ።
አሐ : ሀበው : ወእንሳ ፤ ወድሪት : እቫ : ዕዋላ ።

459

እግል : መሐመድ : ንህባይ : ሹም : ዋይራ : እት : ለሐምድ :
ለቤሻ : ሕላየት ።

I ጸኑዕ : ረክበት : ለአርነዌት ፤ ስጋሃ : አክላብ : አበዩ ።
ለሀላ : ንዋይ : ምን : ፋጭል ፤ ለሞታ : አዳም : ረግዘዩ ።
ምድር : ቤት-መሐራ : ቱ ፤ ዳግሬማ : ምን : ብዕድ : ወርሰዩ ።
እንዶ : ወዳ : ከአታ ፤ ባርያይ : ለዕሉም : እደዩ ።

5 ሀያብ : ተንፉሰት ፤ ለገቢል : ነፍሱ : ሀበዩ ።
ወድ : እም : ኢኮን : ወወድ : አብ : ለዐርዘን : በኑ : በሐተዩ ።
እግል : ነሐምጆ : ቱ : ገድም : ለዕምሩ : ቀርበዩ ።

* * *

ዝምትት : ላታ : አተክራ : ጸሊም : ላቱ : አፍያቱ ።
ግሹር : ላቱ : አፍገራ : ጸቡጥ : ላቱ : ስጋዱ ።

10 ማይት፡ ላቱ፡ አቅሰና ፤ ታርፈት፡ ላታ፡ መርባቱ ።
 ምድር፡ ቤት-መሐራ፡ ቱ፤ ዳግሬማ፡ ምን፡ ብዕድ፡ ወርሳ፡ ቱ።
 እግል፡ ነሐም፤ ቱ፤ ገድም፡ ለአጅል፡ ቀርባ፡ ቱ ።

460

እግል፡ መሐመድ፡ ንህባይ፡ ቤት፡ አቡሁ፡ እንደ፡ ከሰኝ፡ ምን፡ ትሻከው፡
 ለቤሻ፡ ሕላየት ።

1 ወዲብ፡ ለእላ፡ ወዳ፤ ንህባይማ፡ ጠሐራ ።
 ዝመት፡ ላቱ፡ የብት ፤ ማሉ፡ እንደ፡ ዐሸራ ።
 ለውሀር፡ እት፡ ደራይር ፤ ኢኮን፡ ፈናጠራ ።
 ጀላት፡ ኢረክባ ፤ ወፈኸ፡ ኢዐቅበላ ።

461

እግል፡ መሐመድ፡ ንህባይ፡ ለቤሻ ።

1 አባይ፡ ወድ፡ መጽብእ፡ ልትበአስ ፤ ለዐድ፡ እንታ፡ ቱ፡ ጀላሉ ።
 ሐዳር፡ ጋሻየን ፤ ዐጄ፡ ምኑ፡ ጽዋሩ ።
 ወሐዳር፡ መምብሀን ፤ ኢሰትዮ፡ ድራሩ ።
 ብሽል፡ እንታ፡ እት፡ ከልዕ ፤ ሰክብ፡ ምኛ፡ እብ፡ ከኣሩ ።
 5 ትኪት፡ ኢኮን፡ ዐሙሩ ፤ ስቁል፡ ኢኮን፡ ሸሻሩ ።
 ስጡር፡ ኢኮን፡ ሞራሁ ፤ ወቆል፡ ኢኮን፡ ጽራሩ ።

* * *

ጥሉል፡ ዓሙዱ ፤ ሰለስ፡ ለንዋይ፡ ፋጨላ ።
 ሐዳር፡ ጋሻየን፡ ቱ ፤ ምንማ፡ ገብእ፡ ፈሰሳ ።
 ወሐዳር፡ መበለን፡ ቱ ፤ መአዜ፡ በልሳ፡ ጽብታ ።

10 መሸኪን፡ ወድ፡ መጽብእ ፤ አጠረሚን፡ ቱ፡ ወጀጃ ።
 እት፡ ምልጭ፡ ምጽእዎ ፤ አግዕራ፡ ዲብ፡ ለቀበታ ።
 እት፡ መጽዕን፡ ምጽእዎ ፤ ለመጽዕን፡ ክምሰል፡ ዛበጣ ።

እሊ : ክም : ሐለዩ : ህቱ : ህዬ : ቪ : ርያል : ሀበዩ : ወሳልማን :
 እንዶ : ቀበዮም : ትጋረፈዮም : እቱ ። ሐር : እብ : ድግማን : ክ
 እና : ሐለዩ ።

462

I አና : መጽአኮካ ፤ ወእንታ : ጸንሐከኒ ።
 ሰላም : ምን : እብለኸ ፤ ወመርሐባ : ምን : ትብለኒ ።
 መሸሩፍ : ኢሐዜኸ ፤ ሰዐጄ : ለነብረኒ ።
 ወመጽዐን : ኢሐዜኸ ፤ እግርዬ : ተበጽሐኒ ።
 5 ፈረንከት : ምን : ተሀይበኒ ፤ አና : ኢእምጽአኸ : ወእንታ :
ኢትጽንሐኒ ።
 እንዶ : አብዝሐ : ሀይብ ፤ ለክምሰሌካ : ሰኒ ።
 ወእብ : ድግማን : ጄ : ርያል : ወሰከዩ : ምስል : ለቀዳምያም ።

463

እግል : ከንቲባይ : መሐመድ : ሹም : ቤት-ሸሐቀን : እት : ለሐ
 ምድ : ለቤላ : ሕላየት ።

I ምን : አያ : ቱ : ወድ : መዐግብ : ወቀንጡብ : ፈግራ : ምን : በሐሩ ።
 ወጁህ : ሰሙል : ቱ : ወድ : መዐግብ ፤ ሆሬ : ልውዕል : መሐበሩ ።
 ሹም : ስሉስ : ቱ : ወድ : መዐግብ ፤ ኢልትበጆል : መምበሩ ።
 አሚን : አቤት : እዲና ፤ ወኢረክበቶ : ዐመሉ ።
 5 ምዕጥን : ዒማት : ቱ : ወድ : መዐግብ ፤ ለሕፋር : እት : ለመግበሉ ።
 ሐየት : ባልዕ : ቱ : ወድ : መዐግብ ፤ ገጹ : ዝወይ : ወአሰሩ ።
 ገመኔ : ቱ : ወድ : መዐግብ ፤ መን : ቀርሶ : ጅፈሩ ።
 እብ : ገመሽታ : ቀትሎ : ላማ : በዐል : ለአከሩ ።
 ኢትርኤ : ወኢትስመዕ : እኩይ : ቱ : አከይ : ግረሩ ።

10 ገጹ፡ ለዐል፡ በልሾ ፤ ሐጻ፡ እብ፡ ለጨበሉ።
ምድር፡ ሳብ፡ እዴሁ፡ ወአከይ፡ ገረት፡ ከንፈሩ።

464

እግል፡ ከንቴባይ፡ መሐመድ፡ ሀዩ፡ ለጬሻ።

1 ወድ፡ ሽኸር፡ ወድ፡ ብእምነት ፤ ጽንዕ፡ እዝን፡ አቦቱ።
እት፡ መሐሰስ፡ ነቅሙካ ፤ አድሁይ፡ ዶል፡ ለብቆቱ።
ለትዘመተት፡ ለተክሬ ፤ ኢገሚማ፡ እግል፡ ኖሱ።
እግል፡ ዕጉብ፡ መንገፍ፡ ቱ፤ ስምኛ፡ እልካ፡ ወአፎ፡ ቱ።

* * *

5 እት፡ ሚ፡ መራ፡ ትቡሎ ፤ ከእብ፡ ቀመጭጭ፡ ጸሰጣ፡
እት፡ ዴዋን፡ ልትሃጌ ፤ ለሮሻን፡ ዲብ፡ ለከርሸታ።
ወድ፡ ሐሳማ፡ ወድ፡ ሕሻል ፤ ሸመት፡ ወድ፡ ለርመሻ።
ሐጥር፡ ገደቦ ፤ ቦሸት፡ ወደ፡ ሸተታ።
ለሻይኛ፡ ገደቦ ፤ አስክ፡ ፈግር፡ ለነግረታ።

10 አፎ፡ ፋልካ፡ ኢእሰምዕ ፤ “እላ፡ ቤላ፡ ወወዳ”።

* * *

ወድ፡ ሻቢታይ፡ መምባካ ፤ ሸድ፡ ቤላ፡ ከአክረራ።
መሐመድ፡ ወድ፡ ሸንክሐይ፡ ኢርኤካ ፤ ክም፡ አድግ፡ እንዶ፡
አቅባላ፡

ወድ፡ ሐሳማ፡ ኢርኤካ ፤ ወዳ፡ እንዶ፡ ትዘፈራ፡
መሐዝ፡ ዳግሬ፡ ወግርግር ፤ ምን፡ ለዐል፡ ክዶ፡ ትወቅላ።

እሊን፡ ክም፡ ሐለዩ፡ ፬፡ ርያል፡ ሀበዩ።

465

እግል፡ መሐመድ፡ ወድ፡ ደበከት፡ እት፡ ለሐምድ፡ ለጬሻ።

1 ህምራራብ፡ ወድ፡ ህምራራብ ፤ ህምራራብ፡ ለምግብ።

እንደ ፡ ጸምኣ ፡ ኢረዌ ፤ ወእንደ ፡ ሰፍራ ፡ ኢጸግብ ።
 እንደ ፡ ተሀኸ ፡ ኢዐርፍ ፤ እንደ ፡ ተዐደባ ፡ ኢሰክብ ።
 ቀታል ፡ ኢሞታ ፤ ቤቱ ፡ ምልእት ፡ ሰለልብ ።
 5 ቀዋሴናይ ፡ እት ፡ ልትሃጌ ፤ ሰብ ፡ ሸርብ ።
 አና ፡ እንደ ፡ ናወልኮ ፤ ምኑ ፡ መምባ ፡ ኢእረክብ ።
 ወህቱ ፡ እንደ ፡ ትደመላ ፤ ኢከልኢኒ ፡ ወኢዐግብ ።
 ሓጥር ፡ አማናት ፤ “ግረቡኒ ፡ ወእገርብ” ።
 እላ ፡ ክም ፡ ሐለዩ ፡ ኪስ ፡ እክል ፡ ምሉእ ፡ ሀቡዩ ።

መሐመድ ፡ ወድ ፡ በሐይላይ ።

እብ ፡ ምስምሳ ፡ ድመል ፡ ለቤላ ።

1 ላሊ ፡ ሰለስ ፡ ገዩሳ ፤ ወርሕ ፡ ወኬማ ፡ ወጽኑይ ።
 ወላሊ ፡ ዝላም ፡ ትገይሻ ፤ ምንዲ ፡ ትመጽእ ፡ ምን ፡ አግቡይ ።
 ወእንደ ፡ ትዘልም ፤ ከትማልእ ፡ እቱ ፡ ለአጽዑይ ።
 ላሊ ፡ እንሳ ፡ ትገይሻ ፤ ጣይዕ ፡ ላቱ ፡ ወልቡይ ።
 5 ወላሊ ፡ ዕጉብ ፡ ገይሻ ፤ ዋዲ ፡ ላቱ ፡ ወውዱይ ።
 ላሊ ፡ ፋቲ ፡ ገይሻ ፤ ለሻሙ ፡ ጋይስ ፡ ወዕዱይ ።
 ወለት ፡ ሓጃ ፡ ዲብ ፡ ኮዲ ፤ በላ ፡ ታ ፡ ም ፡ ሰሊም ፡ ወድ ፡ ድኑይ ።
 እት ፡ አንፋ ፡ ክሞሚት ፤ ፋይ ፡ ባርህ ፡ ወውዱይ ።
 እት ፡ ግርግ ፡ ሶሚታት ፡ ቡ ፤ እዘና ፡ ፋኑቅ ፡ ቱ ፡ ወከርጉይ ።

እት ፡ ጸብኢት ፡ ሐሁ ፡ እድሪስ ፡ መርባቱ ፡ እግል ፡ ለቅስን ፡ ጋ
 ይስ ፡ እት ፡ እንቱ ፡ እት ፡ ምድር ፡ ሰንሐት ፡ ለቤላ ።

1 ወለት ፡ ሓጃ ፡ እት ፡ ኮዲ ፤ በላ ፡ ታ ፡ ዎ ፡ ሰሊም ፡ ምን ፡ ተአቴ ።
 ኢትብለክ ፡ “ሸየባ” ፡ አና ፡ ህታ ፡ ታ ፡ ስነቼ ።
 ወህታ ፡ ተአምራ ፤ እኩቼ ፡ ወሰኒቼ ።
 ሰከዬ ፡ ወሐጠርዬ ፤ ወኩሉ ፡ አጽጋማቼ ።

5 ሚ ፡ ላሊ ፡ ታ ፡ እላ ፡ ኢትጸብሕ ፤ ወሚ ፡ አምዕል ፡ ታ ፡ እላ ፡
 ኢትመሴ ፡
 ሚ ፡ ጽምእ ፡ ታ ፡ እላ ፡ ኢትቃርር ፤ ምን ፡ ክል ፡ [ዔላ] እት ፡ ትሰቴ ፡
 ሚ ፡ እግር ፡ ታ ፡ እላ ፡ ኢተዐርፍ ፤ ወሚ ፡ ከብድ ፡ ታ ፡ ኑብራ ፡
 ኢተሐዜ ፡
 ሐሶሴ ፡ ዎ ፡ እድሪስ ፤ ስካብ ፡ ሌጣ ፡ ሚ ፡ ወጄ ፡
 ሰብ ፡ ሐጸን ፡ ሀርሰኛ ፤ ጋባቱ ፡ በልዕ ፡ ወሰቴ ።

10 ሀርሰኛ ፡ እሊ ፡ የታይም ፤ ወእሊ ፡ አንስ ፡ ለበኬ ።

468

እት ፡ መርባት ፡ ሑሁ ፡ ሓምድ ፡ ለቤላ ።

1 እንቲ ፡ ወለት ፡ አቡካ ፤ አስካብ ፡ አባ ፡ ጋናቱ ።
 ለፈረም ፡ ተምቡካት ፤ ዲብ ፡ ሰለባ ፡ ቱ ፡ ቅብላቱ ።
 ለሂቦ ፡ ክም ፡ ለሂቦሆም ፤ ለጣራት ፡ ክም ፡ ለጣራቱ ።
 እብ ፡ አዳም ፡ ምን ፡ ቀስን ፤ ክል ፡ ዎሮት ፡ ጸኑዕ ፡ ቱ ፡ እት ፡ መሓዙ ።

5 ወእብ ፡ ንዋይ ፡ ምን ፡ ቀስን ፤ ረአሱ ፡ ሐልፋ ፡ ዳራቱ ።
 ለምልትሕ ፡ ዲብ ፡ ለምልትሑ ፤ ለምርጋዝ ፡ ክም ፡ ለምርጋዙ ።
 ለግንሐት ፡ ክም ፡ ለግንሐቱ ፤ ሰባሳብ ፡ ለዕንታቱ ።
 ወለት ፡ ሓጃ ፡ እት ፡ ኮዲ ፤ እሊ ፡ ዙዕና ፡ በላ ፡ ቱ ።
 ቀደም ፡ ክሎም ፡ ቱ ፡ ሸየባ ፤ ጸሊም ፡ እንቱ ፡ ስኛቱ ።

469

እት፡ ቅብላታ፡ ከንቴባይ፡ ቫውኸ፡ ለቤሻ ።

- I ወለት፡ መሐመድ፡ ወድ፡ መዲን ፤ አምና፡ ሰጅም፡ ወሀንገላ ።
- ሀታማ፡ ዕኸር፡ ታ፡ ቤሉና ፤ ተትሃጅኸ፡ ለመሐበራ ።
- ሀታማ፡ ግርም፡ ታ፡ ቤሉና ፤ ግርሳ፡ ጋብአት፡ ሀወራ ።
- ወሀታማ፡ ቅዲት፡ ታ፡ ቤሉና ፤ ዘባድ፡ ጼኔ፡ ሰንደላ ።
- 5 እንታ፡ ቅታልካ ፤ ተላይ፡ ቱ፡ ክምሰል፡ ትፈረረ ።
- ሕና፡ ውዳይና ፤ ዳራት፡ ቱ፡ ክምሰል፡ ተሐደራ ።
- ወእብ፡ እዴና፡ እንወጄ ፤ ወንትላከያ፡ ለአምሐራ ።

470

ሕላዩት፡ እናስ፡ ዐድ-ትማርያም ።

- I ሽምብራብ፡ ኬደቶ ፤ ቅፍርላ፡ ወጋድም-ገርሳ ።
- ገመኔታት፡ ከይጆ ፤ ረክስ፡ ለቅታል፡ ደርሳ ።
- ዘላይም፡ ከይጆ ፤ ሸማል፡ ለአውል፡ በልሳ ።
- ወሐይዝ፡ ከይጆ ፤ ዐርዘን፡ ጸሊም፡ ደርካ ።
- 5 ሐረምዝ፡ ከይጆ ፤ ድማ፡ እብ፡ ለዐውለታ ።
- ሸወኸን፡ ከይጆ ፤ ማይ፡ ለአብሐር፡ ሰይታ ።
- መሐመድ፡ እግል፡ ከዲጃ ፤ ዲብ፡ መርኢታ፡ ሸፍጋ ።
- ሕና፡ እግል፡ መርኢታ ፤ ከሉ፡ ለዳርና፡ ተርፋ ።
- መን፡ ቱ፡ ክምሰሌና ፤ እት፡ ልትመወን፡ ነቅሳ ።

471

ሕላዩት፡ እናስ፡ ዐድ-ትማርያም ።

እግል፡ ሐኛ፡ ሽምብራብ ።

- I ሽምብራብ፡ ኬደቶ፡ አና-ገርሳሌ፡ ወመርከን ።

ሽምብሬብ ፡ አዋልድ ፤ ቅዱት ፡ ጸላም ፡ ወሰንደል ።
እግል ፡ ሽምብሬብ ፤ በላ ፡ ዕጅል ፡ ወድ ፡ መንደር ።

* * *

ሽምብሬብ ፡ ኬደቶ ፤ ድብር ፡ ወእሊ ፡ ሕጻጻት ።
5 እት ፡ ረአስ ፡ ለቀረቅብ ፤ ጋሩ ፡ እሊ ፡ መዳሳት ።
ዐድ ፡ ጋይም ፡ ነብሮ ፤ በዲርማ ፡ እሊ ፡ አንካካት ።

* * *

ሽምብሬብ ፡ ኬደቶ ፤ ሞገዕ ፡ ወጋድም ፡ ቀጣሪት ።
እግል ፡ ሽምብሬብ ፤ ቦላ ፡ ውላድ ፡ ሰብ ፡ ለዓሊት ።
ዋስ ፡ ገለብ ፡ ቴለኒ ፤ በልሰተኒ ፡ ሰራሪት ።
10 እት ፡ ሚ ፡ ተኡብዋ ፡ ጸርና ፤ ምን ፡ ተሐክኩም ፡ መታሊት ፡
ከይዶ ፡ አለቡ ፤ እምበል ፡ ሐማስ ፡ ወድ ፡ ጭግኒት ።

* * *

ሽምብሬብ ፡ ኬደቶ ፤ ወድ ፡ ልባቦ ፡ ወግዕሳይ ።
ሐመልማል ፡ ሰራ ፡ ረማዲ ፤ ረአሳ ፡ ፋግር ፡ ምን ፡ ዕጨይ ።
ሽምብሬብ ፡ አዋልድ ፤ ለዳወራ ፡ ዲብ ፡ እደይ ።

* * *

15 ሽምብሬብ ፡ ኬደቶ ፤ ወድ ፡ ልባቦ ፡ ወኢቶ ።
መስከብ ፡ ዳመራብ ፡ ቱ ፤ እሊ ፡ አዜ ፡ ትነኸሶ ።
አስጉን ፡ ወአራባት ፤ ወዳ ፡ ዲቡ ፡ ህንዲዶ ።
ሽምብሬብ ፡ አዋልድ ፤ ድብክታ ፡ ቀቢጮ ።

* * *

ሽምብሬብ ፡ ኬደቶ ፤ ጋድም ፡ ግድር ፡ ለሕሮና ።
20 ከብድ ፡ ፋቲ ፡ ኢተአምሮ ፤ ዎ ፡ እንቱም ፡ ጸርና ፡ ድቦና ።
“እትለበስ” ፡ ምንዲ ፡ ልብለኩም ፤ ከብድ ፡ ፋቲ ፡ እሞና ።
ፋቲ ፡ ላሊ ፡ ኢሰክብ ፤ ክም ፡ ለእት ፡ ለሕሮና ።

* * *

ሽምብሬብ ፡ ኬደቆ ፤ ደብር ፡ ለዐራብ ፡ ወደ ፡ ምቅልም ።
ምስል ፡ ወለት ፡ ትመዩከ ፤ ማሌ ፡ ላሊ ፡ እብ ፡ ሕልም ።

25 ዐርጨጨማ ፡ ደባቢክ ፤ ረአሳ ፡ ኮሳን ፡ ወክልም ።

* * *

ሽምብሬብ ፡ ኬደቆ ፤ ደጋደጋ ፡ ወዖና ።
እሊ ፡ ሕላይ ፡ ሽምብሬብ ፤ መን ፡ ደግሞ ፡ ሐቆና ፡

* * *

ሽምብሬብ ፡ ኬደቆ ፤ ገርገር ፡ ለእዝን ፡ ሐርመት ።
ፋቲ ፡ እግል ፡ በዐል ፡ ሻሙ ፤ ልትላበሻ ፡ ክም ፡ ሽመት ።

* * *

30 ሽምብሬብ ፡ ኬደቆ ፤ እሊ ፡ ሕጻጽ ፡ ደገሉብ ።
ሽምብሬብ ፡ አዋልድ ፤ ቅዲት ፡ ትጼኔ ፡ ወመሐሉብ ።

* * *

ሽምብሬብ ፡ ኬደቆ ፤ እሊ ፡ ሕጻጽ ፡ ምን ፡ ደማን ።
እግል ፡ ሽምብሬብ ፤ በላ ፡ ሸካይ ፡ ወደ ፡ ዕትማን ።
በአስ ፡ ሐይስ ፡ እብ ፡ ኤማን ፤ ወሀያብ ፡ ሐይስ ፡ እብ ፡ ርሐማን ።

* * *

35 ሽምብሬብ ፡ ኬደቆ ፤ ማሌ ፡ ጋድም ፡ ጀጌሩ ።
ዐርጨጨማ ፡ ደባቢክ ፡ አንስ ፡ አባ ፡ ገዲሉ ።
አንስ ፡ ምንማ ፡ ገድለዩ ፤ ክላል ፡ አባ ፡ ሰጠሩ ።
ክላል ፡ ምንማ ፡ ሰጥረዩ ፤ ዐርቀዩ ፡ አባ ፡ አኪሉ ።

* * *

ሽምብሬብ ፡ ኬደቆ ፡ አፍ ፡ ማይ ፡ አሌ ፡ ወላባ ።

40 ሽምብሬብ ፡ አዋልድ ፡ ደቦከታ ፡ ጭንዓባ ።
እግል ፡ ሽምብሬብ ፡ በላ ፡ ም ፡ መሐሙድ ፡ አካባ ።

* * *

ሽምብሬብ ፡ ኬደቶ ፤ ማሌ ፡ ጋድም ፡ ቅላመት ።
እንሳ ፡ ዐሊ ፡ ትኑብሮ ፤ ተሐዜ ፡ ዲቡ ፡ ግርጋመት ።
ሽምብሬብ ፡ አዋልድ ፤ ደብከታ ፡ ሕያመት ።

* * *

45 ሽምብሬብ ፡ ኬደቶ ፤ ላማ ፡ ጋድም ፡ ቅፍርላ ።
ሽምብሬብ ፡ አዋልድ ፤ ዶንክ ፡ ለሸማል ፡ ጌልላ ።

* * *

ሽምብሬብ ፡ ኬደቶ ፤ ማሌ ፡ ጋድም ፡ ሦብላት ።
አና ፡ ወእላ ፡ ሽምብሬብ ፤ መሶ ፡ ሕና ፡ ወስነት ።
ሽምብሬብ ፡ አዋልድ ፤ ደብከታ ፡ ቅምጅላት ።

* * *

50 ሽምብሬብ ፡ ኬደቶ ፤ ጋድም ፡ ክልኤ ፡ ሐፉላት ።
ክልኤ ፡ እለን ፡ ሽምብሬብ ፤ እግል ፡ ሕላይ ፡ ስንጉራት ።
ወክልኤ ፡ እለን ፡ ሽምብሬብ ፤ ማይ ፡ ለሸማል ፡ ቡሹራት ።
ክልኤ ፡ ነኦት ፡ መቃርብ ፤ ዲብ ፡ አፍያተን ፡ ፀቁላት ።
ወክልኤ ፡ ነኦት ፡ ሐራሳት ፤ ክልኤ ፡ ሻከት ፡ ሕፉራት ።

55 ክልኤ ፡ አስጉን ፡ ግራታት ፤ ዲብ ፡ ለደበት ፡ ቡሩራት ።
ክልኤ ፡ ሞራ ፡ ወጋሪ ፤ ስምጥ ፡ ዐድ ፡ ሕድ ፡ ጸጉራት ።
ወክልኤ ፡ ሞራ ፡ ቀዳደት ፤ እብ ፡ ዕራታት ፡ ከቱራት ።
ክልኤ ፡ ግሸት ፡ ወሬዛ ፤ እብ ፡ ደራይር ፡ ሁሉላት ።
ክልኤ ፡ ገሉብ ፡ ዐገባ ፤ ወክልኤ ፡ ግርቢት ፡ ፀሩራት ።

60 ክልኦት ፡ ሰይፍ ፡ አፍርንጂ ፤ ወክልኤ ፡ ቤቶም ፡ ጅሉዳት ።

* * *

ሽምብሬብ ፡ ኬደቶ ፤ ማሌ ፡ ጋድም ፡ ደከኖ ።
እንዜ ፡ ወኬን ፡ ትትሀንዘዝ ፤ ዐኒግ ፡ ረኦስ ፡ ለከበሮ ።
ገርባ ፡ ንያላት ፤ ዓጽም ፡ ኢከን ፡ ወገኖ ።

“ ሰኚ ፡ ሀሌት ” ፡ ልብሉና ፤ ውላድ ፡ ዐድና ፡ ልንበሮ ።
 65 እት ፡ ለሐኪ ፡ ኢትእከይ ፤ ለእላ ፡ ቤለው ፡ ሊበሎ ።

472

ዕመር ፡ ወድ ፡ በሸቁር ።

1 ኢቲዴኔ ፡ በዐልዬ ፤ ፋቲ ፡ እቡይ ።
 ህታ ፡ ፋትየት ፡ ትግበእ ፤ ወአና ፡ ፍቱይ ።
 ፋቲ ፡ አስተንታኑ ፤ ወክድ ፡ አምሱይ ።
 ህታ ፡ ወለት ፡ ዐለት ፤ ወአና ፡ ልንጉይ ።
 5 ህታ ፡ ዓግር ፡ ጉብአት ፤ ከቦሃ ፡ ልወይ ።
 ወአና ፡ በጽሕ ፡ ጉብአኮ ፤ ሐለንጋዩ ፡ ክሩይ ።

473

ክም ፡ እሸራ ፡ በሌላ ።

1 “ ዕመር ፡ ዕመር ” ፡ ልብላ ፤ አንስ ፡ በዲር ።
 አሮ ፡ ትደላደልኮ ፤ እግል ፡ ቀበር ።
 ስነት ፡ ህዳይ ፡ ኢገአኮ ፤ በይእ ፡ ፈጊር ።
 ወስነት ፡ መሐበር ፡ ኢኮን ፤ ስጋ ፡ ፈጠር ።
 5 ሀያብ ፡ ዕሌጁታት ፤ ወሀያብ ፡ ፋጠት ፡ ሐሪር ።
 ሀያብ ፡ ወድ ፡ መቱላ ፤ ለሐፋና ፡ ቀሊል ።
 ሀያብ ፡ ጅንግሊታት ፤ ሸካኒሁ ፡ መሪር ።
 ዕመር ፡ ለስረቱ ፤ በጽሕ ፡ ቀሊል ።
 ወዕመር ፡ ግሳዩቱ ፤ ግምቦ ፡ ሸሊል ።

474

ዕትማን : ወድ : ሕመድ : ስዒድ ::

እብ : አሐሁ : እት : ምድር : ቤት-አብርሃ : ነብር : ዐላ : እግል :
ከንቴባይ : ቴድሮስ : እንዶ : ትከተላ :: ሐር : እግል : ወድ : ሕመድ :
ስዒድ : ከንቴባይ : ቴድሮስ : ከራዬ : አተዝመተዩ :: ከለአሐሁ :
ክም : ትዝመተት ፤ “ከንቴባይ : ቴድሮስ : ክቼሉ : ዲብ : አና : ጠል
መኒ” : እንዶ : ቤላ : እላ : ሐላ ::

- I እላ : ከንቴባይ ፤ ዲብ : አካና : ወሐሰት ::
- ከንቴባይ : በዐላ : ወድ : ፍካክ : ቱ ፤ ለእብ : አፍርንጂ : ልትኤከክ ::
- መጽዐት : ጅንግላይ : ቱ ፤ ኢኮን : ፈረስ : መኬደት ::
- ጸኑዕ : ቱ : ቴድሮስ : ወድ : እድሪስ ፤ ዲብ : ሐንቴ : ለወግሬተት ::
- 5 ስርቅት : ላታ : ተአትዮ ፤ ምን : እማታ : ለጌሰት ::
- ወተረብ : ላቱ : መጽኦ ፤ ጎሁ : ትጸንሕ : ፍሬተት ::

475

እላ : ክም : ሐላ : ከንቴባይ : ቴድሮስ : ሀዬ : ትደመላ : እቹ ::
ከወድ : ሕመድ : ስዒድ : እብ : ድግማን : እግል : ከንቴባይ : ቴድ
ሮስ : እት : ለሐምድ : እላ : ሐላ ::

- I ቀጥፈትና : እግል : ንክሬ ፤ ሐና : ቴድሮስ : ቱ : መምባና ::
- መገስ : ወዳሳስ ፤ ትራፍዓ : ወትካራ ::
- እግል : ጸጋ : ከንቴባይ ፤ መንሰዕ : ገአት : ብጣራ ::
- አበዛ : ወአብ-ገላይ ፤ ለሀይዲ : ገብአ : ፍዛና ::

476

መሳኒቱ : ወመሳኒት : አቡሁ : እት : ለሐምድ : ለቤላ ::

- I መስኒ : አብሁ : አብካ ፤ ወኢሐድገዩ : እት : አካን ::

መስንሁ ፡ መሐመድ ፡ ወድ ፡ ናሽሐ ፡ ቱ ፤ ጽዋር ፡ እሉ ፡ ቱ ፡
 ምን ፡ ብታር ።
 በዲር ፡ ለገሉብ ፡ ወድ ፡ ቱድሮስ ፤ ክፍኢት ፡ ኢኮን ፡ ወሐጫር ።
 ወሐር ፡ ለገሉብ ፡ ወድ ፡ ዐሴ ፤ ረቃቅ ፡ ኢኮን ፡ ወጀንጋል ።
 5 ሳልስ ፡ ለገሉብ ፡ ወድ ፡ ናይብ ፤ ማጽአት ፡ እንታ ፡ ምን ፡ ስልጣን ።
 መስንሁ ፡ ሳልሕ ፡ ወድ ፡ ህብቴስ ፡ ቱ ፤ ሔሴ ፡ ባትክ ፡ ቱ ፡ ወዕዳል ።
 መስንሁ ፡ ሰሊም ፡ ወድ ፡ መሐመድ ፤ ገዋድ ፡ እሉ ፡ ቱ ፡ ወሕጸን ።
 መስንሁ ፡ ጀሚል ፡ ወድ ፡ ጅምዕ ፡ ቱ ፤ ወክድ ፡ ሉሉ ፡ ወዕላል ።
 መስንሁ ፡ በሐይላይ ፡ ወድ ፡ ባርያይ ፡ ቱ ፤ ምንደእ ፡ እሉ ፡ ቱ ፡
 ወምንዋል ።

477

ስልጣን ፡ ወድ ፡ ሓምድ ።

እግል ፡ ፈዳሰት ፡ ረሴ ፡ ሰሐሲድ ።

1 ላይላህይለላ ፡ ኢላሂ ፡ ቱ ፤ ወመሐመድ ፡ አረሱልላ ።
 ላይላህይለላ ፡ ምን ፡ ትብሎ ፤ ለጀባር ፡ ኖሱ ፡ ጅብሯ ።
 ስምሐና ፡ እዲና ፤ ዎሮ ፡ ትሰአና ፡ መክራ ።
 ማክራያ ፡ ኢትሰምዕ ፡ ቱ ፤ አመት ፡ ለመለክ ፡ ጌልላ ።
 5 ለመለክ ፡ እገራኤል ፤ ክላ ፡ ሕበር ፡ ቃትላ ።
 ለጎረት ፡ እንዶ ፡ አብጽሐያ ፤ ለድቕት ፡ እግል ፡ ለቅብላ ።
 መለክ ፡ ሚካኤል ፡ ለአርሣቅ ፡ ዐላ ፡ ካፍላ ።
 መለክ ፡ ሱራፊል ፡ ለረሐመት ፡ እግል ፡ ለንዝላ ።
 መለክ ፡ ለቀዳብ ፡ እብ ፡ ከረብጅ ፡ ከልክላ ።
 10 መለክ ፡ ጸብጣይ ፡ አጅሀነብ ፡ ሰኒ ፡ እግል ፡ ለግህራ ።
 ኪር ፡ ወመንኪር ፡ ለእት ፡ ለስእላት ፡ ወክላ ።
 ዐቁቅ ፡ ወረቲቅ ፡ ከትቦ ፡ ዐለው ፡ እብ ፡ ግራ ።

ሃጁጅ፡ ወማጁድ፡ 1) መን፡ እግል፡ ለስእላ፡

እብ፡ ኖሳ፡ ኢትገይስ፡ ቱ፡ ጸሓይማ፡ ለመለክ፡ ጌልላ።

15 ለሸምሽ፡ 2) እግል፡ ኢቲዳር፡ ሰኒ፡ እግል፡ ለዐደላ።

ሐመድኮካ፡ ኢላሂ፡ በሐርማ፡ አልማ፡ ዐሸራ።

ምሴ፡ ምን፡ ሕድ፡ ትትዓየር፡ ወፈጅር፡ ዲብ፡ ሕድ፡ ፊርራ።

ለሰመእ፡ ምን፡ እርድ፡ እምበል፡ ታክያት፡ ሰቕላ።

ታክያታ፡ አልሕምዳ፡ ታ፡ እሻ፡ እግል፡ ለብጥራ።

20 ለአርደት፡ እግል፡ ኢትብሀጅ፡ እብ፡ መሳምር፡ ታክላ።

እላ፡ ታ፡ ዛምተት፡ እርሕማን፡ ዎ፡ መላሀይ፡ ምንዲ፡ ተአምራ።

ዛምተት፡ ሐጸን፡ ኢኮኔ፡ በለሕ፡ ለበዐላ፡ ልስሕላ።

ዛምተት፡ ርሻሽ፡ ኢኮኔ፡ ዐረት፡ ለሼጣን፡ ልፍዕላ።

አፎ፡ ሐላል፡ ኢትብሎ፡ ሰኒ፡ እግል፡ ለምብራ።

25 ሐላል፡ ምንዲ፡ ኢትብሎ፡ ክእኒ፡ ርጅም፡ ቀብራ።

አፎ፡ ረሺ፡ ኢትፈራህ፡ ሞትማ፡ እሳት፡ ትመርራ።

አፎ፡ ረሺ፡ ኢተሐምዶ፡ ሐምዴ፡ ምንዲ፡ ተአምራ።

ሀቱ፡ ኑብራ፡ ኢነስእ፡ ቱ፡ ነፍሱ፡ ታ፡ ወሸክር፡ ተአክላ።

ሀቱ፡ ላሊ፡ ኢሰክብ፡ ቱ፡ ቀመት፡ እግል፡ ለንፍራ።

30 ጎማት፡ ዴዋን፡ አልአክበር፡ በኪት፡ ላቱ፡ ሐደራ።

ጅብ፡ ወኪል፡ አረሱል፡ ቱ፡ ለዲብ፡ ሞላዩ፡ ፈግራ።

ኢትትሕራ፡ ቱ፡ ወኢትቀደም፡ ለምዕል፡ ኖስካ፡ ተአምራ።

ከብዳ፡ ኢኮን፡ ዝኑባ፡ ረሺ፡ ኖሱ፡ ለቅፍራ።

ላይላሀይለላ፡ መሐመድ፡ አረሱልላ።

1) So im Original; es ist wohl ወማጁጅ zu lesen.

2) Wohl in ለሸምሽ zu verbessern.

ጸኝ፡ ሰብ፡ ሕዋላሁ፡ እንደ፡ ጠልመዎ፡ ቡን፡ እሸኞም፡ ምን፡ ሰተው፡ ምኝ፡ ለቤሻ ።

- I ሐመድኮካ ፡ ኢላሂ ፤ ወሃ ፡ ቱ ፡ ጀላ ፡ ጀላሉ ።
 ገሌ ፡ ጽጉብ ፡ ወደዮ ፤ እብ ፡ አርዛቁ ፡ ወማሉ ።
 ወገሌ ፡ ድቡር ፡ ወደዮ ፤ ፈሊላይ ፡ ጸዐዳ ፡ አጽፋሩ ።
 ወገሌ ፡ ፈዳብ ፡ ወደዮ ፤ እት ፡ ከባክብ ፡ አኃሩ ።
- 5 ወገሌ ፡ ሐዋን ፡ ወደዮ ፤ ነሱእ ፡ ምኝ ፡ ድራሩ ።
 ወገሌ ፡ ማይት ፡ ወደዮ ፤ አከኛን ፡ ቱ ፡ ለዳሉ ።
 ገሌ ፡ ሐይ ፡ ወደዮ ፤ ገናዳሉ ፡ ወበሃሉ ።
 አምዕል ፡ መና ፡ ሞላዬ ፤ ምኛ ፡ ኖር ፡ ለአንዋሩ ።
 ወላሊ ፡ መና ፡ ሞላዬ ፤ ዕንታት ፡ እግል ፡ ዓዋሩ ።
- 10 ወጀነት ፡ መና ፡ ሞላዬ ፤ ምኛ ፡ ስር ፡ ለአስራሩ ።
 ወእሳት ፡ መና ፡ ሞላዬ ፤ እግል ፡ ለእኸይ ፡ ዓማሉ ።
 ወረሺ ፡ አምረኛ ፤ ወአዳም ፡ በዐል ፡ ለኤማኑ ።
 ሕናማ ፡ ረሺ ፡ ቱ ፡ ሀይበኛ ፤ ሙሉእ ፡ ሀላ ፡ አክዛኑ ።
 ለእት ፡ ትፈትዮ ፡ እቤካ ፤ እንታማ ፡ ትወጄ ፡ አካኑ ።
- 15 ለእት ፡ ተሀይቦ ፡ ከልአካ ፤ ክል ፡ ዎሮ ፡ ልውዕል ፡ እብ ፡ ማሉ ።
 ምንዲ ፡ ነሀርሰካ ፤ ናዘዕ ፡ ወክቡድ ፡ ቅሳኑ ።
 ስካብ ፡ ላሊ ፡ ከልኤኛ ፤ ዐገምብስታ ፡ ለጃርጃሩ ።
 አና ፡ ፋገዘዕ ፡ ትመዬኮ ፤ ወአዳም ፡ ብዕድ ፡ ኢፋሉ ።
 አበራ ፡ አቡካ ፤ ጌሳ ፡ እባ ፡ ድናኑ ።
- 20 ቀትለዎ ፡ አቡካ ፡ ከሉ ፡ ሰዐዩ ፡ ጥርዓኑ ።
 ሸሃላ ፡ ቀትለቶ ፤ አዳምማ ፡ ምኛ ፡ ሐዋኑ ።

ሀቱ ፡ ወቤት ፡ አቡሁ ፡ ቤለው ፤ “ አብዕብና ፡ ዐሊ-ሚንጣልም ፡

ቱ፡ ወምን፡ አሽራፍ፡ ሕና። ጸውራ፡ ሀዬ፡ “አብዕብኩም፡ ኢኮን”፡
ቴሎም። ከሀቱ፡ ሀዬ፡ እላ፡ ሐላ።

1 ከእላ፡ ጎራ፡ ቤት፡ ሐራን፤ ትቃበበታ፡ ምን፡ በደት።

11፡ ምንዲ፡ ጠለቀት፤ ወአካባታት፡ ወዕሌት።

አዜ፡ ትዛበዎ፤ ከአቅሩሽ፡ ዐልቦ፡ እት፡ ከድቤት።

አብዕብዬ፡ መሐመድ፡ አረሱል፡ ቱ፤ መን፡ ረኸሾ፡ እብ፡ ትምኔት።

5 አብዕብዬ፡ ዐሊ-ሚንጣልም፡ ቱ፤ ለክፋር፡ ታትል፡ እብ፡ ስሜት።

አብዕብዬ፡ ሐሰን፡ ወድ፡ ዐሊ፡ ቱ፤ ወድ፡ አረሱል፡ ሀለል፡ ቤት።

አብዕብዬ፡ የዐቆብ፡ ወድ፡ ሐሰን፡ ቱ፤ ፋጥና፡ ወልዳ፡ ክም፡ ሐዜት።

ወአብዕብዬ፡ ዐሊ፡ ወድ፡ መዖ፡ ቱ፤ ሸየም፡ ሓርድ፡ ቀበት፡ ቤት።

ኢትሳረቃ፡ ክም፡ ሴርቃይ፤ ወኢትዳነና፡ እብ፡ ቅምቤት።

10 ወአብዕብዬ፡ ዐሊ-ዕቀቦ፡ ቱ፤ ማጻት፡ ከልእ፡ ምን፡ ደሴት።

ሐስመት፡ በልዕ፡ ፍጋራ፤ እት፡ ትትጊለል፡ ክም፡ አቴት።

ምን፡ መኸ፡ ቃንጸት፡ ታ፤ ምን፡ ድሸማን፡ ለአንረዌት።

በዲርማ፡ ከራ፡ ዐብደላ፤ እት፡ ገናይዛ፡ ሚ፡ ኢትውዔት።

ደብረን፡ ጀበል፡ ዐረፋ፡ ቱ፤ ልትፈረጅሁ፡ ክል፡ ምሴት።

15 ሐሪር፡ ቀይሕ፡ ቱ፡ ልባሰን፤ ኢሻፍጣሃ፡ ለበሌት።

መነተን፡ ምን፡ ዕነብ፡ ቱ፤ ገርሳ፡ ኢኮን፡ ወሸዌት።

እንሳ፡ ቀየሕ፡ ታ፡ እንሱሰን፤ እባ፡ ቀንጸ፡ ምን፡ ዕሌት።


አፍሩስ፡ ቀርሒት፡ ቱ፡ መጽዐና፤ እሉ፡ ትላጅም፡ ክም፡ ሐዜት።

ዲብ፡ ለብስጣና፤ ሕሴን፡ ሐድገት፡ ታ፡ እብን፡ ዜድ።

20 እብ፡ ዐቂቅ፡ አብሀዘት፤ ኬደት፡ ዲቡ፡ ሰብ፡ ስጤት።

እብ፡ ጸዐዳ፡ እንመጽእ፤ ኢንትሃጌ፡ እብ፡ ሕሜት።

ዓይለት፡ ቀብር፡ ከልአታ፤ መግለል፡ ቱ፡ ኒበል፡ ማ፡ ቅዌት።



ሐይለት ፡ ዐድ-ሀብቱስ ።

(ሐባብ ።)

አሚር : ወድ : ገሰህ ።

እት : ሐባብ : ሹም : ፍካክ : ወድ : ናውድ : ለልትበሀል : ዐላ ።
 ወህቱ : ሐምስ : ውላድ : ዐለው : እሉ ፤ ገርጊስ : እዛዝ : ጃውጅ :
 ህዳድ : ወግሬነት ። ፍካክ : አቡሆም : ክም : ሞታ : ወልዱ : ገርጊስ :
 አሰሩ : ትሸየማ ። ህቱ : ሀዬ : አጊድ : እምበል : ተርፍ : ክም : ሞታ :
 ሐሁ : እዛዝ : ትሸየማ ። ወህቱ : ክም : ሞታ : ቤት : አቡሁ : ዲብ :
 ጃውጅ : መጽአት : ወቴሎ ፤ “ አዜ : እግል : ንሸይመኸ : አመስልም ” ።
 እስልምና ፣ ክም : ዕምር : ጥወል : ምን : ዐለበው ። ወህቱ : አመስ
 ለማ : ወትሸየማ : ወእት : ምድር : ሐባብ : ጸንዓ ፤ ረክባ : ውብዙሕ :
 ትወቅላ ፤ ትሰማ : ወተአታ ። ወክላ ፣ ቤት : አስገዴ : እብ : ሕክሙ :
 ተዐይር : ወትትፈረር : ዐለት ።

ለዶል : ለሃ : እት : ለሐምጾ : አሚር : ወድ : ገሰህ : ክእኛ : ሐለዩ ።

I ሀደግደጊን : ቱ : መምባዬ ፤ በርጁ : ሐጸት : ታመሳ ።

ድሩይ : አካባ ፤ እት : እማቱ : አነሳ ።

ድሩይ : ገለሲት ፤ ነቄ : ቤታ : ሀንደሳ ።

ሞታ : ገልገል : ጸበቡ ፤ ወሸመጋዲ : ትገሰሳ ።

5 ሓበላ : ወሕዴዳ ፤ ወምልክናይ : ካየዳ ።

አገላ : ወጋላ ፤ ለሸየም : ዐቢ : ሕድ : ደአካ ።

ከንቴባይ : ጃውጅ : ሹም : እት : እንቱ : ምስል : ሐሁ : ህዳድ :
 እብ : ምስምሳ : ሸመት : ትብአሳ ። ወህዳድ : ትደቅበዩ : ወምን :

ናይብ ፡ እንደ ፡ ትሸየማ ፡ እት ፡ ዐዲ ፡ አቅበላ ፡ ከቤት ፡ አቡሁ ፡ ት
ታለዎ ፡ ወከንቴባይ ፡ ጃውጅ ፡ ትሰዐራ ።

ሐቆሃ ፡ ምን ፡ ዐዲ ፡ ነቅፋ ፡ ለልቡሎ ፡ ሰካ ፡ ከእት ፡ ምድር ፡ መን
ሰዕ ፡ መጽአ ፡ እንደ ፡ ዐላ ። ምስል ፡ ንዋዩ ፡ ወውላዳ ፡ እብ ፡ ቤቱ ፡
እት ፡ ህሻኖ ፡ ዔራ ፡ ወንዋዩ ፡ እታ ፡ እንደ ፡ ሐድጋ ፡ እት ፡ ገለብ ፡
መጽአ ፡ ከእት ፡ ዝልዝሌተት ፡ ሐድራ ። ወመንሰዕ ፡ ትከሰተዎ ፡ ወ
ዕቤላ ፡ ጽምድ ፡ አናደው ፡ እሉ ፡ ወአሓ ፡ አምጽአው ፡ ወሓረደው ፡
እሉ ። ህቱ ፡ ሀዬ ፤ “ዐይብኩም ፡ አና ፡ ገድም” ፡ ቤሎም ። ህቶም ፤
“ሰኚ” ፡ ቤለው ። ለእዋን ፡ እት ፡ ገለብ ፡ እት ፡ እንቱ ፡ ሕጻናቱ ፡ ወአ
ግብሩ ፡ እግል ፡ ቤት ፡ አቡሁ ፡ ዘምቶ ፡ ነብረው ። ወለዶል ፡ ለሃ ፡
አሚር ፡ ወድ ፡ ገሰህ ፡ ሐለዩ ።

I “ጋዶ ፡ ጃውጅ ፡ ወድ ፡ ፍካክ ፤ ቅምቤት ፡ ዔራ ፡ እት ፡ ዐዶዴ ።
ቅምቤት ፡ ለክስታን ፡ ሐራሳት ፤ ቤት-ጅራብሩክ ፡ ወዐውቁ ።
ከረቸ ፡ ሐዛ ፡ ቀቴሉ ፤ ዐርቦታታ ፡ እት ፡ ለሐሌ” ።

ሐቆሃ ፡ ቤት ፡ አቡሁ ፡ እግል ፡ ህዳድ ፡ እብ ፡ ገሌ ፡ ምስምሳ ፡ ምን ፡
አበዎ ፡ እግል ፡ ከንቴባይ ፡ ጃውጅ ፡ ደክለዎ ፡ ከአተዎ ፡ ወእት ፡ ዐዲ ፡
ትሸየማ ።

ከንቴባይ ፡ ጃውጅ ፡ ዲብ ፡ ዐዲ ፡ ክም ፡ አቅበላ ፡ ወክም ፡ ትሸየማ ፡
አሚር ፡ ወድ ፡ ገሰህ ፡ ሐለዩ ፡ እት ፡ ልብል ፤ “አስሄ ፡ ቦሎ ፡ ከንቴ
ባይ” ። እሊ ፡ በሀለቱ ፤ “አርሄ ፡ ገድም ፡ ሸመት ፡ ወመምበር ፡ ሐቆ ፡
ጸበጥካ ። ለእሉ ፡ ወደወካ ፡ አትፍቀድ ፡ አተዎምጽ ፡ ወአትቅዐር ፡
ገቢለትካ” ። ህቱ ፡ ብዙሕ ፡ ዘምት ፡ ወለበዴ ፡ ምን ፡ ዐላ ።

I አስሄ ፡ ቦሎ ፡ ከንቴባይ ፡ ጃውጅ ፡ ወዳይ ፡ ዕሩሪት ።
ወድ ፡ ሰባክ ፡ አፍ-ሓሬን ፡ ደሲት ፡ አኮን ፡ ወዕሉሊት ።

ዘማት ፡ ገበለት ፡ አስረት ፡ እንታ ፡ ወዳሊት ።

* * *

አስሄ ፡ ቦሎ ፡ ከንቴባይ ፤ ጃውጅ ፡ ወዳይ ፡ ተአመሪት ።

5 ሕኔጽዌ ፡ ወሕራዘ ፤ ዕግኖ ፡ ለሰወሊት ።

አቡንጎት ፡ ቀጣቢ ፤ ሹፍሌ ፡ መምባ ፡ ጨበሊት ።

ክላ ፡ ለእንታ ፡ ትብላ ፤ በዳር ፡ ዛይደት ፡ ታ ፡ ወዕሪት ።

* * *

አስሄ ፡ ቦሎ ፡ ከንቴባይ ፤ ጃውጅ ፡ ስልጣን ፡ ሰልጠነት ።

ክላ ፡ ለእንታ ፡ ትብላ ፤ እብ ፡ ፍትሕማ ፡ ወትከሀለት ።

10 ነካኑኮ ፡ ወኢገብር ፤ ሹምዬ ፡ ግንዳይ ፡ ሕመረት ።

አዳም ፡ ሐጣ ፡ ወድ ፡ ፍካክ ፤ ክም ፡ ለእት ፡ ለአስሀለት ።

* * *

አስሄ ፡ ቦሎ ፡ ከንቴባይ ። ሕልቀትማ ፡ ዲማ ፡ ሚ ፡ ትሰደደት ፡

ብሩር ፡ እንታ ፡ ክም ፡ ጋድም ፤ ወጽኑዕ ፡ እንታ ፡ ክም ፡ እርደት ።

ባሻይ ፡ ርባጥ ፡ ወስኛር ፤ ፉንጃይ ፡ ትርክ ፡ ለእት ፡ ሕልቀት ።

15 መን ፡ ቱ ፡ እምበል ፡ አቡካ ፤ ለዲማ ፡ ነብር ፡ እብ ፡ ሕምደት ፡

ዶንክ ፡ ሸሜል ፡ ወሕዴዳ ፤ እብ ፡ ሉል ፡ ተአቴ ፡ ምን ፡ ልጎት ።

ንጉስ ፡ ገንደር ፡ ወአምሐራ ፤ አዳም ፡ ዋዲ ፡ ዲብ ፡ ሸጎት ።

* * *

አስሄ ፡ ቦሎ ፡ ከንቴባይ ፤ ጃውጅ ፡ ወዳይ ፡ ክምእኛ ።

ዘማት ፡ ገበለት ፤ እት ፡ ስጋዳ ፡ ዔሸኛ ።

20 እብ ፡ ፍትሕማ ፡ ወትከሀለት ፤ ክላ ፡ ለእንታ ፡ ትብላ ።

ጃውጅ ፡ ቤት-አስገዴ ፤ ሓዋል ፡ ለትሀድጋ ።

መቃተለት ፡ ብካ ፤ ወአክል ፡ አክል ፡ ዕልጋ ።

አብቁል ፡ ተዐምጽ ፡ ብካ ፤ ወአንስ ፡ ኢወልጃ ።

ከንቴባይ ፡ ጃውጅ ፡ ባጽዕ ፡ ደኛ ፡ ወምስሉ ፡ አሚር ፡ ወድ ፡ ገበህ ፡
ሕጻኑ ፡ ሚሪ ፡ እንዶ ፡ ትላከዎ ። ወእታ ፡ ሰነት ፡ አትገሰዎ ። ወእታ ፡

እት፡ እንቶም፡ ለሕጻኑ፡ እት፡ ዎሮ፡ ደኸን፡ ምርብዐት፡ በይናኒ፡ መጽአ፡ ወእግል፡ ለበይናኒ፡ ትሰአለዩ፤ “እሊ፡ ግራብ፡ አክል፡ ሚ፡ ቱ፡ ዐውሉ”፡ ለበይናኒ፡ ሀዬ፡ በልሳ፡ እቼ፡ ወቤሎ፡ “ጊስ፡ እንታ፤ እሊ፡ እንታ፡ ወመምባካ፡ ጃውጅ፡ ኢትደቐቦ”። ሐር፡ እሳ፡ ከንቲባይ፡ ጃውጅ፡ ሰምዐያ፡ ከእግል፡ ለሕጻኑ፡ ቤሎ፤ “ሰዐካ፡ እንታ፤ ጊስ፡ እት፡ ምርብዐት፡ ለበይናኒ፡ ከኸልቱትማ፡ ልግበእ፡ ወለዐውሉማ፡ ለብዙሕ፡ ኢትሕደኝ”። ጌሳ፡ ከእግል፡ ለበይናኒ፡ ቤሎ፤ “እሊ፡ ግራብ፡ አክል፡ ሚ፡ ቱ፡ ዐውሉ”፡ ሀቱ፡ ዐውሉ፡ እንዶ፡ አክበራ፡ ሰመዩ፡ እሉ። ለሕጻን፤ “አምጽእ”፡ ቤሎ፡ ወእግል፡ ኩሉ፡ ለአግርባት፡ ነስአዩ፡ ከለምርብዐት፡ ብራቃ፡ ተርፈት። ወለበይናኒ፡ ኬን፡ እት፡ በሐር፡ እት፡ ዐዱ፡ ለአካ፡ አግርባት፡ እግል፡ ለምጽእ፡ እቼ።

ወከንቲባይ፡ መጽአዩ፡ ወቤሎ፤ “ኡሁ፡ ሚ፡ ብካ፡ አዜማ”፡ ለበይናኒ፡ በልሳ፡ እቼ፤ “ናይ፡ እንዜ፡ ተሌት፤ እንታ፡ ሕልከኛ። ወናይ፡ ኬን፡ ኢመጽአት፤ ነመጽእ፡ እልካ”፡ ቤሎ። “አሰናይ፡ ናይ፡ እንዜ፡ እሳ፡ ተሐዩልካ፡ ገድም፤ ናይ፡ ኬን፡ ሀዬ፡ አስክ፡ መጽእ፡ ሕና፡ ኢንጸበሮ”፡ ቤሎ፡ ከንቲባይ። ከአግርባቱ፡ እብ፡ ጅላብ፡ ወእግማል፡ ደንካ። ናሱ፡ ላታ፡ እት፡ ገመል፡ ረበዕ፡ ትጸዐና፡ ወእብ፡ ደሀብ፡ ወሶሚቱ፡ እት፡ ልፈግር፡ እግል፡ ለሕጻኑ፤ “ነግ፡ ትገርባት”፡ ቤሎ። እት፡ ልገይሶ፡ አሚር፡ ወድ፡ ገሰህ፡ ክእኛ፡ ሐለዩ።

- I ቅሬሽ፡ መምባ፡ ዖፍ፤ አርግሁ፡ ሽሐት።
- ጽንዕ፡ ወመላከት፡ ወጽኅት።
- ገብሣ፡ መረብ፤ ዲብ፡ ሐንትሃ፡ ብቆት።
- ለመአለፍ፡ መትዐካርር፡ እብ፡ ዕርዶት።
- 5 በኪት፡ በዐል፡ ሕጽን፡ ወበዐል፡ ብሶት።



ቅሬሽ : መምባ : ያፍ ፤ ዐንቀፋ : ረሐብ ::

ሐማስ : ጸጸ ፤ ጋድር : ዘኛብ ::

ረአሱ : ምንቁስ ፤ ሸካኒሁ : ቀራብ ::

አውናኒ : ስኛቱ : ነቃብ ::

10 መደርክ : ምን : ረአስ : ፈራብ ::

አልቆጦ : እት : ልጎት : ሸራብ ::

አዝማቲ : ኢማሉ : ከባብ ::

ጋድር : ጋርሕ ፤ ዐሽዐል : ዘኛብ ::

ሐራዲ : እብ : ሶተል : ለባብ ::

15 ነጹፍ : ኑጹፍ ፤ ክደር : ወዐሽዓብ ::

መላኪ : ሹም : ለሐባብ ::

በሻሪባይ : ለውያ : ጸራብ ::

ሕልብ : ዋልድ ፤ ውላዳ : ግዕፋብ ::

በአስ : አፍሪጅ : ብካ ፤ ወበአስ : አስሐብ ::

20 በአስ : አነበታት ፤ ሰብ : ለክታብ ::

ሆይ : ቱ : እት : መራክብ ፤ መምባ : ለጅላብ ::

አድግ : ዐባ : ኢኮን ፤ ወደንክ : እላብ ::

ሴማ : ኢእንደግም : እትካ ፤ እምበል : ሸዕጋብ ::

* * *

ቅሬሽ : መምባ : ያፍ ፤ አርግሁ : እት : ለሃሚቱ ::

25 አሸንገላ : አብሁ ፤ ወወልደት : ወላዲቱ ::

ሰለስ : ሰድር : ፋግር ፤ ብሕጽ : አረጊቱ ::

ምእት : ልትዐንደቆም ፤ እት : ለሸናኪቱ ::

ወምእት : ልትባሸሮም ፤ ከኢተሙማ : ፊቱ ::

* * *

ቅሬሽ : መምባ : ያፍ ፤ አርግሁ : ሰድር ::

- 30 ጅር : ምን : ልቡሎ ፤ ነጅር ።
- ትዘሽሕ : ምን : ልቡሎ ፤ ቀትል ።
- ለድሩይ : አርጋ : ወጄ ፤ ወጽፍር ።
- ለድሩይ ፤ እት : መሻጥቁ : ሸለሽል ።
- ልትሓዶሮ ፤ ክምሰል : ምድር ።
- 35 ወልሻፎሎ ፤ ክምሰል : ደብር ።

* * *

- ቅሬሽ : መምባ : ሆፍ ፤ አርግሀ : እት : ሰናይን ።
- መምባዬ : ጸኑዕ : ዳቅብ ፤ መምባዬ : ጸኑዕ : ሓይል ።
- ሆይ : ቱ : እት : መራክብ ፤ ወጅላብ : ቱ : እት : ገዛይር ።
- አግሐጽ : ቱ : እት : ሓዮታት ፤ ክብት : ስጋድ : ጫርም ።
- 40 እት : አሽካራት : በልጋም ፤ ግኔ : ወጨለልም ።
- ግት : ውሕጠቱ : ታ ፤ አልትሐነቅ : ወአሐትም ።
- ሸሕ : ብልዐቱ : ታ ፤ ግዴት : ሐንጽጽ : ምን : ዐጽም ።
- ምን : ከዐ : እት : ግኔ ፤ ነክስ : ቤታ : ወቀደም ።
- ዐለሌታት : ሳብር ፤ አስክ : አርብዐት : ቀለጭም ።
- 45 ብት : ስረቱ : ታ ፤ ረምባ : ወጄ : ወሀድም ።
- ገዢሕ : እት : ከወኒ ፤ እት : አፍ : ዕምር : ደልም ።
- ክልኤ : አገልድ ፤ ሓምለት : ሚ : በን : ወትክም ።
- ለለዓለን : እርርጊ : ቱ ፤ ወለተሐተን : ጸመጽም ።
- አደወድጋ : ወጄ ፤ ወአትዘሽነት : ተርም ።
- 50 ሽርከት : ወዐሪራት : ምኛ : መጽአት : ዐልም ።
- አረይ : ወማሞታት : ምን : ክል : አካን : ሐርም ።

* * *

ቅሬሽ : መምባ : ሆፍ ፤ አርግሀ : ቀልዕ ።
 እግል : ፈታይ ፤ ደረት : ጸርዕ ።

እግል : አባይ ፤ ሕመት : ከልዕ ::

55 ገይፍ : ገበይ ፤ ካልእ : ወሸርዕ ::

አሸሩም ፤ ተሃጋ : እቺ : ቀወርዕ ::

እግል : አሐ : ጽላም : ገአካ ፤ ወእግል : እንሳ : ጸልዕ ::

ክም : ሐለዩ : ከንቲባይ : ጃውጅ : ቤሎ ፤ “እዴካ : ምደድ : ከ
ምን : ለእት : ግራካ : ለሀላ : መንሸጥ : ጭቀም” :: ወሀቱ : አርብዓ :
ርያል : ምስል : ጨቅማ :: ሐር : እት : ልገይሶ : ወዎሮ : ርያል :
ክም : ወድቃ : ምኞም : አሚር : እግል : ከንቲባይ : ቤሎ ፤ “ዎሮ :
ርያል : ወድቃ : ምንእና” :: ሀቱ : ሀዬ : በልሳ : እቺ : ወቤላ ፤
“ሕደኝ ፤ ዎሮማ : ዎሮ : ብዕድ : ለፈርሕ” ::

484

እት : ቅብላታ : ወድ : ገደም : እግል : እዛዘ : ወድ : ሕሻል : ለቤላ ::

I ሐሻይ : ቱ : እሊ : ወድ : ገበህ ፤ ሐሸት : ክላ : ሐቅሁ : ታ ::

ቅሬሽ : በሐር : ሚ : ጸምም ፤ እት : ልትሃጌ : ለአልጉጋ :

ምን : ተሐት : አስክ : ቤት-ብደል : ታ ፤ ወምን : ለዐል : አስክ :
ቤት-ሙሳ ::

እብ : ደሀብ : ምን : ተሐሌ ፤ ቤት-አስገዴ : ቅርጡጣ ::

5 እብ : እንሳ : ምን : ተሐሌ ፤ ለሀይማ : ሐቺ : ኖሱ : ታ ::

እብ : ጽንዕ : ምን : ተሐሌ ፤ ክምስልካ : እምብል : ወሐካ ::

አብ-መልገመት : ወአሸዐላ ፤ ለሐጸት : በኞም : ታሙሳ ::

አናቀሌ : ወቅንጻል ፤ ምድር-ራዩት : ሐሸሳ ::

ወድ : አላይ : ምን : ልብል ፤ በዲር : እዝን : አብሁ : ታ ::

10 ምን : ልብል : ሰታይ : ዴዋና ፤ ለተሐለበት : እግሉ : ታ ::

ከናት : መምባኪ : ታ ፤ ለቅልጭም : አዳም : ሓሱሳ ::

ሰይፍ : መምባኪ ፤ ለዲባ : ከራ : መዘኑ : ታ ::

- አመት ፡ ተክሌስ ፡ ወድ ፡ ገብሬስ ፤ ሰራ ፡ ታ ፡ ወከብድ ፡ አግዑዛ ።
 እብ ፡ ድመት ፡ ገዝእዋ ፤ ወእብ ፡ ሐራይር ፡ ሸሉካ ።
 15 ገሌ ፡ ልብላ ፡ “አቅጥኛ” ፤ ወገሌ ፡ ልብላ ፡ “ዓኩካ” ።
 ሊሊት ፡ ሰሊም ፡ ተሐለምኮ ፤ ሕልም ፡ ሰምድ ፡ ድርሀ ፡ ታ ።
 አና ፡ ጅንን ፡ ለእምብዕዬ ፤ ወእንታ ፡ ልሰሐቅ ፡ ለአፉካ ።
 እብ ፡ ረሺ ፡ ወእብ ፡ ሕሻል ፤ ሰኒ ፡ ሀላ ፡ አቡካ ።
 እንሻላ ፡ አልገዐታ ፤ ዝላም ፡ ትግበእ ፡ ሓሉፋ ።
 20 ተረብ ፡ ለበለሊት ፤ ወተረብ ፡ ለአቅሩሻ ።
 ተረብ ፡ ለፈላይት ፤ ክስታን ፡ ምስል ፡ ቤት-ጁካ ።
 አምዕል ፡ አልአክራ ፤ ገድካ ፡ ዲባ ፡ ወዱካ ።

485

ከንቲባይ ፡ ጃውጅ ፡ ዐድ-ዕመር ፡ ዐድ-ሃስሪ ፡ ወዐድ-እክድ ፡ ክም ፡
 ዘምታ ፡ አሚር ፡ ወድ ፡ ገሰህ ፡ ሐለዩ ።

- 1 ሚ ፡ እናስ ፡ ቱ ፡ እሊ ፡ አፈርህ ፤ ለድፋይ ፡ ከራ ፡ እግል ፡ ምክን ፡
 ሚ ፡ ባልሂት ፡ ታ ፡ እላ ፡ ትትረደህ ፤ እት ፡ አስማጣ ፡ ገረጅን ፡
 ሚ ፡ ትርካይ ፡ ቱ ፡ እሊ ፡ ልትቀፈር ፤ ለባሮት ፡ ዱሉይ ፡ ወፈትል ፡
 ሚ ፡ ፈረስ ፡ ቱ ፡ እሊ ፡ ደጋድግ ፤ ለሐረት ፡ ዘምት ፡ ወምዕጥን ፡

486

ከንቲባይ ፡ ጃውጅ ፡ ምን ፡ ዐድ ፡ አይጃክል ፡ ወለት ፡ ሸኸር ፡
 ወድ ፡ አርዐዶም ፡ ሐጸ ፡ ወሐር ፡ እግል ፡ ልህዴ ፡ መጽአ ። ክም ፡
 መጽአ ፡ ለመትሎ ፡ ቅሩሽ ፡ አግብር ፡ አማት ፡ አሐ ፡ ወበቀል ፡ ሀ
 በዎ ። ደአም ፡ ሀቱ ፡ ለወለት ፡ እንዶ ፡ ሐድጋ ፡ እግል ፡ ሊጊስ ፡ ለ
 ማል ፡ ነስአ ። ሀቶም ፡ “ለወለት ፡ ሀዴ” ፡ ምን ፡ ቤለዎ ፡ “ሐር ፡ ሀ
 ጅያ” ፡ በልሳ ፡ እቶም ፡ ከጌሳ ፡ ወኢአቅበላ ። ወብዕዳም ፡ ምን ፡ ሐ

ዘዋ : ህዳም ፤ “ እሷት : ጃውጅ : ታ : ኢነትሀድያ ” : ቤለው ። ከእብ :
ብጣራ : አሸረት ። አሚር : ሀዬ : እላ : ሐለዩ ።

I ሰይፍ : ጸራ : ከንቲባይ ፤ እት : ሀዳይ : እግል : ልትፈረር ።

ሰይፍ : ከንቲባይ ፤ ሞከስ : ኢከን : ወመትረር ።

ጸባብ : ኬዳ : ከንቲባይ ፤ ጁፋ : ኬዳ : ወከረን ።

እዴ : ማኑ : ሐድገዮም ፤ ስንቃቅ : ወጋድም : መረጃን ።

5 እት : ድገሉብ : ሐድገዮም ፤ ዋዝንተት : ወዐንደር ።

ዐንሰባ : ለምድር : ቤት-ገብሩ ፤ ገብአ : ዲብና : ክም : ወነን ።

ምን : ቅብላት : ርኤንሃ ፤ “ ሌሃ : ታ ” : ቤለው : ሸገልገል ።

ዕንክሊት : በጉ : እት : በርካ ፤ ጽንዕት : ታ : ከአፎ : ትትፈገር ፤

ተከሌዛን : ወዋራ ፤ እት : ከበሳ : ለመከልከል ።

10 በርካ : ተሐቱ : ዐድ-መሳ : ቱ ፤ ወበርካ : ለዓሉ : ቤት-ብደል ።

እብ : ሹምና : አቴና ፤ እብ : መወላእ : ወእብ : ጭገር ።

እብ : መትሎና : አቴና ፤ እብ : አሐ : በርዕድ : ወእብ : በቀል ።

በዐል : ለአማት : ደራይት ፤ ምን : ለሃ : ለሃ : ትትገላል ።

በዐል : ለአግብር : ጸላይም ፤ እብ : አፍርንጂ : ልትከላል ።

15 በዐል : ለንዋይ : ሐራይም ፤ ምንግስ : ብእቱ : ወጥላል ።

በዐል : ለእንሳ : ሐላታት ፤ ዲብ : ዐማይር : ትትገላል ።

እግል : ከንቲባይ : ጃውጅ : ክም : ሞታ : ለቤላ ።

I ዮም : ለሞዳይ : ትጠዩና ፤ ጽመኡ : ሀላ : ወናጽፍ ።

ዮም : ለዐስተር : ትጠዩነት ፤ አድሐ : ፈግራ : ከዋክብ ።

ግሉሲ : ለመሐዝ : ልትገላል ፤ ከገይዳት : ጥራይ : ገላትብ ።

ሐቆ ፡ ሞት ፡ ከንቴባይ ፡ ጃውጅ ፡ አሚር ፡ ወድ ፡ ገሰህ ፡ እግል ፡
 ውላዱ ፡ መሐመድ ፡ ወጅምፅ ፡ እግል ፡ ለፍዝዖም ፡ ወለሐጥሮም ፡
 ወለጥሕሮም ፡ ሐዜ ፡ ዐላ ፤ ክምሰል ፡ አቡሆም ፡ እግል ፡ ልግቡእ ፡
 ወምኑ ፡ ወኬን ። “ክም ፡ አቡኩም ፡ ገቢለት ፡ ለበዴ ፡ ወለበቕል ፡
 ክም ፡ ለነብረያ ፡ እግል ፡ አዩ ፡ ምንኩም ፡ ትፋና ፡ ክምሰልሃ ፡ እግል ፡
 ሊዴ” ፡ እንደ ፡ ቤላ ፡ ሐላ ።

- I መን ፡ ትፋና ፡ ቡ ፡ ከንቴባይ ፤ ገሎዳ ፡ ለሰደቆት ፡
 ለድግለል ፡ ሊሊት ፡ ኢሰክባ ፤ ተርቅ ፡ ቤታ ፡ ክም ፡ ዕጎት ።
 በዐል ፡ ለንዋይ ፡ ሐራይም ፤ ክብስት ፡ ሚ ፡ ባ ፡ ባለሶት ፡
 በዐል ፡ ለአግማል ፡ ሐማሳት ፤ እብ ፡ አደርብ ፡ ሀሸሾት ።
- 5 በዐል ፡ ለእንሳ ፡ ሐሊታት ፤ ጩላይ ፡ ተሀይብ ፡ ወርቆት ።
 በዐል ፡ ለአፍሩስ ፡ ጅንግላት ፤ እብ ፡ አልግመት ፡ ናቀሶት ።
 በዐል ፡ ለሰይፍ ፡ አፍርንጂ ፤ ሞከስ ፡ ኢኮን ፡ ወርኮት ።
 ከራ ፡ መሐመድ ፡ ወጅምፅ ፤ ገዌናኩም ፡ ክም ፡ ሐሮት ።
 ለአብርሃ ፡ ትታለዎ ፤ ሎሎ ፡ ጋብእ ፡ እብ ፡ ነጎት ።
- 10 ለአጽለማ ፡ ትፈንተዎ ፤ ለፋረጌኸም ፡ ምን ፡ ክልኦት ።
 ከንቴባይ ፡ ለእላ ፡ ወዴኛ ፡ ሕስቤ ፡ ኢኮን ፡ ወሐመዎት ።
 ቀጻፍና ፡ ትዘሰጣ ፡ ሐጫሮና ፡ ወክልኦት ።
 ለሃሚትና ፡ ትዘሰጠት ፡ ዕና ፡ ፈግረት ፡ እብ ፡ ዕርዶት ።

ወለት ፡ ዐሊ ፡ እሺት ፡ ፍካክ ፡ በዐል ፡ ነቅሩ ፡ ወለት ፡ ሐይስ ፡
 ምን ፡ ገአት ፡ እት ፡ ሐይስ ፡ ምን ፡ ተሀዴት ፡ ወሐይሶታት ፡ ምን ፡
 ወልደት ፡ አሚር ፡ ወድ ፡ ገሰህ ፡ እግል ፡ ለህታ ፡ ለወልደቶም ፡ እላ ፡
 ሕላዮት ፡ ሐላ ።

- I ለወለት ፡ ዐሊ ፡ ትወልጃ ፤ ለሀይማ ፡ እት ፡ ለሀይ ፡ ካሪ ፡ ቱ ።
 ናዊ ፡ ሀላ ፡ ከንቱባይ ፤ ወፈጊር ፡ ኃሩ ፡ ሓዘ ፡ ቱ ።
 እንደይ ፡ ገሚ ፡ ውላዱ ፤ ወእንደይ ፡ ገሚ ፡ እሱቱ ።
 ወድ ፡ ሰባክ ፡ አፍ-ሓሬን ፤ መሓዝ ፡ እት ፡ ለግብረቱ ።
- 5 ዋኒኑ ፡ ከልእ ፡ ወአዳሙ ፤ ሸይጣኑ ፡ ከልእ ፡ ወአብሊሹ ።
 እት ፡ ክል ፡ ዐጣል ፡ ነገሉ ፤ ወእት ፡ ክል ፡ አሓ ፡ ፍሊቱ ።
 እት ፡ ክል ፡ እንሳ ፡ ሰላሳ ፤ ሆቦ ፡ ምኑ ፡ ጨዓኒቱ ።
 ሀዳድ ፡ ሀንዳሪብ ፡ ቱ ፤ ሐርጸጾቱ ፡ ወድሒኩ ።
 ሰዳሳቱ ፡ ለፈግር ፤ ቀጣይን ፡ ለበልሐቱ ።
- 10 ላማ ፡ ፍድቡ ፡ ኢተአምሮ ፡ ፊትኩም ፡ ነስእ ፡ ረአስ ፡ ፊቱ ።
 ለአርሐቆቱ ፡ ኢተአምሮ ፤ መዳጋኑ ፡ ወሸሂቱ ።
 ወለቀልጡ ፡ ኢተአምሮ ፤ መዳናኑ ፡ ወድሒኩ ።
 ግሬነት ፡ ነታባይ ፡ ቱ ፤ ሐምዴ-ኖሱ ፡ ወከኩ ።
 ዓጅ ፡ ባልዕ ፡ ቱ ፡ ግሬነት ፤ ማንጅብ ፡ አቤት ፡ ረጊዙ ።
- 15 ግንዳይ ፡ ዋድቅ ፡ ቱ ፡ ግሬነት ፤ አይረት ፡ አቤት ፡ በሊሱ ።
 በዐል ፡ ሐሜር ፡ ቱ ፡ ግሬነት ፤ መን ፡ በርብራ ፡ ልውሊቱ ።
 ረአስ ፡ ልሱድ ፡ ልትከነን ፤ ውቕል ፡ እንታ ፡ ኮፊቱ ።
 ወድ ፡ ፍካክ ፡ ወድ ፡ ናውድ ፡ ቱ ፤ ወድ ፡ ለስልጣን ፡ ዐቢ ፡ ቱ ።
 ወድ ፡ ዐሊ ፡ ወድ ፡ ዳይን ፡ ቱ ፤ ሸርሙ ፡ ጸምም ፡ ወአምራቱ ።

ከንቱባይ ፡ ጃውጅ ፡ ምን ፡ መንሰዕ ፡ ዲብ ፡ ሐባብ ፡ ዐዲ ፡ ክም ፡
 አቅበላ ፡ ወክም ፡ ትሸየማ ፡ ህቱ ፡ ወሐሁ ፡ ሀዳድ-ዲ ፡ እብ ፡ ድግ
 ማን ፡ ትበአሰው ፡ ወጃውጅ ፡ ምን ፡ ትደቕባ ፡ ሀዳድ ፡ ዐላ ፡ ከዲብ ፡
 አምዳራት ፡ በርካ ፡ ደኛ ፡ ሸንከት ፡ ዐድ-ዕመር ፡ ዐድ-ተክሌስ ፡ ወ
 ዐድታት ፡ ብዕድ ፤ እቱ ፡ ደውር ፡ ዐላ ። ሐቆሃ ፡ ህቶም ፡ ገድም ፤

“በዳ፤ ኢሊቀብል”፡ እት፡ ልብሎ፡ እብ፡ ድግማን፡ መጽአዮም፡
ወትሻፈፈዮም። ለዶል፡ ለሃ፡ አሚር፡ ወድ፡ ገሰህ፡ እላ፡ ሕላዮት፡ ሐላ።

1 “ደፈኝሁ”፡ እት፡ ልብሎ፤ “ፍንጌ፡ እርድ፡ ወሐጸ”።
“ቀበርንሁ”፡ እት፡ ልብሎ፤ ቀንጸ፡ እቶም፡ ወሐሶሳ።
እብ፡ ስቅር፡ ትበለሳ፤ ወእብ፡ ሐርመት፡ አግዶዳ።
ተብሐ፡ ተሐቱ፤ ለዓሉ፡ መሐዝ፡ ሸግለት፡ ወጎጋ።

5 ደራብዳ፡ ከየዳ፤ እብን፡ ወለት፡ ህሮዳ።
ህቱዲ፡ ሰኚ፡ ትበአሰዮም፤ ቅሱን፡ እንቱ፡ ሐሶሳ።
ህታማ፡ ሰኚ፡ ትበአሰቶ፤ አስክ፡ እጋል፡ ዕቆታ።
ሱስ፡ ወግንሐት፡ ስሉሱ፤ ባልሂት፡ ቀበት፡ ግሎታ።
ኬዴ፡ ሕጫ፤ እርወት፡ እብ፡ ለንጎታ።

10 ቀንደፍ፡ ሐራይሽ፤ ለሰብእና፡ ሰኚ፡ ልትብአሳ።
ህንዳራብ፡ ለመቅረይ፡ ከላክል፤ እንሳ፡ ለሐኪ፡ ብሐቶታ።
ዐዶኑ፡ ጸበቦ፤ አፍ፡ ጠበንጃ፡ እብ፡ ለባሮታ።
ጆሃሪ፡ ደራስስ፤ እብ፡ ዓሳራ፡ ወእብ፡ ነሳ።
ዐድ-ተክሌስ፡ ወድ፡ መፍለስ፤ ኢትሸኝሀዋ፡ ብድሆካ።

15 ኢትፋቀደው፡ ቀዳሚት፡ ወኢትፈኝከው፡ ዲብ፡ ሞታ።
ዐድ-ትግርያም፡ ወድ፡ አበራብ፡ ሰኚ፡ ዋይዳም፡ ቶም፡ ሐቆካ።
ዐሊ፡ ወዕጅል፡ ትላበሰው፡ ምን፡ ከርፈዎም፡ እት፡ ዶሳ።
ዐድ-ዕመር፡ ወድ፡ ሕመድ፡ ለእላ፡ ወደው፡ አሶ፡ ታ።

እሽሐቅ፡ እት፡ ለሐምድ፡ አሚር፡ ወድ፡ ገሰህ፡ እላ፡ ሐላ።

እሽሐቅ፡ ሐደንበስ፡ ወህብቱስ፡ ውላድ፡ ነውረዲን፡ ቶም፡ ወ
ዐዶም፡ ዐድ-ተክሌስ። ወእሽሐቅ፡ ዐቢሆም፡ ቱ። ህቱ፡ ሹም፡ ጽ
ምብል፡ ክሪት፡ እቱ፡ ኢኮን፡ ደአም፡ ሓጥር፡ ወድቅብ፡ ወጽጎብ፡

04 : ደኢኮን :: ከሽማግሌ : ሌጣ : እት : እንቱ : ገበጊት : ሰሜቶ :
 ወህቱ : ልትኦቱ : 04 :: ወእብ : ለአሌላት : ጃውጅ : ወድ : ፍካክ :
 ክም : ሞታ : ወልዱ : መሐመድ : እብ : ምስምሳ : መርባት : አቡሁ :
 እግል : ዐድ-ተክሌስ : ዲብ : ሸንጌራ : ዘምተዮም :: ወእታ : እሽ
 ሐቅ : ወሐደንበስ : ውላድ : ነውረዲን : ኤሎስ : ወድ : ድራር :
 ፍዴል : ወድ : ጀሚል : — ህቱ : ሹም : ጽምብል : ክሪት : እቱ :
 ለ04 : — ወአብርሃም : ወድ : ቀድሕ : እት : ለሸፍ : ሞተው ::

1 ወድ : ነውረዲን : ቀር-ዖበል ፤ ሐሌ : ሚ : ቡ : ወዕድል :
 እት : ለበዐል : ለሐሰቡ ፤ ዐሌ : 04 : ወገንጅር ::
 በርካ : ትከራ : ቡ ፤ እት : ለአፍሩስ : አሸግር ::
 ሐልሐል : ፈግራ : ቡ ፤ እት : ለክስታን : ዐገምን ::

5 ሰምሀር : ደኛ : ቡ ፤ እት : ገማጊም : ወዐሸኸር ::
 እት : ዐዱ : በልሰዩ :: ዓሊ : ዲማ : ሚ : ገንድል :
 ምን : አያ : መጽአካ ፤ ወድ : መለክ : ኢዐድል :
 ክሬ : ምንካ : ግልባብ ፤ ከትፎረዕ : እልዬ : ወገንድል ::
 ሚ : ታ : ለእሎም : ተትገጌ ፤ ወሚ : ታ : ለእልካ : ተከጅል :

10 ወድ : ጽነዕ : ሞላዱ ፤ ወድ : ሐባሉ : ጅነጅር ::
 ወድ : ብዙሕ : አማቱ ፤ ባርያ : ለረአሱ : ፈረፍር ::
 ሸሕ : ብካ : ምን : አማት ፤ ወሸሕ : ብካ : ምን : አግብር ::
 ጅድመት : ወመንዱቅ : ብካ ፤ ክም : አውጂ : ለዐሸኸር ::
 አገው : ለመለከት ፤ ወሰባራ : ለዐነድር ::

15 ጠ.ጠ. : ለበገና ፤ ትነሸእ : ምንካ : ወትከፍል ::
 ምን : ንቀር : ልትካሬ ፤ ክምሰል : ዓማር : ወአገድር ::
 ትርትሬብ : ወሸሬብ ፤ መልገም : ወቀባ : ሐለቅም ::
 ቀባ : ከላዊ ፤ ኢእንተክስ : ወኢነሐግም ::
 ለድሩይ : እት : ለአፍዳጋት ፤ ደልህ : ቤታ : ወሀዝም ::

20 ብት ፡ ስረቱ ፡ ታ ፤ ደሀይ ፡ ወጀ። ጨመጭም ።
 ሸሕ ፡ ብልዐቱ ፡ ታ ፤ ወዐጽም ፡ ወጀ። ገረጅም ።
 አርጋ ፡ ከፊ ፡ እት ፡ ጋንጊ ፤ ግዴት ፡ ሐንጽጽ ፡ ምን ፡ ዐጽም ።
 ግት ፡ ውሕጠቱ ፡ ታ ፤ ኢልትሐነቅ ፡ ወኢሐትም ።
 መዐንረግ ፡ ለእንሳ ፡ ከላክል ፤ ወለትጋልባ ፡ ምን ፡ ሕጥም ።
 25 በሐር ፡ ከልኣ ፡ ወአውለት ፤ ስብክ ፡ ከልኣ ፡ ወስግም ።
 ሕክመት ፡ ትርካይ ፡ ብዲቡ ፤ ሐቆ ፡ ለሐቴ ፡ መን ፡ ነቕም ፡
 ተንከር ፡ ከረም ፡ ቱ ፡ ዐርመሲስ ፤ ግርበት ፡ ክልኣት ፡ ለአፈጥር ።
 እት ፡ አረሱል ፡ ለጆሃድ ፡ ቱ ፤ ወእት ፡ አውልያ ፡ ለዝክር ።
 ፈንጎሕማ ፡ ጆነት ፡ ብሸራት ፤ ትፈርሕ ፡ እልካ ፡ ወተዐልል ።

492

እግል ፡ እሸሐቅ ፡ ወድ ፡ ገውረጂን ፡ ለሐሲያ ።

1 ጠለምከካ ፡ ቱ ፡ ም ፡ ዐርመሲስ ፤ ዳቅብ ፡ ብዲር ፡ ለከይን ።
 መስኒዬ ፡ ጠለምከ ፤ ክም ፡ ሰብ ፡ ብዬ ፡ ወበይን ።
 ዐንሰባታት ፡ ጠለምከ ፤ ለማሹላሁ ፡ እከይል ።
 ሰኒት ፡ ዕቃል ፡ ኢትበትክ ፤ ወአመት ፡ መምብሃ ፡ ኢተሐይል ።
 5 ሆባይ ፡ ለሰቡር ፡ ደኑበራ ፤ ዲብ ፡ ዐስተር ፡ ኢትጠይር ።
 ትዘመትከ ፡ ኢኮኔ ፤ እምበል ፡ ሻቢት ፡ ወዐይን ፡
 ትገድአኮ ፡ ኢኮኔ ፡ ዲብ ፡ አፍ ፡ ሐልዬ ፡ ኢእበይን ።

493

እሸሐቅ ፡ ወጃውጅ ፡ ክም ፡ ሞተው ፡ ለሐሲያ ።

1 አዜ ፡ መጽአናካ ፡ ም ፡ እሸሐቅ ፡ ሰላም ።
 እት ፡ እንሳ ፡ ግድኦ ፡ ልእኬ ፡ ወእት ፡ አሐ ፡ ጽላም ።
 ዲብ ፡ አዳም ፡ ካይን ፡ ልእኬ ፡ ለመስኒሁ ፡ ጠላም ።

0ንሰባ ፡ ከረም ፡ ገአካ ፤ ላሊ ፡ ዘላም ።
 5 ተሐራ ፡ ሐጋይ ፡ ገአካ ፤ ሀለም-በላም ።
 ሆባይ ፡ ድምነት ፡ ገአካ ፤ ረፈ.ፅ ፡ ከማም ።

494

ሕላዩት፡ አሚር፡ ወድ፡ ገሰህ፡ ክም፡ ፈቐራ ።

I ላይላህይለላ ። ምን ፡ አክር ፡ ለዘባኑ ።
 አልፀ-በዝላ ፡ ምን ፡ ሸይጣን ፤ ለጅኑን ፡ ምኛ ፡ ሳባሩ ።
 ዔጻት ፡ ምኛ ፡ መዐርጋባ ፤ ወእገር ፡ ምኛ ፡ ዓቃሉ ።
 እዘን ፡ ምኛ ፡ ጸመሙ ፤ ወፅንታት ፡ ምኛ ፡ ዓቀሩ ።
 5 ምን ፡ ሕማም ፡ አልአጽራፍ ፤ ንኡሽ ፡ ሐዲስ ፡ ለአስናኑ ።
 ገሮብ ፡ ምኛ ፡ ስምብአሁ ፤ ወድርጽ ፡ ምኛ ፡ ሸፋሩ ።
 ብላል ፡ ለእዳን ፡ ደናግእ ፤ ምኛ ፡ ረአስ ፡ ለሮሻኑ ።
 ክሹብ ፡ ቱ፡ እምበል ፡ መላጺ ፤ ወእምበል ፡ ሜለል ፡ ቱ፡ ምክላሉ ።
 እምበሌና ፡ አረሱል ፤ መን ፡ አምሮ ፡ ሻካሩ ።
 10 እብ ፡ ሶም ፡ አታ ፡ ወእብ ፡ ሰላት ፤ ወእብ ፡ ሺመት ፡ ለርሳኑ ።
 ነቢ ፡ ብራቅ ፡ ቱ፡ ፈረሱ ፤ ወነቢ ፡ ድግዳግ ፡ ቱ፡ አጋሩ ።
 አቡኖር ፡ ፎቅ ፡ እልኖር ፤ ሐዬ ፡ ቤታ ፡ ለአንቀሩ ።
 አቡ-በከር ፡ ፊንሐሽር ፤ አልፋትሐ ፡ ነቢ ፡ ወዳ ፡ እሉ ።
 ለፈረስ ፡ ዐሊ-ሚንጣልም ፤ አርብዓ ፡ ትደኛን ፡ ምሕፋሩ ።
 15 ለሰይፍ ፡ ዐሊ-ሚንጣልም ፤ ሀላ ፡ ዲብ ፡ ለምስቃሉ ።
 መስሎሊ ፡ ለጾራ ፤ ኖሱማ ፡ ገይስ ፡ ስሻሩ ።
 ሕምሳ ፡ ነሽእ ፡ ድገለቡ ፤ ወሕምሳ ፡ ነሽእ ፡ ድማኑ ።
 አብኦለለት ፡ ለሾከን ፤ ወአስተቅፈረት ፡ ለክስታኑ ።
 አተሽካ ፡ ለገመል ፤ ኩሉ ፡ ሰዐዩ ፡ ለጥርዓኑ ።
 20 ነቢ ፡ እድሪስ ፡ እት ፡ ጀነት ፤ ቀትድ ፡ ሀላ ፡ ስካኑ ።
 ሼክ ፡ ሕመድ ፡ ወድ ፡ ናፍፅ ፤ ቀልቡ ፡ ብና ፡ ወጋሩ ።

- ሼክ ፡ አቡባ ፤ ለሀይዲ ፡ ናስኦ ፡ ቱ ፡ ሰማኑ ።
- ሐማል ፡ እንሳሪ ፤ መን ፡ ዐሪ ፡ ቡ ፡ ያባሩ ፡
- ሐመድ ፡ አልነጋሽ ፤ አክል ፡ ኩሉ ፡ ቱ ፡ ሚዛኑ ።
- 25 እግዛሪ ፡ ዳብጥ ፡ አልአርወሕ ፡ ቱ ፤ ለውዕለኛ ፡ ምን ፡ ሰአሉ ።
- ምክኤል ፡ ዳብጥ ፡ አልአርሓም ፡ ቱ ፤ ትወልድ ፡ ወለመካኑ ።
- ራፍኤል ፡ ለዐስተር ፡ ለትሓስብ ፤ ለሀዱድ ፡ ነስኦ ፡ ዕማሩ ።
- ጅብራኤል ፡ ዳብጥ ፡ አልአርዛቅ ፡ ቱ ፤ ዕምሩ ፡ ወለዕማሩ ።
- ምሴት ፡ ለሔዋን ፡ ፈንያ ፤ ወአቱ ፡ ወነአቱ ፡ ወዐጣሉ ።
- 30 ምሴት ፡ ለሼክ ፡ ፈንያ ፤ ኢትትረከብ ፡ ለአካኑ ።
- ምሴት ፡ ለሹም ፡ ፈንያ ፤ ገለጺት ፡ ለመካኑ ።
- ምሴት ፡ ለበኑ ፡ ተርኝ ። ለዶል ፡ መጽእ ፡ ስቃሩ ።

መሐመድ ፡ ወድ ፡ ጃውጅ ።

ከንቴባይ ፡ ጃውጅ ፡ ቤት ፡ አቡሀ ፡ ቤት ፡ አስገዴ ፡ እንዶ ፡ ትበአ
 ሰዎ ፡ እት ፡ ዐድ-ናይብ ፡ ጠርዐው ፡ ቡ ፡ ከእት ፡ ባጽዕ ፡ አትአሰረዎ ።
 ወእታ ፡ እት ፡ እንቱ ፡ ለምድር ፡ ክም ፡ ሐፍና ፡ ወሀሩር ፡ ክም ፡ ገእ ፡
 ምን ፡ ሐረስ ፡ ለሀሩር ፡ ሽብሐ ፡ እንዶ ፡ መኸ ፡ እቱ ፡ ሐማ ፡ ወእት ፡
 ሞት ፡ ቀርባ ። ወሐር ፡ ክም ፡ ሞታ ፡ ውላዱ ፡ መሐመድ ፡ ወጅምዕ ፡
 አብ ፡ ገመሎም ፡ መጽአው ፡ ከአፍገረዎ ፡ ግናዘቱ ፡ እት ፡ ሰንዱቅ ፡
 እንዶ ፡ ወደው ፡ አስክ ፡ ነቅሩ ፡ እግል ፡ ልርፍዕዎ ። ወአብ ፡ ለአቡ
 ሆም ፡ ለትገብአዩ ፡ እት ፡ ቤት ፡ አስገዴ ፡ እግል ፡ ልጅመሎ ፡ ሐ
 ስቦ ፡ ዐለው ።

ወዱብ ፡ ነቅሩ ፡ ክም ፡ በጽሐው ፡ እግል ፡ ልነውሮ ፡ ሐባብ ፡ ኩሉ ፡
 አናደው ። ወክሎም ፡ መጽአው ፡ አብ ፡ እንሳሆም ፡ ወነፍዕም ፡ እበን ፡

እግል፡ ለምጹእ። አምዕል፡ ሐብብ፡ ነውር፡ ዐላ፡ ወላሊ፡ መሐመድ፡
 ወጅምዕ፡ አግብሮም፡ እንደ፡ ለአካው፡ እግል፡ ለምዕል፡ ለትነ
 ጀቃ፡ ለሀገ-ጎ፡ ዐለው። ወክም፡ ጸብሐ፡ ሰብ፡ ሐብብ፡ እብ፡ ድግ
 ማን፡ እት፡ ነዲቅ፡ ወክጀማት፡ ልትበገሶ። ክእኛ፡ እት፡ ልወዳ፡
 ገሌ፡ ክም፡ ከልአው፡ ዎሮ፡ እናስ፡ ላብብ፡ እት፡ መሐመድ፡ መ
 ጽኢ፡ ወክእኛ፡ እግል፡ ኢሊዴ፡ መክረዩ። ሀቶም፡ ላታ፡ እግል፡
 መርባት፡ አቡሆም፡ እግል፡ ለቅስኖ፡ በዳ፡ ሐብብ፡ ምን፡ ሐዘው፡
 ክእኛ፡ ወደው። ሐቆ፡ እሊ፡ አቡሆም፡ ነወረው። ወእምበል፡ እ
 ሊማ፡ መርባት፡ አቡሆም፡ እግል፡ ለቅስኖ፡ ብዙሕ፡ አዳም፡ አብ
 ደው። ሐር፡ መሐመድ፡ እላ፡ ሕላዩት፡ ሐላ።

- I አሰርካ፡ ወዴንሁ፤ ሐብብ፡ ምንካ፡ ኢተርፋ።
- እት፡ ለሹብሕካ፡ ቱ፤ ለሐፍና፡ ዲብካ፡ ወነዳ።
- እት፡ ወረብ፡ ለግናዘትካ፤ ሰ-ድት፡ ረአስ፡ ለገመልካ።
- ለሞታ፡ እርድ፡ አብጽሐንሁ፤ ለሀላ፡ ዕርፍ፡ ከልአና።
- 5 ቆም፡ ዎሮ፡ አፍ-ዐበድ፡ ቱ፤ ቆም፡ ዎሮ፡ ለብካ።
- ቆም፡ ዎሮ፡ ሸንጌራ፡ ቱ፤ አዳም፡ በዳ፡ ወሰርታ።
- እት፡ መርባትካ፡ አብዴንሃ፤ ደንጎባ፡ ለዝሕረትካ።

እግል፡ ሰኑረት፡ እሊት፡ ሰመራርዑል፡ ወድ፡ ክንቲባይ፡ እት፡
 ሕላይ፡ መምብሁ፡ በደለይ።

- I ለከሃል፡ ወመደሺ፤ እግል፡ ጃውጅ፡ ቦላ።
- እግል፡ ፈታይ፡ ሸፋ፡ ቱ፤ ወእግል፡ አባይ፡ አላ።
- በሐር፡ አብ-ደላም፤ ኢልትዐጆ፡ ቆራ።
- ሹም፡ ቱ፡ ወበዐል፡ መምበር፤ ወበኪት፡ ቱ፡ ጸብጣይ፡ ሞራ።

497

እሺት፡ ሰመራርፀል፡ እት፡ ቅብላታ፡ ለቴሻ።

- I ጃውጅ፡ ልዛብጠኸ፤ ምን፡ ልትቀጸብ።
- ወሐዮት፡ ልንስኦኸ፤ ምን፡ ለዐንደብ።
- ስጋካ፡ እንዶ፡ በልዓ፤ ዐጽምካ፡ ኢልትረኸብ።
- ረሺ፡ ለውዕለኛ፤ ብካይ፡ ሚ፡ ልትገደብ።

498

እክድ፡ ወድ፡ እዛዝ።

መዲን፡ ወድ፡ እዛዝ፡ እት፡ ሸመት፡ እግል፡ ከንቴባይ፡ ሐሰን፡
 ወከንቴባይ፡ ሓምድ፡ አትአሰረዮም። ወሐር፡ ህቶም፡ ማል፡ ሀብ
 ው፡ ከትሸዩመው። ከአዛብጠዎ፡ ቶባ፡ አስክ፡ ልብል። ወህቱ፡
 አባ፤ “ኢእቶቤ”፡ ቤላ። ለዶል፡ እክድ፡ ወድ፡ እዛዝ፡ ሐሁ፡ ክ
 እኛ፡ ቤላ።

- I ለትጌጊብካ፡ ምን፡ ትርኤ፤ እሻ፡ በሎ፡ ም፡ ወድ፡ ከልብ።
- በዐል፡ ዕውር፡ ኢልርኤ፤ በዐል፡ ዱምት፡ ኢሐልብ።
- በቴራይ፡ ጸውር፡ ኢዋሬ፤ ወአለቡ፡ ጋሻይ፡ ኢሐርብ።
- ደንጎባ፡ ዐገብኛ፡ ታ፤ እት፡ እንርእያ፡ ጀገልብ።

499

መዲን፡ ወድ፡ እዛዝ፡ ቅብላታ፡ ለሐሊያ።

- I እንታማ፡ አቅብሎ፡ ምን፡ ትትዐጸም፤ ም፡ ወድ፡ ከልብ።
- ለክልኤ፡ አማኑ፡ ቱ፤ ነሸአን፡ ምኑ፡ ምን፡ ረኸብ።
- በዐል፡ ዕውር፡ ኢልርኤ፤ በዐል፡ ዱምት፡ ኢሐልብ።
- ለክልኤ፡ ፍናኑ፡ ተን፤ እብ፡ ሂጋ፡ ለሸነግብ።

- 5 በቴራይ፡ ጸውር፡ ልትዓለግ፤ እት፡ ከብዱ፡ ሕምደት፡ ምን፡ ረኸብ።
 አለቡ፡ ሀይብ፡ ሐዳቱ፤ አመል፡ ለሀይብ፡ ምን፡ ረኸብ።
 እንታ፡ ለጸላም፡ ከደምካ፤ ለፈረዕ፡ ትነሸእ፡ ወትሸርብ።
 አፎ፡ ሕሳል፡ ኢትዋሌ፤ ወምን፡ ረሐሬና፡ ኢትከብብ።
 እንታማ፡ ተሀይብ፡ ወገአካ፤ ዳራት፡ ርኤና፡ እት፡ ለዑብብ።
 10 እብ፡ ኖስካ፡ ሕለኛ፤ ምን፡ ትርእያ፡ ጀገልብ።

500

መሐመድ፡ ወድ፡ መዲን።

እግል፡ አፍ-ሓሬን፡ ለሐሲደ።

- 1 አፍ-ሓሬን፡ መርግዋ፡ ቱ፤ ዕላሙ፡ ወለዐሸሉ።
 በጽሕ፡ ቃሊ፡ ቱ፤ አፍ-ሓሬን፤ ዕዛሉ፡ ለዐፌ፡ ወአሰሩ።
 ትርካይ፡ ማልክ፡ ቱ፤ አፍ-ሓሬን፤ አውጁ፡ ካሪ፡ ገፍተሩ።
 ስብክ፡ አፍ-ሓሬን፤ ጠወዋቱ፡ ወዕለሉ።
 5 ሼካታት፤ ለሸለማልም፡ ክደሩ።
 ለመልዒ፤ ማዩ፡ ብዙሕ፡ ወሰዐሩ።
 ቀንዲሊ፡ ወገዘር፤ መሓዝማ፡ ዳሊ፡ ቡ፡ ምን፡ ለዐሉ።
 ከለፍያ፡ ወቤት-ከራይ፤ ለግድም፡ ገንን፡ ቱ፡ ሰረሩ።¹⁾
 በላታት፡ ወክርክር፤ ለመልዒ፡ አይበድ፡ ቱ፡ ብቆሉ።
 10 ሾከን-ዐሊ፡ ለዕንክላይ፤ ወለወለት፡ ለዐንቀሩ።
 እንታ፡ ቱ፡ ለስሕል፡ ኤማኑ፤ ወእንታ፡ ቱ፡ ለስሕል፡ ዐመሉ።
 እንታ፡ ቱ፡ ለስሕል፡ ፉንጃዩ፤ ወእንታ፡ ቱ፡ ለስሕል፡ ደግለሉ።
 ጥዕም፡ ለሐሊቡ፤ መራር፡ ለዐንደሉ።
 ርግዘት፡ ለከናቱ፤ ሕርደት፡ ለጀንጀሩ።²⁾

1) L. ስረሩ (ፎ).

2) L. ገንጀሩ (ፎ).

- 15 እምበል ፡ ሕመድ ፡ ወድ ፡ አርባብ ፤ መን ፡ ስልጣኑ ፡ ወበዐሉ ፡
ንቱብ ፡ ክንቱብ ፡ ቱ ፡ ወድ ፡ አርባብ ፤ እት ፡ ጽንዕ ፡ ካሪ ፡ መምበሩ ፡
ምስማሪ ፡ መራክብ ፤ አምሆላላ ፡ ምን ፡ በሐሩ ።
በርቅ ፡ ሰርቃ ፡ መቀዳም ፤ ምን ፡ ኬን ፡ ምን ፡ ለቅበሉ ።
ዓጅተን ፡ ደወንክ ፤ ለቡራይ ፡ ጸዐዳ ፡ ደንበሩ ።
- 20 ለቡራይ ፡ ለዐቅባ ፡ ሸናቅር ፤ አብብ ፡ ቤታ ፡ ሰገኑ ።
ምን ፡ ምቅባን ፡ ወቆሎ ፤ ዐቂቅ ፡ ረአስ ፡ ለደንበሩ ።
ተቅደራ ፡ ምስዳር ፡ ኬደዩ ፤ ጋድር ፡ ጋርሕ ፡ እብ ፡ በዐሉ ።
ቅሮራ ፡ ፋግር ፡ ሻካቱ ፤ ሐቱ ፡ ኢኮን ፡ ሰርሰሩ ።
ለመንሸብ ፡ ረሐ ፡ ምን ፡ ገብእ ፤ በሃራት ፡ ገብእ ፡ ፍገሩ ።
- 25 ረሱብ ፡ ለወቱድ ፡ ሓባሉ ፤ ምን ፡ ኬን ፡ ካሪ ፡ ሾከኑ ።
ደው ፡ ወሰንዱቅ ፡ ዕዳደን ፡ ቱ ፤ ኢኮን ፡ ሰብ ፡ ዐድ ፡ ደቀሉ ።
ሐደር ፡ እለን ፡ ጀለልብ ፤ ሳፍር ፡ ምን ፡ ለገንደሩ ።
ሸሚካ ፡ ወሸንብል ፤ ሐንቦክ ፡ ልብላ ፡ ከለሉ ።

እግል ፡ ጸፍ-ጣሬን ፡ ሀዩ ፡ ለሐሊዩ ።

- 1 ዮም ፡ ለደብና ፡ አትሃደደት ፡ ኢትዘራኬት ፡ እብ ፡ ሐሻይ ።
ሮራ ፡ ረአሱ ፡ አብረዳ ፡ ምን ፡ ተሐት ፡ ምዖ ፡ ወሕዳይ ።
ወለምዕርብ ፡ አብረዳ ፡ ምን ፡ እት-እብን ፡ እት ፡ መርኣይ ።
ገብገብማ ፡ አብረዳ ፡ ትካረው ፡ ክልኦት ፡ ለግራይ ።
- 5 ደውደው ፡ ሐማል ፡ ደንዩ ፡ ሸምን ፡ ስዋራ ፡ እት ፡ ስላይ ።
እም-ዕትሮማ ፡ አብረደት ፡ ክልኦት ፡ ዛዛ ፡ ወሂክላይ ።
ነቅፋ ፡ አብረደት ፡ ተበን ፡ መልኣ ፡ ወጨብላይ ።
መስከብ ፡ ሕሙይ ፡ ታ ፡ ወሐሚ ፡ መስከብ ፡ አባይ ፡ ታ ፡ ወፈታይ ።
እንዶ ፡ ዐለት ፡ ተትሀዴ ፡ አግረዕ ፡ ተአውድ ፡ መካራይ ።

10 ምንዳ፡ ትድህር፡ እብ፡ ሳይራት፤ ወምንዳ፡ ትወቕል፡ እብ፡ ምትዋይ።

ለእላ፡ ተአቲ፡ ኢነአምር፤ ሳርደት፡ ዐለት፡ እብ፡ ምስማይ።

አፍላግ፡ ጸቢብ፡ አብረዳ፤ ክልኤ፡ ደልዎ፡ ወበልዳይ።

ወአፍላግ፡ ርሒብ፡ አብረዳ፤ አፍ፡ ወድ፡ ገሉብ፡ ወፍዳይ።

ለሕጻጽ፡ አብረደት፤ ጎ፡ ለዛውየት፡ ወድ፡ ሸግራይ።

15 እግል፡ ለካልእት፡ ወድ፡ ሸኔን፤ መዲና፡ ሰልም፡ ዎ፡ መንታይ።

አጫብዕ፡ ማይማየ፤ እልብ፡ ፋግር፡ ምን፡ ዐጥላይ።

ሸካኒ፡ ናላታት፤ ተሓቱ፡ ረዐፍ፡ ወጥራይ።

ስጋድ፡ ዐኚብ፡ እሮታ፤ ትከልአዩ፡ ለሐረስታይ።

አይናብ፡ ቆሎ፡ በረሽም፤ ለብለብ፡ ወጄ፡ ክም፡ መርዳይ።

20 ቀየሕ፡ ዐሎብት፤ ለትናጥጣጣ፡ ወድ፡ መዐስራይ።

ቀየሕ፡ ስጋ፡ በቃሪ፤ ትትዐራቤ፡ እብ፡ ገዳይ።

ቀየሕ፡ ጁከት፡ ሐላቂ፤ ማሌ፡ ፋግረት፡ ምን፡ ትርካይ።

ቀየሕ፡ ፍሬ፡ ቅናጦል፤ ትነሳነሰት፡ ምን፡ ሐጋይ።

ቀየሕ፡ ዐልቀት፡ መላጁ፤ ትከምራ፡ ከብድ፡ ማይ።

25 ለኒን፡ እንዶ፡ ተአርያ፤ ከትከናትያ፡ ምን፡ ሕልጣይ።

ለቅርቅር፡ እንዶ፡ ትትልሔ፡ ባ፤ ትገብእ፡ እላ፡ ረአስ፡ ዕጫይ።

ገሩን፡ ልብላ፡ ወጸዐዳ፤ ሔሌ፡ ልብላ፡ ወሐላይ።

ደሀብ፡ ነሸአ፡ ወሶሚት፤ ሸመት፡ ሀይባ፡ ወብላይ።

ኢደሌኮ፡ ቱ፡ ለጎፍካ። ሚ፡ ሀሌካ፡ ምን፡ መሃይ፡

30 ድግም፡ አለቡ፡ ቱ፤ ለዙዕዬ፡ እምበል፡ አትንሳይ።

እግል፡ አፍ-ሓሬን፡ ሀዩ፡ ለሐቢይ።

I ዮ-መቲኔ፡ አፍ-ሓሬን፤ ተዋለላ፡ ቱ፡ ወበርቃ።

እሊ ፡ ቤላ ፡ ምን ፡ ገብእ ፤ አማኑ ፡ ቱ ፡ ወኢሐሻ ።
 እሊ ፡ ሐቆ ፡ ኢቤላ ፤ ከብዱ ፡ ኔገሮት ፡ መልአታ ።
 ሕምግሌላ ፡ እት ፡ ሮራ ፡ ታ ፤ ወሕምግሌላ ፡ እት ፡ ነቅፋ ።
 5 ሕምግሌላ ፡ ቡብ-ዐጋም ፤ ለእቫ ፡ ዕማር ፡ ትዘአረታ ።
 ሕምግሌላ ፡ እት ፡ ሸነን ። ለሃ ፡ ዲብ ፡ ሚ ፡ ልትዐስሃ ።
 ሕምግሌላ ፡ ዐታቢት ፤ እብ ፡ አክቡደን ፡ ለቀርዳ ።
 ሕምግሌላ ፡ እት ፡ አፍላግ ፤ ልትረወይሃ ፡ ለመስያ ።
 ድቡረን ፡ ሕቃን ፡ መጥያሁ ፤ ወአገዘዳተን ፡ ለመኸ ።
 10 ገማሪ ፡ ወዐጽረሕ ፤ አስማጥ ፡ አውሔ ፡ ወገብሻ ።
 ጋነዛ ፡ ወብሩር ፤ መልአ ፡ ቤለው ፡ ወበልሳ ።
 ቅሮራ ፡ ወሻብሪ ፤ ለመልዔት ፡ ደሌት ፡ እብ ፡ ሐምዳ ።
 ብጋይት ፡ ትነብሮ ፤ ለቀርና ፡ ብሩር ፡ ወሸንካ ።
 ኢትትሐሊብ ፡ እት ፡ ሸባር ፤ ወኢትዘበጥ ፡ እብ ፡ መሐልካ ።
 15 ዐድ-ዕጄል ፡ ነብሮ ፤ ሐሪመት ፡ ለአፍለንዳ ።
 ዐድ-ሼክ-ሐምድ ፡ ነብሮ ፤ በዲር ፡ ምኑ ፡ ኢበልሳ ።
 መትጋውሐዩን ፡ በዳላ ፡ ቱ ፤ ሸኞፍ ፡ እለን ፡ ክም ፡ እንዳ ።
 በዐል ፡ አሐሀን ፡ ሰበሳቦ ፡ ቱ ፤ ፋጼ ፡ እለን ፡ እት ፡ ሰልፋ ።
 ምሴት ፡ ለእላ ፡ እንጎምም ፤ ሕና ፡ ወኖስና ፡ ንትበሐታ ።
 20 ምሴት ፡ ለእላ ፡ ንትለወቅ ፤ እግል ፡ ስነት ፡ ንሰሐታ ።
 ለከብድ ፡ አቡካ ፤ አስተንታና ፡ ወትኸ ።
 ትገብእ ፡ እልካ ፡ ለኢስኤካ ፤ ምን ፡ ቀዳማ ፡ አምሸሻ ።

እት ፡ ግድፀት ፡ ኖሱ ፡ ሰሐሲዩ ።

1 ዐብደል-ቃድር ፡ ሐሶሴ ፡ ቅነጽ ፡ እምካ ፡ መላላ ።
 ትነቆ ፡ ሀሌት ፡ አጆለት ፡ ክብስት ፡ ዲብ ፡ ለእጋላ ።

ዲብ : አዳም : ነዳይ : ኢሊሙት ፤ ወእት : ሕያይት : ለዕባራ ::
 ሕና : ምትና : ምን : ገብእ ፤ ከራይ : ረክበት : ድራራ ::
 5 ቀብረተና : ምን : ርጋዝ ፤ ወአዜ : ስቃቅ : ምን : ሰአራ ::
 ትብኸ : ዲብዬ : አለቡ ፤ ከአይ : ትብል : ወአላላ ::
 ወትዘፍን : ዲብዬ : አለቡ ፤ ከትውዕል : ዲብዬ : ብጣራ ::
 ወትሐዝን : እቼ : አለቡ ፤ ከጸዓዲ : ገብእ : ለአጽፋራ ::
 ሐዮት : ረክበት : ምን : ገብእ ፤ ኖስና : ረክበት : እብ : ፋራ ::

504

ዐሊ : ጃንጌ : ወድ : ሕመድ : ድራር ::

አስእኑ : እት : ልጋርይ : ምን : አኬት : ምኑ : ለሐለይ ::

I አኬት : ምንዬ : ለኪደቼ ፤ ሸቅለት : እንዶ : ወዴከ ::
 ከንዶእ : እት : ድመል ፤ ሾከት : ከብድ : ወዴከ ::
 ከንዶእ : እት : ገበይ ፤ ትዕስ : ለእላ : ትገሴከ ::
 ከንዶእ : እት : ሰፍራ ፤ ነብራ : እንዶ : ሐዜከ ::
 5 ምን : ጸብብ : በደር : በዐል : አጅል ፤ ክም : ሆባይ : ዐልል : ሀሴከ ::

* * *

መራነት : ዎ : መላሀይ ፤ ብዙሕ : ሰኔት : ኢተምስል ::
 እግል : ዐለዮ ፤ እብ : ሰይፍና : እንበጥር ::
 ክል : ጋናና : ንታሌ ፤ ከኢሞዳይና : እንገንጅር ::
 ዕቅብና : ዲብ : ወሐል : እንከሯ ፤ ከነራግሮ : እብ : ነትል ::

* * *

IO ዐድ : ትማርያም : ወድ : አቢብ ፤ ምን : ጸድቆ : ሰብ : ለክትልና ::
 እያድና : በይና : ነሐይዮ ፤ ከበኑ : ተርፍ : ሸፍርና ::
 ቅሕብ : ምስል : አንረዌት ፤ ቀልብና : ኢኮን : ወልብና ::

ወለት ፡ እዛዝ ፡ ወድ ፡ ጀሚል ፡ ሐጻ ። ወሐር ፡ ለወለት ፡ እግል ፡
 አቡሃ ፡ ቴሎ ፤ “ እንዶ ፡ ፊርሀክ ፡ እናስ ፡ ዳውራይ ፡ አትሐጺከኝ ” ።
 ወዐሊ ፡ ጃንጌ ፡ እላ ፡ ክም ፡ ሰምግ ፡ ለዳውረት ፡ ጸሩ ፡ እንዶ ፡ ነስኦ ፡
 እት ፡ እዛዝ ፡ መጽኦ ፡ ወእግል ፡ ለወለት ፡ ሐድገያ ፡ ከክም ፡ ሐድ
 ገያ ፡ እላ ፡ ሐላ ።

- I አኒነሱባ ፡ ገአኮ ፤ ወኢገብአኮ ፡ ፋራ ።
- “ አኒነሱብዬ ” ፡ ቲብል ፤ ህታማ ፡ ዲብ ፡ አካና ።
- መንገአት ፡ እናስ ፡ ዐሻይ ፡ ታ ፤ ልኡክ ፡ ወገአና ፡ እላ ።
- እት ፡ ከወኝ ፡ ዑርት ፡ ታ ፤ ወእት ፡ ዐገባ ፡ ጣላ ።
- 5 ዓሳር ፡ ውላድ ፡ ሕልቡብ ፤ ሹቲት ፡ ደምበር ፡ ባና ።

እግል ፡ ሰብ ፡ ዐንሰባ ፡ ተሓት ፡ [ሴት-ጃክ ፡ ወሴት-ዐውቁ] አሓ
 ሆም ፡ ሰርቃ ፡ ከምን ፡ ሐመዎ ፡ እላ ፡ ሐላ ።

- I አተሓመድና ፡ ተሓሚና ፤ ሕና ፡ ወሰብ ፡ ለአነግብ ።
- አጌልል ፡ ደኢኮን ፤ ግዳዕማ ፡ ሸርባ ፡ ሚ ፡ አደንግብ ፡
- ለወአት ፡ ወድ ፡ በዩድ ፤ ዔደባይት ፡ ታ ፡ ሸነግብ ።
- ዲብ ፡ ለመቅጠና ፤ ህንባል ፡ ኃብእ ፡ ቱ ፡ ጀረብብ ።
- 5 አድሐ ፡ ጸዐዳ ፡ ነስአንሃ ፤ እት ፡ ለተቅብል ፡ ለአነግብ ።
- እምበል ፡ ለአክራራ ፡ ላሊ ፡ ክላ ፡ ኢእሰክብ ።
- አክረርኮማ ፡ ምን ፡ ገብእ ፡ ዲብ ፡ አስዑጂ ፡ አተንክብ ።

እብ ፡ ጸገሙ ፡ ለሴላ ።

- I ዐሻሱት ፡ ዎ ፡ ጸርና ፡ ሕና ፡ ቱ ፡ ሰብ ፡ ለሕሚታ ።

- መፍሩዳ : እነሽእ ፤ እማቱ : ምን : ለቅምቤታ ::
- ዕጅጋ : እነሽእ ፤ በዐልቱ : ሳብር : ዕጺታ ::
- እንተል : ሐሊብ : እነሽእ ፤ እንሳ : ክላ : ትኬታ ::
- 5 ምቅርብታ : እነሽእ ፤ ዐውላ : ፊዳ : ወዜዳ ::
- ኩሉ : ረአሳ : እንሸምም ፤ እግል : ከሪ : ስሚታ ::

508

እብ : መራተ : ለቤላ ::

- 1 ም : መሐመድ : ሰልም : ብጅሆተት ፤ ለድጌ : ዲብ : ለድዋሩ ::
- ቀሎት : እት : ጸጋይ : ታ ፤ ጋሻ : እግል : መሐዳሩ ::
- ወቀሎት : እት : ገመኔታት : ታ ፤ እብ : አስዑዳ : ገንዳሉ :
- ወቀሎት : እት : በጽሕ : ታ ፤ እንዶ : ሜዝን : ጽዋሩ ::
- 5 ሕጉዝ : ኢኮን : አቡካ ፤ ፈርዑ : ካርዑ : ቱ : ወዳሩ ::

509

ዐሊ : ጃንጌ : ሀርማይ : እንዶ : ዐላ : ሐር : እብ : ዘበን : ጠላን :
 ዐድ : አታ : ወአሸራ :: ከሐቱ : ምዕል : እግል : ዎሮት : ሕጻኑ : እብ :
 ሀወት : ዲብ : ምዕጥን : አውረደደ :: ወለሕጻኑ : እንዶ : ማዶ : መ
 ልኣ : እት : ልፈግር : ሰብ : አስፈዳ : ትከሸተዎ :: ከትሰአለዎ ፤ “እ
 ናስ : አዶ : ምድር : እንታ” : እንዶ : ቤለዎ :: ወሀቱ ፤ “ሕጻን : ዐሊ :
 ጃንጌ : አና” : ቤሎም :: ሀቶም : ሀዬ ፤ “ሕጻን : ካይን : ወዛልም : ወሴ
 ርቃይ : ገአካ : ከማ” : እንዶ : ቤለዎ : ለማዶ : ሰተዎ : ምኑ :: ወሐር :
 ለሕጻኑ : ክም : ዳገማ : እሉ : ዐሊ : ጃንጌ : ሀዬ : እላ : ሐላ ::

- 1 ሐልብና : ጃለለት ፤ ትፈጆት : ዲብና : አስፈዳ ::
- እሊ : አድም : ዝላማ : ቱ ፤ ለዲብ : ለረአስና : በረጃ ::
- ክስእት : ላታ : ምን : ዔረት ፤ ወዳይረት : ላታ : ምን : ከስኣ ::

ምን ፡ ሐርዳ ፡ ስግሁ ፡ ምን ፡ በልግ ፤ ወ ሐሊብ ፡ ማሉ ፡ ምን ፡ ሰታ ።
 5 ከራ ፡ ሰሊም ፡ ምስምዳይ ፤ ለባትከት ፡ እብ ፡ ለመንፈሳ ።
 ዮም ፡ ሰሊም ፡ ምን ፡ ጸንሕ ፤ እትላ ፡ ሐቲ ፡ ወወዳ ።
 ነፍስና ፡ ሐወነት ፤ ወኢእንረትዕ ፡ እብ ፡ ሸካ ።
 ግሔትማ ፡ ክልሕ ፡ ዲብ ፡ ትወጀ ፤ ዙብጦ ፡ ዲባ ፡ ደምቀታ ።
 ምን ፡ እላ ፡ ለእላ ፡ ትገብአና ፤ አሌቶ ፡ ሐመድ ፡ ወመጽአ ።

510

ሰሸት ፡ መትኸማን ፡ እግል ፡ መሸሀይ ፡ ለቤላ ።

I መሸሀይና ፡ ከደን ፡ ፋግራም ፡ እት ፡ ሕና ፤ ቃዊ ፡ ላቱ ፡ ቀትሎ ።
 ነፍስና ፡ ሐቆ ፡ ፈግረት ፤ እት ፡ አጋይድ ፡ ነቀሸኖ ።
 አቅሰንሁ ፡ ምን ፡ ገብእ ፤ መን ፡ ልብለኛ ፡ ታ ፡ “ትክህሎ” ፡
 ወትጠላቃ ፡ ምን ፡ ገብእ ፤ ድመልናማ ፡ ተክኸሎ ።

* * *

5 መሸሀይ ፡ ለመሸሀይ ፡ አቡካ ፡ ቱ ፤ ምንዲ ፡ ጸንሕ ፡ ዲብ ፡ ባኩ ።
 ምን ፡ ልትኚ ፡ አስእኑ ፤ ወምንዲ ፡ ዐርቅ ፡ ለልባሱ ።
 ምን ፡ ሰፍሬ ፡ ነብርሁ ፤ ወምን ፡ ልትወለፍ ፡ ትምባኩ ።

* * *

አቡካ ፡ መሸሀይ ፡ ኢለኸሮ ፡ ክም ፡ ብላይ ።
 መይት ፡ ዲቡ ፡ መሸሀይ ፡ ከበይእ ፡ ሐን ፡ ለኮክላይ ።

IO ወረይም ፡ ዲቡ ፡ መሸሀይ ፡ ከልታለዮ ፡ ለአምሐራይ ።
 ወዐግብ ፡ ዲቡ ፡ መሸሀይ ፡ አዳም ፡ ልግበእ ፡ ወንዋይ ።

* * *

መሸሀይ ፡ ምንዲ ፡ ለሐዬ ፡ ግምሽ ፡ ኢልሸሐቆ ።
 ወመሸሀይ ፡ ምንዲ ፡ መይት ፡ እት ፡ ከደን ፡ ኢልሕዶጎ ።
 ሊሙቶ ፡ እቱ ፡ ወልቅተሎ ፡ ወሰኒ ፡ ልትላቦሶ ።

511

እብ፡ ሰጸር፡ ሰእሎም፡ ልታሌ፡ ሰቤላ።

- I እት፡ ጸዳቅ፡ እንጸድቅ ፤ ዲብ፡ ከንፈሩ፡ ለጸንሕ።
- ክልኤ፡ ምብላስ፡ ለኢበልስ ፤ ወክልኦት፡ ስጋ፡ ለኢበል።
- በዐል፡ ኤማን፡ ንታሌ ፤ ለኢለዐጦጤ፡ ወኢጠር።
- ምን፡ እኸት፡ ለኢደንግጽ ፤ ወእግል፡ ለሰኔት፡ ለኢፈርሕ።
- 5 አቡካ፡ ክም፡ ለእት፡ ላበት ፤ ኢሰርዕዎ፡ ወኢሰር።
- እምበል፡ ሕና፡ ሚ፡ እነሸኦ ፤ እት፡ እማታ፡ ለኢትጸንሕ።
- እብ፡ መሐገዝ፡ እንከይን ፤ አዳም፡ ዕጨይ፡ ሚ፡ በል።

* * *

- ዲብ፡ ካይን፡ እንከይን ፤ ዲብ፡ ጥራይ፡ እንጠፎ።
- ሐጥር፡ ላቱ፡ ንታሌ ፤ ኸክንሁ፡ ዲብ፡ ወሐል፡ ለከፎ።
- IO ትጸገም፡ ምኑ፡ መላህይካ ፤ ለኢመርሐኸ፡ ወኢተሌ።
- ወለት፡ ሰመራ ፤ መዲና፡ ሰልም፡ ተምበሌ።

512

እያሱ፡ ወድ፡ ህብቴስ።

ሰሸት፡ ብቆት፡ ሰቤላ።

- I ኢትርቀሸን፡ ዎ፡ ሕመድ ፤ ብሩኸ፡ እሌን፡ ሰዐራቱ።
- ፍንጌ፡ ሰለስ፡ ለድኔ ፤ በና፡ ተሐዬ፡ እሳቱ።
- ድኔ፡ ዎሮ፡ አፍ-ዐበድ ፤ ወድኔ፡ ጋድም-ገርሳ፡ ቱ።
- ለድኔ፡ ቀር-ዎበል ፤ ዲብ፡ ሕድ፡ በይኦት፡ ታ፡ ጎማቱ።
- 5 እሌ፡ ምድር፡ መትወርስ፡ ቱ ፤ ከገይስ፡ ምኑ፡ ክል፡ ፋትሁ።
- ምድር፡ ወድ፡ ጋራት፡ ቱ ፤ ተክሌስ፡ እብ፡ ለውላዳ።
- ቀይሕ፡ ወጸሌም ፤ ለኸማገሌ፡ ምድራ፡ ቱ።

513

እናስ ፡ ማርያ ፡ ትከተለዩ ። ሐር ፡ ሐባብ ፡ እግል ፡ ልቅዱሎ ፡ ሐ
 ዘው ፡ “አባይ ፡ ትረከባ” ፡ እንደ ፡ ቤለው ። ወእያሱ ፤ “አና ፡ እፈግዎ ፡
 እልኩም” ፡ ቤሎም ። ወሐር ፡ ክእኛ ፡ ቤሎ ።

I እብ ፡ ኔገሮት ፡ እንደ ፡ አስቴካ ፤ አገድ ፡ አፍግር ፡ ዎ ፡ ይሻ ።
 ምድር ፡ ለሰዐሩ ፡ ኢትርቀብ ፤ ወእላ ፡ ዔላ ፡ ለጅሻ ።
 አሐ ፡ ገጃ ፡ ዲብ ፡ አውለት ፤ አምዕል ፡ ወላሊ ፡ ዐድሻ ።
 ኢከዩና ፡ ምን ፡ ገብእ ፤ አሐዲ ፡ መምብሃ ፡ አክሻ ።

514

እግል ፡ ምድር ፡ ዐጁ ፡ እት ፡ ለሐምድ ፡ ለቤላ ።

I ነቅሩ ፡ ምድር ፡ አብዕብዬ ፡ ታ ፤ ሐሰት ፡ ኢኮን ፡ ወበራ ።
 ቅዱይ ፡ ትንፋሳ ፡ ታ ፤ ዘባድ ፡ ጺኔ ፡ ወልወላ ።
 በዐላ ፡ ንጃፍ ፡ ኢለሐኬ ፤ ዔዶ ፡ መሸል ፡ ክደራ ።
 በዐላ ፡ ነብራ ፡ ኢለሐኬ ፤ እክል ፡ ወሐሊብ ፡ ፋጨላ ።
 5 ጨወቱ ፡ እት ፡ ናውድ ፡ ቱ ፤ ድግድግ ፡ ለመስከብ ፡ ዓሸራ ።
 አታፍእ-ዓቡድ ፡ እት ፡ እክድ ፡ ቱ ፤ እብ ፡ “መን፡ባይት” ፡ አድረራ ።
 ሸርም-አዳግ ፡ ምዕጥና ፡ ቱ ፤ ወዕጨት-ገርጊስ ፡ መሐበራ ።
 በዲርማ ፡ የዐቆብ ፡ ወድ ፡ ገርጊስ ፤ መጋቡ ፡ ዲባ ፡ አስበራ ።
 ሰመራርዑል ፡ ከንቱባይ ፡ ነጋጊሩ ፡ ዳፈና ።
 10 ገበይ ፡ ሰረጥ ፡ ወዐንገፍ ፡ አግቡይ ፡ ለአዜ ፡ ትፋቀራ ።

515

መሐመድ ፡ ወድ ፡ ጃውጅ ፡ መርባት ፡ አቡሀ ፡ እግል ፡ ለቅስን ፡
 እግል ፡ ቤት-አስገዴ ፡ በሀለት ፡ ዐድ-ህብቱስ ፡ ዐድ-ተክሌስ ፡ ወ
 ዐድ-ትማርያም ፡ እት ፡ ሸንጌራ ፡ ወአፍ-ዐበድ ፡ ትሻፈራዮም ፡ ወእ

ግል : ለሐይሶታቶም : ታተላ :: ወአንሶም : ወውላዶም : እት : ል
በኸ : ምን : ተርፈው ፤ እብ : ፍድብ : ለአብእስተን : ወአበይቶም :
እት : ለሸፍ : ለወድቀው : እያሱ : ወድ : ህብቱስ : እግል : ለደፋ-
ፍኦም : እላ : ሐላ ::

1 እምበልኪማ : ም : ፋጥና ፤ አንስ : ከሉ : ቱ : መምበላ ::
ከሉ : ግሰት : ኢግራ ፤ ወከሉ : ተንት : ኢሰሐና ::
ምን : እንዜ : ወምን : ኬን ፤ አርእስ : ሐዳ : ልግደላ ::
ወለረአሳ : ጌሳ : ቱ ፤ ወለጽፍራ : ደገና ::

5 አምና : ሐቆ : አቡኪ ፤ ትሰሐቃ : ሚ : ቡ : ወትደአላ :
ምን : ሞታ : አብዕብኪ ፤ ዮም : ላሊ : አክረራ ::
ዐሚካሌ : ቱ : አቡኪ ፤ ወእንቲ : ወለት : ደፈራ ::
ዐሚካሌ : እብ : ገብአ ፤ አቡኪማ : ኢደሐና ::
ለፈረም : ዕንጻዮት ፤ ሰብ : ሸንጌራ : ትጋወራ ::

10 ዐድና : ግልብዝ : ሐርማዙ : ታ ፤ እሻ : ለሸዮም : ትቃተላ ::
ዐድ : ለፋላት : ኢለዐደም ፤ ዋሳ : ወለደንበራ ::
ትበአሳ : ሕመድ : ወድ : ጀሚል : ቱ ፤ እት : ቀበታ : ትዋገራ ::
በዐል : ጆር : ወድ : በዐል : ጆር : ቱ ፤ ለእላ : ቤላ : አሸበራ ::
ትበአሳ : ኤሎስ : ወድ : ድራር : ቱ ፤ ዓያ : ለአልባብ : ሳጠራ ::

15 ወእግል : ለዎሮ : ቀትላ : ቱ ፤ ወእግል : ለዎሮ : ሐከራ ::
ትበአሳ : ፍዴል : ወድ : ጀሚል : ቱ ፤ ሸመት : ወድ : ለመምበራ ::
ጸገም : ሰኒ : እሊ : ቱ ፤ እት : ለዛምተት : ሄረራ ::
ትበአሳ : እሸሐቅ : ወድ : አርበድ : ቱ ፤ ለዛምተት : ሰራ : ትከፈላ ::
ልቡ : ለፈረስ : ኢአባ ፤ እብ : ትለሸዳ : ወእብ : ጸሐላ ::

20 ወልቡ : ለመንዳቅ : ኢአባ ፤ ባሮት : ሕፋን : ቱ : ለስረራ ::
ወልቡ : ለአዳም : ኢአባ ፤ ለደገል : ደገል : ጸቅለላ ::

ጥርፍ ፡ ሐረምግገ ፡ ቱ ፤ ደራበዎ ፡ ከጠሐራ ።
 ዐድ-ትማርያም ፡ ወድ ፡ አቢብ ፤ ሰከያማ ፡ ትገላ ።
 ምን ፡ ሸንጌራ ፡ ምን ፡ ቀንጻ ፤ ዲብ ፡ አፍ-ዐበድ ፡ አሸአላ ።
 25 እብ ፡ ሚ ፡ ለማይት ፡ ኢቀብራ ፤ ወእብ ፡ ሚ ፡ ለታርፍ ፡ ኢደላ ፡
 ወድ ፡ አብሳጥር ፡ መምብሀ ፤ ደብር ፡ ደንደን ፡ ሻፊላ ።

516

ዔደረት ፡ ወድ ፡ ህዳድ ።

1 የ-ም ፡ ዎ ፡ ሊቤ ፡ ኃባይት ፤ ወዴከኒ ፡ ቱ ፡ እት ፡ ሸጎት ።
 እሱር ፡ ትጠላቃ ፡ እታ ፤ ምኛ ፡ አውለት ፡ ምን ፡ ሰብከት ።
 ለሰብአ ፡ ቀዳምያም ፤ ኢሐሎብ ፡ እብ ፡ ወልደት ።
 ሕናማ ፡ ሐሊባ ፤ ሕራድ ፡ ክስታን ፡ ቱ ፡ ወበትከት ።
 5 ክልኤ ፡ ጸዓዲ ፡ ባልሰት ፡ ታ ፤ ምን ፡ ገጽ ፡ ለዐል ፡ እት ፡ በርሰት ።
 ምኛ ፡ ማርያይ ፡ ማጽአት ፡ ታ ፤ ምን ፡ ወድ ፡ ጀሚል ፡ ወድ ፡ ዐጀግ ።
 እላ ፡ ሳልስ ፡ አሬታ ፡ ታ ፤ እት ፡ ትደውር ፡ እት ፡ ድመት ።
 ወድ ፡ ዳር ፡ ሞቱ ፡ እት ፡ ዳሩ ፡ ታ ፤ ወሀርማ ፡ ሞቱ ፡ ዲብ ፡ ሕጅት ።
 ሐርማዝ ፡ ሞቱ ፡ እት ፡ ቀርጉ ፡ ታ ፡ ደላል ፡ ብዝሕት ፡ ቡ ፡ እት ፡
 ፈርደት ።
 10 ሕና ፡ ሞትና ፡ እት ፡ ሸመት ፡ ታ ፡ እት ፡ ሸከየት ፡ ወእት ፡ ሕክመት ።
 ቤት ፡ አቡና ፡ ተአቤኛ ፡ ተአሬ ፡ ዲብና ፡ ለትመክርሀት ።
 ተትውዕለኛ ፡ እብ ፡ ታላት ፡ ወትትዓጼኛ ፡ እት ፡ ክርበት ።
 የ-ምማ ፡ ምኛ ፡ አካና ፡ ሊሊት ፡ ለደብና ፡ ኢሰክበት ።
 ምን ፡ ሄላል ፡ እት ፡ ቤላል ፡ እት ፡ ትሰጠር ፡ ለአንሰረት ።
 15 ምን ፡ ጋሌጋ ፡ እት ፡ ቡራ ፡ ምን ፡ ደበርር ፡ እት ፡ ዕልገት ።
 ምን ፡ ክልኤ ፡ ግላሊ ፡ ምን ፡ ምዖገሌ ፡ ለእት ፡ ሸምከት ።

ግላሊ፡ እት፡ ገሊል ፤ አንፎተያ፡ ወእት፡ ገርሰት ።

አፈርም፡ ምስሐየት ፤ 1) ኢሰኛ-ሮ፡ ወዘግሀት ።

ግናሽ፡ ዐድ-ናሽሕ፡ በላ፡ ታ ፤ ም፡ ተክሌስ፡ ወድ፡ ብእምነት ።

20 ካልእቼ፡ ኢኮኒ ፤ አመት፡ ለትወርድ፡ እብ፡ ሐድነት ።

ግርም፡ ላታ፡ ታ፡ ካልእቼ ፤ አባ፡ ላታ፡ ታ፡ ወሕርመት ።

በዐል፡ ለሕማር፡ ዔደባይ ፤ ሐሸሽ፡ ኢኮን፡ ወሕርበት ።

መገሸያ፡ መናብር፡ ቱ ፤ ምን፡ ሰፈዲ፡ እት፡ ቅልወት ።

እት፡ አንፋ፡ ክሞሚት፡ ቡ ፤ ፍሬ፡ ጸብር፡ ለሀርግመት ።

25 እት፡ ግርግ፡ ሶሚታት ፤ ለፅነጅ፡ እት፡ ለግርግመት ።

ዮም፡ ለገጸን፡ ትፈሰሳ ፤ ሰኔት፡ ወአምና፡ ወምሀረት ።

ምንዲ፡ በጄ፡ ለቀሪመን ፤ ኢለቀብላ፡ እት፡ ዝሕረት ።

አፍ-ሐሬን፡ ለቃብል፡ ቡሳዩ ፤ አምፅል፡ ቡ፡ ለእላ፡ ልሸረድ ።

ቅሮራ፡ ፋግር፡ ሻካቱ ፤ እብ፡ ገረግፍ፡ ልትወረድ ።

30 ጋድር፡ ጋርሕ፡ ወርጾ ፤ በዐሉ፡ ዋዲ፡ እት፡ ሽጎት ።

ሐማስ፡ ጼጻይ፡ ወርጾ ፤ እት፡ ልጆኝብ፡ እብ፡ ህልበት ።

ሀርማ፡ ዳይፅ፡ ወርጾ ፤ ለስጋ፡ ካውል፡ እት፡ ሕደት ።

አዋልድ፡ ለዐድ-ፅመር ፤ ለቀይም፡ ሰብካ፡ እት፡ ትረት ።

ጤብሳ፡ ለቀይሕ፡ መላትሐ ፤ ገብኣ፡ ዲቡ፡ አሸሰት ።

35 ምን፡ ግብፅነት፡ እት፡ አስራይ ፤ ዲብ፡ አቶጊ፡ ወሀደት ።

ለመልዔት፡ ጸሮባ ፤ ገሚት፡ ዲባ፡ ወበልሰት ።

መሐመድ፡ ወድ፡ ፀሊ-ፋላት፡ ሰሐሲያ፡ ቅብላታ ።

I ዮም፡ ምና፡ አካና ፤ ለደብና፡ ሀሌት፡ ተርዐዴ ።

ምን፡ ረአስ፡ የሪታት ፤ ምን፡ ረአስ፡ ቀይሓት፡ ለእት፡ ገርጌ ።

1) Naffa^c schlug vor, ፀንዳየት zu lesen, da ihm ምስሐየት gänzlich unbekannt war.

ምን : ረአስ : ወድ : ዶራ ፤ ባልሰት : ሀሌት : ለሆብሌ ።
ለበርቃ : ልሻጠር ፤ ወለሀዳዳ : ልዘርኬ ።

5 ለቡሰት : ትለፋልፍ ፤ እብ : ዔደረት : ተተዌ ።
በርካ : ለሞዳይ : ደገልል ፤ በትኮ : ምኒ : ትክዐሌ ።
ዕጨት : ዐልጦብያ ፤ ምን : ክል : ክትም : ለረኸ ።
በትካ : ምኛ : ምን : ትቡሽል ፤ ወአገማ : ምኛ : ምን : ጠሬ ።
እምቡሽ : ልብላ : ወአደንገል ፤ ድሩብ : ልብላ : ወዐኸ ።

10 ተኮበት : ለሕማረን ፤ እግል : ሰብዐት : እልፍ : ትትከሬ ።
እሊ : ለሳብክ : ምን : ገብእ ፤ አክል : አዩ : ቱ : ለለሐኔ ፤
ዐስር : ሰብዐት : ደቀሉ ፤ ከሉ : ገቢል : ለረኸ ።
ለሽረዕ : ለብኦልል ፤ ስክን : ትወትድ : ወትከሬ ።
ባሰራይት : እት : ሰምሀር ፤ ዐረብ : ሐዳስ : እት : እዴ ።

15 ፋጠት : ዕሌሚ ፤ እብ : ምራቅ : ደሀብ : ትትሐልዌ ።
ምን : መክተፍ : ወድ : አብርሃም ፤ ምን : ገምሮታ : ወተሬ ።
መሓዝ : ቱሉክ : ወእት : ዐንደል ፤ ብልም : ወእሊ : ባትምቤ ።
ሽርም : ዐማር : ወጽጎት ፤ ወለደሸት : ጅልሕንቱ ።
ተግ : ለምዕጥን : ወተቅዳ ፤ ቀፍር : አኮን : ወእት : አዜ ።

20 ዐሻሲት : ትወርጃ ፤ ሐነን : ትወጃ : ወድንግሐ ።
ህምሩብ : ሀመንርብ ፤ ካሪ : ሀላ : ግልዕኤ ።
ሐማስ : ለቱኩል : እዘኑ : አስጉን : ጸብጥ : እብ : ጅርቤ ።
ጅርገት : ሰገናይ : ዴርሆ : ናቅም : ዶል : ጽብሐ ።
ወለት : ለሐሉ : ጅንግላይ : ለአሩይ : ትዘምት : ወተኦቱ ።

25 እሬሬ : ፍኑዳግ : ሰክባ : ዲቡ : ወድ : ብዕሌ ።
ሕመድ : ዐቢ : ለአዳይድ : ወልደት : ዲቡ : መንተሌ ።
ዔጥር : ትነብር : እት : ከደን : ወነዊድ : ምን : ዐድ : ልትገሌ ።
ሀግያዬ : ምን : አዘም : ታ ። ክም : ዔደረት : ሚ : ሐሌ ።

ሀቱ፡ ጸኑ-ዕ፡ ቱ፡ ወድ፡ ሞላድ፡ ወሀቱ፡ ሕንቁቅ፡ ቱ፡ ወድ፡ ድኚ።
 30 ሀቱ፡ ሓጥር፡ ቱ፡ እብ፡ ከብድ፡ ወሀቱ፡ ጸጋይ፡ ቱ፡ በዐል፡ እደ።
 ዕጉብ፡ እንቱ፡ ኢዐግብ ፤ ሐዋን፡ ለክእኛ፡ ክምሰልዬ።
 እት፡ ለትሉቅ፡ ኢሀላ ፤ ሓጥር፡ ለክምሰል፡ ወድ፡ ገሌ።
 እት፡ ቀጻፉ፡ ዙብጠዩ ፤ ሐርማገገ፡ ለጋብእ፡ ዐበሌ።
 ቦላ፡ ታ፡ እግል፡ ብድሆተት ፤ እግል፡ ለካልእት፡ አስበሬ።
 35 እግል፡ ቅሕባ፡ ኢኮኔ ፤ ማይ፡ ሐርባማ፡ ኢእሰቴ።
 ጭራመት፡ ካርበት፡ ታ ፤ ስጤት፡ ጋብአት፡ ሐትሐቴ።
 ሻልኪት፡ ዘነብ፡ ጅንግላይ ፤ ሸምላ፡ ኢኮን፡ ወበሬ።
 ዐንደበት፡ ቀላቅል ፤ ትዘርሐ፡ ዲባ፡ ሰበሌ።
 መትጋውሓዩን፡ በዳ፡ ቱ ፤ ወመሸህዳዩን፡ በርአሬ።
 40 ከልበን፡ ወድ፡ ሐሸል፡ ቱ ፤ ነብሕ፡ እለን፡ ወሐሌ።
 ሆቢብ፡ አራባት ፤ ግናይ፡ ትወልድ፡ ወተዐሌ።
 በሐር፡ ትግበእ፡ ፍንጌና ፤ ወፍንጌ፡ ቤት፡ አስገዴ።
 ሀቆም፡ ካሸት፡ ምን፡ ኬና ፤ ወሕና፡ ካሸት፡ ምን፡ እንዜ።

518

መሐመድ፡ ወድ፡ ዐሊ፡ ፋላት ።

እግል፡ ክንቱባይ፡ ጃውጅ፡ (?) ክም፡ ሞታ፡ ለቤላ ።

I ማሌ፡ ፈግራ፡ ቤሉና ፤ ምን፡ ደከኖ፡ ወሰምሀር።
 እግል፡ ልንሰእ፡ ሺመቱ ፤ ንጋረቱ፡ ወመምበር።
 እግል፡ ለፍርሀ፡ ወለፍቱ ፤ እብ፡ መናዱቅ፡ ወዐሸከር።
 ዩም፡ ሞታ፡ ቤሉና ፤ መስእል፡ እኩይ፡ ኢልብቀል።
 5 አባይካ፡ አቅረዳ ፤ ትከራ፡ ምኑ፡ መስገደል።
 ፈታይካ፡ ቀርቀራ ፤ ከሉፍ፡ ሀላ፡ እብ፡ ሐዘን።

አንኮከልና ፡ ኢኮኒ ፡ ከአፎ ፡ ኒዴ ፡ ወንግበር ፡
 እሸዎ ፡ እሊ ፡ መምባና ፤ ወለእሉ ፡ ንትከተል ፡
 በዲር ፡ አብ-አምና ፤ ምን ፡ ከሉማ ፡ ልትወቅል ።
 10 ጾሩ ፡ ጾራ ፡ ወጾሮም ፤ ክቡድ ፡ ጾሩ ፡ ቱ ፡ ለጅደል ።
 እት ፡ ለበዐልዬ ፡ መነዩ ፤ መን ፡ ሐይስ ፡ እምበል ፡ ደሐን ፡
 ጋሻይ ፡ ዐዱ ፡ አቅበላ ፤ እንዶ ፡ ጌሳ ፡ ክል ፡ ከሰር ።
 ወሐር ፡ አብ-መልክ ፤ ገምዖ ፡ ህመም ፡ መሸንገል ።
 አሻ-ገደቦ ፤ ስካብ ፡ ሚ ፡ ቡ ፡ እምበል ፡ ሰሀር ፡
 15 መሓዛት ፡ ለጃውጅ ፡ ደንኖ ፤ ሰብኡ ፡ ልትውዔ ፡ ወልትገዐር ።
 አድማይ ፡ ደንን ፡ ሳሳቱ ፤ ሳክዮታቱ ፡ ልትፈንጠር ።
 ስም ፡ መሰመም ፤ እግል ፡ አባይ ፡ ልትበሸል ።
 እት ፡ ሐሳስ ፡ በርበሬ ፡ ቱ ፤ እት ፡ አስርየት ፡ ኢልትከሀል ።
 እት ፡ ወሓይዝ ፡ አብደላም ፡ ቱ ፤ ለመሓዝ ፡ ዐቢ ፡ ልጸቅለል ።
 20 ዐድ ፡ ሕድ ፡ በጽሕ ፡ እብ ፡ ሃክብ ፤ ለከረም ፡ ምንዲ ፡ ትትሀንደር ።
 እት ፡ አራዊት ፡ ኮከባይ ፡ ቱ ፤ ኢለትፋኔ ፡ ልትአዘር ።
 ጽፍሩ ፡ ጸብጥ ፡ ወአርግሁ ፤ አቡሱሳ ፡ ለወነን ።
 ኢሀይሾ ፡ ቅታሉ ፤ ኢሐድኝ ፡ እብ ፡ ደል-ደል ።
 ግሎት ፡ በልዕ ፡ እብ ፡ በኑ ፤ ዐቅባ ፡ ናቅል ፡ ወሕመር ።
 25 ከአዜ ፡ ሰኒ ፡ ወለድካ ፤ ምንማ ፡ ትመይት ፡ ትትቀሸር ።
 እት ፡ ፈረዕ ፡ በዳ ፡ ኢተሓስብ ፤ ጋንካ ፡ ልስከብ ፡ ኢልስሀር ።
 ጎማትኩም ፡ ዐድ ፡ ሕድ ፡ አብእዋ ፤ ዕጅል ፡ ወዐሊ ፡ ወእዛዝ ፡
ወሐሰን ።
 አባይኩም ፡ እበዎ ፤ ለተመሸሉ ፡ በዐል ፡ አከር ።
 ፈታይኩም ፡ ናተዎ ፡ ለእት ፡ ገሮብኩም ፡ ልትአመን ።
 30 ማርሓይ ፡ ሰኒ ፡ አምርሕዎ ፡ ሰኒ ፡ ሊበል ፡ ወልግበር ።
 ታይላይ ፡ ሰኒ ፡ አትልዎ ፤ ደረብኩም ፡ እግል ፡ ኢልድለል ።

ትግራይ ፡ ሰኝ ፡ አምቡሮ ፤ ዲብኩም ፡ እግል ፡ ልትከለል ።
 ኢትዝቦጦ ፡ እብ ፡ ሞራ ፤ ወኢተዐዩሮ ፡ እብ ፡ ከንፈር ።
 መቅስናይ ፡ መርባት ፡ ብጎና ፤ ለላሊ ፡ ተርህ ፡ ዲብ ፡ አከር ።
 35 አዜማ ፡ ስልጣን ፡ ብጎና ፤ ለሹም ፡ ግሹይ ፡ ረአስ ፡ መምበር ።
 አዜማ ፡ ጸጋይ ፡ ብጎና ፤ ለጋሾታቱ ፡ ልደረር ።
 ለደፍአኛ ፡ ብጎና ፤ ገድም ፡ ዲብ ፡ መን ፡ ንሰፍለል ፡

519

ዐቱላይ ፡ ሐሰን ፡ ወድ ፡ ህዳድ ፡ ምን ፡ ሸጽበጣ ፡ ለቤሻ ።

I ኢትምጽኢና ፡ ም ፡ እት-ህላል ፤ ማላት ፡ ጸርና ፡ ሚ ፡ እንቃጥም ፡
 ሐሰን ፡ ቤእ ፡ ወሐሰን ፡ ድግለል ፤ ወመሐሙድ ፡ መላዝም ።
 እላ ፡ ርቅዐት ፡ ዮም ፡ ዓመት ፤ ሰብአ ፡ በዳ ፡ ዲብ ፡ ካድም ።
 መሐመድ ፡ ለሳልፊት ፡ ነስአቶ ፤ ለእታ ፡ ሰብክ ፡ ወሳግም ።
 5 ወድ ፡ አብ ፡ ላብብ ፤ መሊህይና ፡ ኢህይበካ ፡ መጻግም ።

520

ግዳፍ ።

እሲቱ ፡ ምን ፡ ሐድጋ ፡ መስኒሁ ፡ ደክለዩ ፤ “እሲትካ ፡ ብለስ” ፡
 እንዶ ፡ ቤሎ ። ህቱ ፡ ሀዬ ፡ እላ ፡ ቤላ ።

I እንዴ ፡ ድዌ ፡ ም ፡ ሐመድ ፤ ለደኪለቺ ፡ ምን ፡ ተሐዜ ።
 ሐርማዝ ፡ እንዶ ፡ ዳበራ ፤ እብ ፡ ሓልቦታት ፡ ምን ፡ አቴ ።
 እርወት ፡ እንዶ ፡ ትገበለት ፤ እት ፡ አሓ ፡ ነጹፍ ፡ ምን ፡ ትትገርጄ ።
 ሐዩት ፡ በዐል ፡ አሓ ፡ ምን ፡ ገብእ ፤ ከመሐልካ ፡ ወዕቆት ፡ ምን ፡ ወደዴ ።
 5 ህመም ፡ ዐጣል ፡ ምን ፡ ለውዕል ፤ ወለትጸረረት ፡ ምን ፡ ሰቴ ።
 ህሮዳ ፡ ረአሱ ፡ ለዐል ፡ እንዶ ፡ ትደርገጋ ፤ ከእት ፡ ስጋደት ፡
 ምን ፡ ተኬ ።

ውሒዝ ፡ እንደ ፡ አቅበላ ፤ ከእት ፡ ረወሪት ፡ ምን ፡ አቴ ።
 ዐስተር ፡ ጋድም ፡ ምን ፡ ትገብእ ፤ ከአድሀይ ፡ እላ ፡ ምን ፡ አቴ ።
 ወጋድም ፡ ዐስተር ፡ ምን ፡ ገብእ ፤ ከዐረዴና ፡ ምን ፡ ተኸ ።
 10 ወበይሐት ፡ እትዬ ፡ ምን ፡ ትገብእ ፤ ከመድሀን ፡ እታ ፡ ምን ፡ አቴ ።
 ወድ ፡ ሐሸል ፡ እንደ ፡ ትሸየማ ፤ ከእብ ፡ ዋንጫታት ፡ ምን ፡ ሰቴ ።
 አንጻይ ፡ አመት ፡ ምን ፡ ትገብእ ፤ ከከልዔተታ ፡ ምን ፡ ትተኸ ።
 ከራይ ፡ አዳግ ፡ ምን ፡ ተውዕል ፤ ከሻ ፡ ትብል ፡ ወትከርሴ ።
 ወገርዋ ፡ ብዕራይ ፡ ምን ፡ ገብእ ፤ ከበዐልቱ ፡ ቀሐታ ፡ ምን ፡ ትወደ።
 15 እላ ፡ ኢገአት ፡ ምን ፡ ገብእ ፤ ሐካ ፡ ለቤታ ፡ ኢአቴ ።

521

መንደር ፡ ወድ ፡ ፈረጅላ ።

እግል ፡ ዐሊ ፡ ወመሳ ፡ ክም ፡ ሞተው ፡ ለቤላ ።

1 እምበል ፡ ዕሉግ ፡ ትቀበረው ፤ ማሌ ፡ ዐሊ ፡ ወመሳ ።
 ተከለብ ፡ ወመሀመጅ ፤ እምበል ፡ ዕሉግ ፡ ቀብሩካ ።
 ውላድ ፡ ብዙሕ ፡ ሐሊባ ፡ ቶም ፤ እብ ፡ ሐነኸል ፡ ፋጩላ ።
 ውላድ ፡ ብዙሕ ፡ ሔሳሳ ፡ ቶም ፤ ለክምስል ፡ በጽዕ ፡ ወኛዳ ።
 5 ኢበኸ ፡ ወኢልሰሐቅ ፤ ጎምም ፡ ሀላ ፡ አቡካ ።
 ምስል ፡ ሓምድ ፡ ወድ ፡ ዐሊ ፤ ወምስል ፡ ዜዳን ፡ ወድ ፡ መሳ ።

522

እብ ፡ ምስምሳ ፡ አላሁ ፡ ለቤላ ።

1 ድኜሃ ፡ ዐጋመት ፡ ቱ ፡ ምን ፡ ስሐል ፡ እንደ ፡ እንጸርሐ ።
 እሊ ፡ ድኜ ፡ ለፈግረት ፡ እቅባለትማ ፡ ኢትፈርሃ ።
 ረድኢት ፡ ትገብእ ፡ አረብብ ፡ ምን ፡ ደም ፡ እንደ ፡ እንደርግ ።
 ክም ፡ ግሉል ፡ ነንጎጌ ፡ ፈልከት ፡ ዲብ ፡ ክል ፡ ሸክንሃ ።

523

እብ : አላሁ : ሀዩ : ለቤሻ ::

- I ክልአንሃ : ኢኮኒ ፤ ነጃር : አና : ወእንታ :
- ደቅበት : እት : ኖስ : ምን : ትገብእ ፤ ኢሀዩባ : እብ : “እንካ” ::
- ቀደም : ኖሱ : ነብር : ባ ፤ ወሐርማ : ወልዱ : ወርሻ ፤
- አቡካ : እንዶ : ትከልአያ ፤ ከሐድር : ሀላ : እት : ፍድጋ ::

524

ስሌማን : ወድ : ዐሊ : ቅብላታ : ለሐሰዶ ::

- I በዲር : ድግድግ : ቱ : መስከባ ፤ ክልአት : ቃብል : ለእሬራ ::
- ጋሻዩ : ትትሐደር ፤ ተደርሮ : ለዔራ ::
- እብ : ቀጻፋ : ትትሐደር ፤ ወአታ : ትገብእ : እንጌራ ::
- ታለይቶ : ገብአና :: ጎማት : በትኮ : ሚ : ሀሌና :
- 5 ክል : ቤት : ሰቴ : እብ : ውርዳ ፤ እብ : ውርድና : ሰቴና ::

525

እብ : ምስምሳ : መርባት : ለቤሻ ::

- I ገርበን : ሐ : ራዩት ፤ ከአሮ : ኬደት : መርባቱ :
- ለበርጅና : እት : ርፍዒት ፤ ለምዕልቴኔ : ኢገአ : ቱ ::
- ትረስዐናካ : ቱ : ዎ : ሸግራይ ፤ ስቃር : ፍሬ : ገርሳ : ቱ ::

526

ተክልምኬል : ወድ : ክርዳድ ::

አላሁ : እንዶ : ትዘመተት : ክም : አቅበለት : ለቤሻ ::

- I ኤምቦ : ወለት : ኤራብ ፤ ነቅፋ : እት : ቅብላታ : እሮታ ::
- ሐለጌን ፤ ስድት : ታ : ለመሀሮታ ::

ከደት ፡ አዲም ፤ ጉሪት ፡ እብ ፡ ገሎዳ ።
 አና ፡ ሞቼ ፤ ክም ፡ ለእት ፡ ወድ ፡ ሽሐታ ።
 5 ወድ ፡ ሽሐታማ ፤ እብላ ፡ ትመሽል ፡ ሞታ ።
 ወለት ፡ ሐማስ ፤ ሐፍስ ፡ ታ ፡ ለርቆታ ።
 እንደ ፡ ትወጣጥንን ፤ ገብእ ፡ አክል ፡ ሞሳ ።
 ማይ ፡ ጸዐዳ ፤ እት ፡ ደገድግ ፡ ሮታ ።
 ማይ ፡ ሕንክል ፡ ኢኮን ፤ ወማይ ፡ መጅቆፋ ።

* * *

10 ኤምቦ ፡ ወለት ፡ ኤራብ ፤ ነቅፋ ፡ እት ፡ ቅብላታ ፡ ደንደን ።
 ለግሬን ፡ እት ፡ ሕቅፍዬ ፤ ገብአ ፡ ፈዘን ።
 ሐር ፡ አቅበልኮ ፡ ቡ ፤ እት ፡ ለከደን ።
 ደሀብ ፡ አጽማደን ፡ ቱ ፤ ወዐረምደን ።
 ጸሓይ ፡ ኢትነስኦ ፤ መግዕዘተን ።

15 ወልሽዕ ፡ ካይድ ፤ መዋልየተን ።

* * *

ድሹር ፡ ጋድር ፤ አርሱቅ ፡ ምዔጣታት ፡ ደረሺቱ ፡ ታክር ። 1)
 ምን ፡ ኬን ፡ ወምን ፡ እንዜ ፤ እት ፡ ገጨፍ ፡ ፋግር ።
 ግሳይ ፡ ሓይስ ፤ ማ ፡ ዘኒ ፡ ዓግር ።

* * *

ኤምቦ ፡ ወለት ፡ ኤራብ ፤ ነቅፋ ፡ እት ፡ ቅብላታ ፡ ባጽዕ ።
 20 መምብሀን ፡ ናይብ ፡ ዓምር ፡ ቱ ፤ ትርክ ፡ ቀየሕ ፡ ቃጽዕ ።
 ገሌ ፡ ሰብ ፡ መናዱቅ ፡ ቱ ፤ ወገሌ ፡ ሰብ ፡ መዳፍዕ ።

* * *

ኤምቦ ፡ ወለት ፡ ኤራብ ፡ ነቅፋ ፡ እት ፡ ቅብላታ ፡ ሕምብልኮ ።

1) Hier ist der Text in Unordnung. Am ehesten ist zu lesen:

ኤምቦ ፡ ወለት ፡ ኤራብ ፤ ነቅፋ ፡ እት ፡ ቅብላታ ፡ ድሹር ፡ ጋድር ።
 አርሱቅ ፡ ምዔጣታት ፤ ደረሺቱ ፡ ታክር ።

ፍቲኪ ፤ ክብድት : ታ : ጸርከ ።

ወሰብ : እት : ልሰክብ ፤ በይንዬ : ሰሀርከ ።

* * *

25 ኤምቦ : ወለት : ኤራብ ፤ ደሰት : ወለት : ክምል ፤ ምስባካ : ታ :
ወምሕጋያ ። 1)

ረአስ : ለዐጀግ : ግዳር ፤ ትገብእ : እብ : ግሳያ ።

ረአሳ : ልርኤ : ሚ : ቡ ፤ እምበል : ለተዌዋያ :

* * *

ኤምቦ : ወለት : ኤራብ ፤ ነቅፋ : እት : ቅብላታ : አግረዕ ።

አድግ : ኢልጸዐና ፤ ከምበዕ : ከምበዕ ።

30 ወአስእን : ኢልትጋረያ ፤ ጠፈ.ዕ : ጠፈ.ዕ ።

* * *

ኤምቦ : ወለት : ኤራብ ፤ ነቅፋ : እት : ቅብላታ : ብላል ።

እት : ረአሳ : ሰቕተኝ ፤ ክምሰል : ክላል ።

እት : ሕቅፋ : ወዴተኝ ፤ ክምሰል : ግርዝ : ዕንጋር ።

ሸሙት : ብጠት : ሀቡተኝ ፤ ወሸዌት : ሐራር ።

* * *

35 ኤምቦ : ወለት : ኤራብ ፤ ነቅፋ : እት : ቅብላታ : ረርኝ ።

እብ : በይንዬ : ካዩድክዋ ፤ ደሰት : ኢተሰርኝ ።

እማቹ : ወሐዋቹ ፤ ሕበር : እት : ልጸርኝ ።

* * *

ኤምቦ : ወለት : ኤራብ ፤ ነቅፋ : እት : ቅብላታ : ትክሴ ።

ተራፍ : እብ : በኑ ፤ እት : ድምነት : ቀሴ ።

40 ተክልምኤል : ወደ : ክርዳድ : ታ ፤ ምን : ኢተአምሮ : ስምዬ ።

1) Auch dieser Vers ist schlecht überliefert. Es fehlt der zweite Halbvers zu 25^a. Was an seiner Stelle steht, ist ein eigener Vers, der in der Übersetzung als 25^A bezeichnet ist.

ምን ፡ አለቡ ፤ እግል ፡ ጋሻይ ፡ ቱ ፡ ደርዶ ።
 ኢእስልእ ፡ ወኢእስኸ ፤ ወኢእመልም ፡ ጸርዶ ።
 ምን ፡ እስኸ ፤ ቅቡር ፡ አቴ ፡ ሰርዶ ።

527

ከንቲባይ ፡ ሓምድ ፡ ወድ ፡ ሐሰን ፡ ለሐለያ ።

I ባጽዕ ፡ እት ፡ ቀበታ ፤ ምስር ፡ ለዙዕና ፡ ገይሶ ።
 ሰብ ፡ ዐደዋ ፡ ወገንደር ፤ እኛ ፡ ሓይዘት ፡ ታ ፡ ዲብ ፡ ሕርዶ ።
 ሰብ ፡ ዐተር ፡ ለደምና ፡ ትሰለፋ ፤ መኣዜ ፡ ገብእ ፡ በልሶ ፡
 ቅርሕት ፡ ፍሶ ፡ ቱ ፡ አቡካ ፤ መትብእሳይ ፡ ዲብ ፡ መን ፡ ሐልፎ ።
 5 አቡካ ፡ እግል ፡ መትብእሳይ ፤ ካርር ፡ እንቱ ፡ ረግጾ ።

528

I እት ፡ አግቡይ ፡ ባተክንሀ ፤ ቤት-አስገዴ ፡ ለሸራፋ ።
 ዐድ-ግሬነት ፡ ወዐድ-ጃውጅ ፤ ደይደይ ፡ ወአካን ፡ ብራታ ።
 ዐድ-እድሪስ ፡ ወድ ፡ ናውድ ፤ ለሆምማ ፡ ጌሰው ፡ ቱ ፡ ዎ ፡ ሐሻካ ።
 ዐድ-ሀብቱስ ፡ ወድ ፡ ናውድ ፤ አሓ ፡ ቱ ፡ ሐልባ ፡ ውላዳ ።
 5 ዐድ-ዐምዶይ ፡ ወድ ፡ ሐዘት ፤ ለተድዕ ፡ ልብሎ ፡ ወናዳ ።
 ጸርባይ ፡ ሕወይ ፡ ቱ ፡ ወዴንሀ ፤ ጀሚልማ ፡ እኛ ፡ ምን ፡ ተአካ ።
 ዐድ-ድርቁ ፡ ወዐድ-መዐልም ፤ ከአፎ ፡ ኬደት ፡ ለአልፋትሓ ፡
 አትዋራድ ፡ ለተሸብሕ ፤ ወነዋናይ ፡ ለስጋዳ ።
 ሕጻኛ ፡ ቱ ፡ በለስንሀ ፤ እድሪስ ፡ ባዛይ ፡ መምባካ ።
 IO ዕዳይና ፡ ቱ ፡ ትፈጆና ፤ እብ ፡ በርከት ፡ ለከዋጃ ።
 ድመልና ፡ ምስጣር ፡ እሰነት ፡ ታ ፤ መን ፡ ሰኛያ ፡ ወራቅዓ ፡
 ጋና ፡ ላቱ ፡ ንታሌ ፤ ለጄንካ ፡ እብ ፡ ለውላዳ ።
 ሐዋን ፡ ላቱ ፡ ቱ ፡ መላሀይና ፤ ትግራይ ፡ ወገብር ፡ ወዳዳ ።

ወለት ፡ መንደራይ ፤ ሰልጥ ፡ ከራ ፡ ዐሊ ፡ ዓቃ ።

እላ ፡ ክም ፡ ሰምዓ ፡ ሕመድ-ኖር ፡ ወድ ፡ ናይብ ፡ እግል ፡ ከንቲባይ ፡ ሓምድ ፡ ፈቅዐዩ ። ደአም ፡ ሐር ፡ ዐሰብ ፡ አሳፈረዎ ።

ሰሊም ፡ ወድ ፡ ከሮፍ ።

ዐድ-ተክሌስ ፡ እግል ፡ ትዝመቶ ፡ ጸብአቶ ፤ ወሀቱ ፡ አድሐ ፡ ረአያ ። ላሊ ፡ አሓሁ ፡ አትሀረባ ፤ ወሐር ፡ እት ፡ ምግዳ ፡ ትገሻ ፡ ከሐላ ።

I ተዐዩና ፡ ወድ ፡ ነደል ፤ አሼኔና ፡ ወሼና ።

ግሰት ፡ ሀላ ፡ ልትገሰእ ፤ ክምሰል ፡ ግሰት ፡ ቀዌና ።

ግሰት ፡ ሐቴ ፡ ወድ-ጋን ፡ ታ ፤ ወግሰት ፡ ሐቴ ፡ አልጌና ።

ወግሰት ፡ ሐቴ ፡ አፍ-ሓሬን ፡ ታ ፤ እብ ፡ አርዛቃ ፡ ወእብ ፡ ኬራ ።

5 ምን ፡ ጸባብሐ ፡ እላ ፡ ታ ፤ እት ፡ ተትቅብል ፡ መቴላ ።

እምበል ፡ አዳም ፡ ሚ ፡ ገሰእ ፤ ገማጥ ፡ ወሐሁ ፡ ዕቤላ ፡

ወድ ፡ ሽሎ ።

አሐ ፡ ዓመታ ፡ አኬት ፡ ከትመይት ፡ ዐለት ፤ ወሐር ፡ ዓመታ ፡ ሰኔት ፡ ከሐወዘት ፡ ወገረመት ፡ ረአያ ፡ ከሐለያ ።

I ከል ፡ ትገሰእ ፡ ዐራዶ ፤ ምንዲ ፡ ተአኸ ፡ ለዓመታ ።

ክም ፡ መአስ ፡ ቀፊፍ ፡ ትጠየም ፤ ምን ፡ ልትነሸፅ ፡ መተጋ ።

ዲብ ፡ ሐወርም ፡ ሐዳ-ጋ ፤ ከነሹእ ፡ ምና ፡ ግለዳ ።

ሐቴ ፡ ለሳምንታ ፤ ዐድ ፡ ሕድ ፡ ትጋንሕ ፡ ምን ፡ በዳ ።

5 ከልእት ፡ ለሳምንታ ፤ ተቀሰላ ፡ ደመታ ።

- ሳልስ ፡ ለሳምንታ ፤ ህንዲዶሃ ፡ ወደአላ ።
- ራብዕት ፡ ለሳምንታ ፤ ግዴታ ፡ ትተምም ፡ እት ፡ መአሳ ።
- ሹብር ፡ ጎ ፡ ለዐካኪት ፤ ዐንጎ ፡ ክምሰል ፡ ባለሳ ።
- ወድ ፡ ግንድዔሃ ፡ ምን ፡ ሀኸል ፤ ገርባ ፡ ገዳዛት ፡ ክም ፡ ወዳ ።
- 10 ቀደም ፡ ጽንዲድ ፡ ትትሐሊብ ፤ ወሐር ፡ ደም ፡ ለሐልመታ ።
- ራዲ ፡ ላቱ ፡ ሰትዮ ፤ ወበኸር ፡ ምኑ ፡ ለኢረዳ ።
- በዐል ፡ አራዊት ፡ ሰትዮ ፤ እት ፡ ኖሱ ፡ አበር ፡ ለአግረሳ ።
- ገሌ ፡ ለጩላይ ፡ ጨራፍፍ ፤ ወገሌ ፡ ለቀረፍ ፡ ቃንፋ ።
- ድግለል ፡ በኪት ፡ ታ ፡ ዐራዶ ፤ ለመጽአዩ ፡ ጣሰሳ ።
- 15 አግዐዚት ፡ አንስ ፡ ታ ፡ ዐራዶ ፤ ኢትፈጃራ ፡ ዝሕረታ ።
- ክፍከፍ ፡ ለዐሸነት ፤ ጽመም ፡ ለዕክታ ።
- መርዓት ፡ ምርዒት ፡ ታ ፡ ዐራዶ ፤ አርፋ ፡ ካይረት ፡ አርውሐታ ።
- ገላቡባ ፡ ምን ፡ ዕንታት ፤ ካሩ ፡ ዲባ ፡ ሐጅብታ ።
- ፋይተት ፡ ወጅህት ፡ ታ ፡ ዐራዶ ፤ ወዱ ፡ ዲባ ፡ ደረሳ ።
- 20 ገሌ ፡ ለአትቡይ ፡ ገራግስ ፤ ወገሌ ፡ ለስራክ ፡ መጥመጣ ።
- ገሌ ፡ ገብእ ፡ መትቅሕበት ፤ ወገሌ ፡ ለስርቅ ፡ ቃመታ ።
- ሽምብሬበት ፡ ታ ፡ ዐራዶ ፤ ትበኸር ፡ እት ፡ ክል ፡ ሕቕታ ።
- ካንሾ ፡ እላ ፡ በላታ ፤ ፈጸፍጸ ፡ ወሐይለታ ።
- አሽከኔበት ፡ ታ ፡ ዐራዶ ፤ ወርወር ፡ ትወጄ ፡ ደመታ ።
- 25 ምን ፡ ረዩም ፡ ትትሌሌ ፤ እሳት ፡ ክም ፡ ለመብረሀታ ።
- በጽሕ ፡ ባጽሕ ፡ ታ ፡ ዐራዶ ፡ እብ ፡ መናይን ፡ ሐንከሻ ።
- ምስል ፡ ገላብ ፡ ወሰይፍ ፡ ሸንቲት ፡ ቀየሕ ፡ መጥመጣ ።
- መንደላይ ፡ ታ ፡ ዐራዶ ፡ ብላዩ ፡ ለትሐጽብ ፡ ደባቢኩ ፡ አሽለካ ።
- ግርዝ ፡ ዕያል ፡ ታ ፡ ዐራዶ ፡ ሐቆ ፡ ምክን ፡ ትወሊዳ ።
- 30 ገርዋ ፡ ስነይ ፡ ታ ፡ ዐራዶ ፡ ክልኤ ፡ ጸዓዲ ፡ ባለሳ ።
- አብ-ብትሩ ፡ ታ ፡ ዐራዶ ፡ ፎቲብ ፡ ለዕጨይ ፡ ወቕጸ ።

ግራ፡ ጸላም፡ ታ፡ ዐራዶ፡ ምን፡ አጫብግ፡ እት፡ ረሐታ።
 ግራ፡ ድሪት፡ ታ፡ ዐራዶ፡ ሐጸት፡ ትገንኝሕ፡ ገጽ፡ ተሐታ።
 ምህረት፡ አምሁር፡ ታ፡ ዐራዶ፡ ለኮራ፡ ጽፋብ፡ እብ፡ ቀሻ።
 35 ውላድ፡ ነታብ፡ ልጅዎና፡ ከልጅወን፡ እት፡ ረአሳ።
 ግዕድት፡ አኑን፡ ታ፡ ዐራዶ፡ ክም፡ ቅርጪ፡ ለክበሳ።
 ወግዕድት፡ ታ፡ ዐራዶ፡ አግኣት፡ ለዐዝለት፡ ባለሳ።
 በርዐድ፡ ባርሀት፡ ታ፡ ዐራዶ፡ በፍታ፡ እብ፡ ለፍግረታ።
 ዔደባይት፡ ታ፡ ዐራዶ፡ አስክ፡ ወድ፡ ለለበካ።
 40 ድሪት፡ ሌጣ፡ ታ፡ ዐራዶ፡ ዠብደት፡ ለእሻ፡ ምኸታ።
 ወክምሆላይት፡ ታ፡ ዐራዶ፡ ውላድ፡ አልጌን፡ ፈኸካ።
 አብዬ፡ አብ-ሐመድ፡ “ሀደው”፡ ቤላ፡ ወአትሀዳ።
 እምዬ፡ እም-ሐመድ፡ እልፍ፡ ትግበእ፡ ጀጅታ።

ሓምድ፡ ወድ፡ ዐሊ።

ገመል፡ ምን፡ በዳ፡ ክምን፡ ረክበዎ፡ ለሐሲደ።

I እላ፡ ታ፡ አካን፡ ምብራኩ፡ ገሩን፡ ለገመል፡ ዐድ-ፈነክ።
 ትበጥር፡ ሀሌት፡ ለዕሌቱ፡ አምዕል፡ ወላሊ፡ ሐሸረት።
 አክል፡ አጅላ፡ መአዜ፡ ተዐይር፡ እብ፡ ትወዐለት፡
 ምን፡ አፍያት፡ በልሰዋ፡ ከዐደወና፡ ምን፡ ቀዐረት።
 5 ዕወር፡ ጽመም፡ ወሐድገት፡ እልካ፡ እንዶ፡ አድረረት።
 ሰለስ፡ ለገበይ፡ አግን፡ ቱ፡ ከበወልቱ፡ እሻ፡ ትተጅረት።
 ልሔይታ፡ በርካ፡ ቱ፡ ልትከራ፡ እብ፡ ሐዘ፡ ለዘበነት።
 ሰፈዲ፡ ወደንቃ፡ ከይራ፡ ዲቡ፡ ክል፡ ምዕረት።
 ዕለት፡ ለተካይብ፡ ሸከሪሁ፡ ሻመለት።

- 10 ቀይም ፡ ለሰሐል ፡ ሰብኮ ፡ ቡ ፤ እት ፡ ልጅኝብ ፡ እብ ፡ ስነድ ።
 ወአውል ፡ ለሰምሀር ፡ ልጅኛ ፤ እት ፡ ከብድ ፡ ለሰልጠነት ።
 መሰል ፡ ለከከት ፡ ታ ፡ እላዲ ፤ ወመዘባጥ ፡ ለሕመረት ።
 አጊድ ፡ ረክበት ፡ ትምኔታ ፤ ቤት-አስገዴ ፡ ምን ፡ ደሐረት ።
 አዜማ ፡ ምኛ ፡ አካና ፤ ሕድት ፡ ለዐል ፡ ትወቆለት ።
- 15 ነስአው ፡ ምኛ ፡ ትግሬሃ ፤ ወለእሉ ፡ ገበረት ።
 እግል ፡ ልጽዖና ፤ ገድም ፡ ምንዲ ፡ ዳበረት ።

532

መሐመድ ፡ ወድ ፡ ፍቅሪት ።

እግል ፡ ምድር ፡ መንሰዕ ፡ እት ፡ ለሐምድ ፡ ለቤሻ ።

- 1 ሀይገት ፡ ለሰብአ ፡ ትተልሃ ፡ ባ ፤ ከትላካ ፡ ዲባ ፡ ሰብ ፡ ውርሳ ።
 መስሐሊት ፡ ዔረታ ፤ እብ ፡ ዐቢሃ ፡ ወእብ ፡ ግርዛ ።
 ዋርያ ፡ ዔረታ ፤ ከሀታ ፡ ሀሌት ፡ ተሐርሻ ።
 ብዙሕ ፡ ሐሊባ ፡ ታ ፤ ዐመር ፡ መልእ ፡ ቅዝርታ ።
- 5 ውብዙሕ ፡ ስቃዳ ፡ ታ ፤ ሀረር ፡ ወጀ ፡ አውሀርታ ።
 ብዙሕ ፡ ስጋሃ ፡ ታ ፤ ወጸም ፡ መልእ ፡ ሕውዝታ ።
 ውብዙሕ ፡ ሔሳሳ ፡ ታ ፤ ተለክ ፡ ወጀ ፡ መድሀንታ ።
 ብዙሕ ፡ አስዕርታ ፡ ታ ፤ ናትል ፡ ምን ፡ ለአንሕርታ ።
 ውብዙሕ ፡ አካላ ፡ ታ ፤ ዕያብ ፡ ባርክ ፡ ክም ፡ እንሳ ።
- 10 ዘበን ፡ ዐድ-እድሪስ ፤ እብ ፡ ንዋያ ፡ ታ ፡ ወክብታ ።
 ዘበን ፡ ዐድ-ገበያ ፡ ሹት ፡ ታ ፡ ወመን ፡ ወርዳ ።
 ወዘበን ፡ አብ-በፍታ ፤ ከሩብ ፡ ሚ ፡ ቡ ፡ አክልካ ።
 ሐዳር ፡ ጋሻያ ፡ ቱ ፤ መካናታ ፡ ለሐርዳ ።
 ሐዳር ፡ ከራዩ ፤ “ብጠር ፡ ወሕለፍ” ፡ ታ ፡ እንትልካ ።

- 15 መሐመድ : ሰኚ : ጽብሻ ፤ ሓኬንገ : እግልካ ::
 ዐድ-ትማርያም : ወመንሰዕ ፤ ለሃዲ : በዲር : ብርክ : ታ ::
 አምዕል : ባ : ለእላ : ትትቃተል ፤ ምን : አዋስ : ሕድ : ደርግጋ ::
 ወአምዕል : ባ : ለእላ : ትትዓሬ ፤ ለገሻር : ገጽ : ሕድ : ዛግጋ ::
 ክርምብራ : ወሸላቀ ፤ ለሞጥዕ : ገጽ : ሕድ : ትላክኛ ::
- 20 ምቅራርብ : ወዐንቀር ፤ ፍንጌ : ክለን : ሚ : ብእታ :

533

ሕመድ-ኖር : ወድ : ናይብ ::

ሐባብ : እንዶ : ትጋደበው : እግል : ሕድ : ለትአስሮ : ወለሳፍሮ :
 ዐለው :: ከሐቲ : እዋን : ለሰብ : ሐባብ : እት : ባጽዕ : ሕሸሳም :
 ዲብ : እንቶም : ዐለው :: ከሕመድ-ኖር : ወድ : ናይብ : ክም : ረአ
 የም ፤ እብ : ለሐብሶም : እት : ልቀርድ : እሻ : ሕላየት : ቤሎም ::

- 1 ዐድ : ፍካክ : ወድ : ናውድ ፤ አሰኛይ : ደሐን : መጽአኩም ::
 ዑፋያም : ወጽሩያም ፤ ወሰኒ : ትነብሮ : ነበርኩም :
 እሊ : ቱ : ሐብስ : ኢጣልያ ፤ ረሺ : ኤማን : ለሀበኸም ::
 በርገዴሊ : እት : ፈርደት ፤ ፈጅር : ፈጅር : ደላሀኸም ::
- 5 እግል : ለረክባ : መናክብ ፤ የምዲ : ሕራብ : ወአስተሀልኩም ::

534

ለሰብ : ሐባብ : ሀዩ : ቅብላቱ : እሻ : ቤለው ::

- 1 መርሐባ : ም : ጉላይ : ወድ : ሕያ ፤ አሰኛይ : ደሐን : ጸንሐካ ::
 ዑፋይ : ወጽሩይ ፤ ወሰኒ : ትነብር : ነበርካ :
 በዲር : ኤማን : ሀይበኸ ፤ ለክእኛ : ሓይስ : ክምሰልካ ::
 ከበር : ሐቆ : ሀብከኛ ፤ ከበር : እግል : ነሀበኸ ::

5 አስላፍና ፡ እሊ ፡ ቱ ፤ ወደንጎባናማ ፡ መጽአካ ።
 ኢሀይብ ፡ ሚ ፡ እንታ ፡ ክል ፡ እዋን ፡ ቱ ፡ ሕራብካ ።

ሕላዮት ፡ እናስ ፡ ሐባብ ።

I ዘላም ፡ ቤታ ፡ አፍ-ሐሪን ፤ ዐድና ፡ እንደይ ፡ ልርእዮ ።
 ምንማ ፡ ዘላም ፡ ም-ጋርዬ ፡ ሰገን ፡ ወአራብ ፡ ሰትዮ ።
 ጋማት ፡ እግል ፡ ልማልእ ፤ ወአሸሉግ ፡ እግል ፡ ለድልዮ ።
 ሸናቅር ፡ ዎ ፡ ጣላ ፤ ፈዳብ ፡ ከሉ ፡ ፈትዮ ።

ሐይለት ፡ ዐደ-ተክሌስ ።

መሐመድ : ወድ : እዛዝ ::

ለወአት : ለምን : ሕቼ : ለትመኝ ሐይ : ምን : ዐዘገው : ምኝ : አላሁ : ጋንበት :
እት : እንታ : ለጬሻ ::

I እግል : ልዕዘጋ : ቱ ፤ ወለት : ልዔ : ወሺካ ::
ሊሊት : ለእሺት : ኢሰክበት ፤ ተሐሜ : ጌተት : እት : ጌታ ::

* * *

እግል : ልዕዘጋ : ቱ ፤ ወለት : ልዔ : ወፈኸት ::
እንሻሻ : ሳቦ : አብዕብና : ታ ፤ ኢትጠልቀኛ : በዐል : በርከት ::

* * *

5 እግል : ልዕዘጋ : ቱ ፤ ወለት : ልዔ : ወበርጀም ::
አሐ : ጸላም : ታ : እንሱስና ፤ ገብአት : ዲብና : ሀተምተም ::

* * *

እግል : ልዕዘጋ : ቱ ፤ ወለት : ልዔ : ወመዲና ::
ግንሐ : ለእፍጋረታ ፤ ምንግ : ኢተአምኒና ::

* * *

እግል : ልዕዘጋ : ቱ ፤ ወለት : ልዔ : ወግዕር ::

10 በትከት : ኢትትቃሬ ፤ ወሐሊብ : ኢለቀብል ::
እላ : ትእኬ : ዲቡ ፤ ገልገላይ : ለገሮብ : መሸል ::

* * *

እግል : ልዕዘጋ : ቱ ፤ ወለት : ልዔ : ወዐንሰባ ::

ሸላል : ተንክር : ዐላ ፤ ምን : ከበሳ ::
አዳም : ምን : ሕድ : ካርዖ ፤ እምበል : ረዳ ::

* * *

15 እግል ፡ ልዕዘጋ ፡ ቱ ፤ ወለት ፡ ልዔ ፡ ወመዝረት ።
 በዲር ፡ እት ፡ ወድ ፡ ሃኪን ፡ ታ ፤ ሰልፍ ፡ ለሰነት ።
 ከረም ፡ ሐሊብ ፡ ታ ፤ ወቀይም ፡ ገርሀት ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወላባ ።
 ክል ፡ ቤት ፡ ጀቆፍ ፤ ወተቀብል ፡ እብ ፡ ግራባ ።

* * *

20 እግል ፡ ልዕዘጋ ፡ ቱ ፤ ወለት ፡ ልዔ ፡ ወከቢብ ፡ ብዕራይ ።
 እግል ፡ ሕትካ ፡ ሰልም ፤ ም ፡ ገብሻ ፡ ስራይ ።
 ዐስተር ፡ ትዘልም ፡ ቤተት ፤ እምበል ፡ ዕራይ ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወጽርጽራ ።
 አዴግ ፡ በደዶታት ፤ ድቦከት ፡ ርጃ ።

25 ምድር ፡ መሳ ፡ ዲበን ፤ ለዐኒግ ፡ እት ፡ ልውዕዛ ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወእንዝላል ።
 ቀይም ፡ ለስሕል ፡ ሰባክ ፤ እት ፡ ለተራር ።
 ወልሒታ ፡ አውለት ፡ ሳግም ፤ ሰልፍ ፡ ሕናን ።
 ለብኹር ፡ ሐንርቅ ፡ ቤታ ፤ እት ፡ ለሐራር ።

* * *

30 እግል ፡ ልዕዘጋ ፡ ቱ ፤ ወለት ፡ ልዔ ፡ ወመስሐል ።
 ሕሮራ ፡ ትደራገፋ ፤ እግል ፡ ልብቀል ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ም ፡ ፋጌና ።
 በዲር ፡ ሐመድናካ ፡ እንዶ ፡ ገሌ ፡ ስኤና ።
 ወአዜ ፡ ሐሜናካ ፤ እት ፡ ለእላ ፡ ርኤና ።

* * *

35 እግል፡ ልዕዘጋ፡ ቱ፤ ወለት፡ ልዔ፡ ወማሬት።
ምኛ፡ ነጻይሮታት፤ እንዜ፡ ወኬን፡ ካሬት።

* * *

እግል፡ ልዕዘጋ፡ ቱ፤ ወለት፡ ልዔ፡ ወአፍ-ሐረት።
ግንቦ፡ እብ፡ ግሻሻት፤ ደናበሸት።

* * *

እግል፡ ልዕዘጋ፡ ቱ፤ ወለት፡ ልዔ፡ ወበቅላ።

40 ዐኒግ፡ ርኤና፡ ዲብ፡ ባጽዕ፤ እብ፡ ደሀባ፡ ታ፡ ወእብ፡ ወርቃ።
እብ፡ ዕንቱ፡ ሚ፡ ኢንጎሕ፤ ሐለታማ፡ ለኢረክባ፡
መጽዐና፡ ጅንግላት፤ ወእት፡ አፌታ፡ አብሐጋ።¹⁾
አቡካ፡ ነብራ፡ ኢነሸእ፡ ቱ፤ እላ፡ እንደይ፡ ኢአትላ።

* * *

እግል፡ ልዕዘጋ፡ ቱ፤ ወለት፡ ልዔ፡ ወሰዋራ።

45 ሊሊት፡ እት፡ ለሰዋክን፤ ሐንርቅ፡ ቤታ፡ ለሐራራ።

* * *

እግል፡ ልዕዘጋ፡ ቱ፤ ወለት፡ ልዔ፡ ወሸንጌራ።

ምን፡ ሕቱ፡ ኢነሸእ፡ ቱ፤ በዐል፡ ለፈረም፡ ሐንቴሃ።

* * *

እግል፡ ልዕዘጋ፡ ቱ፤ ወለት፡ ልዔ፡ ወደንደን።

ግዛኒ፡ ኢእንታ፤ ወምን፡ ትትወቕል፡ ደብር፡ መዐር።

50 ስጋድ፡ በሐሪናይ፤ መሓዋት፡ ዕደል።

* * *

እግል፡ ልዕዘጋ፡ ቱ፤ ወለት፡ ልዔ፡ ወግሮይቶ።²⁾

ትገውኔኪና፡ እንቴማ፤ ከኢቴልዮም፡ ታ፡ “አፎ፡ ቱ”።

* * *

1) Naffa^c schlug vor, እብ-ዘጋ፡ zu lesen, da ihm እብ-ሐጋ unbekannt war.

2) Vielleicht ቱ፡ zu lesen?

እግል : ልዕዘጋ : ቱ ፤ ወለት : ልዔ : ወዐመልቶ ።
 ምን : ለእላ : ርኤኪኒ ፤ መክዜ : ሕብር : በዳደልኮ ፤
 55 ምን : ለእላ : ተአምሪ ፤ ክእኛ : ገአኮ ።
 ምን : ኮናት : ፀ-ርት ፤ ምን : ገለብ : ሐብኮ ።
 ምን : ጸዐዳ : ረአሳ ፤ ገረፍ : ወአብርንጎ ።

* * *

እግል : ልዕዘጋ : ቱ ፤ ወለት : ልዔ : ወግሬት ።
 ሞት : ከንቴባይ : ታ ፤ ለገቢል : አብዴት ።
 60 ሆባይ : ደንበር : ጸብረት ፤ ወእሺት : ቤት ።
 ጸልዐት : ግሬነት : ታ ፤ ለእት : ሰብ : ዐዴት ።
 እዲና : ጸጋ : በትከት ፤ እግል : ቅዌት ።

* * *

እግል : ልዕዘጋ : ቱ ፤ ወለት : ልዔ : መንድዐት ።
 ከፍጋር : እት : ናይቦታት : ቱ ፤ ቤት : አስገዴ : ትወጽዐት ።
 65 ሐዋኒት : ወልወል : ለዐል : ታ ፤ ለአመት : እግላ : ትፈግዐት ።

* * *

እግል : ልዕዘጋ : ቱ ፤ ወለት : ልዔ : ወሕሚዛ ።
 ማል : ጸርካ : ጋናካ : ቱ ፤ ስለል : ለእኸት : ቅንቤታ ።

* * *

እግል : ልዕዘጋ : ቱ ፤ ወለት : ልዔ : ወሸገር ።
 አብ-እክድ : ዲብ : ለስናቱ ፤ ህድግ : ሚ : ቡ : ወስብር ፤ 1)
 70 ለዜረና : ኢሰምፅ ፤ እት : ሞትኩምማ : ኢትቀጥር ።

* * *

እግል : ልዕዘጋ : ቱ ፤ ወለት : ልዔ : ወናሮ ።

1) Naffa^c wollte ሰበር lesen. Statt ህድግ stand im Originale das unverständliche ለድግ.

አብ-እክድ ፡ ዲብ ፡ ለስኅቱ ፤ ሰብብ ፡ ሐዘ ፡ ወጋሮ ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወቀጣሪት ።

ሐመልማል ፡ ቦርሌ ፤ እት ፡ ክል ፡ ወተር ፡ በጣሪት ።

* * *

75 እግል ፡ ልዕዘጋ ፡ ቱ ፤ ወለት ፡ ልዔ ፡ ወምጽብት ።

ቅሸን ፡ ምዕብር ፡ ታ ፡ ሐመልማል ፤ እት ፡ ምልትሐ ፡ አዝመት ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወሕግረት ።

ዕሬምሬ ፡ ታ ፡ ሐመልማል ፤ አምዲት ፡ በትከት ፡ ወከብደት ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወመኬት ።

80 ለሕርመት ፡ ተንገዋጌ ፤ እንዶ ፡ ሾማ ፡ አብዴት ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወድልቃ ።

ስጋድ ፡ ቀለዕ ፡ መርከብ ፤ ጸሎ ፡ ለብዕዛ ።

ሆቢብ ፡ እት ፡ አራባት ፤ ወሰገን ፡ ግራ ።

* * *

እግል ፡ ልዕዘጋ ፡ ቱ ፤ ወለት ፡ ልዔ ፡ ወድ ፡ ገለብ ።

85 ዮም ፡ ጽኑዕ ፡ ሞታ ፤ ትፈናጠሻ ፡ ለመርከብ ።

ዐድ-ተክሌስ ፡ ዐንሰባ ፤ ወዐድ-ትማርያም ፡ ገብገብ ።

መን ፡ እግል ፡ ልድብኦ ፡ ቱ ፤ ረክስ ፡ ለገራር ፡ ለመንሸብ ።

ደሙ ፡ ሳብዕ ፡ አብዕብ ፤ ጸንሕ ፡ ዲብ ፡ ሰብ ።

እግል ፡ እዛዝ ፡ ወድ ፡ ጀሚል ፡ ለሐቢድ ፡ እብ ፡ አረዶ ፡ ክም ፡ አታ ።

I ለአጽጋማቱ ፡ እግል ፡ ነሐኬ ፤ ገድም ፡ ለአጁል ፡ ቀርቦዩ ።

ወጀ። ቱ ፡ ዐላ ፡ ከትገሻ ፤ ባይራይ ፡ ለዕሉም ፡ እደዩ ።
 ቁሽ ፡ ዛምት ፡ ቱ ፡ ለእት ፡ ማርያ ፤ ዘራ ፡ እንዶ ፡ ተዐጀዩ ።
 ሽሔም ፡ ወመሓዝ ፡ ምሽልታፍ ፤ ጌሳ ፡ ህቱ ፡ ለሐጠዩ ።
 5 ቤት-መ-ሼ ፡ ዛምት ፡ ቱ ፤ ለአሩይ ፡ ምኛ ፡ አተዩ ።
 ለድጌ ፡ ዋዝንተት ፤ ሰኒ ፡ ወአማን ፡ ደዐከዩ ።
 ለድጌ ፡ መራጋዝ ፤ እብ ፡ እገሩ ፡ ረድህዩ ።
 መነሰዕ ፡ ዛምት ፡ ቱ ፤ ሐሊቦታት ፡ ለደህዩ ።
 ለድጌ ፡ አፍ-ዐበድ ፤ ሰለስ ፡ ሰነት ፡ ሰክነዩ ።
 10 ገሌ ፡ ለሕጻጽ ፡ ዘብጣ ፡ ቡ ፤ ወገሌ ፡ ጎሁ ፡ ሰቅለዩ ።
 ፍጉር ፡ ናይር ፡ ቱ ፡ መምባዬ ፤ ለበዓላት ፡ ክምሰል ፡ ሐልፈዩ ።
 ወርሕ ፡ ሳምን ፡ ቀረማን ፤ ለሞዳይ ፡ ሕበር ፡ አብርህዩ ።

538

እላ ፡ ክም ፡ ሐለዩ ፡ ወአት ፡ ሀበዩ ። ህቱ ፡ ሀዬ ፡ ለወአት ፡ ቀሸያ ፡
 ከከርዓ ፡ አጽብሓ ። ሐር ፡ እዛዝ ፡ ለአሓ ፡ ለእላ ፡ ዘምታ ፡ እግል ፡
 ለግዕዝ ፡ ምን ፡ መጽአ ፡ እላ ፡ ሕላዩት ፡ ሐለዩ ።

1 ዎ ፡ ዕሉም ፡ እልካ ፡ እት ፡ እብል ፤ ለጸርዬ ፡ ትዳላ ፡ ከጌሳ ።
 ለእላ ፡ ሐምረግካ ፤ ወለእላ ፡ አጽሬካ ።
 ለእላ ፡ አብሸልካ ፤ ወለእላ ፡ አጥሬካ ።
 ሐቲ ፡ እንጆት ፡ እብ ፡ በኛ ፤ ከአፎ ፡ ትድፈእ ፡ አፌታ ፡
 5 እግርዬ ፡ ሐቆካ ፤ ኖሳ ፡ ውዕለት ፡ ታ ፡ እት ፡ ቤታ ።
 ወሐር ፡ ወአት ፡ ወሰከዩ ።

539

እግል ፡ እዛዝ ፡ ወድ ፡ ጀሚል ፡ በሐቢዩ ።

1 እዛዝ ፡ ወድ ፡ ጀሚል ፤ ደንጎባ ፡ ለወጃይብ ።
 እንደይ ፡ በልስ ፡ ሐዋኒት ፤ ብሩሕ ፡ ገእ ፡ ወሻይብ ።

መሊህዩ ፡ እብ ፡ ስሕታን ፤ ማይጡ ፡ ኢኮን ፡ ወሃይብ ።
ዕሉም ፡ ዓሲ ፡ መደንገጽ ፡ ቱ ፤ እት ፡ ድግለል ፡ በልስ ፡ ወእት ፡ ናይብ ።

540

እግል ፡ ገላይደስ ፡ ወድ ፡ እዛዝ ፡ ለሐሲዩ ።

- I መርሐባ ፡ ዎ ፡ ገብሻ ፡ ወድ ፡ ዕሉም ፤ አዳራሽ ፡ ታላ ፡ ወበዐላ ።
 ወራር ፡ ምስል ፡ ወድ ፡ ተሀደር ፤ ወጎማት ፡ ምስል ፡ ከሸራ ።
 እት ፡ መቅጠኑ ፡ ከርበያ ፤ ዲኖ ፡ ለጸሊም ፡ ጭገራ ።
 እት ፡ ድርጹ ፡ በልሰዩ ፤ መራይር ፡ ለአምሐራ ።
- 5 አዜ ፡ ሰላም ፡ አማንዬ ፡ ታ ፤ ወበዲር ፡ ሰላም ፡ ፈቀራ ።
 ዐንሰባ ፡ ለሐርማዙ ፤ ቅጹብ ፡ እንቱ ፡ አቅበላ ።
 ክእኛ ፡ እርአዮም ፤ ሐምበላይት ፡ ወበዐላ ።
 ሹመት ፡ አቡካ ፡ ታ ፤ ለሸራ ፡ ብዙሕ ፡ ወነዐራ ።
 እታ ፡ ሞታ ፡ ለሞታ ፤ ወሐኩር ፡ እታ ፡ ተሐከራ ።
- 10 ዎሮ ፡ ወልካ ፡ ዲብ ፡ ሰምሀር ፤ 1) ወዎሮ ፡ ወልካ ፡ መቅደላ ።

541

ሐቲ ፡ እዋን ፡ እት ፡ ምድር ፡ ሐባብ ፡ ምስል ፡ ከንቴባይ ፡ ሐምድ ፡
ነብር ፡ ዐላ ። ወሐር ፡ መሐመድ ፡ ወድ ፡ ሸኸር ፡ ሹም ፡ ዐድ-ት
ማርያም ፡ ጋሻይ ፡ ዲብ ፡ እንቱ ፡ እት ፡ ምድር ፡ ሐባብ ፡ መጽኣ ።
ከሀቱ ፡ ሀዬ ፡ እብላ ፡ ሕላዩቲት ፡ ትሳለመዩ ፤ ሐባብ ፡ እት ፡ ለሐሜ ፡
ምን ፡ ኢሀበዎ ።

- I መርሐባ ፡ ወመርኬ ፡ ወድ ፡ ጅኛይ ፤ ለውሀር ፡ እሱር ፡ እት ፡ ዕቆት ።
 ነገል ፡ ምልጭ ፡ ቱ ፡ ሐደግኮ ፤ እብ ፡ ሐሸቼ ፡ ወእብ ፡ ጠሮት ።
 ሳልስ ፡ ዓመቼ ፡ ታ ፤ ምን ፡ ጠለቅኮ ፡ ሐገኅት ።

1) Var. እት ፡ ምስር ፡

ምስልካ ፡ እግል ፡ ኢጊስ ፤ እግል ፡ ዒዘግ ፡ ምን ፡ ክልኦት ።
 ከንቴባይ ፡ ሓምድ ፡ ሀዩ ፤ “ወድ ፡ ለጻራድ ፡ ለዕዉር ፤ ጠሊት ፡
 ምግዳ ፡ ወዴከ ፡ እልካ” ፡ ቤሎ ።

542

እግል ፡ ጅምዕ ፡ ወድ ፡ ከንቴባይ ፡ ጃውጀ ፡ ክም ፡ ሞታ ፡ ለቤላ ።

- I ሐሴ ፡ ሚ ፡ ቡ ፡ ወድ ፡ ጀዳል ፤ ለጋላይ ፡ አስል ፡ ሞላዱ ፡
 አውል-ልባብ ፡ ሸኚባይ ፤ በርካ ፡ ሓድር ፡ ድንጋቱ ።
 በየድ ፡ ወሓምድ ፡ ወድ ፡ እክድ ፤ ፎቲብ ፡ ምን ፡ ለስኘቱ ።
 ዘምቶ ፡ አለቡ ፤ እብ ፡ ሸንክላ ፡ አፍያቱ ።
- 5 ለትበአሳ ፡ መላሀዩ ፡ ቱ ፤ ወለትደርቤት ፡ ኮናቱ ።
 እዳሙ ፡ አዳም ፡ ኢከርዖ ፤ ኩሉ ፡ መክሉቅ ፡ ጭንጫ ፡ ቱ ።
 ወአፍሩሱ ፡ አፍሩስ ፡ ኢከርዖ ፤ ሐቴ ፡ ክልኤ ፡ ታ ፡ ምክያዱ ።
 እብ ፡ ለቀዓሪ ፡ ደጋድግ ፤ እንዶ ፡ ካሬ ፡ ዐግዋቱ ።
 ጽዋሩ ፡ ጽዋር ፡ ኢከርዖ ፤ አፍርንጂታት ፡ ጸዐዳ ፡ ቱ ።
- 10 ፈጅር ፡ እብ ፡ ሸክየት ፤ ለትሐላልፍ ፡ ውራቁ ።
 ዐድሓ ፡ እብ ፡ ሸከር ፤ አድማይ ፡ ሳርቅ ፡ ለዕንታቱ ።
 ወሐድ ፡ ዶል ፡ ገብእ ፡ ገመኔ ፤ ግንዳሌ ፡ ለሓያቱ ።
 ወምሴ ፡ ክም ፡ አቦት ፤ ጨቕም ፡ ወበርብር ፡ ነግዋቱ ።

* * *

- ሐሴ ፡ ሚ ፡ ቡ ፡ ወድ ፡ ጀዳል ፤ ወድ ፡ ለጋላይ ፡ ለእት ፡ ምስር ።
- 15 ዶል ፡ ጠርቡሽ ፡ ወባቡሽ ፤ እንዶ ፡ ካሬ ፡ ለቀፈጥን ።
 ባሮት ፡ ልክዔ ፡ ዲብ ፡ መንዱቅ ፤ ሰረት ፡ ዘርእ ፡ እት ፡ ምድር ።
 ምናማ ፡ ዐሳይካ ፤ ዲብ ፡ ለንኢሸካ ፡ አትሐስር ።
 ሚስ ፡ እንዶ ፡ ተሀይበኒ ፤ ክም ፡ ፈቲኮ ፡ እሸኸር ።
 ሰይፍ ፡ ስርጉይ ፡ ተሀይበኒ ፤ ከእብ ፡ አፍርንጂ ፡ እገንድል ።

20 ዐገና፡ ተሀይበኝ ፤ ሕረጽ፡ ግርም፡ ወዕግን ።
 መዳስ፡ ግሩም፡ እትጋሬ ፤ ለዲብ፡ ለረክሱ፡ አስተንትን ።
 ብላይ፡ ገዢ፡ ተሀይበኝ ፤ ከመሬቷታት፡ እተልትል ።
 ትዘቨሐ፡ ሞት፡ ገልገላይ ፤ ቀባ፡ ጸሊም፡ ታ፡ ወሕስር ።
 ምንማ፡ ሳርዋ ፤ እብ፡ መራይር፡ ኢትፈግር ።
 25 ምናማ፡ ዐባይካ ፤ ዲብ፡ ለንኢሸካ፡ አትሐስር ።
 ምን፡ አሐ፡ ፍሊት፡ ኢእከርም ፤ ወምን፡ እንሳ፡ መፍሩድ፡
 * * * ኢሐስል ።

ሔሴ፡ ሚ፡ ቡ፡ ወድ፡ ጀዳል ፤ ብጋይ፡ ለምዕል፡ እት፡ ተገብ፡
 “እትበወሸሮ”፡ ለቤላ ፤ እሊ፡ ራሲ፡ ቱ፡ ለመርከብ ።
 ሰለስ፡ ጸገም፡ ትጸገማ ፤ ረቢ፡ ወሃ፡ ቱ፡ ወዐጀብ ።
 30 ጸገም፡ ለአጎራፍ ፤ ክም፡ ጅንግላይ፡ ልጀረብ ።
 ጸገም፡ ለመጀገሕ ፤ ሰንሆም፡ አስክ፡ ልትሀብሀብ ።
 ጸገም፡ ለአንጮራር ፤ ለመዳላሉ፡ ክም፡ ከተብ ።
 ዕሉም፡ ቱ፡ ወጣላ፡ ቀጸሩ ፤ ወባልዕ፡ ቱ፡ ለአድማይ፡ ልትሐጸብ ።
 * * *

ሔሴ፡ ሚ፡ ቡ፡ ወድ፡ ጀዳል ፤ ለገላይ፡ መምባ፡ ድዋረን ።
 35 ስምሐኖ፡ ጀምዕ፡ ወዓሻ ፤ ትፈላ፡ ምነን፡ ለቅራንን ።
 ጋረን፡ እኩይ፡ ረክበያ ፤ ቅወይ፡ ሀላ፡ ለምሕዳረን ።
 ሸረቢተን፡ ትጋረባ ፤ ገይሳ፡ እምበል፡ አጋረን ።
 ዕንታተን፡ ዓወራ ፤ ከእሊ፡ ሀምዳ፡ ቱ፡ ለአንዋረን ።
 አንጃባን፡ ትከፍከፋ ፤ ከበኑ፡ ተርፋ፡ ለዓሳረን ።
 * * *

40 ሔሴ፡ ሚ፡ ቡ፡ ወድ፡ ጀዳል ፤ ለጋላይ፡ ገንደር፡ ቦዛ፡
 አሶ፡ ታ፡ ከብድ፡ ጅምዕ ፤ ከርባን፡ ወቀምዶ፡ ታ ።
 አሶ፡ እላ፡ እዴ ፤ ወእሊ፡ ገንደሎታ ።

- አሶ ፡ ቀሻን ፡ ጅምዕ ፤ ወእሊ ፡ ሳዩሮታ ።
 ክምሰል ፡ ጅምዕ ፡ ሊዴ ፤ ድላ ፡ ነፍሱ ፡ ትቶፋ ።
 45 ድኄ ፡ ገርጊስ ፡ ዛምት ፤ ቤት ፡ አስገዴ ፡ ኖሳ ።
 ዲብ ፡ ለበርጃ ፡ ቀልዕ ፤ ወዲብ ፡ ለፍርዕዮታ ።
 ዲብ ፡ ለሰይፋ ፡ ከለሕ ፤ ወዲብ ፡ ለሓረጦታ ።
 ወዲብ ፡ እደያ ፡ ፍዱድ ፤ እት ፡ አክቡዳ ፡ ቦሃ ።
 ክስታን ፡ ወምስልመት ፤ ክላ ፡ ትቤ ፡ “ርሐቃ” ።
 50 ነታብ ፡ ቀዩሕ ፡ ዛምት ፤ ብኡስ ፡ ቱ ፡ ሰብ ፡ ገምሮታ ።
 ረአስ ፡ ለድንግላታ ፤ ደርዓ ፡ ወዕጎታ ።
 መንሱራ ፡ ሰኒ ፡ ሐሬት ፤ ሽክራ ፡ ወሐዘታ ።
 ከንቴባይ ፡ ሰልፋ ፡ እንቱ ፤ ወጅምዕ ፡ ትለዮታ ።
 እግሉ ፡ ትምሕክ ፡ ሚ ፡ ባ ፤ ቀሻን ፡ እምበል ፡ ኖሳ ፤
 55 ነፍሳማ ፡ ኢትምሕክ ፤ ምልትሓ ፡ ዲብ ፡ ዕርዶታ ።

* * *

- ሔሴ ፡ ሚ ፡ ቡ ፡ ወድ ፡ ጅዳል ፤ ለጋላይ ፡ ገንደር ፡ ሻክር ፤
 ጅምዕ ፡ ጠርቃ ፡ ዲቦም ፤ ቀሻን ፡ እት ፡ ለሻቅር ።
 ክማ ፡ እት ፡ ተክሌ ፤ ለጨዓ ፡ እንዶ ፡ ናቅል ።
 ዐሽዐል ፡ ዘኖብ ፤ ወድ ፡ መደለፍ ፡ ጋድር ።
 60 ክም ፡ ለእት ፡ ሶማሊ ፤ ፎቲት ፡ እንዶ ፡ ዋግር ።
 ወክም ፡ ድሩይ ፡ ሓያት ፤ ቀትል ፡ ከለሻቅር ።

* * *

- ሔሴ ፡ ሚ ፡ ቡ ፡ ወድ ፡ ጅዳል ፤ ጉላይ ፡ ለመምባ ፡ ዐወዴን ፤
 አምሐራ ፡ ወጋላ ፤ ከተማታት ፡ ወቅልጤን ።
 መናዱቅ ፡ ወጥዋፍ ፤ እብ ፡ ፋዘጋ ፡ ወምክኤል ።

* * *

- 65 ሔሴ ፡ ሚ ፡ ቡ ፡ ወድ ፡ ጅዳል ፤ ለጋላይ ፡ ገንደር ፡ ቃሊ ፤

ሰኝ : ጠርቃ : ዲቦም ፤ አብድ : ለነፍሱ : ካሪ ።

እት : ልዘብጥ : ዲቦም ፤ እብ : ለስሌማኒ ።

በዐልዬ : ይሒት : ቱ : ወየሚት ፤ ረሺ : ቃድር : ቱ : ወማኒ ።

ሐደግከኝ : ዲብ : ከደን ፤ አናዲ : ሰለስ : መስላኒ ።

70 አብሐር : ገብእ : እሳፍር ፤ ህንድ : ለመስከብ : በይናኒ :

ማ : ኢጊስ : ገብእ : ከሰላ ፤ ካድማይ : መሸሩብ : ወይዳኒ :

ማ : ኢጊስ : ገብእ : ከበሳ ፤ “እንታ : ሰብአይ” : ልብላኒ :

543

እግል : እዛዝ : ወድ : ሕሻል : ለሐለዩ ።

I ገርበን : ገረቢን ፤ እዛዝ : ለምዕል : እት : ለብካ ።

“ገለብዬ : ሀበኝ” ፤ ቀላ : ምኛ : ወከድባ ።

አማቱ : ኢሐድጋ ፤ ጠሐራ : ዲቡ : ወሐርቃ ።

መትሎሁ : ኢሐድጋ ፤ ጌለለዩ : ወከሻ ።

5 መርግቱ : ኢሐድጋ ፤ አቴት : ኢኮን : እት : ዐዳ ።

ነጋሪቱ : ኢሐድጋ ፤ ገምሐ : ዲባ : ወወድቃ ።

544

ሳልም : ወድ : ገደም ።

እት : ሰልፍ : ወድ : ግርሚት : እግል : እዛዝ : ወድ : ሕሻል :

ሐላ ። ወሐር : ሀቱ : ለሕላዩት : ወድ : ግርሚት : እት : ልቀብብ :

እግል : እዛዝ : ወድ : ሕሻል : ክእኛ : ሐለዩ ።

I ወድ : ግርሚት : እግል : እዛዝ ፤ ኢኢመራ : ሕላዩ ።

ግምሽ : በዴት : ፍሊቱ ፤ ወግምሽ : በዳ : ብላዩ ።

ግምሽ : በዴት : ወአቱ ፤ ስምጡ : እንቱ : ሐይላዩ ።

- አሸዐል ፡ ጣላ ፡ ቱ ፡ ወድ ፡ ሕሻል ፤ ግኛም ፡ እግል ፡ ዕኛዮ ።
- 5 ርሻሸት ፡ ለዘነቡ ፤ ወቀነድል ፡ ለኣዳዮ ።
 ወበርዐድ ፡ ግልሓይ ፡ ክብት ፡ ቱ ፤ መአንስ ፡ ወግኛም ፡ ጥባዩ ።
 ዲብ ፡ ሀመሚት ፡ ሸሎጊ ፡ ቱ ፤ ነተፍ ፡ እግል ፡ ዕልባዩ ።
 ድሩይ ፡ ለገይዳት ፡ በጣብጥ ፤ ለንዋይ ፡ ኣካ ፡ ምምያዩ ።
 ለገይዳት ፡ እንዶ ፡ ገላግል ፤ ጸምም ፡ ምኑ ፡ ለአድማዩ ።
- 10 ዲብ ፡ ሐጸይን ፡ ህንድዋን ፡ ቱ ፤ ጠቢብ ፡ ሰኚ ፡ ሳርሓዩ ።
 ወዲብ ፡ አሰይፍ ፡ አፍርንጂ ፡ ቱ ፤ ወዲብ ፡ ከወኒ ፡ ቃርባዩ ።
 ዲብ ፡ ሐረምዝ ፤ ዕቆዳ ፡ ቱ ፤ ወዲብ ፡ ሐራይሽ ፡ በትራዩ ።
 ዲብ ፡ መናዱቅ ፡ ምስማሪ ፡ ቱ ፤ ተብዕን ፡ ቀጭብ ፡ ሐሻዩ ።
 ሐቴ ፡ ግርም ፡ ዐገባ ፡ ታ ፤ ዐምበር ፡ ዲብ ፡ ለምስሓዩ ።
- 15 ወሐቴ ፡ ግርም ፡ ዐደሊ ፡ ታ ፤ ሐርማዝ ፡ ዲብ ፡ ለፎቃዩ ።
 እግል ፡ ሚ ፡ ዲቦም ፡ ዓድሎ ፤ ለረሱብ ፡ ጌልል ፡ እብ ፡ ማዩ ።
 ወእግል ፡ ሚ ፡ ዲቦም ፡ ዓድሎ ፤ እግል ፡ ለነጋፍ ፡ ብላዩ ።
 እት ፡ ሚ ፡ ዲቦም ፡ ዓድሎ ፡ ናዮም ፡ ሀይብ ፡ ረአስ ፡ ናዩ ።
 ገያስ ፡ ሰለባ ፤ ወዐንሰባታት ፡ ለቀላዩ ።
- 20 አሸዓብ ፡ ዳሊ ፡ ቱ ፡ ወድ ፡ ሕሻል ፤ ራፍዕ ፡ እንቱ ፡ ቡሳዩ ።

545

እግል ፡ ክንቴባይ ፡ ጃውጅ ፡ ለቤሻ ።

- 1 ገመል ፡ ገመል ፡ ኢኮን ፤ እብ ፡ አብረካ ።
 ረፊዕ ፡ ሸኪክ ፡ ብእቶም ፤ አብ-ጋሸሻ ።
 ለፊረስ ፡ ፊረስ ፡ ኢኮን ፤ እብ ፡ ቀዩዳ ።
 ለካፍ ፡ ኮር ፡ ብእቶም ፤ ቀጸቀጸ ።
- 5 ለሰይፍ ፡ ሰይፍ ፡ ኢኮን ፤ እብ ፡ ተሐረጣ ።
 አፍርንጂ ፡ ጸሊም ፡ ብእቶም ፤ ወአስሀዲ ፡ ጸዐዳ ።
 ለሐዩት ፡ ሐዩት ፡ ኢኮን ፤ እብ ፡ አግሐጸ ።

ወሐጥ፡ ገይዳት፡ ብእቶም ፤ ገታገታ።

ለእናስ፡ እናስ፡ ኢኮን ፤ እብ፡ ትወላዳ።

10 ስማት፡ ዛምተት፡ ብእቶም ፤ ወከለእ፡ ገርዛ። 1)

546

እዛዝ፡ ወድ፡ ጀሚል።

ዎሮት፡ ምን፡ ዐድ-ናይብ፡ ከበሳ፡ እንዶ፡ ፋግር፡ ዐላ፡ ከእብ፡ 1
 ቤት-ሸሐቀን፡ እት፡ ለቀብል፡ እት፡ ኖረት፡ መጽኢ። እታ፡ ጀን
 ጀር፡ ወድ፡ ሕሻል፡ ማይት፡ ምን፡ ጸንሐዩ፡ እት፡ ለቀብሩ፡ በጥራ።
 ወሀቱ፡ እታ፡ እት፡ እንቱ፡ መሐመድ-ዕስማን፡ ወድ፡ ሼክ፡ መሐ
 መድ፡ ምን፡ ገለብ፡ እንዶ፡ ቀንጸ፡ እት፡ ረከሱ፡ መጽኢ። ገድም፡ 5
 እት፡ ለላቅስ፡ ጀንጀር፡ ገባይሎታት፡ ፈን፡ አለቡ፡ ምን፡ ክል፡
 ዐድ፡ ማጽኢ፡ ዐላ ፤ ምን፡ ከበሳ፡ ምን፡ ብሌን፡ ምን፡ ቤት-ጁክ፡
 ምን፡ ሰለስ፡ ሐባብ፡ ምን፡ ገለብ፡ ምን፡ ሰምሀር፡ ወድላ፡ ሞላ
 ዶም፡ ወምቅርቦም፡ ላቱ፡ ማጽኢ፡ ዐላ። ከቤት-ሸሐቀን፡ እብ፡ ለ
 አሌላት፡ ንዋያ፡ ብዙሕ፡ ጸንሐ፡ ወእግል፡ ጀንጀር፡ ብዙሕ፡ ትቃ 10
 ትል፡ እቱ፡ ዐለት። እዛዝ፡ ሐሁ፡ ምን፡ ለንዋይ፡ ለቀጸሩቱ፡ ጋይ
 ስ፡ ሐጅ፡ ከእግል፡ ክል፡ ገቢለት፡ ሀይብ፡ አጽብሐ። ወእግል፡
 ወድ፡ ናይብ፡ ወእግል፡ መሐመድ-ዕስማን፡ ሐጅ፡ ሽልሕት፡ ወ
 አት፡ አትመንቀሻ፡ እቶም። ሀቶም፡ ሀዩ፡ ትጋረፈዋ፡ እቱ። ወሐ
 ር፡ ለአዳም ፤ “አፎ፡ ክእኖ፡ ወዴካ፡ ትነቕልካ፡ ወትዘመትካ፡ ወድ፡ 15

1) Im MS. stehen hier noch die Verse 483₄₁ (= 49I₂₃), 483₄₂ (vgl. 49I₂₁; hier mit der Variante *ḥah* für *šah*), 483₄₅ (vgl. 49I₂₀; hier mit der Variante *ḥatem* für *hadem*). Diese Verse sind also von dem Rhapsoden, aus dessen Mund das Lied aufgezeichnet wurde, als zu diesem Liede gehörig überliefert worden. Da sie aber offenbar entlehnt sind und mit dem Hauptteile des Liedes nicht in Einklang stehen, sind sie hier nicht mit abgedruckt.

ናይብ ፡ ወወድ ፡ ሼክ ፡ ቀብብካ ፡ ወአብትካ ፤ ነዓ ፡ ትገሴ ፡ ሰኚ ፡ አት
 ሐምጾም ፡ ወሐርሾም” ፡ ቤለዎ ። ሀቱ ፡ ሀዬ ፤ “ኬን ፤ ናይቦታት ፡
 መን ፡ ወሼካታት ፡ መን ፡ ቱ ፡ ለእሉ ፡ ሓርብ ፡ ወአትሓምድ” ፡ ቤ
 ሎም ። ሐቆ ፡ እላ ፡ ወድ ፡ ናይብ ፡ ወወድ ፡ ሼክ ፡ ቅጹባም ፡ ወሓር
 20 ቃም ፡ እት ፡ እንቶም ፡ ገለብ ፡ አተው ። ወቤት-አብርሃ ፡ ሰኚ ፡ ትከ
 ቨተቶም ፡ ወሰኚ ፡ ሐረብቶም ። ወምኛ ፡ ድሙላም ፡ እት ፡ እንቶም ፡
 ሰምሀር ፡ ደነው ፡ ወክል ፡ ዶል ፡ ዐይን ፡ ነዳ-እ ፡ ወልትቃጸዎ ፡ ዐለው ።
 ሐር ፡ እዛዝ ፡ ወድ ፡ ሕሻል ፡ እግል ፡ ወልዱ ፡ እግል ፡ ልሀዴ ፡ ዲብ ፡
 ዐድ-ትማርያም ፡ ትፈረረ ። ወእብ ፡ ለአሌላት ፡ መሐመድ-ዕስማን ፡
 25 ወወድ ፡ ናይብ ፤ “እዛዝ ፡ እግል ፡ ወልዱ ፡ እግል ፡ ልሀዴ ፡ ዲብ ፡
 ዐድ-ትማርያም ፡ ልትፈረር ፡ ሀላ” ፡ ክም ፡ ቤለዎም ፡ ምን ፡ ምዱን ፡
 እብ ፡ ከራዩሆም ፡ ተሀረሰው ፡ ወአመቅረብ ፡ እት ፡ ለዐድ ፡ እዛዝ ፡
 ለሀዴ ፡ ምኑ ፡ መጽአው ፡ ከእንደይ ፡ ልትረአው ፡ እንዶ ፡ ተሐብዐው ፡
 ትመዩው ። ወሀደይ ፡ ዔራ ፡ ወዐድ ፡ ለዳርሮ ፡ ትመያ ። ወምድር ፡
 30 ክም ፡ ጸብሓ ፡ ሀዳይ ፡ መትሎሁ ፡ ክም ፡ ትተላ ፡ ወመርዓቱ ፡ ክም ፡
 ረፍዓ ፡ ከእንደይ ፡ ልትበገስ ፡ ከራዩ ፡ በለም ፡ ትቤ ፡ ዲቡ ። ሀዳይ ፡
 ከራዩ ፡ ክም ፡ ረአ ፡ ረአሱ ፡ እት ፡ ለከራዩ ፡ ቀንጸ ። ወከራዩ ፡ እንዶ ፡
 ፈረገት ፡ እግል ፡ ዎሮ ፡ ገብር ፤ “ሎሀይ ፡ ሐጨር ፡ ዝገፍ ፡ እንዶ ፡
 ገንሐካ ፡ ዝበጥ” ፡ ቴሎ ። ለገብር ፡ እንዶ ፡ ሰኚ ፡ ፈጥና ፡ ዘብጣ ፡ ከእ
 35 ግል ፡ እዛዝ ፡ እት ፡ መጋቡ ፡ አድምዐዩ ። ሐቆ ፡ እላ ፡ ከራዩ ፡ እዛዝ ፡
 ክም ፡ ትደምዓ ፤ “ለአባይና ፡ ሞታ” ፡ ትቤ ፡ ከረአሳ ፡ ሐር ፡ አቅብ
 ለት ። ወሀዳይ ፡ እግል ፡ ልትበአስ ፡ ክም ፡ ሐዛ ፡ ዐድ-ትማርያም ፡
 ጸብጠቶ ፡ ወፍንጌሁ ፡ ወፍንጌ ፡ ለከራዩ ፡ እንዶ ፡ ገአት ፡ ከርዐቶ ።
 እሊ ፡ ዕርያ ፡ እንዶ ፡ አትምሰለት ፡ ወዴቶ ። ሀዳይ ፡ ጸገም ፡ ክም ፡
 40 ትከላእ ፡ ግናዘቱ ፡ እንዶ ፡ ጸራ ፡ ወመርዓቱ ፡ እንዶ ፡ ረፍዓ ፡ መት
 ሎሁ ፡ እት ፡ ልጌልል ፡ ከርተፍ ፡ ቤላ ፡ ከረአሱ ፡ እት ፡ ዐዳ ፡ ትበገሳ ።

እት፡ ሕዮተት፡ ክም፡ ፈግራ፡ መውዒ፡ እት፡ ገለብ፡ ሐልፋ፡ ወ
መንሰዕ፡ ትከሰተቶም፡ ወ“ሚ፡ጀራ፡ እትኩም”፡ ቲሎም። ወሐቆሃ፡
ዐጆም፡ አተው። ዐድ-ትማርያም፡ ቀደም፡ ምን፡ ለሀዳይ፡ ለከራዩ፡
ኢከርዐት፡ ወሐርማ፡ ክም፡ ትዘመታ፡ ኢሰዴቶ፤ ኢሞተት፡ ወ 45
ኢቀትለት።

ከእትላ፡ ቱ፡ እዛዝ፡ ወድ፡ ጀሚል፡ ቤት-ሸሐቀን፡ እት፡ ለሐ
ምድ፡ ወዐድ-ትማርያም፡ እት፡ ልቀብብ፡ ወእት፡ ልገንግር፡ እላ፡
ሕላዩት፡ ሐላ።

I አቡካ፡ ክም፡ ሸከር፤ ወኢአንዘዐዩ፡ ጋሻዩ።
ወቀትላ፡ እቱ፡ ወሰዐካ፤ እብ፡ ለጡሉቅ፡ አዳዩ።
ወሞታ፡ እቱ፡ ወሰዐካ፤ ለምስል፡ ለሀዳዩ።
ናሸሕ፡ ለብካይ፡ ወኢአካ፤ ክሩይ፡ እንቱ፡ ብላዩ።

* * *

5 አቡካ፡ ክም፡ ሸከር፤ ሕሹል፡ አብያት፡ ወኢታታ።
ወሞታ፡ እቱ፡ ወሰዐካ፤ እዲና፡ ዐመል፡ ቱ፡ ልባሳ።
ወቀትላ፡ እቱ፡ ወሰዐካ፤ ሰብ፡ ዐድ፡ ወዛምተት፡ ወአትባዳ።
ክሩይ፡ እንቱ፡ ብላዩ፤ ናሸሕ፡ ለብካይ፡ ወኢአካ።
ዐድ-ዘርኢት፡ ወድ፡ ከልብ፤ ንጋረታ፡ ታ፡ ሰምዓታ።

547

እት፡ ድመል፡ ያሱ፡ ለቤላ።

I መላሀይ፡ በላ፡ ሸሙሸት፤ ለጎፍና፡ ምንዲ፡ ተሀሌ፡ ቡ።
እሌ፡ ሻም፡ ለፈዋቲ፤ ግሉል፡ ላቱ፡ ነዌ፡ ቡ።
እት፡ ጋሪትካ፡ ለኢጋሬ፤ እኩይ፡ ቱ፡ መላሀይ፡ ድሌ፡ ቡ።
ትሌጊብ፡ ስር፡ ክልኦት፡ ቱ፤ ዲማ፡ ነብር፡ ምስኤቡ።
5 ጸዐዳ፡ ዲብ፡ ለእዴና፤ ሰለስ፡ ለወራት፡ እንስኤ፡ ቡ።

ምን ፡ ተሐት ፡ ዲብ ፡ ለቀጻፉ ፤ ዕቅብ ፡ ለሰብ ፡ ተሌ ፡ ቡ ።
 ወምን ፡ ለዐል ፡ እት ፡ ለስጋዱ ፤ ወምግብ ፡ ምግብ ፡ ለሀፊቡ ።
 ዲብ ፡ ክዋል ፡ ንትኦርደድ ፤ መሐበር ፡ ስኛት ፡ እንሸፎ ፡ ቡ ።

548

ህዳድ ፡ ወድ ፡ ፍካክ ፡ እብ ፡ ዐለዮ ፡ እት ፡ ምድር ፡ ብዕድ ፡ እንዶ ፡
 ሐማ ፡ ሞታ ። ከወልዱ ፡ ሐሰን ፡ እት ፡ ልሱ ፡ ድመል ፡ ዐለት ፡ እሉ ፤
 “አቡዬ ፡ ምን ፡ ምድሩ ፡ እንዶ ፡ አትዐለዎ ፡ ከሞታ ። ህቶም ፡ ወኢ
 አትዐለዎ ፤ እት ፡ ምድሩ ፡ ወነብራ” ፡ እንዶ ፡ ቤላ ። ወእብ ፡ ልሱ ፡
 ድመል ፡ ዐላ ፡ እት ፡ ሐባብ ።

ከእዛዝ ፡ ወድ ፡ ጀሚል ፤ “ምንማ ፡ ለመርባት ፡ ትደንግር ፡ ኢት
 ተርፍ ፤ ትመጽእ” ፡ እንዶ ፡ ቤላ ፡ እላ ፡ ሕላዮት ፡ ሐላ ።

- I መርሐባ ፡ ዎ ፡ ገርባን ፡ ወድ ፡ ከሩብ ፤ አታላዩ ፡ ወሸኢጉ ።
 መርባት ፡ ኢኮን ፡ ጠላቃ ፤ ወአድማይ ፡ ኢኮን ፡ ሸፊጉ ።
 ወድ ፡ ፍካክ ፡ ወድ ፡ ናውድ ፡ ቱ ፤ ወድ ፡ ለስልጣን ፡ ዐቢ ፡ ቱ ።
 ወድ ፡ ገላይዶስ ፡ ወድ ፡ ቱድሮስ ፡ ቱ ፤ ምን ፡ ህዮማ ፡ ቱ ፡ ጸዲፉ ።
- 5 ወድ ፡ ዳፍላ ፡ ወድ ፡ ናሸሕ ፡ ቱ ፤ እግል ፡ ጋባት ፡ ቱ ፡ ሐሪዱ ።

549

ሻውሽ ፡ ወድ ፡ ነውረዲን ።

ዐጣል ፡ ወእንሳ ፡ እት ፡ ምድርም ፡ ምን ፡ ሐዳ ፡ ለቤላ ።

- I ሐና ፡ ሰኔት ፡ ኢነአምር ። ሰኔት ፡ ሐባብ ፡ አምሯ ።
 ሐቴ ፡ ሰኔት ፡ ለዐሳሲት ፡ ታ ፤ መስከብ ፡ ሸመት ፡ ታ ፡ ለአግዕራ ።
 መካና ፡ ትመጽእካ ፤ እት ፡ አፌትካ ፡ ተአሸሯ ።
 ሸመታ ፡ ትመጽእካ ፤ አንስ ፡ እንዶ ፡ ልፍዕላ ።

- 5 ቀርቦታ ፡ ትመጽአኸ ፤ እግል ፡ አሓካ ፡ ትሰጥሯ ።
 ዐቢ ፡ ላቱ ፡ ዘርፋ ፤ ወንኡሽ ፡ ላቱ ፡ ጀልላ ።
 ሐቴ ፡ ሰኔት ፡ ለዐባሲት ፡ ታ ፤ ለለገንጊታ ፡ ከብሯ ።
 ዐዳይ ፡ ትበልዕ ፡ ወደበል ፤ ልሔይታ ፡ ለምድር ፡ ዐብሯ ።
 ምን ፡ መሪር ፡ ጥዑም ፡ ትትሐላብ ፤ ሞላይና ፡ እንዶ ፡ ልድሕሯ ።
- 10 አስልመታ ፡ ረወሽን ፡ ቱ ፤ ክብት ፡ ለሳክያይ ፡ ፈግሯ ።
 አጽርዐታ ፡ ሻኮታት ፡ ቱ ፤ እብ ፡ ተገሪ ፡ ትገልላ ።
 ውላዳ ፡ ደነብር ፡ ቱ ፤ ሐጸት ፡ አጊድ ፡ ከፍላ ።
 እንሱስ ፡ ሰኒ ፡ ታ ፡ ዐባሲት ፤ አካን ፡ ዐባይ ፡ ተዐብሯ ።
 ሐቴ ፡ ሰኔት ፡ ዐራዶ ፡ ታ ፤ እት ፡ ክል ፡ ሰኔት ፡ ጸግሯ ።
- 15 ብኸር ፡ ወፈላይት ፤ በንበን ፡ እግል ፡ ተትውዕላ ።
 አምዕል ፡ ለአልአክራ ፤ እት ፡ ረአስ ፡ አቅብር ፡ ትቃትላ ።
 አምዕል ፡ ለከራውሃ ፤ ጋብ ፡ ወነስር ፡ ነትላ ።
 አምዕል ፡ ድላለት ፤ መለኮታት ፡ ልጅሀላ ።
 ዝብደታ ፡ ትትሐሰስ ፤ እት ፡ ደምቀትካ ፡ ትጀልላ ።
- 20 ሐሊባ ፡ ትሰችዮ ፤ ከብድካ ፡ እግል ፡ ለቅርሯ ።
 ኪደታ ፡ ትትጋሬ ፤ አስክ ፡ ትበሌ ፡ ትወጭላ ።
 ሚ ፡ ታ ፡ ገብእ ፡ ለተወክ ፤ ምን ፡ ዐራዶ ፡ ትወግሯ ።
 ጽፍራ ፡ ጋሙስ ፡ ትወድዮ ፤ ወቀርና ፡ መንካ ፡ ትሰጥሯ ።
 አዘንብታ ፡ መላሰስ ፤ እት ፡ ዐገባ ፡ ተአሸሯ ።
- 25 ነቅፋ ፡ ምስል ፡ ከንቴባይ ፤ ማ ፡ ናሮ ፡ ምስል ፡ ሕምብሯ ።
 ምስል ፡ ወድ ፡ አቢብ ፤ ስርዕት ፡ ዲብዬ ፡ ታ ፡ ቅፍርላ ።
 ማ ፡ ወድ ፡ ሰለሙን ፡ እታሌ ፤ ግሰቼ ፡ እግል ፡ አግድላ ።
 መክሩሀ ፡ ቱ ፡ ወመክርሀት ፡ ጎማቱ ፤ ወመክርሀት ፡ ላታ ፡ ፈትላ ።
 እብ ፡ መረኸሽ ፡ ለውዕላ ፤ ወእብ ፡ አፍ ፡ ሕረጽ ፡ ሐብሯ ።
- 30 ወክለን ፡ አቤት ፡ ምን ፡ ገብእ ፤ ክም ፡ አባይት ፡ አሸሯ ።

እከትማ ፡ ክም ፡ ሰኔት ፡ ታ ፤ እግል ፡ ለበዲር ፡ አምራ ።
 እከት ፡ ወሰኔት ፤ እግል ፡ ለመጽአት ፡ ሕምድላ ።

550

ሀብቴስ ፡ ወድ ፡ ነውረዲን ።

እት ፡ ገደቦ ፡ ለቤላ ።

- I እት ፡ ለረቢ ፡ ወደያ ፤ ጸርና ፡ እልና ፡ አተዐሳ ።
 ዑረት ፡ ኢኮኔ ፤ ወ “እከት ፡ ሐላል ፡ መጽአካ” ።
 አክል ፡ እላ ፡ ሚ ፡ ሰዐካ ፤ እት ፡ ደም ፡ ሐካ ፡ ትጸብአካ ፡
 እለን ፡ ረግማና ፤ እብ ፡ ጥናብና ፡ አግንሐካ ።
- 5 ለሀን ፡ ረግማና ፤ ወልዳ ፡ ወብእሳ ፡ ለኢአታ ።
 ሀንዳራብ ፡ ሹም ፡ ሊበላ ፤ ለድኔ ፡ ማልክ ፡ ወዘጋ ።
 አዳጊት ፡ ሓጥር ፡ ሊበላ ፤ ምን ፡ ትወለዳ ፡ ለኢሰካ ።
 ሕጌ ፡ ጸኛ ፡ ለቤላ ፤ ከተብ ፡ ዐቢ ፡ ትከሸታ ።
 ፋርስ ፡ ነታብ ፡ ቲበላ ፤ እንዶ ፡ ገብአት ፡ ሳልፈታ ።
- 10 ዕሉም ፡ ረጋዝ ፡ ሊበላ ፤ እንዶ ፡ ደርባ ፡ ለኢሰሐታ ።
 ማንጊት ፡ ጸጋይ ፡ ሊበላ ፤ ለሀይ ፡ ዳፍላ ፡ ፋለጫ ።
 ምን ፡ እብል ፡ “ውህር ፡ ከደን” ፤ ዳውረት ፡ አና ፡ ቱ ፡ በዐል ፡ ረአሳ ።
 ምንዲ ፡ ትሰፍሬ ፡ ትስኤኒ ፤ ምን ፡ ትትከፍከፍ ፡ ለከርሸታ ።
 ወምንዲ ፡ ተዐርቅ ፡ ትስኤኒ ፤ ጌሳ ፡ ዲባ ፡ ለሀለካ ።
- 15 ወምንዲ ፡ ትጸምእ ፡ ትስኤኒ ፤ ምን ፡ ልጸመም ፡ ለሀወታ ።

551

ዐማር : ወድ : ዐቅባይ ::

እግል : ለአሐሁ : ብዙሕ : ፈትያ : ዐላ :: ሐቴ : ዶል : እት : ለአ
ሐሁ : እት : ተርህ : እላ : ቤላ ::

I እንፈርህ : ሀሌና ፤ አትቃብል : ዎ : ሓምድ ::
ሀም : አለቡ : ሀሌካ ፤ ግርዝ : ለነብራ : ለትቃምት ::
ወለክ : ቅርሕት : ብጎና ፤ ሐቴ : ክምሰል : ዓርባይት ::
ዐርባ : ጸዐዳ : ብጎና ፤ ወእላ : ሰገን : ሐዋይት ::

5 እገር-ዐራት : ወቄጦ ፤ ድርዕት : ወልዔ : ያፋይት ::
እገር-አለባ ፤ ወለት : ዐርባ : ሸግራይት ::
ዋስ-አለባ : ወናብል ፤ አሐና : ሚ : ባ : ሐሻይት :
ሸንገብ : ወለት : ኤሱረት ፤ አርወሕ : ሚ : ባ : ቤዛይት :
እብ : ከራዬ : ለትሐሴ ፤ ዝሙት : ለኢኮን : ወዛምት ::

IO ለጸርና : ቀዳምያም ፤ ወዱ : ዲባ : ገናይዝ ::
ሕናማ : ትስኤኛ ፤ እኪት : ታ : ከንፈር : ጥራይት ::
ምንዲ : ትጸምእ : ትስኤኛ ፤ ምን : ልትመረግ : ሰማይት ::
ምንዲ : ትሰፍሬ : ትስኤኛ ፤ ዶል : ለጸብዳ : መባይት ::
ምን : ትዘመት : ትስኤኛ ፤ ሕኸር : ልግበእ : ወማይት ::

552

ዐድ-ተክሌስ : እንዶ : ትጋደባ : ዐላ :: ወሐር : ምን : ሕድ : ትሻ
ተታ ፤ ገሌ : እት : ምድር : ሐባብ ፤ ወገሌ : አስክ : ሚን-ዓምር :
ተዓላ :: ወለምድሮም : በኑ : ተርፋ : ከማርያ-ቀየሕ : ሀዬ : እብ : አ
ንውየታ : መጽአት : ከንዋያ : ትርዔ : እቺ : ዐለት :: ወእብሊ : ምስ
ምሳ : ዐማር : ወድ : ዐቅባይ : እላ : ሕላየት : ሐላ ::

- I ዐድ-ተክሌስ ፡ ገድም ፤ ንፈር ፡ ወሸተታ ።
 እብ ፡ ትዕስ ፡ ኢተቅብል ፤ ጎማት ፡ እኹይ ፡ ረአዳ ።
 ገሌ ፡ ስሕል ፡ ደኛ ፤ ሐባብ ፡ እንዶ ፡ ረዳ ።
 ወገሌ ፡ ለመሓዝ ፡ ደኛ ፤ ነታብ ፡ ዲብ ፡ ቀበታ ።
- 5 ዐጀን ፡ ምን ፡ አዋጥል ፤ ቆቆ ፡ አታ ።
 እግል ፡ ፍኸት ፡ ጽሑት ፤ ገሳገሳ ።
 ፍኸት ፡ ፈልከት ፡ ኢኮን ፤ እብ ፡ ሐጽረታ ።
 ዶል ፡ ድሩይ ፡ ልብላ ፤ ወዶል ፡ ጸዐዳ ።
 ድሩይ ፡ ዲብ ፡ ልጀንብ ፤ ትክሌ ፡ አታ ።
- 10 ምትዋይ ፡ ሀረት ፡ ዲቡ ፤ ተሐራ ፡ ጸዐዳ ።
 ሽልሐት ፡ ወስምጥ-ቀረፍ ፤ አትባረዳ ።
 ገድም ፡ ማርያ ፡ ትንሰእ ፡ እላ ፤ ክል ፡ ምዕረታ ።
 ግርዕ ፡ ወድ ፡ ግዛኒ ፤ ሸላተታ ።
 እተም ፡ ሰተው ፡ ዲቡ ፤ ወማይ ፡ ጸዐዳ ።
- 15 ንዋይ ፡ ሻለተያ ፤ ሀመል ፡ ለደምቀታ ።
 ቀር-ያበል ፡ በልዐው ፤ ጠልቅ ፡ ወሐን-መንገአታ ።
 እት-አታፍእ ፡ በልዐው ፤ ፍንቄን ፡ ብጋነታ ።
 ግርዕ ፡ በልዐው ፤ ስቅር ፡ ለዐንደበታ ።
 ማርያማ ፡ ተወክ ፡ ሚ ፡ ባ ፤ እምበል ፡ ለግርዳደታ ፤
- 20 ሴርቀት ፡ ወዜምተት ፤ ወመዛብጠታ ፡
 ምን ፡ ለዐል ፡ እግል ፡ ትገሌት ፤ መትአንደታ ።
 ገለድ ፡ ስርቅ ፡ ትከሬ ፤ እት ፡ ካሸታ ።

እብ ፡ ለዐለዮ ፡ ዐድ-ተክሌስ ፡ ሐማድ ፡ ወድ ፡ በሐራይ ፡ ምስል ፡
 ለዎሮት ፡ ፍጨል ፡ ኃይስ ፡ ዐላ ። ከለምድር ፡ ምን ፡ አካ ፡ እቶም ፡

ቅብላት : ለሕላዮት : ፀማር : ወድ : ፀቅባይ : ህቱማ : እላ : ሐላ ::

I ከራዬ : ተገላጽ ፤ ድምቦብዮት : ወጽሐት ::
ሐፍና : ዲባ : ገሮባ ፤ ትካራ : ዲቡ : መገዲት ::
እዘና : እብ : ቀዳድ ፤ ገብአ : ምኛ : ሰለሊት ::
መስከብዬ : ሀበሮ : ቱ ፤ ወመምባዬ : አብ-ንስሪት ::

5 ጸብጣይ : ከምፈርዬ : ቱ ፤ ጥዕም : ምኛ : ነበሪት ::
ጸብጣይ : ሐረጃ፣ : ቱ ፤ ለጋ : ሀይብ : ወፍሊት ::
ምድር : ለአብ-ሰነብ ፤ አንስ : ገብአ : ሐተሪት ::
በዲር : ነብር : እትዬታት ፤ ከመም : ረአስ : ለዐረቂት ::
አብ-አንጉለት : ወአስቃቅ ፤ በንበን : ሚ : በን : ወፍንቲት :

IO ሕመረት : ፍርቅት ፤ ገሎ : ለመስከብ : ወድ : ሕኒት ::

554

እሸሐቅ : ወድ : ነውረዲን : እት : ምድር : ማርያ : ጌሳ : ወሀ
ቶም : ምን : ኢአመረዎ : አቤተዎ :: ወለፈረሱ : ምክላት : ምን :
ሐሣ : ክእኛ : ቤሎ ::

I ዮም : ባይት : ሀሌካ ፤ ለሞዳይ : ሰብኡ : ኢሀይብ ፤
ሰማይር : ወዕምራን ፤ ወአዜ : ናይብ : ወታይብ ::

555

ፀማር : ወድ : ፀቅባይ : በልሳ : እቸ : ወጬ ።

I ወድ : ነውረዲን : ትሰምዕዎ ፤ ፈርፈረት : ለምብላሱ :
ለፈረስ : ፀርመሲስ ፤ ከብደት : ዲቦም : ምክላቱ ::
በዐሉ : እንዳይ : ለደርር ፤ ምን : ልትገሌ : ዲብ : ባኩ ::
ገሌ : ጥራይ : ሀይሶ ፤ ወገሌ : ነሸእ : ሸላጉ ::
5 ገሌ : ብሹል : ሀይሶ ፤ በልዕ : ምኛ : ክራሱ ::

ገሌ ፡ ልባስ ፡ ሀይሽ ፤ ልብስ ፡ ሹቡክ ፡ አግዳዱ ።
 ሰማይር ፡ ወዕምራን ፤ ንዋይ ፡ ግምሽ ፡ በዝሓ ፡ ቱ ።
 ወድ ፡ ረፈዕ ፡ ሀነሽሽ ፤ ክቡድ ፡ ከማ ፡ እት ፡ ቀሓቱ ።
 ዐንሰባ ፡ ሐቆካ ፤ ኢትትአመር ፡ ጎማቱ ።

10 ጎማት ፡ ለአንዳዩ ፤ ወጎማት ፡ ለኮናቱ ።
 ወድ ፡ ጀሚል ፡ ነብሮ ፤ እላ ፡ አስበት ፡ ሹማ ፡ ቱ ።
 ወድ ፡ ሸላል ፡ ነብሮ ፤ ምን ፡ ተሐት ፡ ዳብኦ ፡ ባባቱ ።
 ወድ ፡ ነውረዲን ፡ ነብሮ ፤ ገልዋት ፡ ምስል ፡ ሓያቱ ።

556

ሓምድ ፡ ወድ ፡ ዐማር ።

ቀሽ ፡ ኑዴን ፡ ምን ፡ ትታላ ፡ ለቤላ ።

I በዲር ፡ ለምስግድ ፡ አለሚን ፡ ቱ ፤ ወአዜ ፡ ቀሺ ፡ ትታሌኮ ።
 ምን ፡ ብልዑ ፡ በልዐኮ ፤ ወምን ፡ ሲቶሀ ፡ ሰቲኮ ።
 ተሐሰብኮካ ፡ መምባዬ ፤ ምኛ ፡ እላ ፡ ወዴኮ ።
 ሰሀል ፡ ዲብዬ ፡ ወዓጌ ፤ ፈንጎሕ ፡ ክምሰል ፡ ትወጌኮ ።

557

ሕጻን ፡ እት ፡ እንቱ ፡ እግል ፡ እዛዝ ፡ ወድ ፡ ጀሚል ፡ እት ፡ ለሐ
 ምጅ ፡ እላ ፡ ሐለዩ ።

I ኢትከይን ፡ ም ፡ አብ-ንስሪት ፤ ኢትትዋለብ ፡ ምን ፡ ረሐርካ ።
 ገደቦ ፡ ክርበት ፡ ኢረክበት ፤ ለንዋይ ፡ ሰብካ ፡ አሰርካ ።
 ዓጅ ፡ ለቀንፋ ፡ ስላሲ ፤ ፎቲብ ፡ ለሓጊ ፡ እት ፡ በርካ ።
 ዲብ ፡ ሓያት ፡ ገመኔ ፡ ቱ ፤ አርጋ ፡ ትወጂ ፡ ወሸንካ ።
 5 ለትርካይ ፡ ቀይሕ ፡ ዕንታቱ ፤ ኢትረከባ ፡ ቱ ፡ ክምሰልካ ።

ትምሕል ፡ ዲቡ ፡ ወትቶቤ ፤ ታርክ ፡ ላቱ ፡ ሰላታ ።
 ለውላድ ፡ ቀሽብ ፡ ወጀዎ ፤ ወለዐቢ ፡ እያዳ ።
 ተሐሽብኮካ ፡ መምባዬ ፤ ዴኝ ፡ በዐል ፡ ለገዛካ ።
 እት ፡ ዕጩት ፡ አልጦብያ ፤ እት ፡ ደብር ፡ ለአውካካ ።
 25 ጉላይ ፡ ወድ ፡ ሸላል ፤ ጸብጥ ፡ አና ፡ ሸክናካ ።
 ነቢ ፡ ለሾከን ፡ አውሐሳ ፤ ወነቢ ፡ ለገመል ፡ አትሃጋ ።
 ለሾከን ፡ እንዶ ፡ አምነቶ ፡ ቱ ፤ ዴዴት ፡ ዲቡ ፡ ውላዳ ።

559

ሰሸት ፡ ነፍስ ፡ ለቤላ ።

I ሰልመኝ ፡ ዎ ፡ በዐልዬ ፤ ምን ፡ ለነፍስ ፡ ትወጀያ ።
 ነፍስ ፡ ሐራም ፤ እብ ፡ ክል ፡ ክትራት ፡ ተሐሸያ ።
 ለሃ ፡ ምን ፡ ለሃ ፡ ትሰርቃ ፤ መላህያ ፡ እምበል ፡ ተርእያ ።
 መክርሀት ፡ እግል ፡ ትተዐላ ፡ ቱ ፤ አምዕል ፡ ለመለክ ፡ ገምያ ።
 5 አምዕል ፡ “መን ፡ ረሸክ” ፤ ምን ፡ ረአስ ፡ ስራጥ ፡ ሀንፍያ ።

560

እት ፡ ረሺ ፡ እት ፡ ልረምቅ ፡ ለቤላ ።

I ምን ፡ ሐራም ፡ ሰልመኝ ፤ እኸይ ፡ ቱ ፡ ቤለው ፡ ለአወላ ።
 ምን ፡ እሳት ፡ ሰልመኝ ፤ ምን ፡ ለሃብ ፡ ለስረራ ።
 ምን ፡ ሕሳብ ፡ ሰልመኝ ፤ ለእላ ፡ ቤላ ፡ ወትበሀላ ።
 ምን ፡ ለቀንጻ ፡ ወጌሳ ፤ ምን ፡ ለሰክባ ፡ ወአክረራ ።
 5 ስሌማን ፡ ተርፋ ፡ ዲብ ፡ ምዱን ፤ ወጸሮታቱ ፡ አቅበላ ።
 ነብራ ፡ እኳና ፤ አረክበዩ ፡ ቱ ፡ ዘበና ።
 ለምድር ፡ አሴ ፡ አከሉ ፤ ለወልእ ፡ ክምሰል ፡ አዝሀራ ።
 ክም ፡ ለእትልዬ ፤ እንዶ ፡ ጸግባ ፡ ሚ ፡ አክረራ ፡

561

ሐሸክሸኮት፣ እሸት፣ ወእናስ፣ ምን፣ ኬን፣ ክራር፣ እንዶ፣ ገአው፣
እት፣ ልትገገው፣ እንዶ፣ ሰምዓ፣ ለሐለያ፣ ሕላዮት።

- I ንኢሸ፣ ሰምዕ፣ መምባዬ፣ ለእብ፣ ቅሩትኩም፣ ትቡላ።
- ወሕብዕት፣ ልርኤ፣ መምባዬ፣ ለሕርብት፣ ምንዲ፣ ትከሩራ።
- ለመለክ፣ ጅብራኤል፣ ሹንቲት፣ ናስእ፣ ቱ፣ ወሱላ።
- መክርሀት፣ እግል፣ ትተዐሻ፣ ቱ፣ አምዕል፣ መጳእ፣ ለዕሹራ።
- 5 ዲብ፣ ሕፈር፣ ካርዋ፣ ጢንጢን፣ እንዶ፣ ልድሁራ።

562

እግል፣ አረዮት፣ ወአስላ፣ ለቤሻ።

- I አረዮት፣ ወአስላ፣ ክልኤ፣ መጅብ፣ ተን፣ ወትኸይ።
- ክልኤ፣ ገለብ፣ ዐገባ፣ ለዳዉረን፣ ዲብ፣ እደይ።
- ክልኤ፣ ግርቢት፣ ዑሩራት፣ ጽዋር፣ ውላድ፣ ሀመሸይ።
- ክልኤ፣ ሰገን፣ ግራታት፣ ኩብ፣ ወይዳ፣ ወሰፈይ።
- 5 ክልኤ፣ ብይአት፣ ድላለት፣ ሀኩብ፣ አስራት፣ ወመዐጸይ።
- ክልኤ፣ ነቡል፣ ጸሩራት፣ ሸኪክ፣ መውና፣ ወሐደይ።
- ክልኤ፣ ምሀረት፣ ሉቡሳት፣ እግል፣ ወራር፣ ወመአከይ።
- ክልኤት፣ ስህኒ፣ ዳርቦ፣ እለን፣ ወክልኤ፣ ፎር፣ ለመመልሸይ።
- አጭሐብሉታት፣ ኢኮኔ፣ ሱብ፣ አከጀህ፣ ወምሸይ።
- 10 ክልኤ፣ ዶጅ፣ ኢኮኔ፣ ለማይ፣ ከድማ፣ ወዕጨይ።
- ክልኤት፣ ሀርማ፣ ልትቅሐብን፣ ክልኤት፣ ከልዕ፣ ወመስተይ።

563

- I እት፣ ክል፣ አካን፣ ሰሙኪ፣ ከሀውልሉኪ፣ ክም፣ መካን።
- ቤት-አስገዴ፣ ትሰሜኸ፣ ጸንዲት፣ ውላድ፣ እንዝላል።

ዐድ-ሹም ፡ ረድኢ ፡ ትሰሜኸኸ ፤ ግሸት ፡ ዋዲ ፡ ወክላል ።
 ሰብ ፡ በር-ዐረብ ፡ ሰሙኪ ፤ ዐዳ ፡ ረዱም ፡ ወምንታል ።
 5 ትርክ ፡ ጸላም ፡ ትሰሜኸኸ ፤ አፍሩስ ፡ ትጸዐን ፡ ወአግማል ።
 ውላድ ፡ ነታብ ፡ ሰሙኪ ፤ ልጅወጎ ፡ ረአስ ፡ አክዋር ።
 አምሐራማ ፡ ትሰሜኸኸ ፤ ግዱል ፡ ወለሐውቲጋል ።
 እት ፡ አንፋ ፡ ክሞሚት ፤ ፍሬ ፡ ጸብር ፡ ለፍዝጋል ።
 ዲብ ፡ ግርዳ ፡ ሰሚታት ፤ ዕነጅ ፡ ኩቱር ፡ እብ ፡ አስራር ።
 10 ደንቀት ፡ ለሮባ ፤¹⁾ ዳውር ፡ ዲባ ፡ መከምገል ።
 ክምሰል ፡ ተውድድ ፤ ለእላ ፡ ትወጄ ፡ እብ ፡ ዕጋል ።

564

1 ሕና ፡ ዲብ ፡ ሀወራ ፤ ሐቴ ፡ ኢከሬና ።
 ወለት ፡ እዙዝ ፡ ጸድቅት ፡ ታ ፤ እሻ ፡ ወነዌና ።
 ግርም ፡ ወለት ፡ እዙዝ ፤ ገሮብ ፡ ምን ፡ ዐፊና ።
 ወቅዲት ፡ ወለት ፡ እዙዝ ፤ ሀነን ፡ ወጄ ፡ ጼና ።
 5 ብሹር ፡ ዐብብ ፡ ዲባ ፤ ወቅዲት ፡ እብ ፡ አልጌና ።
 ዕንክሎሎ ፡ ትመሸል ፤ ወእሊ ፡ ጅብ ፡ ለዔላ ።
 ሮራ ፡ ዳሊ ፡ ትመሸል ፤ እርዳድ ፡ ወፋጌና ።
 ዑረት ፡ ቱ ፡ ገብአና ፤ እንዶ ፡ ኢዳሌና ።
 ሰኒ ፡ ጡይዕትና ፡ ታ ፤ ለዐዳ ፡ ምን ፡ አቴና ።

565

እናስ ፡ ዎሮት ፡ ክል ፡ ዶል ፡ ጎሌ ፡ ሌጣ ፡ ዐላ ፤ ሓምድ ፡ ወድ ፡ ዐ
 ማር ፡ ሀዬ ፡ እግል ፡ ለጅሀል ፡ ለፈቱ ፡ አምዕል ፡ አልኣክራ ፡ እኸይ ፡
 ክም ፡ ረክሸም ፡ እት ፡ ልብል ፡ እላ ፡ ሐላ ።

1) Vielleicht እራብ ፡?

- I ፋርሀ : እትካ : ሀሌኮ ፤ እንታ : ለክእና : ተስተንትን ።
 ፈንጉሕ : እኩይ : ገሱሮ ፤ እት : እዲና : ለልጅሀል ።
 ቃዊ : ለሼጣን : ገምዮ ፤ ለበሀሉል : እግል : ልገርግር ።
 አልቅያማ : ምን : ትመጽእ ፤ ሰብአ : ዐድ : ሕድ : ኢቀብር ።
- 5 አልቅያማ : ምን : ትመጽእ ፤ ወመለክ : አልሞት : ምን : ሐድር ።
 መለክ : እብ : ለጌደናብ ፤ ምን : በዐል : ኤማን : ለቀብል ።
 ስእላቱ : “ መን : ረበክ ” ፤ ታ ፤ ጽኑዕ : ወትኩም : ኢፈስር ።
 ለአድብር : ምንዲ : ናቁሎ ፤ ምንዲ : ገብእ : ፈነጥር ።
 ለአርድ : ምንዲ : ጣዩሞ ፤ እንዶ : ገዐዛ : ምን : ሐድር ።
- 10 ለአመት : ምንዲ : ጌሉላ ፤ ከእት : ለዕሹር : ምን : ትበጥር ።
 ጁጅ : ወባጁጅ ፤ አግቡይ : ከልእ : ለአበድን ።

566

- I ትቀትሊና : ቱ : ም : እዲና ፤ ለቀባታትኪ : ምን : ነሐኬ ።
 ካይነት : እንቲ : ም : እዲና ። እግል : ካይን : ሚ : እዋጤ ።
 ሐሻይት : ታ : እዲና ። ሐሻይ : ርዝቁ : ሚ : ማጤ ።
 ዮም : ነብራ : ደአይሎታት : ታ ፤ ፈንጉሕ : ሀሌት : ለዘማቴ ።

* * *

- 5 እቀብሻ : ቱ : ሀሌኮ ፤ አና : እላ : ነብራኪ ።
 ሀግያታትኪ : እብ : ልስሙዕ : ቱ ፤ ወሀያባትኪ : እብ : ባጊ ።
 አና : ምንማ : እጸግብ ፤ ኢእስሐቅ : ቱ : ም : ሐሻኪ ።
 አልቅያማ : ለትረድኦ ፤ ክል : ዶል : ናድብ : ቱ : ወባኪ ።
 ለጸሮታትና : ወሕና ፤ ውሩብ : ሕና : ወማሲ ።
- 10 ሕና : ማስያም : ሀሌና ፤ ወፋርገም : ሕና : ክም : ባቂ ።

567

- I ሐመድኮካ : ም : በዐልዬ ፤ ለመዋዲትካ : ፍክር ።

እላ ፡ ላሊ ፡ መና ፤ ወመና ፡ እሊ ፡ ፈጅር ።
 እሊ ፡ ሐሊብ ፡ መና ፤ ወመና ፡ እሊ ፡ እክል ።
 እላ ፡ ጸሐይ ፡ መና ፤ ወመና ፡ እሊ ፡ ዕዝል ።
 5 ሕኖት ፡ ከብድ ፡ እማ ፤ ከአፎ ፡ ንብእ ፡ ትፈግር ።

* * *

አና፡ዎ፡በዐልዬ፤እልካ፡ቱ፡ሐመድኮ፤ለመዋዲትካ፡ምን፡እፈቴ።
 ሕጊት ፡ እንዶ ፡ ተጸብሕ ፤ ከካርመት ፡ እንታ ፡ ተመሴ ።
 ረሐመት ፡ ለሞላይና ፤ እምበልሃማ ፡ ሚ ፡ እንሰቴ ።

* * *

የምማ ፡ ምን ፡ ለአካና ፤ ዐድ ፡ ሕድ ፡ ምንዲ ፡ ትትላኬ ።
 10 እብ ፡ አበርቅ ፡ ትተውለል ፤ ወእብ ፡ ሀዳይድ ፡ ዘራኬ ።
 ለዕብር ፡ እግል ፡ ተድልያ ፡ ቱ ፤ ወጽምእት ፡ እግል ፡ ተሻቴ ።

* * *

አና ፡ ዎ ፡ መሐመድ ፡ አረሱል ፤ ጠዐመት ፡ ዲብዬ ፡ ለሐብሬካ ።
 ለኖር ፡ እቡ ፡ በርሀካ ፤ ለቅድረት ፡ እባ ፡ ሰኔካ ።
 ፈቴክ ፡ ሞላይካ ፤ ከእባ ፡ ምስሉ ፡ ተሃጊካ ።

15 ለክፍር ፡ እላ ፡ አፍረስካ ፤ ለእስላም ፡ እላ ፡ ፈቴካ ።
 ሕምድ ፡ ትብጽሐ ፡ መምባዬ ፤ ዲብ ፡ ለእላ ፡ ወዴካ ።
 እብ ፡ ፊሸት ፡ ብራቃ ፤ ወድ ፡ ገሐፎትማ ፡ ዓቤካ ።
 ውላድ ፡ አንበጣ ፤ እት ፡ ደገድግ ፡ ምን ፡ ክዔካ ።
 ምን ፡ ደም ፡ ወከዐስ ፤ እሊ ፡ ሐሊብ ፡ ዓሬካ ።

20 ምን ፡ ሚ ፡ ሀሌት ፡ ሙነታ ፤ ሕኖት ፡ ለእላ ፡ መኔካ ።
 ዐዘገዝ ፡ ወፋይድ ፡ ምን ፡ ክሎምዲ ፤ ዎሮት ፡ እንታ ፡ ሀሌካ ።
 ባጥለት ፡ ታ ፡ እላ ፡ ሕያይት ፤ ትወደ። ክምሰል ፡ ፈቴካ ።

ወአት ፡ ትነጽፍ ፡ ዐለት ፤ ከአና ፤ “ አምዕል ፡ ሞቹ ፡ ጋሮ ፡ ሕሮዳ ፡

እቺ”፡ ብሀል፡ ዐልኮ። ሰብ፡ ንዋይ፤ “እሸዋ፡ ታ፡ ጋሮ”፡ እንደ፡
ቤለው፡ ትሰአለው፡ ባ፤ ከእት፡ እበልሽ፡ እቶም፡ ክእኘ፡ ሐሌኮ።

- I ወለት፡ ኢትማኔት፤ ስብር፡ በርሃ፡ እላ፡ ታ።
- ምን፡ ትትበገስ፡ ኤማና፤ ወምንዲ፡ ተዐይር፡ ምድግሃ፡ ታ።
- ወቅረር፡ ትግበእ፡ ወሐራስ፤ አምዕል፡ ዕጹብ፡ ናያ፡ ታ።
- ዔደባይት፡ ስሩጊት፤ ወግራ፡ ጸዐዳ፡ ስራካ።
- 5 ተኸ፡ እት፡ መዝረት፤ ኤማን፡ ዘዐትና፡ በላ፡ ታ።
- ሐመልማል፡ ገባታት፤ ክምሆላይት፡ ደንቃ፡ ታ።
- እት፡ ሐግላት፡ አኸብ፤ ክም፡ ለምህረት፡ ወድ፡ ዓቃ።
- “ነዓ፡ ቡ”፡ ምንዲ፡ ትብለኸ፤ ፋይተት፡ በዲር፡ ፍትሐ፡ ታ።
- “ኢኮን”፡ ምንዲ፡ ትብለኸ፤ ቶበት፡ እቺ፡ ቱ፡ ለአፍያታ።

569

ሐቺ፡ እግር፡ መጸት፡ ራክበትና፡ ዐለት፤ ከገዐዛ፡ ምንእና፡ ለዐድ፡
እቺ፡ ለዐልና፡ አሓሁ፡ እንደ፡ ሰፍሬት። ከተምበሌ፡ ወድ፡ ሸብሕ፡
ዐዱ፡ አትሓደራ፡ እልና፡ ከሀቱ፡ አተንተኔና። ወሐር፡ እላ፡ እምቤ።

- I አባይና፡ ማይራ፡ ልታሌ፤ ዐድ-ገሌዋይ፡ ወዐድ-ዘጋ።
- ኢሐዱጎ፡ እት፡ ድምነት፤ መላህይ፡ ክምሰል፡ ትሰደዳ።
- ምን፡ መይት፡ ቀሽሮ፤ እበን፡ ጸሊም፡ ወጸዐዳ።
- ምን፡ ነሸእ፡ ሀዩቦ። “ክብ፡ በል፡ ሚ፡ ቱ፡ ሸንሀካ”፤
- 5 ምን፡ ሐዬ፡ ዐዱዶ፤ ሊሊት፡ ከአፎ፡ አጽብሐካ፡
- ማይራ፡ ሐቆ፡ ተምበሌ፤ አጊድ፡ ፋግረት፡ ታ፡ ዑረታ።
- አዜማ፡ ሀቱ፡ ሳርሐኒ፤ እብ፡ ተከላብ፡ ከፍአካ።
- ምን፡ እትገሌ፡ መምበሮ፤ ኖሱ፡ ዳብእ፡ ቱ፡ መንገአታ።
- አዜማ፡ ብሌን፡ እገይስ፤ አሹሽ፡ አስክ፡ ከበሳ።

10 አዜማ : ሐባብ : እገደስ ፤ ለታል : አስር : እት : በዳ ።
 አዜማ : ማርያ : እነብር ፤ ወጸሊም : እብል : ወጸዐዳ ።

570

ሼክ : አለሚን : እግል : ልዘይሮ : ጌሰው ። ወሐር : ሐምድ : ዐ
 ማር : እግል : ሼክ : ክእኛ : ሐለዩ ።

1 ዎ : ሼክዬ : ሰላም : ዐሌካ ። ግስኮ : ዲብካ : ምን : ዐጄ ።
 እት : ድምነትካ : መጽአኮ ፤ ምኛ : ገዐዝካ : እት : ትክሌ ።
 ወአዜ : ዐጄኮ ፤ ጸንሐከኒ : እት : ግዕፍቴ ።
 ወድ : ሐመድ-ሼክ : ወድ : ሐምድ : ቱ ፤ ቀብል : ብዝሐም : ልተኸ።
 5 ወድ : ጽነፅ : ምን : ረቢ : ቱ ፤ ኢኮን : ጸንዒት : ሰብ : እንዜ ።
 ወድ : ሕያያም : ለትሃጌ ፤ ሰምዓት : እንዶ : ለትገሼ ።
 ሕጉዝ : ነብራ : ኢአና ፤ ተአክለኒማ : ከርጅቼ ።
 ሕጉዝ : ልባስ : ኢአና ፤ ኢእሸንን : ቡ : ወኢእገፌ ።
 ሐሪት : እት : ረቢ : ታ ፤ አስኔ : እልዬ : ንዩቼ ።
 10 እምዬ : ወአቡዬ ፤ ክልአት : እሎም : ዋልደቼ ።
 ምስል : ለፊቱኒ ፤ ምስል : ለአሉ : እፊቱ ።

* * *

ዎ : ሼክዬ : ሰላም : ዐሌካ ። ግስኮ : ዲብካ : እብ : ንዩት ።
 ሸገነት : ወድ : ዕቁብ ፤ ባጽሓ : እንታ : ለዕጭየት ።
 ምስል : ሐማል : እንሳሪ ፤ ግሹይ : ረአስ : ለምርስየት ።
 15 ምን : ረቢ : ወነቢ ፤ እትካ : ትክራት : ለእልፍየት ።

* * *

ዎ : ሼክዬ : ሰላም : ዐሌካ ። ግስኮ : ዲብካ : እብ : ረዳ ።
 ዮም : እግል : ነብራሃ ፤ ወፈንጉሕ : እግል : ጅነታ ።
 ሙነቱ : እላ : ቀጺተት : ታ ፤ ወሐቱ : ለጠሊት : ለጸዐዳ ።

ለዐድ፡ ለእንታ፡ ረገምክሁ። ፤ እንዶ፡ ከማ፡ ቱ፡ ከገዐዛ።

* * *

- 20 ም፡ መሐመድ-ዐሊ፡ ሳልሕ፡ ግበእ። ፤ ክም፡ ለእት፡ አቡካ።
- ሐሰብካ፡ አና። ፤ ወሐሰብ፡ አልአቡካ።
- አምዕል፡ አልጡብያ። ፤ ብዝሓም፡ ለረድኡካ።
- ወዱ፡ ዲብካ፡ ዕላመት። ፤ ከእት፡ ብሻረት፡ ሰብኩካ።

571

እግል፡ ሼክ፡ አለሚን፡ ወድ፡ ሕመድ፡ ለሐሊያ።

- I ዐድ-ሐመድ-ሼክ፡ ክላማ። ፤ ለእሹ፡ ገይሶ፡ አስማ፡ ቱ።
- ሐመድ-ሼክ፡ ፈጋር፡ ምን፡ ቀብር። ፤ አትዋረሳ፡ ውላዳ።
- ሓምድ፡ ወድ፡ መሐመድ። ፤ ፋይድ፡ ቱ፡ ምን፡ ለስኘቱ።
- ዐሊ-ሼክ፡ በዐል፡ ቀልብ፡ ቱ። ፤ ኖሼ፡ አምር፡ ምክያዳ።
- 5 አዜ፡ ሼክዬ፡ አለሚን። ፤ ለአካን፡ አብሁ፡ ዳብኦ፡ ቱ።
- ኖር፡ ቡ፡ ዲብ፡ ለብሶቱ። ፤ ወአጂር፡ ቡ፡ እት፡ ለምክያዳ።
- አልከደር፡ ግንሐቱ፡ ታ። ፤ ወመላእክት፡ ምብላሱ።
- እንሻላ፡ ረሺ፡ ልስዐዶ። ፤ ሐባብ፡ እሊ፡ እናሱ።

572

ዐድ፡ እሙ፡ ምን፡ አቤተዎም፡ ለሐሊያ።

- I ሓምድ፡ ወድ፡ ሓጅ፡ ኢወልዳ፡ ቱ። ፤ አባይና፡ መሐመድ፡
- ፊትበኸር።
- ፋርገም፡ ዲቡ፡ ሀሴና። ፤ ለኢረክብያ፡ ምን፡ ምረከር።
- ወለት፡ ፀማር፡ ለወልዳ። ፤ ረሺ፡ ደሴ፡ ልትመሸል።
- ዐድና፡ አግዱብ፡ ታ፡ ዕሌቱ። ፤ ንደእ፡ ኢኮን፡ ወጀፈር።
- 5 ለገሌ፡ ልትመነሕ። ፤ ወለገሌ፡ ልትፈጨል።

ለገሌ ፡ ርዕዮ ፡ ወደዎ ፤ ከእት ፡ ለንዋይ ፡ ልትፈረር ።

አብ-እድሪስ ፡ በዐል ፡ ገጸ ፡ ቱ ፤ ሞርሃ ፡ ጸብጥ ፡ ቱ ፡ ወገፍተር ።

ተናክፎ ፡ ለወድቃ ፤ ኢሀይሾ ፡ እብ ፡ መድብር ።

አክል ፡ ዐድ ፡ ሕድ ፡ ሀይሾም ፤ ድቡር ፡ ወሹም ፡ በዐል ፡ መምበር ።

10 እንዶ ፡ ረፍዓ ፡ መጽአኸ ፤ ኖሱ ፡ እንዶ ፡ ልትቀለል ።

መሐመድማ ፡ ወድ ፡ መሐመድ ፤ አክል ፡ ረአሱ ፡ ልትገደል ።

ሐሊብ ፡ ወአቱ ፡ ልሰቱ ፤ ወክቦቱ ፡ ትትበሸል ።

መስከብ ፡ በኑ ፡ ለለአቱ ፤ እብ ፡ መሐገዝማ ፡ ሚ ፡ ኢልትቀዐር ፡

ዐድ ፡ አቦትና ፡ ቶም ፡ ሰብ-ለዓሊት ፤ ኢእንፈቱ ፡ ልትወገር ።

15 አብ-አብራሂም ፡ ጸዱቅ ፡ ቱ ፤ ከንፈር ፡ ከአፎ ፡ ትትበደል ፡

እት ፡ አካኑ ፡ ጸንሐኸ ፤ ወሊበስ ፡ እትካ ፡ ወልጥለል ።

መሐመድ ፡ ወድ ፡ ሕመድ ፤ ሸማገላይ ፡ ቱ ፡ ምን ፡ አሰል ።

ዐገባ ፡ ወሰይፍ ፤ ቁጦ ፡ ጸርብ ፡ ቱ ፡ ወመምበር ።

መሐልካ ፡ ናስእ ፡ ኢኮኔ ፤ ለሐፈት ፡ እግል ፡ ትደረር ።

20 እምበል ፡ ወልዱ ፡ ሚ ፡ ሐይሾ ፤ በኪትማ ፡ ላቱ ፡ በዐል ፡ ጭገር ፡

ኢእቤላ ፡ እብ ፡ ቅብጥር ፤ ለጋሻይ ፡ መሐመድ ፡ ልደረር ።

ሐሊብማ ፡ ወልዱ ፡ ምን ፡ ሔሳ ፤ ምዱን ፡ ደኛ ፡ ወሰምሀር ።

እሸማዒል ፡ ወድ ፡ አድም ፤ በትዕ ፡ መሸል ፡ ወሸኸር ።

ምን ፡ ረኸብ ፡ ሀይበኸ ፤ ምን ፡ ሐግል ፡ ልሸሐቅ ፡ ወልደአል ።

25 ዐብደላ ፡ ወድ ፡ ሃሮን ፤ ከም ፡ አባይ ፡ ልደሸር ።

ለገ-መይ ፡ ቱ ፡ መሰለም ፤ መአዜ ፡ ገይስ ፡ ምን ፡ አለል ፡

መንገአት ፡ እናስ ፡ ወኢጸብራ ፡ ቱ ፤ ግድዐት ፡ ምንዲ ፡ ትሸረር ።

ሐምድማ ፡ ወድ ፡ ሕመድ ፤ በጥር ፡ እሉ ፡ በዐል ፡ አከር ።

ሕሚት ፡ ዳብእ ፡ ቱ ፡ ወሐምዴ ፤ ዐሳይ ፡ ካርዕ ፡ ቱ ፡ ወመረር ።

30 እድሪስ ፡ ወድ ፡ መሐመድ ፡ ሸግራይ ፡ ዲብ ፡ መን ፡ ልትዐደል ፡

አብሀ ፡ ጸም ፡ ወሰላት ፤ ወሀቱ ፡ ጋሻይ ፡ ልትሐደር ።

ስእያም : እግሎም : ሀሌና ፤ ፈንጉሕ : አምዕል : አልመዐሸር ።
 ሙሳ : ወድ : ዐሊ ፤ ለሀይ : ሀላ : ልትሀውለል ።
 ፍሬ : ቅንጽል : ሚ : ኢትወጄ ፤ ፍሊትማ : አስክ : ትትበኸር ።
 35 ንጸሸሮ : ሀሌና ፤ ወልግደን : ዲብና : ወልቅዘር ።

573

እናስ : ዐድ-ተክሌስ ።

I ወለት : ዳምር : ዐቢ ፤ ዳግራብ : ቀበት : ቡባ ።
 ክም : ገመኔ : ትገይስ ፤ ወድሜ : ክም : ደንጎባ ።
 ግቡእ : ወፋቲ : ቶም ፤ ላሊ : ለኢሰኸብ ።
 ድሸከት : ቅልም ፤ ውዳይ : ለክቡባ ።
 5 ሰብዐት : እልፍ : ትገሸእ ፤ ምንዲ : ጸባጹባ ።
 ክብት : ጀውህር ፤ ተጀር : ከባኸብ ።
 እምበል : ቀዊስ ፤ እብ : ለሃ : ኢረኸብ ።

* * *

ወለት : ዳምር : ዐቢ ፤ ዳግራብ : እት : አልባት ።
 ስጋድ : ጀንገሬባይ ፤ ለክፎ : ምኑ : ዳባት ።
 IO ሊሊት : ኢሰከብከ ፤ ሞሼ : እብ : ክል : ዳባት ።
 ቀዩሕ : እሳት : ላሊ ፤ ዊን : ታ : ወደራባት ።

* * *

ወለት : ዳምር : ዐቢ ፤ ብዕዛ : ለመሃላላ ።
 ቀዩሕ : ቀጥፈት : አብሬግ : ታ ፤ ወቀጥፈት : አረን : ጣላ ።
 ቀዩሕ : ወለት : ዝላም ፤ ዕላመት : ለቃራ ።
 I5 ሐመልማል : አስራር : ዔደር ፤ ግዴት : አድማይ : ለዓላ ።
 አፍሃ : በርቅ : ቀይም ፤ በፍታ : መከሳራ ።

ከላማ ፡ ክም ፡ ድዋርባይ ፤ ዐይዴ ፡ ላሊ ፡ በሃላ ።

* * *

ወለት ፡ ዳምር ፡ ዐቢ ፤ ቡሪት ፡ እት ፡ ቀላቅል ።

ቀየሕ ፡ ታ ፡ ምን ፡ ግርዕታ ፤ ክም ፡ ተረንካ ፡ ባሽል ።

20 ቀየሕ ፡ ሐሪር ፡ ታ ፤ እት ፡ ግድም ፡ ለሻድር ።

* * *

ወለት ፡ ለምህረት ፡ ዐድ-ተውሌ ፡ ታ ፤ ለናቀሶታ ፡ እብ ፡ ልጃም ።

መሊህይካ ፡ ካይን ፡ ኢልግበእ ፤ ወገማይካ ፡ በዐል ፡ ሕሳር ።

ሊሊት ፡ አፍ-ሓሬን ፤ በርቅ ፡ ቤታ ፡ መቀዳም ።

አዳላ ፡ ወድ ፡ ስኛር ።

ማርያ ፡ እግል ፡ እዛዝ ፡ ወድ ፡ ጀሚል ፡ ቤለው ፤ “ገድም ፡ እዛዝ ፡ ፈርሃ ፡ ከእግል ፡ በርህ ፡ ሐሰብ ፡ እግል ፡ ልሕረድ ፡ ቱ” ። ህቱ ፡ ሀዬ ፡ እግል ፡ እዛዝ ፡ ወድ ፡ ጀሚል ፡ እት ፡ ለሐምድ ፡ ክእኛ ፡ ሐላ ።

1 ሐሊማ ፡ ዲብ ፡ ሕቡብ ፤ በላ ፡ ዎ ፡ ሳልም ፡ ወድ ፡ ዐንጃ ።

ህታ ፡ ለሮረት ፡ ኢትፈግር ፤ እት ፡ ክታና ፡ ወቀጃ ።

ወአና ፡ ዲባ ፡ ኢአመጽእ ፤ እቤለካ ፡ ታ ፡ እብ ፡ ፈርቃ ።

ለአምዕልቶኒ ፡ ቤት-ብጋይ ፤ አምዕል ፡ ጸላም ፡ ረክበታ ።

5 ትግራይ ፡ ሞቱ ፡ እት ፡ ወአቱ ፡ ታ ፤ ወጽኑዕ ፡ ሞቱ ፡ እት ፡ ገርዛ ።

መት-በእሳይ ፡ ትትበአሾ ፤ ስሕተት ፡ ታ ፡ እላ ፡ ቤት-ገብሻ ።

ክም ፡ በዲሩ ፡ ምን ፡ ለሀሌ ፤ ዕሉምዲ ፡ ሐሰብ ፡ ወኢሐርዳ ።

ጽቦሮ ፡ መልቀም ፡ ዐንሰባ ፤ አደገላ ፡ ወገርሳ ።

አፍ ፡ ማይ-መልሕ ፡ ወስቅር ፤ እብ ፡ ተሓተት ፡ ግዕር ፡ ለተዐዳ ።

10 ምንዲ ፡ ፈግሮ ፡ መለብሶ ፡ ታ ፤ ወምንዲ ፡ ደኖ ፡ ገጽ ፡ በርካ ።

575

ጅምዕ ፡ ወድ ፡ ገላይዶስ ።

- I ሕና ፡ አሐና ፡ ውላድና ፤ ቀየረያ ፡ ሳልፈታ ።
- ጀሚል ፡ ክምሰል ፡ ኢረክያ ፤ ምን ፡ አሰራ ፡ ወላጣ ።
- ወበኪት ፡ እግል ፡ ፈያቲብ ፤ ቀጻፋታ ፡ ዛበጣ ።
- ወሼሌ ፡ አቡኩም ፡ ወዐራ ፤ ወኢትገራዜት ፡ ቱ ፡ ዛምተታ ።
- 5 ለሞታ ፡ እት ፡ ነአምር ፡ ቱ ፤ መደርጋግ ፡ ለሕፍረታ ።
- ወመራጋዛ ፡ እት ፡ ነአምር ፡ ቱ ፤ አክል ፡ አዬ ፡ ትሰፈፋ ።

576

ክም ፡ አሸራ ፡ ለቤላ ።

- I ገድካ ፡ በጽሕ ፡ ተቀብል ፤ ሳቆ ፡ ዲብካ ፡ አክለት ።
- ገድካ ፡ ግርዝ ፡ ተቀብል ፤ ክምሰል ፡ ሎሃ ፡ ግርጅኝት ።
- ለዘማቴዬ ፡ ዲብ ፡ ዓላ ፤ ወገሽሎቴ ፡ ዲብ ፡ ሐረት ።
- አሐዬ ፡ ኖሼ ፡ ዐቕሻ ፤ ምንማ ፡ ለተለት ፡ ትትሀርገት ።
- 5 ጨላይ ፡ ሕሉብ ፡ ታ ፡ እት ፡ ዐሙር ፤ ወክዕን ፡ ቅርፍት ፡ ታ ፡
- እት ፡ ግልደት ።
- ለሬመት ፡ እት ፡ ሚ ፡ ትቡላ ፡ ሐፍነት ፡ እትኩም ፡ ወመረት ።
- ምንዲ ፡ ትሳግም ፡ ግድሬን ፡ ታ ፤ ወምንዲ ፡ ትሰብክ ፡ ያብለት ።

577

ፀጂብ ።

- I እንፈርህ ፡ ሀሌና ፤ እሊ ፡ ቃይዶስ ፡ ልደለል ።
- “ጸቡጦም” ፡ እንፈርህ ፤ መሐበር ፡ ለእት ፡ ሕድ ፡ ልትበረር ።

ዲብ ፡ ነፍስና ፡ እንፈርህ ፤ ወእት ፡ ለማልና ፡ ልትፈረር ።
ነብራ ፡ ዲማ ፡ ሚ ፡ ነሐድግ ፤ የም ፡ እግል ፡ ንጆረር ።

578

አድም ፡ ወድ ፡ ዐጂብ ።

እግል ፡ ምድር ፡ ዐድ-ተክሌስ ፡ ምን ፡ ሐመዎ ፡ ሀቱ ፡ ሀዬ ፡ እት ፡
ለሐምጆ ፡ እላ ፡ ቤላ ።

- I ሀበሮ ፡ ዎ ፡ መንታይ ፤ አፎ ፡ በዝሐ ፡ ለሐምያቱ ፡
በዲር ፡ ዘበን ፡ አበውና ፤ ለእክሉ ፡ አክል ፡ ሐጻ ፡ ቱ ።
ወእሊ ፡ ሴርቀት ፡ ትብሎ ፤ ዘበን ፡ አዜ ፡ መጽአ ፡ ቱ ።
እግል ፡ ነዐይሮ ፤ ለዕጨዮማ ፡ እንዳ ፡ ቱ ።
- 5 ለአድግ ፡ ጋብእ ፡ ዐጠልማይ ፤ ኢተልያ ፡ ቱ ፡ እማቱ ።
አበንጉለት ፡ ወአስቃቅ ፤ ልኅ ፡ ወጋድም-ለውያ ፡ ቱ ።
ምን ፡ ክልኤ ፡ እት-ዐቅበት ፤ ክርብ-ቀረጽ ፡ ለሰዐራቱ ።
እጋል ፡ ዐስም ፡ አስትዮ ፤ ከደርቡ ፡ ተረድ ፡ እማቱ ።
ጉብጉብ ፡ ጋብእ ፡ ዝላላ ፤ ማልአት ፡ እንታ ፡ መራቱ ።
- 10 ክም-ጎፍ ፡ ወመጽሐት-አምበጣ ፤ አጊድ ፡ ትረጅዕ ፡ እማቱ ።
እገር-ሰሐቶ ፡ ለክብት ፤ ረሺ ፡ ከአፎ ፡ ማንሃ ፡ ቱ ።
መቀር ፡ ዲብ ፡ ለረወርብ ፤ ወመሐረጥ ፡ እት ፡ ለሳሳቱ ።
ምን ፡ ትትከሬ ፡ ቀር-ዖበል ፤ ከምንዲ ፡ ትሰቴ ፡ ለአጽያቱ ።
ወድ ፡ ከረዶይ ፡ ወገዓር ፤ እጋል ፡ ጽእራን ፡ እላ ፡ ቱ ።
- 15 ለቀድሐት ፡ ወድ ፡ ድብሎይ ፤ ዕድራ ፡ ውርድ ፡ ሴጣ ፡ ቱ ።
ተረኸባ ፡ አንቅዕ ፡ እላ ፤ ለመሐዝ ፡ እት ፡ ለዔጻቱ ።
ሐመረት ፡ ፍርቅት ፡ ለገሎ ፤ ስቃድ ፡ ደልድል ፡ ጀድግቱ ።
ጋድም ፡ ሐመር ፡ ወጨይሐት ፤ ማይ-ጾፍ ፡ እብ ፡ ለወግአቱ ።

እብ፡ሓዘ፡ለሸቢብት፤ እሌ፡መስከብ፡ቀልሃ፡ቱ።

20 ምን፡መዛማት፡እት፡አድር፤ እሌ፡መስከብ፡ጥቅራ፡ቱ።

ምን፡ቀላቅል፡ደብር፡ቱ፤ ብዙሕ፡ትበልዕ፡እማቱ።

ለትሰቀደት፡ትሸቆድ፤ ስቃድ፡ብርክ፡ቱ፡ስቃዱ።

ግርዕ፡ምንዲ፡ትደገ፤ ማይ፡ለተንከር፡ባጽዓ፡ቱ።

ለተሐለበት፡ትተሐለብ፤ እምበል፡ለብዝሕት፡ምክያዱ።

25 ለሐዳት፡ቅመዕ፡ኡብ-ቀጣን፤ አክል፡ብዝሐት፡እላ፡ቱ።

መዝረት፡ወፊንክ፡ወድ፡ዕንድር፤ ሊፈት፡ወፍሉይ፡ቀዳዱ።

ምን፡ትትከሬ፡ቀላቅል፤ ዓዩን፡ፋግረት፡ዔሻቱ።

ክረም፡ተቅብል፡ዲብ፡ጥረት፤ ዕንሱብ፡ለዓይረት፡ባክራቱ።

ሸላል፡ለቆጣ፡ነዛንዝ፤ ግልሓይት፡ትገብእ፡ባክራቱ።

30 እንዜ፡ወኬን፡ትትዓዴ፤ ትበልዕ፡ምን፡ለገልዋቱ።

ስምጥ፡ቀረፍ፡ወአብ-ዋጥል፤ አሓ፡ለአውለት፡ሱብካ፡ቱ።

እት-መነቸል፡ወግርባት፤ ግርዕ፡ሐጨር፡ለሰዕራቱ።

ቆደዳ፡ለእሻ፡ልትነሸር፤ ማይ፡ዝልዝለት፡ቡ፡ዲብ፡ተሓቱ።

ማይ፡ዝልዝለት፡ለምዕጥን፤ ሱራት፡ረሺ፡ድሕራ፡ቱ።

35 ወአት፡መክሸን፡ኢትፈርህ፤ ወቅለዕ፡ታርፍ፡ሰልያቱ።

እት፡ሰጋይዳ፡በለቴት፡ቡ፤ ወከብብ፡እባን፡እት፡መሓዙ።

ጸዐዳ፡እንቱ፡ልትበገስ፤ ባሊ፡አቴ፡ልሻሱ።

ለትውሕዝማ፡ምንዲ፡ለመሴ፤ ቃሸት፡ተአቴ፡እማቱ።

እግል፡ነሐምዶ፤ እሌ፡መስከብ፡ደሐና፡ቱ።

40 ዎሮት፡እናስ፡ነብሮ፤ እብ፡ቤተቱ፡ወወአቱ።

ለስሕል፡እግል፡ኢነሐምድ፤ ብዝሕት፡ሀሴት፡ኮናቱ።

ሐባብ፡ዎ፡ጸርና፤ በዲር፡ቃውዮት፡ነማቱ።

ሹም፡ሞታ፡ኢሰዐና፤ ከጌሳ፡ምኑ፡ቀጻፉ።

ሹም፡እንዶ፡ልጸሸጥ፤ ነሱእ፡ምኑ፡ልሻሱ።

45 ስምሐኖ ፡ ጅምዕ ፡ ወድ ፡ ጃውጅ ፤ መን ፡ ሰምዖ ፡ መርባቱ ፡
 ዮም ፡ ሐሀ ፡ ወሀላ ፤ እሊማ ፡ ጅምዕ ፡ ወአታ ፡ ቱ ።
 ሸሩ ፡ ልክልክኛ ፡ ቱ ፤ ከለእ ፡ ለቀይሕ ፡ ዕንታቱ ።

579

ሰዓ ፡ ወድ ፡ ድራር ።

I ትትፈሌ ፡ ነብራ ፡ እዲና ፤ ወሐሎፋ ፡ ወተሐልፍ ።
 ሸር ፡ መሀማጃ ፡ ልክልክኛ ፤ ለ “እላ ፡ ኪዳ ፡ እብ ፡ ዕንፍ” ።
 ሸር ፡ ዕጸሃ ፡ ልክልክኛ ፤ ሞት ፡ ብሩዳ ፡ ወቅልፍ ።
 ሸር ፡ ለሐሳ ፡ ልክልክኛ ፤ አልባብ ፡ ጣፍሕ ፡ ተጠልፍ ።
 5 እብ ፡ ግርምቱ ፡ ለጌሳ ፤ ብድሆ ፡ ረክባ ፡ ወሀድፍ ።
 እንደይ ፡ ትፈግር ፡ ዑረቱ ፤ ውዕል ፡ እንቱ ፡ ምን ፡ ክሸፍ ።

580

አሓ ፡ ናይ ፡ ወሬዛ ፡ ሰዓ ፡ ወድ ፡ ድራር ፡ ምን ፡ ምድር ፡ ዐድ-ተክ
 ሌስ ፡ መንሰዕ ፡ ሰርቀታ ። ወዐድ-ተክሌስ ፡ ረድአዋ ። ወሐር ፡ ከን
 ቱባይ ፡ ቱድሮስ ፡ እግል ፡ ዐድ-ተክሌስ ፡ ለአሓሆም ፡ አትሀዩበዮም ።
 ከእት ፡ አሰር ፡ እላ ፡ ሰዓ ፡ እላ ፡ ሐላ ።

I ሐይት ፡ ድሪት ፡ ታ ፡ ዐራዶ ፤ ወለት ፡ ለብዕራይ ፡ እም-ዓሻ ።
 ክረም ፡ ሸላል ፡ ተክርም ፤ ግሎት ፡ ምስል ፡ ሐርማዛ ።
 ወቀይም ፡ ሮራ ፡ ፈግሮ ፡ ባ ፤ እግል ፡ ልብረድ ፡ ገይዳታ ።
 ልሔይታ ፡ ሀበሮ ፡ ተቀብል ፤ ክምሰል ፡ ለሀዱድ ፡ አናዳ ።
 5 ደሰት-ዘርአይ ፡ ወግዕር ፤ አፈቲት ፡ ለእማታ ።
 እት ፡ ዐንደለት ፡ ወምዱድ ፤ ዲቦም ፡ ተሐዬ ፡ እሳታ ።
 በዲር ፡ ክልኦት ፡ ነስአዋ ፤ ወአዜ ፡ ርጋዝ ፡ ሰላሳ ።

ምን፡ ገለብ፡ በለስን፡ ፤ ሰምበት፡ ንኢሽ፡ ለዐዳጋ ።
 ሰኒ፡ ወዳ፡ ወድ፡ እድሪስ ፤ ፍትሕ፡ ሸንጉል፡ እላ፡ ታ ።
 10 ወድ፡ ግድፋ፡ ኢኩሽር ፤ ቤቱ፡ ዲብ፡ ለምንዳቃ ።
 ወድ፡ ሐራድ፡ እግል፡ ጋብ ፤ እግል፡ ድግም፡ ወጋዳ ።
 “እዘምታ”፡ ለቤላ ፤ ልዝበ፡ ዲባ፡ ቀጻፋ ።
 “ወኢዝም፡ ምኛ”፡ ለቤላ ፤ ልእዘም፡ ምኛ፡ እት፡ መሐዛ ።

581

ሕመድ፡ ወድ፡ በርደድ፡ ።

ምን፡ ቀሸዎ፡ ለቤላ ።

1 ወለት፡ ዳረት፡ እት፡ ድኔ ፤ ኢምና፡ ሰልም፡ ትማራ ።
 ዲብ፡ ኣንፋ፡ ክሞሚት ፤ ፋይ፡ ለግርም፡ ምክላላ ።
 እት፡ ግርዓ፡ ሶሚታት ፤ ዕነጅ፡ እብ፡ ለኣስራራ ።
 ዕስር፡ ሰጋር፡ ተኮበት ፤ ሼቲት፡ ደንበር፡ በዳላ ።
 5 ሼመካ፡ ወሰንደል ፤ ቅዲት፡ ጸላም፡ ደቃ፡ እላ ።
 ከላማ፡ ድቀርባይ ፤ ክቡድ፡ ኢኮን፡ ንሳላ ።
 ሐውዕ፡ ገብዛ፡ ቱ፡ ምራቃ ፤ ዒን፡ ለተሀርር፡ ምን፡ ለዓላ ።
 ጸሎ፡ ለምሀረት፡ ወድ፡ ድግለል ፤ ምሴ፡ ዶል፡ ለወራራ ።
 ሀርማ፡ ዳይዕ፡ ኢኣና ፤ ለደብሩ፡ ደብር፡ ዕላማ ።
 10 ወሐለጎታት፡ ኣለብዬ ፤ ኣግዕሮታት፡ ወኣካባ ።
 ኩሉ፡ ሀላ፡ ቃብብዬ ፤ ቅሩብ፡ ላቱ፡ ወጋና ።
 ከኣፎ፡ ልብሎ፡ “ሕሎፎ” ፤ ክም፡ ቀረዎ፡ ለኢቀራ ።

582

መሐመድ ፡ ወድ ፡ ሕመድ ፡ ለሐለያ ።

- I ትርክ ፡ ሀርሻ ፤ ምን ፡ ዳምር ፡ ለሰከና ።
- ከረም ፡ ተክርም ፡ ሕደጋ ፤ ዝላማ ፡ ልሕለፍ ፡ ወዘአራ ።
- አንረዊት ፡ ትማቄ ፤ ሻጊያ ፡ ለሕፉን ፡ ስረራ ።
- ነበሪታ ፡ ተዳሌ ፤ ሔሳሳ ፡ ወእክላ ፡ ወመዐራ ።
- 5 እት ፡ መዐሹራ ፡ ሀርሻ ፤ ክም ፡ ለሸዒር ፡ ተሐንገራ ።
- ንዋይ ፡ ልእቴ ፡ ቀራይም ፤ እክል ፡ በቅላ ፡ ወፈራ ።
- ምስል ፡ ልክሬ ፡ ደገኒት ፤ እግል ፡ ልብዘሕ ፡ መሐበራ ።
- ሰለስ ፡ ለዐንቀር ፡ አትባይኣ ፤ ከትፍገር ፡ ዲዐም ፡ ተከና ።
- ምን ፡ ሕድ ፡ ትፍገር ፡ ጋራታ ፤ ከተቅብል ፡ እብ ፡ ለአሰራ ።

583

ክኛል ፡ ወድ ፡ በኪት ።

ሹደም ፡ ወድ ፡ ሰምራ ፡ ሓጥር ፡ ወፈዳብ ፡ ወማልክ ፡ ዐላ ። ወክም ፡
 አበራ ፡ ውላዳ ፡ ወእሰቱ ፡ ጎማቱ ፡ አሸ ፡ ወቀሸ ፡ ዐለው ። ወሀቱ ፡
 ምን ፡ ዐዳ ፡ እንዶ ፡ ጨልቃ ፡ እት ፡ ዕጩት ፡ ቀጺተት ፡ ትሰቅላ ፡ ከ
 በዳ ። ወሐዝዎ ፡ ዐለው ። ሐር ፡ ሰብ ፡ ማይ ፡ እት ፡ ልወርድ ፡ ምን ፡
 ረኣ ፡ ቤሎም ፤ “እብ ፡ ከፈን ፡ ምጽኡና” ፤ ወምን ፡ ለዕጩት ፡ ሕር
 ቡጥ ፡ ቤላ ፡ ወሞታ ። ወመጽአው ፡ ከቀብረዎ ። ወሐር ፡ ክኛል ፡
 ወድ ፡ በኪት ፡ እላ ፡ ሐላ ።

- I ድመል ፡ ሹደም ፡ ታ ፡ ወድ ፡ ሰምራ ፤ እት ፡ ለኔዋት ፡ አባ ፡ እላ ።
- ድመል ፡ ሕጻን ፡ ዐድ-ኡኩይ ፡ ታ ፤ መአዜ ፡ እግሎም ፡ አትሐላ ፡
- ድመል ፡ ዕሌት ፡ ወደጋታ ፤ ከረን ፡ በጽሓ ፡ ጅንፋላ ።

ድመል : አብ-ሐምዴ : ታ ፤ እት : ስጋዳ : ትለዋላ ።

5 ድመል : እጋል : ሐዊታት : ታ ፤ ቤተት : ምን : ለድራራ ።

ድመል : ለሰብ : አለባ ፤ መን : ልስመያ ፤ ስምሐና ።

584

ሰሊም : ወድ : ስሌማን ።

እት : ቅብላታ : ሰባላ ።

1 ድመል : ሼደም : ታ : ወድ : ሰምራ ፤ አባ : ሐን : ለቀጼተት ።

ድመል : ዕሌት : ወዴታ ፤ ምድራ : ሐድገት : ከጌሰት ።

ድመል : ሕጻን : ዐድ-ኡኩይ : ታ ፤ ምንዲ : ወዳ : ፍሬተት ።

ድመል : አብ-ሐምዴ : ታ ፤ ገብአ : ዲባ : ክንቴተት ።

5 ድመል : እጋል : ሐዊታት : ታ ፤ ምን : ድራራ : ምን : ቤተት ።

ሕና : ድመልና ፤ ግምሽ : ገብአት : ወቤተት ።

585

1 ድመል : ሼደም : ታ : ወድ : ሰምራ ፤ ምንዲ : ተአቤት : ጎማቱ ።

እት : ከደን : አልቀፋ ፤ ምዕጥን : እት : ለኔዋቱ ።

ወድመል : አብ-ሐምዴ : ታ ፤ ምስላ : ወዳ : ምሕራዱ ።

ወሊሙት : ወልመስክን ፤ እኩይ : ቱ : ብእስ : መሐራቁ ።

5 ድመል : ሕጻን : ዐድ-ኡኩይ : ታ ፤ ለፋይድ : ምን : ለስኘቱ ።

ወድመል : እጋል : ሐዊታት : ታ ፤ ለጥባይ : አቤት : ሻባኩ ።

ድመል : ዕሌት : ወዴታ ፤ በርካ : በጽሐት : ለተሐቱ ።

ወለት : ጸዐዳ : ዘነባ ፤ ትርካይ : ቱ : ¹⁾ እብ : ለርሻሹ ።

አትጋዋይ : ለመንዱቁ ፤ ወግንዳሌ : ለሐያቱ ።

10 ደባበት : ለዘነባ ፤ ፍር : ቅልንቃል : ለእያዱ ።

1) L. ታ : (ፆ).

586

ሕመድ ፡ ወድ ፡ ድዌዳ ።

I በዐል ፡ ዐድ ፡ ሾከት ፡ አለቡ ፡ ቱ ፤ ሸኩራይማ ፡ ትገለላ ።
 እብ ፡ ሚ ፡ ዐዱ ፡ ኢአታ ፤ ወአቱ ፡ እንዶ ፡ ሸፈላ ፤
 ከልዓ ፡ ሚ ፡ ዶል ፡ ክሩይ ፡ ቱ ፤ ወለት ፡ እዙዝ ፡ ሀወራ ፤
 ሀታ ፡ ቀጻፍ ፡ ዘብጦ ፡ እላ ፤ ወጣብሓይ ፡ ስጋ ፡ ዘርዘራ ።
 5 ወሀታ ፡ እክል ፡ ሀዩባ ፤ እንዶ ፡ ትረፍዓ ፡ ወትጸዐና ።
 ወሀታ ፡ ብላይ ፡ ሀዩባ ፤ ምን ፡ ዕጨቱ ፡ ክም ፡ ትፈጠላ ።
 ዕቤላ ፡ ኢኮኒ ፤ ስማኒማ ፡ አቅበላ ።
 እሊ ፡ እንዶ ፡ ሐልፈቶ ፤ ግንፍሌማ ፡ ትጨልጨላ ።

587

ሺክ ፡ ዐሊ ፡ ወድ ፡ ሺክ ፡ ሓምድ ።

እግል ፡ ወድ ፡ ገዳይን ፡ ሰሐሲድ ።

I ወድ ፡ ገዳይን ፡ ሺክ ፡ ቦሎ ፤ ኖሱ ፡ ምንዲ ፡ ረድያ ።
 ሺክ ፡ ቱ ፡ መምባ ፡ መሸይክ ፤ ወስልጣን ፡ ቱ ፡ መምባ ፡ አውልያ ።
 እብ ፡ በላም ፡ ሓክያ ፤ ለእባ ፡ ዕንቱ ፡ ልርእያ ።
 ሰልሞ ፡ ዲባ ፡ ለድኦለት ፤ ኖሪት ፡ ወለት ፡ ሐውርያ ።
 5 እሰምዕ ፡ እልካ ፡ አናማ ፤ ረሺ ፡ ምንዲ ፡ ወድያ ።

588

ቅብላተ ፡ እሻ ፡ እግል ፡ ሺክ ፡ ዐሊ ፡ ወድ ፡ ገዳይን ፡ ሰሐሲድ ።

I ሚ ፡ ትብል ፡ ሀሌካ ፤ ዎ ፡ ሺክዬ ፡ ዐሊ ፡ ወድ ፡ ሸላል ፤
 አና ፡ እግበእ ፡ ፍዛካ ፤ ፈንጉሕ ፡ አምዕል ፡ አከላል ።

ቀደምካ : ኢብአ ፤ ሐፍን : እንታ : ወመራር ።

* * *

ሚ : ትብል : ሀሌካ ፤ ዎ : ሾክዬ : ዐሊ : ሾክ : ተክሩር ።

5 አና : እግበእ : ፍዛካ ፤ ቤዛ : እግበእ : ወነዳር ።

ልጎት : አልጉግ : ገአካ ፤ መርከብ : ለዓይር : ምን : አብሐር ።

ሺመት : ዐድ-ተክሌስ : እት : ከንቴባይ : ሰመራርፀል : ዐለት ፤
ደአም : ሐር : ፍዴል : ነዝዐያ : ምኑ : ከእግል : ኖሱ : ትሸየመያ ።
ወዐድ-ተክሌስ : ፍዴል : ክም : ትሸየማ : እቸ : አከይ : ድስ : ገአት :
እሎም : ለሺመት : ፍዴል : ወበደው : ባ ፤ ከህቱ : እላ : ሐላ ።

I ሐላል : ጊሲ : ምንእና ፤ ወእንቲ : ሐራም : ምጽኢና ።

ሐራም : እንዶ : ተዐሽርኪ ፤ ሐላል : ሓሪት : ምርሐና ።

ኢምንእና : ወኢምንኪ ፤ ኢወዳይት : ክም : ኪና ።

ስጋ : ለእኸይ : ትመወኒ ፤ እምበል : ዕለት : ወሬና ።

5 ወድ : ዳር : ለማሉ : ሰአነዩ ፤ ረሺ : ወዴ : እት : ዒና ።

ድቡር : ገብአ : ከፈኸፍ ፤ ሐርስ : በትካ : ወርዒና ።

መሲ : አቤት : ሀራሪት ፤ ወጸብሐ : አቤት : ላሊና ።

ሀሌት : ዲብኩም : አዜዲ ፤ አስክ : እሊ : እዊና ።

I ፍርድ : ሐዋን : ልትፈሌ ፤ ምዕጥን : ሰራት : ለነጽፍ ።

ለእክል : ምንዲ : ተሐሩሶ ፤ ብቅል : እንቱ : ለለቅፍ ።

ለምድር : ዘልም : ወኢደሌ ፤ እምበል : ዘሀፈት : ወሐጽፍ ።

ለአሐ ፡ ምንጣ ፡ ተአንሱሳ ፤ ዋልደት ፡ እንታ ፡ ሚ ፡ ኢትነሽፍ ፡
 5 አፈይታ ፡ ልትናቄ ፤ አጽርዐታ ፡ ለከሽፍ ።

591

እሴቸጣ ፡ ፈቄራይት ፡ ታ ፡ ክምሰልሁ ፤ ክእላ ፡ ሐላ ፡ አጊድ ፡
 እግል ፡ ትቅጽ።

I ሐሶሲ ፡ ዎ ፡ ሐጃ ፤ ፋዝዕ ፡ ላቱ ፡ ቱ ፡ ለፌዳ ።
 ለመዐገ-ጅ ፡ ወለከሻሪ ፤ መምባ ፡ ወለወሬዛ ።
 እት ፡ እዲና ፡ ለትገብእ ፤ ዲብ ፡ አልኣክራ ፡ ግጤ ፡ ታ ።
 እሳት ፡ ጸላም ፡ እንፈርህ ፤ ባሮት ፡ እብ ፡ ለልሚታ ።
 5 ጽልመት ፡ ቀብር ፡ እንፈርህ ፤ አክል ፡ አክል ፡ ለሕዴዳ ።
 “መን ፡ ረቨክ” ፡ እንፈርህ ፤ መለክ ፡ ለአርግሁ ፡ ሽቴታ ።
 ስራጥ ፡ ጸብጥ ፡ እንፈርህ ፤ ክልኤ ፡ ገብእ ፡ ለኬዳ ።
 ላሊ ፡ ለኬራ ፡ ምን ፡ ቀርባ ፤ ለሸዋጤና ፡ ምን ፡ ጌሳ ።
 ለአወደያ ፡ ዲብ ፡ ሀላ ፤ ኢረኸሻ ፡ ክም ፡ ጌሳ ።

592

I እንዶ ፡ ትጋሚና ፤ ንዲ ፡ ዎ ፡ ሐጃ ፡ ኢንስከብ ።
 አፎ ፡ ለሞት ፡ ኢትፈቅዲ ፤ ምሴት ፡ ለእላ ፡ ትትወረብ ፡
 አፎ ፡ ለስራጥ ፡ ኢትፈቅዲ ፤ ለሸክና ፡ በና ፡ ትትገረብ ፡
 አፎ ፡ ለእሳት ፡ ኢትፈቅዲ ፤ ለማዳ ፡ ለአጅሀኑብ ፡
 5 እሊ ፡ ምድር ፡ ንሕደኝ ፤ ሴማ ፡ እምበል ፡ ንትከለብ ።
 ሕጅት ፡ እንዶ ፡ ወረድና ፤ ዲብ ፡ ለሰብኣ ፡ ንትዐለብ ።
 ለአወደዋ ፡ እት ፡ ሀለው ፤ ፈንጉሕ ፡ እብ ፡ ሚ ፡ ትትረኸብ ።

593

እናስ ፡ ሐንሾብ ፡ ሰልቡሎ ፡ ላሊ ፡ ልትኦህ ፡ ዐላ ፤ ከመስመር ፡
ገዳይን ፡ እሳ ፡ ሐላ ።

- I ሕና ፡ አፎ ፡ ዐፌና ፤ ወእሊ ፡ ሐንሾብ ፡ ኢሰክብ ፡
እብ ፡ ፈርሀት ፡ ሓሪታ ፡ ቱ ፤ እብ ፡ ተከላብ ፡ ወእብ ፡ ሕስብ ።
“መን ፡ ረሰክ” ፡ እንፈርህ ፤ ግሱይ ፡ ረክስ ፡ ለተረቆብ ።
ጸኑዕ ፡ ቱ ፡ ፈርሀት ፡ አለቡ ፤ ጋና ፡ ቱ ፡ ሞላድ ፡ ኢዐልብ ።
- 5 ካትብ ፡ ዲብና ፡ ቱ ፡ ለትበሀለት ፤ ዐልብ ፡ ዲብና ፡ ወጸብጸብ ።
ምን ፡ ክልኦት ፡ አስማጣ ፤ ምን ፡ ተሐት ፡ ትጸልምት ፡ ወትጸብብ ።
እበን ፡ ወሐጻ ፤ ገብእ ፡ ዲባ ፡ ሐላብብ ።

594

እት ፡ መምበር ፡ እጂና ፡ ወእት ፡ ሰመሊክ ፡ ለነፍስ ፡ ሐላ ።

- I በጀል ፡ ታ ፡ ነብራ ፡ እዲና ፤ ጥዕም ፡ ኢኮን ፡ ወመራር ።
ፈዳብ ፡ ነፍሱ ፡ ነዌ ፡ ባ ፤ ለግዶዴ ፡ ባ ፡ ምን ፡ ቅራር ።
ዲብ ፡ ዕባደት ፡ ነዌ ፡ ባ ፤ ስኩብ ፡ ከልኦ ፡ ወኦክራር ።
ዲብ ፡ ጾም ፡ ነዌ ፡ ባ ፤ ሐኑክ ፡ ከልኦ ፡ ወዕዳር ።
- 5 ዲብ ፡ በክስ ፡ ነዌ ፡ ባ ፤ ሐጺን ፡ ጸብጥ ፡ ወጸራር ።
ዲብ ፡ ግን ፡ ዐጽያ ፤ ህጅክ ፡ ከልኦ ፡ ወኦምሐባር ።
ረክስ ፡ ፋዙቅ ፡ ልትገሼ ፤ ረክስ ፡ ሐቂቀት ፡ ወሐላል ።
ሰልም ፡ ወለት ፡ ሐውርያ ፤ ም ፡ ዳር-ሰልሕ ፡ ወድ ፡ ድራር ።
ምንዲ ፡ ተዐብድ ፡ ትርእያ ፤ ላሊ ፡ እብ ፡ ለሰፈላል ።
- 10 ወምንዲ ፡ ትጸይም ፡ ትርእያ ፡ ቱ ፤ ጽሙእ ፡ እንታ ፡ ሐን ፡ ዕዛል ።
ሕረጽ ፡ ብእታ ፡ ወሐትም ፤ ጋሙስ ፡ ብእታ ፡ ወሕያር ።
ለዘባድ ፡ ምን ፡ ለልኩኩ ፤ ትወጄ ፡ ዲባ ፡ እብ ፡ ክላል ።
ሔለተኝ ፡ ነፍሼ ፤ ከኦቤት ፡ እልዬ ፡ መከማል ።

ዐብደላ ፡ ወድ ፡ መሐመድ ።

እት ፡ መግብእ ፡ ኖሱ ፡ ለክስተሐቀረዩ ።

I ሽምብሬብ ፡ ኬደቶ ፤ ኮከን ፡ ጎ ፡ ለድኄና ።
ከቦሃ ፡ ተዐገጋ ፤ ክም ፡ ኢትበልዕ ፡ እንጌራ ።

*

ኬደቶ ፡ ሽምብሬብ ፤ እሊ ፡ ጋድም ፡ ሐንቴና ።
እብላ ፡ ተሐልፈና ፤ ወለት ፡ ለጋምል ፡ ግሬና ።

5 ሀጅክ ፡ ወሰሐቅ ፡ አፉና ፡ ቱ ፤ ላማ ፡ ዲቡ ፡ ተሐመኔና ።
ልጅርባ ፡ እት ፡ ኖሱ ፤ “ሰኒ ፡ ሀላ” ፡ ለቤላ ።

ክም ፡ ተክሩሪ ፤ ከልዕ ፡ ጨርት ፡ ተኬና ።
ወክም ፡ ለዲብ ፡ ከራይ ፤ ነንገዋጌ ፡ ሀሌና ።
ለሀቤና ፡ ነሀይሶ ፤ ዛይደት ፡ እንዶ ፡ ወዴና ።

IO ለቤሌና ፡ እንብሎ ፤ እብሚ ፡ እንዶ ፡ ሔሴና ።
ለወዴና ፡ እንወዴ ፤ ግርብት ፡ ኢኮን ፡ እዴና ።
ለአቤና ፡ ነአብዮ ፤ ክም ፡ ለእላ ፡ አቤና ።

* * *

ኬደቶ ፡ ሽምብሬብ ፤ አንሐስ ፡ ጎ ፡ ለወደጉ ።
እምበል ፡ ሰሐቅ ፡ አፉሁ ፤ ሐኪ ፡ ተአምሪ ፡ መግበቡ ።

I5 ኢታይ ፡ ሀሌኮ ፤ መስኩብ ፡ እመር ፡ አለቡ ።

* * *

ኬደቶ ፡ ሽምብሬብ ፤ ኢይጅመል ፡ ለገርሀቱ ።
አቡካ ፡ ዲብ ፡ ለጋራቱ ፤ ናፍረት ፡ ሀሌት ፡ ቀመቱ ።
አቡካ ፡ ላሊ ፡ ኢሰክብ ፤ ምድር ፡ አስክ ፡ ጽብሐቱ ።
ለእላ ፡ ራቱ ፡ ሚ ፡ ሀዴ ፤ ሐቴ ፡ ላታ ፡ ወአቱ ።

* * *

20 ኬደቶ ፡ ሸምብሬብ ፤ ሻካት ፡ ወገበይ ፡ አለቡ ።
ኢታይ ፡ ሀሌኮ ፤ መስከብ ፡ እመር ፡ አለቡ ።
ወሐኪ ፡ እምበልኪ ፤ መን ፡ አምሮ ፡ መግበቡ ፡

* * *

ኬደቶ ፡ ሸምብሬብ ፤ ኮከን ፡ ሎሀይ ፡ ለዓሉ ።
ምድር ፡ ንዋይ ፡ ኢኮኒ ፤ ዐገው ፡ ሌጣ ፡ ቱ ፡ ብቃሉ ።

25 ወበዐሉ ፡ ሓምለት ፡ ኢከይድ ፤ ከርከሕ ፡ ልብል ፡ አጽፋሩ ።

* * *

ኬደቶ ፡ ሸምብሬብ ፤ ከረን ፡ ሎሀይ ፡ ተሓቱ ።
ዐርኮከባ ፡ ስጋዳ ፤ ባቅል ፡ ዲብ ፡ ለመሓዛቱ ።
ዐኸት ፡ ካሩ ፡ ምን ፡ ለዓሉ ፤ ወትክዐሌ ፡ በትኮ ፡ ምን ፡ ተሓቱ ።
ጽልም ፡ ለዓሳራ ፤ ዔደባይት ፡ ደንቃ ፡ ቱ ።

30 በርሀት ፡ ለአንጃባ ፤ ሐሊብ ፡ እብ ፡ ለመሐላቡ ።
ጎምም ፡ ሀላ ፡ ወልግሄ ፤ አቡካ ፡ ዲብ ፡ ለጋራቱ ።

* * *

ኬደቶ ፡ ሸምብሬብ ፤ ከረን ፡ ሎሀይ ፡ ለዓሉ ።
ኢታይ ፡ ሀሌኮ ፤ ለደውር ፡ እባ ፡ ድራሩ ።
ወእምበል ፡ ሰሓቅ ፡ አፋሁ ፤ ሐኪ ፡ ተአምሪ ፡ ከራሩ ፡

* * *

35 ኬደቶ ፡ ሸምብሬብ ፤ ሎሀይ ፡ ጋድም ፡ መሓሪ ።
ሊሊት ፡ ሃትፍ ፡ መጽኤኒ ፤ ከሀረሴኒ ፡ ሰር ፡ ላሊ ።
“መጽአተኸ” ፡ ቤሴኒ ፤ ክምሰል ፡ ፋጥን ፡ ወዳሊ ።

*

ኬደቶ ፡ ሸምብሬብ ፤ ሶቅ ፡ ጎ ፡ ለበይናኒ ።
ትዛቤ ፡ በለሊት ፤ ሐዲስ ፡ ትነሸእ ፡ ምን ፡ ባሊ ።

40 አቡካ ፡ ጎማም ፡ ቱ ፡ ክድመቱ ፤ አምዕል ፡ ልግበእ ፡ ወላሊ ።

* * *

ኬደታ ፡ ሸምብሬብ ፤ ገርሀት ፡ ዐጃጅ ፡ ለተሓታ ።
 ንሻላ ፡ መደወን ፤ ወቡራይ ፡ መሸል ፡ ስጋዳ ።
 ምልተሓ ፡ ጅሉድ ፡ ቤት ፡ ሰይፍ ፤ አፍሃ ፡ ናድር ፡ ወዕንታታ ።
 ጸሎ ፡ ለምሀረት ፡ ወድ ፡ ድግለል ፤ ባዝራ ፡ እብ ፡ ለከልሓታ ።
 45 ከቦ ፡ ለሾከን ፡ ዲብ ፡ አብር ፤ ታይ ፡ ለሐበጥ ፡ ከናታ ።
 ትጎምም ፡ ሀሌት ፡ ወትስሀር ፤ ኖሼ ፡ ዲብ ፡ ለጋራታ ።

* * *

ኬደታ ፡ ሸምብሬብ ፤ እላ ፡ ክብት ፡ ግራና ።
 ሐልፈተና ፡ እብላ ፤ ራፍዐት ፡ እንታ ፡ ዕጫማ ።
 ክብረት ፡ እንታ ፡ ንርአይ ፤ ወዲብት ፡ ምስል ፡ በዐል ፡ ሻማ ።
 50 ወእምበል ፡ ሰሓቅ ፡ አፋና ፤ ገሌ ፡ ተአምሪ ፡ ቀባና ፡
 ዕልብ ፡ እሊ ፡ ከዋክብ ፤ ምኑ ፡ በዝሕ ፡ ሰሃርና ።
 እብ ፡ ግድዐት ፡ እንጎምም ፤ ምን ፡ ንትወላብ ፡ ግራና ።
 ወእብ ፡ ድብር ፡ እንጎምም ፤ ዕልጋ ፡ ገብአት ፡ ኑብራና ።

* * *

ኬደታ ፡ ሸምብሬብ ፤ እላ ፡ ክብት ፡ ምን ፡ ረሐርና ።
 55 በዐላ ፡ ጋሪት ፡ ሚ ፡ ፈግር ፤ ሐቲ ፡ እጅት ፡ እብ ፡ በኛ ፡
 ወረቢ ፡ ሐመድና ፤ ሐናማ ፡ ብዕድ ፡ ሐምቀኛ ።
 ዓፍዮት ፡ ነፍሱ ፡ ለአለቡ ፤ ወሐቲ ፡ እጅት ፡ ክምሰልና ።
 እት ፡ ትትፈረር ፡ ወእት ፡ ተአቲ ፤ “ ሰኒ ፡ ውዕላም ” ፡ ትብለኛ ።
 ህጅክ ፡ ወሰሓቅ ፡ አፋና ፡ ቱ ፤ ላማ ፡ ዲቡ ፡ ትመረርና ።

60 ገሌ ፡ ጎፍና ፡ ሚ ፡ ትደሉ ፤ አስእሉና ፡ ወጸርና ፡
 እንደቆቆ ፡ ሀሌና ፤ መጥሐን ፡ እንዶ ፡ አስፈልና ።
 እንበልዕ ፡ ሀሌና ፤ ኖስና ፡ እንዶ ፡ አብሸልና ።
 ሸበኛ ፡ አለቡ ፤ “ ሚ ፡ ሀሌኩም ” ፡ ልብለኛ ።
 እብ ፡ ዕጫማ ፡ ሚ ፡ ወአምትና ፤ ኖስና ፡ ምንዲ ፡ ትሰረኛ ።

* * *

65 ኬደታ፡ ሽምብሬብ ፤ ወለት፡ ግልሕም፡ ለዕንክላት፡
 እግል፡ ሽምብሬብ ፤ እላ፡ በላ፡ ዎ፡ መሐመድ።
 ዘባድ፡ ጼኔ፡ ትንፋሳ ፤ ድቦክታ፡ ቅምጅላት።
 ሐልፈተኛ፡ እብላ ፤ ዕጫማ፡ እንዶ፡ ለደደት።
 እማ፡ ዕጨይ፡ ትፈርጅ ፤ ምን፡ ወንጌላ፡ ኢዐለት።

70 ወእት፡ ክል፡ አካን፡ ትከርዮ ፤ ሒለቱ፡ እንዶ፡ ኢረክበት።
 ምድራ፡ እንደይ፡ ኢገብእ ፤ አካን፡ እኩት፡ ትወለደት።
 ወበርካ፡ እንዶ፡ ኢሐልፈት ፤ ወስሐል፡ እንዶ፡ ኢሰብከት።
 ብሌናይት፡ ምን፡ ትገብእ ፤ በዲር፡ ዳብረት፡ ታ፡ እግል፡ ክድመት።
 ቶቤኮ፡ ዲብ፡ ረቢ ፤ አውዕለኒ፡ ምን፡ ሐሰት።

* * *

75 ኬደታ፡ ሽምብሬብ ፤ አስክ፡ ዐጃጅ፡ ለስለል።
 ስጋዳ፡ ክም፡ ቡራይ ፤ ንሳላ፡ መደወን።
 ለጸሎ፡ እሬራ ፤ ለከቦ፡ ሐኬ፡ መሰሰር።
 ለኖሼ፡ ዲብ፡ ኖሳ ፤ ትጎምም፡ ሀሌት፡ ወትስሀር።
 መጋብብና፡ ሐኬ፡ እላ ፤ ለሀሌት፡ ዲብና፡ ኢትስተር።

80 “ክምቦብ፡ ቱ”፡ በላ፡ “ወዐለይታይ ፤ ወበኑ፡ ክንፋብ፡ ዲብ፡ ከደን”።

* * *

ኬደታ፡ ሽምብሬብ ፤ ሎሃ፡ ገርሀት፡ ዐድ፡ ሕምዳይ።
 እብ፡ ለውቀት፡ ኢኮኒ ፤ ለሀግያናማ፡ እብ፡ ጎማም።
 ኢሀሌና፡ ዲብ፡ ሴማ ፤ እምበል፡ ደቂቅ፡ ወኢብሻል።
 እግል፡ ሽምብሬብ ፤ እላ፡ በላ፡ ዎ፡ እንታ፡ ሕጻን።

85 ሕና፡ ሕላይና ፤ ስሸዒት፡ ኢኮን፡ ወኢንቀዕራር።

* * *

ኬደቶ፡ ሽምብሬብ ፤ ዕጫሪታይ፡ ለመሐደር።
 አሓ፡ ላቱ፡ ወድ፡ በዐላ ፤ ወኢረዐያ፡ እት፡ ኮከን።

እማቱ ፡ ሚ ፡ ያል ፡ ትትለወቅ ፤ ወእማቱ ፡ ሚ ፡ ያል ፡ ትሰብረር ፡
እብ ፡ ለውቀት ፡ ኢኮኒ ፤ እብ ፡ ጋሻማ ፡ ትትሐላል ።

90 ምን ፡ እበን ፡ ወዐራይብ ፤ እብ ፡ አጽፋራ ፡ ትትሐላል ።
ወዐገው ፡ ሌጣ ፡ ቱ ፡ ብቃሉ ፤ አይበድ ፡ ኢኮን ፡ ወመቀር ።
ወማዩ ፡ ቤት ፡ ሀመም ፤ ሐሮት ፡ ጼኔ ፡ ወበደን ።
ወልትቀናቀን ፡ ዓሩዳ ፤ እብ ፡ ሐዩሺ ፡ ወእብ ፡ ቅመል ።
ለሀሌት ፡ ዲብና ፡ ሓኬ ፡ እላ ፤ መጋብብና ፡ ኢትስተር ።

95 ከ “ነዓ ፡ ቡ” ፡ ምንዲ ፡ ትብለኸ ፤ አቅብለኒ ፡ እብ ፡ አሰር ።

* * *

ኬደቶ ፡ ሸምብሬብ ፤ ኮከን ፡ ሎሀይ ፡ ዐነኸል ።

“ሐሚከኛ” ፡ ቤሌኛ ፤ ምድር ፡ ለእሉ ፡ እነብር ።

ለእሉ ፡ ሀብንሀ ፡ ቀብሀ ፡ ቱ ፤ ሐሚንሀ ፡ ኢለምስል ።

ምድር ፡ እክል ፡ ቱ ፡ ሀቱማ ፤ እግል ፡ በዐል ፡ ብሶት ፡ ምን ፡ በቅል ።

100 ወምድር ፡ ዓፋዩት ፡ ቱ ፡ ሀቱማ ፤ ለአጀል ፡ ምንዲ ፡ ኢአክል ።

በዐሉ ፡ እብ ፡ ሕማም ፤ ድርጹ ፡ ሚ ፡ ያል ፡ ለሸፍር ፡

ወቅርዘት ፡ ዲቡ ፡ ትጸንሐኸ ፤ ልሑታ ፡ ለምድር ፡ ምን ፡ ዐብር ።

ወሰብ ፡ ቶም ፡ ላማ ፡ ሰብኢማ ፤ ግልጸ ፡ ኢሐሸ ፡ ወሸክር ።

ለእሉ ፡ ሀብካ ፡ ሀይበኸ ፤ ወዐልብ ፡ እልካ ፡ እት ፡ ምእክር ።

105 ወለእሉ ፡ ከልአካ ፤ ኢሐልገኸ ፡ ወኢገብር ።

ለኖሼ ፡ ዲብ ፡ ኖሳ ፤ ትጎምም ፡ ሀሌት ፡ ወትስሀር ።

አምዕል ፡ እሰሐቅ ፡ ወእትገጀክ ፡ ሀም ፡ አለቡ ፡ እመሸል ።

ወላሊ ፡ እጎምም ፡ ላሊ ፡ ክላ ፡ አትሐሰር ።

ወእምበል ፡ ለከሬርዬ ፡ ሚ ፡ ያል ፡ አጊድ ፡ እቀሸን ፡

110 ቅሳንማ ፡ ገያድ ፡ ለለሐሼ ፡ ክእኛ ፡ እልዬ ፡ ለኢመሸል ።

ውላዱ ፡ ለልልእክ ፡ ወሑሀ ፡ ስምጡ ፡ ለበጥር ።

ወጸገብ ፡ ላቱ ፡ ምን ፡ አዳም ፤ ወ “ይሻ” ፡ ወ “ሓሎ” ፡ ለልብል ።

ወጽጉብ ፡ ላቱ ፡ ምን ፡ ንዋይ ፤ ወጽጉብ ፡ ላቱ ፡ ምን ፡ እክል ።

ዎ ፡ ጸርና ፡ እሽዎ ፤ ምን ፡ ትፋትሐና ፡ ምን ፡ መኣስር ፡

115 ምን ፡ ሐዋንዬ ፡ ትብተኸ ፤ ለእሉ ፡ ዐልኮ ፡ አትማስል ።

ጋሻዬ ፡ ሐልፌኝ ፤ ድራሩ ፡ እንደይ ፡ ሐግል ።

ለኖሼ ፡ ዲብ ፡ ኖሳ ፤ ትጎምም ፡ ሀሌት ፡ ወትስሀር ።

“ሰኝ ፡ ሀላ” ፡ ለቤላ ፤ እላ ፡ ናዬ ፡ ልፈትን ።

ውላዱ ፡ ኢልልክክ ፤ ወሐሁ ፡ ስምጡ ፡ ኢሉብጥር ።

120 ኖሱ ፡ ልሀመም ፡ ድራሩ ፤ ኖሱ ፡ ልድቀቅ ፡ ወለብሽል ።

ምን ፡ አንስስ ፡ ኢለድዌ ፤ ወምንዲ ፡ ሐርስ ፡ ኢሉብቅል ።

ወልሕፈን ፡ ዲብ ፡ መስከቡ ፤ አካን ፡ ለዲባ ፡ ለከርር ።

ኢሀሌኮ ፡ ዲብ ፡ ሴማ ፤ ቅርአን ፡ ሰአንኮ ፡ ወዝክር ።

ተሐሰብኮካ ፡ ሞላዬ ፤ ስተር ፡ ዲብዬ ፡ ወአቅፍር ።

* * *

125 ኬደቶ ፡ ሽምብሬብ ፤ ጽሉል ፡ ወጋድም ፡ አልመዳይ ።

ኢሀሌኮ ፡ ዲብ ፡ ሴማ ፤ እምበል ፡ ጎማም ፡ ወአትቅሳይ ።

ባርሀት ፡ ኢኮን ፡ ኩብጄ ፤ ወናግዮት ፡ ኢኮን ፡ ምን ፡ ጸላም ።

እግል ፡ ሾክነት ፤ እላ ፡ በላ ፡ ዎ ፡ እንታ ፡ ሕጻን ።

ዕስራ ፡ ግድም ፡ ጀበረት ፡ ቱ ፤ ወአፍሃ ፡ ጭራም ፡ ደበላን ።

130 እንቲ ፡ ዲብዬ ፡ ኢትእከይ ፤ ግቡእ ፡ አና ፡ ወዐላይታይ ።

እብ ፡ ግምሽ ፡ እቤላ ፤ ክትል ፡ ሚ ፡ ቡ ፡ ሐረስታይ ፡

* * *

ኬደቶ ፡ ሽምብሬብ ፤ ሎሀይ ፡ መሐረስ ፡ ዐድ ፡ ዘማት ።

ሸርነባ ፡ ገሮባ ፤ እብ ፡ ኢከሀላት ፡ ክደማት ።

ሐሪር ፡ ቀይሕ ፡ ቱ ፡ ልባሳ ፤ ዐርሰት ፡ ኢኮን ፡ ወበላት ።

135 ሰብ ፡ አለቡ ፡ ስምሓኖ ፤ ላክፎ ፡ ዲብ ፡ እሰናት ።

* * *

ኬደቶ ፡ ሽምብሬብ ፤ አብዓ-ሰላብ ፡ ለመሐደር ።

እላ ፡ በላ ፡ ዎ ፡ እንታ ፡ ሕጻን ፤ ለሀሌት ፡ ዲብና ፡ ኢትስተር ።

“ክምቡብ፡ቱ”፡በላ፡“ወዐሊይታይ፤ወበኑ፡ክንፋብ፡ዲብ፡ክደን”።

እንሻላ ፡ ልግበእ ፡ አክልና ፤ ላማ ፡ ዲቡ ፡ ንትመረር ።

I 40 ወ “ዲብሚ ፡ ተሃጋ” ፡ ለቤላ ፤ ሐብል ፡ ሊዴ ፡ ወዐንደል ።

ወ “እቀትሎ” ፡ ለቤላ ፤ ልክረፈኒ ፡ ዲብ ፡ ስለል ።

* * *

ኬደታ ፡ ሽምብሬብ ፤ ሎሃ ፡ ገርሀት ፡ ዐድ ፡ ሕድሬስ ።

ለኖሼ ፡ ዲብ ፡ ኖሳ ፤ አስተንተነት ፡ ወበኬት ።

እዴ ፡ እባ ፡ ዐሊታ ፤ ሐፌት ፡ ዲብዬ ፡ ወለዌት ።

I 45 ተሐገዘት ፡ ደኢኮኒ ፤ መጋብብና ፡ ወኢቀዌት ።

* * *

ኬደቶ ፡ ሽምብሬብ ፤ አብዓ-ሰላብ ፡ ወሰላም ።

ኢሀሌኮ ፡ ዲብ ፡ ሴማ ፤ እምበል ፡ ጎማም ፡ ወአትሐሳር ።

ወኢሀሌኮ ፡ ዲብ ፡ ሴማ ፤ እምበል ፡ ደቂቅ ፡ ወአብሻል ።

* * *

ኬደቶ ፡ ሽምብሬብ ፤ ሎሀይ ፡ መሐረስ ፡ ዐድ ፡ ግድም ።

I 50 ፈታዬ ፡ ኢአሌ ፤ ወመአሙናዬ ፡ ኢእጠልም ።

ለአቤኒ ፡ አብዮ ፤ አናማ ፡ ለሻምዬ ፡ መትከርም ።

* * *

ኬደታ ፡ ሽምብሬብ ፤ ሎሃ ፡ ገርሀት ፡ ወድ ፡ ሴማን ።

ሐልብ ፡ ዋልድ ፡ አፍ-ሐሊብ ፤ ባልስ ፡ እንቱ ፡ ሐሬማን ።

* * *

ኬደታ ፡ ሽምብሬብ ፤ ሎሃ ፡ ገርሀት ፡ አብ ፡ አድም ።

I 55 ድቦከታ ፡ ትትሄሬ ፤ ወአፍሃ ፡ ለጎይላ ፡ ተናቅር ።

* * *

ኬደታ፡ ሽምብሬብ ፤ አባጫቀት፡ ቀበታ ።
ትብጂ፡ ሀሌት፡ እድንያ ፤ እብ፡ አከይ፡ ለሐረሳ ።
እንደ፡ ረአ፡ ለአቅሉባ ፤ ወእንደ፡ ረአ፡ ለንዩታ ።
ዒሸታ፡ ትቀጥዐት ፤ ጸንዐት፡ ዲባ፡ ዕልገታ ።

160 ሐጭራ፡ ዓማራ ፤ ለአግውሐ፡ ወለትወረባ ።

ሜሪሃ፡ ትጀወራ ፤ መቃድዳ፡ ትፈሐቃ ።
እምበል፡ ሆን፡ ጸዐነያ ፤ ካራ፡ ዲባ፡ ግነባ ።
እምበል፡ ሞጥዕ፡ ሐርሰያ ፤ አስግደታ፡ ተሐስሐሳ ።
አሐ፡ በዴት፡ ምን፡ ምድር ፤ ምዱን፡ ደኛ፡ ግለዳ ።

165 ንዋይ፡ ግልሐይ፡ ከልአዩ ፤ ወእክል፡ ጸሐይ፡ ወአንበጣ ።

* * *

ኬደቶ፡ ሽምብሬብ ፤ ድኜ፡ ጎ፡ ለዳመራብ ።
እት፡ ግሰትና፡ ከሬንሁ ፤ እሊ፡ መሪር፡ አፍ፡ ሐሊብ ።
መንተሌ፡ ኢአና ፤ ልትካሮፋ፡ ዲብ፡ ዐሪብ ።

* * *

ኬደቶ፡ ሽምብሬብ ፤ ፍሬ-ዘርብ፡ ወፍሶ ።
170 ኢለፈጼ፡ አምዒታ ፤ ለእክል፡ ምንማ፡ በልዐቶ ።
እደቆቅ፡ ሀሌከ ፤ መጥሐን፡ እንደ፡ አስፈልከ ።
ከልዕ፡ ኖሼ፡ ሐኸኸ ፤ ወሞከስ፡ ወልዬ፡ ሀይሾ ።

* * *

ኬደቶ፡ ሽምብሬብ ፤ ወደግ-ጨብላይ፡ ወሙሻ ።
“ሰኒ፡ ሀላ”፡ ልብሉካ ፤ ዲብ፡ ሰሐቅ፡ ለአፉካ ።
175 ም፡ ጸርና፡ እግል፡ ሽምብሬብ ፤ እብ፡ ሰላመት፡ ናቁሻ ።
ወገሌ፡ ጎፉ፡ ሚ፡ ትደሌ ፤ እንታ፡ ሕጻን፡ አቡካ ።

* * *

ኬደቶ፡ ሽምብሬብ ፤ ሙሻ፡ ወመሓዝ፡ ዐንሰባ ።

ትደጃ ፡ ምን ፡ ኮከን ፤ ቅወይ ፡ ኢኮን ፡ መስከባ ።
ቀየሕ ፡ ጁከት ፡ በይናኒ ፡ ታ ፤ ወቀየሕ ፡ ገለብ ፡ ዐገባ ።

* * *

180 ኬደቶ ፡ ሽምብሬብ ፤ ባፍዳታት ፡ ለምዕዳይ ።
አፍሃ ፡ ሐሊብ ፡ ዐባሲት ፡ ቱ ፤ ለትራቅዮ ፡ ወድ ፡ መዐስራይ ።
ሕዳን ፡ ሰልም ፡ ሽምብሬብ ፤ እንዶ ፡ ገአካ ፡ ገልገላይ ።
“ከአር፡ቱ” ፡ ምንዲትብለካ ፤ “ክምቡብ፡ቱ” ፡ በላ ፡ “ወዐሊይታይ” ።
ወገሌ ፡ ጎፍና ፡ ሚ ፡ ትደሊ ፤ ቀጣን ፡ እምበል ፡ አትንሳይ ፡

* * *

185 ኬደቶ ፡ ሽምብሬብ ፤ ባፍዳታት ፡ ወዕርዲ ።
ሹብብ ፡ ዲብዬ ፡ አለቡ ፤ እምበል ፡ ሐቴ ፡ ለእግርኪ ።
ወለመምአኒ ፡ አለቡ ፤ እምበል ፡ ህጅክ ፡ እንትልኪ ።

* * *

ኬደቶ ፡ ሽምብሬብ ፤ ሶቅ ፡ ጎ ፡ ለበለሊት ።
ትከድም ፡ እዴና ፤ ዕርፍት ፡ ኢኮን ፡ ምን ፡ እኸት ።

190 ወትገይስ ፡ እግርና ፤ ስእነት ፡ ኢኮን ፡ ወህኪት ።
ወተሐልን ፡ ከብድና ፤ አካን ፡ ፍርህት ፡ ወግምጪት ።
ለመምአኛ ፡ ኢህላ ፤ ከሉማ ፡ እሊ ፡ መወዳት ።
በርካ ፡ ምንዲ ፡ ኢንትከሯ ፤ ህቱ ፡ ቱ ፡ ምድር ፡ ሰብ ፡ ጸንዒት ።
ደገልል ፡ ትነብሮ ፤ ሰብ ፡ ለአፍሩስ ፡ ጅንግሊት ።

195 አንሶም ፡ አማት ፡ ከድሞ ፤ ወህቶም ፡ አግብር ፡ ቀረጪት ።
ዐርቱጋ ፡ ትነብሮ ፤ ወሀር-ገርዋ ፡ ወመልሂት ።
ባርያ ፡ ጸላም ፡ ትነብሮ ፤ ሰብ ፡ ከወኒ ፡ መረዳት ።
እግል ፡ ወዲ ፡ ወግባር ፤ ከብዶም ፡ ባትከት ፡ ታ ፡ እግል ፡ እኸት ።
ገሌ ፡ ተአምሮ ፡ መዐነቱ ፤ ም ፡ ጸርና ፡ እሊ ፡ ሀገኒት ፡

200 መዐነት ፡ ሕላይ ፡ ሚ ፡ ተአምሮ ፤ እምበል ፡ ጎይላ ፡ ወስሰዒት ፡

እብ፡ ጎማም፡ እምብሎ፡ በገዛ፡ ዲብና፡ መሻዊት፡።

አቡካ፡ ግዳዕ፡ ቱ፡ ምን፡ አዳም፡ ወአቡካ፡ አታይ፡ ቱ፡

ምን፡ እሴት፡።

ኬደቶ፡ ሽምብሬብ፡ ፎርቴ፡ ጎ፡ ለዕንክላት፡።

ዘባድ፡ ትጼኔ፡ ትንፋሳ፡ ደብከታ፡ ቅምጅለት፡።

205 ለኖሼ፡ ዲብ፡ ኖሳ፡ ስህረት፡ ሀሌት፡ ወሐስረት፡።

ላማ፡ ዲባ፡ ተሐሜና፡ አሰር፡ ህጅክ፡ ታ፡ ወለመድ፡።

* * *

ኬደቶ፡ ሽምብሬብ፡ ከረን፡ ምድር፡ ዐድ፡ በሮት፡።

ማይ፡ ጸዕዳ፡ ገሮባ፡ ሐዌተራ፡ እብ፡ ጸሮት፡።

ወቀዩሕ፡ ገለብ፡ ዐገባ፡ ምን፡ ክል፡ ሐክር፡ ካወሎት፡።

210 ወቀዩሕ፡ ግምቦ፡ ማሼላ፡ ተፍ፡ ቤላ፡ እብ፡ ፈሮት፡።

* * *

ኬደታ፡ ሽምብሬብ፡ ጸባብ፡ ሶዳን፡ ለመሐረሳ፡።

ትጎምም፡ ሀሌት፡ ወትግሄ፡ ኖሼ፡ ዲብ፡ ለመንፈሳ፡።

እብ፡ ግድዐት፡ ምን፡ ትጎምም፡ ሰብኣ፡ በዲር፡ ትክለሳ፡።

ቀደማ፡ ወዴቶ፡ አንሳ፡ ወለተብዐታ፡።

215 ወእብ፡ ድብር፡ ምን፡ ትጎምም፡ ምልእት፡ አከን፡ ሐረታ፡።

ሕጸን፡ ሰልም፡ ሽምብሬብ፡ ምንዲ፡ ተአምር፡ አመታ፡።

ሸካንሃ፡ እንዶ፡ ኬዳ፡ አተጋ፡።

ዝሩር፡ መሐዋታ፡ አገድ፡ ለትወልበካ፡።

ትሩብ፡ ጸሎሃ፡ ክም፡ ጅንግላይ፡ ሰይዳ፡።

220 ከቦ፡ እሩብ፡ ሆቢብ፡ ዲቡ፡ ሐጽፋ፡።

ሰይጣት፡ ሸመል፡ ክምሰል፡ ሕረጽ፡ ደንቃ፡።

ነሐር፡ አሻ፡ ሚ፡ ዶል፡ ግርዝ፡ አጥባ፡።

እዴ፡ ምን፡ መርከባ፡ ዐለት፡ ገልበበታ፡።

- ስጋድ ፡ አላበናይ ፤ እብ ፡ መታዊት ፡ ዐሻ ።
- 225 ምልትሕ ፡ ጅሉድ ፡ ቤት ፡ ሰይፍ ፤ መዐልም ፡ ዳገሰታ ።
 አፋሃ ፡ በርቅ ፡ መንጃር ፤ ምን ፡ ትሰሐቃ ።
 ዕንታት ፡ ጽሪት ፡ ሻከት ፡ ቱ ፤ ወሐላ ፡ ትሰታ ።
 ራዲ ፡ ኢገንሐ ፤ ቀቢጮ ፡ ለገጃ ።
 ሻልኪት ፡ ዘነብ ፡ ጋድር ፤ ጋድለት ፡ ተሐለለታ ።
- 230 እግል ፡ ካይን ፡ ትወድያ ፤ ክም ፡ ወዴክሃ ፡ ትተዐሻ ።
 ካይን ፡ ሸሙይ ፡ ሐጸት ፡ ቱ ፤ ልሰሐቅ ፡ ወሸርበኸ ።
 ወእግል ፡ ጸዱቅ ፡ ትገብእ ፤ ሐምዴሃ ፡ ዲማ ፡ ተነብረኸ ።
 እላ ፡ አትሌንሃ ፤ ሕና ፡ ዲብ ፡ ለፈኸ ።
 እሊ ፡ እግላ ፡ ትረኸባ ፤ እብ ፡ ዐመላ ፡ ወጀሃ ።
- 235 እሊ ፡ ሐሌ ፡ ምን ፡ እገብእ ፤ አክባርዬማ ፡ ሚ ፡ ወኢሰዐካ ፡
 ቶቤኮ ፡ ዲብ ፡ ረቢ ፤ ምን ፡ ዝነብዬ ፡ ወከጣ ።
 ወቶበት ፡ ናስሐት ፡ ሀበኒ ፤ ለኖሼ ፡ ቀደም ፡ ምምያታ ።
 ሰልመኔ ፡ ምን ፡ ዕንቺ ፤ ቀደም ፡ ለትተውር ፡ ሀታ ፡ ታ ።
 ምን ፡ ንሻል ፡ ቶቤኮ ፤ ጥዕም ፡ ወመራር ፡ ተሃጋ ።
- 240 ምን ፡ ከብድ ፡ ቶቤኮ ፤ ምን ፡ ለእኸይ ፡ ብልዓታ ።
 ወምን ፡ ሞት ፡ ፈንገሕ ፡ ሰልመኔ ፤ ለሞት ፡ ም ፡ ጸርና ፡ ሀታ ፡ ታ ።
 ኤማና ፡ ለሀበኛ ፤ ወለርትዕ ፡ እልና ፡ ለአፍትሐታ ።
 ምን ፡ ጽልመት ፡ ቀብር ፡ ሰልመኔ ፤ ሕፍረት ፡ ምን ፡ ለጸሻባ ።
 ምን ፡ ሰአል ፡ ሰልመኔ ፤ ምን ፡ ዐረብራብ ፡ ለተሃጋ ።
- 245 ምን ፡ ቅሳስ ፡ ሰልመኔ ፤ ነፍስ ፡ ምን ፡ ለቅጥዓታ ።
 ምን ፡ ስራጥ ፡ ሰልመኔ ፤ ባቅዕ ፡ ለገሮብ ፡ ፈናታ ።
 ኢትመጃእ ፡ ተመሰል ፤ ወክድ ፡ ለመለክ ፡ መጽአ ፡ ታ ።
 አድረረዕ ፡ ትትሃጌ ፤ ወግንዳሌ ፡ ለአፍያታ ።
 ሀምል ፡ እንታ ፡ መጽአ ፤ እንዶ ፡ ታብን ፡ ዳራታ ።

- 250 ክም : ነገል : ሐርኛ ፤ ዙብጥ : ዲባ : ስጋዳ ።
 እግል : ጸራ : ተሐድኝ ፤ ጭሬመቲት : ሴፍግ : ታ ።
 ምን : እሳት : ሰልመኔ ፤ ሕፋን : ቱ : ቤለው : ሃባታ ።
 ወአፋት : ብዙሕ : ብዲባ ፤ አረቕባ : ወሓያታ ።
 ወፈንጉሕ : አምዕል : አልአክራ ፤ አድማይ : ነብዕ : ለዕንታታ ።
 255 ተሐሰብኮካ : መምባዬ ፤ ፈንጉሕ : አምዕል : አልአክራ ።
 ዐመል : ሳልሕ : ሀበኒ ፤ ምን : ለክቡድ : ጀዳካ ።

596

ሓምድ : ወድ : ግሩብ ።

- ምስትጅር : ባሻ : ክም : ሞታ : ርጋዘ : ምን : ኢሐርደው : እቼ : ለቤሻ ።
 I እዲና : ከዩነት ፤ ወወሬዛካ : ትደብራ ።
 ዮም : ባሻ : ወመጽአ ፤ እዲና : ወፈግራ : ዕወራ ።
 አምዕል : ሞት : እም : ናፍዓ ፤ ንዋይ : ብዙሕ : ተሐረዳ ።
 ቤእማ : ክፍሉ : ማርያም ፤ ንዋይ : ብዙሕ : ትደረራ ።

597

ሕላዩት : ሃኪን : ጥራይ ።

- I ዲብ : ገበይ-አለቡ ፤ እኪት : ላሊ : ትመዬና ።
 እምበል : ለአፍርሆት ፤ ሹም : ባትካም : ሀሌና ።
 ተንከር : ከረም : ቱ : አብ : ሸኸር ፤ ባይዳም : እቼ : ሀሌና ።
 ሕሊና : እት : ክልና : ታ ፤ ወበትካ : ዲብ : ገሌና ።

598

ሕላዩት ፡ እናስ ፡ ዐድ ፡ ተክሌስ ።


I ሜዳን ፡ መጋርሕ ፤ እብ ፡ ለዝዕና ፡ አሸኡላ ።

ቀዩሕ ፡ ግድም ፡ ጀበረት ፤ ክሕለት ፡ ወቅዴት ፡ አትኑና ።

“አቤር ፡ ቱ” ፡ ምን ፡ ትብል ፤ አቤር ፡ ገአና ፡ ወከራ ።

ውላድ ፡ ዐዳ ፡ አጽንዐት ፤ ወእልና ፡ ወዴት ፡ ክሉላ ።

ሐይለት ፡ ቤት-መጻፍ ፡ ወቤት-በጽ ።



ሕመድ : ግሩብ ።

- I እብ : ረሺ : ወእብ : ሹኩ ፤ መጽአ : ምኞም : ወድ : ገብሻ ።
 ሓጥርዲ : ገበይ : ኢሐግል : ቱ ፤ መንገአት : ከሽት : ክም : ጠርቃ ።
 ውሀር : ቱ : ምን : ለአጋሉ ፤ ምን : ትወሊዳ : ኢተሀካ ።
 ሐዋን : ላቱ : ተናክፍ ፤ ኢልብሎ : “ ሐይሰካ ” ።
- 5 ማይት : ላቱ : ቀብሮ ፤ በዐል : ግድሪማ : ወበልጋ ።
 እጉር : ላቱ : ልጽዕኖ ፤ ኢሐድኝ : ክም : ተርፋ ።
 ፈታይ : ኖስና : ገብአና ፤ እንታማ : ኖስካ : ወዐልካ ።
 እት : ገጃም : ኢኮን ፤ እት : ከረንማ : ኢሰሀርካ ።
 ዐድ-ዐሊ : ወድ : ሀማር ፤ አምዕል : ጸላም : ረክበታ ።
- 10 መን : ልብሎም : ታ : ለሐዳጋ ፤ በዲር : ናዮም : ታ : ቤት : ዐንጃ ።
 ለሐረት : ዲብ : ቤልታ ፤ ዛምተት : ሐሊብ : ጸብሐታ ።
 ዝሙት : ቀትል : ወመይት ፤ ወፈግር : ነፍሱ : ለበቃ ።
 ትበአሰት : ዲባ : ፈልፈሎት ፤ ዳረት : ለቤታ : ከልአታ ።
 ምንማ : ትሓከረት ፤ ተርፈት : ምኞም : እብ : ወርቃ ።
- 15 ልቫ : ለዐረር : ኢአባ ፤ ግራዴታት : ወጋሻ ።

እድሪስ : ወድ : ሕመድ : ግሩብ ።

እት : ገደቦ : ለቤሻ ።

- I ሓጥር : ገደቦ ፤ ትበጥር : ዲቡ : ጸምዳ : ቱ ።

ጸጋይ : ምግዳ : ገደቦ : ቱ ፤ ተዐይር : ዲብ : ለእሳቱ ።
 ላብብ : ዔድዋን : ገደቦ : ቱ ፤ እት : ሰብ : ከሬ : ታላቱ ።
 ስሕት : ተራር : ምን : ቀደም : ቱ ፤ መሐበር : ሻፍግ : ሀርሳቱ ።
 5 እርብጥ : ሚ : ቡ : በዐል : ግልብ ፤ ለዲባ : ከሬ : ስጋዱ ፤
 ሰመዕ : ገብእ : ወምእምን ፤ ጸዱቅ : መስኒ : አላ : ቱ ።
 ኢዱዴጌ : ክምሰልሁ ፤ ከይን : ዐዶ : በዐልና : ቱ ።
 ዎሮ : ኢኮን : መስከቡ ፤ ወዎሮ : ኢኮን : ልባሱ ።
 ግሉድ : እንቱ : ልትጋለድ ፤ ለትበገሰት : ታ : እማቱ ።
 10 ቀይሕ : ኢኮን : ወጸሊም ፤ መን : አምሮ ፤ በርሃ-ቱ ።
 ሕናማ : ከለል : ወወጁብ ፤ አዳም : ነአምር : ፍርጋቱ ።

601

እት : ገደቦ : ለቤላ ።

1 ጸዱቅ : ገደቦ ፤ ዲማ : ታርፍ : ቱ : እት : እክራ ።
 ሓጥር : ገደቦ ፤ ክም : ረዐዳባ : ቱ : ወጽምዳ ።
 ጸጋይ : ገደቦ ፤ ተዐይር : ዲቡ : ክም : ምግዳ ።
 ላብብ : ዔድዋን : ገደቦ : ቱ ፤ ታላት : ከሬ : እት : እግራ ።
 5 አቡካ : ደሙ : ነሳንስ ፤ ከዲብ : ሰብ : ናዝሕ : ክም : ትክላ ።

602

መሐመድ : ወድ : ክሚል : ወድ : ሐዮት-አድሓ ።

በዲር : ዐድ-ሃስሪ : ወቤት-መዐላ : ትበአሰው : ወሕድ : ታተ
 ለው ። ሐር : ቤት-መዐላ : ሐባብ : ከንቲባይ : ሓምድ : ትታለው ፤
 ወትከሰተዮም : ሀበዮም : አልበሰዮም : ሐርዳ : እሎም : ወአሰይፍ :
 ወአግሉብ : አጸረዮም ። “ሚ : ኒዴ : እሉ : እት : ሰኔት” ፤ እት : ል

ብሎ፤ ሐር፡ ሀዬ፡ እግል፡ ቤት-መዐላ፡ ከዩና፡ እታ፡ ከዐድ-ገስሪ፡ ትታላ፡ ወምስሉ፡ ዘምተያ፡ ወቃተለያ። ከእግል፡ መሐመድ፡ ወድ፡ ክሜል፡ ትሰአለዎ፤ “ከአር፡ ዐላ፡ እትኩም፡ ከንቴባይ፡ ሓምድ”፤ ቤለዎ። ወሀቱ፡ እላ፡ ሕላየት፡ ቤላ።

- I “ከአር፡ ቱ”፤ ምንዲ፡ ትብለኛ፤ ሕና፡ ነአምር፡ ሕላዩ። እክል፡ ርኤና፡ አብልዎቹ፤ ወሐሊብ፡ ርኤና፡ አስታዩ። ሐራድ፡ መካናት፤ ወሪድ፡ ለልትክዔ፡ አድማዩ። ሀያብ፡ በለሊት፤ ለሀይማ፡ ጎሁ፡ ቱ፡ ላፍቃዩ።
- 5 ሀያብ፡ ገሉብ፡ ወሰይፍ፤ ጽዋር፡ ምን፡ ለጽንፋዩ። በርካ፡ ዋዲ፡ መላቅም፡ ቱ፤ እብ፡ መሳውድ፡ መአራዩ። ጋሽ፡ ፋሪ፡ ምን፡ እክል፤ ክል፡ ዎሮ፡ መልእ፡ ግራዩ። ገርቦን፡ እግል፡ ኢነሐምድ፤ ለእሉ፡ ርኤኩም፡ ቱ፡ ውዳዩ። ምን፡ ብሹል፡ ትሸፈጋ፤ ከስጋ፡ በልዓ፡ ጥራዩ።
- 10 ገርሀቱ፡ እንዶ፡ ሐርሰያ፤ አታ፡ ምኛ፡ ዓቅባዩ። ካይን፡ ቱ፡ እግል፡ ኢኒበል። ካይን፡ ልግበእ፡ አባዩ። ጽዱቅ፡ ቱ፡ እግል፡ ኢኒበል፤ ለእሉ፡ ርኤኩም፡ ቱ፡ ውዳዩ።

603

ዐድ-ዕመር፡ ወቤት-መዐላ፡ ምን፡ ትብአሰው፡ ዐድ-ዕመር፡ ሰ ልፍ፡ ዐድ፡ ምን፡ ቤት-መዐላ፡ ዘምተው። ቤት-መዐላ፡ ሀዬ፡ ቀ ንጸት፡ ከእግል፡ ዐድ-ዕመር፡ ምስል፡ ሓድር፡ እት፡ እንቱ፡ ዘም ተቶ። ከወለት፡ ነታባይት፡ እታ፡ ጸንሐት፡ ወደሀባ፡ ወሰሚታ፡ ወልባሳ፡ ሰኒ፡ ነስአው፡ ምኛ፡ ከግርም፡ [ዓሩም፡ ምስል፡ ስፋይ፡] ናይ፡ ነዋይድ፡ አልበሰዋ። ሐር፡ እግል፡ መሐመድ፡ ወድ፡ ክሜል፡ ወድ፡ ሐየት፡ አድሐ፤ “ግንሐ”፡ ቤለዎ። ከሀቱ፡ ሀዬ፤ “እግል፡ ሚ፡ እገንሐ”፤ ቤሎም። ወሐር፡ እላ፡ ሐላ።

- I ወለት : ዐድ-ዕመር ፤ ሓኔ : እላ : ወአሸእል ።
 በረርህ : ቱ : ገሮባ ፤ ምሆ : ምልእት : ምን : ዕጥር ።
 ከቦ : ብጥረት : ኬዘራን : ቱ ፤ ኬን : ወእንዜ : ለቀሽል ።
 ጀንገሪፋይ : ቱ : ስጋዳ ፤ ረአሱ : ምሉእ : ምን : እክል ።
- 5 ግርም : ነዋይድ : ሀበዎ ፤ ገሮብ : ለዓሩስ : ኢለስትህል ።
 ሕና : ወዐድኪ : ተሓሜና ፤ እምበል : ሕብዕ : ወስትር ።
 ዐካት-ነአፍ : ዘመትና ፤ ሓድረት : እንታ : እብ : እስር ።
 ነታብማ : አስኬንሃ ፤ “ኢእንሰኸ” : እን : ትብል ።
 ሰራ : በርካ : ከሬንሁ ፤ እግል : ልሕረስ : ምን : እክል ።
- 10 ወሰራ : አውለት : ነውኔንሁ ፤ እግል : ሊሙት : እብ : ደብር ።
 ወሰራ : ቃተልንሁ ፤ ከወዳቅ : ዐላ : እት : ሸፍር ።
 እብ : መናዳቅ : ዘመትንሁ ፤ ርሳስ : ለእሳት : ለፈግር ።
 እብ : ሐጺን : ዘመትንሆም ፤ ከገሮቦም : ገብአ : ጀነፍል ።
 እንሳሆም : ነስአና ፤ መቲላ : ሕድገት : ሚ : ተስትህል ።
- 15 አሓሆም : ነስአና ፤ ብያን : እንታ : ምን : ዕድር ።
 አብያቶም : አንደድና ፤ ኑዳቅ : እንቱ : ለሐመምር ።
 እም-አጫብዕ : ወግድመት ፤ ሸአግንሁ : ረአስ : ለዐነኸል ።
 ሐቲ : አምዕል : ወዴንሁ ፤ ብለቶ : ወሸረብ : ወሕንብር ።
 እሊ : ዐድ : በዲርማ ፤ ሐጺን : ነስአ : ክል : ፈጅር ።
- 20 እግል : ለሀላ : ኢገሜ ፤ እምበል : ለገሽእ : ሐን : ቀብር ።
 ዕዳይና : ትፈጆና ፤ አዳም : ዳማ : ሚ : ኑብር ፤
 ክረይ : እዴ : ቱ : እሊማ ፤ ሞላድ : ዐድ : ሕድ : ሚ : ጸብር ፤
 ትሰክብ : ገሽእ : ሚ : ኢቀብሃ ፤ ዐራ-ገላድ : ለፈጅር ።

604

ተኩሽ፣ ወድ፣ ሙሳ ።

- I ለተትሐምደኝ፣ ትነኛዐኝ ፤ ምን፣ ለጎፍካ፣ ፈትያ ።
 እግል፣ ሐምዴ፣ ወዜነት ፤ ጸጋይ፣ ለነብርሀ፣ መኞያ ።
 ሐጥር፣ ለጎፍሱ፣ እት፣ ትታውሕ ፤ እት፣ መራብዕት፣ ዐጸያ ።
 ለትባዱሮ፣ ዘኛብያት ፤ ሐማስ፣ ለላክፍ፣ ግንብያ ።
- 5 ለቡባ፣ ፋጥራ፣ ታ፣ መስከቡ ፤ ኖሱ፣ እንዶ፣ ሐርያ ።

605

- I ትወጠንካ፣ መሐመድ-ቀሊላይ ፤ የቲም፣ እግል፣ ትትሐሰር ።
 ፈዳብ፣ ኢኮን፣ አቡካ ፤ ክም፣ አብዕብካ፣ ወመንደር ።
 ሐዋን፣ ኢኮን፣ አቡካ ፤ ሰሐብ፣ ለተራፍ፣ እት፣ ድመን ።
 ምን፣ አካባ፣ ወአግዕራ ፤ ወምን፣ ሕንቃቄ፣ ወመምበር ።

* * *

- 5 ሐጸት፣ ዐቫይ፣ ለእት፣ በርካ ፤ ዕድል፣ ሚ፣ ባ፣ እምበል፣ ጋሽ፣
 ነጋጊር፣ ከይዳ ፤ መንሱራ፣ ወናስራ፣ ወነፋስ ።
 ፈዋቲ፣ ከይዳ ፤ ሀዋ፣ ወኬሊት፣ ወግማሽ ።

606

- I ሀብረም፣ እት፣ አቦቼ፣ ታ ፤ ወግልት፣ እግላ፣ ፊደት ።
 ግራ፣ ዕላም፣ ባጽዕ፣ ታ ፤ ወግላ፣ ሕብር፣ ቤገት ።
 ነትገምቤኝ፣ ምኛ ፤ ዶል፣ ለጋድም፣ ኬደት ።
 እንታ፣ ለትብላ ፤ ፍሽልክት፣ ታ፣ ወሐሴተት ።
- 5 ወሕና፣ ለእምብላ ፤ ዕቅብ፣ እግር፣ ኬደት ።
 አሐና፣ ኢነሀይበኝ፣ ታ ፤ ም፣ ሐምድ፣ ወድ፣ ጥፍዔተት ።

607

ጣምድ፡ ወድ፡ ጥፍፍተት፡ እት፡ ቅብላታ፡ ለቤሻ ።

- I ሕናማ ፡ ተኩሽ ፡ ወትበአስና ፤ ዋዲ ፡ እት ፡ እንቱ ፡ ለአሰሸር ።
- አሓ ፡ ለነሽእ ፤ እግል ፡ በፀላ ፡ ሚ ፡ ኢበጥር ፡
- ከአፎ ፡ ጋድም ፡ ወአክድንገ ፡ ወጸበጥንገ ፡ እት ፡ ደብር ።
- ሕላብ ፡ ለተዐካ ፡ ምን ፡ ብሂካ፡ ቱ ፤ ወጎልያታት ፡ ለደነግል ።

608

ሕመድ ፡ ወድ ፡ ዐጋት ።

እናስ፡ ቤት፡ መገላ፡ ቱ ፤ ደአም ፡ እት፡ ጽዮት፡ መስሐሊት፡ ኑብር ።
እግል ፡ ረአስ ፡ መንገሻ ፡ ለቤሻ ።

- I ንጉስ ፡ አኼ ፡ ወሰኔ ፤ ክም ፡ መንገሻ ፡ ኢርኤና ።
- አምዕል ፡ ክድና ፡ ወላሊ ፤ ወእሉ ፡ ርኢ ፡ አቤና ።
- አስሉሉ ፡ ካደና ፤ ወእት ፡ ቀነጥቡ ፡ ትመዬና ።
- አምባሁ ፡ ፈገርና ፤ ከምና ፡ ሕሹል ፡ ከሬና ።
- 5 አብያቱ ፡ አቱና ፤ ወአንሱ ፡ ሃዴና ።
- እሊ ፡ ቱ ፡ ውጃይ ፡ ቤት ፡ ዐሊ ፤ ተንቤን ፡ ምግቡ ፡ ትመዬና ።

609

እግል፡ ዱለት፡ አጣልያ፡ እት፡ ለሐምድ፡ ለቤሻ ።

- I ረቢ ፡ ጅላ ፡ ጅላሉ ፡ ረክበት ፡ ፈታ ፡ ንዩታ ።
- እምበል ፡ ዱለት ፡ አጣልያ ፡ ማልኩ ፡ ሚ ፡ ቡ ፡ ከበሳ ፡
- ወአዜ ፡ አክር ፡ ደራቢሽ ፡ እት ፡ ለሀሮብ ፡ ምድር ፡ ሚ ፡ ኢሐድጋ ፡
- አፍገረም ፡ አብያቱ ፡ ከሰላ ፡ ሐድጋ ፡ ለከዝነታ ።
- 5 ጽንዕት ፡ ታ ፡ ዱለት ፡ አጣልያ ፡ አስመልያት ፡ ታ ፡ ስነታ ።

ወጽግብት ፡ ታ ፡ ዱለት ፡ እጣልያ ፤ ኢትትከለስ ፡ ከገነታ ።
 ሓጥረት ፡ ታ ፡ ዱለት ፡ እጣልያ ፤ ኖሳ ፡ ሰከይ ፡ ሳርዐት ፡ ታ ።
 ሬእ ፡ እምቤርቶ ፡ ቱ ፡ መምባዬ ፤ ስልጣን ፡ ቱ ፡ ዲብ ፡ ለትነገሳ ።
 አልፍ ፡ እላ ፡ ጅንኖር ፡ ታ ፤ ኢትትረዴ ፡ ለግንሐታ ።

10 ወአልፍ ፡ እላ ፡ ክንኔር ፡ ታ ፤ በልስ ፡ ሚ ፡ ቡ ፡ እት ፡ ዘዐታ ፡
 አልፍ ፡ እላ ፡ መንጅራት ፤ ዐደድ ፡ ሚ ፡ ቡ ፡ ዐሸቻ ፡
 አልፍ ፡ እላ ፡ ገባጢን ፤ ረአስ ፡ አፍሩስ ፡ ጊሰታ ።
 ወአልፍ ፡ እላ ፡ ትርንቲ ፤ ገሰጥ ፡ እብ ፡ ለቅንጾታ ።
 አልፍ ፡ እላ ፡ ከብሬመንጅፊ ፤ እብ ፡ ለሐዲድ ፡ ታ ፡ ሕክመታ ።

15 ሰርጅንቲ ፡ ወፍሬር ፤ ክል ፡ ሐቴ ፡ ዲብ ፡ ለርትበታ ።
 አልፍ ፡ እላ ፡ ጥብግያ ፡ ታ ፤ እግል ፡ ሐርብ ፡ ካትመት ፡ ታ ።
 እምበል ፡ ሀማጅ ፡ ወድ ፡ ዕትማን ፤ ተወክ ፡ ሚ ፡ ባ ፡ ሕክመታ ፡
 ገድካ ፡ እልካ ፡ ልሸአሎ ፤ ክል ፡ ቤት ፡ እብ ፡ ለርትበታ ።
 ዐረብ ፡ ሔዋን ፡ እግል ፡ ንንድኣ ፤ ወሺመት ፡ በዐላ ፡ እግል ፡ ነሀሻ ።

20 ሺመት ፡ በዐላ ፡ ወድ ፡ ዕትማን ፡ ቱ ፤ ገብእ ፡ ዲባ ፡ አርበዳ ።
 ወልዱ ፡ ዎሮት ፡ ዲብ ፡ ምስር ፤ ወወልዱ ፡ ዎሮት ፡ ከሰላ ።
 መርዒሆም ፡ መናብል ፤ ዲብ ፡ ለሐርያም ፡ ኢትገሀፋ ።
 ወየተም ፡ ዐቤ ፡ ውላዶም ፤ ሺመት ፡ እላ ፡ ታ ፡ ሻረታ ።

610

እግል ፡ ናይብ ፡ እድሪስ ፡ ወድ ፡ ዕትማን ፡ እት ፡ ለሐምድ ፡ ለቤሻ ፡
 ሕላዩት ።

I ናይብ ፡ እድሪስ ፡ ወድ ፡ ዕትማን ፤ ዲብካ ፡ ሹኪት ፡ ታ ፡ ዐረብካ ።
 ቀቢሊ ፡ ወዕሽኩር ፤ ኩሉ ፡ ሀላ ፡ ሀድገኻ ።
 ክል ፡ ቤት ፡ ዲብ ፡ ለድራራ ፤ ወሺመት ፡ እንታ ፡ ቱ ፡ በዐል ፡ ገጸ ።
 መምባ ፡ ስልጣን ፡ ሰላጢን ፤ ሰብ ፡ ክል ፡ አካን ፡ አምረኻ ።

5 መምባ ፡ ደገልል ፤ ወመምባ ፡ ሐባብ ፡ ሰብ ፡ ነቅሩ ።
 መምባ ፡ ሐጸይ ፡ ረክስ ፡ ታቦት ፤ ጋላ ፡ ገጃም ፡ ግዝኣትካ ።

611

ድመል ፡ ረክስ ፡ ወልድንኬል ፡ ወድ ፡ ሰለሙን ፡ እት ፡ ለሐምድ ፡
 ለሐሰይ ።

1 ድመል ፡ በገላ ፡ ወልድንኬል ፡ ቱ ፤ ተወክ ፡ ሚ ፡ ባ ፡ ወአላ ፡
 ወድ ፡ አቤቶ ፡ አብ-ስሉስ ፤ ለሮራ ፡ ህቱ ፡ ቱ ፡ ስልጣና ።
 ወልድ-ጋብር ፡ ናስኣት ፡ ታ ፤ ወሐይሉ ፡ ናስኣት ፡ ታ ፡ መምባና ።
 ኤሎስ ፡ ናስኣት ፡ ታ ፡ ወድ ፡ ቱድሮስ ፤ ለገንድል ፡ እብ ፡ ለጭማራ ።
 5 ዐድ ፡ ተክሌስ ፡ ናስኣት ፡ ታ ፤ ከፍከፈቶ ፡ ለጽዋራ ።
 ክልኤ ፡ መንሰዕ ፡ ናስኣት ፡ ታ ፤ ኢቀንጸት ፡ ምን ፡ ለምክራራ ።
 ፈጽሐት ፡ ዛምት ፡ ቱ ፤ ምሴ ፡ ዶል ፡ ለመዓያራ ።
 ድግለል ፡ ዛምት ፡ ቱ ፡ መንሰራ ፤ ለትርክ ፡ ዐላ ፡ ክዋላ ።
 በየድ ፡ ናስኣት ፡ ታ ፡ ወድ ፡ እክድ ፤ ሚን-ዓምር ፡ ጌሳ ፡ ለኤማና ።
 10 አምዕል ፡ አግናድ ፡ ኢተአምሮ ፤ ናተሎት ፡ ለጭማራ ፡
 ሰለስ ፡ ሞጥዐት ፡ ስምሓኖ ፤ ውላዳ ፡ ትዴዳ ፡ ወአጋላ ።
 ተክሌዛን ፡ መሳኪን ፤ መን ፡ ወደዮ ፡ ለተስካራ ፡
 እንጉላ ፡ ግዱሊ ፤ ለአሸሙር ፡ ትጋርብ ፡ ሕላላ ።
 አጸሮት ፡ ለእበና ፤ ሳደዶት ፡ ለሓባላ ።
 15 እት ፡ ቅባ ፡ ትበአሰዮም ፤ ከራይ ፡ ሚ ፡ ባ ፡ ሕዋላ ፡
 ወድ ፡ መልካ ፡ ወድብሮም ፤ ኢለአሙሮ ፡ ለቀባና ።
 ሀሴና ፡ ምኑ ፡ ቱ ፤ ቅሕብ ፡ ለተራ ፡ ተራና ።
 “ሀሴኮ” ፡ በገል ፡ ቱ ፡ ዲብ ፡ እዲና ፡ ለትማና ።
 እምበክያ ፡ ዐራዶ ፡ ሕና ፡ ህታ ፡ ታ ፡ ነብራና ።
 20 እት ፡ ገጽና ፡ ጌሰት ፤ ዲብ ፡ እንስእያ ፡ ግራና ።

ጀነት ፡ ለሀሻ ፡ ፀራዶ ፤ ጌሰት ፡ ገበይ ፡ አማና ።
 ምን ፡ ነቢ ፡ ጸንሐት ፡ ታ ፤ እስላም ፡ ወክስታን ፡ ክም ፡ ተግራ ።
 ምን ፡ አስሐብ ፡ ጸንሐት ፡ ታ ፤ ሸኛ ፡ ወለሕራብ ።
 ድመል ፡ በዐላ ፡ ወልድንኬል ፡ ቱ ፤ ተወክ ፡ ሚ ፡ ባ ፡ ወአላ ፡
 25 አትቃበለት ፡ ለአሱራ ፤ ላማ ፡ ዱለት ፡ ኢገኣ ፡ እላ ።
 እልፍ ፡ በዴት ፡ ምን ፡ አብሐር ፤ ምስርያ ፡ ለከማራ ።
 ዐድ ፡ ሰለሙን ፡ ወድ ፡ ዘርአይ ፤ አድማይ ፡ ሌጣ ፡ ድራራ ።
 ወድ ፡ ሰለሙን ፡ በዐል ፡ ሐመር ፤ ወወድ ፡ ሰለሙን ፡ በዐል ፡ ጣላ ።

* * *

ዐድ ፡ ሰለሙን ፡ ወድ ፡ ዘርአይ ፤ አድ ፡ ምኞም ፡ ንትከተል ፡
 30 ጸጋይ ፡ ላቱ ፡ አርኡና ፤ ወሐጥር ፡ ላቱ ፡ በዐል ፡ ከንፈር ።
 ዐድ ፡ ሰለሙን ፡ ወድ ፡ ዘርአይ ፤ አድማይ ፡ ሌጣ ፡ ትጸንበል ።

612

እግል ፡ ሐሰን ፡ ወድ ፡ ናይብ ፡ እድሪስ ፡ እት ፡ ለሐምድ ፡ ለጌላ ፡
 ሕላዩት ።

I ሐሰን ፡ መትብእሳይካ ፤ ምን ፡ እዲና ፡ ፈኔ ።
 እዘኑ ፡ ጸምም ፤ ወዕንታቱ ፡ ለዐሜ ።
 ምን ፡ ሸመት ፡ ልሰዐር ፤ ወምን ፡ ሰሓቅ ፡ በኬ ።
 ምን ፡ ዕብ ፡ ልንእሽ ፤ ወምን ፡ ስን ፡ አኬ ።
 5 እንታ ፡ ለትረክቦ ፤ ለእላ ፡ በልስ ፡ ቀዌ ።
 ከግል ፡ ወበዐል ፡ ነፍስ ፤ መአዜ ፡ ሂጋ ፡ ትፈጅ ፡
 ሐጅ ፡ ሌጣ ፡ ትነቕም ፤ ስጋ ፡ ወዓጽም ፡ ትፈንጅ ።
 መድሐር ፡ እምካ ፡ ብእትካ ፤ ፈንጉሕ ፡ ዘምዘም ፡ ትሰጅ ።
 አቡካ ፡ ባርያይ ፡ ጸሊም ፡ ቱ ፤ ሐቆ ፡ ቤላ ፡ ወዴ ።
 IO ወአቡካ ፡ አርነዊታይ ፡ ቱ ፤ መክሉቅ ፡ አርወሐሐ ፡ ሐዜ ።

ሐሰቦኩም : አና ፤ እግል : ክል : ሐይዘቼ ።

ወክእኛ : ክም : ሐለዩ ፤ አስክ : አዜ : አክል : ለሸሸዩ : አቅሩሽ :
ሀይሹ : ሀላ ።

613

እግል : ሕሴን : ወድ : ናይብ : እድሪስ : እት : ለሐምድ : ለቤሻ ።

- I ድመል : በዐላ : ወድ : ናይብ : ቱ ፤ ሕሴን : ፍትሐ : ወዳ : እላ ።
 ሮሻን : ሐድጋ : ወምጅልስ ፤ ወባጽዕ : መስከብ : አማና ።
 ሺመት : በዐላ : አቡካ : ቱ ፤ ዝፉር : ለጋብእ : ዝላላ ።
 ዶል : ሐቴ : ለትባዴ ፤ ነፍሳ : ኢዐልብ : ወማላ ።
- 5 ወዶል : ሐቴ : ለትባቅል ፤ እንዶ : አሴ : ፈንጣራ ።
 እት : አቅርዶት : ለፈጅር ፤ ጼንገ : አስና : ወሩላ ።
 ገቦ : ንግበእ : ቤት : ፋርስ ፤ ላማ : ሞታ : ዐላ : ባ ።

614

እግል : ሕሴን : ወድ : ናይብ : እድሪስ : ሀዩ : ለቤሻ ።

- I አፎ : ኢተከርር ፤ ወአፎ : ኢትትሀርገት :
 አፎ : ኢትትገጅክ ፤ ወአፎ : ኢትትወነስ :
 ለአምዕል : ሰገናይት ፤ እብ : አቅርዶት : ቀስነት ።
 ከሰላ : ዝያዳ : ታ : ወድ : ሰብ : በዲር : ልትዐጸፍ ።
- 5 ለዛምተቱ : ትሰአሎ : ቡ ፤ ዕስማን-ድግና : ወደሰብ ።
 እብ : አፍሩስ : ዘምተዮም : ጅንግላት : ጋብአት : ዲብ : ሸጎት ።
 ወእብ : አዳም : ዘምተዮም ፤ ዐደድ : ሚ : ቡ : ወሕስበት ፤
 እብ : መናዱቅ : ዘምተዮም : ሮማይ : ሕፉን : ቱ : ዶል : ልክፈት ።
 ዶል : ሐቴ : ወድ : ናይብ ፤ ጽንዕ : እንዶ : ልሸመክ ።
- 10 ዶል : ሐቴ : ሕሬዘ : እግል : ሊመት : ወልቅተል ።
 መን : ቱ : እምበል : ወድ : ናይብ : ለሰበር : ጸሻብ : ልትፈገር ።

ለተልቡሱ፡ ዐድ-አርዴ። ጸቅባለቱ፡ አቅርዶት ።
 ሌል፡ ምን፡ ለሃ፡ ኢትመርር። ወነሃር፡ ምን፡ ለሃ፡ ኢትሰዐብ ።
 ከራ፡ ሐመድ፡ ወድ፡ ጸማም። ምን፡ አስማጥካ፡ ትፋረረት ።
 15 ውላድ፡ ዐረቦ፡ ቶም። ሚ፡ አምሮ፡ ዲባ፡ ሐረከት ።
 ጸንታ፡ ድራር፡ አበውካ። ምንዲ፡ ትመይት፡ ዲባ፡ ሐርብት ።
 ለሀሌት፡ ዲብካ፡ ሓኬና። ኢተሃጌና፡ ጸብ፡ ከዝብት ።
 ጸድይና፡ ፈናይት፡ ታ። ዜነት፡ ተሐይስ፡ ዲባ፡ ወድ፡ ሰብ ።
 ክእኛ፡ ክም፡ ሐለዩ። አድግ፡ ስብያኒ፡ ተባን፡ ሟ፡ ርያል፡ ሀቡዩ ።

615

ጸገል፡ መሐመድ-ዐሊ፡ ወድ፡ ናይብ፡ ጸድሪስ፡ ጸት፡ ሸፍ፡ ሰገናይት፡
 ክም፡ ሞታ፡ ለቤሻ ።

1 ሰማል፡ ትዛቤት፡ ጸድይና። ከዐድ፡ ሕድ፡ ዋሌት፡ ዲባ፡ ቀብር ።
 ረብዕ፡ ርሱዕ፡ ቱ፡ ወድ፡ ናይብ። ኢኮን፡ ግንዳብ፡ ወአት፡ ቀብር ።
 ኢትዛግሻ፡ ለተዐካ። ወኢትዛምሞ፡ ለመዐስር ።
 ባርቅ፡ ቃቀት፡ ታ፡ ጸላዲ። ለእት፡ ረአስ፡ ትዘብጥ፡ ጸት፡ ተዐልል ።
 5 ወምስጣር፡ ጸብን፡ ታ፡ ጸላዲ። ለታትሬሳታ፡ ኢትፈግር ።
 ስሕት፡ ጸታ፡ ኢዛሬ። ወጠቢብ፡ ጸታ፡ ኢብስር ።
 ዐድካ፡ ድራር፡ ሸመቱ። ዐሻይ፡ ትነስእ፡ ወዕድል ።
 ስኛትካ፡ በኬካ። ተሐብዕ፡ ጸሎም፡ ወትሰትር ።
 ፈንጉሕ፡ ሸመት፡ ትበኬካ። ዴዋን፡ ወክድ፡ መትዐግል ።
 10 መሐመድ-ዐሊ፡ አቡካ። ሰኒ፡ ሀላ፡ ኢተምስል ።
 ያራ፡ ምኑ፡ ዕንታቱ። ጸልመት፡ ምኛ፡ ኢፈግር ።
 ወሕፋን፡ ሀላ፡ ገሮቡ። ሃባት፡ ምኑ፡ ኢለዐዝል ።
 ሰገናይት፡ ወአክሩር። ጸኩይ፡ ዋይዳት፡ ተን፡ ለፈጅር ።

616

እግል፡ ናይብ፡ እድሪስ፡ ክም፡ ሞታ፡ ለበክዩ፡ ታ ።

- I ደንጎባ ፡ ለሰንደም ፤ ናይብ ፡ እድሪስ ፡ ወድ ፡ ዕትማን ።
 ደንጎባ ፡ ወጂይብ ፤ ደንጎባ ፡ ለሰብ ፡ ቀዳም ።
 ደንጎባ ፡ ለአስመሊ ፤ ሕክም ፡ በዳ ፡ ወፍራድ ።
 ደንጎባ ፡ ለአማነት ፤ ከንፈር ፡ ትግበእ ፡ ወንሻል ።
- 5 ምን ፡ ሐንቴሁ ፡ መሊህዩ ፤ ንዙዕ ፡ ኢኮን ፡ እት ፡ ስሕታን ።
 ልትበአስ ፡ እቸ ፡ መሊህዩ ፤ ድቢት ፡ ወጄ ፡ ደረብራብ ።
 ዐሌ ፡ እሱ ፡ መሊህዩ ፤ መስከብ ፡ በድል ፡ ወአካን ።
 ሳፍር ፡ እሉ ፡ መሊህዩ ፤ ምስር ፡ ገይስ ፡ ወስኛር ።
 ሸኬ ፡ እሉ ፡ መሊህዩ ፤ ዴዋን ፡ ዐርግ ፡ ዲብ ፡ ስልጣን ።
- I O መትጎጊ ፡ ብጣሩ ፤ ፈረህ ፡ ኢኮን ፡ ወከጃል ።
 ዘዐት ፡ ዋድቀት ፡ ደይ ፡ በልስ ፤ ዕምር ፡ መጽአ ፡ ወተማም ።

ውላድ ፡ ናይብ ፤ እግል ፡ አብሆም ፡ ክእኛ ፡ ምን ፡ በከዩ ፤ አቅ
 ፋሽ ፡ ሀበዎ ።

617

እግል፡ ናይብ፡ እድሪስ፡ ክም፡ ሞታ፡ ሀዩ፡ ለበክዩ፡ ታ ።

- I እሊ ፡ ምዱን ፡ ስልጣኑ ፤ ከአፎ ፡ ኬዳ ፡ ዎ ፡ ጸርና ፤
 አባይ ፡ ምጅልስ ፡ ወድ ፡ ዕትማን ፤ እብ ፡ ብራቁ ፡ ልጽንሐኛ ።
 ድቡእ ፡ ልግበእ ፡ አባዩ ፡ እሊ ፡ ድዋር ፡ ምን ፡ ለዐልና ።
 አግአማም ፡ ወነደብ ፡ ገድም ፡ ክጅል ፡ መስለኛ ።
- 5 እት ፡ ናስና ፡ ፋርጎም ፡ ሀሌና ፤ ወድቃ ፡ ኢኮን ፡ ደብርና ፤
 ሚ ፡ ድቢት ፡ ታ ፡ ለግርጉር ፡ ትገላብብ ፤ ሴማ ፡ እምበል ፡ ልትበሀላ ፤
 መትብእሰቱ ፡ ወድ ፡ ዕትማን ፡ አምዕል ፡ ወላሊ ፡ ልትገሐላ ።
 ሸመት ፡ ትከርዖ ፡ ወድ ፡ ዕትማን ፡ ወሞት ፡ ለጂይረት ፡ ምን ፡
 በዐልና ።

ገድካ፡ እብ፡ ትምኔት ፤ የም፡ ግርጉር፡ መጽእኛ ።
 10 ለኢጉብአት፡ እግል፡ ነቢ፡ ከአፎ፡ ትገብእ፡ እግልና፡
 ሐመድካ፡ ሞላዬ ፤ አዜማ፡ ሐድጋ፡ ገርዛና ።
 ወድ፡ ሕሻል፡ ወድ፡ ሰምራ፡ ቱ ፤ ወድ፡ ጀጃል፡ ለከበሳ ።
 ወድ፡ ሸኸር፡ ወድ፡ ብእምነት ፤ ጸንዕ፡ ምኑ፡ ትለመዳ ።
 ወድ፡ ፍካክ፡ ወድ፡ ናውድ፡ ቱ ፤ ወድ፡ ከንቱባይ፡ ዲብ፡ ነቅፋ ።
 15 ወድ፡ ዕትማን፡ ወድ፡ እድሪስ፡ ቱ ፤ ግርጉር፡ ወዳይ፡ ፈለጋ ።
 አሶ፡ ግርጉር፡ መምባዬ ፤ ውሉድ፡ ኢኮን፡ ስነትካ ።

618

እግል፡ ናደብ፡ እድሪስ፡ ክም፡ ሞታ፡ ሀዬ፡ ለበክዩ፡ ታ፡ ሕላየት ።

1 ወልደት፡ ወላዲቱ ፤ ወለት፡ ሕሳል፡ ገዳ ።
 ግርጉር፡ አባይ፡ ጸዕት፡ ቱ ፤ ወግርጉር፡ ወዳይ፡ ዐርባ ።
 ግርጉር፡ በሐት፡ ሺመት፡ ቱ ፤ ኢፊትዮ፡ ብርካ ።
 በዲርማ፡ ብርክ፡ ሺመት፡ ታ ፤ ለዲባ፡ ገቢል፡ አብዳ ።
 5 ናደብ፡ ጀነት፡ ለሀሸ ፤ ግርሁ፡ ለሐሰን፡ ሐድጋ ።
 ሰሐበት፡ እብ፡ ድዋራ ፤ ለዓላ፡ ታቦት፡ ነድቃ ።
 በዲርማ፡ መይቶ፡ ዐለው ፤ ኢወደው፡ ክምሰል፡ ወድካ ።
 ነሰሰሎም፡ ሐቴ፡ ቱ ፤ ወደቅብ፡ ሐሰን፡ አብዝሐ ።
 ረቢ፡ ልሰልመኒ ፤ ሐሰን፡ ምን፡ ብልዐትካ ።
 10 ብልዐትካ፡ ኢኮን ፤ ግንሐትካማ፡ አጽባ ።

* * *

ሀመም፡ ዕሮ፡ ቱ፡ ወድ፡ ዕትማን ፤ ኢትደአለዎ፡ ወኢትደአላ ።
 ሐየት፡ ግርብዕ፡ ቱ፡ ወድ፡ ዕትማን ፤ ለእብ፡ አስዑዱ፡ ገንደላ ።
 ወክድ፡ ለጥሪሪፍ ፤ ክምሰል፡ ቶር፡ ለዐገባ ።
 መዛርነቱ፡ ትትሐሌል ፤ በልሻ፡ እብ፡ ለአሰራ ።

15 ትርግዝ : ቲዴ : እጂና ፤ ትጽበጥ : እላ : ገበያ ::
 ሺመት : በዐላ : መምባዬ : ቱ ፤ ወሰብ : ብዕድ : አዜ : ረክበያ ::

1 ዐድ : ናይብ : እድሪስ : ወድ : ዕትማን ፤ ሰኚ : ፍርህት : ታ : ወግዊት ::
 ዐባዩሃ : አፎታት : ቱ ፤ ላማ : ነአይሻ : አለሚት ::
 ኢለፈግሮ : እብ : ሕማስ ፤ ወኢለፈግሮ : እብ : ቀዊስ ::
 ትርክ : ቀዩሕ : ልትሃገው ፤ ሰብ : ባሮት : ለእንግሊዝ ::
 5 ዱለት : ለሐዬ : ፋኑሳ ፤ ሰልጠነት : ጽንዕት : ታ : ወዝዊት ::
 ቤት : ገብሻ : ልትአከው ፤ ዶል : አብራጃት : ቤት : ገርጊስ ::
 ዐድ : ሙሳ : ልትአከው ፤ ሰብ : ለአሙት : ቀረጨት ::
 ሰብ : ለአፍሩስ : ጅንግላት ፤ ተሀምህም : ረአስ : ለመከሊት ::
 ቤት : አቡሆም : ልትበአሶ ፤ ወክድ : መክርሀት : ወእኸት ::
 10 ዓምር : ልግበእ : ወሙሳ ፤ ኢፋርጎ : ዲቦም : ዶል : ዕጺት ::
 አዳም : ብዙሕ : ቱ : አብሃሉ ፤ ሕጌ : እልና : ቶም : ዶል : ጽዊት ::

* * *

ስምሐኖ : ጀላ : ጀላሉ ፤ ረቢ : ወጀ : ክም : ፈታ ::
 አዜማ : ጽኑዕ : ቱ : ወድ : ዕትማን ፤ ረቢ : መደድ : ለሀበካ ::
 አዜማ : ተአቤ : ወትፈቱ ፤ አዜማ : ትከራ : ዲብ : ተልጋ ::
 15 ዐድ : ለእልካ : ልትአክ ፤ ኩሉ : ገብእ : ምን : ተሐትካ ::
 ወአመት : ለእላ : ተትከትል ፤ መን : ነቕሞ : ሐሰብካ :
 ጸዱቅ : ወበዐል : አሚነት : ኢትበድላ ፤ ከንፈርካ ::
 ዐይብካ : ሀሌኮ : ወዐይብ : እላ : ዳረትካ ::
 አና : አምር : አዜ : ቱ : ወሰብ : ብዕድ : በዲር : አምረካ ::

620

እግል፡ ናይብ፡ እድሪስ፡ ወድ፡ ዕትማን፡ ሀዩ፡ ለቤላ ።

I መምባዬ ፡ ሐሌከ ፤ መምብሀ ፡ ልከሌ ፡ ለአመራ ።


መምባዬ ፡ ስልጣን ፡ ሰላጤን ፡ ቱ ፤ ወመምባዬ ፡ ንጉስ ፡ መቅዘላ ።

መምባዬ ፡ ጽኑዕ ፡ ቱ ፡ ወሐክም ፤ እዲና ፡ አስር ፡ እገራ ።


ዘማቴህ ፡ አፍ-ዐበድ ፤ ወዘማቴህ ፡ ዐንሰባ ።

5 ለዘማቴህ ፡ ዲብ ፡ ዐተር ፤ ድኜ ፡ ገርጊስ ፡ ጌለላ ።

ንዋዮም ፡ በጥራ ፡ ዲብ ፡ ሐረጅ ፤ አዳሞም ፡ አብሐር ፡ ሳፈራ ።



ሐይለት : ጅመኛን ።



ናገት : ወድ : አክቲ ::

እብ : ምስምሳ : ጽንዕ : ወእብ : ለዘበን : ለሐሊድ ::

I ሐመድካ : ም : ረሺ ፤ በዐልዬ : ለውዳዩ ::

ፍሩር : ዔራ : እቱ ፤ አቡካ : እብ : ግሳዩ ::

ምን : አሐሁ : ትገሻ ፤ ምን : ወአቱ : ውበዕራዩ ::

ምን : ገርሀቱ : ትገሻ ፤ ሸዒሩ : ውሸርናዩ ::

5 እሺት : ብእሳ : አቤት ፤ ወውላድ : እግል : ዋልዳዩ ::

ሐም : ሐምሁ : አባ ፤ መስንሁ : ወፈታዩ ::

ሞላዱ : አዐለላ ፤ ወርዝቁ : ወንዋዩ ::

እብ : ለኢገጽ-ገጹ ፤ ወእብ : ለኢናይ-ናዩ ::

ጽኑዕ : ተሀመጃ ፤ ወጸንዓ : ሀመጃዩ ::

10 መሐዝ : ዐቢ : ነጽፋ ፤ ወእተም : ዘራ : ማዩ ::

እሊ : አትባቃሉ ፤ ወእሊ : አትባዳዩ ::

አቡካ : ኢትረከባ ፤ ቅርዱ : ወስራዩ ::

ኢነስአዩ : ሚ : ቡ ፤ ቅርፁ : ውበላዩ :

ትግራይ : እብ : ጅብቱ ፤ ወበልዋይ : እብ : ብላዩ ::

15 ጽኑዕ : ለርሕመኝ ፤ ወእሊ : መከርማዩ ::

ከራይ : ሐዩት : ቀትለት ፤ ወአቲት : እብ : ግዳዩ ::

ጭንጫይ : መምባ : ገብአ ፤ ወሐርማዝ : ሐረስታዩ ::

ዐድ-ክፍሎም ፡ ወዐድ-ኤሎስ ፡ ሸዩማም ፡ ዐለው ፡ በዲር ፤ ወአዜ ፡ ምን ፡ በደው ፡ ወብዕዳም ፡ ምን ፡ ትሸዩመው ፡ ለቤላ ፡ ሕላዩት ።

- 1 ኤሎስ ፡ በዳ ፡ ወክፍሎም ፤ ወበዳ ፡ ገብር-ስላሴ ።
 ዐድ-ክፍሎም ፡ ወዐድ-ኤሎስ ፤ አዜ ፡ ዲብ ፡ ሚ ፡ ትትኣቤ ፡ በዐል ፡ ውርዳ ፡ ሰተያ ፤ ለዲባ ፡ ዐለት ፡ ትትዋዴ ።
 እምበል ፡ ዝሆ ፡ ወገለድ ፤ ገድም ፡ ኖሳ ፡ ትትዓሬ ።
- 5 ውላዳ ፡ ምስል ፡ ልትልሄ ፤ ወሰብኣ ፡ ምስል ፡ ልትጋሴ ።
 ክፍሎም ፡ ወናሽሕ ፤ ተኸሌዛን ፡ ትታኬ ።
 ለምን ፡ ቤት-ገብሻ ፡ ልትወለድ ፤ ዕንዱቅ ፡ ቱ ፡ እግል ፡ ዘማቴ ።
 ዕምር ፡ ረኸብ ፡ ወዕማር ፤ ሰበር ፡ እንዶ ፡ ልትዓዴ ።
 አሻይ ፡ ወዳምር ፤ ዲብ ፡ ሸብዐቴ ፡ ትትቃቴ ።
- 10 ወድ ፡ ሸላብ ፡ ሐ ፡ ክድረት ፤ እብ ፡ “መን ፡ ባይት” ፡ ለናዴ ፡ ደበሳይ ፡ እት ፡ ድግድግ ፤ ለንዩት ፡ ሀላ ፡ ለትኣኬ ።
 ዕቅብ-ገርጊስ ፡ ሸንድዋይ ፤ ምስል ፡ ዘርኣት ፡ ልትሃጌ ።
 አብ-ምድገት ፡ አሸራ ፤ ገድም ፡ በጽሓ ፡ ሕላሴ ።
 መስመር ፡ ገደቦ ፡ ቱ ፤ ምኛ ፡ ረኣሱ ፡ ትደራቤ ።
- 15 ክልኤ ፡ ዋንጫ ፡ ኣሰቴ ፤ ወክልኤ ፡ ዘዐት ፡ ኣልትሃጌ ።
 ዘገርጊስ ፡ ዳርሰኛይ ፡ ዐድ ፡ አቦቱ ፡ ለትሓሌ ።
 ምን ፡ ክብሮም ፡ እንኩብር ፡ ጽንዕ ፡ ርኤና ፡ ወሕንቃቄ ።
 ምን ፡ ሸመቶም ፡ ንሸዩም ፤ ምስሎም ፡ ለአምያስ ፡ ንሳቴ ።
 አብዕብና ፡ ወአብዕቦም ፡ ምሕላም ፡ ቶም ፡ እንደይ ፡ ንትሃዴ ።
- 20 አክር ፡ አልውቀት ፡ ቱ ፡ ገድም ፡ እግል ፡ ንትባኬ ።
 ምስጣር ፡ እሸነት ፡ መን ፡ ሸኛጣ ፡ ወሳሬ ፡

623

መምበር፡ እጁና፡ እት፡ ልቀብ፡ ለጌሻ ።

- I ነብራ፡ እጁና ፤ መን፡ ከልሻ፡ እብ፡ ተማም ፤
- እንዶ፡ ትትወሉብ ፤ አንቃስ፡ ትገብእ፡ ወግማም ።
- በዝሕ፡ ዲብካ፡ ምስምሳ ፤ መጸት፡ ትገብእ፡ ወሕማም ።
- ኢትእመኛ፡ እብ፡ ዛህር ፤ ወኢትእመኛ፡ እብ፡ በላም ።
- 5 ሕሸዘት፡ ምክላሳ፡ ታ ፤ ገድም፡ ሚ፡ ባ፡ መከላብ፡
- ብእምነት፡ ዐላ፡ ዲብ፡ ገለብ ፤ ወመሐመድ፡ ዐላ፡ ዲብ፡ ምሕላብ ።
- ዲብ፡ ቤት፡ ዐላ፡ ለአውህረት ፤ ሐን፡ አክረት፡ ወጥናብ ።

624

ዕንታቱ፡ ምን፡ ዖራ፡ እግል፡ ነፍሱ፡ ለበከደ ።

- I ምን፡ ለእት፡ ሱብ፡ ለመጽእ ፤ ዐወር፡ ዕንታት፡ አኸ ።
- እብ፡ ግሳዩ፡ እት፡ እንቱ ፤ ፍፋር፡ ዲቡ፡ አቴ ።
- በልሶ፡ ምኑ፡ ድራሩ ፤ እብ፡ ለረአሱ፡ ልትዐጄ ።
- ኢትገብእ፡ ክምሰልና ፤ ሐምዴ-ረሺ፡ ወአክቴ ።
- 5 ጸንዕት፡ ከይድ፡ አቡኩም ፤ ከምኛ፡ ደይን፡ ልትከፊ ።
- አቡኩም፡ ከሩ፡ እሉ፡ ገርዝሁ ፤ ኢልቡሎ፡ “ሚ፡ ወጄ” ፤
- አቡኩም፡ ወጁህ፡ ገቢለት፡ ቱ ፤ መሐዝ፡ ምንዲ፡ ልትዐጄ ።
- ማይ፡ ጸይእ፡ እት፡ ነጽፍ ፤ ሐመድከካ፡ ዎ፡ በዐልዬ ።
- በቕል፡ ዲባ፡ ደነብር ፤ አቅሕማ፡ በዳ፡ ምን፡ ተሐኸ ።
- IO አዜ፡ ሚ፡ ቱ፡ ልቡላ ፤ ነፍስ፡ ለነፍሳ፡ ምን፡ ትበኸ ።

625

እግል፡ ዐድ፡ ከንቴባይ፡ ልጃም፡ ለሐለደ ።

- I ዐድ፡ ወለት፡ ነበራይ ፤ ኢረክበቶ፡ ለሓይዘቱ ።
- አክቴ፡ ሰልም፡ ሸሪፋ ፤ እግል፡ በኪት፡ ለአመቱ ።

ሀታ ፡ ሀሌት ፡ ሕዳጉ ፤ ዓቅባይት ፡ ለድምነቱ ።

ለእሺት ፡ ሐዋን ፡ ኢወልደት ፤ እብ ፡ ተብዐቱ ፡ ወአንሱ ።

5 ዐዳ ፡ ንጉስ ፡ ብዲቡ ፤ ፈጅር ፡ ፈጅር ፡ ታ ፡ ለሸመቱ ።

ዐዳ ፡ ሓጥር ፡ ብዲቡ ፤ ገቢል ፡ አሸር ፡ እት ፡ ረአሱ ።

ዐዳ ፡ ጸጋይ ፡ ብዲቡ ፤ እግል ፡ ጋሻይ ፡ ለመሐረሱ ።

*

ዐድ ፡ ወለት ፡ ነበራይ ፤ ኢረክበቶ ፡ ለሓይዘቱ ።

ዐዳ ፡ በኪት ፡ ብዲቡ ፤ ለዐዳ ፡ ምኛ ፡ በርከቱ ።

10 አያ ፡ ጌሰት ፡ እትዬ ፤ እሊ ፡ ድኔ ፡ ለሻከቱ ፡

*

ዐድ ፡ ወለት ፡ ነበራይ ፤ ኢረክበቶ ፡ ለሓይዘቱ ።

ሻከት ፡ ሐሊቡ ፡ ታ ፤ እግል ፡ ለጸምእ ፡ መብረዱ ።

ሻከት ፡ አካሉ ፡ ታ ፤ ተፈግሮ ፡ ለዓመቱ ።

ሻከት ፡ አቅሩሹ ፡ ታ ፤ እሱር ፡ ተአምር ፡ ፍትሐቱ ።

15 ምን ፡ ሸበቱ ፡ ትገሌና ፤ ፍቅሮይ ፡ ምን ፡ ለዕደቱ ።

*

ዐድ ፡ ወለት ፡ ነበራይ ፤ ኢረክበቶ ፡ ለሓይዘቱ ።

በዩእ ፡ እት ፡ ድኔ ፤ እንዳ ፡ ንጉስ ፡ ታ ፡ ምሀረቱ ።

ነአምር ፡ አምዕል ፡ ለእስሮሁ ፤ ዐበቁ ፡ ወለጠረሱ ።

ነአምር ፡ አምዕል ፡ ለሸመቱ ፤ ቦርሌሁ ፡ ወሕክሙ ።

*

20 ዐድ ፡ ወለት ፡ ነበራይ ፡ ኢረክበቶ ፡ ለሓይዘቱ ።

ምን ፡ አክረራ ፡ ዲብ ፡ ዐራት ፤ እላ ፡ ታ ፡ ዓስር ፡ ሰነቱ ።

እት ፡ ሕጻጽ ፡ ትሰቅላ ፤ ሰይፍ ፡ ለፋግረት ፡ ሳክዩቱ ።

እት ፡ ረድኢት ፡ ዐራ ፡ ባ ፤ ሀያቡማ ፡ ዛምተቱ ።

ቀትላ ፡ ዲብ ፡ ቃትላዩ ፤ በጊድ ፡ ዲብ ፡ ለወቀቱ ።

25 አቡካ፡ ርኢ፡ ቱ፡ ወሳምዕ ፤ ከእሻ፡ ተኣኸ፡ ንየቱ።
 አቡካ፡ ስነት፡ ወደሁ፡ ታ፤ ወስነት፡ እላ፡ ረክበቱ።

626

I ደንጎባ፡ ለሰንያም ፤ ዕትማን፡ ሀላ፡ ወቡላ።
 ሰኔት፡ ላታ፡ ሓክዋ ፤ ወጽዋት፡ ላታ፡ ሰቱራ።
 ኢጼኔ፡ በደና ፤ ሕፍረት፡ ለእሎም፡ ሐፍራ።
 ሕሙይ፡ ወሐሚ፡ ተትቃርብ ፤ ዘዐት፡ እንደ፡ ዐጉላ።
 5 ሐቆ፡ ኡብ-ድካን ፤ ዋራ፡ ከአፎ፡ ነቡራ።
 ሐረት፡ ለክስትት፡ መንገአታ ፤ ኢለፈግር፡ ሐጹራ።
 እት፡ ዐድ፡ ሕድ፡ ትቃንጸት ፤ እንደይ፡ ተምም፡ ለዕቡራ።
 ዮም፡ ለአሓ፡ ትዘመተት ፤ እብ፡ መሐልክሃ፡ ወዐሙራ።
 እብ፡ ቀዕ፡ ትዘመተት ፤ ትትሐሎብ፡ ወአትማ፡ እንደ፡ ልሽሐራ።
 IO እንመክረኸም፡ ሀሌና ፤ ዎ፡ ጸርና፡ ምንዲ፡ ተአምኑና።

627

I ቡን፡ ወቃሪ፡ ወዐራት ፤ ሰለስ፡ ለጽኑዕ፡ ተሀመጃ።
 ቡን፡ ሼካ፡ ትሰትያ ፤ ለትደውር፡ እብ፡ ለረክበታ።
 ትቃልዕ፡ ዲቡ፡ አክትበት ፤ ወተሀጅን፡ ዲባ፡ ደረሳ።
 ቃሪ፡ ልሻስ፡ ቤት፡ ቶሸም፡ ቱ ፤ እብ፡ ዐቕቻ፡ ወረኣሳ።
 5 ዐራት፡ ናይ፡ ንጉስ፡ ታ ፤ እሌ፡ ሀገር፡ ለገዝአ።
 እንደ፡ መጅድ፡ ፍራሹ ፤ ከክማም፡ ገብእ፡ እት፡ ረኣሳ።
 ሰቴ፡ ዲባ፡ አምያሱ ፤ ዐረቂ፡ አዜ፡ ትለመዳ።
 ዐቕቻ፡ ከላክሎ ፤ ታው፡ ትብል፡ ለመጽኣ።
 ክልኤ፡ ትከት፡ ወዝማም ፤ ወሕልጅ፡ እገር፡ ትላወሻ።
 IO እት፡ ሀረሞ፡ ትትፈረር ፤ እንደ፡ ትነሸእ፡ መዐጸዳ።

ሰርጎ ፡ ወለት ፡ ደከኖ ፡ ቱ ፤ ለትደውር ፡ ዲብ ፡ ለዳረታ ።
ሸር ፡ ብድግሁ ፡ ልክልኦኛ ፤ ሸር ፡ ጅዳሁ ፡ ወፈዳ ።

628

ከንቴባይ ፡ ብእምነት ፡ ወከንቴባይ ፡ መሐመድ ፡ መሳኒቱ ፡ ዐለው ፤
ከአዜ ፡ ምን ፡ አበረው ፡ እብላ ፡ ሕላየት ፡ በከዮም ።

I ቀብል ፡ ሕድ ፡ አክረረት ፤ ሀይገት ፡ ክልኦት ፡ ለሐርማዛ ።
ዕርፍ ፡ አውሀረት ፡ ትባጠረት ፤ ዲብ ፡ ሕድ ፡ እንቱ ፡ ለአሸዋካ ።
ዐድ-ዐንደሎይ ፡ ወዐድ-ዘርኢት ፤ ምን ፡ ሕድ ፡ ትፋረራ ፡ ለሐ
ይጸታ ።

ደሀብ ፡ አዜ ፡ ኢኮኔ ፤ ደሀብ ፡ በዲር ፡ ለሞላዳ ።

5 ቅጠብ ፡ ዘርኦት ፡ ከሐድገት ፤ ኢገሜት ፡ እግል ፡ ለአትራፋ ።
ወለትብዕ ፡ ወለኦንስ ፤ ምቅሩብ ፡ ሀላ ፡ ለሐንዋታ ።
ምን ፡ ሐምሕም ፡ እት ፡ ገለብ ፤ ዲብ ፡ ሕድ ፡ ጋዝል ፡ ውላዳ ።
ምን ፡ መዐጀይ ፡ ዲብ ፡ መዐጀይ ፤ ሸከት ፡ ለግርም ፡ ምክያዳ ።
ቤልታ ፡ ወኖረት ፤ ዲብ ፡ ሕድ ፡ መጽእ ፡ ለመሐዛ ።

IO ገጽ-ገምሮት ፡ ወአልገዐታ ፤ መነቲት ፡ ለሕራሳ ።
ምን ፡ ትሰብክ ፡ ገድገድ ፡ ወሸዕብ ፤ ዲብ ፡ ትተርስ ፡ ለአፍርዓታ ።

629

I ዮም ፡ ዕትማን ፡ ትሰፍለልኮ ፤ ዲብ ፡ እግል ፡ እጋዝል ።
እት ፡ ምክላት ፡ አሱሮ ፤ ጅንግላይ ፡ ለመካዝን ።
እግል ፡ ውሀር ፡ ቃጥማሙ ፡ ቶም ፤ ተስታይ ፡ ኢኮን ፡ ወዳብር ።
ምስል ፡ ዐቅቶ ፡ ጸንሐኝ ፤ ምስል ፡ ሸየም ፡ ወካብር ።
5 ምስል ፡ ስኛት ፡ ጸንሐኝ ፤ ዐቢ ፡ ልግበእ ፡ ወሻይብ ።
ምስል ፡ ዐቅቶ ፡ ስትዮ ፤ እብ ፡ ቦርሌ ፡ ለዳውር ።

ብኡስ፡ ላቱ፡ ለዓርዮ፡ ፤ ሰኝ፡ አምር፡ ቱ፡ ወዓግል።
ጀህ፡ ቀሚሽ፡ በዐልና፡ ቱ፡ ፤ ምስል፡ በዐሉ፡ ኢዳብር።
ብሉዕ፡ ትፈጁ፡ ሀሌኩም፡ ፤ ዐሊ-በኪትማ፡ ወዓምር።

630

እግል፡ እሴት፡ ከንቴባይ፡ ናሽሕ፡ ለሐባይ።

I ሐፍነት፡ እትና፡ ወመረት፡ ፤ እሻ፡ እሴት፡ ለመርኢታ።
ሸመታ፡ ነአምር፡ ፤ ዕወያ፡ ወለዘዛ።
ሕክመታ፡ ነአምር፡ ፤ ምልክ፡ ለደገሺታ።
ለደወርሃ፡ ነአምር፡ ፤ ለሳርር፡ ገለጺታ።
5 ለስተያ፡ ነአምር፡ ፤ ሜስ፡ ለዘነኒታ።
ምንማ፡ ትበኼ፡ ሐቆ፡ ቱ፡ ፤ ላሊ፡ እብ፡ ለግዲዳ።
እት፡ ለሐማሃ፡ ፤ ወእት፡ ለወድ፡ ለአምዒታ።
እንዶ፡ ደብአት፡ መንገአታ፡ ፤ ከክርን፡ በትከት፡ ወሂጋ።
ትዘሸሕ፡ ነብራ፡ እጁና፡ ፤ በላለሶት፡ ለአገዳ።
10 እንዶ፡ ተትባግሶ፡ ፤ ከክእና፡ ትከፍእ፡ ለሐሪታ።

631

I ሐመድከካ፡ ም፡ በዐልዬ፡ ፤ ረሺ፡ ወሃ፡ ቱ፡ ወዳዩ።
ቀደም፡ እንዶ፡ ተሸሸ፡ ፤ ከሐርማ፡ አምር፡ አብዳዩ።
እብ፡ ዕስ፡ ዐቢ፡ ፈደዩ፡ ፤ ክብሮምማ፡ እሊ፡ ዕዳዩ።
እት፡ ልተኸል፡ ሐደገዎ፡ ፤ እት፡ ልቀሴ፡ ለግንዳዩ።
5 ዕወይ፡ ለሸመቱ፡ ፤ ለሮራ፡ ሀቱ፡ ቱ፡ ጋዝአዩ።
ገሌ፡ በልዕ፡ ለአካል፡ ፤ ሸዒሩ፡ ወለሸንራዩ።
ገሌ፡ ሰቴ፡ አምያሱ፡ ፤ ወገሌ፡ በልዕ፡ አስጋዩ።
ገሌ፡ ሰቴ፡ ሐሊቡ፡ ፤ ጨንበቄ፡ ለንዋዩ።
ምን፡ ለርሒብ፡ ድዋሩ፡ ፤ ምሮት፡ ገእ፡ ብዕራዩ።


10 ዐድ : ወለት : ነበራይ ፤ ካጅል : ሀላ : ፈታዩ ።
 እብ : እግር : ትከዩዳ ፤ ነጽፋ : ኩሉ : ለማዩ ።
 በዲር : አብ-ዕለት ፤ ሀቱ : ዐላ : ለሐሻዩ ።

632

እግል : ከንቴባይ : ናሸሕ : ክም : ሞታ : ለጬሻ ።

I አመት : ናሸሕ : ሰልም ፤ አክቴ : እግል : ሸሪፋ ።
 አዜ : መን : ከይዳ ፤ ምክያድ : ለመናቢታ ፡
 ገበይ : ሺመት : አምሮ ፤ ጋሜሃ : ወቀሚሻ ።
 ገበይ : ሕክመት : አምሮ ፤ ፍርዳ : ወመርዒታ ።
 5 ገበይ : ደቅበት : አምሮ ፤ ከልኣ : ወብሐታ ።
 እገን : ሰኔት : ትስመዕ ፤ እላማ : እከት : ሚ : ታ ፡
 ምን : ሰብ : ሰልፋ : ተርፈት ፤ እት : ለለገንጊታ ።
 እት : ጽኑዕ : ለስሕተካ ፤ ልዘሸሕ : አምር : ሂጋ ።

ሐይለት ፡ ሕበር ፡ ምን ፡ በናቢን ፡ ዐደታት ።



ሕላዩት ፡ ሕመድ-ኖር ፡ ወድ ፡ ሺተል ፡ በትሩ ።

I ዲብ ፡ ሐዋኒት ፡ እንገሜ ፤ እግል ፡ ንትከተል ፡ አሉላ ።
ሕቢት ፡ እግል ፡ ንሸላክ ፤ ወዋልታ ፡ እግል ፡ ኒጹራ ።

* * *

ክምሰል ፡ ኢዐለት ፤ ግኑሕ ፡ እሊ ፡ ጥልማና ።

ሺመት ፡ ጋና ፡ ነስአያ ፤ ሰብ ፡ ለዲድ ፡ ለሙታና ።

5 “ናይብ ፡ ናይብ” ፡ ልብሉና ፤ ዐብደል-ከሪም ፡ ስኻና ።
ዐብደል-ከሪም ፡ ወናይብ ፤ ወዴተና ፡ ክም ፡ ጋና ።

* * *

ቀጢን ፡ ሶሚት ፡ ሰዋክን ፤ መራክብና ፡ አሸኩላ ።

ሀጅክ ፡ ኢኮን ፡ ወመሐበር ፤ ሐዲድ ፡ ቱ ፡ ለዲቡ ፡ መርሐና ።

ቤት ፡ አቡና ፡ ትቀሸና ፤ ሕድት ፡ ተርፈት ፡ ሐቅሀማ ።

*

10 አና ፡ እላ ፡ ድመልዬ ፤ ሐዳ ፡ ኢኮን ፡ ወዲራ ።

ክስታን ፡ ትፈግር ፡ ድመልዬ ፤ ምድር ፡ ገብሩ ፡ ወአሉላ ።

ወበሐር ፡ ትሳፍር ፡ ድመልዬ ፤ እት ፡ ረክስ ፡ ለባቡራ ።

*

አና ፡ እላ ፡ ድመልዬ ፤ ሐዳ ፡ ኢኮን ፡ ወዲራ ።

ደርሀም ፡ ኢኮን ፡ ድመልዬ ፤ ዲብ ፡ መራብዕ ፡ ቃፉላ ።

15 ወእክል ፡ ኢኮን ፡ ድመልዬ ፤ ከዲብ ፡ ወደኒት ፡ ወርወራ ።

ወሐሊብ ፡ ኢኮን ፡ ድመልዬ ፤ ከዲብ ፡ ዐማይር ፡ ፋጩላ ።

ወሐሳስ ፡ ኢኮን ፡ ድመልዬ ፤ ከእብ ፡ መድሀነት ፡ ካዩላ ።

* * *

ኢረአዩ ፡ ሚ ፡ ቡ ፤ ረአሼ ፡ እንደይ ፡ ልትገደል ፡

ሕርቶማ ፡ ትበኸኝ ፤ ሰብ ፡ ክምሂሌ ፡ ወሶተል ።

20 ቤት ፡ ዳንያማ ፡ ትበኸኝ ፤ ለአርድ ፡ እሾም ፡ ልትሐደር ።

ወቤት ፡ ከሊፋ ፡ ትበኸኝ ፤ ጨዋ ፡ ትወደዎ ፡ እብ ፡ በደል ።

ምልዕሾማ ፡ ትበኸኝ ፤ ለወልዶም ፡ እብ ፡ ደም ፡ ልሸንገል ።

ከሯር ፡ በዐላ ፡ ዐረኪ ፡ ቱ ፤ ወከሯር ፡ በዐላ ፡ መስተንጀር ።

ከሯር ፡ በዐላ ፡ ወድ ፡ ምሯጭ ፡ ቱ ፤ እብ ፡ ቅሩሕ ፡ ዘምት ፡ ወ

እብ ፡ አሸዐል ።

25 ወከሯር ፡ በዐላ ፡ አብ ፡ ራዩት ፡ ቱ ፤ በኘ ፡ በጥር ፡ ክም ፡ ገመል ።

ወከሯር ፡ ሰብአ ፡ መስሐሊት ፡ ታ ፤ ዐድ ፡ ሕድ ፡ ሳምዩት ፡ ታ ፡

ዲብ ፡ ዐንደር ።

ወከሯር ፡ በዐላ ፡ ወድ ፡ ረካ ፤ ሐሀ ፡ ቃምድ ፡ እብ ፡ ዐረር ።

አናዲ ፡ ማይት ፡ ሀሌኮ ፤ ለሞቹ ፡ ምንዲ ፡ ኢትሰተር ።

ወከሯር ፡ በዐላ ፡ ሕመድ-ኖር ፡ ቱ ፤ እሊ ፡ ሀላ ፡ ዲብ ፡ መንደር ።

መሐመድ-ኖር ፡ ወድ ፡ ሸተል-በተሩ ።

1 ሕና ፡ ሞትና ፡ እት ፡ ሸመት ፡ ታ ፤ ወቤት ፡ አስገዴ ፡ ገደቦ ።

ለእግልና ፡ ዐለው ፡ ሐመዳ ፤ እላ ፡ ናይና ፡ ልርከቦ ።

አዩ ፡ ሐጥር ፡ ልብላ ፤ “ ምን ፡ ክትራቹ ፡ ግረቦ ” ፡

አዩ ፡ ጸጋይ ፡ ልብላ ፤ “ ለክላ ፡ ቤቹ ፡ ክበቦ ” ፡

5 ወአዩ ፡ ዕሹር ፡ ልብላ ፤ “ እት ፡ እሊቹ ፡ ስከቦ ” ፡

635

ወድ : ሰሊመቶ ።

እግል : ረክስ : አሉግ : ለጮሻ ።

I እብ : ደንገሎ ። ደኛ ፤ ለድሩይ : እት : ልትካየፍ ።

እብ : ለነጋገሩ ፤ ደርቡ : እት : ልካየፍ ።

ወእብ : ለሰናዲሩ ፤ አድማይ : እት : ልካየፍ ።

636

በዐል : ቅዱት ።

I ሰብ : ኢሊኪዳ ፤ ክብት : እብ : ለጻና ።

አቡዬ : አምዕል : ሞቱ ፤ ምን : ምክያዳ : ትፋና ።

* * *

ሰብ : ኢሊኪዳ ፤ ገድገድ : ወዓሩሳ ።

ሰብ : አከይ : ሐበን : ቶም ፤ ከእሻ : ኢሐብኑካ ።

5 ሃብይ : ቶም ፤ ከሀበይ : ለመስሉካ ።

* * *

ሰብ : ኢሊኪዳ ፤ ሞዳይ : ወድ : ሰቀንዙ ።

ሸማገላይ : ኢከን ፤ ወትግራይ : ፋሊ : ግንዱ ።

እብ : ውንን : ለጋሻይ ፤ እሻ : በላ : ገጹ ።

* * *

ሰብ : ኢሊኪዳ ፤ ሞዳይ : አይ : ወድ : ጉሙም ።

IO ብዬ : ወኢሀይበኸ ፤ ጸርዖም : ልግበእ : ዲሙም ።

ጥዋፍ : ክም : ግናዘት ፤ ዲብ : ዐተሪ : ዐሙም ።

* * *

ሐይለት ፡ ሕበር ፡ ምን ፡ በናቢን ፡ ዐይታት ።

ሰብ ፡ ኢሊኪዲ ፤ ስጋድ ፡ ለሻውያ ፡ ራውያ ።

እት ፡ ልትግለል ፡ ተርፍ ፤ በጽሑም ፡ ክም ፡ ደዋርያ ።

* * *

ሰብ ፡ ኢሊኪዲ ፤ መሐዛት ፡ ለዲብ ፡ ቅሩሕ ።

I 5 ጋሻይ ፡ ማይ ፡ ወዳ ፡ እሉ ፤ ወድ ፡ በዐል ፡ ሰቴ ፡ ፍሉሕ ።

ስሌማን ፡ ወድ ፡ ጭሩም ።

ሐቴ ፡ ያል ፡ ምስል ፡ ወድ ፡ ሑሁ ፡ ትበሕሳ ፡ ክእሻ ፡ ሐሳ ።

I ረቅበዩና ፡ ቱ ፡ እት ፡ ፍድብ ፤ “ቀንጸ” ፡ ቤለው ፡ “ወሐሶሳ” ።

ረቅበዩና ፡ እት ፡ ግድዐት ፤ “ሞታ” ፡ ቤለው ፡ “ወአግዶዳ” ።

ድመል ፡ በዐልታ ፡ እም-ሰጥሐ ፡ ታ ፤ እብ ፡ ሰብ ፡ በዴት ፡
ወእብ ፡ ኖሳ ።

ስንፈእ ፡ ክውይ ፡ ወዴንሁ ፤ ለኢልትለቕጥ ፡ ምን ፡ ሐጸ ።

5 ክሩይ ፡ ገለዳ ፤ ፈጅር ፡ ፈጅር ፡ ለብቆታ ።

ሐቆ ፡ ትደመላ ፤ አንፋ ፡ ክሩይ ፡ ቱ ፡ አቡካ ።

ጭሩም ፡ ስሙ ፡ ከረዋ ፤ ማሌ ፡ ሸካን ፡ ክም ፡ ሞታ ።

እግል ፡ ክንቴባይ ፡ ተስፋምኤል ፡ ምን ፡ አርተዐዩ ፡ በሐባዩ ።

I እሊ ፡ ግሉል ፡ ኢኮኔ ፤ ዎሮ ፡ ዐቅሉ ፡ አጅህንታይ ።

እሊ ፡ ቀሊል ፡ ኢኮኔ ፤ ለለክም ፡ ወጀ ፡ ክም ፡ ጭንጫይ ።

ፍጉር ፡ ናይር ፡ ተሐኝና ፤ ወእመ ፡ ወልደት ፡ እብ ፡ ግሳይ ።

ህምርብ ፡ ዐገባ ፡ ቱ ፤ ሐር ፡ ሚ ፡ ቡ ፡ ወምብአይ ፤

5 ልጽበጥ ፡ ዲቡ ፡ ልሻሱ ፤ ሳርሔና ፡ ወድ ፡ አፍታይ ።

እላ : ወዳ : ከንቴባይ ፤ ቀብል : አባይ : ወፈታይ ።

እት : ቅርብዕ : ሐጨር : ተአሰርና ፤ አና : ወእንታ : ከበሳይ ።

እንታ : ምን : ለሮራካ ፤ ወአና : ምን : ለስሕል : እት : ምሕጋይ ።

ኢተአሰርና : እት : ዕቆት ፤ ወኢቀርኔና ፡ እት : ግንዳይ ።

10 እት : ወግሬተት : ምንዲ : ሰብኩካ ፤ ወፈግረት : ምንካ : ለምትዋይ ።

ምን : ወዱካ : እብ : እዴ ፤ ወምን : ለፈግሩካ : እት : ጸሓይ ።

ረድኢ : ወድ : ጀሚል ።

እግል : አላ : ሐሸላ : ወድ : ተስፋጮን : እት : ሐምድ : ለቤሻ ።

1 አብ-አርዐዱ : ወወልዱ ፤ ምስል : ጋብአም : ርዳሩት ።

እም-አርዐዱ : ኢትግዕዝ ፤ ዓይረት : ኢኮን : አቅዋሻት ።

ቤት : ለሕሹል : ኢመጤ ፤ ታብት : ዲቦም : ማላታት ።

ቤት : ለጅዑል : ኢበልዕ ፤ ቀኝጽ : ምን : ለጠዋታት ።

5 ሕምሳ : ሰብ : ለክልኤታት ፤ ሰብካ : ምስል : አራባት ።

ሕምሳ : ለብኩር ፤ በኑ : ሰብር : እት : ሳሳት ።

ሕምሳ : ረብዓታ ፤ ረፍዕ : ምን : ለአግዳሩት ።

ሕምሳ : ተስቶታ ፤ ምድር : ከልስ : እብ : ሳባት ።

ሕምሳ : ሐቴ : ሰብረት ፤ ኢተዐለበት : ጣላታት ።

10 አዜማ : ሸዩም : ሐደግኩም ፤ ለጉሲት : ዲብ : ለዐራታት ።

ኢሀዩባ : እት : መትሎ ፤ ወለት : እዝኖም : ታ : ደላታት ።

ዐብደላ ፡ ወድ ፡ መሐመድ ።

ዲብ ፡ ወዐስ ፡ ዔረው ፡ ወሽዕብ ፡ እግል ፡ ኢልዒሮ ፡ ጋሻ ፡ ፈር
ሀው ፤ ከሀቱ ፡ እላ ፡ ሐላ ።

I እሊ ፡ ዲቡ ፡ ሐወጽና ፤ መሐደር ፡ ሽዕብ ፡ ቱ ፡ ወገድገድ ።
እማቱ ፡ ሸከኸት ፡ አለባ ፤ አግሑር ፡ ኢኮን ፡ ወገርበት ።
እማቱ ፡ ገዐፍ ፡ ትትሐሊብ ፤ ማሉእ ፡ ምኛ ፡ አግርበት ።
እማቱ ፡ ትሸቆድ ፤ እት ፡ ልትሄረር ፡ ለአውሀረት ።

5 ጥዕም ፡ ታ ፡ ለሽዕበት ፤ ዐድ ፡ ሕድ ፡ ታልዩት ፡ ታ ፡ እብ ፡ ግርመት ።
አይበድ ፡ እት ፡ ለምዕቃቃ ፤ ወሰመሩር ፡ ለአርመት ።
ናዱ ፡ ምኛ ፡ ሰብ ፡ አካት ፤ ሰብ ፡ መሳውድ ፡ ወሸመት ።
አሚር ፡ ዓድል ፡ ልምጽአኛ ፤ እግል ፡ ንምበር ፡ እብ ፡ ሕክመት ።
ወበሐር ፡ ትልመም ፡ ፍንጌና ፤ እብ ፡ አፍ-ለብካ ፡ ወለመት ።

10 እብ ፡ ምትንፋስ ፡ ክረያ ፤ ዐንሰባታት ፡ ወደኝት ።
ክልኤ ፡ ማርያ ፡ ድገሉብ ፤ ከሮራ ፡ ነቅፋ ፡ ወሸመት ።
እግል ፡ ትጽብጥ ፡ ለናፍራዮም ፤ አድብሐ ፡ ወደኝት ።
ወትርፈዕ ፡ ምን ፡ ሐስመት ፤ ከትድበእ ፡ አፍ ፡ ለባበት ።
ዓመት ፡ ቤት-አስገዴ ፡ ወሸከ ፤ ዲብ ፡ ሕድ ፡ ትግበእ ፡ አቅርነት ።

15 ትፍገር ፡ ምኛም ፡ ትግሬሆም ፤ ለእላ ፡ ቀርጾ ፡ ክም ፡ ሸመት ።
ልፍገር ፡ ምኛም ፡ አጥፋሎም ፤ ወገለም ፡ ላቱ ፡ እት ፡ አመት ።
ሚ ፡ ዲበት ፡ ታ ፡ እላዲ ፡ ትትዋሌ ፤ ለጋብእ ፡ ዲባ ፡ ዐመት ።
እላ ፡ ታ ፡ ባልዐት ፡ ምስልሚን ፤ ለአብዴት ፡ ክላ ፡ አመት ።
ቤት-አስገዴ ፡ እብ ፡ ሰይፍ ፤ ወመንዱቅ ፡ ትብዴ ፡ ወእብ ፡ ሕክመት ።

ዕትማን፡ ወድ፡ ዓምር ።

- I ሐመድኮካ ፡ ዎ ፡ በዐልዬ ፤ ወሃ ፡ ቱ ፡ ረሺ ፡ አልዕዛ ።
 ሐምዴ ፡ ትፈቱ ፡ እንታማ ፤ ምን ፡ ሐምዱካ ፡ እግልካ ።
 መን ፡ ረአዩ ፡ ለሕብርካ ፤ ወመን ፡ ተሃጋ ፡ ምስልካ ፡
 በዲርማ ፡ ጀነት ፡ መኔካ ፤ ነፍስካ ፡ እግል ፡ ተክብራ ።
 - 5 ወጃሀነብ ፡ ሀዬ ፡ መኔካ ፤ ለበዐል ፡ ለሐራም ፡ ልብሐታ ።
 ትሰኬ ፡ ምኛ ፡ ወኢትፈግር ፤ ነፍሱ ፡ እሳት ፡ ትቀምጃ ።
 ነትል ፡ ምኙ ፡ አራዊት ፤ ምን ፡ ለአግባብ ፡ እት ፡ ስምጣ ።
 በዲርማ ፡ መኸ ፡ መኔካ ፤ ለተክሩር ፡ ጸላም ፡ ትነግጃ ።
 እንዶ ፡ ተትዋርስ ፤ ማላታ ፡ ተሐድግ ፡ ወክብታ ።
 - 10 ስንቃ ፡ ምን ፡ ኖሳ ፡ ቱ ፤ ምን ፡ ለአድሃብ ፡ እት ፡ ሕግሳ ።
 ለሀብ ፡ ሀላ ፡ መዲነት ። መን ፡ ረአዩ ፡ ቀብርካ ፡
 ለቅፍር ፡ እቼ ፡ ለበዐልዬ ፤ ሐብረኒ ፡ ምስልካ ።
- * * *
- ሐመድኮካ ፡ ዎ ፡ ዐዚዝ ፤ ጀላ ፡ ጀላሉ ።
 ገሌ ፡ ሕፍረት ፡ ተሀይሾ ፤ ምን ፡ ውላዱ ፡ ወማሉ ።
 - 15 ወገሌ ፡ ጀነት ፡ ተሀይሾ ፤ ከከበር ፡ ገብእ ፡ አስራሩ ።
 ሺመት ፡ ሐመድ ፡ አልምሀዲ ፤ ነጋጊሩ ፡ ወሀዳሩ ።
 ጸላል ፡ ዕጩት ፡ እንመልእ ፤ ምን ፡ አዳሙ ፡ ወማሉ ።
 መን ፡ ረቂቁ ፡ ለዐዳ ፤ መን ፡ አምሮ ፡ ለሐባሩ ፡
 ምን ፡ ለፈርደት ፡ ተንከትከት ፤ ወምን ፡ ረአስ ፡ ለሮሻኑ ።
 - 20 መን ፡ ቱ ፡ ለርዝቁ ፡ ለአምር ፤ ወመን ፡ ቱ ፡ ለዕምሩ ፡ ሐካ ፡ እሉ ፡
 ሕያይ ፡ ላቱ ፡ ቀትሎ ፤ ወማይት ፡ ወዴ ፡ ብጣሩ ።

እብ፡ ምስምሳ፡ ዕባይት፡ ለቤሻ ።

- I ሐመድኮካ ፡ ዎ ፡ በዐልዬ ፤ ሐምዴ ፡ ትፈቱ ፡ ወሸክር ።
 ሰም ፡ ትፈቱ ፡ ወሰላት ፤ ቅርአን ፡ ትፈቱ ፡ ወዝክር ።
 ሐመድኮካ ፡ አሰቡሕ ፤ ወሐመድኮካ ፡ አድሀር ።
 ሐመድኮካ ፡ አመቅረብ ፤ ወሐመድኮካ ፡ አልዐስር ።
- 5 ሐመድኮካ ፡ አልዒሻ ፤ እዋን ፡ ለእላ ፡ ነከርር ።
 ሐመድኮካ ፡ ዶል ፡ ቅሳን ፤ ለእንዶ ፡ ሞታ ፡ ለቀሽል ።
 ዕጨት ፡ አልጦብያ ፤ ፍንጌ ፡ ዐስተር ፡ ታ ፡ ወምድር ።
 መን ፡ በጽሐ ፡ እብ ፡ እዴ ፤ ወመን ፡ ከይዳ ፡ እብ ፡ እግር ፡
 ዕዛል ፡ አውልያ ፡ ታ ፤ ትቀርእ ፡ እታ ፡ ወትፈሽል ።
- 10 አውልያ ፡ ስራጥ ፡ ትትዓዴ ፤ እንዶ ፡ ወዴት ፡ ደነሽር ።
 እት ፡ ጀነት ፡ ትትካሬ ፤ ምን ፡ ለስራጥ ፡ ምን ፡ ትፈግር ።
 ሰይፍ ፡ ሕሴን ፡ ወድ ፡ ብክር ፡ ቱ ፤ ወሰይፍ ፡ ሐሰን ፡ ወድ ፡ ዳግም ።
 ውላድ ፡ ፋጥና ፡ ቶም ፡ ወዐሊ ፤ ሐሴ ፡ ሚ ፡ ቦም ፡ ወዕድል ፡
 ለሀብ ፡ ሀላ ፡ መዲነት ፤ ምን ፡ ኡብአዩ ፡ ዲብ ፡ ክብር ።

እግል፡ አውልደ፡ ለቤሻ ።

- I ምን ፡ ትመይት ፡ አውልያ ፤ መን ፡ ደብድሻ ፡ እት ፡ ቀብር ፡
 እት ፡ ጀነት ፡ ትትካሬ ፤ በዳላታት ፡ ምን ፡ ትነፍር ።
 ሰቡዕ ፡ አዋልድ ፡ ሐውርያ ፤ ለባባት ፡ ዐቅባ ፡ ክል ፡ ፈጅር ።
 መነተን ፡ ዕነብ ፡ ቱ ። መቅርሕ ፡ ሚ ፡ በን ፡ ዲብ ፡ እክል ፡
- 5 ጼናሀን ፡ ቅዱይ ፡ ቱ ፤ ወሕብረን ፡ አዳም ፡ ኢመሽል ።
 መስከበን ፡ ጀነት ፡ ታ ። መን ፡ ከይዳ ፡ እብ ፡ እግር ፡
 ነቢ ፡ ልብል ፡ “አመቺ” ፤ ከረምቅ ፡ እላ ፡ ወደኸል ።
 ሰቶሀ ፡ ሚስ ፡ ጀነት ፡ ቱ ፤ ከልትዐላጀጅ ፡ ወሸክር ።

644

እብ፡ ምስምሳ፡ ሞት፡ ለቤሻ ።

- I መን፡ ልውዕል፡ ምን፡ እላ፡ ለትወላዳ፡ እግላ፡ ቱ ።
 እላ፡ “ጽኑዕ፡ ቱ”፡ ኢትብል ፤ ደሀብ፡ ላቱ፡ ሞላዱ ።
 እላ፡ “ሕንቁቅ፡ ቱ”፡ ኢትብል ፤ ንኡሽ፡ ሐንቴ፡ መርዓቱ ።
 እላ፡ “ጽጉብ፡ ቱ”፡ ኢትብል ፤ ንዋይ፡ ማልእ፡ ለአፍርዓቱ ።
- 5 እላ፡ “ሹም፡ ቱ”፡ ኢትብል ፤ ንጉስ፡ ለመልክ፡ ኢመሓዙ ።
 እላ፡ “ወልእ፡ ቱ”፡ ኢትብል ፤ ክም፡ ሰብ፡ ትገይስ፡ ትንፋሱ ።
 ባልዓዩ፡ በልዓ ፤ እሊማ፡ ጎና፡ ስጋ፡ ቱ ።
 እብ፡ ክቡቡ፡ ደርብዎ ፤ ኢከቱሮ፡ ወኢማጡ ።

* * *

እድሪስማ፡ ዐላ፡ ልሸኤ ፤ ህቱማ፡ ጸብጣ፡ ገበዩ ።

- 10 ስምሓኖ፡ እሉ፡ አብ-ዕመር ፤ ዲብ፡ ሺባቱ፡ ለእከዩ ።
 ለሒለት፡ ክምሰል፡ ትከለሰት ፤ ወማሉ፡ ክምሰል፡ ሐልፊዩ ።
 ሐይስ፡ እግል፡ አብ-ንሹር ፤ ለሐሁ፡ እንዶ፡ ቀብረዩ ።
 አግርሀ፡ በርካ፡ ምን፡ ትገብእ ፤ ለከሌብ፡ እንዶ፡ መልአዩ ።
 ገሌ፡ መጽእ፡ እብ፡ ሰምበት ፤ ወገሌ፡ እንዶ፡ ረአዩ ።
- 15 ምን፡ ዘምቶ፡ አቴ፡ ቡ ፤ ወምን፡ ልዘመት፡ ከልአዩ ።
 እብ፡ ለአፍ፡ ለመረዲት ፤ ለገቢል፡ ኩሉ፡ ሀበዩ ።
 ከረን፡ ለድኚ፡ ዐድ-ማልክ ፤ በለስ፡ ሌጣ፡ ወርሰዩ ።
 ሕና፡ ሚ፡ ጋርና፡ አካ፡ እግል፡ ለረአዩ ።
 መስከብ፡ አቦትና፡ ቱ ፤ ወኢፈቴና፡ ለእከዩ ።
- 20 ሰብኡ፡ ልንሔ፡ አግዳፋት ፤ ለጽኑዕ፡ እንዶ፡ ሐግዘዩ ።

645

እግል፡ ሐሰን-ግብሪ፡ ወድ፡ ናይብ፡ ለተባህለት።

I “ ሐሰን፡ ፈግራ ” ፡ ልብሎ ፤ ወ “ ሐሰን-ግብሪ ፡ ፈግር ” ።
 ረደእ ፡ እብ ፡ ጅላብ ፤ ዕዉት ፡ እንቱ ፡ ለቀብል ።
 ወበዩእ ፡ እት ፡ አልጉግ ፤ እት ፡ አለሚት ፡ ወእት ፡ ግርግር ።



ዲብ ፡ አያ ፡ ጉብእ ፡ ኢጊስ ፤ ከሐብሬካ ፡ ሐብር ፡
 5 ሰምራ ፡ ገድገድ ፡ ገአካ ፤ እብ ፡ ለመስእል ።
 መድገሚቱ ፡ ጽዊት ፡ ታ ፤ ላማ ፡ ፈጅር ።
 ለሀይማ ፡ ብዙሕ ፡ ሓክም ፡ ቱ ፤ ወብዙሕ ፡ ሀድር ።



ከአያ ፡ ጉብእ ፡ ኢጊስ ፤ ከሐብሬካ ፡ ሐብር ፡
 ፍካክ ፡ ነቅፋ ፡ ገአካ ፤ ለአለቡ ፡ ዕድል ።
 IO ክስታን ፡ ወምስልመት ፤ ኩሉ ፡ እግሉ ፡ ሸንክል ።
 ማሉ ፡ ወስልሓቱ ፤ እግል ፡ አዳም ፡ ኩሉ ፡ አክል ።



ከአያ ፡ ጉብእ ፡ ኢጊስ ፤ ከሐብሬካ ፡ ሐብር ፡
 ዳፍላ ፡ ተረከበት ፡ ገአካ ፤ ማንጊት ፡ ትመስል ።
 ሀያብ ፡ እምበል ፡ ሌላ ፤ እንዶ ፡ ሸክር ።
 I5 እንዶ ፡ ሐርጥ ፡ ሀያብ ፤ ምን ፡ ለግፍል ።



እተያ ፡ ጉብእ ፡ ኢጊስ ፤ ከሐብሬካ ፡ ሐብር ፡
 ትራጅ ፡ ሀይገት ፡ ገአካ ፤ ዘማት ፡ ውህር ።
 ማሉ ፡ ከሌሳዩ ፡ ከሐድጋ ፡ ምኑ ፡ ዐስር ።
 ሸቦት ፡ ሰንሒት ፡ ገአካ ፡ ወአቢብ ፡ መአምን ።

646

ሙሳ : ወድ : ግራ ::

እግል : ናደብ : ሕያ : ወድ : ሐመድ : እት : ለሐምድ : ለቤሳ :
ሕላየት ::

1 ሕያ : ወድ : ሐመድ : ዓቃ ፤ እምበር : ወሀሌ ::
አስክ : እንታ : ሀሌካ ፤ ወትትሐምረግ : ወትጸሬ ::
ጸርዬ : ሳገማ ፤ አና : እልካ : እት : ሐሌ ::
ምን : ሕርጊጎ : ዲብ : ሐባብ ፤ እንደማ : ግስኮ : ኢዐሬ ::

* * *

5 ሕያ : ወድ : ሐመድ : ዓቃ ፤ ለአዳም : ልትላየድ ::
ሀቶም : ዳሩኮ ፤ ወሀቱ : ሐዜ : ግሳየት ::
ዕጨት : አልጡብያ ፤ ገርሰት : ኢኮን : ወዐዳየት ::
ኢከልእ : ወኢሰኸ ፤ ዲብ : አፍ : ላማ : ሕላየት ::

* * *

ሕያ : ወድ : ሐመድ : ዓቃ ፤ ሞጥዐት : ምን : ለዐል ::
10 ዘላይሙ : እት : ልሄትት ፤ ገመኔሀ : እት : ልትገዐር ::
ፋንጃይ : ጸሊም : ቱ : ዲብ : አውለት ፤ ትርካይ : ቀይሕ : ዲብ :
በሐር ::

* * *

ሕያ : ወድ : ሐመድ : ዓቃ ፤ ሐየት : ከርከዴን ::
እት : ሀመንርብ : ደማቂ ፤ ወድ : ለእንሳ : ዐድ-ዕሚር ::

* * *

ሕያ : ወድ : ሐመድ : ዓቃ ፤ ሐየት : አይነበዕ ::
15 ምን : ከማሞ : ሐምሐሞ ፤ ወምን : ሐምሐሞ : ደበረዕ ::
አለቡ : ቀርሽ ፤ ሰዳስ : እንቱ : ወረበዕ ::
ዕቅቡ : እምበል : ኢመስክን ፤ ወቀርኑ : እምበል : ልሸላዕ ::

ዲብ ፡ ለሕረም ፡ ልትባኬ ፤ ወዲብ ፡ ለንዋይ ፡ ልትበለዕ ።

* * *

ሕያ ፡ ወድ ፡ ሐመድ ፡ ዓቃ ፤ ሐየት ፡ ኬርያ ።

20 ግሎት ፡ ገመኝ ፤ አዩ ፡ ራዲ ፡ አትያ ፡

መን ፡ ደቕሻ ፡ ረፍዓ ፤ ወመን ፡ ደቕሻ ፡ ጸውያ ።

* * *

ሕያ ፡ ወድ ፡ ሐመድ ፡ ዓቃ ፤ ሐየት ፡ ፍራሻ ።

ላሊ ፡ ገይስ ፡ ወአምዕል ፤ ሰዐይ ፡ ሓብር ፡ ወጋሻ ።

647

እግል ፡ ናይብ ፡ ሕይ ፡ ሰብ ፡ ባጽዕ ፡ እንዶ ፡ ሰዐረዎ ፡ ብዕድ ፡ ምን ፡
ሸየመው ፡ ለቤላ ፡ ሕላየት ።

1 ናይብ ፡ ሕያ ፡ ባጽዕ ፤ ዲብ ፡ ድስ ፡ አብሸለቶ ።

ገኖሁ ፡ ዐራት ፡ ሐሸለቶ ፤ ወስግሁ ፡ ተጀር ፡ ካፈለቶ ።

አቅርንቱ ፤ ዲብ ፡ በይናን ፡ አጅመለቶ ።

ሙሳ ፡ “ ወላ ” ፡ ቤላ ፤ ምንዲ ፡ አጥዐመቶ ።

5 ዲሳ ፡ ወድ ፡ መፈርሕ ፤ ግኔ ፡ ሸኸረቶ ።

ሐርማዝ ፡ ዋድቅ ፡ ገንሐት ፤ ከእሻ ፡ ጋረበቶ ።

እግል ፡ ከብድ ፡ ፍጋር ፤ ወእግል ፡ ሕልቅም ፡ ሕንቆ ።

* * *

እምበል ፡ ሐቲ ፡ ባጽዕ ፤ እዲና ፡ ከሬት ፡ ጆራ ።

ባጽዕማ ፡ ተወዲቃ ፤ ምን ፡ ልጅላል ፡ ጸራ ።

10 ወለትኩምማ ፡ አንስ ፤ ኢተሀይሻ ፡ ጥራ ።

648

ናይብ ፡ ማል ፡ እግል ፡ ለሀሮ ፡ እንዶ ፡ ቤላ ፡ ለሐቢያ ።

1 አና ፡ ትዘቤክ ፤ ወደወኒ ፡ ዲብ ፡ ቃሊ ።

ምሹል : ወዲ : አቤኩም ፤ ፍንጌ : አምዕል : ወላሊ ::
 አብ-ሕያ : አስሙዕ : እልዩ ፤ ጸ-ዳቅ : ወበዐል : አማኒ ::
 ናይብ : ሐመድ : አስሙዕ : እልዩ ፤ ውቕል : ረአስ : ለዐላሊ ::
 5 መሐመድ : ቀርሽ : ሀቤኒ ፤ ክምሰል : በዐል : ለሐባሊ ::
 ኬዴ : ገብአት : ቤት-ሰቴ ፤ ክም : ደም-ቅማ : ወናሊ ::
 ስሕት : በትከት : ወዳይዕ ፤ ጸብሕ : በትከት : ወዓሊ ::

ገርጊስ : ወድ : ጀሚል ::

1 ገበይ : እሊ : ምድርካ ፤ ሐፍነት : ወመረት : ዲብና : ላልሃ ::
 ላሊ : ሸግራይ : ንታኬ ፤ ወአምዕል : መልእክ : ወደላ ::
 መስኩብ : በርዕድ : ምን : ርኤና ፤ ገሮብና : እሻ : ሰፍለላ ::
 በርዕድ : እንዳይ : ተደርር ፤ እንዶ : ገሻእ : አመላ ::
 5 በዐል : ሐበን : ሐዘ : ቱ ፤ ጸጋይ : ወደዔ : ጀፈራ ::
 ተአሰራ : አቡና ፤ ፈቅደኛ : ዲብ : ለኼከት : አክረራ ::
 ሚዛኑ : እት : ኖሱ : ቱ ፤ ዕዳል : ሚ : ቡ : አሰራ :
 ሐሽም : ክቡድ : ልትሐደር ፤ ወግሹይ : ጸንሕ : መሐበራ ::
 ገሌ : እንዳ : አካሉ : ቱ ፤ ገሻይሹ : አፍገራ ::
 10 ሔሳሱ : ልትክዔ ፤ ከዲብ : ለቀድሕ : አቅበላ ::
 ወገሌ : እንዳ : አስጋዩ : ቱ ፤ ዲብ : አወጽም : ዘርዘራ ::
 ገሌ : እንዳ : ሐላይቡ : ቱ ፤ ዲብ : ዐማይር : ፋጨላ ::
 ወገሌ : እንዳ : ሰለቂት : ቱ ፤ አምያሳቱ : ሐንዘራ ::
 ቤቱ : ሕጅት : ትትማሰል ፤ በይእ : ወፈግር : ወአቅበላ ::
 15 ማመት : ምን : ንዋይ ፤ በርዕድ : ሌጣ : ጸገራ ::
 ማመት : ምን : ዐጣል ፤ ሐማሌታት : ካፈላ ::

እብ ፡ ቀብር ፡ ዛይድ ፡ ቱ ፤ ከአርበዕ ፡ ቀብር ፡ ትቀበራ ።

ቤት ፡ አብ ፡ ግዳዕ ፡ ቱ ፤ ጀፈራ ፤ ወአሐማ ፡ መካን ፡ ታ ፡ ከለላ ።

ግዳዕ ፡ ዘዐት ፡ ኢበልስ ፤ ቤት ፡ አብ ፡ እት ፡ ለመሐበራ ።

20 ተሀኔት ፡ ኢኮን ፡ እግርና ፤ ሀይሻ ፡ እንዶ ፡ ተሐገላ ፡

ምን ፡ ኖስና ፡ ሐገልና ፤ ወምን ፡ ሐዜና ፡ ተሐለልና ።

ወለት ፡ ሓጃ ፡ እት ፡ ኖረት ፤ ለዙዕና ፡ በላ ፡ ሰመራ ።

አምዕል ፡ ለሞት ፡ ለመምባሃ ፤ ግሩም ፡ ዐላ ፡ ዘፈና ።

ዲብ ፡ ለአማቱ ፤ ለእት ፡ ለመርዓቱ ፡ ትደርደራ ።

25 እግል ፡ ለንጋረት ፤ ዲብ ፡ ለረአሳ ፡ አስቀራ ።

ስቡር ፡ እንቱ ፡ መጋቡ ፤ ቦሸት ፡ ብዝሕት ፡ ፈንጠራ ።

ሰይፉ ፡ ጅሉድ ፡ ቱ ፤ ልደራገግ ፡ ለፍተላ ።

ቀየሕ ፡ ጁከት ፡ ዕሌጂ ፤ ሐዳስ ፡ ፈግረት ፡ ምን ፡ በሐራ ።

ቅንፍር ፡ ለትሐሽ ፤ ቅዲት ፡ ጼኔ ፡ ለደገላ ።

30 ምን ፡ ትብል ፡ “ንዕኖ ፡ ቡ” ፤ እሻ ፡ ሐይስ ፡ ለሐበና ።

“ኢኮን” ፡ ምንዲ ፡ ትብለኹም ፤ ኢእቀራቅሕ ፡ እብ ፡ ተራ ።

I አምና ፡ ምኒት ፡ ሰልም ፤ ደሀባ ፡ አስበራይት ።

እንዜ ፡ ወኬን ፡ ትብል ፤ ከብድ ፡ ለተሮክያይት ።

አሰር ፡ ኢተፈግር ፤ ቀጣን ፡ ክም ፡ ብጋይት ።

እብ ፡ ደፍአኩም ፡ ተናኩፋ ፤ ለእሺት ፡ ብእሳ ፡ ማይት ።

5 ቀየሕ ፡ ምጭዕት ፡ ኢኮን ፤ ወጸላም ፡ ሻንቅላይት ።

ተኝት ፡ ራበበታ ፤ ለግርሳ ፡ ክምሆላይት ።

ደብና ፡ ሕግር ፡ ሌማን ፤ ወደብና ፡ ዐጠልማይት ።

ቀብል ፡ ሙሳ ፡ ዘምታ ፤ ፈጅር ፡ እብ ፡ ጌላይት ።

ሕበር ፡ ቱ ፡ ጌለለዩን ፤ ዐርባ ፡ ውብጋይት ።

10 ገቢል ፡ ዐማም ፡ ሸመት ፤ ገርዛ ፡ ወፋንዳይት ።

መምባ ፡ ትግሬ ፡ እንታ ፤ ወዘባጥ ፡ መንግይት ።

ፍዳ ፡ ወዴናኪ ፤ ስብር ፡ ሐምበላይት ።

651

ወድ ፡ ሸካይት ።

እግል ፡ ሹም ፡ መሐመድ ፡ ደበከት ፡ ለሐሊዩ ።

1 ዔደባይ ፡ ሐ ፡ ሻነት ፤ ኩሩብ ፡ ሐየት ፡ ዐድሐ ።

እብ ፡ ሐጸን ፡ በድረዋ ፤ እዴ ፡ ለሻፍግ ፡ ዋርሃ ።

እንታ ፡ ወእላ ፡ ቱ ፡ ትከርዐኸ ፤ ወሕፍረት ፡ ለመሳር ፡ ትደድሃ ።

ጭንጫይማ ፡ ሐፈት ፡ ኢከስታ ፤ ቤት ፡ ኡብ ፡ እንዶ ፡ ኡብዝሐ ።

652

ሕላዩት ፡ እናስ ፡ ሞጥዐት ።

1 ኦስመራታት ፡ ካዩድና ፤ ኢልደረር ፡ ጋሻዩ ።

በዲር ፡ መስከብ ፡ አሉላ ፡ ቱ ፤ ወአዜ ፡ በዳ ፡ ትግራዩ ።

ሰሐጢ ፡ ወግንደፅ ፤ አጊድ ፡ ትፈግር ፡ ጸሐዩ ።

ወድ ፡ እም ፡ አለቡ ፤ ሐቴ ፡ ሌጣ ፡ ታ ፡ ንቃዩ ።

5 ቀባ ፡ ለሃዊ ፤ መአማር ፡ አባ ፡ ስራዩ ።

ሐሰት ፡ አስማ ፤ ግልትብ ፡ እግል ፡ ሳትያዩ ።

ስምሐኖ ፡ እሊ ፡ መወዲት ፤ ነቄት ፡ እቱ ፡ ከራዩ ።

አዳም ፡ በዴ ፡ ወበቕል ፤ አዜማ ፡ በዐልዬ ፡ ቱ ፡ ታሻዩ ።

653

ሕላዩት ፡ ዎሮት ፡ እናስ ።

- I አምና ፡ ተኩሽ ፡ ዎ ፡ መሐሙድ ፤ እሌ ፡ ዝዕና ፡ በላ ፡ ቱ ።
 ሰሊብ ፡ ወደምበዕ ፤ ዐዳ ፡ ዳምር ፡ በርካ ፡ ቱ ።
 ምን ፡ ተሐት ፡ ባትኮ ፡ ጀሪዳ ፤ ወምን ፡ ለዐል ፡ ላክፎ ፡ ዐካቱ ።
 ደራባይ ፡ ለከወኒ ፤ ለትናፍስ ፡ ባባቱ ።
- 5 ላክፎት ፡ ለእበኑ ፤ ወባለሶት ፡ ለበስዋቱ ።
 እዛዝ ፡ ዲብ ፡ ለጽብጦካ ፤ ዐድና ፡ ርኤካ ፡ ምክያዳ ፡
 ምን ፡ ነትራይም ፡ መላህይና ፤ ወምን ፡ ነትቃርብ ፡ ወልና ፡ ቱ ።
 “ግርቤብ ፡ ቱ” ፡ በላ ፡ “ወዐላይታይ” ፤ መስከብ ፡ መስከብ ፡ አቲ ፡ ቱ ።
 “ሻይብ ፡ ቱ” ፡ በላ ፡ “ወኩራ” ፤ ረአሱ ፡ እብ ፡ ሸብ ፡ ጸዐዳ ፡ ቱ ።

654

ሕላዩት ፡ ዎሮት ፡ እናስ ።

እግል ፡ ሹክ ፡ ሙሳ ።

- I አና ፡ ሹክዬ ፡ ሹክ ፡ ሙሳ ፡ ቱ ፤ ዐብደል-ገነን ፡ እብ ፡ ረአሱ ።
 ወክድ ፡ ለዕራፋት ፤ ልክሬ ፡ ዲብዬ ፡ ሐጅብቱ ።
 ሹክ ፡ ተውሊል ፡ አኮኒ ፤ ደውር ፡ እሻ ፡ ጨሐፊቱ ።
 ወሹክ ፡ መውሉድ ፡ አኮኒ ፤ ተድዕ ፡ ደውር ፡ እብ ፡ መአሱ ።
- 5 ምን ፡ ሐዘዎ ፡ እንሳሁ ፤ ምን ፡ ትበደለት ፡ ሰነቱ ።
 ዘጋ ፡ ምኛ ፡ ዕራረት ፤ ላሊ ፡ ገዐዛ ፡ እብ ፡ ዐዳ ።
 ትከሸተዮም ፡ ቀላቅል ፤ እብ ፡ ዘላይሙ ፡ ወአይበዳ ።
 እሻት ፡ ሐድገት ፡ ምደታ ፤ ወእናስ ፡ ሐድጋ ፡ ለግድቡ ።
 እት ፡ ልትባኬ ፡ ውላዳ ፡ ወእት ፡ ልትንሐቅ ፡ ሐውረቱ ።

655

ሕላዩት ፡ ዎሮት ፡ እናስ ።

እግል ፡ ነፍሱ ፡ ለቤሻ ።

- I እጎሌ ፡ ነበርኮ ፤ “ ሌሎይ ” ፡ እብል ፡ ወ “ ላላ ” ።
- እሸልክ ፡ ነበርኮ ፤ ግሸት ፡ ለሸንኩይ ፡ ክላላ ።
- እትዐንደቅ ፡ ነበርኮ ፤ ዘኛቢቺ ፡ ብጣራ ።
- እትሓሰስ ፡ ነበርኮ ፤ ቅዱት ፡ ጸላም ፡ ዕሻራ ።
- 5 እትሃጀክ ፡ ነበርኮ ፤ ዓግር ፡ ሐን ፡ ለክራራ ።
- ወሐሌ ፡ ነበርኮ ፤ ከራተፎት ፡ ለክዋና ።
- ወእሰቴ ፡ ነበርኮ ፤ ሐሊብ ፡ ምን ፡ ለዕማራ ።
- ወእበልዕ ፡ ነበርኮ ፤ ገሺሽ ፡ ለጋብእ ፡ ዝላላ ።
- አጸቅለሌ ፡ አከርር ፤ እላ ፡ እጅት ፡ መታና ።
- 10 ሀታ ፡ መምባ ፡ እማታ ፡ ታ ፤ ወአና ፡ መምባ ፡ ክዋና ።
- እት ፡ እተክል ፡ ተረፍኮ ፤ ክም ፡ ዕጫይ ፡ ለእራራ ።
- አዜ ፡ እንዶ ፡ ትደዩስኮ ፤ ለከብድ ፡ ሰክበት ፡ እብ ፡ ሃላ ።

656

ሕላዩት ፡ ዎሮት ፡ እናስ ።

እግል ፡ ጳድም ፡ ወድ ፡ ሲይሃይ ።

- I አድም ፡ ሲይሃይ ፡ ወደያ ፤ አዮ ፡ ወምስትንክር ።
- ወድ ፡ አድግ ፡ ጠልቅ ፤ ወወድ ፡ ከራይ ፡ ልጽዕር ።
- ዲብ ፡ ዝመታም ፡ ጸንሕ ፤ ወምስል ፡ ለዛምተት ፡ ከኛል ።
- እሺት ፡ እምባ-ዴርሆ ፤ ወእሺት ፡ ሐቴ ፡ መዝብር ።
- 5 እሺት ፡ ዲብ ፡ ከበሳ ፡ እግል ፡ ለሐልፋ ፡ ተአንግር ።

ወእሸት ፡ ዲብ ፡ ደከኖ ፤ ዲማ ፡ እብ ፡ ለሃ ፡ እት ፡ ትነብር ።
 ምን ፡ ዐድ ፡ ሹማ ፡ መጽአት ፤ እላ ፡ በቀል ፡ ትሰግር ።
 ምን ፡ መስሐሊት ፡ መጽአት ፤ እላ ፡ ደርህም ፡ ተሐንዝር ።
 ወእሊ ፡ እንታ ፡ ትወደዮ ፤ ዲብ ፡ ታርፌካ ፡ ፈግር ።

657

ሕላዩት ፡ ዎሮት ፡ እናስ ።

I እንዘምታ ፡ ብጋይት ፤ ዲብ ፡ መዓል ፡ ለዐድሐ ።
 ክሪት ፡ ሀሌት ፡ ዋከቹ ፤ አዩ ፡ ራዲ ፡ በልዓ ፡
 ተአሸረት ፡ ገደቦ ፤ ፈጅር ፡ በዐላ ፡ ፈትሐ ።
 አና ፡ እላ ፡ ነፍሼ ፤ ሸር ፡ ለኖሳ ፡ ልክልክ ።
 5 ብላል ፡ ሰልም ፡ መሌላ ፤ እንታ ፡ ክል ፡ ዶል ፡ ትደልሃ ።

658

ሕላዩት ፡ ጀሚል ፡ ወድ ፡ ሐዘት ።

I በርካ ፡ ምኛ ፡ ለዓሉ ፤ ሀደድ ፡ ቤታ ፡ ወዘልም ።
 በርካ ፡ ምኛ ፡ ተሐቱ ፤ ምግብ ፡ ላሊ ፡ መትሐልም ።
 ደሀባ ፡ ሰልም ፡ ዎ ፡ እሹሻይ ፤ እሸት ፡ ምን ፡ ለሃ ፡ ኢትገርም ።
 አፍ ፡ ምን ፡ ለሀይ ፡ ኢበርህ ፤ ወዕስር ፡ ምን ፡ ለሀይ ፡ ኢጸልም ።
 5 ወድ ፡ ምሽራ ፡ ቱ ፡ አቡካ ፤ ወዘሉሞ ፡ ወዘልም ።
 አቡካ ፡ ለባልዕ ፡ ልትካሬ ፤ ከመሐበር ፡ ወደፊ ፡ ከረርም ።
 ትርካይ ፡ ለበርካ ፡ አቅሎላ ፡ ካሪ ፡ እንቱ ፡ ለጨረርም ።
 ሃይባዬ ፡ ኢእከልእ ፤ ወመአሙናዬ ፡ ኢእጠልም ።

659

ሕላዩት : እናስ : አፍለንዳ : (አፍለግዳ) ::

- I ሐዬ : ራክቡ : ሚ : ቡ ፤ አፍለንዳይ : ለእሻ : ወአቱ :
- ምን : ተጃንዑና ፤ መዋልድና : ሓኩ ::
- ወምን : ተትባዝሐና ፤ ዕልብና : ክም : ሐጻ : ቱ ::
- ድላ : ዐቢ : ንትበአስ ፤ ወድላ : ስልጣን : ላቱ ::
- 5 እብ : ሞራሁ : ዕግን ፤ ወእብ : ለመዳሳቱ ::
- እብ : ስዴርዩት ፤ ትርክ : ለሽብግቱ ::
- ወእብ : መሸበሐት : ዩስረት ፤ ወጀርደት : ዕንዱቅ : ላቱ ::
- እብ : መሐመድ : ቤላ ፤ ለሀይማ : ኢጠሐራ : ቱ ::
- እብ : ለሰይፉ : ፍዳድ ፤ ወእብ : ለዐገባሁ ::
- 10 እብ : ለሰይፍ ፤ እንወጀ : እት : ቀጻፉ ::
- እብ : ለኮናት ፤ እንወጀ : እት : ከልዋቱ ::
- እሊ : ውዳይ : ኢኮን ፤ ውዳይ : ለአምሐራ : ቱ ::

660

ሕላዩት : ዎሮት : እናስ ::

- I እላ : ፈቀድናኪ ፤ ቦላ : እግል : ሀወራ ::
- ቀዩሕ : ደም : አራባት ፤ ደንቀልቀላ ::
- ስልጣን : ዲብ : እስጣንቡል ፤ ዐብደል : መጂድ : ትበሀላ ::
- ስልጣን : ዐሊ : ገንደር ፤ ንጉስ : ዲብ : አምሐራ ::
- 5 ገሚስ : ወመክረቢት ፤ ልብስ : መደርደራ ::
- ዐብደል-ሰሚድ : ትለብስ ፤ ሰኚ : እንዶ : ትፈዐላ ::
- “ሸዩም : ዋሉ” : ቤለው ፤ ሰሚን : ወሰቀላ ::

ሰብ ፡ ለግራዴታት ፤ አሸሙር ፡ ዘራዘራ ።

አፍሩስ ፡ ሉጁም ፤ ጅዳ ፡ ወጀዐላ ።

10 ዋጦት ፡ ወመለከት ፤ ቃቅምበላ ፡ ትበሀላ ።

ጎል ፡ ወሶደራት ፤ አብረክ ፡ ወከሰላ ።

መቀየም ፡ ፋቲ ፤ ወሐይዝ ፡ አታረራ ።

ሸዓይር ፡ ወሸረንጌት ፤ እሹ ፡ ፈራ ።

ቃርባይ ፡ ዲብ ፡ አሰይፍ ፤ ዐምበልበላ ።

15 ዘገር ፡ ዲብ ፡ ከወኒ ፤ በራበራ ።

መአሸፍ ፡ ዲብ ፡ ሐረምዝ ፤ ድሚ ፡ ከላከላ ።

ደልቀም ፡ ዲብ ፡ ሐዮታት ፤ አንሰሀረራ ።

ቶር ፡ ለፀገባታት ፤ ድርቡብ ፡ ሸናቀራ ።

1 ለበርቅ ፡ ኢተአሚሮ ፡ ቱ ፤ እዘሚ ፡ እልኪ ፡ ወኢለት ።

ዲብ ፡ ሚ ፡ ሰግም ፡ ዲብኪ ፤ ምን ፡ ተሐት ፡ ምን ፡ ለሰሪረት ፡

ጎማት ፡ ኢለሀይበኸ ፤ ዳቅብ ፡ ወበዐል ፡ ሐለት ።

ምንማ ፡ ትትጋመዮ ፤ ቀሎት ፡ ቡ ፡ ወመኒነት ።

5 እት ፡ ጸሐይ ፡ ለፈግረኸ ፤ ከትበይእ ፡ እትካ ፡ ሸግሊለት ።

ለኖሼ ፡ ገድም ፡ አቅንዐት ፤ ከትገሼት ፡ ምን ፡ ለደኪለት ።

ኢእንጠልም ፡ መአሙናይና ፤ ምን ፡ ኢተሐውን ፡ ሐለት ።

ኖሱ ፡ ታ ፡ ምን ፡ ጠልመኛ ፤ ጎር ፡ ረሺ ፡ ሀሌት ፡ ክሂለት ።

ነታብ ፡ ቀየሕ ፡ ትሰብክ ፤ ሸየም ፡ ክል ፡ ገቢለት ።

10 ዐደብና ፡ ወይዳ ፡ ቀይም ፡ እላ ፡ ኢነት ።

662

ሕላዩት : ዎሮት : እናስ ::

እብ : ገቢለት : ሰርካል : በሀለት : እንገሊዝ : ለቤሻ ::

- I ፈግረቻ : ድመላ ፤ ትዘሽሕ : ሰርካል : ሕት : ቅንስል ::
- ንጉስ : ቴድሮስ : ከሬቶ ፤ ምን : ረአስ : ለረወሽን ::
- መጽዕና : ሐረምዝ ፤ ድሜ : ትጌልል : ክም : እግል ::
- ዝግ : እብ : ስልክ : ቱ ፤ ኢኮን : ልኩክ : ወመስእል ::
- 5 አድብር : ጋድም : በልሰቶ ፤ እብ : መዳፍዕ : ወመክሕል ::
- ወድ : እሞዬ : ሀበኒ ፤ ክም : ሽማገሌ : ዲብ : ምድር ::
- አዜማ : አልሐምድል ፤ እንርኤ : ውላድና : ወዲብ : ዐርቀ
- ይና : ነከርር ::
- ምንሕት : ለሐላልና ፤ ተዐምር : እልና : ወትደርር ::
- ልውጫ : ዲብ : አቡካ ፤ በዲር : እላ : ለትመስል ::

663

ሕሴን : ወድ : ኬራይ ::

እግል : እዛዘ : ወድ : ሕሻል : ክም : ሞታ : ለቤሻ ፤ ለአድማይ : ሀቱ :
ለወደዩ : እት : ለዓልብ ::

- I ወዕ : ኢትቡሎ ፤ እግል : ለዋኒን : ግርጉር :
- አምዕል : ሐዋይ ፤ ገሉብ : ስፉር ::
- ወአምዕል : ሃኪን ፤ መጋርሕ : ውሩር ::
- አምዕል : ውላድ : በዩድ ፤ ሐልሐል : ፍጉር ::
- 5 ቴድሮስ : ወቶፈናይ ፤ ሰብ : ለአጽጉር ::

አምዕል ፡ ፈላስ ፤ ልጃም ፡ እሱር ።

ሸሕ ፡ ወሐምስ ፡ ምእት ፤ ዐውሉ ፡ ቅጹር ።

ሸየም ፡ ልትጋመሮ ፤ እብ ፡ ለዎሮት ፡ ሕሸኩል ።

ጅንበጎታይ ፡ ሞታ ፤ ጸብጣይ ፡ ለጅኑን ።

10 የም ፡ እግል ፡ ንቅልዎ ፤ ለምስጢር ፡ ስቱር ።

ሃይባይ ፡ ሐሊብ ፡ ሞታ ፤ ዐሙር ፡ ጽምቡል ።

ሃይባይ ፡ እክል ፡ ሞታ ፤ ገሺሽ ፡ ሕንጉር ።

ሃይባይ ፡ ስጋ ፡ ሞታ ፤ ቀጻፍ ፡ ውጉር ።

ሕምሳ ፡ ምን ፡ አዋልድ ፤ እግል ፡ ጎልያ ፡ ትኩል ።

15 ወሕምሳ ፡ አንስ ፡ ሐላል ፤ አርእስተን ፡ ብርብር ።

ሕምሳ ፡ ምን ፡ ቀሐይብ ፤ እግል ፡ ሂቦ ፡ ድርዳር ።

ባቡር ፡ ትፈናጠሻ ፤ ከብድ ፡ ለኡብሐር ።

የም ፡ ጸኑዕ ፡ ሞታ ፤ ምን ፡ ዐስተር ፡ ድሀር ።

አልሐዩ ፡ ለሐራጽጽ ፤ ዘነቡ ፡ ዕቁል ።

20 የም ፡ ወድ ፡ ሹም ፡ ሞታ ፤ ወድ ፡ ለሹም ፡ ለበሀዳር ።

ሕላዩት ፡ ዎሮት ፡ እናስ ።

1 እምበልናማ ፡ ዎ ፡ ዕመር ፤ ፍቲ ፡ ትወጄ ፡ ዲብ ፡ ጋራ ።

ፍቲ ፡ ሚ ፡ ባ ፡ ደባዳብ ፡ ቁሉዕ ፡ ጸንሕ ፡ አስራራ ።

ምን ፡ ንትቃረብ ፡ እብ ፡ ሞላድ ፡ ወምን ፡ ንትባለዕ ፡ ሕዋላ ።

ቅሩብ ፡ ሀሌት ፡ ምን ፡ ረዩም ፡ ዐጂ ፡ ወዐዳ ፡ ግዋራ ።

5 ቡሪት ፡ ለአውለት ፡ ሳገመት ፡ ዲብ ፡ ቀበት ፡ ለክታራ ።

ዕስር ፡ ግድም ፡ ጅበረት ፡ ወሹቲት ፡ ደምበር ፡ በዳላ ።

ሉል ፡ ታ ፡ ቀበት ፡ ሰደፋ ፡ ወርብዕት ፡ ከብድ ፡ ብካራ ።

ጸሎ ፡ ለምህረት ፡ ወድ ፡ ድግለል ፤ ትውዕል ፡ ሐን ፡ ለሕማራ ።

ኮራ ፡ ትዋግር ፤ በዐላ ፡ ለዘጋ ፡ ክምሰል ፡ አትወዐላ ፡ ባ ።

10 ከዐሃ ፡ ክም ፡ ሾከን ፤ መን ፡ አምሮ ፡ ድራራ ፡

ክብድት ፡ ታ ፡ ወክቡድ ፡ ሚዛና ፤ ትጸንሕ ፡ ሐን ፡ ለክራራ ።

ኢትበይእ ፡ ወኢትፈግር ፤ ዲብ ፡ ለቤት ፡ ለአግዋራ ።

ጸንዕት ፡ ታ ፡ ወጸኑዕ ፡ ሞላዳ ፤ ከንፈር ፡ ተአሼ ፡ በዳላ ።

665

ሕላዩት ፡ ዎሮት ፡ እናስ ።

1 እንሰር ፡ ቅረቢና ፤ ዎ ፡ በረካ ፡ ወለት ፡ ዕሉም ።

እንዶ ፡ አጀረብናሁ ፡ ቱ ፤ ለሰይፍና ፡ እሙር ።

መስሐሉ ፡ ግማረሼ ፤ እሸነት ፡ ለአብሐር ።

እሹ ፡ ለትዘሸጣ ፤ አለቡ ፡ ትንቱን ።

5 ቅዲታ ፡ በለንጃዊ ፤ አምበሪ ፡ ንዱር ።

ልሸሳ ፡ ሐመይማኒ ፤ ኢኮን ፡ ድሙር ።

ዊንዊኖ ፡ እንቲ ፤ ጸሓይ ፡ ለአብሐር ።

ብረሕ ፡ ሐጋይ ፡ እንቲ ፤ ለእንጭሕሩር ።

ግርዝ ፡ እንቲ ፤ ለእምብሀሩር ።

10 ደሀብኢ ፡ ምን ፡ ስኛር ፤ ስረሕ ፡ ለተክሩር ።

666

ሕላዩት ፡ ዎሮት ፡ እናስ ።

እብ ፡ ምስምሳ ፡ ድመል ።

1 አቅንዒ ፡ ወለት ፡ ፋይድ ፤ በዲር ፡ ሐሌናኪ ።

ካይነት ፡ ወጤልማይት ፤ ገድም ፡ አመርናኪ ።

በዐል : አከይ : ሻም ፤ ማሌ : ርኤናኪ ::

እግል : ኒዴ : ኢኮን ፤ ግምሽ : ኔገርናኪ ::

5 ድመል : እት : ወድ : ዐቱል : ታ ፤ ወበትካ : እት : ለባሲ ::

ወድመል : እት : ዘርኡታይ : ታ ፤ እሻ : ቆሙ : ባዲ ::

ወድመል : እት : ባርገላይ : ታ ፤ ሸረርሑ : ቤላ : “ማዲ” ::

ድመል : እት : ወድ : ብርካቲ : ታ ፤ ገሮብ : አዳም : ራዲ ::

ወድመል : እት : አስፈዳይ : ታ ፤ ኩክ : ወከዋኪ ::

10 ወድመል : ዲብ : ወድ : ዳፍላ ፤ ኖር : መጀራኪ ::

ወድመል : እት : አብ : ዕጄል : ታ ፤ መስኩብ : ለከላት : አቲ ::

ሕላዩት : ዎሮት : እናስ ::

1 ለዓግር : አምዕል : ግድሎሃ ፤ ሰማን : እንተን : ደኛ ::

ክልኤ : ለቅዲት : ደቃ : እላ ፤ ወክልኤ : ለጭንጫ : ወኛ ::

ክልኤ : ለአደግ : ገድላ : እላ ፤ ወምን : ክል : ሐማግ : ለተኛ ::

ክልኤ : ለተነት : ዘይራ : እላ ፤ ወለወቀጽ : ለግሀራ ::

5 መሸካፉ : ገሮባ ፤ ናላይ : ግረይ : አስእኛ ::

ሰርጎሃ : ምን : ስኛር ፤ ደሀብ : ቱ : ለምኝ : ራልትማ ::

ለፈርደት : ተንከትክት ፤ ክም : መራት : ለአቅሕማ ::

በዲር : ለሃ : ትፈንቴና ፤ እት : ተሀለቅልቅ : ለእምብዕና ::

ወአዜማ : እልኪ : ንትፈንቴ ፤ ሻሞም : ተላ : ኢሕና ::

668

ሕላዮት ፡ ዎሮት ፡ እናስ ።

እግል ፡ እሴቱ ።

ዎሮት ፡ እናስ ፡ እሴቱ ፡ “ሕሌኝ” ፡ ቴሎ ። ህቱ ፡ ሀዩ ፡ አብያ ፡ ዐላ ፤
ከእት ፡ ልገንግራ ፡ እላ ፡ ሐላ ።

I “አገርመኝ” ፡ ቴለኝ ፤ ግርም ፡ ትግበእ ፡ ለወለት ።

“ሕሌኝ” ፡ ቴለኝ ፤ ኖሳ ፡ እንዶ ፡ ደንደነት ።

ቅጥን ፡ ለከቦሃ ፤ እርወት ፡ ለውላዳ ፡ ተሓዘለት ።

ወጽልም ፡ ለዓሳራ ፤ እድግት ፡ ለምርግ ፡ አፍገረት ።

5 ጥዑም ፡ ምራቃ ፤ ጸን ፡ ወጽብር ፡ ወመረት ።

* * *

አምዕል ፡ ለእላ ፡ ልትግረው ፤ ስቡዕ ፡ ወክድ ፡ ተዐጽሮ ።

ወአምዕል ፡ ለእላ ፡ ልትበአሶ ፤ “ዕረግ ፡ ከኖስካ ፡ ነጽሮ” ።

ህዳይ ፡ መበል ፡ ምን ፡ ግሳይ ፡ ቱ ፤ ወበልዕ ፡ ይቡስ ፡ ምን ፡ ዕጾ ።

669

ሕላዮት ፡ ዎሮት ፡ እናስ ።

እግል ፡ እዛዝ ፡ ወድ ፡ ሕሻል ፡ እት ፡ ለሐምድ ።

I መርሐ ፡ ዲባ ፡ ወቀንጸ ፤ መምብሃ ፡ እዛዝ ፡ ወድ ፡ ሕሻል ።

አፍሩስ ፡ ማሰካ ፤ ዐድሐ ፡ ጸዐዳ ፡ እብ ፡ ወራር ።

ምን ፡ አሎ ፡ እብ ፡ ቀስብ ፤ ወጥዕም ፡ ትግበእ ፡ ወመረር ።

ቅዕርት ፡ ኢኮን ፡ ዕሮታት ፤ ኢትዘሰጥ ፡ ዲብ ፡ ፍጋር ።

5 መን ፡ ቱ ፡ ድቁብ ፡ ዲብ ፡ ዐድካ ፡ ሓኬ ፡ ም ፡ መስመር ፡ ወድ ፡ ትጻር ።

እግል ፡ ነሀሶ ፡ ግልጸና ፤ መድሀነትና ፡ ወፍጋር ።

ወ “ መሐመድ ፡ ብኡስ ፡ ቱ ” ፡ ቤሉና ፤ እላ ፡ ሊዴ ፡ በዐል ፡ ንሻል ።

አፎ ፡ ተኣዝም ፡ ሀሌካ ፡ አትሃጌና ፡ ወእንታ ፡ ሕጻን ።

አቡካ ፡ ሊሊት ፡ ኢሰክባ ፤ ቀመት ፡ ሰአና ፡ ወአክራር ።

10 ስካብ ፡ ላሊ ፡ ከልኤና ፤ እሊ ፡ ጎይላ ፡ እብ ፡ ሀዳር ።

ሕላዩት ፡ ሸለው ፡ ደንገን ።

1 እሊ ፡ ቱ ፡ “ ውጹር ፡ ሕለቦ ” ፤ ሼካይ ፡ ወድ ፡ መምባና ።

ስንጉድ ፡ ሰይፍ ፡ ጸብጥ ፤ ዐገብ ፡ እብ ፡ አማና ።

ዓቡድ ፡ ኢከስአና ፤ ወሕረም ፡ ኢበክያና ።

ሐድ ፡ ዶል ፡ እብ ፡ መሓክር ፤ ገሮብ ፡ ገብእ ፡ ጣላ ።

5 ወሐቲ ፡ ዶል ፡ እብ ፡ ሕላሌ ፤ ተኣቲ ፡ እብ ፡ ጅንፋላ ።

ከበሳታት ፡ ትዘምት ፤ ጭምራ ፡ ወክላላ ።

አምዕል ፡ ወድ ፡ ገሸልማ ፤ መአዜ ፡ በዐላ ፡ ትፋና ፡

እብ ፡ ረወሪት ፡ ትከራት ፤ ጸላም ፡ ወእማታማ ።

እብ ፡ ሓሉጉ ፡ ጌሳ ፤ ተከሌዛን ፡ ክልኦት ፡ ዋራ ።

10 ዐደን ፡ ወድጌሀን ፡ ምን ፡ ልዘመት ፤ በልሶ ፡ ዲብ ፡ አጋላ ።


ወደንገን ፡ ምንዲ ፡ ዘምት ፤ ጭገር ፡ ቱ ፡ ለሓባላ ።

ረሀያ ፡ ዐሻይ ፡ ዘምት ፤ ምን ፡ ኬን ፡ ደብር ፡ ሳላ ።

ሐዲሾ ፡ ወደቅሚሾ ፤ አዜ ፡ ቱ ፡ ለገብአ ፡ እላ ።

ምግግዝ ፡ ኢአመረት ፡ ተርፊት ፡ ዲብ ፡ አካና ።

ሐይለት ፡ ብሌን ።



ሕላዩት : እናስ : ብሌን ።

- 1 ለክብድት : ክቡድ : ሜዛና ፤ እብ : ግሳያ : ትጸኝሐ(ም) ።
 ሐትሮ : ኢኮን : ደዋሪት ፤ ሕርብት : ክል : ቤት : ትቀጃጃ ።
 “እፈቴኝ” : ትብሎ ፤ ላሊ : እንዶ : ትፈጃጃ ።
 ፈጅር : እንዶ : ትትረሰዕ ፤ ዲብ : ሸቅሎታ : ትጸግግ ።
- 5 ሕርብት : ቅለዕ : ዎ : መላህይ ፤ ለከላም : እግል : ንስምዖ ።
 ወለት : መስገደል ፤ እምዳ : ሰጃም : ብደሆ ።

ጀንጀር ።

እግል : ሃኪን : ወድ : መደን : ለቤሻ ።

- 1 ውላድ : ሰንሐት : ጨበሊት ፤ ኢተክሙሮ : ብካዩ ።
 በክዮማ : አለቡ ፤ አና : ጀንጀር : ቱ : ባክያዩ ።
 ካብር : ዐድና : ቱ : አብ : ዳልካ ፤ እት : መናብር : ግሳዩ ።
 ሕንቁቅ : ዐድና : ቱ : አብ : ዳልካ ፤ ሜስ : ወማሳ : ስታዩ ።
- 5 ምዕጥን : ዐቢ : ቱ : አብ : ዳልካ ፤ ምዕጥንማ : እግል : ዋርዳዩ ።
 ወጋድም : ዐቢ : ቱ : አብ : ዳልካ ፤ ጋድምማ : እግል : ርዕያዩ ።
 ወደብር : ዐቢ : ቱ : አብ : ዳልካ ፤ ደብርማ : እግል : ሳክያዩ ።
 ገርህት : ባሽለት : ቱ : አብ : ዳልካ ፤ ግረህማ : እግል : ሐርሳዩ ።
 እት : ሐረምዝ : ዕኬሪ ፤ ሐጸት : ናቅና : ዕልባዩ ።

10 እት : ሐዩት : ሸላሺ ፤ ስካብ : ከልእ : ንቃዩ ።
 እት : ሀመሚት : ለኡብሸታይ ፤ እት : አራዊት : በትራዩ ።
 በርዕድ : ጭንድቅ : ተከርም ፤ እግል : ጋሻዩ : ወእንዳዩ ።
 ጸሊም : ወበዐሉ ፤ በንበን : ገብእ : ቱ : ምክራዩ ፤
 ኖሱ : ገብእ : ባቅዕ : ቱ ፤ ማ : ሃኪን : ገብእ : ዘብጣ : ቡ ።

ሕላዩት : እናስ : ብሌን ።

1 እብ : ሚ : ገብእ : መጽእ ፤ እሊ : ውላድ : አዜ ፤
 ዘበን : በዲር : ሐይስ ፤ ንዋይ : ዐገግ : ወጆ ።
 እክል : እንበልዕ ፤ ወሓርጽ : እንሰቴ ።
 እግል : ረቢ : ለትናጡጦ ፤ ምስሎም : እግል : ልተልሂ ።
 5 ወሕና : ንትሐሰሸ ፤ አስክ : ምድር : መሴ ።
 ርያል : እት : መዳሳት ፤ ወበፍታ : ዐስር : ክልኤ ።
 ሰለስ : አመት : ክላል ፤ ወሰቡዕ : እድሃ : ስሬ ።
 እክል : ክምሰል : ሰዐር ፤ እብ : አልፋናት : ተሴ ።
 ለድኔ : ምን : ልዘመት ፤ የመ : እግል : ልጆሴ ።
 10 ለብያን : እግል : ልሸቆቆ ፤ ወጽላዕ : እግል : ልትገሴ ።

ሕላዩት : እናስ : ብሌናይ ።

1 ራዳብ : ክም : ግሉል ፤ በኑ : ገይስ : ክም : ቀልቡ ።
 ወጽኑዕ : ክም : ረቢ ፤ ሐድ : ሒለቱ : ወደቅቡ ።
 ወራክብ : ክም : ማልክ ፤ ለእላ : በልስ : እት : ቀልቡ ።
 እንበልዕ : ወእንሰቴ ፤ እሊ : ስልጣን : ሚ : ሸር : ቡ ።

5 ማሌ፡ በጎ፡ ትከሯና፤ አና፡ ወእድሪስ፡ ወድ፡ ዐይቡ።
 አቡካ፡ ሐልፍ፡ አለቡ፤ ለኢሀይሮ፡ እብ፡ ሰይፉ።

675

ሐምዴ፡ ወድ፡ ራኩ።

I ቀብል፡ ዐድ፡ ሕድ፡ ቶም፤ ሸግለት፡ ወጋድም፡ አቅርዶት።
 አከርር፡ ሀሌኮ፤ አትቃብል፡ ም፡ ብእምነት።
 “ደርቡኸ፡ መጽአ”፡ ቤሉና፤ ወአማን፡ ልግበእ፡ ወሐሰት።
 ነታባይ፡ ኢአና፤ ረአስ፡ ጅንግላይ፡ ልትሀርገት።
 5 ድግለል፡ ቀረብ፡ ኢአና፤ ማህየቱ፡ ልትከሰት።
 ወድ፡ ናይብ፡ ኢአና፤ ማልክ፡ ዐኸከር፡ ወፈርዶት።
 ወድ፡ ረድኢ፡ ኢአና፤ ወድ፡ እሮታ፡ ወከዝነት።
 ወድ፡ ሐባብ፡ ኢአና፤ እንሳ፡ ወአማት፡ ልትየሰት።
 ወድ፡ ዐድ፡ ተክሌስ፡ ኢአና፤ ወወድ፡ ረአሳ፡ እግል፡ ሀይገት።
 IO ብሌናይ፡ ይቡስ፡ አቅሩዱ፤ መክሩህ፡ ምኑ፡ ልትወላድ።
 ሐቴ፡ ፍሊት፡ የብተኸ፤ ወትረይም፡ ምኑ፡ ለሐጭረት።

676

እድሪስ፡ ወድ፡ አድጎይ።

I ሐመኛና፡ ኢኮኒ፤ አና፡ ወእንቲ፡ እት፡ ደአል፡
 እሊ፡ ዲብ፡ ለጸጋድኩ፤ ክሮህ፡ ቦሎ፡ ኢልብቀል።
 “መሃይኩ፡ ቱ”፡ ምን፡ ልብሎ፤ ዙዕ፡ ቀርብ፡ እብ፡ መሰል።
 “ሐዬ፡ ቱ”፡ ቤሎም፡ “ወድ፡ ሐልቼ”፤ አስክ፡ ለዝዖም፡
 ልትአመር።
 5 ለዝዖም፡ ሐቆ፡ ተአመራ፤ ጋሪት፡ ብና፡ ወብሰር።

ወእንቲ፡ ለታላት፡ ባቲከ፤ እርደት፡ ኢኮን፡ ወአለል።
 አና፡ ሐቴ፡ ታ፡ ከብጄ፤ ክልኤ፡ ሚ፡ ባ፡ ምን፡ ከንፈር፡
 ለፍጉር፡ ልግበእ፡ ዐረግብ፤ ዐድ፡ ሕድ፡ እግል፡ ኢንሕገል።
 ሹቲት፡ ሐሊብ፡ መቴላ፤ ወአዴግ፡ ሳምን፡ ልትገደል።

677

አብ፡ ጴጥሮስ።

I ቡሰት፡ ወአዳሌት፤ ክልኦት፡ ውላድ፡ አባ።
 እት፡ ሚ፡ ትትካፎላ፤ ሐቆ፡ መንጅር፡ ፈርዳ።
 ገደቦ፡ ዲብ፡ አዳሌት፤ ዲብ፡ አስራሩ፡ በርዳ።
 ወገደቦ፡ ለናይ፡ ቡሰት፤ ዲብ፡ ደገድግ፡ ቀርዳ።
 5 ዘርእ፡ ረአሱ፡ ሑሌ፡ ቱ፤ ወሸዒር፡ ኢኮን፡ ወኢወርዳ።

678

ቅብላት፡ አብ፡ ጴጥሮስ፡ ምድት፡ እናስ፡ ለቤሻ።

I እግል፡ ኢወርዳ፡ አብ፡ ጴጥሮስ፤ አፎ፡ ለከፍክሁ፡ ዲብ፡ ከደን፡
 ዘርእ፡ ረአሱ፡ ኢወርዳ፡ ቱ፡ ብልቱግ፡ ኢኮን፡ ወአደንገል።
 ሐሊብ፡ ጸዐዳ፡ ቱ፡ ምራቁ፡ ድገም፡ ነቡል፡ ልጅንፈል።
 ልጅራገግ፡ ለዕያቡ፡ ወደኒቱ፡ ልትወርወር።
 5 በዲር፡ እት፡ ለዘበኑ፡ ክእኛ፡ እንደይ፡ ልትበደል።
 ማሸል፡ ፋቲ፡ እት፡ እንቱ፡ መን፡ ቱ፡ ለዲቡ፡ ልትዐደል፡
 ለዐበላብል፡ ለአተርቡ፡ ልሑታ፡ ምን፡ ልሑታ፡ ልሸጎር።
 ማለእ፡ ምኑ፡ ሸረፊት፡ ወሐጽሮ፡ እሉ፡ እት፡ ከደን።
 እሊ፡ ሸዒር፡ ትቡሎ፡ በዐሉ፡ እሉ፡ ቱ፡ ልትነሸል።
 10 ገሻ፡ ልብሎ፡ ወሐምባሻ፡ ጠወሸሁ፡ ልትከመር።

679

ሕላዮት ፡ ገላይዶስ ፡ ወድ ፡ ሼካይ ።

- I ወለት ፡ ዕለም ፡ ኅባይት ፤ ሐዬት ፡ ማ ፡ ሚ ፡ ምርጋዛ ፡
- እብ ፡ አፍሩስ ፡ ዘመትና ፤ ጅንግሊታት ፡ ወመካዳ ።
- እብ ፡ መናዱቅ ፡ ዘመትና ፤ ሮማይ ፡ ለአዳም ፡ ከራሳ ።
- እብ ፡ አጋር ፡ ዘመትና ፤ ግድሉታት ፡ ፍላሳ ።
- 5 ለመኬት ፡ ሂቦሃ ፡ ታ ፤ ወሸማገሌ ፡ ርጋዛ ።
- እሸዎ ፡ ኤሎስ ፡ ምን ፡ እንቤ ፡ አካን ፡ ገብአት ፡ ብራቃ ።
- ኤሎስ ፡ ወድ ፡ ቲድሮስ ፤ እላ ፡ ትግበአ ፡ ግልጻካ ።

680

ሕላዮት ፡ ዎሮት ፡ እናስ ።

- I ስካብ ፡ ላሊ ፡ ከልኤኛ ፤ ግልሐይ ፡ እሊ ፡ ንቃዩ ።
- ሐረት ፡ መዲን ፡ ወድ ፡ ዘርአይ ፤ ጽልመት ፡ ልግበእ ፡ አባዩ ።
- ምን ፡ ሐሊብ ፡ ወምን ፡ እክል ፤ ፍሶ ፡ በልግ ፡ ጋሻዩ ።
- ወሃ ፡ ቱ ፡ ውዳይ ፡ በዐልና ፤ ዲብ ፡ ዐድ ፡ ዐላ ፡ ተላዩ ።
- * * *
- 5 አሸራ ፡ አቡካ ፤ ሻሻይ ፡ ገብአ ፡ ዲብ ፡ ዕንክል ።
- በዳ ፡ አሐ ፡ ቱ ፡ ነአምር ፤ ዐራዶ ፡ ጋብአት ፡ ጀነፍል ።
- በዳ ፡ አጣል ፡ ቱ ፡ ነአምር ፤ እብ ፡ ነዋይዱ ፡ ወአነግል ።
- በዳ ፡ አዳም ፡ ቱ ፡ ነአምር ፤ እሱ ፡ ግድግም ፡ እነብር ።
- በዳ ፡ አንስ ፡ ቱ ፡ ነአምር ፤ ዲብ ፡ አፍያተን ፡ እንገንድል ።
- 10 ኢትትሐረስ ፡ እግል ፡ ሐካ ፤ አፍሩስ ፡ ወዳ ፡ ወአብቅል ።

681

እግል : ከዋጃ : ሎሬንዞ : ዎሮት : ብሌናይ : ለሐለያ ።

- I በጥ : ቤላ : ሎሬንዞ ፤ ቀኒጽ : ሰአና : ወግሳይ ።
- ላሊ : ገይስ : ሎሬንዞ ፤ ሐሸፍ : ወጄ : ክም : ከራይ ።
- ላሊ : ዲብ : ለጽልመታ ፤ ወአምዕል : ጽምእ : ወጸሓይ ።
- ምንዲ : መይት : ሎሬንዞ ፤ ሰኒ : ብኬ : ወከሐሳይ ።
- 5 ሰኒ : ቱ : ሎሬንዞ ፤ ኢልብለካ : “ ቤሽትያይ ” ።

682

ሕላየት : እናስ : ብሌናይ : እግል : ደበሳይ ።

- I ደብሰስ : ደበሳይ ፤ ከአፎ : ሀሌት : ከረምካ :
- እስብሪቶ : እንዶ : ትከለሳ ፤ ስንፈእ : ወእጅር : ዘርአካ ።
- ምን : አልፍ : ሐሻሹን ፤ እብ : በይንካ : አምሴካ ።
- ክምሰል : ወድ : አጣልያ ፤ ስተይ : ሀላ : መነትካ ።
- 5 ወሃ : ጅላ : ጅላሉ ፤ በዐልዬ : ወጄ : ክም : ፈታ ።
- እናስ : ከራ : ክላሉ ፤ ወእሺት : ወዴት : ሕልቀታ ።
- ደብሰስ : ደበሳይ ፤ ከአፎ : ሀሌት : ጎማትካ ፤
- እንታ : ግበእ : አፍርንጂ ፤ ወአና : እግበእ : መስሐልካ ።
- አልፍ : ብእታ : ሐሻሹን ፤ እግል : በዳ : ወማይታ ።
- 10 ወአልፍ : ብእታ : ቀማሬን : ምን : ተሐትካ : ሳክበት : ታ ።
- ስታይና : እስብሪቶ : ቱ : ነሽተቅሎ : እብ : ኖስና ።

683

ሕላዮት ፡ ምንዳል ፡ ወድ ፡ ሚካል ።

እግል ፡ ረክስ ፡ አሉላ ።

- I ረክስ ፡ አሉላ ፡ ቱ ፤ ለሹም ፡ በዐል ፡ ሐላል ።
- ፈቱከኛ ፡ ምን ፡ ገብእ ፤ ነጻ ፡ ዴኛ ፡ ምን ፡ ፍጋር ።
- ልባሱ ፤ ጨርቅ ፡ ኢኮን ፡ ወፍታል ።
- ዐስር ፡ አልፍ ፡ ሸየምቱ ፡ ቱ ፤ ምስሎም ፡ ገሚ ፡ እት ፡ ክል ፡ ጋር ።
- 5 ዐስር ፡ አልፍ ፡ መናዱቁ ፤ ምስል ፡ ለክፍ ፡ እብ ፡ ግዳር ።
- ዐስር ፡ አልፍ ፡ አፍሩሱ ፡ ቱ ፤ ሐጻ ፡ በልስ ፡ ወቅባር ።
- መምባ ፡ ዕሪት ፡ ወድ ፡ ፈከት ፤ ወመምባ ፡ ጀሚል ፡ ወድ ፡ ምንዳል ።

684

ሕላዮት ፡ ምንዳል ፡ ወድ ፡ ሚካል ።

- I መሳ ፡ አቡካ ፤ ሐዝዎ ፡ ሀለው ፡ ክል ፡ ፈጅር ።
- “ተአሰራ” ፡ ልብሉካ ፤ “ጀሕ ፡ ወዴ ፡ ጀነጅር” ።
- ወ “ተሐረዳ” ፡ ልብሉካ ፤ “ካረው ፡ እቱ ፡ ሰወቸል” ።
- ገንደር ፡ ከይድ ፡ አቡካ ፤ ሐን ፡ ለአፍሩስ ፡ አሸግር ።
- 5 ምስር ፡ ከይድ ፡ አቡካ ፤ ሶዳን ፡ ጸሊም ፡ እት ፡ ለሐንገር ።

685

ሕላዮት ፡ ዎሮት ፡ እናስ ።

- I አና ፡ ለመምባዬ ፤ ባጽዕ ፡ ማልክ ፡ ቱ ፡ ወፈርደት ።
- እንታ ፡ ለመምባካ ፤ ሆባይ ፡ ግሲት ፡ ቱ ፡ ዲብ ፡ ዕጨት ።
- ሆባይ ፡ እንዶ ፡ ተዐልል ፤ ምዖ ፡ ትብል ፡ ወከርሸት ።

እብ ፡ ፍርህ ፡ ሀብናኩም ፡ ቱ ፤ ክልኤ ፡ መንሰዕ ፡ ወሀይገት ።

5 ለገሻር ፡ ገሻርና ፡ ታ ፤ ምን ፡ አሉላ ፡ ለተርፈት ።

* * *

እንቱም ፡ ሚ ፡ ተሀይቦ ፤ እምበል ፡ ለክሻር ፡ እንጌራ ፡

አና ፡ ወእንቱም ፤ በሐር ፡ ትግበእ ፡ ፍንጌና ።

ብላይ ፡ ሀይብ ፡ መምባዬ ፤ ቀዳም ፡ እንዶ ፡ አብሌና ።

ወደርሀም ፡ ሀይብ ፡ መምባዬ ፤ ምልእት ፡ ትፈጃር ፡ እዴና ።

10 እሊ ፡ ዕሩቅ ፡ ቱ ፡ መቅጠንዬ ፤ ወእሊ ፡ ሹጡጥ ፡ ቱ ፡ ስሬና ።

* * *

አና ፡ እላ ፡ ድመልዬ ፤ ኢበላ ፡ ማ ፡ እትገሴ ፡

ትግራይ ፡ ነብር ፡ እብ ፡ ማሉ ፤ ወሸማገላይ ፡ እብ ፡ “ነዓ ፡ እንዴ” ።

አና ፡ ምን ፡ ለሀይብኝ ፤ ለገላበኝ ፡ እፈቼ ።

ድመልዬ ፡ ስፍሪት ፡ ታ ፤ ነብራ ፡ ኢተሐኬ ።

15 ወድመልዬ ፡ ጽምእት ፡ ታ ፤ ማይ ፡ ኢትሰቴ ።

ድመልዬ ፡ ዕሸር ፡ ታ ፤ ለእላ ፡ ቤለው ፡ ተተንሴ ።

ድመልዬ ፡ ሐምቀት ፡ ታ ፤ ወስ ፡ ኢትብል ፡ እብ ፡ እዴ ።

ሐዋን ፡ እት ፡ ቃረት ፤ ለኢሰዐዩ ፡ ልትሃጌ ።

ሐሻሻ ፡ ፈጃር ፡ ስምሓኖ ፤ ክም ፡ ስልቃሆም ፡ እንሰቴ ።

20 ባዲ ፡ ፈጃር ፡ ስምሓኖ ፤ ክምሰል ፡ ዳሮም ፡ ነኡቴ ።

ወለት ፡ ሰልም ፡ ዎ ፡ መሊሀይ ፡ ቤታ ፡ ምንዲ ፡ ተኡቴ ።

እት ፡ ግርመት ፡ ኢኮኒ ፡ ገሮብና ፡ ለነበዴ ።

ጅምል ፡ ታ ፡ እብ ፡ አፋግ ፡ ወጅምልማ ፡ እብ ፡ እዴ ።

አመት ፡ ቅርጫይት ፡ ኢኮኒ ፡ ለኢዐለት ፡ ለተትኡኬ ።

25 አጭሐብሉ ፡ ሸራሚጥ ፡ ኢኮኒ ፡ እት ፡ አፌት ፡ አፌት ፡ ትትገሴ ።

እናስ ፡ እንዶ ፡ ፈቱት ፡ አሰሩ ፡ ኢትበዴ ።

ወእናስ ፡ እንዶ ፡ አቤት ፤ ከሌ ፡ ማሉ ፡ ኢተሐከ። ።
 ሸርሙጣ ፡ ልቡላ ፤ ግምሽ ፡ እብ ፡ ለሕንቃቄ ።
 ሕና ፡ ክድመትና ፡ ፎርቴ ፡ ቱ ፤ ረወሽን ፡ ለዝባጥ ፡ ለትጋሴ ።

686

ሕላዩት ፡ ዎሮት ፡ እናስ ።

I ሀብተ-ማርያም ፡ አስገዶም ፤ እዲና ፡ ፈግረት ፡ ዓመታ ፤ እንታ ፡
 ምን ፡ ትነሸር ።
 ዓሳ ፡ ገአካ ፡ ዲብ ፡ በሐር ፤ ወባቡር ፡ ገአካ ፡ ዲብ ፡ ምድር ።
 መጽእ ፡ እንዶ ፡ ሐመሳ ፤ እንዶ ፡ ለብሳ ፡ ክል ፡ ሕጥር ።
 እዲና ፡ መልአት ፡ ሕሸኩላ ፤ ክም ፡ አደንገል ፡ ወእክል ።
 5 ቴድሮስ ፡ ሐምድ ፡ መምባካ ፤ ናዩ ፡ ሀሸ ፡ ደይ ፡ ትከጀል ።
 ደማ ፡ ኢከን ፡ ወልሕጽ ፤ ወድ ፡ ሓባሉ ፡ ጀነጀር ።

687

ሕላዩት ፡ መድሕን ።

I አፎ ፡ ሰላም ፡ አቤኩም ፤ ከራ ፡ ሓምድ ፡ መሐመድ ።
 ዕማር ፡ ለብጋይት ፤ ሐለብንሁ ፡ ዲብ ፡ ቀርብት ።
 እሳት ፡ ዐልመት ፡ ቱ ፡ ዐድ ፡ ሸሓይ ፤ ላሊ ፡ ዘምት ፡ እብ ፡ ጽልመት ።
 ወለትና ፡ ለአባ ፤ ማሉ ፡ ክእኛ ፡ ልሸመት ።
 5 አቅብሎ ፡ ዲብ ፡ ዐድኩም ፤ ብጋይት ፡ ደብር ፡ ሳገመት ።

688

ሕላዮት ፡ ዎሮት ፡ እናስ ።

- I ስዒዳ ፡ ሰጃም ፤ ገብር ፡ ወድ ፡ አድም ፤ ክልኦት ፡ ገልገላና ።
 ዐርኮከባይ ፡ ቱ ፡ ጽጋዳ ፤ ተልሃ ፡ ወትነዋና ።
 ክል ፡ ጥዑም ፡ ትብጃዕ ፤ ሩዝ ፡ ወክሽክሻና ።
 ክል ፡ ግሩም ፡ ትለብስ ፤ ሩጠት ፡ ወቅፍጣና ።
- 5 “ነግ ፡ ቡ” ፡ ምን ፡ ትብለኸ ፤ ትምባክማ ፡ ውሎፋማ ።
 “ኢኮን” ፡ ምን ፡ ትብለኸ ፤ ሐካማ ፡ ከብዱ ፡ ጋና ።

689

ሕላዮት ፡ ኢይደኸል ፡ ለልትብሀል ፡ እናስ ።

- I ዮም ፡ ዓመት ፡ ዋይደታ ፡ ታ ፤ አከይ ፡ ነባሪ ።
 ጋሻይና ፡ ኢኮኒ ፤ ቃትላይ ፡ ሐና ፡ እንሳርሕ ።
 ሸመት ፡ ለናይ ፡ ዐድና ፡ ታ ፤ ዘርአይ ፡ ከሩ ፡ እታ ፡ ወቃሪ ።
 ሸመት ፡ ሐቆ ፡ መስመር ፡ ወድ ፡ ገረድ ፡ ታ ፤ ወምዕጥን ፡ ሐቆ ፡
ደግሪ ።
- 5 ወለት ፡ መስገደል ፤ ዕስሚት ፡ ሰጃም ፡ እንፋሪ ።

690

ሕላዮት ፡ ዎሮት ፡ እናስ ።

- I ወለት ፡ አድሀይካ ፡ በላ ፡ ተሰም ፡ ወድ ፡ ሻውር ።
 በለው ፡ ዕናድ ፡ ቃትላ ፡ ወቤት ፡ አስገዴ ፡ መጃውር ።
 ወሬዛ ፡ ድብር ፡ ቀትሎ ፡ ወፋይተት ፡ አከይ ፡ መዳውር ።

691

ሕላዮት ፡ እናስ ፡ ዎሮት ።

- I ሀታ ፡ ኢቲሎ ፡ ከጂጂ ፤ ብዕድ ፡ ገብእ ፡ መነዩ ።
 ኢጎምም ፡ እያሱ ፤ ወኢኢኸ ፡ ንዩዩ ።
 ዐለዮ ፡ በራባር ፤ በርሃ ፡ ባትክ ፡ ገበዩ ።
 እላ ፡ ጉሪት ፡ ታ ፡ አስእኑ ፤ ወእላ ፡ ጽርት ፡ ታ ፡ መስተዩ ።
- 5 ሐኩ ፡ ሰይፍ ፡ ምን ፡ ሐርጥ ፤ ላማ ፡ ኃማት ፡ 1) ወሰአዩ ።
 ወሞታ ፡ ወሰዐኩ ፤ ሎሀይ ፡ ቱ ፡ ቃብረት ፡ ረፍዐዩ ።
 ወተዐወታ ፡ ወሰዐኩ ፤ ተዐጃ ፡ እብ ፡ ለመላሀዩ ።
 ሙሳ ፡ እግል ፡ ዘባደት ፤ እሊ ፡ ዝዕና ፡ ወሐከዩ ።
 እደይ ፡ እብ ፡ ሐይረቱ ፤ ትከክ ፡ ሻነቀዩ ።
- 10 ስጋድ ፡ ዐጃብ ፡ በርካ ፤ ሻሻይ ፡ ኃንሐዩ ።

692

ሕላዮት ፡ ፍካክ ፡ ለልትቦሀል ፡ እናስ ።

- I ሸኛ ፡ ወሀኛ ፡ ልክልኦኛ ፤ ሸዮም ፡ እሊ ፡ ስረሩ ።
 ዐድ ፡ ሐደምበስ ፡ ነቡሮ ፤ በርካ ፡ እሊ ፡ ጀፈሩ ።
 ዐድ ፡ ዕጄል ፡ ነቡሮ ፤ ሐጺን ፡ ሰብ ፡ ለአከሩ ።
 ቤት ፡ ገብሻ ፡ ትነብሮ ፤ በርካ ፡ ውላድ ፡ መፍጠሩ ።
- 5 ሚን-ዓምራይ ፡ ነቡሮ ፤ እንዶ ፡ ሐስላ ፡ ገመሉ ።
 በርካ ፡ ጸብር ፡ ነቡሮ ፤ እብ ፡ ሸመቱ ፡ ወሐበኑ ።

1) L. ኃላት.

693

ሕላዮት ፡ ዎሮት ፡ እናስ ።

- I ማሌ ፡ ላሊ ፡ ወሊሊት ፤ ምስል ፡ ዓግር ፡ ትመዬኮ ።
 ስማ ፡ ኢእሰሜ ፤ ሓከዮታ ፡ አቤኮ ።
 ምን ፡ ተዐርግ ፡ ዲብ ፡ ዐራት ፤ ምን ፡ ትትከራ ፡ ዲብ ፡ ቈጦ ።
 ደሀብ ፡ ቱ ፡ ለአጽማዳ ፤ ለቤት ፡ ዲባ ፡ አቴኮ ።
- 5 ክምስል ፡ ሐፋር ፡ ገናይዝ ፤ እንዶ ፡ ምትኮ ፡ ሐዬኮ ።
 ምን ፡ ጸሓይ ፡ ወብርድ ፤ ነድቆ ፡ እላ ፡ ቤትቤቶ ።

694

ሕላዮት ፡ ዎሮት ፡ እናስ ።

እግል ፡ ገላይዶስ ፡ ወድ ፡ ሹካይ ።

- I ሐቃ ፡ ቱ ፡ እላ ፡ ቤት-ጃክ ፤ ምንማ ፡ እላ ፡ ትጃርብ ።
 እብ ፡ አሰቡሕ ፡ ጸብጣ ፤ አስክ ፡ አመቃርብ ።
 ወሐል ፡ ገአካ ፡ ዲቦም ፤ ከሉ ፡ ረአሶም ፡ ሻርብ ።
 ሰይፍ ፡ ገአካ ፡ ዲቦም ፤ መጋባቶም ፡ ጋርብ ።
- 5 ርሳስ ፡ ገአካ ፡ ዲቦም ፤ አግጃቶም ፡ ቃልብ ።
 ሐዮት ፡ ገአካ ፡ ዲቦም ፤ ለድቢት ፡ ለለትጋልብ ።
 እሳት ፡ ገአካ ፡ ዲቦም ፤ ዐልመት ፡ ለሐጋይ ፡ ካርብ ።
 ገድም ፡ ሳልስ ፡ ወራርካ ፡ ቱ ፡ ለጥሉብካ ፡ ዓልብ ።
 ዘማት ፡ ወክድ ፡ እኹይ ፡ ወዘማት ፡ አመቃርብ ።

695

ሕላዮት ፡ ጋብር ፡ ወድ ፡ ሙሳ ።

- I አልገዴናይ ፡ ዕንክላይ ፡ ቃርድ ፡ ሀላ ፡ ወፋርሕ ።

ግርም : ታ : ሐዮት : ዲብ : ድጊ ፤ ወዕሽር : ታ : ፋጥና : መጋርሕ ።
ፍርድ : ሐቆ : ረአሲ : ቱ ፤ ወምዕጥን : ሐቆ : ደግሪ ።
ጽንሐና : ወጸርና ፤ አስክ : ለጋሻና : እንሳርሕ ።

696

ሕላዮት : መንደር : ወድ : ዕቴል ።

I አምና-ሐጫር : ሰልም ፤ እዙዝ : ወድ : አዛዘ ።
መምብሃ : እንዶ : ሞታ ፤ በርካ : ለወለት : ለሃዲ ።
ሳብክ : ኢነሳግም ፤ ወኢነጸንሕ : ሓጊ ።
እደይና : ላጽሕ : ኢኮን ፤ ወአግዋፍና : ናጊ ።

697

ሕላዮት : ዎሮት : እናስ : ሺተል : ለልትበሀል ።

I ሓጃ : ሰልም : ምኒ ፤ ደሀባ : አስበራይት ።
ዐደን : ከላም : ወዳ ፤ ሕምቦል : ወምራይት ።
ሕመድ : ነዘዕ : ሺመት ፤ ገርዘ : ወፋንዳይት ።
ቀብር : ሙሳ : ዘምታ ፤ ፈጅር : እብ : ጌላይት ።
5 ምስል : ሓበርካሃ ፤ ዐርባ : ወብጋይት ።
ወምስል : ሓበርክሀን ፤ ጽንዕት : ወትግራይት ።
ምን : ረአስ : ሕማር : ፈግራ ፤ ዕላል : ለነታባይት ።

698

ወድ : አሸ-ግራይ : እናስ : ዐድ-ፈ.ዘዕ ።

እግል : ዐድ : ህዳድ : ወድ : ረካ : ለጬሻ ።

I ሐሶሴ : ዎ : መሐመድ ፤ ስካብማ : ብዙሕ : ቀባ : ቡ ።

እሌ : ውላድ : ልቸልሄ ፤ ገድካ : ትገብእ : ስኛቱ ።
 አቡካ : ስካብ : በደዩ ፤ ከሐፍና : ዲቡ : ለክራሱ ።
 ሸር : ሃቡ : ልክልአኛ ፤ እሌ : መሐዝ : ለፍራዱ ።
 5 ወድ : መንደር : ወድ : ዕቴል ፤ ከሰል : ጋይስ : ፋላቱ ።
 ደሀብ : ወሶሚት ፤ ጌዳን : ሚ : ቡ : ማላቱ ።
 እምበል : እላ : ወድ : እዙዝ ፤ ጽዊት : ሚ : ታ : ጎማቱ ።
 ማል : አብሀ : ምን : ልብል ፤ መሐራድ : ዲብ : ለአፍያቱ ።
 ማል : ኖሱ : ምን : ልብል ፤ አንኮካል : ለምግዓዙ ።
 10 ክም : ሐመድ-ኖር : ሸንጌራ ፤ በኑ : ካሪ : እሳቱ ።
 ካረው : ዲቡ : ወካራ ፤ ሐጺን : አባ : አምጸጹ ።
 ትበአሳ : ደርዕ : ወድ : እዙዝ : ቱ ፤ ገንድል : እብ : ለኮናቱ ።
 ጸነሕ : ምን : ቀደም ፤ ሼካ : ዲብ : ለምሸሃቱ ።
 ወተራፍ : ደንጎባ ፤ እላ : ጉሲት : ታ : ሰምዓቱ ።
 15 ትበአሳ : እድሪስ : ወድ : ጆዳል : ቱ ፤ ኩሩብ : ሕጌ : ስኛቱ ።
 ትበአሳ : ህዳድ : ወድ : ረካ ፤ ግድዕት : እንታ : ለእማቱ ።
 እሸኑ : ጸንሐዮም ፤ ምስል : ክልኦት : ውላዱ ።
 እብ : ሐወ : ጸንሐዮም ፤ ትጋሰው : ዲብ : ለአስማጡ ።
 እብ : መንዱቁ : ጸንሐዮም ፤ ባሮት : እብ : ለእሳቱ ።
 20 ወድ : ሐማድ : ወድ : ከልብ ፤ አጊድ : ትቀስን : መርባቱ ።
 ክም : ትወለዳ : ቱ : ሀልላ : አድግማ : እግል : እማቱ ።
 ካይን : ገደቦ ፤ አልብልዕዎ : ሕራዱ ።
 ሐዳር : ሰኒ : ጸንሐዮም : ወላማ : ጋሻ : ጋሻ : ቱ ።

699

ሕላዩት : ንሱር ::

- 1 ሹምና : ማጽእ : ቱ : ምን : ምስር ፤ በኪት : ለጥሉል : ሐባሉ ::
 ወድ : አነቢ : ትገለላ ፤ ወኢፈቱና : ከራሩ ::
 ሹመት : ከሉ : ለብሻ ፤ ሐክር : ሚ : ቡ : ዲብ : ዳሩ :
 ቀፊሩ : ልታኬ ፤ ነብር : እብ : ለብጣሩ ::
- 5 መጽዕኑ : ልትጌለል ፤ ተለክ : ወዳ : አግማሉ ::
 እንታይ : ትብል : ዲብ : ሮራ ፤ በልሳ : ዲቡ : ፍጋሩ ::
 ብላል : ሰልም : መሌላ ፤ ከረን : ዲብ : ለድዋሩ ::

700

ሕላዩት : ዛውላይ ::

- 1 ጸርና : ዕጨይ : ፈለስ : ታካ ፤ ወኢትናሳ : ዋሳቱ ::
 ሰብኡ : ቀዳም : ምን : ነስኦ ፤ ዲብና : ተርፋ : ሕማጡ ::
 መሊሀይ : ቁላብ : ሀበኛ ፤ ትምባኮማ : ነብራ : ቱ ::
 ጭምብዋሁ : ትነስኦኛ ፤ ገሮብ : ልስፍለል : ስኛቱ ::
- 5 ሀቡዩማ : ነስኤኛ ፤ እንዶ : ጸራ : ውላዳ ::
 ገሌ : ሻሺት : ልትባገስ ፤ ገሌ : እብ : ክል : ሽልታቱ ::
 ወገሌ : ዲብ : ቅን : ልትጋሴ ፤ በስእ : ምስል : እማቱ ::
 ማርሐዮም : ክብሮም : ቱ ፤ ወከሰቶምማ : ሕና : ቱ ::
 ወለት : ኢገሚ ፤ እሊ : ዝዕና : ቦላ : ቱ ::
- 10 ደሀብ : ቱ : ለሰርጎሃ ፤ ፍሬ : ጸብር : ለዕንታቱ ::
 ቅሽን : ቱ : እሊ : ግሬና ፤ ቅዲት : ጸላም : ሕሻቱ ::
 ሐመልማል : ሲራ : ረማዲ ፤ ተፍተፍ : ዲብ : ለዕቃቁ ::

- ኢትሆባ ፡ እግል ፡ ሶዳን ፤ ሳቡን ፡ ጼኔ ፡ ትንፋሱ ።
- አከይ-ገረት ፡ ወዝብጣት ፤ ነዝዕ ፡ እብ ፡ ለሸክላቱ ።
- 15 ልትቀሐሽ ፡ ወድ ፡ ድኔ ፤ ወድ ፡ መካዝን ፡ ዐዳ ፡ ቱ ።
- ሕናዲ ፡ ምንዲ ፡ ኢትቀሸኛ ፤ ለቀልብና ፡ ዕስማ ፡ ቱ ።
- ቀየሕ ፡ ጅርገት ፡ ሰገናይ ፤ ደርሆ ፡ ዲብ ፡ ለምሕራዱ ።
- ትትጊለል ፡ ክም ፡ መርከብ ፤ መናቅሶ ፡ ለጸጋዱ ።
- ዐኛጎ ፡ እብ ፡ ጥምባር ፤ ወርቁ ፡ ወለቅማሹ ።
- 20 ሜስ ፡ ቀይሕ ፡ ቱ ፡ ስታያ ፤ እብ ፡ ቦርሌ ፡ ወእብ ፡ ካሱ ።
- ሕጅት ፡ መጋርሕ ፤ ለመጽአማ ፡ ምዕራፉ ።
- ሐየት ፡ ረበዕ ፡ ቱ ፡ ወድ ፡ ገንደር ፤ እት ፡ ሓዩትማ ፡ ደማቁ ።
- ሐየትማ ፡ ሐየት ፡ ሚ ፡ መሸል ፡ ለካይድ ፡ እብ ፡ ለተውያቱ ።
- ክምሰል ፡ ናሸሕ ፡ ወክብርም ፤ ወድቀው ፡ ዲብ ፡ ለሸፍራቱ ።
- 25 ክምሰል ፡ ገለብ ፡ ወድ ፡ ህብቴስ ፤ እሸ ፡ ደግሞ ፡ ስኛቱ ።

701

ሕላየት ፡ እናስ ፡ ብሌን ።

- 1 ፊት-አውራሪ ፡ ባልዋ ፤ ሀደት ፡ ዲቡ ፡ ወበርቀት ።
- ወለት ፡ ቀራይ ፡ ዲብ ፡ ሆና ፤ እላ ፡ በላ ፡ ወተኸት ።
- ዕሉም ፡ ጣላ ፡ ቀጸሩ ፤ ነዝዝት ፡ እብ ፡ ብጥረት ።
- ፈቴናሁ ፡ እብ ፡ ፍቲ ፤ ወፈቴናሁ ፡ እብ ፡ ፈርሆት ።
- 5 ብዕራይ ፡ ደረብ ፡ ጸንሐኛ ፤ ለበዐልቱ ፡ ሐኙ ፡ ኢረክበት ።
- ክምሰል ፡ ክልኦት ፡ ዐድ ፡ ነጩ ፤ ክም ፡ ብእምነት ፡ ወግልወት ።
- ክምሰል ፡ ክልኦት ፡ ሰብ ፡ ሐልሐል ፤ ክምሰል ፡ እዙዝ ፡ ወአብ ፡
- ዕለት ።
- ክምሰል ፡ ድግለል ፡ ዲብ ፡ በርካ ፤ ወክምሰል ፡ ናይብ ፡ ዲብ ፡
- ፈርደት ።

10 ሰካት ፡ ባሽለት ፡ ታ ፡ ዐድ ፡ ሐደንበስ ፤ አሩ ፡ ምኛ ፡ ክም ፡ በሽለት ።
 ሐንቴሃ ፡ ሻይኮ ፤ ወሰቱ ፡ ምኛ ፡ ክም ፡ በርደት ።
 እኩያም ፡ ቶም ፡ እሎም ፡ ሰንሐት ፤ ሐሆም ፡ በሉዕ ፡ ክም ፡ ከረቶ ።
 ሐደግናካ ፡ ቱ ፡ ዎ ፡ ድጊ ፤ ዲብ ፡ ነቅሎሌ ፡ ዲብ ፡ ድማን ፤ ወእት ፡
 ንደጄ ፡ ድገለብ ።

702

ሕላዩት ፡ ህዳድ ፡ ወድ ፡ ረካ ።

1 ባብ-ጀንገሬን ፡ ተከሮም ፤ ጸባብ ፡ ዲብ ፡ ለፈልከታ ።
 ምን ፡ ትደሀር ፡ ዴደኒኩ ፤ ወምንዲ ፡ ትፈግር ፡ መደካ ።
 “እበክያ” ፡ ለቤላ ፤ በርዕድ ፡ ፈግረት ፡ ከበሳ ።
 አምዕል ፡ ለመትሎሃ ፤ ደልደላታት ፡ ዕፍየታ ።
 5 ወአምዕል ፡ ለጋሻያ ፤ ምእት ፡ ወአምሳ ፡ ሕስበታ ።
 አዜማ ፡ ሮማይ ፡ እንጸውር ፤ ለመሐበር ፡ ወጄ ፡ ሸተታ ።
 ለሞታ ፡ ጋባት ፡ በልዐዩ ፤ ወላማ ፡ ፈግራ ፡ ሐንከሻ ።
 ዐድ ፡ ተክሌስ ፡ ወድ ፡ መፍለስ ፤ ትገሰው ፡ በሎም ፡ ለጸርካ ።

703

ሕላዩት ፡ ዎሮት ፡ እናስ ።

1 ተክሩራይት ፡ ቦላ ፤ አመት ፡ ዐድ ፡ ሐሳማ ።
 ጭድቅ ፡ ለማና ፡ ጋረበቶ ፤ ዲብ ፡ ለሂቦታትና ።
 አቡና ፡ እግልና ፤ እብላ ፡ ቱ ፡ ትፋና ።
 ለዝምትት ፡ አሓና ፡ ታ ፤ ወለማይት ፡ ሐና ።
 5 ከረቶ ፡ ወጋባት ፤ በዲር ፡ ገልገላና ።
 ምን ፡ ኖስና ፡ ነጸግበኻ ፤ ወምን ፡ ለመቅጠን ፡ ጋና ።

* * *

ሓኬና ፡ እልኩም ፡ እብ ፡ አፉና ፤ ኔገርናኩም ፡ እብ ፡ ሕላይ ።
 እብ ፡ ትበአስኮ ፡ ኢልትበአስ ፤ ኖሱ ፡ ልትሌሌ ፡ መትብእሳይ ።
 እት ፡ ብላይ ፡ ጋብአት ፡ ዕላመት ፤ ግንዳሌሁ ፡ እብ ፡ መርዳይ ።
 10 ደም ፡ ደም ፡ ቱ ፡ ሰሉፋ ፤ ሽመት ፡ ኢኮን ፡ ውብላይ ።

ሕላየት ፡ ዎሮት ፡ እናስ ።

እግል ፡ ረአስ ፡ ሕሉላ ።

1 አትመመያ ፡ ቱ ፡ አሉላ ፤ ምሴት ፡ ለምን ፡ ዐጁ ፡ መሐለያ ።
 እጁና ፡ ጌሳ ፡ ኤማና ፤ ምሴት ፡ ለሱጥር ፡ ዔረያ ።
 ስልክ ፡ እንደይ ፡ ተሓኔ ፤ እብ ፡ ግራዴ ፡ በትካያ ።
 ብስጠት ፡ እንደይ ፡ ተሓኔ ፤ ገበያ ፡ ውሐዝ ፡ ደብአያ ።
 5 እብ ፡ ጥርምበታ ፡ ወእብ ፡ ኖሳ ፤ ዲብ ፡ ዎሮት ፡ ግብ ፡ ቱ ፡ ከርዐያ ።
 ከራ ፡ ግንጃር ፡ ወድ ፡ ዓምር ፤ ለሮሻን ፡ ድማን ፡ ሐድገያ ።
 ትበርጅ ፡ ዐለት ፡ ሰንሐትማ ፤ ትርክ ፡ እግል ፡ ትርአያ ።
 ዐድ ፡ ከልብ ፡ ወቤት-ጁክ ፤ ዲብ ፡ እገሩ ፡ ነስአያ ።
 ዐድ ፡ ተክሌስ ፡ ወድ ፡ መፍለስ ፤ ማላ ፡ እንዶ ፡ ወሐዶ ፡ ጅርበት ፡
 ላታ ፡ አርአያ ።
 10 ስጋደት ፡ ናይ ፡ ኤሎስ ፡ እብ ፡ ብሩዱ ፡ ፈግረያ ።
 በኪታ ፡ ወባኩት ፡ አሰናይ ፡ እሌን ፡ ፈግረያ ።
 ሐቲ ፡ ወለት ፡ ቤትና ፡ ታ ፡ ወሐቲማ ፡ ግስና ፡ ገበያ ።

705

ሕላዩት ፡ ዎሮት ፡ እናስ ።

እግል ፡ ሽምብሬብ ።

I ሽምብሬብ ፡ ኬደቶ ፤ ፈቅሕ ፡ ሕመድ ፡ ወዋሬ ።
 አምዕል ፡ ለግድሎኳ ፤ ዐስር ፡ ሐምስ ፡ መጽኢኳ ።
 ሐምስ ፡ ቅዱት ፡ ልጥሕና ፤ ወሐምስ ፡ እሌን ፡ ሸልካኳ ።
 ሐምስ ፡ ምን ፡ መሰሰር ፤ አክል ፡ ዐድ ፡ ሕድ ፡ ጸብጣኳ ።
 5 ምን ፡ ትትሃገይ ፡ መደማል ፤ ወምን ፡ ትገኝሐ ፡ ፈርሃኳ ።
 ቀዋሴናይ ፡ ዲብ ፡ ገራር ፡ በሐር ፤ ወኤሎስ ፡ ነጋሱ ።
 እንቲ ፡ ሞትኳ ፡ ዲብ ፡ ረሺ ፡ ታ ፤ ወጎዬ ፡ ሀሌት ፡ ነብራኳ ።
 ሰብ ፡ በለሌት ፡ ወሽመም ፤ ከሉ ፡ ልግበእ ፡ ፍዛኳ ።
 ወለት ፡ ስልጣን ፡ ስሌማን ፤ መን ፡ ረክበዖ ፡ እብ ፡ ሓዘ ፡

* * *

10 አፍ ፡ በርቅ ፡ ኢሰክበት ፤ ሊሊት ፡ እት ፡ ረአስ ፡ ግራሻ ።
 ሰገን ፡ ግራ ፡ ከብሻ ፤ አምሱይ ፡ ዲብ ፡ ለውላዳ ።

* * *

አፍ ፡ በርቅ ፡ ኢሰክበት ፤ ሊሊት ፡ ረአስ ፡ መርሀቢብ ።
 ለግራ ፡ ሶሚታት ፤ ቀናጡሾ ፡ እብ ፡ ሸቢብ ።

* * *

አፍ ፡ በርቅ ፡ ኢሰክበት ፤ ምልዛናይ ፡ ለበልቀት ።
 15 ምህረት ፡ ፋግረት ፡ ምን ፡ አፍሩስ ፤ ካዩደቶም ፡ ከሐልፈት ።

* * *

አፍ ፡ በርቅ ፡ ኢሰክበት ፤ ሊሊት ፡ ረአስ ፡ ሽኖራ ።
 ፋይተት ፡ ጋርካ ፡ ኢትወጄ ፤ እምበል ፡ ጋር ፡ ለግዳራ ።

* * *

አፍ : በርቅ : ኢሰክቦት ፤ ሊሊት : ረክስ : መደካ ።
ጸሎ : ፈረስ : ጅንግላይ ፤ ከብድ : ለአፍሩስ : ትደረክ ።

* * *

20 አፍ : በርቅ : ኢሰክቦት ፤ ሊሊት : ረክስ : ሰመና ።
አከይ : ጎፍ : ዎ : መላህይ ፤ ዲብና : ተርፍ : ወእት : ወልና ።
ምን : መራካት ፤ ንኢሸቶማ : ተአክለና ።

* * *

አፍ : በርቅ : ኢሰክቦት ፤ ሊሊት : ረክስ : ጸላሌ ።
ኢትሸፈጊ : መንታይት ፤ አስክ : ዲብኪ : ንትዋሌ ።

* * *

25 አፍ : በርቅ : ኢሰክቦት ፤ ሊሊት : ረክስ : ዎና ።
እሊ : ሕላይ : ሽምብሬብ ፤ መን : ደግሞ : ሐቆና ።

* * *

አፍ : በርቅ : ኢሰክቦት ፤ ሊሊት : ረክስ : ዐንሰባ ።
እሊ : ሰፈላልኪ ፤ ካሬኒ : ዲብ : ቀባ ።

* * *

አፍ : በርቅ : ኢሰክቦት ፤ ሊሊት : ረክስ : አጅርቡብ ።
30 “ግሸት : ሐዳስ : ታ” : ቤሉና ፤ ፈጅር : ፈጅር : ትትከብከብ ።

* * *

አፍ : በርቅ : ኢሰክቦት : ሊሊት : ረክስ : መረው ።
እንቱም : ሰብ : ጋድሞታት ፤ ምን : ወንጌልና : ትከረው ።

* * *

አፍ : በርቅ : ኢሰክቦት : ሊሊት : ረክስ : መዐቡላ ።
“እት : ረክሳ : ቱ : ሀሌኮ” : ለወለት : ክእን : ልቡላ ።

35 እብ : ቅዲት : ወህንዲ : ሐነን : ወጄ : ሽንጉላ ።

* * *

አፍ ፡ በርቅ ፡ ኢሰክበት ፤ ሊሊት ፡ ረክስ ፡ ሐመደይ ።

አጫብዕ ፡ ማይማየ ፤ ዕላም ፡ ብእቱ ፡ ዲብ ፡ እደይ ።

* * *

አፍ ፡ በርቅ ፡ ኢሰክበት ፤ ሊሊት ፡ ረክስ ፡ ጀኚሩ ።

ቀርጠጠማ ፡ ደባቢክ ፤ ክላል ፡ አባ ፡ ሰጠሩ ።

40 ወክላል ፡ ምንማ ፡ ሰጥረዩ ፤ ዐርቀይ ፡ አባ ፡ አከሉ ።

* * *

አፍ ፡ በርቅ ፡ ኢሰክበት ፤ ሊሊት ፡ ረክስ ፡ ጨዐደምባ ።

እግል ፡ ወለት ፡ መንታይት ፤ በላ ፡ እድሪስ ፡ ወድ ፡ ገብሻ ።

706

ሕላዮት ፡ ተክሩራይ ፡ ወድ ፡ ቴድሮስ ።

I ዲብ ፡ ምግብ ፡ ልትወለድ ፤ በኪት ፡ ላቱ ፡ በዐል ፡ ገምበር ።

ምን ፡ ልዘመት ፡ ልትረደእ ፤ ወምንዲ ፡ መይት ፡ ልትቀበር ።

ወድ ፡ አብ ፡ አለዐም ፤ ሐሆም ፡ ደብሮም ፡ ቱ ፡ ሰብ ፡ ዐንደር ።

“አቴና ፡ ባ” ፡ እት ፡ ልብሎ ፤ በለስንሃ ፡ ምን ፡ መሐበር ።

707

ሕላዮት ፡ ዎሮት ፡ እናስ ።

እግል ፡ ገላይዶስ ፡ ወድ ፡ ሼካይ ።

I እሊ ፡ ውዳይ ፡ ገብሻ ፤ እብ ፡ ዮም ፡ አመኛ ፡ ቡ ።

ምን ፡ ረቢ ፡ ልግበእ ፤ ጅሁ ፡ ወምርካቡ ።

እብ ፡ ለመሓዝ ፡ ጸባብ ፤ አልተም ፡ ትደረካ ፡ ቡ ።

አልተም ፡ ለቆጣ ፡ ነስእ ፤ ገይስ ፡ እብ ፡ ክል ፡ ባቡ ።

5 ማሌ ፡ ሐርማዝ ፡ ሞታ ፤ ጸርጽር ፡ ዐላ ፡ ጋቡ ።

ወማሌ : ታጅር : ሞታ ፤ ጸግበው : ምን : ስላሉ ።
 እትዬታት : ፈግራ ፤ ቤት : ምን : ጥናቡ ።
 ሕና : ትመሳክኛ ፤ ወጌሳ : እግር : ላቡ ።

ሕላዩት : ዎሮት : እናስ ።

- I ሐመድካካ : በዐልዬ ፤ ሐምዴ : እግልካ : ወሸክር ።
 ወአት : ትግበእ : ወጠሊት ፤ ዲብ : ዐሙራ : ኢትቀዝር ።
 ሹዋም : ሰኔት : ኢፈርድ ፤ ወእሲት : ብእሳ : ኢትከጅል ።
 ሐቃ : ቱ : ህታማ ፤ ፉጠት : ሐዜት : ወሻድር ።
- 5 ትተርትሮ : ዲብ : ዴዋን ፤ ተፈግሮ : ዲብ : ቃድር ።
 ስምሐኖ : እሊ : አልባብና ፤ ከርቱም : ጋይስ : ወምስር ።
 ምድር : ጋና : ከልአዩ ፤ አምሐራታት : ወክፍር ።
 እልፍ : ገብእ : ቀሽታት ፤ ወእልፍ : ገብእ : ደነግል ።
 ስምሐኖ : እሊ : መጋርሕ ፤ ዶራ : ዲቡ : ሰለጥን ።

ሕላዩት : በርቅ : ወድ : አብርሄ ።

- I ዕትማን : እግል : ዐለዮ ፤ ሸበርንኩ : አዳላ ።
 ሳምያ : ቱ : አልገዴን ፤ ዐድ : ጉልቱና : ወዐድ : ሳላ ።
 ሳምያ : ቱ : ዐድ : ዘማት ፤ ዘጋ : ዲብ : ለድዋራ ።
 ሐሊብ : ዐባሲት ፤ ነቡል : ለካልእ : ድግማና ።
- 5 ጽጋዳ : ክም : ጨራ ፤ ሐነን : ወጄ : እብ : ቃና ።
 ወጽጋድ : ደቀል : መራክብ ፤ ቤረቅ : ለዋትድ : ስካና ።
 ሐሜተኛ : እምናዲ ፤ መወቕሕ : ዲብና : ምን : ትካራ ።

አብ ፡ አለቡ ፡ ኢኮኒ ፤ ለኢለአምር ፡ ቀባና ።

ሺብ ፡ ጨይሕ ፡ ምን ፡ ለዐል ፤ ወከብድ ፡ እብ ፡ ለተሓና ።

10 አፍገረዎ ፡ እት ፡ መሐበር ፤ ናተለዎ ፡ እብ ፡ ዋላ ።

ፍዴል ፡ ሰልም ፡ ሀዋለት ፤ እንታ ፡ ቱ ፡ ዕጹም ፡ ዲብ ፡ ጋራ ።

ሕሉግ ፡ ሀላ ፡ አቡካ ፤ ቀደም ፡ እላ ፡ ኢትሳራ ።

710

ሕላዩት ፡ ዎሮት ፡ እናስ ።

1 ተክሩራይት ፡ ዲብ ፡ ሕቡብ ፤ እብ ፡ ሰላመት ፡ ሸቦባ ።

ክምቦብ ፡ አና ፡ ወዐለይታይ ፤ ኢረጄኝ ፡ ገሮባ ።

መካሪታ ፡ እት ፡ ለአምሮ ፤ ውላድ ፡ ለዐዳ ፡ ልትቅሐቦ ።

ጽጋድ ፡ ለመርከብ ፡ አፍርንጂ ፤ እብ ፡ ለስሩር ፡ ዐርጎ ፡ ባ ።

5 ተሐት ፡ ዲብ ፡ ለልገታ ፤ ልሻዩራ ፡ ረቦባ ።

ከቦሃ ፡ ክናናይ ፤ ጀዐል ፡ ለመቅረይ ፡ ዘምቶ ፡ ባ ።

መዋይራይኪ ፡ ምን ፡ ትዋሪ ፤ ወኢሐደኸ ፡ ደንጎባ ።

መርሐባ ፡ ዕንጃራ ፤ ወለት ፡ መጀባ ።

መጦር ፡ ማርያም ፡ ወአውልያ ፤ ቃርአት ፡ ቅርባን ፡ ወርዶ ፡ ባ ።

10 ሕና ፡ በዝሓ ፡ ቀባና ፤ ዎ ፡ ጸርና ፡ ላሊ ፡ ስኮባ ።

711

ሕላዩት ፡ ፋዘጋ ፡ ወድ ፡ ምግብ ።

1 በርካ ፡ ተሓቱ ፡ ካዩድና ፤ ምን ፡ ሐዲግ ፡ ለአትራፋት ።

በኬኛ ፡ አለቡ ፤ ሞትና ፡ ጉብአት ፡ ሰሓቃት ።

መሓዝ ፡ ጋሽ ፡ ወረድና ፤ ትከሬንሁ ፡ እብ ፡ ሳሳት ።

መሐዝ : ሸከራ : ካዩድና ፤ ጁራ : ወቶማል : ጋላባት ።
 5 ለሞታ : ከደን : ልኮፎ ፤ ላማ : ሀላ : እግል : ጋባት ።
 ገድካ : ከረን : በልሱካ ፤ እንዶ : ገአካ : ሰላማት ።

712

ሕላየት : ሙሳ : ወድ : ምግብ ።

I እብ : ቅባ : ትማጽአና ፤ ሕና : ወገብሩ : በዐል : ሐመር ።
 ዲብ : መንፈሱ : ልስኤና ፤ ህቱማ : ፈግራ : እብ : እገር ።
 ወዲብ : ኮናቱ : ልስኤና ፤ ልውሕድ : ምንዲ : ልትዐሸር ።
 ቀስነው : ማ : ሚ : ሰብ : በጉ ፤ ከራ : ባርያይ : ወድ : ጀደል ።
 5 ወለት : አይመት : ዲብ : ድጊ ፤ በላ : አድም : ወድ : ሸኸር ።

713

ሕላየት : ትንስኤው : ወድ : ሃኪን ።

I አፎ : አረይ : ኢትብሎ : ወሌዳዩ : ወአድረራ ።
 ጨግ : ታ : ሕርደት : ገሎዳ ፤ ትከራት : ዲብ : ለመክለላ ።
 ክፍል-ገርጊስ : ወድ : ነጋሲ ፤ ሹም : ቱ : ምን : ሐሁ : ተዐመላ ።
 ወድ : መስመር : ወድ : ቱድሮስ ፤ ሸመቱ : ምን : ለገንደራ ።
 5 ለጅኑን : ወመልአክ ፤ ዲብ : ሚ : ዲብ : ሕድ : ተዐደላ ።
 ለእደይ : እባ : መሸከቱ ፤ ከብድ : እባ : ስረራ ።
 ምን : ለዐል : ዕልባይ : ጸብጥ ፤ ምን : ተሐት : ሸርባ : ከራ ።
 ወገሪቆ : ወጋብሉ : ገብሩማ : እግሉ : ትከተላ ።
 አሙሮ : ውላድ : አልገዴን ፤ ምን : ተሐት : አስክ : ከሰላ ።
 IO ዘማት : አፍ-መራይት ፤ ወዘማት : አፍ-ገሰላ ።

ዘማት ፡ ብጋይት ፤ ምን ፡ ለሐን ፡ ለመክለላ ።
አሮ ፡ ሰላም ፡ ኢትቡሎ ፤ እብ ፡ ጨመሪት ፡ ቃተላ ፡
ስምሐኖ ፡ እሊ ፡ መጋርሕ ፤ አሮ ፡ ክእኖ ፡ ትበደላ ፡
በዲር ፡ ሰለስ ፡ ቤት ፡ ማልክ ፤ ኢልጠረቅ ፡ መሐበራ ።

15 ለክመዮም ፡ ዐባዩ ፤ ዲብ ፡ ነኢይሽ ፡ ትበደላ ።
ሕጅት ፡ ገብእ ፡ ጌሳ ፤ ማ ፡ አብሐር ፡ ገብእ ፡ ሳፈራ ፡

* * *

ገድም ፡ ትሩፍ ፤ ጁፋ ፡ ወድቀት ፡ ለታክያቱ ።
እት ፡ ሐረምዝ ፡ ዕኬሪ ፡ ቱ ፤ ስሄል ፡ ለቀይሕ ፡ ዕንታቱ ።
ዐድኪ ፡ ወለት ፡ መስገደል ፤ ትከራ ፡ ምን ፡ ጽጋዱ ።

* * *

20 ገድም ፡ ትሩፍ ፤ ጁፋ ፡ ሐቆ ፡ ሕኒት ።
ሕኒት ፡ እግል ፡ ፈታዩ ፤ ወአት ፡ ሀይብ ፡ ሕሪት ።
ወሕኒት ፡ እግል ፡ አባዩ ፤ ዐንደል ፡ ወክንክኒት ።
እሊ ፡ ውጃዩ ፡ ጋዳ ፡ ቱ ፤ ወመደገሚት ።
ምን ፡ ሐቴ ፡ ወአት ፤ ወአርበዕ ፡ ጠሊት ።

* * *

25 ተሐኸማ ፡ ወድ ፡ ሃኪን ፤ ጠርቡሽ ፡ ከራ ፡ ክም ፡ ትርካይ ።
እት ፡ ልኡክ ፡ ደርዱሮ ፤ እንዶ ፡ ገብኣ ፡ ሀጅንታይ ።
ተሐኸማ ፡ ሀዳድ ፡ ወድ ፡ ረካ ፤ ወተሐኸማ ፡ ንሱር ፡ ሐልሐልታይ ።
ወለት ፡ መስገደል ፤ ዕስሚት ፡ ሰልም ፡ ነበራይ ።
ጸሎ ፡ ለቡሪት ፡ ጨብላይት ፤ ወጸሎ ፡ ለፈረስ ፡ ጅንግላይ ።

30 ለወለት ፡ ሳክያይ ፡ ኢትፈቴ ፤ ወበዐላ ፡ ልግበእ ፡ ወተላይ ።

714

ሕላዩት ፡ ዎሮት ፡ እናስ ።

እግል ፡ ሸድመቆም ፡ እት ፡ ልገንግር ።

- I አድመቆም ፡ ሸናራ ፤ በዐል ፡ ለሺመት ፡ አነግር ።
 ልሻሱ ፡ ዐባት ፡ ታ ፤ ማሌ ፡ መጽአት ፡ ምን ፡ ምስር ።
 ድራሩ ፡ አደንገል ፤ ወአትናናቱ ፡ ክል ፡ ሕጥር ።
 አሉላ ፡ ዲብ ፡ ከበሳ ፤ ነጋጊሩ ፡ ሀድር ።
- 5 ናይብ ፡ ዲብ ፡ ደከኖ ፤ ወእሸማዲል ፡ ዲብ ፡ ምስር ።
 አና ፡ ወአድመቆም ፤ ሻማት ፡ ብና ፡ ወምእክር ።
 ዐድ ፡ ኩኩይ ፡ ወዐድ ፡ ሳላ ፤ ትደኛን ፡ ሀሌት ፡ ወተሐኛር ።
 ሰቀር ፡ 1) በዐል ፡ አዱግ ፡ ቱ ፤ እግል ፡ ዕቅብ-ጋብር ።
 አና ፡ ኢእፊትዮ ፤ እሊ ፡ ዙዕ ፡ ለተወሸር ።
- 10 በኪት ፡ ቱ ፡ አቡነ ፡ ዮሴፍ ፤ ለዳርሮም ፡ ክል ፡ ሕጥር ።
 ንኡሽ ፡ ላቱ ፡ ለትዐቤ ፤ ወዐቢ ፡ ላቱ ፡ ለሸንግል ።
 አድመቆም ፡ ምን ፡ ልዘሌ ፤ ዐውል ፡ ኢለፊግር ።
 ነበክታ ፡ ምን ፡ ልትከሬ ፤ ሐርብ ፡ ወቅምብር ፡ ጸውር ።
 ሮማኩ ፡ ምንዲ ፡ ለቅሎሌ ፤ ጀቕፍ ፡ እብ ፡ ለሕንክል ።
- 15 ምንዲ ፡ ልደሬ ፡ ዲብ ፡ ሻብራ ፤ አዱጋቱ ፡ ለትቅብል ።
 ሕናዲ ፡ ተሐለልና ፤ ዲብ ፡ እንደባድብ ፡ ወእንሰትር ።

715

ሕላዩት ፡ ከንቴባይ ፡ ፍካክ ።

- I ኢትትገለል ፡ ዎ ፡ መደብቶት ፤ ክም ፡ በዲርካ ፡ ኢትሕዜ ።
 ዱሪ ፡ ታ ፡ ነብራ ፡ እዲና ፤ ጽላል ፡ ፈጅር ፡ ታ ፡ ወምሴ ።

1) L. ስቋር?

ውርድና ፡ ሰቴና ፤ ኢውርድና ፡ ሚ ፡ እንሰቴ ።
 ዕዳይና ፡ ፈዴና ፤ ባልዕ ፡ ዕዳይ ፡ ሚ ፡ ኢፊዴ።
 5 እሱት ፡ ልብሎ ፡ መዳማ ፤ ወህታ ፡ ዕርዲ ፡ ተኣቴ ።
 ዕጥር ፡ እንዶ ፡ ትትሐሰስ ፤ ወቅዲት ፡ እንዶ ፡ ትትቀዴ።
 ብእሳ ፡ ከደን ፡ ልትከረዕ ፤ ወህታ ፡ ምስሎም ፡ ነቢት ፡ ትሰቴ ።

ተውሳክ ።

716

ሕላዩት ፡ ፋግር ፡ ወድ ፡ ብያን ፡ እግል ፡ ከንቴባይ ፡ መሐመድ ፡ ለ
 ሐለያ ፤ ወኤልያስ ፡ ወድ ፡ ዓይላይ ፡ ለአክተቤኔ ፡ ታ ።

I በርቅ ፡ ሀረሴኔ ፤ ምን ፡ ረኣስ ፡ ግርግር ።
 ድሩይ ፡ ወድ ፡ ገመኔ ፤ ገይዳት ፡ ጥራይ ፡ መጭር ።
 ክርብ ፡ እት ፡ ሐረምዝ ፤ ዐቅባ ፡ ሐጫር ፡ ነቕል ።

* * *

በርቅ ፡ ሀረሴኔ ፤ ሊሊት ፡ ምን ፡ ቤት ፡ ክስታን ።
 5 ላሊ ፡ ኢለሰክብ ፤ ግርግስ ፡ ዓራት ፡ ትካን ።
 እልካ ፡ እት ፡ ልውዕዛ ፤ በዳ ፡ ምኖም ፡ ቅሳን ።

* * *

በርቅ ፡ ሀረሴኔ ፤ ሊሊት ፡ ምን ፡ ሺላናት ።
 እት ፡ እደይካ ፡ በርደት ፤ ቤት ፡ ኡብ ፡ ክም ፡ ሕጻናት ።
 እንዶ ፡ ትደናድነኝ ፤ ገብእ ፡ ምንካ ፡ ዋላት ።
 IO ወእንታ ፡ ሸማም ፡ ረኣሳ ፤ ተሀይብ ፡ ዲባ ፡ ማላት ።

* * *

በርቅ : ሀረሴኔ ፤ ሊሊት : ምን : ምራራ ።
 እላ : አመት : ሚ : ቲዴ : ጋራ : ወመላላ ።
 እልካ : ቱ : ትሰአለት : ቡ ፤ ጸብሓ : ወድራራ ።
 እንታ : ቱ : ገአካ ፤ ዘዓ : ወንሻላ ።

15 ወእንታ : ቱ : ገአካ ፤ ሐክላ : ወመሳራ ።

* * *

በርቅ : ሀረሴኔ ፤ ሊሊት : ምን : ምሕኛቅ ።
 ካሳይ : ዲብ : ከዋክብ ፤ አመቃርብ : ጠራቅ ።
 እንዶ : ክልኤ : ደንግህ ፤ ሐቅሀን : በልስ : ሕንራቅ ።
 እምበል : ሸኬን : ሐራድ ፤ ወእምበል : ተዶብ : ሸኛቅ ።

* * *

20 በርቅ : ሀረሴኔ ፤ ሊሊት : ምን : ረአስ : ማቃ ።
 ወልደት : ወለት : ለጎ ፤ ተሀጄት : ለሔማካ ።
 መምባ : ፈርፈር : ጸሊም ፤ እት : ከደሲ : ትጋሳ ።

* * *

በርቅ : ሀረሴኔ ፤ ሊሊት : ምን : ነፋሲት ።
 ቀንጠብ : ድራር : ጋሻይ ፤ ምንዲ : ዐይር : ሻሺት ።

* * *

25 በርቅ : ሀረሴኔ ፤ ሊሊት : ምን : ቀብር : ሓምድ ።
 ሐጹር : ኢከርዖ ፤ ሐየት : ቅታል : ላምድ ።
 ገይዳት : ጥራይ : በልዕ ፤ መአዜ : እንዶ : ቃምድ ።

* * *

በርቅ : ሀረሴኔ ፤ ሊሊት : ምን : አልገዐታ ።
 ቀንጠብ : ሸምካ : ዲባ ፤ ተሐንን : ቤተት : ተዐካ ።

30 ለአሉ : አሴ : ከንቴባይ ፤ ቃቅዐት : እብ : ለአበርዳ ።
 ለአሉ : ፈቱ : ከንቴባይ ፤ ሸመት : ሀይብ : ወነጸ ።

* * *

በርቅ : ሀረሴኔ ፤ ሊሊት : ምን : ረአስ : ረበር ።

ሸመት : ዲብ : ዳቅብ : ታ ፤ ወንዋይ : ዲብ : በዐል : ጭገር ።

* * *

በርቅ : ሀረሴኔ ፤ ሊሊት : ምን : ረአስ : ምጽብ ።

35 አምያስ : እግል : ትስቴ : ቱ ፤ እላ : አጋር : ትኩባኩብ ።

እላ : ወትታሌኮ ፤ ምን : እረክብ : ምንክብ ።

ተስፋ : እግል : ዳቅብ : ታ ፤ ወከብድ : ፈታይ : ተዐቅብ ።

* * *

በርቅ : ሀረሴኔ ፤ ሊሊት : ምን : ረአስ : ቆረት ።

እሸኑ : ነቃ : ዲብ ፤ ሎሀይ : መሓዝ : ኖረት ።

40 ውሀራ : ወድ : ወአታ ፤ ኢኮን : ዐውል : ፎረት ።

ልትካረፋ : ሚ : ቡ ፤ ሸመት : ሐቆ : ዶረት ።

* * *

በርቅ : ሀረሴኔ ፤ ሊሊት : ምን : አሸላ ።

ወድ : ዝሪት : ወድ : ከልብ ፤ ለትሸየማ : ወትሰዐራ ።

ወድ : ሸከር : ወድ : ብእምነት ፤ እት : ኬን : እንዶ : አድሀራ ።

45 እት : አሰይፍ : መስሎሊብ ፤ ሙቱሀ : እንቱ : ወትሰሐላ ።

እት : ሀመሚት : ሸሎጊብ ፤ እት : ሓዮታት : ሐንገላ ።

ገያስ : ምን : ብልም ፤ እንዶ : አምር : ስለላ ።

ቤት : አብ : እልካ : ተትኣኬ ፤ ኢሊዴኛ : ክምሰልሃ ።

ተሐት : ገብእ : ለረአሳ ፤ ወለዐል : ገብእ : ለእገራ ።

50 እብ : ርቀያ : ትትማዴ ፤ እንዶ : ልንሐ : ለጨበላ ።

“ደፈንሀ” : ልቡሎ ፤ ፈግር : እንዶ : ሐንፈላ ።

እብ : ከንፈሩ : ልትዐዴ ፤ እንዶ : ልውዕል : እት : ወዐላ ።

717

ከልብ ፡ ወድ ፡ ቴድሮስ ፡ እት ፡ ሀዳይ ፡ ናውድ ፡ ወድ ፡ ብእምነት ፡
 እት ፡ ዐድ ፡ ትማርያም ፡ ትፈረረው ፤ ደአም ፡ ሀቶም ፡ እግል ፡ ልግ
 ልዕዎም ፡ ሐዘው ፡ ወበአስ ፡ ወሕርጣት ፡ አሰይፍ ፡ ገአ ፡ እት ፡ ምማ
 ቦም ። ደአም ፡ እት ፡ ደንጎባ ፡ እሺቶም ፡ ሀበዎም ፤ ከገድም ፡ ሀቱ ፡
 እብ ፡ ሰብብ ፡ እሺ ፡ እሻ ፡ ቤላ ።

I ሀቶምማ ፡ ውላድ ፡ ዐድ ፡ ሸኸር ፤ ሐዶም ፡ ተርፋ ፡ እግል ፡ እክል ።
 እሻ ፡ ውላድ ፡ ዐድ ፡ ሀብቱ ፤ ለርሳስ ፡ ዲባ ፡ መጀልል ።

አፎ ፡ ውላድ ፡ ቤት ፡ አስበር ፤ ሳኪ ፡ መአዜ ፡ ተፈግር ፡
 ወእሻ ፡ ውላድ ፡ ወርዕሰብ ፤ ኢተቀብል ፡ እግል ፡ መስእል ።

5 ውላድ ፡ ለዕሌት ፡ ናውያም ፡ ቶም ፤ ለአግሉብ ፡ አድማይ ፡ ግል ፡
 ተሐንግር ።

ወእሻ ፡ ውላድ ፡ ዐድ ፡ ዘሪት ፤ ሸየም ፡ ሰብ ፡ ለጸኑሽል ።
 ትበአሰው ፡ ዲብ ፡ ለዋጦቶም ፤ ዐሊ ፡ ወመሐመድ ፡ እት ፡ ተዐንድር ።

ትበአሰው ፡ ዲብ ፡ ለንጋረት ፤ መንሱራሆም ፡ እት ፡ ተሀድር ።
 እት ፡ ከብድና ፡ አምናም ፡ ኢሀሌና ፤ አስክ ፡ ለሕርም ፡ እንፈግር ።

IO ንሹር ፡ ሰልም ፡ ለአዋልድ ፤ ዐድና ፡ ምንዲ ፡ ተቀብል ።
 ለእሻ ፡ ርኤካ ፡ አሸእሻን ፤ እንደይ ፡ ትመኔ ፡ ወትሰኝር ።

እብ ፡ ተቀብል ፡ ቱ ፡ ለአክናካ ፤ ዜምተት ፡ ሕጻንማ ፡ ትቀኝል ።

ALPHABETISCHES VERZEICHNIS DER DICHTER.

Die Zahlen bezeichnen die Lieder. — Die Worte ወደ, እሲት u. ä. kommen für die alphabetische Anordnung nicht in Betracht.

ሀ

- ሀብት-ገርጊስ፡ ወደ፡ ጀሃድ 228—230.
 ሀብቱስ፡ ወደ፡ ነውረዳን 550.
 ሃኪን፡ ጥራይ 597.
 ሀወሳባይ፡ ወደ፡ ዳፍላ 63—72.
 ሀዳድ፡ ወደ፡ ረካ 702.

ለ

- ልጃም፡ ወደ፡ ፀከሳ 308—310.
 ልጃጅ፡ ወደ፡ ልባብ 302.

ሐ

- ሐመድ-ሉል፡ ወደ፡ ዕጄል 322—326.
 328. 330. 332—335. 337—339.
 ሐማድ፡ ወደ፡ በሐራይ 553.
 ሐማድ፡ ወደ፡ ዓምር 199—201.
 ሐምዴ፡ ወደ፡ ራኪ 675.
 ሐምዶ፡ ወደ፡ አበከር 48. 49.
 ሓምድ፡ ወደ፡ ሐሰን፡ (ከንቱባይ) 527.
 528.
 ሓምድ፡ ወደ፡ ሸንገብ 344—366.
 ሓምድ፡ ወደ፡ ፀሊ 531.
 ሓምድ፡ ወደ፡ ፀማር 556—572.

- ሓምድ፡ ግሩብ 596.
 ሓምድ፡ ወደ፡ ገንደር 173.
 ሓምድ፡ ጥፍዔተት 607.
 ሕመድ፡ ወደ፡ መሐመድ 256. 257.
 259—261.
 ሕመድ፡ ወደ፡ ሰምራ 38.
 ሕመድ፡ ወደ፡ በርዳድሃ 581.
 ሕመድ፡ ወደ፡ ዓምር 265.
 ሕመድ፡ ወደ፡ ፀጋት 409. 608—621.
 ሕመድ፡ ወደ፡ ደርመስ 35—37. 59.
 ሕመድ፡ ወደ፡ ድዌዳ 586.
 ሕመድ፡ ግሩብ 599.
 ሕመድ-ኖር፡ ወደ፡ ሺተል፡ በትሩ 633.
 634.

- ሕመድ-ኖር፡ ወደ፡ ናይብ 533.
 ሐረውያ፡ (ሐረስታዩ) 383, (ተላዩ) 384.
 ሕሴን፡ ወደ፡ ኬራይ 663.
 ሐዞት፡ ወደ፡ ፀሽከራይ 298.

መ

- መሐመድ፡ ወደ፡ ሐሳማ፡ (ከንቱባይ) 266—269. 271. 272.
 መሐመድ፡ ወደ፡ ሕመድ 582.
 መሐመድ፡ ወደ፡ መዳን 500—503.
 መሐመድ፡ ወደ፡ ሹካይት 410.

መሐመድ፡ ወድ፡ በሀይማኖት 262.
 መሐመድ፡ ወድ፡ በሐይላይ 466—468.
 መሐመድ፡ ወድ፡ ኤሎስ 187. 189. 191.
 192. 194.
 መሐመድ፡ ወድ፡ እዛዝ 536.
 መሐመድ፡ ወድ፡ ክሜል 602. 603.
 መሐመድ፡ ወድ፡ ፀሊ-ፋላት 517. 519.
 መሐመድ፡ ወድ፡ ፀምዴስ 120—128.
 393.
 መሐመድ፡ ወድ፡ ጃውጅ 495.
 መሐመድ፡ ወድ፡ ግርሚት 537—543.
 545.
 መሐመድ፡ ወድ፡ ፍቅሪት 532.
 መሐመድ፡ ወድ፡ ስሌማን 336.
 መሐመድ፡ ወድ፡ ባይራይ 204.
 መሐመድ፡ ወድ፡ እዛዝ 287—289. 291.
 መሐመድ፡ ወድ፡ ፀቴል 341.
 ሙሳ፡ ወድ፡ ምግብ 712.
 ሙሳ፡ ወድ፡ ግራ 646—648.
 መስመር፡ ወድ፡ አዳላ 27—30.
 መስመር፡ ወድ፡ ገዳይን 316. 588—594.
 መንታይ፡ ወድ፡ ሐሪኸ 374. 376.
 መንታይ፡ ወድ፡ ዘርአት 212—213. 215.
 ምንዳል፡ ወድ፡ ሚካል 683. 684.
 መንደር፡ ወድ፡ መስመር 175.
 መንደር፡ ወድ፡ ፀቴል 696.
 መንደር፡ ወድ፡ ፈረጆላ 521—523. 525.
 ሚካል፡ ወድ፡ አቢብ 383.
 መድሐን 687.
 መዳን፡ ወድ፡ እዛዝ 499.
 መይበት፡ ወድ፡ በፀል-ገድ 235.

ረ

ረድኢ፡ ወድ፡ ጀሚል 639.

ሰ

ሰሊም፡ ወድ፡ ስሌማን 584.

ሰሊም፡ ወድ፡ ከሮፍ 529.
 ሰሊም፡ ወድ፡ ዛይይ 177.
 ሰሊም፡ ወድ፡ ገደም 544.
 (ወድ፡) ሰሊመት 635.
 ሳልማን፡ ወድ፡ መስመር 413—465.
 ስሌማን፡ ወድ፡ ፀሊ 524.
 ስሌማን፡ ወድ፡ ጭኑም 637. 638.
 ስልማን፡ ወድ፡ ስለል 342.
 ስልማን፡ ወድ፡ ሰሊም 224.
 ስልጣን፡ ወድ፡ ጣምድ 477—479.
 ሰመራ፡ ወድ፡ ሐላ 50—58. 60—62.
 ሰምራ፡ ወድ፡ ሙሳ 207—210.
 ሰምራ፡ ወድ፡ ትጃር 292.
 (እሲት፡) ሰመራርዑል 497.
 ሰዓ፡ ወድ፡ ድራር 579—580.

ሸ

(ወድ፡) ሸሎ 530.
 ሸለው፡ ደንገን 670.
 ሸተል 697.
 ሸኩራይ 367—371.
 ሸካይ፡ ወድ፡ ፍር 181—182.
 (ወድ፡) ሸካይት 651. Vielleicht identisch mit መሐመድ፡ ወድ፡ ሸካይት.
 ሸክጂን፡ ወድ፡ ሐመድ 193. 195—197.
 231.
 ሻውሽ፡ (ከንቴባይ፡) 469.
 ሻውሽ፡ ወድ፡ ነውረዳን 549.

ቀ

ቀጡም፡ ወድ፡ ሐማይ 112—119. 273.
 ቀጡም፡ ወድ፡ ሕድር-ማርያም 88.

በ

በርቅ፡ ወድ፡ አብርሃ 709.
 ብእምነት፡ (ከንቴባይ፡) 138—142. 190.

በኪት፡ ወድ፡ ሰምራ 375. 377.
በዐል፡ ቅዳት 636.
ባይራይ 176.
ባይራይ፡ ወድ፡ ረድኢ 392.
ቢጫይ፡ ወድ፡ ዜይ፡ 144. 174.

ተ

ተስፋምኤል፡ ወድ፡ አፍታይ 217. 218.
ተንሰኤው፡ ወድ፡ ሃኪን 713.
ተክልምኤል፡ ወድ፡ ሐቢብ 293. 294.
ተክልምኤል፡ ወድ፡ ክርዳይ 526.
ተክሌስ፡ ወድ፡ እይይ 263.
ተክፋራይ፡ ወድ፡ ቱድሮስ 706.
ተኩሽ፡ ወድ፡ ሙሳ 604—606.
ቱድሮስ፡ ወድ፡ አርቢይ 319.
ተጃር፡ ወድ፡ ገርጊስ 25. 26. 143.

ኀ

ኖር፡ ወድ፡ ጉሙሕ 406—408. 412.
ኖር፡ ወድ፡ ገቢል 178—180.
ንሱር 699.
ንሱር፡ ወድ፡ ሐመድ-ኬር 303—307.
ናገት፡ ወድ፡ አክቴ 621—632.
ነጫቢ፡ ወድ፡ አርቢይ፡ 315. 317. 318.

አ

ኤሎስ፡ ማይራይ 379. 380.
ኤሎስ፡ ወድ፡ ቱድሮስ 258. 283. 311.
313. 314.
አሚር፡ ወድ፡ ገቢህ 480—483. 485—494.
አስፈዳይ፡ ወድ፡ ክፍል-ገርጊስ 233.
234.
አሽሐቅ፡ ወድ፡ ነውረዳን 554.
አሽሐቅ፡ ወድ፡ አብሰላብ 146—149.
(ወድ፡) አቦ፡ ግራይ 698.
አብሰላብ፡ ወድ፡ ጀጊን 219.

አቢብ፡ ወድ፡ ትማርያም 162—172.
አቢብ፡ ወድ፡ መሐመድ 274. 275.
አንጠጣ፡ ወድ፡ ትጃር 295. 296.
እክይ፡ ወድ፡ እዛዘ 498.
እክይ፡ ወድ፡ ፍዴል 227.
አውዐላ፡ ወድ፡ መሐመድ፡ 1—3. 5—14.
እዛዘ፡ ወድ፡ ትምክሌል 378.
እዛዘ፡ ወድ፡ ጀሚል 546—548.
እዛዘ፡ ወድ፡ ፍዴል 226.
እይሱ፡ ወድ፡ ህብቱስ 512—515.
እይሱ፡ ወድ፡ መሐመድ 202—203.
እይይ፡ ወድ፡ እይይት 372. 373.
እይይ፡ ወድ፡ አግዳባይ 152—159. 161.
312.
ኢይደክል 689.
አዳላ፡ ወድ፡ ስናር 574.
ኢይም፡ ወድ፡ ዐጂብ 578.
እይ፡ ወድ፡ ሃኪን 327. 329. 331.

340. 343.

እይ፡ ወድ፡ ሐመድ 600. 601.
እይ፡ ወድ፡ አይጎይ 676.
እይ፡ ወድ፡ ገብሻ 276.
አይግ፡ ወድ፡ ሐመድ 186.

ከ

ከልብ፡ ወድ፡ ቱድሮስ 717.
ካምል፡ ወድ፡ አብሰላብ 216.
ካምል፡ ወድ፡ ገቢይ 150. 151.
ክፋል፡ ወድ፡ በኪት 583. 585.
ክፍሎም፡ ወድ፡ መስመር 300.
ካፈሊት፡ ወድ፡ ደርመስ 39—47. 82.

ወ

ወድ፡ ወለቲ 73. 74.
ወልድ-ገርጊስ፡ ወድ፡ ጀሃይ 232.

ዐ

- ዐሊ: ወደ: ሕመድ-ዳር 321.
- ዐሊ: ወደ: ፋይይ 394—404.
- ዐሊ-ኬር: ወደ: ዳይን 211. 221. 222.
- ዐሊ-ጃንጌ: ወደ: ሕመድ-ድራር 504—511.
- ዐማር: ወደ: ዐቅባይ 551. 552. 555.
- ዓምር: ወደ: ሕመዳይ 133—137.
- ዕመር: ወደ: ሕመድ 411.
- ዕምራን: ወደ: ከረም-በዝሕ 75—81. 83—87. 89.
- ዐብደላ: ወደ: መሐመድ 595. 640.
- ዐብደልቮክ: ወደ: ሕመድ 129—132.
- ዕትማን: ወደ: ሕመድ-ስዒይ 474—476.
- ዕትማን: ወደ: ዓምር 641—644.
- ዐንደሎይ: ወደ: አሚር 185.
- ዒደረት: ወደ: ህዳይ 516.
- ዐዳብ: ወደ: ሹማ 19.
- ዐጂብ 577.

ዘ

- ዘማም 206.
- ዘርኦይ 387.
- ዘውላይ 700.

የ

- የሐንስ: ወደ: ጀጊን 20—27.
- ይቦተት: ወደ: ተክሌስ 15—18.
- ይቦተት: ወደ: ዕቅቤስ 225.
- ይቦተት: ወደ: ዜይ 236.
- የዐቅብ: ወደ: አቢብ 183. 184.

ደ

- ደምር: ወደ: ግብጣን 4. 90—111.

ደርመስ: ወደ: ትንሽኤው 31—34.
 (ወደ:) ዳውራይ 381.

ጆ

- ጆሚል: ወደ: አሚር 214. 220. 296.
- ጆሚል: ወደ: ሐዘት 658.
- ጆምዕ: ወደ: ገላይዶስ 575. 576.
- ጆንጆር 672.
- ጃውጅ: ወደ: እዛዝ 270.
- (ሐዳን:) ጃውጅ 496.

ገ

- ገላይዶስ: ወደ: ሹካይ 679.
- ገላይዶስ: ወደ: ቴድሮስ 279—282.
- ገርማርያም: ወደ: ገብራይ 237—254.
- ገርጊስ: ወደ: ጆሚል 649.
- ጋብር: ወደ: ሙሳ 695.
- (ወደ:) ገደም 484. Vielleicht identisch mit ሰሊም: ወደ: ገደም ::
- ገዱፍ 520.

ጠ

ጥሉቅ: ወደ: ዒሳ 160.

ጨ

ጭኑም: ወደ: ደሪር 198.

ጳ

(አብ:) ጳጥሮስ 677.

ፈ

ፍቅሪት: ወደ: ሰሮም 284—286.
 ፍካክ 205. 692.

ፍካክ: (ከንቴባይ:) 715.

ፍካክ: ወይ: ገርጊስ 290.

ፋዘጋ: ወይ: ምግብ 711.

ፋገር: ወይ: ብያን 299. 716.

Anonym sind folgende Lieder: 223 (ዕምዴናይ); 255 (መንስሃይ); 264 (id.); 301 (von ቤተ-ሸሐቅን); 320, 385, 386, 388—391 (von ማርያ); 405 (von ጳው-

ራ); 470, 471 (von ዐይ-ተማርያም); 534, 535 (von ሐባብ); 573, 598 (von ዐይ-ተክሌስ); 645, 650; 652 (ጥጥ ዐት); 653—657; 659 (አፍባንዳይ); 660—662, 664—669; 671, 673, 674, 678, 680, 681, 682, 685, 686, 688, 690, 691, 693, 694, 701, 703, 704, 705, 707, 708, 710, 714 (alle aus ብሌን).

INHALT.

Einleitung	Seite VII
ሐይለት፡ መንሰዕ፡ ቤት-አብርሃ ።	I

Hier sind nur die Hauptüberschriften angeführt; die Namen der Dichter, die gegen die hier angeführten Dichter gesungen haben, finden sich jedoch im alphabetischen Verzeichnis.

1—14 አውባላ፡ ወይ፡ መሐመድ፡ ወለቅብላቱ ።	3
15—18 ደብተት፡ ወይ፡ ተክሌስ ።	13
19 ዐዳብ፡ ወይ፡ ሹማ ።	16
20—24 የሐንስ፡ ወይ፡ ጆጊን ።	17
25—26 ትጂር፡ ወይ፡ ገርጊስ ።	19
27—30 መስመር፡ ወይ፡ አዳላ ።	20
31—34 ደርመስ፡ ወይ፡ ትንስኤው ።	22
35—37 ሕመድ፡ ወይ፡ ደርመስ ።	25
38 ሕመድ፡ ወይ፡ ሰምራ ።	27
39—47 ካፈሊት፡ ወይ፡ ደርመስ ።	28
48—49 ሐምዶ፡ ወይ፡ አበከር ።	35
50—62 ሰመራ፡ ወይ፡ ሔላ፡ ወለቅብላቱ ።	36
63—72 ሀወሰባይ፡ ወይ፡ ዳፍላ ።	43
73—74 ወይ፡ ወለቲ ።	50
75—89 ዕምራን፡ ወይ፡ ከረም-በዘሕ፡ ወለቅብላቱ ።	53
90—111 ዳምር፡ ወይ፡ ግብጣን ።	69
112—119 ቅጡም፡ ወይ፡ ሐማይ ።	91
120—128 መሐመድ፡ ወይ፡ ዐምዴስ ።	98
129—132 ዐብደልሸክ፡ ወይ፡ ሕመድ ።	105
133—137 ዓመር፡ ወይ፡ ሕመዳይ ።	108
138—145 ከንቱባይ፡ ብእምነት፡ ወለቅብላቱ ።	111
146—149 እሽሐቅ፡ ወይ፡ አብሰላብ ።	115
150—151 ካምል፡ ወይ፡ ገባይ ።	116
152—161 እይይ፡ ወይ፡ አግዱባይ፡ ወለቅብላቱ ።	118
162—173 አቢብ፡ ወይ፡ ትማርያም፡ ወለቅብላቱ ።	124
174 ቢጫይ፡ ወይ፡ ዜይ ።	129

175 መንደር፡ ወይ፡ መስመር ። 130

176 ባይራይ፡ ወይ፡ መስመር ። 130

177 ሳልም፡ ወይ፡ ዛይይ ። 131

178—180 ኖር፡ ወይ፡ ገቢል ። 132

181—182 ሼካይ፡ ወይ፡ ኖር ። 133

183—184 የዐቅብ፡ ወይ፡ አቢብ ። 134

185 ዐንደሎይ፡ ወይ፡ አሚር ። 135

186 አይግ፡ ወይ፡ ሕመይ ። 135

187—194 መሐመይ፡ ወይ፡ ኤሎስ፡ ወለቅብላቸ ። 136

195—197 ሼካይን፡ ወይ፡ ሕመይ ። 139

198 ጭኑም፡ ወይ፡ ደሪር ። 141

199—201 ሐማይ፡ ወይ፡ ዓምር ። 141

202—203 እያሱ፡ ወይ፡ መሐመይ ። 142

204 መሐመይ፡ ወይ፡ ባይራይ ። 144

205 ፍካክ ። 145

206 ዝማም፡ ወይ፡ ዕንክር ። 145

207—211 ሰምራ፡ ወይ፡ ሙሳ፡ ወለቅብላቸ ። 147

212—215 መንታይ፡ ወይ፡ ዘርአት፡ ወለቅብላቸ ። 150

216 ካምል፡ ወይ፡ አብሰላብ ። 153

217—218 ተስፋምኤል፡ ወይ፡ አፍታይ ። 154

219 አብሰላብ፡ ወይ፡ ጀጊን ። 155

220 ጀሚል፡ ወይ፡ አሚር ። 156

221—222 ዐሊ-ኤር፡ ወይ፡ ዳይን ። 156

223 እናስ፡ ዕምዴናይ ። 157

224 ስልማን፡ ወይ፡ ሰሊም ። 158

225 ደብተት፡ ወይ፡ ዕቅቤስ ። 158

226 እዛዘ፡ ወይ፡ ፍዴል ። 160

227 እክይ፡ ወይ፡ ፍዴል ። 162

228—230 ህብት-ገርጊስ፡ ወይ፡ ጀግይ ። 162

231 ሼካይን፡ ወይ፡ ሕመይ ። 163

232 ወልይ-ገርጊስ፡ ወይ፡ ጀግይ ። 164

233—235 አስራዳይ፡ ወይ፡ ካፍል-ገርጊስ፡ ወለቅብላቸ ። 164

236 ደብተት፡ ወይ፡ ዜይ ። 166

237—254 ገርማርይም፡ ወይ፡ ገብራይ ። 166

255 መንስዓይ ። 181

256—261 ሕመይ፡ ወይ፡ መሐመይ፡ ወለቅብላቸ ። 182

262 መሐመይ፡ ወይ፡ በሀይማኖት ። 185

263 ተክሌስ፡ ወይ፡ እያይ ። 186

264 እናስ፡ ቤት-አብርሃ ። 186

265 ሕመይ፡ ወይ፡ ዓምር ። 187

ሐይለት ፡ መንሰዕ ፡ ቤት-ሸሐቀን ። 189

266—273 ከንቲባይ፡ መሐመይ፡ ወይ፡ ሐሳማ፡ ወለቅብላቸ ። 191

274—275 አቢብ፡ ወይ፡ መሐመይ ። 196

276	እድሪስ፡ ወድ፡ ገብሻ ።	201
277—282	ገላይዶስ፡ ወድ፡ ቱድሮስ፡ ወለቅብላቱ ።	205
283	ኤሎስ፡ ወድ፡ ቱድሮስ ።	207
284—286	ፍቅሪት፡ ወድ፡ ሰሮም ።	208
287—291	መሐመድ፡ ወድ፡ እዛዝ፡ ወለቅብላቱ ።	211
292	ሰምራ፡ ወድ፡ ትጃር ።	213
293—294	ተክልምኤል፡ ወድ፡ ሐቢብ ።	214
295—297	አንጠጣ፡ ወድ፡ ትጃር፡ ወለቅብላቱ ።	214
298	ሐዞት፡ ወድ፡ ፀኸከራይ ።	215
299	ፋግር፡ ወድ፡ ብደን ።	216
300—301	ክፍሎም፡ ወድ፡ መስመር ።	217
302	ልጃጅ፡ ወድ፡ ልባብ ።	217
ሐይለት ፡ ቤት—ጁክ ።		219
303—307	ንሱር፡ ወድ፡ ሐመድ-ኬር ።	221
308—310	ልጃም፡ ወድ፡ ፀከሳ ።	224
311—314	ኤሎስ፡ ወድ፡ ቱድሮስ፡ ወለቅብላቱ ።	228
ሐይለት ፡ ክልኤ ፡ ማርያ ።		231
315—320	ነጫቢ፡ ወድ፡ አርቢድ፡ ወለቅብላቱ ።	233
321	ዐሊ፡ ወድ፡ ሐመድ-ዳር ።	235
322—339	ሐመድ-ሱል፡ ወድ፡ ዕጁል፡ ወለቅብላቱ ።	241
340—343	እድሪስ፡ ወድ፡ ሃኪን፡ ወለቅብላቱ ።	253
344—366	ጋምድ፡ ወድ፡ ሸንገብ ።	255
367—371	ኸከራይ ።	266
372—373	እያይ፡ ወድ፡ እያያት ።	270
374—377	መንታይ፡ ወድ፡ ሐሪኸ፡ ወለቅብላቱ ።	271
378	እዛዝ፡ ወድ፡ ትምክኤል ።	273
379—380	ኤሎስ፡ ማርያይ ።	273
381	ወድ፡ ዳውራይ ።	275
382	ሚካል፡ ወድ፡ አቢብ ።	275
383	ሐረስታይ፡ ሐረውያ ።	276
384	ተላይ፡ ሐረውያ ።	276
385—391	ሰብ፡ ማርያ ።	276
ሐይለት ፡ ዐድ ፡ ትማርያም ።		281
392—393	ባይራይ፡ ወድ፡ ረድኢ፡ ወለቅብላቱ ።	283
394—404	ዐሊ፡ ወድ፡ ፋይድ ።	284
405	እናስ፡ ዳውራ ።	288
406—412	ኖር፡ ወድ፡ ገሙሕ፡ ወለቅብላቱ ።	288
413—466	ሳልማን፡ ወድ፡ መስመር ።	292
466—469	መሐመድ፡ ወድ፡ በሐይላይ፡ ወለቅብላቱ ።	322
470—471	ሰብ፡ ዐድ-ትማርያም ።	324
472—473	ዕመር፡ ወድ፡ ባሸቁር ።	328

474—476 ዕትማን፣ ወይ፣ ሕመይ፣ ስዒይ። 329
 477—479 ስልጣን፣ ወይ፣ ጥምይ። 330

ሐይለት ፡ ዐድ-ሀብቱስ ። (ሐባብ ።) 335

480—494 አሚር፣ ወይ፣ ገበህ፣ ወለቅብላቸ። 337
 495 መሐመይ፣ ወይ፣ ጃውጂ። 352
 496—497 ሕጻን፣ ጃውጂ፣ ወለቅብላቸ። 353
 498—499 እክይ፣ ወይ፣ እዛዘ፣ ወለቅብላቸ። 354
 500—503 መሐመይ፣ ወይ፣ መዳን። 355
 504—511 ዐሊ-ጃንጌ፣ ወይ፣ ሕመይ፣ ድራር። 359
 512—515 እያሱ፣ ወይ፣ ሀብቱስ። 363
 516—517 ዔደረት፣ ወይ፣ ህዳይ፣ ወለቅብላቸ። 366
 518—519 መሐመይ፣ ወይ፣ ዐሊ፣ ፋላት። 369
 520 ግዳፍ። 371
 521—525 መንደር፣ ወይ፣ ፈረጃላ፣ ወለቅብላቸ። 372
 526 ተክልምኬል፣ ወይ፣ ክርዳይ። 373
 527—528 ከንቱባይ፣ ጥምይ፣ ወይ፣ ሐሰን። 376
 529 ሰሊም፣ ወይ፣ ክሮፍ። 377
 530 ወይ፣ ሽሎ። 377
 531 ጥምይ፣ ወይ፣ ዐሊ። 379
 532 መሐመይ፣ ወይ፣ ፍቅሪት። 380
 533—534 ሕመይ-ግር፣ ወይ፣ ናይብ፣ ወለቅብላቸ። 381
 535 እናስ፣ ሐባብ። 382

ሐይለት ፡ ዐድ-ተክሌስ ። 383

536 መሐመይ፣ ወይ፣ እዛዘ። 385
 537—545 መሐመይ፣ ወይ፣ ግርሚት፣ ወለቅብላቸ። 389
 546—548 እዛዘ፣ ወይ፣ ጀሚል። 397
 549 ሻውኸ፣ ወይ፣ ነውረዳን። 400
 550 ሀብቱስ፣ ወይ፣ ነውረዳን። 402
 551—555 ዐማር፣ ወይ፣ ዐቅባይ፣ ወለቅብላቸ። 403
 556—572 ጥምይ፣ ወይ፣ ዐማር። 406
 573 እናስ፣ ዐድ፣ ተክሌስ። 417
 574 አዳላ፣ ወይ፣ ስናር። 418
 575—576 ጅምዕ፣ ወይ፣ ገላይደስ። 419
 577 ዐጂብ። 419
 578 ኔይም፣ ወይ፣ ዐጂብ። 420
 579—580 ሰዓ፣ ወይ፣ ድራር። 422
 581 ሕመይ፣ ወይ፣ በርደይ፣ ሃ። 423
 582 መሐመይ፣ ወይ፣ ሕመይ። 424
 583—585 ክፋል፣ ወይ፣ በኪት፣ ወለቅብላቸ። 424
 586 ሕመይ፣ ወይ፣ ድዌዳ። 426
 587—588 ሼክ፣ ዐሊ፣ ወይ፣ ሼክ፣ ጥምይ፣ ወለቅብላቸ። 426
 589—594 መስመር፣ ወይ፣ ገዳይን። 427

595 ዐብደሻ፡ ወድ፡ መሐመድ ። 430
 596 ሓምድ፡ ወድ፡ ግሩብ ። 441
 597 ሃኪን፡ ጥራይ ። 441
 598 እናስ፡ ዐድ፡ ተክሌስ ። 442

ሐይለት ፡ ቤት-መዐላ ፡ ወቤት-በዐሾ ። 443

599 ሕመድ፡ ግሩብ ። 445
 600—601 እድሪስ፡ ወድ፡ ሕመድ፡ ግሩብ ። 445
 602—603 መሐመድ፡ ወድ፡ ክሜል ። 446
 604—607 ተኩሽ፡ ወድ፡ ሙሳ፡ ወለቅብላቹ ። 449
 608—620 ሕመድ፡ ወድ፡ ዐጋት ። 450

ሐይለት ፡ ጅመጃን ። 461

621—632 ናገት፡ ወድ፡ አክቴ ። 463


ሐይለት ፡ ሕበር ፡ መን ፡ በናቢን ፡ ዐዶታት ። 471

633 ሕመድ-ኖር፡ ወድ፡ ሺተል፡ በትሩ ። 473
 634 መሐመድ-ኖር፡ ወድ፡ ሺተል፡ በትሩ ። 474
 635 ወድ፡ ሰለመት ። 475
 636 በዐል፡ ቅዳት ። 475
 637—638 ስሌማን፡ ወድ፡ ጭሩም ። 476
 639 ረድኢ፡ ወድ፡ ጀሚል ። 477
 640 ዐብደላ፡ ወድ፡ መሐመድ ። 478
 641—644 ዕትማን፡ ወድ፡ ዓምር ። 479
 645 ዎሮት፡ እናስ ። 482
 646—648 ሙሳ፡ ወድ፡ ግራ ። 483
 649 ገርጊስ፡ ወድ፡ ጀሚል ። 485
 650 ዎሮት፡ እናስ ። 486
 651 ወድ፡ ሸካይት ። 487
 652 እናስ፡ ሞጥዐት ። 487
 653—657 ዎሮት፡ እናስ ። 488
 658 ጀሚል፡ ወድ፡ ሐዘት ። 490
 659 እናስ፡ አፍላንዳ ። 491
 660—662 ዎሮት፡ እናስ ። 491
 663 ሕሴን፡ ወድ፡ ኬራይ ። 493
 664—669 ዎሮት፡ እናስ ። 494
 670 ሸለው፡ ደንገን ። 498


ሐይለት ፡ ብሌን ። 499

671 እናስ፡ ብሌን ። 501
 672 ጀንጀር ። 501
 673—674 እናስ፡ ብሌን ። 502
 675 ሐምዴ፡ ወድ፡ ራኪ ። 503
 676 እድሪስ፡ ወድ፡ አድጎይ ። 503

677—678	አብ፡ጳጥሮስ፡ወለቅብላቱ።	504
679	ገላይደስ፡ወድ፡ሸካይ።	505
680—682	ዎሮት፡እናስ።	506
683—684	ምንዳል፡ወድ፡ሜካል።	507
685—686	ዎሮት፡እናስ።	507
687	መድሐን።	509
688	ዎሮት፡እናስ።	510
689	ኢይደክል።	510
690—691	እናስ፡ዎሮት።	510
692	ፍካክ።	511
693—694	ዎሮት፡እናስ።	512
695	ጋብር፡ወድ፡ሙሳ።	512
696	መንደር፡ወድ፡ዕቴል።	513
697	ሺተል።	513
698	አቦ-ግራይ።	513
699	ንሱር።	515
700	ዛውላይ።	515
701	እናስ፡ብሌን።	516
702	ህዳድ፡ወድ፡ረካ።	517
703—705	ዎሮት፡እናስ።	517
706	ተክሩራይ፡ወድ፡ቴድሮስ።	521
707—708	ዎሮት፡እናስ።	522
709	በርቅ፡ወድ፡አብርሃ።	522
710	ዎሮት፡እናስ።	523
711	ፋዘጋ፡ወድ፡ምግብ።	523
712	ሙሳ፡ወድ፡ምግብ።	524
713	ትንሽኤው፡ወድ፡ሃኪን።	524
714	ዎሮት፡እናስ።	526
715	ከንቲባይ፡ፍካክ።	526
	ተውሳክ።	527
716	ፋግር፡ወድ፡ብይን።	527
717	ክልብ፡ወድ፡ቴድሮስ።	530
	Alphabetisches Verzeichnis der Dichter.	531







537345

AnF
L7814pu

Littmann, Enno
Publications of the Princeton Expedition
to Abyssinia.

**University of Toronto
Library**

**DO NOT
REMOVE
THE
CARD
FROM
THIS
POCKET**

Acme Library Card Pocket
LOWE-MARTIN CO., LIMITED

UTL AT DOWNSVIEW



D RANGE BAY SHLF POS ITEM C
39 12 29 07 08 013 6